


Գիրքը լուսապատճենվել և համացանցում է տեղադրվել [Գրքամոլ](#) [Նախաձեռնության](#) կողմից:

Բոլորի կողմից սիրված [Գրքամոլ](#)-ը սկսել է մի նախաձեռնություն, որի նպատակն է համացանցում էլեկտրոնային տարբերակով տեղադրել բոլոր այն գրքերը, որոնք սիրված են հայ ընթերցասերների կողմից և ցանկանում են դրանք ընթերցել նաև էլեկտրոնային տարբերակով: Ժամանակի ընթացքում մեր կողմից համացանցում կհայտնվեն բոլոր այն գրքերը, որոնք մինչ այս ինչ-ինչ պատճառներով ձեզ համար եղել են դժվար ձեռքբերելի:

Գրքամոլը, ունենալով իր ուրույն տեղը համացանցում, իր առջև նպատակ է դրել հասարակության մեջ բարձրացնել սերը դեպի ընթերցանությունը, առաջացնել հետաքրքրություն դեպի դասական և արդի գրականությանը, և կոտրել բոլոր այն կարծրատիպերը, թե այսօրվա հայ իրականության մեջ ընթերցողներ չկան:



Միտելի՛ ընթերցողներ, մենք շատ ուրախ կլինենք, եթե կլինեն մարդիկ, ովքեր կցանկանան օգնել մեզ այս հանրօգուտ գործում: *Էլեկտրոնային գրքերի պատրաստման և մեր կայքում դրանք տեղադրելու հարցում մենք չունենք որևէ շահ և չենք չհետապնդում որևէ եկամուտ*, բացի հայ և արտասահմանյան գրականությունը հայ ընթերցասերներին հասանելի դարձնելուց, և մենք բաց ենք բոլոր նվիրյալ և օգնել ցանկացող մարդկանց համար: Եթե դուք ունեք լուսապատճենահանման սարքեր, և ուզում եք միանալ մեր կողմից ձեռնարկվող այս հանրօգուտ գործին, ապա գրեք մեզ [grqamol@gmail.com](mailto:grqamol@gmail.com) էլ. հասցեով:

Շնորհակալություն, որ հետևում եք մեզ: Ցանկանում ենք բոլորիդ հաճելի ընթերցանություն:

**Գրքամոլ Նախաձեռնություն**

2014 © Grqamol. All Rights Reserved.

URL: [www.grqamol.am](http://www.grqamol.am), e-mail: [grqamol@gmail.com](mailto:grqamol@gmail.com)

ԲԵՐԴՈՐ  
ԲԱՅՉԵՐ

2

Ո Ե Ո Ղ Ո Ր  
Ղ Ր Ա Յ Զ Ե Ր

ԵՐԿԵՐԻ ԺՈՂՈՎԱԾՈՒ

Տ Ա Ս Ը  
ՆԱՏՈՐՈՎ

„ՀԱՅԱՍՏԱՆ“ հրապարակչություն  
Երևան 1966

Ո Ե Ո Ղ Ո Ր  
Ղ Ր Ա Յ Ձ Ե Ր

ԵՐԿԵՐԻ ԺՈՂՈՎԱԾՈՒ  
Ն Ա Տ Ո Ր  
ԵՐԿՐՈՐԴ

ԶԵՆՆԻ ԳԵՐՆԱՐԴ

ՀԱՅԱՍՏԱՆ" հրապարակչություն  
Երևան 1966



Ռուս. թարգմ.՝ Հ. Հարությունյան

ТЕОДОР ДРАЙЗЕР

Собрание сочинений в десяти томах

Том II

ДЖЕННИ ГЕРХАРДТ

(На армянском языке)

Издательство «Айастан»

Ереван, 1966

## Գ Լ ՈՒՒՍ I

1880 թվականի աշնանային մի առավոտ տարեց մի կին մոտ տասնութ տարեկան մի աղջկա ուղեկցությամբ մտավ Կոլումբուս քաղաքի (Օհայո նահանգ) գլխավոր հյուրանոցը և կլերկին մոտենալով հարցրեց, թե իր համար որեւէ աշխատանք չի՞ լինի հյուրանոցում: Նա լիքը-լիքը կին էր, բայց ոչ ամրակազմ, իրեն պահում էր համեստ ու հասարակ: Նրա զեմքը պայծառ էր ու շիտակ, խոշոր աչքերը նայում էին հեշտ ու համբերատար, և նրանց մեջ նշմարվում էր թախծի մի ստվեր, որ հասկանալի է միայն նրան, ով առիթ է ունեցել կարեկցանքով նայելու հոգսերի տակ ճզմված անօգնական, չքավոր մարդու զեմքին: Դժվար չէր հասկանալ, թե որտեղից են նրա դատեր երկշտտությունն ու ամոթխածությունը, որոնք այժմ նրան ստիպում էին մոր ետևում մնալ և շինծու անտարբերությամբ մի կողմ նայել: Այդ աղջկա բնավորության մեջ երևակայությունը, անդարդացած, բայց պոետական մտքի նրբալզացությունն ու զգայնությունը, որ ժառանգել էր մորից, զուգակցվում էին հորից ստացած լրջությանն ու հավասարակշռությանը: Այդ կանանց կարիքն չէր բերել այստեղ: Նրանք ներկայացնում էին ազնիվ աղքատության այնպիսի մի հուլիչ մարմնացում, որ նույնիսկ կլերկի կարեկցանքը շարժեցին:

— Իսկ ինչպիսի՞ աշխատանք եք լինտրում դուք, — հարցրեց նա:

— Գուցե ձեզ հարկավոր լինի որեւէ տեղ կարգի բերել

կամ մաքրել,— անհամարձակ պատասխանեց կինը:— Ես կարող եմ հատակ լվանալ:

Այս խոսքի վրա աղջիկը կուշ եկավ, ոչ նրա համար, որ աշխատել չէր ուզում, այլ որովհետև դառնանում էր, որ մարդիկ կհասկանան, թե ինչպիսի ծայրահեղ կարիքն է նրանց ստիպում սև աշխատանքի անցնել: Կլերկը, ինչպես վայել (է տղամարդուն, շատ զգացվեց գեղեցիկ աղջկա վշտից: Ինչ ասել կուզի, որ աղջկա միամտության ու անօգնականության պատճառով նրանց վիճակը շատ ավելի ծանր էր թվում:

— Սպասեք մի րոպե,— ասաց կլերկը և, գրասենյակ մտնելով, իր մոտ կանչեց ավագ սպասուհին:

Հյուրանոցում իրոք որ աշխատանք գտնվեց: Գլխավոր սանդուղքն ու նախասրահը մնացել էին առանց մաքրելու, որովհետև մշտական հատակ մաքրողն աշխատանքից ազատվել էր:

— Այն նրա աղջիկն է,— հարցրեց ավագ սպասուհին, հեռվից նայելով կանանց:

— Երևի:

— Լավ, թող հենց այսօր էլ աշխատանքի անցնեն: Աղջիկը, երևի, օգնելով է մորը:

— Խոսեցեք ավագ սպասուհու հետ,— սիրալիր ասաց կլերկը, իր սեղանի մոտ վերադառնալով:— Անցեք այստեղ,— նա մատով ցույց տվեց կողքի դուռը,— Ավագ սպասուհին ձեզ հետ ամեն ինչի մասին կպայմանավորվի:

Այս տեսարանը կարելի է համարել ողբերգական բոլորումը դժբախտությունների ու ճախորդությունների այն երկար շարանի, որ ծանրացել էր ապակեգործարանի բանվոր Ուիլյամ Գերհարդի և նրա ընտանիքի գլխին: Այդ մարդը զրկվել էր աշխատանքից,— բախտի այսպիսի հեղհեղուկությունը լավ ծանոթ է թշվառ աշխատավորներին,— և հիմա սրտի դողով էր դիմավորում ամեն մի առավոտը, չիմանալով, թե նոր օրը ինչ կբերի իրեն, կնոջը և վեց երեխաներին, որովհետև նրանց հացն հանապազօրյա կախված էր դիպվածի քմայքից: Ինքը՝ Գերհարդը, հիվանդության պատճա-

սույլ գամված էր անկողնին: Նրա ավագ որդի Սեբաստիանը, կամ, ինչպես մտերիմներն էին կոչում, Բասսը որպես օժանդակ բանվոր էր աշխատում տեղական վագոնաշինական արհեստանոցում, բայց շաբաթական ստանում էր ընդամենը չորս դոլար: Ավագ դուստրը՝ Զեննին, արդեն բոլորել էր տասնութ տարին, բայց դեռ նրան ոչ մի արհեստ չէին սովորեցրել: Գերհարդն ուրիշ երեխաներ էլ ուներ՝ տասնչորսամյա Զորջը, տասներկուամյա Մարթան, տասնամյա Ուիլյամը և ութամյա Վերոնիկան: Սրանք դեռ շատ փոքր էին աշխատելու համար, և հարկավոր էր սրանց բոլորին կերակրել: Ընտանիքի միակ ունեցվածքը և հույսը Գերհարդին պատկանող տունն էր, բայց այն էլ գրավ էր դրված վեց հարյուր դոլարով: Գերհարդն այդ գումարը պարտք էր վերցրել այն ժամանակ, երբ իր ամբողջ խնայողությունը տղանը գնելու վրա ծախսելուց հետո մտածել էր նրան կից էլի մի երեք սենյակ ու պատշգամբ կառուցել, որպեսզի ընտանիքն ավելի աղատ ապրի: Գրավաթուղթը լրիվ մարեցու ժամկետին դեռ մի քանի տարի կար, բայց այնպիսի ծանր ժամանակներ էին սկսվել, որ ստիպված էին եղել ծախսել այն փոքրիկ գումարն էլ, որ ետ էին դրել՝ հիմնական պարտքի մի մասը և տարեկան տոկոսները վճարելու համար: Այժմ Գերհարդը միանգամայն անօգնական վիճակում էր և գիտակցում էր, որ իր դրույթյունը հուսահատական է. մի կողմից բժշկի պարտքը, մյուս կողմից գրավագումարի չվճարված տոկոսները, ի՛նչ չենք խոսում մսավաճառի ու հացավաճառի պարտքերի մասին, որոնք հույս դնելով նրա անբասիր ավնվության վրա՝ վստահել էին պարտքով մթերք բաց թողնել մինչև վերջին հնարավորությունը, — այս ամենը հալումաշ էր անում նրան և խանգարում հաղթահարել իր հիվանդությունը:

Տիկին Գերհարդն ամենևին էլ վհատվող կին չէր: Նա սկսել էր լվացք վերցնել, եթե հաջողվում էր պատվիրատու գտնել, իսկ մնացած ժամանակը երեխաների համար կար ու կարկատան էր սնում, նրանց դպրոց էր տանում, եփում-ֆրափում էր, հիվանդ ամուսնուն էր խնամում և, պատահում

էր, լաց էր լինում: Հաճախ նա գտնում էր որեւէ մի նոր նպարեղենի խանութ,— ամեն անգամ իրենց տնից ավելի ու ավելի հեռու,— և սկզբում կանխիկ վճարելուց հետո ըսկընում էր ապառիկ գնումներ անել, քանի դեռ ուրիշ խանութպանները չէին նախազգուշացրել դյուրահաւատ բարերարին: Եգիպտացորենն ամենաէժանն էր: Միսիս Գերհարդը մի լիքը կաթսա եգիպտացորեն էր խաշում և այդ ուտելիքը, որ համարյա միակն էր, բավականացնում էր մի ամբողջ շաբաթ: Եգիպտացորենի ալյուրից եփված խաշիլը նույնպես ավելի լավ էր, քան ամենեւին ոչինչ չլինելը, իսկ եթե հաջողվում էր խաշիլին մի քիչ էլ կաթ ավելացնել, արդեն համարյա թե խնջույք էր դառնում: Տապակած կարտոֆիլը Գերհարդների տանը ամենաշքեղ ճաշատեսակն էր համարվում, սուրճը՝ հազվադեպ հյուրասիրություն: Ածուխ նրանք ձեռք էին բերում դուլերն ու վամբյուղները ձեռքներին մոտակա երկաթուղային դեպոյի ոլորապտույտ ճանապարհներին շրջելով: Վառելափայտն էլ ճարում էին նույնպիսի արշավներ կատարելով դեպի մոտակա փայտի պահեստները: Այսպես նրանք մի կերպ յուր էին գնում, ամեն ժամ հուսալուի, թե հայրը կլավանա և նորից աշխատանքը կվերսկսվի ապակու գործարանում: Բայց ձմեռը մոտենում էր, և հուսահատությունն ավելի ու ավելի էր համակում Գերհարդին:

— Ես պետք է անպայման շուտ դուրս պրծնեմ այս պատմությունից,— հաճախ ասում էր համառ գերմանացին, նրա քիչ արտահայտիչ ձայնն անզոր էր հաղորդելու իր հոգին մաշող անհանգստությունը:

Ի լրումն բոլոր դժբախտությունների՝ փոքրիկ Վերոնիկան էլ կարմրուկ ընկավ, և մի քանի օր շարունակ նրա կյանքը վտանգի տակ էր: Մայրը բոլոր գործերը թողած՝ չէր հեռանում երեխայից և աղոթում էր: Բժիշկ էլուտնգերը կարեկցության մղումով ամեն օր այցելում էր հիվանդին: Լուծերական քահանա պատուր Վունդը ներկայանալով մխիթարում էր սուրբ եկեղեցու անունից: Նրանք երկուսն էլ մոռալ կեղծ-բարեպաշտության ոգի էին բերում տուն: Դրանք բարձրագույն ուժերի ամբողջովին սևազգեստ առաք-

յալներն էին: Միսիս Գերհարդը կարծում էր, թե կորցնում է իր աղջկան, և թախիծը սրտում արթուն նստում էր նրա անկողնի կողքին: Երեք օր հետո վտանգն անցավ, բայց տանը ոչ մի պատառ հաց չկար: Սեբաստիանի ստացած փողը դեղորայքի վրա էր ծախսվել: Միայն ածուխն էր հաջողվում ձրիաբար ձեռք բերել, բայց արդեն, մի քանի անգամ երեխաներին դուրս էին քշել դեպոյից: Միսիս Գերհարդը մտքում ծանրութեթե էր արել, թե ուր կարող է դիմել աշխատանք գտնելու համար և, հաջողության որևէ հույս չունենալով, եկել էր հյուրանոց: Եվ ահա, հրա՛շք, նրա բախտը բանեց:

— Որքա՞ն եք ցանկանում, — հարցրեց տվագ սպասուհին:

Միսիս Գերհարդն ամենևին չէր մտածել, թե իրեն այդպիսի հարց կտան: Բայց կարիքը քաջություն տվեց նրան:

— Օրական մեկ դոլլար: Շատ չէ՞:

— Լավ, — ասաց տվագ սպասուհին: — Շաբաթական մի երեք օրվա գործ կլինի: Եկեք ամեն օր կեսօրից հետո, և լրիվ տեղեկություն կստանաք:

— Շնորհակալ եմ, — ասաց միսիս Գերհարդը: — Կարելի՞ է հենց այսօր սկսել:

— Այո: Գնանք, ես ձեզ ցույց կտամ որտեղ են դուլներն ու լաթերը:

Այն հյուրանոցը, ուր այդպես անսպասելիորեն ընկել էին նրանք, այն ժամանակների և Կոլումբուս քաղաքի համար շատ նշանակալից հաստատություն էր: Կոլումբուսը, որ նահանգի մայրաքաղաքն է, հիսուն հազարի չափ բնակիչ ունի, ըստ որում այստեղ միշտ էլ մեծ թվով եկվորներ են լինում, հետևապես քաղաքում պետք է բարգավաճեին հյուրանոցները, և այս հանգամանքն օգտագործվում էր լավուպույն ձևով, համենայն դեպս քաղաքացիները հպարտությամբ այդպես էին մտածում: Հինգհարկանի հսկայական շենքը դռնվում էր Կոլումբուսի կենտրոնական հրապարակի վրա, որտեղ էին նաև նահանգի օրենսդրական ժողովի շենքը և խոշորագույն խանութները: Հյուրանոցի ընդարձակ



Նախասրահը հենց վերջերս վերազարդարվել էր: Հատակը և հղկված մարմարով երեսապատված պատերը խնամքով մաքրվում էին և շողում էին սպիտակութունից: Դեպի վեր էր տանում մի հոյակապ սանդուղք, որի ճաղերն ընկուզենու փայտից էին, իսկ աստիճաններին փռված ուղեգորգը սմրացված էր պղնձյա ձողիկներով: Նախասրահի մի անկյունում զգալի տեղ էր գրավում այն սեղանը, որի վրա լրագրեր ու սիգարներ էին վաճառում: Սանդուղքի տակ էր գտնվում հերթապահ կլերկի սեղանը և հյուրանոցի վարչության գրասենյակը: Ամեն ինչ դրվագված էր լավագույն տեղակի փայտով և զարդարված գազե լապտերներով, որ այն ժամանակներում նորութուն էր: Նախասրահի ծայրում տեղավորված էր վարսավիրանոցը, որի բաց դռնից երևում էին բազկաթոռներն ու սափրելու շողշողուն սարքերը: Հյուրանոցի առաջ միշտ կարելի էր տեսնել երկու կամ երեք հանդակառք, որոնք գնում-գալիս էին գնացքների շվացուցակին: ճամպատտոսխան:

Այս հյուրանոցում իջևանում էին նահանգի խոշորագույն քաղաքական ու հասարակական գործիչները: Մի քանի նահանգապետ հերթով այն դարձրել էին իրենց նստավայրը: Միացյալ Նահանգների երկու սենատորները, երբ գործը նրանց Կոլումբուս էր բերում, անպայման լյուքս-համարներ էին զբաղեցնում այս հյուրանոցում: Նրանցից մեկին, սենատոր Բրենդերին, հյուրանոցի տերը համարյա իր մշտական բնակիչն էր համարում, քանի որ արդեն հասակն առած այդ ամուրի մարդը Կոլումբուսում ուրիշ տուն չունեի, բացի հյուրանոցից: Մյուս ավելի պակաս նստակյաց այցելուների մեջ կային կոնգրեսի և նահանգի օրենսդրական ժողովի անդամներ, ինչպես նաև կուլուարային քաղաքագետներ, վաճառականներ, փաստաբաններ, բժիշկներ և, վերջապես, ով ասես, որ չէր լինում այնտեղ: Այդ ամբողջ բազմապիսի հասարակությունը գալիս ու գնում էր, և հյուրանոցն ապրում էր կալեյդոսկոպիկ խայտաբղետ ու աշխույժ կյանքով:

Մայրն ու աղջիկը, որոնց բախտը հանկարծակի գցել էր այս կուրացուցիչ աշխարհը, խիստ ահակալել էին: Նրանք

հաղիվ չին սիրտ անում որևէ բանի ձեռք տալ: Կարմիր ուղեգորգով ծածկւած լայն միջանցքը, որը պետք է նրանք մաքրեին, պալատի պես հոյակապ էր թվում: Նրանք սիրտ չէին անում հայացքները բարձրացնել և խոսում էին շշուկով: Իսկ երբ պետք է մաքրեին հոյակապ սանդուղքը և սղինձյա ձողերն ու ճաղերը, երկուսն էլ ստիպված էին օգնության կանչել իրենց ամբողջ արիությանը, մայրը՝ որպեսզի հաղթահարի իր երկշտուկությունը, աղջիկը՝ որպեսզի հաղթահարի ամոթը, որ ստիպված է բոլորի աչքի առաջ այդ դործով ղբաղվել: Նրանցից ներքև փուլած էր ընդարձակ նախասրահը, և բոլորը, ովքեր այնտեղ հանգստանում, ծըխում էին կամ գնում-գալիս, կարող էին նրանց երկուսին էլ տեսնել:

— Որքան գեղեցիկ է այստեղ, չէ՞, — շնչաց Զեննին և յիս սեփական ձայնից ցնցվեց:

— Այո, — կամացուկ արձագանքեց մայրը, որը ծունկ շոքած եռանդով մզում էր լաթերը:

— Երևի այստեղ ապրելու համար շատ ու շատ փող է հարկավոր:

— Այո, — ասաց մայրը: — Չմոռանաս մաքրել ահա այս անկյունները: Տես, ինչքան կեղտ ես թողել:

Զեննին այդ նկատողությունից վշտացած՝ եռանդով դործի անցավ և սկսեց քսմսել ամբողջ ուժով, այլևս չհամարձակվելով այս ու այն կողմ նայել:

Ամբողջ եռանդով, առանց ձեռքները խնայելու, նրանք ուշխատում էին մինչև ժամը հինգը: Դուրսն արդեն մութն էր, և նախասրահը պայծառ լուսավորվել էր: Սանդուղքը լվանալի վերջացրին. մնում էր միայն ամենացածի մի բանի աստիճանը:

Այդ ժամանակ բացվեց երկփեղկանի լայն դուռը, որ շուտ-շուտ բացուխուփ լինելով փողոցից պաղ օդի հոսանք էր ներս թողնում, և ներս մտավ մի բարձրահասակ, տարեց մարդ՝ ցիլինդրը գլխին, զինվորական ձևի լայն թիկնոցն ուսերին: Այս մարդը խիստ աչքի էր ընկնում պարապ-սարապ ամբոխի ֆոնի վրա. իսկույն երևում էր, որ ծանրակշիռ

մարդ է: Նրա դեմքը թուխ էր, շեշտված դիմագծերով, բայց շիտակ էր ու դուրեկան: Շողշողուն աչքերի վրա կախվել էին սև, թավ հոնքերը: Քայլելիս սեղանից վերցրեց իր համար այնտեղ դրված բանալին և սկսեց սանդուղքով վեր բարձրանալ:

Նա ոչ միայն զգուշությամբ անցավ լաթը ձեռքին ուշխատող հասակավոր կնոջ մոտով, այլև բարեհամբույր տեսքով ձեռքը թափ տվեց նրա վրա, կարծես ասելով. «Ոչինչ, ևս կանցնեմ»:

Այդ րոպեին աղջիկը վեր կացավ և այնպես պատահեց, որ կանգնեց ուղիղ նրա դեմ-դիմաց. նրա աչքերից երևում էր, որ շատ է վախեցել, թե ինչու այդ մարդու ճանապարհին բուսավ ինքը:

Մարդը սիրալիր ժպտաց և գլուխ տվեց:

— Իզուր եք անհանգստանում,— ասաց նա:

Ջեննին որպես պատասխան միայն ժպտաց:

Մի հարթակ վեր բարձրանալով, մարդը ինքնաբերաբար շուռ եկավ և, աղջկան նայելով, համոզվեց, որ նա, ինչպես և թվացել էր առաջին հայացքից, արտասովոր գեղեցիկ աղջիկ է: Նա նկատեց աղջկա լայն, մաքուր ճակատը, ուղիղ երկու հավասար մասի սանրված ու ծամ արած մազերը, կապուտակ աչքերը և դեմքի սքանչելի գույնը: Հիացմունքով նկատեց նույնիսկ նրա գեղեցիկ կորույթյամբ շրթերը, համարյա մանկական դեմքի ձվաձևությունը և բարեկազմ, նրբագեղ իրանը, որ մարմնացումն էր նրա ջահելություն, առողջություն ու հույսերի— այն ամենի, ինչ այնքան բարձր է գնահատում արդեն հասակն առած մարդը: Հետո նա արժանապատվությամբ առաջ գնաց, այլևս ոչ մի սնգամ չնայելով աղջկա կողմը, բայց մտքում տանելով նրա չքնաղ պատկերը: Այդ մարդը հարգարժան սենատոր Ջորջ Սիլվեստր Բրենդերն էր:

— Ի՞նչ գեղեցիկ էր այն մարդը, որ հենց նոր վերև բարձրացավ, չէ՞, մայրիկ,— քիչ լռելուց հետո խոսեց Ջեննին:

— Այո,— հաստատեց մայրը:

— Նրա ձեռնափայտի դլխիկն արծաթից էր:

— Հարկավոր չէ մարդկանց նայել,— խրատական տո-  
նով ասաց մայրը:— Լավ բան չէ:

— Ես նրան չէի նայում,— միամտորեն առարկեց  
Ջեննին:— Նա ինքն ինձ գլուխ տվեց:

— Կարիք չկա, որ նայես մարդկանց,— ասաց մայրը:—  
Գուցե այդ նրանց դուր չի գալիս:

Ջեննին նորից լուռ գործի անցավ, բայց այս զարմա-  
նալի աշխարհի փայլը չէր կարող չղբաղեցնել նրա միտքը:  
Նա ակամա ականջ էր դնում շուրջը տիրող անշուշտ խոսակ-  
ցություններին ու ծիծաղին, որոնք միաձուլվելով դառնում  
էին մի ընդհանուր դժոխք: Առաջին հարկի մի ծայրում ռես-  
տորանն էր, որտեղից ամանեղենի զրնգոց էր լսվում և զրժ-  
վար չէր հասկանալ, որ այնտեղ ընթրիքի սեղան են բաց  
անում: Մյուս ծայրում հյուրասրահն էր, որտեղ ինչ-որ մեկը  
դաշնամուր էր նվագում: Ամեն ինչի մեջ զգացվում էր ուրա-  
խություն, անբռնազբոսիկ տրամադրություն, որ սովորա-  
կան բան է երեկոյան խնջույքից առաջ: Դա խեղճ աղջկա  
ուրտին ստիպում էր տրոփել հույսով, որովհետև նա ջահել էր,  
և կարիքը դեռ իր ամբողջ ծանրությամբ չէր ճնշել նրա հո-  
գին: Նա շարունակում էր ջանասիրությամբ լվանալ ու  
մաքրել և երբեմն մոռանում էր իր կողքին աշխատող խոն-  
ջացած մորը, որի բարի աչքերը շրջապատված էին կնճիռ-  
ների ցանցով, իսկ շրթունքներն անձայն կրկնում էին ամեն-  
օրյա հոգսերի անվերջանալի շարանը: Աղջիկը կարող էր  
մտածել միայն, թե որքան հրապուրիչ է շրջապատը, և նա  
ցանկանում էր, որ իրեն էլ մի քիչ բաժին ընկնի այդ փայլից  
և ուրախությունից:

Ժամը հինգն անց կեսին ավագ սպասուհին, մորն ու  
աղջկան մտաբերելով, եկավ նրանց արձակելու: Սանդուղքը  
մաքրելն ավարտել էին: Նրանք նրանից բաժանվեցին թե-  
թևվացած շունչ առնելով և դուլլերն ու լաթերն իրենց տեղը  
դնելով՝ շտապեցին տուն, ըստ որում, մայրը շատ գոհ էր,  
որ վերջապես աշխատանք է գտել:

Նրանք քայլում էին դեղեցիկ, խոշոր շենքերի մոտով,

ն Զեննին նորից զգում էր այն աղոտ հուզմունքը, որ արթնացրել էր նրա մեջ հյուրանոցում իր ամբողջ տեսածի նորությունն ու անսովորությունը:

— Ի՞նչ լավ է հարուստ լինել, չէ՞,— հարցրեց նա:

— Այո,— արձագանքեց մայրը, մտածելով հիվանդ վերոնիկայի մասին:

— Դու տեսա՞ր, ինչ մեծ ճաշարան ունեն նրանք այնտեղ:

— Այո:

Այժմ նրանք քայլում էին ցածրիկ տների մոտով, նրանց ոտքերի տակ անկյանք խշխշում էին աշնանային տերևները:

— Ի՞նչ լավ կլիներ, որ մենք հարուստ լինեինք,— համարյա ինքն իրեն մրմնջում էր Զեննին:

— Չգիտեմ ինչ անեմ,— ծանր հառաչանքով ասաց մայրը:— Տանը, երևի, ուտելու ոչինչ չկա:

— Արի մի անգամ էլ գնանք միստր Բաումենի մոտ,— աշխույժ կարեկցությամբ արձագանքեց Զեննին, որին հուզել էր մոր ձայնի մեջ հնչող անհուսալիության նոտան:

— Կարծում ես նա էլի՞ կհավատա մեզ:

— Մենք նրան կասենք, որ աշխատանք ենք գտել: Ես ինքս կասեմ:

— Լավ,— հոգնած համաձայնեց մայրը:

Տուն հասնելուն դեռ երկու փողոց էլ մնացել էր, երբ նրանք մտան նպարեղենի աղոտ լուսավորված փողոցի խանութը: Միսիս Գերհարդն ուզում էր խոսել, բայց Զեննին նրա առաջն ընկավ:

— Դուք մեզ պարտքով հաց ու մի քիչ ճարպ չե՞ք տա: «Կոլումբուս-Հաուզ»-ում մենք աշխատանք ենք գտել և շաբաթ օրն անպատճառ կվճարենք ձեզ:

— Այո, ավելացրեց միսիս Գերհարդը,— հիմա ես աշխատանք ունեմ:

Նրանք Բաումենի մշտական գնորդներն էին դեռ այն ժամանակ, երբ չէին սկսել բոլոր ձախորդություններն ու

հիվանդությունները, և խանութպանը գիտեր, որ նրանք ճիշտ են ասում:

— Իսկ դուք վաղո՞ւց եք աշխատում այնտեղ, — հարցրեց նա:

— Այսօր առաջին օրն է:

— Դուք ինձ ճանաչում եք, միսիս Գերհարդ, — ասաց նա: — Ես չէի ուզի. ձեզ մերժել: Միստր Գերհարդը հուսալի մարդ է, բայց չէ՞ ես էլ հարուստ չեմ: Հիմա դժվար ժամանակներ են, — ավելացրեց նա, — իսկ ես ընտանիք ունեմ:

— Այո, հասկանում եմ, — կամացուկ ասաց միսիս Գերհարդը:

Նա անհանգիստ տրորում էր հնամաշ շալի տակ թաքցրած աշխատանքից կոշտացած ու կարմրած ձեռքերը: Ջեննին լուռ ու լարված կանգնել էր նրա կողքին:

— Լավ, — վերջապես ասաց Բաումենը: — Այս անգամ թող այդպես լինի, էլի պարտքով կտամ: Շաբաթ օրը կվճարեք, որքան կկարողանաք:

Նա հաց ու ճարպ փաթաթեց նրանց համար և փաթեթը մեկնելով Ջեննինին, քմծիծաղով ասաց.

— Երբ դուք նորից փող ունենաք, երևի կսկսեք՝ որևէ մի ուրիշ տեղ գնումներ անել:

— Ճիշտ չէ, — առարկեց միսիս Գերհարդը, — դուք հո գիտեք, որ այդպես չէ:

Բայց նա այնքան շատ էր հոգնած, որ սիրտ չուներ երկար բացատրությունների մեջ մտնելու խանութպանի հետ:

Նրանք փողոցի անկյունով թեքվեցին և սկսեցին քայլել խղճուկ տնակներով մռայլ փողոցի միջով:

— Տեսնես երեխաները ածուխ ճարե՞լ են, — հոգնած ասաց մայրը, երբ տուն հասնելուն մի քանի քայլ էր մնացել:

— Մի հուզվիր, — ասաց Ջեննին: — Եթե ճարած չլինեն, ևս կգնամ ու կբերեմ:



Երբ մայրը ներս մտնելով հարցրեց ածուխի մասին, Զորջը, դեռ բարեն էլ չառած, վրա տվեց.

— Մի մարդ եկավ խռիկ տվեց մեզ, բայց ես էլի կա-  
րողացա մի քիչ բերել: Բաց վագոնից էի ցած թափել,—  
ավելացրեց նա:

Միսիս Գերհարդը ժպտաց, իսկ Զեննին բարձր ծի-  
ծաղեց:

— Իսկ ինչպե՞ս է վերոնիկան,— հարցրեց նա:

— Կարծես քնած է,— ասաց հայրը:— Ժամը հինգին  
ես նորից դեղ եմ տվել նրան:

Աղքատիկ ընթրիքը պատրաստելուց հետո մայրը  
նստեց հիվանդ ևղջկա անկողնի մոտ, պատրաստվելով  
ամեն օրվա պես արթուն մնալ սմբողջ գիշերը:

Ընթրիքի ժամանակ Սերաստյանը մի գործնական  
առաջարկություն արեց, որին բոլորը հարկ եղած ուշա-  
դրությամբ վերաբերվեցին, որովհետև նա գործնական  
մարդ էր և կենսական գործերում մյուսներից ավելի փորձը  
ված: Արքայադուստրը եղած-չեղած՝ վագոնավերանորոգման  
արհեստանոցում վարպետի օգնական էր և ոչ մի կրթու-  
թյուն չէր ստացել, որովհետև եկեղեցական դպրոցում  
նրան սովորեցրել էին միայն լութերական դավանանքի դոգ-  
մաները, որոնք, ի դեպ, ամենևին դուր չէին գալիս նրան,  
բայց դրա փոխարեն նա համակված էր զուտ ամերիկյան  
ավյունով ու եռանդով: Բարձրահասակ, ատլետիկ կազմված-  
քով և իր տարիքի համեմատ շատ ամրապինդ այդ պատանին  
սիսիկ քաղաքացի տղա էր: Նա արդեն ուներ իր կենսափի-  
լիսոփայությունը. եթե ուզում ես հաջողության հասնել,  
ուշքդ գլխիդ պահիր, իսկ դրա համար հարկավոր է մտեր-  
մանալ կամ գոնե ձևացնել, թե մտերիմ ես նրանց հետ, ու-  
րեք առաջին տեղերն են զբաղում այս աշխարհում, որտե՞-  
րտաքին, ցուցադրական փայլն ամեն ինչից վեր է:

Ահա թե ինչու Բասսը սիրում էր թրև գալ «Կոլումբուս-  
Հաուզի» մոտերքը: Նրան թվում էր, թե այդ հյուրանոցը  
այս աշխարհի բոլոր հզորների կենտրոնակետն է: Երբ նրան  
հաջողվեց մի կարգին կոստյումի փող հավաքել, սկսեց երե-

կոները քաղաքի կենտրոնը գնալ և ընկերների հետ ժամերով կանգնում էր հյուրանոցի մուտքի առաջ: Նա կրունկներն էր շրխկացնում, ծխում էր զուլգը հինգ ցենտանոց սիգարներ և կոտրատվելով ու անհոգ տեսքով աղջիկներին էր նայում: Այդտեղ լինում էին ուրիշ երիտասարդներ էլ՝ քաղաքի պճնամուլ թափառաշրջիկները, որոնք հյուրանոց էին մտնում սափրվելու կամ մի բաժակ վիսկի խմելու: Բասսը հիանում էր նրանցով և ձգտում էր ընդօրինակել նրանց: Մարդուն այստեղ գնահատում էին նախ և առաջ ըստ հագուստի: Եթե մարդիկ լավ են հագնված, մատանիներ ու քորոցներ են կրում, ինչ էլ որ անեն՝ լավ է: Բասսն ուզում էր նմանվել նրանց, վարվել նրանց պես, և ինչ ու անիմաստ ժամանակ անցկացնելու տեսակետից նրա փորձն արագ ընդարձակվում էր:

— Ավելի լավ չի՞ լինի, եթե դու լվացք վերցնես հյուրանոցում իջևանողներից, — ասաց նա Զեննիին, հյուրանոցի սեպքերի մասին նրա պատմությունը լսելուց հետո: — Դա ատաղձի լավ գործ է, քան սանդուղքը լվանալը:

— Իսկ ինչպե՞ս կարելի է անել այդ, — հարցրեց աղ-կիլը:

— Շատ հասարակ, դիմիր կլերկին:

Այս խորհուրդը Զեննիին շատ խելամիտ թվաց:

— Միայն թե՛ տես, եթե հյուրանոցի մոտ ինձ հան-կիպես, հետո չխոսես, — նախազգուշացրեց նա քրոջը, երբ Էրկուսով մնակ էին մնացել: Յույց շտապ, որ ինձ ճանա-չում ես:

— Ինչո՞ւ, — միամտորեն հարցրեց Զեննին:

— Դու շատ լավ գիտես, թե ինչու, — պատասխանեց Էդբայրը. նա շատ անգամ էր ասել, որ նրանք բոլորն էլ խիստ ողորմելի տեսք ունեն, և այդպիսի հարադատներ ու հնալով մարդ խայտառակվելուց չի ազատվի: — Եթե հան-դիպենք, սուսուփուս մոտովս անցիր ու պրծավ-գնաց: Հաս-կացա՞ր:

— Լավ, — հեղորեն պատասխանեց Զեննին: Թեև եղ-

բայրն ընդամենը մեկ տարով էր մեծ իրենից, աղջիկը միշտ  
ենթարկվում էր նրան:

Մյուս օրը հյուրանոց գնալիս Զեննին մոր հետ խոսեց  
նղբոյ առաջութկության մասին:

— Բասսն ասում է, որ մենք կարող ենք հյուրանոցում  
իջևանած մարդկանցից լվացք վերցնել:

Միսիս Գերհարդը, որն ամբողջ գիշերը տանջալից  
մտածել էր, թե ինչպես անի, որ բացի հավաքարարության  
համար ստանալիք շաբաթական երեք դոլլարից էլի մի բան  
վաստակի, Բասսի ասածին հավանություն տվեց:

— Այդ ճիշտ է,— ասաց նա:— Ես կլերկին կհարցնեմ:

Սակայն, երբ նրանք հյուրանոց հասան, հարմար առի-  
թը միանգամից չներկայացավ: Հետո բախտը նրանց ժրս-  
տաց. ավագ սպասուհին պատվիրեց հատակը լվանալ կլերկի  
սեղանի առաջ: Այս պատկառատես պաշտոնյան ակնհայտո-  
րեն բարյացակամ էր նրանց նկատմամբ. այդ բարեսիրտ,  
հոգսերի տակ կքած կինը և լավիկ աղջիկը նրան դուր էին  
գալիս: Եվ նա բարեհաճությամբ լսեց միսիս Գերհարդին, երբ  
սա համարձակվեց հարց տալ նրան լվացքի մասին, որն ամ-  
բողջ օրը դուրս չէր գալիս իր գլխից:

— Դուցե ձեր հյուրանոցում ապրողներից որեւէ մեկը  
կհամաձայնի՞ սպիտակեղեն տալ ինձ լվանալու: Ես այնքան  
շնորհակալ կլինեմ...

Կլերկը նայեց նրան և այդ անուրախ դեմքին նորից  
կուրդաց անելանելի կարիքը:

— Տեսնենք,— պատասխանեց նա և իսկույն միտքը  
եկան սենատոր Բրենդերն ու գեներալ Հոպկինսը: Նրանք եր-  
կուսն էլ կարեկից մարդիկ են և սիրով կօգնեն խեղճ կնոջը:—  
Բարձրացեք վերև, սենատոր Բրենդերի մոտ: Քսաներկուե-  
րորդ համարը: Ահա,— կլերկը մի թղթի վրա գրեց համարը,—  
գնացեք և ասացեք, որ ես եմ ուղարկել ձեզ:

Միսիս Գերհարդը դողդոջուն ձեռքով վերցրեց թուղթը:  
Նրա աչքերը լի էին շնորհակալությամբ, որ նա խոսքերով  
արտահայտել չէր կարող:

— Ոչինչ, ոչինչ,— ասաց կլերկը, նկատելով նրա հուզ-

մունքը:— Իսկույն գնացեք: Հենց հիմա նա իր համարումն է:

Միսիս Գերհարդն զգուշությամբ ու հարգանքով բախեց քսաներկուերորդ համարի դուռը: Զեննին լուռ կանգնած էր նրա կողքին:

Մի րոպե անց դուռը բացվեց, և պայծառ լուսավորված սենյակի շեմքում երևաց սենատորը: Նա մի գեղեցիկ սմոկինգ ուներ հագին և ավելի երիտասարդ էր թվում, քան երևացել էր առաջին հանդիպման ժամանակ:

— Ինչո՞վ կարող եմ ծառայել, տիկին,— հարցրեց նա միսիս Գերհարդին, իսկույն ճանաչելով երկուսին էլ:

Մայրը բոլորովին շշուկով խոսեց, միանգամից պատասխանել չկարողացավ:

— Մենք ուզում էինք հարցնել... գուցե դուք լվանալու սպիտակեղեն՝ կունենաք:

— Լվանալո՞ւ,— հարցրեց սենատորը զարմանալի հնչեղ ձայնով:— Լվանալու սպիտակեղեն: Ներս եկեք: Հիմա կնայենք:

Նա հարգալից մի կողմ քաշվեց մորն ու աղջկանը ներս թողնելով և դուռը ծածկեց:

— Հիմա կնայենք,— կրկնեց նա իրար ետևից դուրս քաշելով ընկուզենու տախտակից պատրաստված ահագին զգեստապահարանի արկղները:

Զեննին հետաքրքրությամբ դիտում էր սենյակը: Դեռ երբեք նա այդքան շատ արդուզարդի գեղեցիկ իրեր չէր տեսել, որքան այստեղ, բուխարու և փոքրիկ սեղանի վրա շարված: Փափուկ բազկաթոռ և կողքին՝ կանաչ լուսամփոփով լամպ, հատակին՝ հաստ, փափուկ գորգ, մի քանի մանրիկ գորգեր՝ փոված այստեղ-այնտեղ, և ամեն ինչի մեջ զգացվում էր հարստություն ու շքեղություն:

— Նստեցեք, ահա աթոռներ,— սիրալիր ասաց սենատորը՝ հարևան սենյակը գնալով:

Վեհերոտ մեծարանքով համակված, մայրն ու աղջիկը քաջ՝ քավարությամբ կանգնած մնացին, բայց սենատորը որոնումները վերջացնելով, կրկնեց իր հրավերը: Մայր ու աղջիկ շփոթված նստեցին անհարմար դիրքով:

— Սա ձեր դո՞ւստրն է,— հարցրեց նա միսիս Գերհարդին, ժպտալով նայելով Ջեննիին:

— Այո, սրբ,— պատասխանեց մայրը:— Սա իմ ավագ դուստրն է:

— Իսկ ձեր ամուսինը կենդանի՞ է,— շարունակեց հարցրեց տալ նա:— Ինչպե՞ս է ձեր ազգանունը: Որտե՞ղ եք ապրում:

Միսիս Գերհարդը խոնարհությամբ պատասխանում էր բոլոր հարցերին:

— Քանի՞ երեխա ունեք,— շարունակեց սենատորը:

— Վեց,— պատասխանեց միսիս Գերհարդը:

— Փոքր ընտանիք չէ, ինչ ասել կուզի: Դուք, անտարակույս, կատարել եք ձեր պարտքը երկրի հանդեպ:

— Այո, սրբ,— պատասխանեց միսիս Գերհարդը, նրա ուշադրությունից զգացված:

— Ուրեմն ասում եք սա ձեր ավագ դո՞ւստրն է:

— Այո, սրբ:

— Իսկ ինչո՞վ է զբաղվում ձեր ամուսինը:

— Նա ապակի փշող բանվոր է: Բայց հիվանդ պառկած է:

Նրանք զրուցում էին, իսկ Ջեննին ականջ էր դնում, և նրա խոշոր, կապուտակ աչքերը նայում էին զարմացած ու զննաբար: Ամեն անգամ, երբ սենատորը նայում էր Ջեննիին, հանդիպում էր այնպիսի պարզասիրտ ու անմեղ հայացքի, այնպիսի մի սքանչելի ժպտի, որ նրա համար դժվար էր լինում հայացքը հեռացնել աղջկանից:

— Այո,— կարեկցանքով ասաց նա,— շատ տխուր բան է այդ ամենը:— Այստեղ մի քիչ սպիտակեղեն է հավաքվել, լվացեք, խնդրում եմ: Իսկ մյուս շաբաթ, երեկ, էլի կլինի:

Նա սպիտակեղենը դարսեց մի փոքրիկ, գեղեցիկ ասեղ-նագործված տոպրակի մեջ:

— Ո՞ր օրը բերենք,— հարցրեց միսիս Գերհարդը:

— Միևնույն է,— մտացրիվ պատասխանեց սենատորը:— Շաբաթվա որ օրը կամենաք:

Կլինը համեստորեն շնորհակալություն հայտնեց և պատ-  
րաստվում էր գնալու:

— Այ ինչ,— ասաց սենատորը առաջ անցնելով և դու-  
ռը բացելով նրանց առջև,— բերեք երկուշարթի օրը:

— Շատ լավ, սրբ,— ասաց միսիս Գերհարդը:— Շնոր-  
հակալ ենք ձեզանից:

Նրանք գնացին, իսկ սենատորը նորից անցավ ընթեր-  
ցանության, բայց, չգիտես ինչու, նրան համակել էր մի  
տարօրինակ ցրվածություն:

— Տխուր բան է,— ասաց նա գիրքը ծածկելու:— Այս  
մարդկանց մեջ մի ինչ-որ շատ հուզիչ բան կա:

Ջեննիի զարմանքով ու հիացմունքով համակված պատ-  
կերը չէր հեռանում սենյակից:

Իսկ միսիս Գերհարդն ու իր դուստրը նորից քայլում  
էին մռայլ ու մթին փողոցներով: Անսպասելի հաջողությունը  
շատ էր քաջալերել նրանց:

— Ի՞նչ հիանալի սենյակ ունի նա, չէ՞,— շշնջաց  
Ջեննին:

— Այո,— պատասխանեց մայրը:— Նա սքանչելի  
մարդ է:

— Նա սենատոր է, չէ՞,— շարունակեց աղջիկը:

— Այո:

— Երևի հաճելի բան է նշանավոր մարդ լինելը,—  
կամացուկ ասաց աղջիկը:

## Գ Լ ՈՒ Խ Ը

Ջեննիի հոգեկան պատկերը— ինչպե՞ս նկարագրես  
այն: Այդ խեղճ աղջիկը, որին կարիքն ստիպում էր օգնել  
սենատորից լվացք վերցնող իր մորը, կեղտոտ սպիտակե-  
ղենը բերել և մաքուրը տանել, ուներ մի հիանալի մեղմ բնա-  
վորություն, որի ամբողջ հմայքը դժվար է բառերով արտա-  
հայտել: Լինում են այնպիսի հաղվագյուտ, յուրահատուկ  
բնավորության տեր մարդիկ, որոնք աշխարհ են գալիս չի-



մանալով ինչու և կյանքից հեռանում են այդպես էլ ոչինչ չհասկանալով նրանից: Միշտ էլ, մինչև վերջին րոպեն, կյանքը նրանց պատկերանում է անսահման չքնաղ, հրաշքների մի իսկական աշխարհ, և եթե նրանք կարողանային միայն հիացմունքով շրջել աշխարհում, այն դրախտից պակաս չէր լինի նրանց համար: Աչքները բացելով, նրանք շուրջը տեսնում են մի կատարյալ աշխարհ, որն այնքա՛ն նրանց սրբորոտվն է, ծառեր, ծաղիկներ, հնչյունների ծով, գույների ծով: Դա նրանց ամենաթանկագին ժառանգությունն է, նրանց լավագույն հարստությունը: Եվ եթե ոչ ոք նրանց չկանգնեցնի ասելով. «Այս իմն է», նրանք կարող էին երջանկությունից շողալով անվերջ շրջել այս աշխարհում, երգելով մի երգ, որը երբևիցե կլսի ամբողջ աշխարհը: Դա բարության երգն է:

Բայց այդպիսի մարդիկ իրական աշխարհի վանդակի մեջ սեղմված՝ համարյա միշտ էլ խորթ են աշխարհի համար: Գոռողության ու ագահության այս աշխարհը իդեալիստին ու երազողին խեթ է նայում: Եթե երազողը նայի բարձրում սլացող ամպերին, նրան կկշտամբեն սլարապսարապ մնալու համար: Եթե նա ականջ է դնում քամու երգին, որը շոյում է նրա հոգին, այդ նույն ժամանակ շրջապատի մարդիկ շտապում են տիրանալ նրա ունեցվածքին: Եթե ամբողջ այսպես կոչված՝ ո՛չ շնչավոր աշխարհը հափըշտակում է նրան, հրապուրելով այնպիսի նուրբ ու թովիչ ձայներով, որ թվում է, թե դրանք չեն կարող կենդանի ու բանական չլինել, երազողը կործանվում է տարերքի հարվածների տակ: Իրական աշխարհը միշտ էլ իր ագահ շանչերը մեկնում է այդպիսի մարդկանց վրա և տիրապետում նրանց: Հենց այդպիսիներին է, որ կյանքը հնազանդ ստրուկներ է դարձնում:

Այդպիսին էր և Զեննին այս պրողայիկ աշխարհում: Մանկությունից նրա ամեն մի քայլը եղել էր բարության և քնքշության թելադրանք: Երբ Սեբաստիանն ընկնում էր ոս մի տեղը վնասում, նա էր, որ վախն ու անհանգստությունը հաղթահարելով օգնում էր եղբորը վեր կենալ և բերում էր իր մոր մոտ: Երբ Զորջը տրտնջում էր, թե սոված է, Զեննին

իր բաժին հացը տալիս էր նրան: Ժամեր շարունակ նա օրորում էր իր փոքրիկ եղբայրներին և քույրերին, սիրագործով երգելով նրանց համար և միաժամանակ ինչ-որ բան երազելով: Դեռ նոր էր քայլել սովորել, նա արդեն դարձավ մոր հավատարիմ օգնականը: Լվացք էր անում, սենյակ մաքրում, եփում-թափում էր, խանութ էր վազում մի բան գնելու, փոքրիկներին էր պահում: Դեռ երեք ոչ ոք նրանից տրտունջի ոչ մի խոսք չէր լսել, թեև հաճախ էր խորհում իր դառն բախտի մասին: Նա գիտեր, որ շատ աղջիկներ շատ ավելի ուրախ-երջանիկ կյանք են վարում, բայց մտքովն էլ չէր անցնում նախանձել նրանց: Հաճախ թախծում էր գողտով, բայց և այնպես երգում էր իր երգերը: Պարզ օրերին, երբ խոհանոցի լուսամուտից դուրս էր նայում, լայնարձակ կանաչ տարածությունները ձգում էին նրան: Բնության գեղեցկությունը, նրա գծերն ու գույները, լույսն ու ստվերները հուզում էին աղջկան սքանչելի երգի նման: Պատահում էր, նա Զորջին ու մյուս երեխաներին տանում էր պնդուկենու թփուտը, մի գողտրիկ, սովերախիտ անկյուն, որտեղ կարկաչուն առլակն էր քչքչում, իսկ հեռվում երևում էին լայնարձակ դաշտերը: Նա չէր կարողանում բանաստեղծների պես բառերով արտահայտել այն ամենը, ինչ զգում էր, բայց նրա հոգին աշխույժ արձագանքում էր այդ ամբողջ գեղեցկությանը և հրճվում ամեն մի ձայնից, զեփյուռի ամեն մի շրջյունից:

Երբ հեռվից լսվում էր անտառային տատրակների՝ ամառվա այդ ոգիների մեղմ ու քնքուշ կշկշոցը, նա գլուխը խոնարհում ու ականջ էր դնում, և այդ քնքշագին հնչյունները արժաթե կաթիլների պես ուղիղ նրա սրտի մեջ էին ընկնում:

Երբ արեգակն ավելի թեժ էր տաքացնում և նոսր ստվերներն ու ոսկեփայլ շողերն ընկնում էին կանաչ խոտի վրա, Զեննիի հիացմունքը սահման չէր ունենում, նա ձգտում էր այնտեղ, որտեղ ճառագայթներն ավելի պայծառ էին շողշողում, և նա կախարդվածի պես գնում էր ավելի ու ավելի հեռու, դեպի անտառի սրբազան թավուտը:

Նա չգտավ էր գույների ամբողջ հրապույրը: Այն չքնադա-

զեղ փայլփլոցը, որ մայրամուտի ժամին փռվում է երկնքում, անսահման ուրախացնում ու հիացնում էր նրան:

— Ի՜նչ լավ կլինի լողալ այն ամպերի վրա, — մի անգամ մանկան նման ասաց նա:

Նա մի ճոճ էր գտել, որ բնությունն ինքն էր հյուսել վայրի վազերից, և այժմ ճոճվում էր նրա վրա Մարթայի ու Զորջի հետ միասին:

— Այո, եթե այդպիսի մի մակույկ լինի, — ասաց Զորջը:

Գլուխը ետ դցած Զեննին նայում էր հեռավոր ամպին, որ ասես կարմիր կղզի լիներ արծաթափայլ ծովում:

— Ա՛յ թե մարդիկ ապրեին այդպիսի կղզու՜մ, — ասաց նա:

Մտովին նա արդեն այնտեղ էր և թեթև վազում էր օդային կածաններով:

— Տե՛ս, մեղո՜ւ, — ձայն տվեց Զորջը, թռչող իշամեղուն ցույց տալով:

— Այո, — երազանքով արձագանքեց Զեննին, — շտապում է իր տուն:

— Իսկ մի՞թե բոլորը տուն ունեն, — հարցրեց Մարթան:

— Համարյա բոլորը, — պատասխանեց Զեննին:

— Թռչուններն էլ, — հարցրեց Զորջը:

— Այո, — ասաց Զեննին, ամբողջ փությամբ ղդալով այդ մտքի պոեզիան: — Թռչուններն էլ տուն ունեն:

— Մեղուններն էլ, — նորից հարցրեց Մարթան:

— Այո, մեղուններն էլ:

— Շներն էլ, — հարցրեց Զորջը, ոչ հեռու ճանապարհին տեսնելով մի թափառող շուն:

— Դե իհարկե, — ասաց Զեննին: — Դու չգիտե՞ս, որ շները տուն ունեն:

— Իսկ մոծակները, — շարունակեց հարցնել տղան, նկատելով թափանցիկ աղչամուղչում ճախրող մոծակների մի ամբողջ պարս:

— Այո, — ասաց քույրը, կիսով չափ ինքն էլ հավատալով դրան: — Լսեցե՛ք:

— Օհո՛,— թերահավատ գոչեց Զորջը:— Կուզեի տեսնել՝ ինչպիսի տներ ունեն նրանք:

— Լսեցե՛ք,— հաստատորեն կրկնեց Զեննին և, ձեռքը բարձրացնելով, լուռության կոչեց:

Այդ այն խաղաղ ժամն էր, երբ երեկոյան զանգը օրհնության նման հնչում է մարող օրվա վրա: Հեռավորությունից մեղմացած հնչյունները հանդարտ լողում էին երեկոյան օդում, և բնությունն ինքը ասես լռել ու ականջ էր դնում Զեննիի հետ միասին: Նրանից մի քանի քայլ հեռու խոտերի մեջ ոստոստում էր կարմրակուրծք շիկահավը: Մեղուն բզզում էր, ինչ-որ տեղ զնգում էր զանգակը, ճյուղերի կասկածելի ճրթճրթոցը մատնում էր սկյուռի մոտենալը պնդուկներին: Մոռանալով ձեռքը ցած թողնել, Զեննին ականջ էր դնում, մինչև որ երկարածիգ զնգոցը մարեց օդում և նրա սիրտը լցվեց: Եվ այն ժամանակ նա ոտքի կանգնեց:

— Օ՛,— դուրս թռավ նրա կրծքից, և պոետական ցրնծության պոռթկումով նա ամուր իրար սեղմեց ձեռքերը: Նրա աչքերը լցվել էին արցունքով: Նրա զգացմունքները հուզող հիասքանչ ծովը զարկում էր ափերին: Այդպես էր Զեննիի հոգին:

### Գ Լ Ո Ւ Խ III

Սենատոր Զորջ Սիլվեստր Բրենդերը արտասովոր կերտվածքի մարդ էր: Քաղաքական գործարարի ճկունությունը նրա մեջ յուրահատուկ ձևով զուգակցվում էր ժողովրդական ներկայացուցչի զգայնության հետ: Լինելով հարավային Օհայոյի ծնունդ, նա այնտեղ էլ մեծացել ու կրթություն էր ստացել, եթե չհաշվենք այն երկու տարին, երբ Նյու-Յորքի Կոլումբյան համալսարանում իրավունք էր ուսումնասիրում: Քաղաքացիական ու քրեական իրավունքը նա թերևս ավելի վատ չգիտեր իր նահանգի ամեն մի բնակչից, բայց երբեք դրանով չէր զբաղվում այնպիսի ջանասիրությամբ, որ անհրաժեշտ է փաստաբանական ասպարեզում աչքի ընկնող

հաջողությունների հասնելու համար: Նա վատ չէր վաստակում և շատ անգամ նրան փայլուն առիթ էր ներկայացել շատ ավելին վաստակելու, եթե ցանկանար գործարքի մեջ մտնել իր խղճի հետ, բայց նա դրան ընդունակ չէր: Եվ այնուամենայնիվ, չնայած իր ամբողջ ազնվությանն ու անկաշառությանը, նա երբեմն անկարող էր լինում դիմագրել իր որևէ բարեկամի խնդրանքին: Շատ ժամանակ չէր անցել, երբ պրեզիդենտական վերջին ընտրություններին նա պաշտպանում էր այն մարդու թեկնածությունը, որը — և այս Բրենդենրին լավ հայտնի էր, — ամենևին էլ չունեի այն հատկությունները, որ անհրաժեշտ են կառավարող մարդուն:

Ճիշտ այդպես էլ նա էր մեղավոր, որ մի քանի անգամ պետական պաշտոններ տրվեցին կասկածելի, իսկ երկու-երեք դեպքում՝ բացարձակորեն ո՛չ գովելի մարդկանց: Երբ խղճի խայթն սկսում էր տանջել նրան, նա ինքն իրեն հանգստացնում էր իր սիրած ասացվածքով. «Քի՛չ բան է լինում կյանքում»: Երբեմն նա երկար ժամանակ մեն-մենակ նստում էր իր բազկաթոռում և սուզվում անուրախ մտորումների մեջ և ապա, վեր կենալով, մեղավորի ժպիտով կրկնում էր այդ խոսքերը: Նրա խիղճն ամենևին էլ չէր լուռ, իսկ սիրտը, համենայն դեպս, զգայնորեն արձագանքում էր ամեն ինչի:

Այդ մարդը, որ երեք անգամ նահանգի կոնգրեսում էր ընտրվել այն օկրուգից, որի կազմի մեջ մտնում էր Կոլումբուսը, և երկու անգամ էլ ընտրվել էր Միացյալ Նահանգների սենատում, դեռ երբեք ամուսնացած չէր եղել: Ջահել ժամանակ նա լրջորեն սիրահարված էր, և մեղքն իրենը չէր, որ դա ամուսնությունմբ չվերջացավ: Նրա սրտի տիրուհին չուզեց սպասել, իսկ նա այդ ժամանակ դեռ երկար պիտի աշխատեր այնպիսի դիրք գրավելու համար, որը նրան հնարավորություն տար ընտանիք պահել:

Լինելով բարձրահասակ, բարեկալմ ու թիկնեղ, նա հենց միայն իր տեսքով հարգանք էր ներշնչում: Նա ունեցել էր կորուստի ապրումներ, ճաշակել էր բախտի հարվածները, նրա մեջ կար այնպիսի մի բան, որ աշխույժ երևակայությունն ունեցող մարդկանց մեջ համակրանք էր հարուցում:

Բարի ու սիրալիր մարդու համբավ ուներ նա, իսկ սենատի նրա սլաշտոնակիցները զանում էին, որ նա երկնքից աստղեր չի ցած բերում, բայց շատ դուրեկան մարդ է:

Այս անգամ սենատոր Բրենդերի Կոլումբուսում լինելու պատճառն այն էր, որ անհրաժեշտ էր ամրապնդել նրա խախուտացած քաղաքական հեղինակությունը: Կոնգրեսի վերջին ընտրություններում նրա կուսակցությունը հաջողություն չէր ունեցել: Նա ինքը իր կողմնակից բավականաչափ ձայներ ուներ և կարող էր նորից ընտրվել, բայց այդ ձայներն իր կողմը պահելու համար քիչ քաղաքական ճկունություն չէր պահանջվում: Չէ՞ որ բացի նրանից, էլի կան փառասերներ: Կատնվեն մի կես դյուսիսի չափ հնարավոր թեկնածուներ, և նրանցից ամեն մեկն էլ ուրախ կլինի նրա տեղը գրավելու: Նա շատ լավ էր հասկանում, թե հիմա ինչ է պահանջվում իրենից: Հակառակորդների համար այնքան էլ հեշտ չի լինի հաղթել իրեն, բայց եթե նույնիսկ այդ տեղի ունենա, նա մտածում էր, որ պրեզիդենտը, իհարկե, չի հրաժարվի արտառահամանում որևէ դիվանագիտական պաշտոն տալ իրեն:

Այո, սենատոր Բրենդերին լիովին կարելի է հաջողակ մարդ համարել, բայց, չնայած այս ամենին, նա զգում էր, իր կյանքում ինչ-որ մի բան պակասում է: Նա դեռ չէր արել այն ամենը, ինչ ցանկանում էր: Ահա նա հիսուներկու տարեկան է, նա պատվավոր, հարգարժան ու ականավոր գործչի անբասիր անուն ունի, բայց մենակ է: Ակամայից նա նորից էր մտածում, որ իր կողքին չկա մեկը, որի համար ինքը թանկ լինի: Սեփական սենյակը երբեմն նրան զարմանալի դատարկ էր թվում, և նա զզվանք էր զգում ինքն իր նկատմամբ:

«Հիսուն տարեկա՛ն,— հաճախ մտածում էր նա:— Եվ մենակ եմ, բոլորովին մենակ...»:

Այդ շաբաթ օրվա երեկոյան, երբ նստած էր իր սենյակում, դուռը կամացուկ բախեցին: Այդ ժամանակ նա խորհում էր, թե աշխարհում ինչպես ամեն ինչ անցողական է, և՛ կյանքը, և՛ փառքը, և այս տեսակետից որքա՛ն անպտուղ է իր քաղաքական գործունեությունը:



«Որքա՞ն ենք մենք շարշարվում, որպեսզի մի որևէ դիրք գրավենք,— մտածում էր նա:— Եվ կանցնի մի քանի տարի, ու այդ ամենը որքա՞ն քիչ նշանակություն կունենա ինձ համար»:

Նա վեր կացավ, դուռը բաց արեց և տեսավ Զեննիին: Նա մորն առաջարկել էր հենց հիմա տանել լվացած սպիտակեղենը, չսպասելով երկուշաբթի օրվան, որպեսզի սենատորին զարմացնեն իրենց աշխատանքի արագությունը:

— Ներս մտեք,— ասաց Բրենդերը և, ինչպես առաջին անգամ, սիրալիր առաջ թողեց նրան:

Զեննին ներս մտավ, գովասանքի սպասելով այդպես շուտ վերջացնելու համար, բայց սենատորը նույնիսկ չնկատեց այդ:

— Է՛, ինչպե՞ս եք, սիրունիկ օրիորդ,— հաջորեց նա:

— Շատ լավ,— պատասխանեց Զեննին:— Ես ու մայրս որոշեցինք չսպասել երկուշաբթի օրվան, այսօր բերել սպիտակեղենը:

— Օ՛, դա կատարելապես միևնույն է,— անփութորեն ասաց Բրենդերը:— Դրեք այն աթոռին:

Զեննին ուզում էր դուրս գնալ, չմտածելով նույնիսկ, որ իրեն չեն վճարել, բայց սենատորը պահեց նրան:

— Ինչպե՞ս է ձեր մայրիկը,— սիրալիր հարցրեց նա:

— Լավ է,— անտարբեր պատասխանեց Զեննին:

— Իսկ ձեր փոքրի՞կը: Լավանո՞ւմ է:

— Բժիշկն ասում է, որ դեպի լավն է գնում,— պատասխանեց Զեննին:

— Նստեցեք,— առաջարկեց սենատորը:— Ես ուզում եմ մի քիչ զրուցել ձեզ հետ:

Աղջիկը նստեց կողքին դրված աթոռին: Սենատորը մի թեթև հազալով շարունակեց.

— Իսկ ինչո՞վ է հիվանդ ձեր քույրը:

— Կարմրուկ է,— ասաց Զեննին:— Մի ժամանակ մենք նույնիսկ մտածում էինք, թե չի դիմանա:

Աղջկան լսելիս սենատորը սևեռուն նայում էր նրա երեսին, և այդ երեսը արտակարգ հուզիչ էր թվում նրան: Նա

այնքա՛ն աղքատիկ է հագնւլած, և այնպե՛ս է հիանում սենատորի բարձր դիրքով: Սենատորն ամոթ վզաց իր հարըստության և այն շքեղության համար, որի մեջ ապրում էր ինքը: Ի՛նչ ասել կուզի. բախտը շատ է բարձրացրել իրեն:

— Ուրախ եմ, որ լավանում է,— ասաց նա:— Իսկ քանի՞ տարեկան է ձեր հայրը:

— Հիսունյոթ:

— Նա լավանո՞ւմ է:

— Այո, սըր, նա արդեն անկողնից վեր է կենում, միայն թե դեռ տանից դուրս չի գնում:

— Կարծեմ, ձեր մայրիկն ասում էր, որ նա ապակի փըշող բանւո՞ր է:

— Այո, սըր:

Բրենդերը լավ գիտեր, որ այդ քաղաքում ապակու արդյունաբերությունը ճգնաժամ է ապրում: Դա վերջին քաղաքական պայքարի արդյունքներից մեկն էր: Նրեի Գերհարդների դրությունն իսկապես շատ ծանր է:

— Ձեր կրտսեր եղբայրներն ու քույրերը բոլորն էլ դպրո՞ց են հաճախում:

— Այո, սըր,— կմկմալով պատասխանեց Ջեննին: Նա ամաչում էր ասել, որ եղբայրներից մեկը թողել է ուսումը, որովհետև կոշիկները բոլորովին քրքրվել են: Նիլ միաժամանակ տանջվում էր, որ ստիպւած եղա՞վ ստել:

Սենատորը մի պահ մտքի մեջ ընկա՞լ: Հետո, տեսնելով, որ այլևս աղջկան պահելու պատճառ չունի, լեր կացա՞լ, մոտեցա՞լ նրան: Գրպանից մի քանի թղթադրամ հանելով, նա մեկը մեկնեց Ջեննին:

— Ահա, վերցրեք,— ասաց նա:— Տվեք ձեր մայրիկին, թող տնօրինի ինչպես ցանկանում է:

Ջեննին շփոթմունքով փողը վերցրեց: Նրա մտքովն էլ չանցա՞լ տեսնել, թե որքան են տվել իրեն: Ջեննին իրեն կորցրել էր այդքան նշանավոր մարդու ներկայությամբ, նրա այդքան շքեղ բնակարանում, և լավ էլ չէր հասկանում, թե ինչ է անում:

— Շնորհակալ եմ,— ասաց նա:— Դուք օր կնշանակե՞ք, թե երբ գանք սպիտակեղեն տանելու:

— Այո, այո,— պատասխանեց Բրենդերը:— Եկեք երկուշաբթի օրերը: Երկուշաբթի երեկոյան:

Աղջիկը դուրս գնաց, և սենատորը մտքի մեջ ընկած՝ դուռը ծածկեց նրա հտեից: Անտարակույս աղքատությունն ու գեղեցկությունը այնպիսի զուգակցություն է, որի նկատմամբ դժվար է անտարբեր մնալ: Նա նստեց բազկաթոռին և անձնատուր եղավ դուրեկան մտքերի, որ հարուցել էր նրա մեջ Զեննիի այցելությունը: Ինչո՞ւ ինքը չօգնի այդ ընտանիքին:

— Հարկավոր է իմանալ, որտեղ են ապրում նրանք,— վերջապես վճռեց Բրենդերը:

Հետևյալ շաբաթների ընթացքում Զեննին կանոնավորապես գալիս էր սպիտակեղենը տանելու: Սենատոր Բրենդերն ավելի ու ավելի շատ էր հետաքրքրվում նրանով և շուտով կարողացավ հաղթահարել այն երկշտությունն ու անհարմարության զգացմունքը, որ համակում էր աղջկան նրա ներկայությամբ: Դրան առանձնապես օգնեց այն, որ սենատորն սկսեց նրան պարզապես անունով կոչել: Այդ սկսվեց Զեննիի երրորդ այցելութունից, և հետո, համարյա անգիտակցաբար, նա սկսեց ավելի հաճախ աղջկան այդպես կոչել:

Դժվար կարելի էր ասել, թե այդ նրա մոտ հայրաբար էր ստացվում. որևէ մեկի նկատմամբ այդպիսի վերաբերմունքը նրան շատ քիչ էր հատուկ: Բայց այդ աղջկա հետ խոսելիս նա իրեն մի տեսակ առանձնապես ջահել էր զգում և հաճախ ինքն իրեն հարց էր տալիս՝ մի՞թե նա չի նկատի և չի գնահատի, որ իր մեջ դեռ այդքան պատանեկան ավյուն կա:

Իսկ Զեննիին բոլորովին նվաճել էին այդ մարդուն շրջապատող շուքն ու շքեղությունը և, թեև նա այդ չէր գիտակցում, հենց ինքը՝ Բրենդերը: Այդպիսի հմայիչ մարդու նա դեռ երբեք չէր հանդիպել: Ամեն ինչ, որ պատկանում էր նրան, սքանչելի էր, ամեն ինչ, որ անում էր նա, գերազնիվ էր, նշանակալից, հարգարժան: Հայտնի չէ որտեղից, գուցե իր ինչոր գերմանացի նախնիներից, Զեննին այդ ամենը հասկա-

նալու և զնահատելու ընդունակություն էր ժառանգել: Ապրել հարկավոր է հենց այնպես, ինչպես ապրում է այդ մարդը: Զեննիին առանձնապես դուր էր գալիս նրա վեհանձնությունը:

Սենատորով հիանալու զգացմունքը մասամբ Զեննիին էր հաղորդվել իր մորից, որի մեջ զգացմունքի ձայնը միշտ ավելի բարձր էր հնչում, քան բանականության ձայնը: Երբ Զեննիին տասը դոլլար բերեց, միսիս Գերհարդն ուրախությունից գլուխը կորցրեց:

— Ես միայն փողոցում տեսա, որ այսքան փող է տրվել,— աչաց Զեննին:— Նա ինձ ասաց, որ քեզ տամ:

Միսիս Գերհարդը թղթադրամը վերցրեց, խնամքով բռնեց բոլի մեջ և պարզ պատկերացրեց սենատորին, նրա բարեկազմ իրանը և սիրալիկ վերաբերմունքը:

— Ի՞նչ մարդ է դա,— ասաց նա:— Ի՞նչ բարի սիրտ ունի:

Այդ երեկոյան և մյուս օրը միսիս Գերհարդը մի գլուխ խոսում էր այդ հեքիաթային հարուստի մասին, թե որքան նա, անկասկած, բարեսիրտ ու մեծահոգի մարդ է: Երբ բանը հասավ լվացքին, նա Բրենդերի սպիտակեղենը լվանում էր ամբողջ եռանդով, մտածելով, թե ինչքան էլ ջանա, էլի քիչ է նրա համար: Ամուսինը դրա մասին ոչինչ չպետք է իմանար: Նա այնպիսի խիստ բնավորություն ուներ, որ ինչքան էլ կաթիքը մեծ լիներ, կնոջ համար հեշտ չէր լինի համոզել նրան՝ չվաստակած փող վերցնել: Դրա համար էլ նա ամուսնուն ոչինչ չասաց, այլ ուղղակի սկսեց այդ փողով հաց ու միս գնել, բայց քիչ-քիչ, որպեսզի անսպասելի հարստությունն աննկատելի մնա:

Սենատորի նկատմամբ մոր վերաբերմունքը փոխանցվեց նաև Զեննիին, և նա անսահման երախտագիտությամբ սկսեց նրա հետ խոսել ավելի պարզ ու անբռնազբոսիկ: Նրանց միջև այնպիսի լավ հարաբերություն ստեղծվեց, որ Բրենդերը նկատելով, թե իր արդուզարդի սեղանին դրված լուսանկարի փոքրիկ կաշվե շրջանակը որքան շատ դուր եկավ Զեննիին, այն ընծայեց աղջկան: Ամեն անգամ, երբ Զեննին

գալիս էր, սենատորը մի որևէ պատրվակով նրան երկար պահում էր իր մոտ և շուտով հասկացավ, որ այդ դեռատի, հեզահամբույր աղջկան մինչև հոգու խորքը վիրավորում է այն կարիքը, որի մեջ ապրում է նա, և որ այդ աղջիկը ամաշում է իր աղքատությունից: Այս անկեղծորեն հիացնում էր սենատորին, և նա աղջկա ողորմելի հագուստին ու մաշված կոշիկներին նայելով ինքն իրեն հարց էր տալիս, թե ինչպես անի, որ օգնի նրան՝ առանց վիրավորանք պատճառելու:

Երբեմն նա մտածում էր մի երեկո աղջկա ետևից գնալ և անձամբ տեսնել, թե ինչ պայմաններում է ապրում նրանց ընտանիքը: Բայց չէ՞ որ ինքը, այսպես թե այնպես, Միացյալ Նահանգների սենատի անդամ է, իսկ այդ մարդիկ երևի ծվարել են մի որևէ խղճուկ ծայրամասում: Եվ նա գլխից հանեց այդ միտքը. խոհականությունն առժամանակ հաղթեց, և մտածված այցելությունը հետաձգվեց:

Գեկտեմբերի սկզբին սենատոր Բրենդերը մի երեք շաբաթով վերադարձավ Վաշինգտոն, և մի գեղեցիկ օր միսիս Գերհարդն ու Ջեննին զարմանքով իմացան, որ նա գնացել է: Լվացքի համար նա նրանց շաբաթական վճարում էր առնչվազն երկու դոլար, իսկ երբեմն՝ նույնիսկ հինգ: Երևի նա չէր էլ պատկերացնում, թե իր այդ մեկնումը ինչպիսի ճեղքվածք կառաջացնի նրանց բյուջեի մեջ: Բայց ճար չկար, նրանք ստիպված էին մի կերպ ծայրը ծայրին հասցնել: Գերհարդ հայրն այժմ իրեն լավ էր զգում: Աշխատանք գտնելու համար բազմաթիվ գործարաններ ապարդյուն շրջելուց հետո նա մի իշոտնուկ սարքից և սղոցն առած սկսեց տնետուն շրջել ու փայտ սղոցել: Աշխատանք քիչ կա, բայց իր ուժերը չխնայելով, նա մի կերպ կարողանում էր շաբաթական երկու, երբեմն նույնիսկ երեք դոլար վաստակել: Այդ փողը կնոջ վաստակածի և Սեբաստյանի տվածի հետ միասին բավականացնում էր միայն ցամաք հացի համար:

Մոտենում էին ծննդյան տոնի ուրախ օրերը, և Գերհարդների ընտանիքում կարիքն ավելի դառնորեն էր զգացվում: Գերմանացիները սիրում էին ծնունդը տոնել մեծ հանդիսավորությամբ: Այդ օրերին ամենից ավելի ցայտուն են

երևում նրանց ծնողական զգացմունքները: Երեխաների ուրախությունը նրանք բարձր են գնահատում և աշխատում են այնպես անել, որ մանուկներն այդ օրերին զվարճություններ և խաղալիքներ ունենան: Ծննդյան տոներին առաջ Գերհարդհայրն իր սղոցով աշխատելիս շատ էր մտածել դրա մասին: Որքա՛ն կուզենար նա նվերներով ուրախացնել ու զվարճացնել իր փոքրիկ Վերոնիկային. չէ՞ որ նա այնքան երկար ժամանակ հիվանդ էր եղել: Որքա՛ն կուզենար բոլոր երեխաներին մի-մի զուգ գիմացկուն կոշիկ ընծայել և տղաներին մի-մի տաք գլխարկ, իսկ աղջիկներին՝ գեղեցիկ կապորներ: Անցած տարիներին նրանք միշտ էլ ծննդյան տոներին խաղալիքներ ու քաղցրավենիք էին ստացել: Հոր համար շատ դառն էր մտածել, որ կբացվի տոնի ձյունափառ առավոտը, իսկ սեղանին առատորեն չի լինի այն ամենը, ինչ այնքան բաղձալի է երեխաներին:

Ինչ վերաբերում է միսիս Գերհարդին, ապա ավելի հեշտ է պատկերացնել նրա զգացմունքները, քան նկարագրել: Նա այնքան սրտին մոտ էր ընդունում այդ ամենը, որ պարզապես ուժ չունեք ամուսնու հետ խոսելու մոտեցող ճակատագրական օրվա մասին: Հուսալով, թե կարող է մի տոննա ածուխ գնելու փող տնտեսել և խեղճ Զորջին ազատել ամեն օր ածուխի պահեստներն ուխտի գնալուց, նա կարողացել էր մի երեք դոլլար ետ գցել, և հիմա որոշեց այդ փողը ծախսել ծննդյան նվերների վրա: Գերհարդ-հայրը նույնպես գաղտուկ երկու դոլլար փող էր պահել, մտածելով, թե թաթախման օրը, երբ նեղն ընկնեն, կտա կնոջը և դրանով գեթ մի փոքր կուրախացնի նրան:

Բայց երբ թաթախումը եկավ, այդ ողորմելի հինգ դոլլարը շատ չնչին մխիթարություն եղավ: Քաղաքում տոնական աշխուժություն էր տիրում: Նպարեղենի խանութները ղարդարված էին սրատերևի ճյուղերով: Խաղալիքների և հրուշակեղենի խանութները կուրացնում էին իրենց շքեղ փայլով. այստեղ կար այն ամենը, ինչ կարող էր պետք գալ իր հարգն իմացող Սանտ-Կլաուսին: Ե՛վ ծնողները, և՛ երեխաները նայում էին ցուցափեղկերին, առաջինները՝ իրենց

դառն կարիքի տխուր գիտակցութեամբ, մյուսները՝ անզուսպ ցնծութեամբ և այդ գանձերին տիրելու ծարավը հագիւլ զսպելով:

Գերհարդ-հայրը երեխաների մոտ հաճախ ասում էր.

— Զմեռ պապին այս տարի շատ աղքատ է: Նա շատ ընծաներ բերել չի կարող:

Բայց երեխային, նույնիսկ ամենաաղքատ երեխային չես կարող ստիպել, որ հավատա դրան: Ամեն անգամ հայրը տեսնում էր, որ, չնայած իր նախազգուշացումներին, երեխաների աչքերը շողշողում են ուրախ սպասումից:

Մնունդը երեքշաբթի օրն էր ընկնում, և նախօրյակին, երկուշաբթի օրը, դպրոցում պարապմունք չկար: Հյուրանոց գնալիս միսիս Գերհարդը Զորջին խորհուրդ տվեց որքան կարելի է շատ ածուխ հավաքել, որ վաղն էլ բավականացնի: Զորջը իր երկու կրտսեր քույրերին վերցրած իսկույն գնաց դեպո, բայց ածուխ քիչ կար, նրանց շատ չհաջողվեց իրենց զամբյուղները լցնել, և երեկոյան դեմ շատ քիչ ածուխ էին հավաքել:

— Դու գնացե՛լ ես ածուխի,— այս եղավ միսիս Գերհարդի առաջին հարցը, երբ նա այդ երեկոյան վերադարձավ հյուրանոցից:

— Գնացի,— պատասխանեց Զորջը:

— Վաղը կբավականացնի՞:

— Կարծում եմ՝ կբավականացնի:

— Գնանք տեսնենք:

Եւ լամպը վերցնելով, նրանք գնացին մառան, որտեղ ածուխն էր դարսված:

— Օ՛հ, աստված իմ,— բացականչեց միսիս Գերհարդը:— Սա շատ քիչ է: Իսկույն գնա և էլի բեր:

— Է՛հ,— ծոր տվեց Զորջը շուրթերն ուռեցնելով:— Ես արդեն գնացել եմ: Հիմա էլ թող Բասսը գնա:

Բասսն աշխատանքից վերադարձել էր ուղիղ վեցն անց քառորդին և այժմ լվացվում ու հագնվում էր, որ քաղաք դուրս գա:

— Ոչ,— ասաց միսիս Գերհարդը:— Բասսն ամբողջ օրն աշխատել է: Դու ինքդ պիտի գնաս:

— Չեմ ուզում,— մրթմրթաց Ջորջը:

— Լա՛վ է,— ասաց միսիս Գերհարդը:— Իսկ եթե վաղը վառելու բան չլինի ի՞նչ կանենք:

Նրանք տուն վերադարձան, բայց Ջորջի ինքնասիրությունն այնքան խիստ էր վիրավորված, որ նա հարցը լուծած համարել չէր կարող:

— Բա՛սս, դու էլ արի,— դեռ շեմքից գոռաց նա ավագ եղբորը:

— Այդ ո՞ւր:

— Ածուխի:

— Ա՛յդ էր պակաս,— պատասխանեց Բասսը:— Դու ինձ ինչի՞ տեղ ես դրել:

— Որ այդպես է, ես էլ չեմ գնա,— գլուխը համառաբար թափ տալով ասաց Ջորջը:

— Իսկ ինչո՞ւ դու այսօր ածուխ չես հավաքել,— խըստությամբ հարցրեց եղբայրը:— Դու մի ամբողջ օր ունեիր:

— Հա՛ա՛, ես հավաքել եմ,— ասաց Ջորջը:— Ածուխը շատ քիչ էր: Որտեղի՞ց հավաքեի, որ չկար:

— Երեւի վատ ես հավաքել: Հարկավոր էր ավելի լավ աշխատել:

— Ի՞նչ է պատահել,— հարցրեց Ջեննին, որ գնացել էր խանութ և այժմ տուն մտնելուն պես իսկույն նկատեց Ջորջի փքված ու անբավական դեմքը:

— Բասսը չի ուղում ինձ հետ ածուխի գալ:

— Իսկ մի՞թե դու ցերեկը ոչինչ չես հավաքել:

— Հավաքել եմ, բայց մայրիկն ասում է՝ քիչ է:

— Ես կգամ քեզ հետ,— ասաց քույրը:— Դու էլ կգա՞ս, Բասս:

— Չէ,— սառը պատասխանեց երիտասարդ սճնամուլը: Նա փողկապն էր կապում և զայրանում էր, որ իրեն խանդարում են:

— Դե այնտեղ իսկի ածուխ էլ չկա,— ասաց Ջորջը:—



Գուցե միայն բաց վագոններից կարելի լինի ցած թափել: Իսկ երբ ես գնացել էի, այնտեղ ածուխի վագոն էլ չկար:

— Եզած կլինի,— գուցե Բասսը:

— Չկա՛ր,— ասաց Զորջը:

— Մի՛ վիճիր, խնդրում եմ,— ասաց Ջեննին:— Զամբյուղները վերցրու, գնանք, թե չէ ուշ կլինի:

Մյուս երեխաները, որոնք քնքշորեն սիրում էին ավագ քրոջը, նույնպես պատրաստվեցին նրա հետ գնալու: Վերոնիկան զամբյուղ վերցրեց, Մարթան և Ուիլյամը՝ դուլեր, Զորջը՝ լվացքի մեծ զամբյուղը, որ պիտի լցնեին ինքն ու Ջեննին և միասին բերեին: Այդ ժամանակ Բասսը, որ զգացվել էր գործը կարգավորելու քրոջ պատրաստակամությանից և դեռ եղբայրական ինչ-որ զգացմունք ուներ նրա նկատմամբ, առաջարկեց.

— Տես ինչ եմ ասում, Ջեննի: Դու պատիկների հետ գնա վեցերորդ փողոցի կողմը և սպասիր վագոնի մոտ: Ես էլ այնտեղ կգամ: Միայն թե, երբ ես մոտենամ, ձեզանից ոչ մեկը ամենևին ցույց չտա, թե ինձ ճանաչում եք: Պարզապես կասեք. «Միստր, խնդրում ենք մեզ համար մի քիչ ածուխ ցած թափեք»: Ես կբարձրանամ վագոնի վրա և ինչքան պետք է ցած կթափեմ: Հասկացա՞ք:

— Լավ,— միանգամայն գոհ ասաց Ջեննին:

Նրանք տանից դուրս եկան երեկոյան ձյունամշուշին և ուղղվեցին դեպի երկաթուղի: Այնտեղ, ուր փողոցը կտրում էին ապրանքային կայարանը տանող երկաթուղագծերը, կանգնած էր ածուխ բարձած մի գնացք, որ հենց նոր էր ժամանել: Երեխաները թաքնվեցին վագոններից մեկի ստվերում: Մինչ նրանք կանգնած սպասում էին ավագ եղբորը, ժամանեց Վաշինգտոնից եկող ճեպընթացը, մի հիանալի երկար գնացք՝ նորագույն տիպի մի քանի ննջավագոններով: Փայլփլում էին ապակեպատ խոշոր լուսամուտները, որոնց ետևը երևում էին փափուկ բազկաթոռների մեջ ընկղմված ուղեորները: Երբ գնացքը դղրդոցով անցնում էր կողքով, երեխաները բնազդաբար ետ քաշվեցին:

— Ի՛նչ երկար է,— ասաց Զորջը:

— Ա՛յ թե ես այսպիսի մի դնացքի կոնդուկտոր լինեի՜,— հառաչեց Ուիլյամը:

Միայն Ջեննին լուռ մնաց, բայց հեռավոր ճամփորդությունների և շքեղության միտքը նրան ամենից շատ էր հուզում: Երեւի, անշափ հիանալի է հարուստ մարդկանց կյանքը:

Հեռվում երևաց Սեբաստիանը: Նա եռանդուն ու կորովի քայլվածք ուներ, և ամեն ինչից երևում էր, որ իր հարգն իմացող մարդ է: Նա խիստ համառ ու վճռական տղա էր, և եթե երեխաները ճշտորեն չկատարեին իր պատվերը, մոտենալով կանցներ՝ նույնիսկ չմտածելով օգնել նրանց:

Բայց Մարթան գործին վերաբերվում էր հարկ եղած լըրջությամբ և, ինչպես պատվիրված էր, ձվձվաց. «Միստր, խնդրում եմ մի քիչ ածուխ ցած գցեք մեզ համար»:

Սեբաստիանը կտրուկ կանգ սռավ, օտարի նման նայեց նրանց և «ի՛նչ կա որ, կարելի է» ասելով, բարձրացավ բաց վագոնը և զարմանալի արագությամբ այնքան ածուխ ցած թափեց, որ բոլոր զամբյուղները լիքը կլցներ: Ապա, որպես թե չցանկանալով կանգ առնել այդքան անարժան խրմբի մեջ, նա շտապ անցավ ուղիները և շքացավ:

Վերադարձի ճանապարհին նրանք հանդիպեցին էլի մի ջենտլմենի, այս անգամ իսկական ջենտլմենի, որը գլխին ցիլինդր ուներ և վրան մի սքանչելի թիկնոց: Ջեննին նրան իսկույն ճանաչեց: Դա ոչ այլ ոք էր, եթե ոչ սենատոր Բրենդերը, որը հենց նոր էր վերադարձել Վաշինգտոնից և տոնից ոչ մի լավ բան չէր սպասում: Նա եկել էր այն նույն ճեպընթացով, որը գրավել էր երեխաների ուշադրությունը և ցանկանալով մի քիչ ոտքով ման դալ, փոքրիկ ճամպրուկը ձեռքին ուղղվել էր դեպի հյուրանոց: Եվ հանկարծ նրան թվաց, թե ինքը ճանաչեց Ջեննիին:

— Այդ դո՛ւք եք, Ջեննի,— ձայն տվեց նա քայլերը դանդաղեցնելով, որպեսզի լավ տեսնի:

Ջեննին, որ սենատորից ավելի շուտ էր ճանաչել նրան, գոչեց. «Օ՛հ, սա միստր Բրենդերն է»,— և զամբյուղի բռնակը բաց թողնելով, փոքրիկներին պատվիրեց շուտ տուն տանել, իսկ ինքը վաղեց հակառակ կողմը:

Սենատոր Բրենդերը գնաց նրա ետեից և մի երեք-չորս անգամ կանչեց. «Ջե'ննի, Ջե'ննի», բայց իզուր: Աղջկա ետեից հասնելու հույսը կտրելով և հանկարծ հասկանալով, թե ինչը նրան ստիպեց փախչել, նա որոշեց շամաչեցնել նրան, շուռ եկավ և քայլեց երեխաների ետեից: Եվ նորից, ինչպես ամեն անգամ այդ աղջկան հանդիպելիս, նա զգաց այն ամբողջ անդունդը, որ կար իր և այդ աղջկա դրուժյան միջև: Ահա ինքը սենատոր է, իսկ այս երեխաները ուսերի վրայից ածուխ են հավաքում: Ի՞նչ ուրախություն է բերելու սրանց վաղվա տոնը: Կարեկցությամբ տոգորված, նա ամենալավ մտադրությամբ քայլում էր նրանց ետեից և շուտով տեսավ, թե ինչպես նրանք ներս մտան մի դռնակով և ծածկվեցին մի միահարկ տան մեջ: Նա փողոցն անցավ և կանգնեց ձյունածածկ ծառերի ոչ թանձր ստվերում: Դեպի բակ նայող լուսամտից դեղնավուն լույս էր ցած ընկնում: Շուրջն ամեն ինչ ձյունով էր ծածկված: Մառանից երեխաների ձայներ էին լսվում, և մի անգամ էլ Բրենդերին թվաց, թե ինքը տեսավ միսիս Գերհարդին: Քիչ անց՝ մի ինչ-որ ստվեր ներս ընկավ կողքի դռնակից: Սենատորը ճանաչեց նրան: Նրա սիրտը խփեց, և նա հուզմունքը զսպելով շրթունքը կծեց: Հետո կտրուկ շուռ եկավ և արագ հեռացավ:

Քաղաքում նպարեղենի ամենամեծ վաճառականն էր ոմն Մեննինգ, որ հաստատորեն նվիրված էր Բրենդերին և շատ էր հպարտանում, որ ինքը ծանոթ է սենատորի հետ: Այդ երեկոյան հենց նրա մոտ էլ գնաց սենատոր Բրենդերը և դառավ նրան վաճառասեղանի ետևը նստած, իր գործերի մեջ խորասուզված:

— Մեննի'նգ,— ասաց նա,— չե՞ք կարող արդյոք հենց այսօր կատարել իմ մի հանձնարարությունը:

— Դե իհարկե, սենատոր, իհարկե կարող եմ,— ասաց նպարավաճառը:— Այդ ե՞րբ եք վերադարձել: Շատ ուրախ եմ ձեզ տեսնելու: Պատրաստ եմ ձեզ ծառայելու:

— Ընտրեցեք ամեն բան, ինչ տոնի համար հարկավոր է մի ութ մարդուց բաղկացած ընտանիքին՝ հայր, մայր և վեց

երեսա: Տոնածառ, մթերք, խաղալիքներ... մի խոսքով դուք ինքներդ հասկանում եք:

— Իհարկե, իհարկե, սենատոր:

— Ծախսի առաջ կանգ չառնեք: Ուղարկեցեք ամեն ինչ առատորեն: Ես ձեզ հասցեն կտամ,— և նա հանեց ծոցատետրը:

— Հաճությամբ ամեն ինչ կանեմ, սենատոր,— շարունակեց Մեննինգը:— Մեծագույն բավականությամբ: Դուք միշտ մեծահոգի եք եղել:

— Լավ, լավ, Մեննինգ,— ասաց սենատորը հոնքերը կիտելով՝ պարզապես նրա համար, որ պահպանի պետական մարդու իր արժանապատվությունը:— Անհապաղ ուղարկեցեք ամեն ինչ, իսկ հաշիվն ինձ կուղարկեք:

— Մեծագույն բավականությամբ,— միայն այսքանը կարողացավ ասել ուրախացած առևտրականը:

Սենատորը դուրս եկավ փողոց, բայց հիշելով Գերհարդ ծերունիներին, մեկ էլ մտավ կոշիկի ու պատրաստի հագուստեղենի խանութը, բայց գլխի ընկնելով, որ չգիտե ինչ համարի հագուստներ են հարկավոր, նա որոշ բաներ պատվիրեց՝ զնածը փոխելու իրավունքով: Այս ամենը վերջացնելով վերադարձավ հյուրանոց:

«Ածուխ են հավաքում...— նորից ու նորից մտածեց նա:— Որքա՛ն անուշադիր եմ եղել: Այլևս ես նրանց չպետք է մոռանամ»:

## Գ Լ ՈՒՍ IV

Փախչելու ցանկությունը, որ Զեննիին համակեց սենատորին տեսնելուն պես, բացատրվում էր նրանով, որ աղջիկն իր վիճակն ստորացուցիչ էր համարում: Սենատորն իր մասին այնքան լավ կարծիք ուներ, և նա ամաչում էր, որ իրեն այդքան ստոր դբադմունքի մեջ տեսավ: Նա միամտորեն երևակայում էր, թե սենատորի հետաքրքրությունն իր նկատմամբ ըլսում է ինչ-որ մի ուրիշ բանից և ոչ թե անձամբ ինքն է հետաքրքրության առարկան:

Երբ նա տուն վերադարձավ, երեխաներն արդեն մորը պատմել էին նրա փախուստի մասին:

— Այն ի՞նչ պատահեց քեզ,— հարցրեց Զորջը, երբ Զեննին սենյակ մտավ:

— Ոչինչ,— պատասխանեց նա, բայց և խսկույն մորը բացատրեց.— Միստր Բրենդերն անցնում էր մոտիկով և մեզ տեսավ:

— Ի՞նչ ես ասում,— ցածրաձայն գոչեց միսիս Գերհարդը:— Ուրեմն նա վերադարձե՞լ է: Իսկ ինչո՞ւ էիր դու փախչում, անխելք:

— Պարզապես չէի ուզում, որ ինձ տեսնի:

— Բայց գուցե նա քեզ չի էլ ճանաչել,— կարեկցանքով ասաց մայրը:

— Զէ՛, ճանաչեց,— շշնջաց Զեննին:— Նա մի երեք անգամ ձայն տվեց ինձ:

Միսիս Գերհարդը գլուխն օրորեց:

— Ի՞նչ է պատահել,— հարցրեց Գերհարդ-հայրը այդ խոսակցությունը լսելով և հարևան սենյակից դուրս գալով:

— Ոչինչ,— պատասխանեց կինը, որն ամենևին չէր ուզում ամուսնուն բացատրել, թե սենատորն ինչ դեր է սկսել խաղալ իրենց կյանքում:— Ածուխ բերելիս մի ինչ-որ մարդ վախեցրել է սրանց:

Նույն օրը երեկոյան եկան տոնական ընծաները, որոնք ամբողջ ընտանիքը արտակարգ հուզմունքի մեջ գցեցին: Գերհարդն ու իր կինը չէին կարողանում հավատալ իրենց աչքերին, երբ նպարեղենի խանութի ֆուրգոնը կանգ առավ նրանց դռան առաջ, և ցրիչը, որ մի քաջառողջ երիտասարդ էր, սկսեց կապոցները նրանց տուն կրել: Նրանք փորձեցին ցրիչին համոզել, թե նա սխալվել է, բայց երբ այդ փորձերն ապարդյուն անցան, Գերհարդները միանգամայն հասկանալի ուրախությամբ սկսեցին զննել այդ ամբողջ բարիքը:

— Դուք մի՛ անհանգստացեք,— վստահորեն ասաց ցրիչը:— Ես գիտեմ ինչ եմ անում: Ձեր աղզանունը Գերհարդ է, չէ՞: Դե, ուրեմն այս բոլորը ձեզ համար է:

Միսիս Գերհարդը գլուխը կորցրել էր և հուզմունքով ձեռքերը տրորելով կրկնում էր.

— Դե մի՞թե սա հրաշք չէ:

Գերհարդն ինքն էլ զգացվել էր անհայտ բարերարի առատաձեռնությունից և հակված էր այս բանը վերագրելու տեղական մի խոշոր գործարանատիրոջ, որի մոտ ինքը մի ժամանակ աշխատել էր և որը իր նկատմամբ լավ վերաբերմունք ուներ: Միսիս Գերհարդը կասկածում էր, թե որը կլինի անսպասելի ուրախության իսկական աղբյուրը և անչափ զգացված էր, բայց բան չասաց: Իսկ Ջեննին միանգամից գլխի ընկավ, թե այդ ում արածը կլինի:

Ծննդյան տոնի երկրորդ օրը Բրենդերը հյուրանոցում հանդիպեց միսիս Գերհարդին. Ջեննին մնացել էր տնտեսությանը հետևելու:

— Ինչպե՞ս եք, միսիս Գերհարդ,— սիրալիր գոչեց սենատորը ձեռքը մեկնելով:— Ինչպե՞ս դիմավորեցիք տոնը, խեղճ միսիս Գերհարդը վեհերոտ սեղմեց նրա ձեռքը, և նրա աչքերն իսկույն արցունքով լցվեցին:

— Դե լա՛վ, լա՛վ,— ասաց սենատորը նրա ուսին թըփթըփացնելով:— Լաց լինելու կարիք չկա: Եվ չմոռանաք վաղը լվալու վերցնել իմ սպիտակեղենը:

— Չեմ մոռանա, սրբ,— պատասխանեց կինը և ուզում էր էլի ինչ-որ բան ասել, բայց նա արդեն հեռացել էր:

Այժմ Գերհարդ-հայրը շարունակ լսում էր հյուրանոցի պարմանալի սենատորի մասին, թե որքան նա Լիրալիր է և որքան շատ է վճարում լվացքի համար: Պարզամիտ աշխատավորը հեշտությամբ հավատաց, որ միստր Բրենդերը ամենաբարի և ամենաազնվասիրտ մարդն է:

Ջեննին ինքն էլ այդպես էր մտածում և ավելի ու ավելի էր հիանում սենատորով:

Նա այնպես քնքշացել, այնքան լավիկն էր դարձել, որ ոչ ոք չէր կարող անտարբեր անցնել նրա կողքով: Նա սլացիկ հասակ ուներ և հիանալի կազմվածք: Երկար հագուստով, բարձրաշխարհիկ կնոջ զուգսով նա հիանալի զույգ կլիներ այնպիսի բարետես մարդու համար, ինչպիսին սենատորն էր:

Նա զարմանալի վճիտ, աշխույժ աչքեր ուներ, դեմքի հրաշալի գույն, համաշափ ճերմակ ատամներ: Դրա հետ միասին նա խելացի էր, զգայուն և զննող: Նրան պակասում էր միայն դաստիարակություն և վստահություն, որ երբեք չի ունենում իր կախյալ, ենթակա վիճակը գիտակցող մարդը: Լվացքով զբաղվելու, սպիտակեղենը տանել-բերելու և ամեն մի մանրուք որպես բարերարություն ընդունելու անհրաժեշտությունը կաշկանդում էր նրան:

Այժմ նա շաբաթական երկու անգամ գալիս էր հյուրանոց: Սենատոր Բրենդերը նրա հետ սիրալիր էր ու ազատ, և աղջիկն էլ նույնով էր պատասխանում նրան: Սենատորը հաճախ ընծաներ էր տալիս նրան, նրա քույրերին ու եղբայրներին և նրա հետ միշտ խոսում էր այնպես պարզ ու անկեղծ, որ ի վերջո նրանց բաժանող անդունդի զգացողությունը չքացավ, և աղջիկն սկսեց ի դեմս նրա տեսնել ոչ այնքան պատկառելի սենատորի, որքան մեծահոգի մի բարեկամի: Մի անգամ Բրենդերը հարցրեց նրան, թե չի՞ ուզում արդյոք սովորել, մտածելով, որ լավ դպրոցը նրան ավելի ևս հրապուրիչ կդարձներ: Վերջապես մի երեկո նա մոտ կանչեց աղջկան:

— Հապա մի մոտ եկեք, Զեննի:

Աղջիկը մոտեցավ, և սենատորը հանկարծ բռնեց նրա ձեռքը:

— Հապա, Զեննի,— ասաց նա ուրախ և զննաբար նայելով նրա աչքերին,— ասացեք, ի՞նչ եք մտածում դուք իմ մասին:

— Զգիտեմ,— պատասխանեց աղջիկը ամոթխածությամբ մի կողմ նայելով:— Ինչո՞ւ եք հարցնում:

— Ոչ, գիտեք,— առարկեց սենատորը:— Դե հո մի որևէ կարծիք ունեք իմ մասին: Ասացեք, ի՞նչ կարծիք:

— Դուք հարցնում եք, թե ինձ դո՞ւր եք գալիս, այո՞,— պարզամտորեն հարցրեց Զեննին՝ վերից-վար նայելով սենատորի սպիտակախառն սև մազերին, որ առյուծի բաշի նման կուտակվելով լայն ճակատին՝ մի առանձին վեհություն էին տալիս նրա գեղեցիկ դեմքին:

— Այո,— պատասխանեց նա մի փոքր հիասթափւած:  
Աղջիկը կոտորատովել շղիտեր:

— Դե իհարկե դուր եք գալիս,— մի անուշ ժպիտով  
ասաց նա:

— Ուրիշ ոչ մի բան չե՞ք մտածել իմ մասին:

— Ես մտածում եմ, որ դուք շատ բարի մարդ եք,—  
պատասխանեց Ջեննին ավելի ևս վախենալով. միայն այժմ  
նա նկատեց, որ սենատորը դեռ բռնած ունի իր ձեռքը:

— Էլ ուրիշ ոչի՞նչ,— հարցրեց նա:

— Մի՞թե սա քիչ է,— ասաց աղջիկը, և նրա թարթիչ-  
ները դողացին:

Սենատորը նայում էր աղջկան, և նրա պատասխան հա-  
հացքը, որ ուրախ էր, մտերմական ու անկեղծ, խորապես  
հուզում էր նրան: Նա լուռ ուսումնասիրում էր նրա դեմքը,  
և աղջիկը երեսը դարձրեց ու կուշ եկավ, զգալով, թեև հագիվ  
թե հասկանալով, այդ զննական հայացքի ամբողջ նշանա-  
կությունը:

— Այ, իսկ ես մտածում եմ, որ դուք հիանալի աղջիկ  
եք,— վերջապես ասաց նա:— Իսկ ձեզ չի՞ թվում, որ ես շատ  
լավ մարդ եմ:

— Թվում է,— իսկույն պատասխանեց Ջեննին:

Սենատորը ետ ընկավ բազկաթոռի թիկնակին և ծիծա-  
ղեց, այնքան հետաքրքիր էր ստացվել աղջկա այդ պատաս-  
խանը: Ջեննին հետաքրքրությամբ նայեց նրան ու ժպտաց:

— Ինչո՞ւ եք ծիծաղում,— հարցրեց նա:

— Ձեր պատասխանի վրա: Թեև ես չպետք է ծիծաղեի:  
Դուք ինձ մի կաթիլ էլ չեք գնահատում: Երևի ես ձեզ ամենե-  
վին դուր չեմ գալիս:

— Ոչ, դուր եք գալիս,— լրջորեն պատասխանեց աղ-  
ջիկը:— Դուք այնքա՞ն լավն եք:

Աչքերի արտահայտությունից երևում էր, որ աղջիկը  
սրտանց է խոսում:

— Այդպե՞ս,— ասաց սենատորը և աղջկան մեղմորեն  
իր կողմը քաշելով համբուրեց նրա այտը:



Զեննին զարմանքի ու վախի մի թեթև ճիշ արձակելով ուղղվեց:

Դա մի նոր բան էր նրանց հարաբերությունների մեջ: Վայրկենապես չբացավ այն տարածությունը, որ կար Զեննիի և պետական մարդու միջև: Աղջիկը նրա մեջ տեսավ այն, ինչ առաջ չէր նկատել: Նա միանգամից ավելի երիտասարդ թվաց: Նա իրեն վերաբերվում է որպես կնոջ, նա սիրահարված է իրեն: Եվ աղջիկը չգիտեր, թե ինչ անի ինքը, ինչպես պահի իրեն:

— Ես ձեզ վախեցրի՞, — ասաց նա:

Աղջիկը նայեց այդ մարդուն, որին վարժվել էր խորապես հարգել, և ժպտով պատասխանեց.

— Այո, վախեցրիք:

— Դրա պատճառն այն է, որ դուք ինձ դուր եք գալիս: Զեննին մի րոպե մտածելով ասաց.

— Ես պետք է գնամ:

— Դե տես, — դժկամությամբ ասաց Բրենդերը, — մի՞թե դուք դրա համար եք փախչում:

— Ոչ, — ասաց աղջիկը թեթև նազանքով, որ առաջ երբեք չէր երևացել:

Նա զգում էր իր իշխանությունը սենատորի վրա, և դա այնքան նոր, այնքան զարմանալի բան էր, որ երկուսն էլ մի տեսակ շփոթվեցին:

— Ինչ էլ որ լինի, այժմ դուք իմն եք, — ասաց սենատորը վեր կենալով: — Այսուհետև ես կհոգամ ձեր մասին:

Զեննիի համար հաճելի էր այդ լսել: «Սրան սազում է հրաշքների դործել, — մտածեց նա, — սա իսկական կախարդ է»: Նա ետ նայեց, և մտածելով, որ իր առաջ մի նոր, զարմանալի կյանք է բացվում, գլուխը պտույտ եկավ ուրախությանից: Զի կարելի ասել, թե նա լրիվ հասկացավ սենատորի ասածը: Երևի նա ավելի բարի ու մեծահոգի է լինելու, հիանալի բաներ է ընծայելու: Հասկանալի է, աղջիկը երջանիկ էր: Նա վերցրեց լվացքի կապոցը, որի համար եկել էր, չնկատելով ու չզգալով իր դրություն անհեթեթությունը, իսկ սենատորի համար դա դառն կշտամբանք էր:

«Սա չպետք է լվացք տանող-բերող լինի»,—մտածեց նա։  
Քնքշանքն ու կարեկցանքը ջերմ ալիքով բարձրացաւ նրա  
մէջ։ Նա թաթերի մէջ առավ աղջկա դեմքը, այս անգամ որ-  
պէս բարի հովանաւոր։

— Ոչինչ, սիրուն աղջիկ,— ասաց նա։— Դուք ստիպւած  
չեք լինի միշտ սրանով դբաղւել։ Ես մի որեւէ բան կ'մտածեմ։

Սրանից հետո նրանց հարաբերությունները դարձան  
ալիքի պարզ ու մտերմական։ Երբ հաջորդ անգամ Զեննին  
եկավ, սենատորն առանց այլեւայլության առաջարկեց նրան  
նստել իր բազկաթոռի թեւին և սկսեց մանրամասն հարցու-  
փորձ անել, թե ինչպէս են ապրում նրա հարազատները, ինչ  
է ուզում և ինչ է երազում նա ինքը։ Նա նկատեց, որ աղջիկը  
որոշ հարցերի խուսափողական պատասխան է տալիս, մա-  
նավանդ հոր աշխատանքի մասին։ Նա ամաշում էր ասել, որ  
հայրը տնեւուն ման գալով փայտ է սղոցում։ Մտածելով,  
թե այստեղ մի ինչ-որ ավելի լուրջ բան կա թաքնւած, Բրեն-  
դերը որոշեց մոտ օրերը գնալ և ամեն ինչ իմանալ։

Այդպէս էլ նա արեց առաջին իսկ ազատ առաւոտյան։  
Դա երեք օր առաջ էր այն օրից, երբ կոնգրեսում կատաղի  
սլայքար սկսվեց, որն ավարտվեց նրա պարտությամբ։ Մնա-  
ցած այդ օրերին, միևնույն է, ոչինչ նախածեռնել չէր կարե-  
լի։ Եվ ահա Բրենդերը ձեռնափայտը վերցրեց ու քայլեց  
դեպի Գերհարդների տունը։ Կես ժամ անց՝ նա արդեն վճռա-  
կանորեն բախում էր դուռը։

Դուռը բացեց միսիս Գերհարդը։

— Բարև ձեզ,— ուրախ ասաց նա և, նկատելով կնոջ  
շփոթմունքը, ավելացրեց.— կարելի՞ է ներս գալ։

Այս արտասովոր հյուրին տեսնելով՝ խեղճ կինը բոլո-  
րովին գլուխը կորցրեց։ Նա կամացուկ ձեռքերը սրբեց հին,  
կարկատած զոգնոցով և, վերջապէս, ասաց.

— Այո, այո, համեցեք, ներս եկեք։

Մոռանալով դուռը ծածկել՝ միսիս Գերհարդը հյուրին  
շտապ առաջնորդեց սենյակ և, աթոռն առաջ քաշելով, հրա-  
վիրեց նստել։

Բրենդերը ցավ դգաց, որ այդպէս շփոթեցրեց նրան։

— Մի անհանգստացեք, միսիս Գերհարդ,— ասաց նա:— Ես հենց այնպես այս տեղերով անցնում էի և մտածեցի մի բոլորով մտնեմ ձեզ մոտ: Ինչպե՞ս է ձեր ամուսնու առողջութիւնը:

— Շնորհակալ եմ, առողջ է,— պատասխանեց կինը:— Աշխատանքի է գնացել:

— Նշանակում է գո՞րծ է գտել:

— Այո, սըր,— պատասխանեց միսիս Գերհարդը. նա ևս Զեննիի նման չէր ուզում ասել, թե ինչ աշխատանք է դա:

— Երեխաներն էլ, հուսով եմ, բոլորն առողջ են և դըպրո՞ց են հաճախում:

— Այո,— պատասխանեց միսիս Գերհարդը:

Նա գոգնոցն արծակեց և շփոթված սկսեց ճմրթել այն:

— Այդ լավ է: Իսկ որտե՞ղ է Զեննին:

Զեննին հենց այդ ժամանակ սպիտակեղենն էր հարթուկում: Հյուրի ձայնը լսելով, նա հարթուկն ու տախտակը թողած վազել էր ննջարան, որտեղ այժմ շտապով իրեն կարգի էր բերում, վախենալով, որ մայրը գլխի չի ընկնի ասել, թե տանը չի և իրեն թաքնվելու հնարավորութիւն չի տա:

— Տանն է,— ասաց միսիս Գերհարդը:— Իսկույն կըկանչեմ:

— Ինչո՞ւ նրան ասացիր, որ ես այստեղ եմ,— կամացուկ կշտամբեց Զեննին:

— Հապա ի՞նչ անեի:

Նրանք սիրտ չէին անում դուրս գալ սենատորի մոտ, իսկ սա մինչ այդ սենյակն էր դիտում: Նրա համար տխուր բան էր տեսնել, որ այդքան արժանավոր մարդիկ այդպիսի կարիքի մեջ են ապրում: Կուղենար մի որևէ կերպ օգնել նրանց:

— Բարի լույս,— ասաց նա, երբ, վերջապես, Զեննին անհամարձակ մտաւ սենյակ:— Ինչպե՞ս եք:

Զեննին մոտեցավ նրան և կարմրատակելով ձեռքը մեկնեց: Սենատորի գալուստն այնպես էր հուզել, որ նա հազիվ կարող էր մի բառ արտասանել:

— Որոշեցի մի քանի բոլորով ներս մտնել և տեսնել

ինչպես եք ապրում,— ասաց սենատորը:— Վատ տուն չէ: Քանի՞ սենյակ ունեք:

— Հինգ,— պատասխանեց Ջեննին:— Գիտեք, մեզ մոտ խառնիխուռն է: Առավոտից հարթուկ էինք անում, դրա համար էլ ամեն ինչ տակնուվրա եղած է:

— Հասկանում եմ,— մեղմորեն ասաց Բրենդերը:— Մի՞թե կարծում եք, թե ես այդ չեմ հասկանա, Ջեննի: Ինձնից քաշվելու կարիք չկա:

Նա խոսում էր նույնպես հանգիստ ու մտերմաբար, ինչպես միշտ, երբ Ջեննին նրա մոտ էր լինում, և այդ աղջկան օգնեց ուշքի գալ:

— Թող ձեզ շշտոթեցնի, եթե ես էլի մի անգամ ձեզ մոտ գամ: Ես էլի եմ այցելելու ձեզ, ուզում եմ ձեր հորը տեսնել:

— Մի՞թե,— ասաց Ջեննին:— Իսկ նա տանը չի:

Բայց մինչ նրանք խոսում էին, Գերհարդն իր սղոցով ու իշտոնովով երևաց բակի դռնակի առաջ: Բրենդերը նրան տեսավ և աղջկա որոշ նմանությունից իսկույն ճանաչեց:

— Ահա և ձեր հայրը, եթե չեմ տխարվում, — ասաց նա:

— Մի՞թե,— արձագանքեց Ջեննին, լուսամուտից դուրս նայելով:

Գերհարդն իր մտքերով տարված՝ լուսամուտի մոտով անցավ առանց հայացքը բարձրացնելու: Նա իշտոնովը դրեց պատի տակ, սղոցը մեխից կախեց և տուն մտավ:

— Մայր,— ձայն տվեց նա գերմաներեն, ապա, կնոջը շտեմնելով, մոտեցավ դռանը և նայեց սեղանատան ներսը:

Բրենդերը վեր կացավ և ձեռքը մեկնեց նրան: Կորաքամակ, մկանուտ գերմանացին մոտեցավ ու այդ ձեռքը սեղմեց՝ հարցական նայելով անժանոթին:

— Սա իմ հայրն է, միստր Բրենդեր,— ասաց Ջեննին. սենատորի նկատմամբ տաժած բարյացակամության զգացմունքը նրան օգնեց հաղթահարել ամոթխածությունը:— Հայրիկ, սա միստր Բրենդերն է, նա, որ ապրում է հյուրանոցում:

— Ազգանունն ինչ է՞,— հարցրեց Գերհարդը մերթ մեկին մերթ մյուսին նայելով:

— Բրենդեր, — ասաց սենատորը:

— Ա՛յ, այո: — Գերհարդը նկատելիորեն խոսում էր գերմանական առողջանությամբ: — Հիվանդությունից հետո լավ չեմ լսում: Կինս ինձ ասել է ձեր մասին:

— Ես որոշեցի ներս մտնել, ձեզ հետ ծանոթանալ, — ասաց սենատորը: — Դուք, տեսնում եմ, մեծ ընտանիք ունեք:

— Այո, — ասաց ընտանիքի հայրը: Նա հասկանում էր, որ իր հագին բանվորական մաշված շոր է և ուզում էր շուտ հեռանալ: — Վեց երեխա, և բոլորն էլ դեռ աշխատանքի չանցած: Ահա սա իմ ավագ դուստրն է:

Ներս եկավ կինը, և Գերհարդն շտապեց օգտվել այդ առիթից:

— Դուք ինձ ներեցեք, — ասաց նա, — ես պիտի գնամ: Սղոցս կոտրվեց, ստիպված եղա գործը թողնել:

— Խնդրեմ, — սիրալիր ասաց Բրենդերը, իսկույն հասկանալով, թե Զեննին ինչն էր միշտ լռության մատնում: Նա, երևի, կգերադասեր, որ աղջիկն արիություն ունենար ոչինչ չթաքցնելու:

— Դե, ուրեմն, միսիս Գերհարդ, — ասաց նա, երբ արկինը նստելով, լարված ուղղվեց աթոռի վրա: — Ես կուզենայի, որ այսուհետև դուք ինձ օտար մարդ չհամարեք: Եվ կուզենայի, որ դուք մանրամասն պատմեք ինձ ձեր գործերի մասին: Զեննին միշտ չէ, որ այդ անում է:

Զեննին լուռ ժպտաց: Միսիս Գերհարդն անհանգիստ ձեռքերն էր տրորում:

— Շատ լավ, — երկշտությամբ ու շնորհակալությամբ պատասխանեց նա:

Նրանք էլի մի քիչ խոսեցին, ապա սենատորը վեր կացավ:

— Ասացեք ձեր ամուսնուն, որ երկուշաբթի օրը գա ինձ մոտ, հյուրանոց, — ասաց նա: — Ես կաշխատեմ օգնել նրան:

— Շնորհակալ եմ, — շփոթված մրմնջաց միսիս Գերհարդը:

— Իսկ հիմա գնալուս ժամանակն է, — ավելացրեց Բրեն-

դերը:—Ուրեմն շմոռանաք ասել ձեր ամուսնուն, որ ինձ մոտ անցնի:

— Օ՛, իհարկե կգա:

Բրենդերը ձախ ձեռքի ձեռնոցը հագաւ, աջը մեկնեց Զեննին:

— Ահա ձեր ամենալավ գանձը, միսիս Գերհարդ,— ասաց նա:— Եւ ես մտադիր եմ այս գանձը փախել ձեզանից:

— Օ՛, ես չգիտեմ, թե առանց դրան ինչպես կարող եմ յոյա պնալ,— պատասխանեց մայրը:

— Դե, ողջ մնաք,— ասաց սենատորը միսիս Գերհարդի ձեռքը սեղմելով և ուղղվեց դեպի դուռը:

Նա գլխով արեց որպես հրաժեշտ և դուրս գնաց, իսկ մի հինգ-վեց հարևաններ, որոնք տեսել էին, թե ինչպես նա տուն մտաւ, այժմ հետաքրքրությամբ լի հայացքով ուղեկցում էին նրան խլափեղկերի ու վարագույրների ետևից:

«Ո՛վ կարող է լինել սա». այս հարցն էր զբաղեցնում բոլորին:

— Տես ինչ տվեց նա ինձ,— աղչկան ասաց պարզամիտ մայրը, հենց որ դուռը ծածկեց հյուրի ետևից:

Դա տասը դոլլարանոց մի թղթադրամ էր, որ Բրենդերը հրաժեշտ տալիս աննկատելիորեն դրել էր միսիս Գերհարդի բուռը:

## Գ Լ Ո Ւ Ս V

Հանդամանքներն այնպես դասավորվեցին, որ Զեննին մեծ չափով իրեն պարտական էր զգում սենատորին և, միանգամայն հասկանալի է, բարձր էր գնահատում այն ամենը, ինչ նա անում էր իր և իրենց ընտանիքի համար: Սենատորը նրա հորը մի նամակ տվեց ուղղված տեղի գործարանատիրոջը, և սա Գերհարդին ծառայության ընդունեց: Դա, իհարկե, մի երևելի գործ չէր, եղած-չեղած՝ գիշերային պահակ, բայց և այնպես Գերհարդը նորից աշխատում էր, և նրա երախտագիտությունը սահման չուներ: Ի՞նչ բարի մարդ

է այդ սենատորը, որքա՛ն կարեկից. աշխարհիս երեսին ուրիշ այդպիսի մարդ չի լինի:

Ջէր մոռացվել նաև միսիս Գերհարդը: Մի անգամ Բրենդերը նրան շոր ուղարկեց, մի ուրիշ անգամ՝ շալ: Այդ բոլոր բարերարություններն արվում էին մասամբ նրանց օգնելու ցանկությամբ, մասամբ էլ սեփական բավականության համար, բայց միսիս Գերհարդը խանդավառությամբ այդ ամենը վերագրում էր սոսկ սենատորի բարեսրտությանը:

Իսկ Ջեննին... Բրենդերը ամեն կերպ աշխատում էր նվաճել նրա վստահությունը և, վերջապես, աղջկա վերաբերմունքը նրան այնքան բարդ դարձավ, որ դա բավական դժվար էր հասկանալ: Իսկ այդ դեռատի ու անփորձ աղջիկն այնքան միամիտ ու անհոգ էր, որ չէր կարող գեթ մեկ բուպե մտածել, թե ինչ կարող են ասել մարդիկ: Այն անմոռանալի ու երջանիկ օրից, երբ Բրենդերը կարողացավ հաղթահարել նրա բնածին երկշտությունը և այնպես քնքշորեն համբուրեց նրա այտը, նրանց համար նոր ժամանակաշրջան սկսվեց: Ջեննին նրա մեջ բարեկամ էր տեսնում, և որքան սենատորն ավելի պարզ ու անբռնազբոսիկ էր դառնում, գոհունակությամբ ազատվելով սովորական զսպվածությունից ու խստաբարոյությունից, այնքան ավելի լավ էր աղջիկը հասկանում նրան: Նրանք սրտանց ծիծաղում ու խոսում էին, և սենատորը անկեղծորեն հիանում էր, որ վերադարձել է երիտասարդության ու երջանկության այդ պայծառ աշխարհը:

Այնուամենայնիվ երբեմն նրան անհանգստացնում էր մի միտք, որից ազատվել չէր կարող, այն, որ ինքն այնպես չի վարվում, ինչպես հարկավոր է: Եթե ոչ այսօր, ապա վաղը մարդիկ կնկատեն, որ այդ լվացարարի աղջկա հետ իր հարաբերություններն ընդունված սահմաններից անցնում են: Ավագ սպասուհու ուշադրությունից, երեւի, չէր վրիպել, որ Ջեննին, երբ գալիս է սպիտակեղենը տանել կամ բերելու համար, համարյա միշտ սենատորի համարում մնում է լռասն-հինգ-քսան բուպե, իսկ երբեմն էլ մի ժամի չափ: Բրենդերը հասկանում էր, որ դա կարող է հասնել հյուրանոցի մյուս

ծառայողներին ականջին ևս, լուրը կտարածվի քաղաքում և դրանից ոչ մի լավ բան չի դուրս գա: Բայց այսպիսի մտքերը նրան չէին ստիպում այլ կերպ պահել իրեն: Նա մերթ իրեն հանգստացնում էր այն մտքով, որ Ջեննիի համար ոչ մի վատ բան չի անում, մերթ ինքն իրեն ասում էր, որ չի կարող զրկվել իր միակ քնքուշ մտերմությունից: Խղճով որ խոսենք, մի՞թե ինքը Ջեննիի լավը չի ուզում:

Այս ամենի մասին խորհելով, Բրենդերն ամեն անգամ որոշում էր, որ Ջեննիից հրաժարվել չի կարող: Բարոյական բավականությունը, որ նա կունենար, հաղիվ թե արժեք այն ցավին, որ անխուսափելիորեն կբերեր նրան այդպիսի անձնազոհությունը: Նրան այնքան էլ շատ կյանք չէր մնացել: Յավալի բան կլիներ մեռնել՝ առանց ստանալու այն, ինչ այնքան ցանկանում ես:

Մի երեկո եղավ, որ նա ամուր զրկեց Ջեննիին: Մի ուրիշ անգամ նա աղջկան նստեցրեց իր ծնկին և սկսեց պատմել Վաշինգտոնում անցկացրած իր կյանքի մասին: Այժմ նա ոչ մի անգամ աղջկան բաց չէր թողնում առանց փաղաքշելու և համբուրելու: Բայց սրանք բոլորը սոսկ թույլ անորոշ փորձեր էին: Նա չէր ուզում խիստ ուժեղ անհանգստացնել աղջկան:

Իսկ պարզամիտ Ջեննին բավականություն էր զգում այդ ամենից: Նրա կյանքում այնքան նոր, արտասովոր բան էր սկսվել: Նա միամիտ, անփորձ աղջիկ էր, խորապես զգալու ընդունակ: Միրո մասին դեռ ոչինչ չգիտեր, բայց արդեն այնքան մեծ էր, որ կարող էր ուրախանալ այդ ականավոր մարդու ուշադրությանը, քանի որ նա աղջկան արժանացրել էր իր մտերմությանը:

Մի երեկո, երբ Ջեննին կանգնած էր Բրենդերի բազկաթուղի կողքին, ձեռքը քսեց նրա մազերին, ճակատից ետ տարավ, ապա հենց այնպես, մեքենայորեն նրա գրպանից հանեց ժամացույցը: Աղջկա այդ անուշ պարզամտությունը հիացմունք պատճառեց սենատորին:

— Իսկ դուք կուզենայի՞ք ժամացույց ունենալ, — հարցրեց նա:



— Հարկա՛վ,— հառաչանքով ասաց Զեննին:

Մյուս օրը Բրենդերը մտավ ակնեղենի խանութ և գեղեցիկ ձևավոր սլաքներով մի ոսկե ժամացույց գնեց:

— Զեննի,— ասաց նա երբ հաջորդ անգամ աղջիկը եկավ,— ես ուզում եմ ձեզ մի բան ցույց տալ: Հապա մի նայեցե՛ք իմ ժամացույցին, ժամը քանի՞սն է:

Զեննին նրա ժիլետի գրպանից ժամացույցը հանեց և աչքերը շոնց:

— Սա ձեր ժամացույցը չի,— զարմացած գոչեց նա:

— Ոչ,— պատասխանեց սենատորը աղջկա տարակուսանքով հիացած,— դա ձերն է:

— Ի՛մը,— գոչեց Զեննին:— Ի՛մը: Ի՛նչ հիանալի է:

— Ձեզ դո՛ւր է գալիս,— հարցրեց Բրենդերը:

Նա շատ զգացված ու շոյված էր աղջկա հիացմունքից: Զեննիի դեմքն ուղղակի փայլում էր, աչքերը շողում էին:

— Դա ձեր ժամացույցն է,— ասաց նա:— Վերցրե՛ք, բայց տեսե՛ք, չկորցնե՛ք:

— Որքա՛ն բարի եք դուք,— ասաց Զեննին:

— Ոչ, — առարկեց սենատորը և ձեռքը աղջկա մեջքին գցելով մտածեց, թե ինչ պարգև կարող է ստանալ ինքը: Ապա նա դանդաղորեն Զեննիին քաշեց իր կողմը, և այդ ժամանակ աղջիկը երկու ձեռքով փաթաթվեց նրա պարանոցին և երախտագիտության զգացմունքով իր այտը սեղմեց նրա այտին: Ոչ մի բան չէր կարող ավելի մեծ հրճվանք պատճառել սենատորին: Երկար տարիներ նա երազել էր այդպիսի մի րոպե ապրելու մասին:

Այս իդիլիայի հետագա զարգացումն ընդհատեցին կոնգրեսում տեղ գրավելու համար սկսված թեժ մարտերը: Հակառակորդների ճնշման տակ սենատոր Բրենդերն ստիպված էր կյանքի ու մահու կռիվ մղել: Մեծագույն զարմանքով նա իմացավ, որ երկաթուղային հզոր ընկերությունը, որը միշտ բարյացակամ էր եղել իր նկատմամբ, գաղտնաբար մեծ եռանդով պաշտպանում է իր առանց այն էլ վտանգավոր ափոյանին: Այս լուրը ցնցեց Բրենդերին, նրան մերթ մոռյլ հուսահատությունն էր համալիում, մերթ կատաղության նո-

սլան: Թեպետև ձեռացնում էր, թե հեշտությամբ է կրում բախտի հարվածները, բայց դրանք խոր էին խոցում նրան: Վաղուց արդեն, շատ վաղուց նա պարտության դառնություն չէր ճաշակել:

Այդ օրերին Ջեննին առաջին անգամ իմացավ, թե ինչ բան է տղամարդու բնավորության հարափոխությունը: Երկու շաբաթ նա Բրենդերին բուրբուրում չէր տեսել, իսկ հետո, մի երեկո, իր կուսակցության տեղական պարագլուխի հետ շատ անմխիթարական խոսակցություն ունենալուց հետո սենատորը նրան դիմավորեց ավելի քան սառն: Երբ աղջիկը դուռը բացեց, նա կիսաբաց արեց աչի և համարյա կոպտորեն սուսաց:

— Այսօր ես սպիտակեղենով դբաղվել չեմ կարող: Վաղը եկեք:

Ջեննին գնաց՝ այդպիսի ընդունելությունից զարմացած և վշտացած: Նա չէր իմանում ինչ մտածի: Մի վայրկյանում սենատորը նրան նորից թվաց անհասանելի բարձրության վրա, օտար ու հեռու, և նրան արդեն չէր կարելի անհանգրստացնել: Իհարկե, նա կարող է աղջկան զրկել իր բարեկամական ուշադրությունից, եթե այդպես է ցանկանում: Բայց ինչու...

Մեկ-երկու օր հետո Բրենդերը մասամբ զղջաց, բայց չհասցրեց գործն ուղղել: Սպիտակեղենը վերցվեց ու նրան վերադարձվեց բուրբուրում պաշտոնական ձևով, և նա գլխովին իր գործերի մեջ սուզված լինելով, ոչ մի բան չէր մտաբերում, մինչև որ ցավալի պարտություն կրեց, հակառակորդը երկու ձայն ավելի էր ստացել: Այդ ելքից Բրենդերը բուրբուրում վհատվել ու ճնշվել էր: Հիմա ի՞նչ պիտի աներ նա:

Այսպիսի վիճակում գտավ նրան Ջեննին, որից զվարթություն, հույս և կյանքի ուրախություն էր բուրում: Մոռյլ մտքերից հուսահատության հասած Բրենդերը նրա հետ փոսեի սկսեց սկզբում պարզապես նրա համար, որ մտքերը ցրի, բայց նրա վհատությունն աննկատելիորեն փարատվեց, և շուտով ինքն էլ նկատեց, որ ժպտում է:

— Ա՛խ, Ջեննի,— ասաց նա նրան, ինչպես երեխայի

հետ են խոսում,— դուք բախտավոր եք, որ ջահել եք: Դա կյանքում ամենալավ, ամենաթանկ բանն է:

— Իսկապե՞ս:

— Այո, միայն թե հիմա դուք այդ չեք հասկանում: Միշտ էլ շատ ուշ են սկսում հասկանալ այդ:

«Ես սիրում եմ այդ աղջկան,— նույն գիշերը ասաց նա ինքն իրեն:— Ես կուզենայի երբեք չբաժանվել նրանից»:

Բայց բախտը նրա համար էլի մի հարված էր պատրաստել: Հյուրանոցում սկսել էին խոսել, թե Ջեննին, մեղմ արտահայտած, իրեն տարօրինակ է պահում: Կվացարարուհու աղջիկը երբեք չի կարող կշտամբական դիտողություններից ազատվել, եթե նրա զուգսի մեջ իր դիրքին անհամապատասխան որևէ բան նկատեն: Ջեննիի ձեռքին ոսկե ժամացույց էին տեսել: Ավագ սպասուհին դրա մասին մորն ասաց.

— Ես որոշեցի խոսել ձեզ հետ: Դուք չպետք է ձեր աղջկան ուղարկեք նրա մոտ սպիտակեղեն տանելու, թե չէ արդեն բամբասանքներ են սկսվել:

Միսիս Գերհարդն այնպես շփոթվեց ու վշտացավ, որ ոչ մի խոսք ասել չկարողացավ: Ջեննին նրան ոչ մի բան չէր ասել, բայց նա նույնիսկ այժմ չէր հավատում, թե այստեղ լուրջ խոսակցություն որևէ առիթ կա: Որ սենատորը Ջեննիին ժամացույց էր ընծայել, դա հուզել ու հիացրել էր նրան: Նրա մտքովն էլ չէր անցել, թե դրանից իր աղջկա բարի անվանը որևէ վտանգ է սպառնում:

Նա տուն վերադարձավ շատ վատ տրամադրությամբ և Ջեննիին պատմեց պատահածի մասին: Բայց աղջիկը չընդունեց, թե իր արարքների մեջ որևէ վատ բան կա: Նա դրան բոլորովին այլ կերպ էր նայում: Սակայն նա սենատորի հետ իր ունեցած հանդիպումների մասին մանրամասն չպատմեց:

— Ինչ սոսկալի բան է, որ այդպիսի բամբասանքներ են սկսվել,— ասաց մայրը:— Եվ դու իսկապե՞ս երկար ժամանակ մնում ես նրա մոտ:

— Չգիտեմ,— պատասխանեց Ջեննին, որին իր խիղճն ստիպում էր գեթ մառամբ խոստովանել ճշմարտությունը,— գուցե մնում եմ:

— Բայց նա քեզ երբեք որևէ անհարմար բան չի՞ ասել:

— Ոչ,— պատասխանեց աղջիկը, չկասկածելով նույնիսկ, որ իր ու Բրենդերի հարաբերությունների մեջ կարող է որևէ վատ բան լինել:

Եթե մայրը էլի մի քիչ հարցումորձ աներ Ջեննիին, ավելի շատ բան կիմանար, բայց հենց իր իսկ հոգեկան հանգըստության համար ուրախ էր շուտ վերջ տալ այդ խոսակցությանը: Լավ մարդուն միշտ էլ աշխատում են բամբասել, այս նա զիտեր: Ջեննին մի քիչ անխոհեմ է եղել: Մարդիկ միշտ էլ բամբասելու սեր ունեն: Կյանքն այնքան ծանր է, և մի՞թե խեղճ աղջիկը կարող էր այլ կերպ վարվել, քան Ջեննին է վարվել: Եվ միսիս Գերհարդն այս ամենը մտածելով, արտասվեց:

Ի վերջո նա որոշեց, որ ինքը կգնա սենատորի մոտ սպիտակեղենին:

Եվ ահա, հաջորդ երկուշաբթի օրը նա բախեց սենատորի դուռը: Բրենդերը, որ սպասում էր Ջեննիին տեսնել, զարմացած ու հիասթափված էր:

— Իսկ ի՞նչ է պատահել Ջեննիին,— հարցրեց նա:

Միսիս Գերհարդը հույս ուներ, թե նա չի նկատի փոփոխությունը կամ, համենայն դեպս, ոչինչ չի հարցնի, և հիմա չզիտեր ինչ պատասխանի: Նա սենատորին նայեց միամտորեն ու անօգնական և ասաց.

— Ջեննին այսօր չկարողացավ գալ:

— Բայց նա հո հիվանդ չէ՞:

— Ոչ:

— Ուրախ եմ այդ լսելուս,— ասաց սենատորը խոնարհաբար:— Իսկ դուք ինչպե՞ս եք:

Միսիս Գերհարդը պատասխանեց նրա սիրալիր հարցերին և հրաժեշտ տվեց: Նրա գնալուց հետո սենատորը մտքի մեջ ընկավ ինքն իրեն հարց տալով, թե ինչ կարող է պատահած լինել: Հենց իր համար էլ տարօրինակ էր, որ այդպիսի հարցերն զբաղեցնում են իրեն:

Բայց շաբաթ օրը, երբ նորից մայրը բերեց սպիտակեղենը, սենատորն զգաց, որ այստեղ ինչ-որ բան կա:

— Այս ի՞նչ բան է, միսիս Գերհարդ,— հարցրեց նա։—  
Ձեր աղջկանը որևէ բան է պատահել։

— Ոչ, սըր,— պատասխանեց կինը այնքան հուզված,  
որ ստել չէր կարող։

— Հապա ինչո՞ւ այլևս նա չի բերում սպիտակեղենը։

— Ես... ես...— միսիս Գերհարդը հուզմունքից կմկը-  
մաց։— Նա... նրա մասին սկսել են վատ-վատ բաներ խո-  
սել...— վերջապես ջանք դործադրելով ասաց նա։

— Ովքե՞ր են սկսել խոսել,—լրջորեն հարցրեց Բրենդերը։

— Այստեղ, հյուրանոցում։

— Այստե՞ղ, ովքե՞ր,— նրա ձայնը հնչում էր գրգռված։

— Ավագ սպասուհին։

— Ա՛խ, ավագ սպասուհի՞ն,— բացականչեց նա։—  
Եվ ի՞նչ է ասում նա։

Մայրը նրան պատմեց իր խոսակցությունը ավագ սպա-  
սուհու հետ։

— Ա՛յ թե ինչ,— զայրույթով գոչեց Բրենդերը։— Նա  
համարձակվում է խառնվել իմ դործերի՞ն։ Կուզենայի իմա-  
նալ, ինչո՞ւ մարդիկ չեն կարողանում իրենց բանին մնալ և  
ինձ հանգիստ թողնել։ Ինձ հետ ծանոթությունը ոչինչ չի  
սպառնում ձեր աղջկան, միսիս Գերհարդ։ Ես նրան ոչ մի  
վատ բան չեմ անի։ Ամոթ-փայտառակություն է,— ավե-  
լացրեց նա վրդովմունքով,— որ աղջիկը չի կարող դալ ինձ  
մոտ, հյուրանոց, որովհետև կսկսեն կասկածել նրան։ Ես  
գեռ կպարզեմ, թե սա ինչ բան է։

— Միայն դուք չկարծեք... ես այստեղ մեղք չունեմ,—  
մեղավորի տոնով ասաց միսիս Գերհարդը։— Ես գիտեմ,  
դուք Ձեննիին սիրում եք և նրան շարիք չեք կամենում։ Դուք  
այնքան շատ լավություն եք արել նրան և մեզ բոլորիս, միս-  
տըր Բրենդեր, և ես ամաչում եմ, որ նրան չեմ թողնում ձեզ  
մոտ դալ։

— Ոչինչ, միսիս Գերհարդ,— հանգիստ ասաց Բրեն-  
դերը։— Դուք ճիշտ եք վարվել։ Ես ձեզ ամենևին չեմ դատա-  
պարտում։ Բայց ինձ զայրացնում է, որ հյուրանոցում այդ-  
պիսի լուրեր են պատվում։ Կտեսնենք, թե ով է մեղավորը։

Միսիս Գերհարդը հուզմունքից գունատվեց: Նա վախե-  
նում էր, թե վիրավորեց այն մարդուն, որն այնքան շատ բան  
է արել իրենց համար: Եթե գոնե ասեր նրան, բացատրեր  
ամեն ինչ, որպեսզի նա չմտածի, թե ինքն է բամբասանքնե-  
ր տարածում: Նա այնքա՛ն էր վախենում անախորժություն-  
ներից:

— Ես ուզում էի այնպես անել, ինչպես ավելի լավ է,—  
վերջապես ասաց նա:

— Դուք միանգամայն իրավացի եք,— պատասխանեց  
Քրենդերը:— Ես Ջեննիին շատ եմ սիրում: Ինձ համար միշտ  
էլ հաճելի է, երբ նա գալիս է: Ես նրա լավն եմ ուզում,  
բայց գուցե ավելի լավ է, եթե նա չգա, համենայն դեպս,  
մոտ ժամանակներս:

Այդ երեկո սենատորը նորից իր բազկաթոռին նստած  
խորհում էր պատահածի մասին: Բանից դուրս է գալիս, որ  
Ջեննին նրա համար շատ ավելի թանկ է, քան ինքը կարծում  
էր առաջ: Հիմա, երբ նա այլևս հույս չունեի նրան իր մոտ  
տեսնելու, սկսեց հասկանալ, թե իր համար որքան շատ բան  
էին նշանակում այդ աղջկա կարճատև այցելությունները: Նա  
խորհեց ամեն ինչի մասին, իսկույն հասկացավ, որ հյուրա-  
նոցում բամբասանքներից խուսափել չի լինի և այն հետևու-  
թյան եկավ, որ իրոք, աղջկան շատ անհարմար դրություն  
մեջ է դրել:

«Թերևս ինձ հարկավոր էր վերջ դնել այս պատմությա-  
նը,— մտածում էր նա:— Ես ինձ շատ անխոհեմ եմ պահել»:

Այսպիսի եզրակացություն գալով՝ Քրենդերը գնաց Վա-  
շինգտոն, որտեղ և ապրեց մինչև իր սենատորական լիազո-  
րությունների ժամանակը լրացավ: Ապա վերադարձավ Կո-  
լումբուս և սկսեց սպասել, որպեսզի պրեզիդենտը բարեկա-  
մական համակրանքից մղված իրեն որևէ պատասխանաբե-  
ր պաշտոն տա արտասահմանում: Բայց Ջեննիին մոռանալ  
նրան չէր հաջողվում: Որքան ավելի երկար էր հեռու մնում  
նրանից, այնքան ավելի էր փափաղում նորից տեսնել նը-  
բան: Նորից իր հին տեղը հաստատվելով, Քրենդերը մի գե-  
ղեցիկ առավոտ ձեռնափայտը վերցրեց և քայլեց շատ լավ

Ժանոթ ճանապարհով: Հասնելով Գերհարդների տանը, նա որոշեց ներս մտնել, դուռը բախեց, և նրան զարմանքի ու հարգալից ժպիտով դիմապորեցին միսիս Գերհարդն ու իբր դուստրը: Նա անորոշ ձևով բացատրեց, թե քաղաքից գնացած է եղել և հիշատակեց լվացքի մասին, որպես թե հենց դրա համար է եկել: Հետո, երբ բախտը բերեց ու մի քանի րոպե Զեննիի հետ մենակ մնաց, քաջաբար գործի անցավ:

— Կուզե՞ք վաղը երեկոյան ինձ հետ միասին կառքով զբոսնել, — հարցրեց նա:

— Կուզեմ, — պատասխանեց Զեննին, որի համար այդպիսի զվարճությունը նորություն էր և հրապուրիչ:

Քրենդերը ժպտալով թիֆփացրեց նրա այտին, պատանու նման ուրախանալով, որ նորից տեսնում է նրան: Թվում էր, թե նա օրեցօր դեղեցկանում է: Զյունափառ գոգնոցով, գլխի շուրջը պինդ հյուսած ծամբրով նա այնքան սիրունիկ էր երևում, որ դժվար էր չհիանալ նրանով:

Քրենդերն սպասեց մինչև միսիս Գերհարդի վերադարձը և տեղից վեր կացավ. նա այլևս մնալու բան չուներ:

— Ես պատրաստվում եմ վաղը երեկոյան զբոսանքի գնալ ձեր դստեր հետ, — ասաց նա: — Ուզում եմ հետը խոսել իր ապագայի մասին:

— Դե ինչ կա որ, — ասաց մայրը:

Նա այդ բանում ոչ մի անպատշաճություն չէր տեսնում: Նրանք բաժանվեցին բազմաթիվ ժպիտներ փոխանակելով և իրար ձեռք սեղմելով:

— Ոսկի սիրտ ունի այս մարդը, — ասաց միսիս Գերհարդը: — Եվ ինչքան շատ է խոսում քո մասին, չէ՞: Նա կարող է քեզ օգնել կրթություն ստանալու: Դու պետք է շատ պարծենաս դրանով:

— Ես հենց պարծենում եմ, — անկեղծորեն խոստովանեց Զեննին:

— Զգիտեմ, արժե՞ սրա մասին հորդ պատմել, — ասաց միսիս Գերհարդը: — Նա չի սիրում, երբ դու երեկոները տանից դուրս ես գնում:

Ի վերջո նրանք որոշեցին հորը չասել: Նա երևի չի հասկանա:

Ջեննին արդեն պատրաստ էր, երբ մյուս օրը Բրենդերը մտավ նրանց տուն: Համեստ լամպի աղոտ լույսի տակ նա նկատեց, որ աղջիկը այդ դեպքի առթիվ զուգվել է. նա հագել էր իր ամենալավ շորը: Բաց շուշանագույն շիթ շորը ժանեկադարդ նեղ թևերով և հիանալիորեն օսլայած ու հարթուկած բավական բարձր օձիքով՝ ընդգծում էր նրա անբասիր իրանը: Նա ոչ ձեռնոց ուներ, ոչ որևէ վարդարանք, ոչ էլ գոնե մի կտրդին ժակետ, բայց ճաշակով սանրած մազերը ամենամոդայիկ գլխարկից ավելի լավ էին վարդարում նրա սիրունիկ գլուխը և մի քանի դուրս պրծած խոպոպները պսակում էին նրան թեթև լուսապսակի պես: Երբ Բրենդերը փորհուրդ տվեց ժակետ հագնել, նա մի վայրկյան տատանվեց, ապա անցավ մյուս սենյակը և վերադարձավ մոր հասարակ մոխրագույն թիկնոցն ուսերին: Այստեղ Բրենդերը հասկացավ, որ նա ժակետ չունի և սրտի ցավով մտածեց, որ ուզում էր առանց դրան յուրա գնալ:

«Նա կսառչեր երեկոյան,— մտածեց Բրենդերը,— և, իհարկե, դրանից չէր դանդատվի»:

Նա նայեց Ջեննինին և մտախոհ գլուխն օրորեց: Հետո նրանք ճամփա ընկան, և Բրենդերն իրական մոռացավ ամեն ինչ, բացի նրանից, որ Ջեննին իր կողքին է: Նա խոսում էր ամեն ինչի մասին ազատորեն և կիսամանկական հավիշտակությամբ, որը Բրենդերին թվում էր այնքան թովիչ:

— Կսեցեք, Ջեննի,— ասաց նա, տեսնելով, որ աղջիկը սքանչացած է ծագող լուսնի մեղմ շողերով ոսկեղածված ծառերի նուրբ գծադրությամբ:— Դուք արտասովոր աղջիկ եք: Ես համոզված եմ, որ քիչ դուք մի քիչ ուսում տունեիք, ոտանավորներ կգրեիք:

— Կարծում եք կկարողանայի՞,— միամտորեն հարցրեց Ջեննին:

— Կարծո՞ւմ, Ջեննի,— ասաց նա աղջկա ձեռքը բռնելով:— Կարծո՞ւմ: Ես այդ գիտեմ: Դուք աշխարհիս երեսին ամենաանուշ երազողն եք: Իհարկե, դուք կարող եք բանաս-



տեղծ լինել: Դուք պոեզիայով եք ապրում: Դուք հենց պոեզիա եք, որ կաք, սիրելիս: Եվ այնքան էլ կարևոր չէ՝ ոտանավորներ գրել կարողանում եք թե ոչ:

Ոչ մի բան չէր կարող այնքան հուզել աղջկան, որքան այս գովասանքը: Նա այնպիսի անուշ բաներ է ասում: Կարծես ոչ ոք և երբեք սրա կեսի չափ էլ իրեն չի սիրել ու գնահատել: Եվ որքա՛ն բարի է նա: Բոլորն են ասում այս: Նույնիսկ հայրիկը:

Նրանք ավելի ու ավելի հեռու էին գնում: Հետո, ասես ինչ-որ բան հիշելով, Բրենդերը հանկարծ ասաց.

— Հետաքրքիր է, ժամը քանի՞սն է: Երևի վերադառնալու ժամանակն է: Ձեր ժամացույցը վերցրե՛լ եք:

Ջեննին ցնցվեց: Ժամացույցը. նա այնպես էր վախենում, թե Բրենդերը կխոսի ժամացույցի մասին: Նրա վերադառնալուց հետո աղջիկն անընդհատ սպասում էր այդ բոլոր պահին:

Բրենդերի բացակայության ժամանակ ընտանիքում փողը խիստ պակասել էր, և Ջեննին ստիպված էր եղել ժամացույցը գրավ դնել: Մարթայի շորն այն վիճակին էր հասել, որ աղջիկն այլևս չէր կարողանում դպրոց հաճախել: Եվ ահա երկար քննարկումներից հետո որոշվել էր ժամացույցից հրաժարվել:

Բասսը երկար վեճերից հետո ժամուցույցը տարել էր հարևան վաշխառուի մոտ և գրավ դրել տասը դոլլարով: Միսիս Գերհարդն այդ փողը ծախսել էր երեխաների վրա և թեթևացած շունչ քաշել: Մարթան որքա՛ն ավելի կարգին տեսք էր ստացել: Հասկանալի է, Ջեննին ուրախ էր դրա համար:

Բայց այժմ, երբ սենատորը խոսեց իր ընծայի մասին, նրան թվաց, թե հասել է հատուցման ժամը: Նա ամբողջ մարմնով դողում էր, և Բրենդերը նկատեց նրա շփոթմունքը:

— Ի՞նչ պատահեց ձեզ, Ջեննի,— ասաց նա սիրալիր:— Ինչո՞ւ այդպես ցնցվեցիք:

— Ոչինչ,— պատասխանեց աղջիկը:

— Ժամացույցը ձեզ մոտ չէ՞:

Ջեննին հապաղում էր, ստեղը նրան անհնարին էր թը-  
վում: Տիրեց անհարմար լուսթյուն: Հետո Ջեննին ասաց.

— Ոչ, սըր:

Նրա ձայնի մեջ արցունք զգացվեց:

Բրենդերն իսկույն ճշմարտությունը կասկածեց, սկսեց  
հարցը պնդել, և աղջիկն ամեն ինչ խոստովանեց:

— Հարկավոր չէ վշտանալ, սիրելիս,— ասաց նա:—  
Դուք ամենալավ աղջիկն եք աշխարհի երեսին: Ես գրավիյ  
կհանեմ ձեր ժամացույցը: Իսկ հետագայում, երբ դուք որևէ  
բանի կարիք կունենաք, անպայման եկեք ինձ մոտ: Լսո՞ւմ  
եք: Անպայման, խոստացեք ինձ այդ: Եթե ես քաղաքում չլի-  
նեմ, գրեցեք ինձ: Ես այլևս երբեք ձեզ իմ տեսողաշտից չեմ  
կորցնի: Իմ հասցեն միշտ ձեր մոտ կլինի: Բավական է, որ  
ինձ իմաց տաք, և ես կօգնեմ ձեզ: Լսո՞ւմ եք:

— Այո,— ասաց Ջեննին:

— Դուք այդ խոստանում եք ինձ, չէ՞:

— Այո,— պատասխանեց աղջիկը:

Մի րոպե երկուսն էլ լուռ էին:

— Ջեննի,— վերջապես ասաց սենատորը. գարնանային  
այդ սքանչելի երեկոյի ազդեցությամբ նրա զգացմունքը  
դուրս էր հորդել,— ես համոզվեցի, որ առանց ձեզ ապրել  
չեմ կարող: Դուք կհամաձայնեի՞ք այլևս չբաժանվել ինձա-  
նից:

Ջեննին մի կողմ էր նայում, այնքան էլ չհասկանալով,  
թե ինչ է ուզում նա:

— Չգիտեմ,— անորոշ պատասխանեց նա:

— Դե ուրեմն մտածեցեք սրա մասին,— մեղմորեն  
ասաց Բրենդերը:— Ես լուրջ եմ փոստում: Կուգիի՞ք դառնալ իմ  
կիներ և մի քանի տարով գնալ սովորելու:

— Գնալ դպրո՞ց մտնել:

— Այո, մեր ամուսնությունից հետո:

— Գուցե և այո...— պատասխանեց Ջեննին:

Նա մտածում էր մոր մասին: Գուցե թե դրանով նա կօգ-  
նե՞ր հարսզատներին:

Բրենդերը դարձավ նրան, ջանալով տեսնել նրա դեմքի

արտահայտութիւնը: Բաժնական լույս էր: Արեւելքում ծառերի գազաթններին երկաց լուսինը, և անհամար աստղերն արդեն աղոտացան նրա ճառագայթներից:

— Մի՞թե դուք իմ նկատմամբ բոլորովին անտարբեր եք, Ջեննի,— հարցրեց նա:

— Ոչ:

— Բայց դուք այլևս երբեք չեք գալիս ինձ մոտ՝ սպիտակեղենը տանելու,— դառնորեն գանգատվեց սենատորը:

Դրանից աղջիկն զգացվեց:

— Ես մեղավոր չեմ,— պատասխանեց նա:— Ի՞նչ կարող եմ անել: Մայրիկս կարծում է, որ այդպես ավելի լավ զլինի:

— Նա իրավացի է,— համաձայնեց Բրենդերը:— Մի՞ վշտացեք, ես պարզապես կատակ արի: Բայց դուք գոհունակությամբ կգայիք, եթե կարողանայիք, ճիշտ չէ՞:

— Այո,— անկեղծորեն պատասխանեց աղջիկը:

Բրենդերը նրա ձեռքը բռնեց և այնպես սիրալիր սեղմեց, որ նրա խոսքերը կրկնակի չափով հուզեցին Ջեննիին: Նա թափով զրկեց սենատորին:

— Դուք այնքա՞ն բարի եք, —ասաց նա դստեր քրնքոջությամբ:

— Ջեննի, սիրելի աղջիկս,— խորին զգացմունքով ասաց Բրենդերը,— ես ձեզ համար ամեն ինչի պատրաստ եմ:

## Գ Լ ՈՒ Խ VI

Տարաբախտ ընտանիքի հայրը, Ուիլյամ Գերհարդը, ծնունդով սաքսոնացի, սովորական մարդ չէր: Դեռ տասնութամյա հասակում նրան վրդովեցրել էր ընդհանուր զինվորական պարտականության օրենքի անարդարացիութիւնը և նա փախել էր Փարիզ: Իսկ այնտեղից էլ տեղափոխվել էր Ամերիկա, այդ ավետյաց երկիրը:

Հասնելով այստեղ՝ նա սկզբում Նյու-Յորքից անցել էր Ֆիլադելֆիա, իսկ հետո՝ ավելի հեռու, դեպի արևմուտք:

Միառժամանակ աշխատել էր Պենսիլվանիայի ալլեայլ ապակու գործարաններում։ Այս նոր աշխարհի մի գեղատեսիլ գյուղում նա գտել էր իր կյանքի ընկերուհուն, որի մասին միշտ երազել էր։ Դա գերմանական ծագումով մի համեստ դեռատի ամերիկուհի էր, որի հետ Գերհարդը տեղափոխվել էր Յանգուստան, ապա՝ Կոլումբուս, շարունակ հետևելով Հեմմոնդ ազգանունով ապակու գործարանատիրոջը, որի գործերը մերթ հաջողակ էին լինում, մերթ ձախողակ։

Գերհարդն ազնիվ մարդ էր, և նրան հաճելի էր, որ մարդիկ գնահատում են անկեղծ լինելու իր հատկությունը։

— Ուիլյամ, — հաճախ ասում էր նրան գործարանատիրը, — ես ուզում եմ, որ դու ինձ մոտ աշխատես, որովհետև քեզ կարող եմ վստահել։

Եվ այս գովասանքը Գերհարդի համար ոսկուց էլ թանկ էր։

Նրա ազնվությունը, ինչպես և կրոնական համոզմունքները մանկությունից էին ամրացել նրա մեջ և միս ու արյուն դարձել։ Գերհարդը երբեք դրա մասին չէր մտածել։ Նրա հայրն ու պապը եղել էին գովական գերմանացի արհեստավորներ, որոնք երբեք ոչ ոքի մի գրոշի անգամ չէին խաբել, և այդ համառ ազնվությունը լիովին անցել էր նրան։

Նա իսկական լութերական էր։ Կանոնավոր եկեղեցի հաճախելը և ընտանեկան բոլոր ծեսերի պահպանումը երկար տարիների ընթացքում ամրապնդել էին նրա հայացքներն ու հավատը։ Նրա հոր տանը քահանայի խոսքը օրենք էր եղել, և Գերհարդը ժառանգել էր այն համոզմունքը, թե լութերական եկեղեցին անբասիր է և անդրշիրիմյան կյանքի մասին նրա ուսմունքը անսխալական ու անառարկելի է։ Նրա կինը, որ ձևականորեն միևնույնիսկների ուսմունքին էր հետևում, սիրով ընդունեց ամուսնու դավանանքը։ Այսպես ուրեմն, նրա ընտանիքը լիովին աստվածավախ էր։ Ուր էլ որ տեղափոխվում էին Գերհարդները, ամենից առաջ մտնում էին տեղական լութերական եկեղեցու ծիսերի շարքերը, և քահանայն նրանց տան ցանկալի հյուրն էր դառնում։

Միսար Վոնդալը, Կոլումբուս քաղաքի լութերականների

հովիվը, անկեղծ ու նախանձախնդիր քրիստոնյա էր և կույր, անհանդուրժող ֆանատիկոս: Նա կարծում էր, որ իր հոտի անդամները եթե պարում են, թուղթ են խաղում կամ թատրոն հաճախում, վտանգի են ենթարկում իրենց հոգու փրկությանը և առանց տատանվելու իր թոքերի ամբողջ ուժով ազդարարում էր, թե ով չի ենթարկվի իր պատվերներին, դժոխք կընկնի: Խմելը, նույնիսկ շափավոր, մեղք է: Մխելը... ասենք, նա ինքն էլ ծխում էր: Անարատությունը մինչև ամուսնանալը, իսկ հետո ամուսնության սրբությունը պահպանելը խիստ պարտադիր է ամեն մի քրիստոնյայի համար: Փրկություն չկա, ասում էր նա, այն աղջկանը, ով չի կարող պահպանել իր անարատությունը և այն ծնողներին, որոնք թույլ կտան, որ իրենց աղջիկը մեղք գործի: Նրանք դժոխք կընկնեն: Անշեղորեն ընթացեք առաքինության ուղիով, որպեսզի խուսափեք հավիտենական պատժից, որովհետև արդարադատ աստծո ցասումն անպայման կհասնի մեղապարտին:

Գերհարդը, նրա կիսն ու Զեննին առանց առարկության ընդունում էին իրենց եկեղեցու ուսմունքը միստր Վունդտի մեկնաբանությամբ: Բայց Զեննին ըստ էության այդ ամենին համաձայնում էր միայն ձևականորեն: Կրոնը դեռ նրա վրա վճռական ազդեցություն չունեի: Հաճելի է իմանալ, որ գոյություն ունի դրախտ, վախեցնում է այն միտքը, թե գոյություն ունի դժոխք: Տղաներն ու աղջիկները պետք է լավ պահեն իրենց և հնազանդ լինեն ծնողներին: Մնացած ամեն ինչում Զեննիի կրոնական հասկացողությունները բավական աղոտ էին:

Գերհարդ-հայրը համոզված էր, որ իր եկեղեցու ամբիոնից արտասանված ամեն մի խոսք անվիճելի ճշմարտություն է: Անդրշիրիմյան կյանքը նրան միանգամայն իրական բան էր թվում:

Իսկ տարիներն անցնում էին, կյանքն ավելի ու ավելի անհասկանալի և անբացատրելի էր դառնում, և Գերհարդը մոլեգնորեն կառչում էր կրոնական դոգմաներից, որոնք պատասխան էին տալիս բոլոր հարցերին: Օ՜, եթե նա այնքան ազնիվ ու կայուն լիներ, որ աստված ոչ մի հիմք չունե-

Նա իրեն մերժելու: Նա դողում էր ոչ միայն իր, այլև կնոջ ու երեխաների համար: Չէ՞ որ կգա օրը, երբ ինքն ստիպված կլինի սլատասիան տալ նրանց համար: Արդյոք իրենց բուլորին կործանման չի՞ հասցնի իր թուլությունը և այն, որ չի կարողացել նրանց ներշնչել հավիտենական կյանքի օրենքները: Իր երեւակայության մեջ նա պատկերացնում էր դժոխքի տանջանքները և ինքն իրեն հարց էր տալիս, թե վերջին ժամին ինչ է սպասում իրեն և իր մերձավորներին:

Բնական է, որ այսքան խոր կրոնականությունը նրան անողոք էր դարձրել երեխաների նկատմամբ: Երիտասարդների զվարճություններին ու թուլություններին նա խեթ էր նայում: Իր հայրական կամքով լինե՞ր՝ Զեննին երբեք չէր իմանա, թե ինչ բան է սերը: Եթե նույնիսկ նա քաղաքում որևէ տեղ ծանոթանար երիտասարդ տղաների հետ և նրանք սկսեին սիրահետել նրան, հայրը իրենց շեմքից ներս չէր թողնի այդ երիտասարդներին: Նա մոռացել էր, որ ինքն էլ մի ժամանակ երիտասարդ է եղել, և այժմ հողում էր միայն իր դատեր հոգու փրկության համար: Եվ ահա սենատորը աղջկա կյանքում բոլորովին նոր երևույթ էր:

Երբ Բրենդերն առաջին անգամ սկսեց մասնակցություն ունենալ ընտանիքի գործերին, Գերհարդ-հոր բոլոր պատկերացումները, թե ինչն է լավ և ինչն է վատ՝ անզոր գտնվեցին: Նա չգիտեր, թե ինչ չափանիշով մոտենա այդպիսի մարդուն: Բրենդերը մի սովորական կավալեր չէր, որը փորձում է սիրահետել նրա սիրունիկ աղջկան: Գերհարդների կյանքին սենատորի միջամտությունն այնքան յուրատեսակ էր և միաժամանակ այնքան բարեսեւ, որ նա սկսեց այդ կյանքում կարևոր դեր խաղալ, նախքան որևէ մեկը ուշքի կգար: Նույնիսկ Գերհարդն ինքը մոլորություն մեջ էր ընկել: Նա այդ աղբյուրից ոչ մի բան չէր սպասում, բացի հարգանքից և օգուտից իր ու իր ընտանիքի համար, ուստի և ամենայն հանգստությամբ ընդունում էր սենատորի հոգատարությունն ու ծառայությունները: Ի դեպ, կինը նրան ոչինչ չէր ասել այն բաղմամթիվ ընծաների մասին, որ Բրենդերից ստացել էին այն հիանալի ծննդյան տոնից և՛ առաջ, և՛ հետո:

Բայց մի առաւելոտ, երբ Գերհարդը գիշերային աշխատանքից հետո տուն էր վերադառնում, նրան մոտեցավ իր հարեան Օտտո Ուիվերը:

— Գերհարդ,— ասաց նա,— ես ուզում եմ խոսել քեզ հետ: Ես քո բարեկամն եմ և ուզում եմ պատմել քեզ, ինչ լսել եմ: Գիտե՞ս ինչ, մեր հարեանները շատ բաներ են խոսում այն մարդու մասին, որը գնում-գալիս է քո աղջկա մոտ:

— Իմ աղջկա՞,— կրկնեց Գերհարդը անասելի շշմած ու նեղացած այդ անսպասելի հարձակումից:— Ո՞ւմ մասին է խոսքդ: Ես չգիտեմ ինչ մարդ է գնում-գալիս իմ աղջկա մոտ:

— Զգիտե՞ս,— հարցրեց Ուիվերը, զրուցակցից ոչ պակաս զարմացած:— Արդեն հասակն առած մարդ է, մաշերը կիսով չափ ճերմակած: Երբեմն ձեռնափայտով է գալիս: Մի՞թե դու նրան չես ճանաչում:

Գերհարդը մտահոգ տեսքով հիշողությունն էր փորձել րում:

— Ասում են նա առաջ սենատոր է եղել,— անվստահ շարունակեց Ուիվերը:— Հաստատ չգիտեմ:

— Ա՛, սենատոր Բրենդերը,— որոշ չափով թեթևացած ասաց Գերհարդը:— Այո՛: Նա երբեմն գալիս է մեզ մոտ: Ծիշտ է: Լավ, հետո ի՞նչ դրանից:

— Դե ոչինչ,— պատասխանեց հարեանը,— միայն թե, ա՛յ, մարդիկ բամբասում են: Նա արդեն, գիտես էլի, ջահել մարդ չէ: Աղջիկդ մեկ-մեկ նրա հետ զբոսանքի է գնացել: Իսկ մարդիկ այդ տեսել են, և հիմա խոսակցություններ են քկսվել: Դե ես էլ մտածեցի, թե գուցե հարկավոր է, որ դու իմանաս այս:

Այս սոսկալի խոսքերը Գերհարդին մինչև հոգու խորքը ցնցեցին: Երևի մարդիկ իզուր չեն այսպիսի բաներ ասում: Զեննին և իր մայրը լուրջ մեղք են գործել: Բայց և այնպես նա առանց տատանվելու աղջկան պաշտպան կանգնեց:

— Դա մեր ընտանիքի բարեկամն է,— շփոթված ասաց նա:— Մարդիկ իզուր են խոսում այն մասին, ինչ իրենք չգիտեն: Իմ աղջիկը ոչ մի վատ բան չի արել:

— Դե հասկանալի է: Այստեղ մի վատ բան չկա,—

ասաց Ուիլմերը:— Հաճախ հարեանները զուր շատախոսում են: Բայց ես ու դու հին բարեկամներ ենք, և ես մտածեցի, թե գուցե պետք է, որ դու իմանաս...

Էլի մի բոլակ Գերհարդը մնաց լուռ կանգնած, բերանը կիսաբաց: Մի տարօրինակ անօգնականություն էր համակել նրան: Ի՞նչ սարսափելի է, երբ մարդիկ քեզ թշնամի են դառնում: Որքա՞ն կարևոր է, որ նրանց կարծիքն ու համակրանքը քո կողմը լինի: Նա, Գերհարդը, այնպե՞ս աշխատել է ասլրել սահմանված բոլոր կանոնները պահպանելով: Ինչո՞ւ մարդիկ չեն գոհանում դրանով և իրեն հանդիստ չեն թողնում:

— Շնորհակալ եմ, որ ասացիր ինձ,— մրթմրթաց նա տան կողմն ուղղվելով:— Կմտածեմ դրա մասին: Մնաս բարով:

Նա օգտվեց առաջին իսկ հարմար առիթից, որպեսզի կնոջը հարցուփորձ անի:

— Սենատոր Բրենդերն ինչի՞ համար է գալիս Ջեննիի մոտ,— հարցրեց նա գերմաներեն:— Հարեաններն արդեն սկսել են բամբասել:

— Այստեղ մի վատ բան չկա,— պատասխանեց միսիս Գերհարդը նույնպես գերմաներեն: Հարցը ակներևաբար նրան անակնկալի էր բերել:— Նա ընդամենը մի երկու-երեք անգամ է եկել:

— Բայց դու ինձ չես ասել դրա մասին,— առարկեց նամուսինը, վրդովվելով, որ կինը հանդուրժել է աղջկա այդ արարքը և թաքցրել է այն:

— Ոչ, չեմ ասել,— պատասխանեց միսիս Գերհարդը բոլորովին շփոթված:— Նա եկել է միայն մի երկու անգամ:

— Միա՞յն, — գոչեց Գերհարդը՝ ենթարկվելով ձայնը բարձրացնելու զուտ գերմանական սովորությանը:— Միա՞յն: Բոլոր հարեաններն արդեն փոստում են դրա մասին: Այա, խնդրեմ, ինչի՞ նման է սա:

— Նա եկել է ընդամենը մի երկու անգամ,— անօգնական կրկնեց միսիս Գերհարդը:

— Հենց նոր փողոցում ինձ մոտեցավ Ուիլմերը,— շարունակեց Գերհարդը,— և ասաց, որ բոլոր հարեանները շա-



տախտսում են այն մարդու մասին, որի հետ զբոսանում է իմ աղջիկը: Իսկ ես ոչինչ չգիտեմ: Կանգնել եմ ապուշի պես և չգիտեմ ինչ ասեմ: Ինչի՞ նման է սա: Ի՞նչ կմտածի նա իմ մասին:

— Այստեղ մի այնպիսի բան չկա,— ասաց կինը:— Ջեննին մի երկու անգամ նրա հետ զբոսանքի է գնացել: Նա ինքն է այստեղ եկել, մեր տուն: Այստեղ ի՞նչ կա որ, ինչ խոսելու բան է: Մի՞թե աղջիկը մի քիչ զվարճանալու իրավունք չունի:

— Բայց նա արդեն ջահել մարդ չէ,— առարկեց Գերհարդը, կրկնելով Ուիվերի խոսքը:— Ականավոր մարդ է, բարձր դիրքով: Ինչի՞ համար է գալիս Ջեննիի նման մի աղջկա մոտ:

— Չգիտեմ,— պաշտպանվում էր միսիս Գերհարդը:— Գալիս է մեր տուն: Ես նրա մասին ոչ մի վատ բան չգիտեմ: Ես կարո՞ղ եմ նրան ասել, որ չգա:

Գերհարդն այստեղ լռեց: Սենատորին նա ճանաչում էր լավ կողմից: Իսկապես, ի՞նչ մի սարսափելի բան կա այստեղ:

— Հարեանները միշտ էլ սիրում են բամբասել: Էլ ուրիշ խոսելու բան չունեն, Ջեննիի մասին են շատախոսում: Դու ինքդ գիտես, Ջեննին լավ աղջիկ է: Ինչի՞ են այդպիսի բաներ ասում,— և բարեսիրտ մոր աչքերն արցունքով լցվեցին:

— Այդ, իհարկե, այդպես է,— փնթփնթաց Գերհարդը,— բայց կարիք չկա, որ նա այստեղ գա և ջահել աղջկան զբոսանքի տանի: Դա բանի նման չէ, եթե նույնիսկ նրա մտքում ոչ մի վատ բան չկա:

Այդ բոպեին ներս մտավ Ջեննին: Նա լսել էր ծնողների ձայնը այն փոքրիկ սենյակից, որ իր ու քրոջ ննջարանն էր, բայց մտքովն էլ չէր անցել, թե իր համար ինչպիսի նշանակություն ունի նրանց այդ խոսակցությունը: Երբ նա ներս մտավ, մայրը երեսը շուռ տվեց նրանից ու կուցավ սեղանի վրա, որտեղ թխվածք էր պատրաստում, աշխատելով աղջկանից թաքցնել իր կարմրած աչքերը:

— Ի՞նչ է պատահել,— հարցրեց Ջեննին՝ ծնողների լարված լուսթյունից հոբբր-ինչ անհանգստացած։

— Ոչինչ,— վճռական պատասխանեց հայրը։

Մայրը նույնիսկ շուռ չեկավ, բայց նրա հենց այդ անշարժությունն էլ շատ բան էր նշանակում։ Ջեննին մոտեցավ նրան և իսկույն տեսավ, որ նա լաց է լինում։

— Ի՞նչ է պատահել,— զարմացած իր հարցը կրկնեց աղջիկը՝ հորը նայելով։

Գերհարդը լուռ էր. աղջկա պարզ դեմքը մեղմացրել էր նրա երկյուղը։

— Ի՞նչ է պատահել,— մեղմիվ հարցրեց Ջեննին մորը դառնալով։

— Ա՛խ, այդ հարևանները,— հառաչանքով ասաց միսիս Գերհարդը։— Միշտ բամբասում են չիմացած բաների մասին։

— Էլի՞ իմ մասին,— հարցրեց Ջեննին թեթև շառագուռնելով։

— Այ, տեսնո՞ւմ եք,— վրա բերեց Գերհարդը առանց որևէ մեկին դիմելու,— նա ինքն էլ գիտե, թե ինչ է եղել։ Իսկ ինչո՞ւ ինձ չեք ասել, որ նա լինում է այստեղ։ Բոլոր հարևանները խոսում են դրա մասին, իսկ ես մինչև օրս ոչինչ չգիտեի։ Ինչի՞ նման է սա, հարց եմ տալիս։

— Դե լավ, ի՞նչ կա որ,— գոչեց Ջեննին՝ մորը խղճալով։

— Ինչ կա ո՞ր— գոռաց Գերհարդը, շարունակելով խոսել գերմաներեն, թեև աղջիկը նրան պատասխանում էր անգլերեն։— Ուրեմն ոչի՞նչ, որ մարդիկ ինձ կանգնեցնում են փողոցում և պատմում դրա մասին։ Գոնե ամաչեիր ասածիցդ։ Ես միշտ լավ կարծիք եմ ունեցել այդ մարդու մասին, բայց հիմա, քանի որ դուք նրա մասին ինձ ոչինչ չեք ասել, իսկ հարևանների մեջ բամբասանքներ են սկսվել, արդեն չգիտեմ, թե ինչ մտածեմ։ Մի՞թե ես պետք է հարևաններից իմանամ, թե ինչ է կատարվում իմ տանը։

Մայր ու աղջիկ լուռ էին։ Ջեննին արդեն սկսել էր մտածել, որ իրենք իսկապես լուրջ սխալ են գործել։

— Ես ամեննին էլ այնպիսի բան չեմ արել, որ հարկաւոր լիներ թաքցնել,— ասաց նա:— Պարզապէս մի անգամ նա ինձ կառքով զբոսանքի է տարել, ուրիշ ոչինչ:

— Այո, բայց դու ինձ դրա մասին ոչինչ չես ասել,— պատասխանեց հայրը:

— Ես գիտեմ, որ դու չես սիրում, երբ երեկոյան տանից դուրս եմ գնում, դրա համար էլ չեմ ասել: Բայց այստեղ թաքցնելու բան չկա:

— Նա երեկոյան քեզ ոչ մի տեղ չպետք է տաներ,— պատասխանեց Գերհարդը, չդադարելով անհանգստանալ, թե ինչ կասեն մարդիկ:— Ի՞նչ է ուզում նա քեզանից: Ինչո՞ւ է այստեղ գալիս: Նա շատ ծեր է: Քեզ պէս ջահել աղջիկը նրա հետ ոչ մի գործ չպետք է ունենա:

— Նա ոչինչ էլ չի ուզում, միայն ինձ օգնել է ցանկանում,— մրմնջաց Զեննին:— Նա ուզում է ամուսնանալ ինձ հետ:

— Ամուսնանա՞լ: Փա՛հ: Հապա ինչո՞ւ ինձ չի ասում այդ,— գոչեց Գերհարդը:— Ես ինքս կլուծեմ այդ հարցը: Ես չեմ ուզում, որ նա քարշ գա իմ աղջկա ետևից, որպէսզի բոլոր հարեանները բամբասեն: Եվ բացի այդ, նա շատ ծեր է: Ես նրան այդպէս էլ կասեմ: Նու չպետք է խաղա աղջկա անարատ անվան հետ: Եվ թող այլևս չերևա՝ այստեղ:

Գերհարդի սպառնալիքը Զեննիին ու մորը սարսափ ազդեց: Մի՞թե նա Բրենդերին կառաջարկի այլևս չերևալ իրենց մոտ: Ո՛ւր կհասցնի այդ: Ի՞նչ դրության մեջ կընկնեն իրենք Բրենդերի առաջ:

Իսկ Բրենդերը, իհարկե, նորից եկավ, երբ Գերհարդն աշխատանքի էր, և մայր ու աղջիկ դողում էին, թե հանկարծ հայրը կիմանա այդ: Մի քանի օր հետո սենատորը եկավ Զեննիի ետևից և նրանք գնացին զբոսանքի: Ոչ մայրը, ոչ աղջիկը Գերհարդին ոչինչ չասացին: Բայց և չհաջողվեց երկար ժամանակ անտեղյակ պահել նրան:

— Զեննին նորի՞ց զբոսանքի է գնացել այդ մարդու հետ,— մյուս օրը հարցրեց նա կնոջը:

— Երեկ նա եկել էր,— խուսափողական պատասխան տվեց կինը:

— Իսկ Ջեննին նրան ասա՞ց, որ այլևս չգա:

— Չգիտեմ, չեմ կարծում:

— Լավ, ես ինքս կաշխատեմ վերջ դնել դրան,— ասաց Գերհարդը:— Ինքս կխոսեմ նրա հետ: Թող միայն մի անգամ էլ գա:

Եւ նա երեք անգամ երեկոները թույլտուլթյուն խնդրեց ու, աշխատանքը թողնելով, եկավ հսկելու տանը, որ տեսնի հյուր ընդունո՞ւմ են թե ոչ: Չորրորդ երեկոյան Բրենդերը եկավ և դուրս կանչելով խիստ հուզված Ջեննին՝ տարավ զբոսանքի: Աղջիկը վախենում էր հորից, վախենում էր, թե որևէ տգեղ տեսարան կստեղծվի, բայց չգիտեր ինչ անի:

Գերհարդն այդ պահին մոտենում էր տանը և տեսավ, թե ինչպես աղջիկը դուրս եկավ: Այդ էլ բավական էր:

— Որտե՞ղ է Ջեննին,— հարցրեց նա կնոջը:

— Ինչ-որ տեղ գնաց,— պատասխանեց նա:

— Ես գիտեմ, ուր է գնացել,— ասաց Գերհարդը:— Ինքս տեսա: Դե թող վերադառնան, ինքս կխոսեմ նրա հետ:

Նա հանգիստ նստեց և սկսեց գերմաներեն թերթ կարդալ՝ աչքի տակով կնոջը նայելով: Վերջապես բակի դռնակը շխկաց, ասպա բացվեց մուտքի դուռը: Այն ժամանակ նա ոտքի ելավ:

— Որտե՞ղ էիր,— գոռաց նա գերմաներեն:

Բրենդերը, որն ամենևին այդպիսի տեսարան չէր սպասում, իրեն և՛ վիրավորված, և՛ անհարմար վիճակում զգաց: Ջեննին խիստ շփոթվեց: Խոհանոցում տանջալից անհանգիստ վիճակում սպասում էր նրա մայրը:

— Գնացել էի ղբոսնելու,— շփոթված պատասխանեց աղջիկը:

— Իսկ ես քեզ չե՞մ ասել, որ այլևս երեկոները տնից դուրս չգնաս,— ասաց Գերհարդը, ամենաշնչին ուշադրություն անգամ չդարձնելով Բրենդերի վրա:

Ջեննին ամբողջովին կարմրատակեց և ուժ չունեցավ ոչ մի խոսք ասելու:

— Ի՞նչ է պատահել,— ազդու տոնով հարցրեց Բրենդերը:— Ինչո՞ւ եք դուք այդպես խոսում սրա հետ:

— Երբ մութն ընկնում է, նա տանից չպետք է դուրս գնա,— կոպիտ պատասխանեց Գերհարդը:— Արդեն քանի՞ անգամ ես այս ասել եմ նրան: Եվ դուք էլ այլևս այստեղ գալու բան չունեք:

— Իսկ ինչո՞ւ,— կարճ լուռթյունից հետո հարցրեց սենատորը, խնամքով ընտրելով բառերը:— Ա՞յ տարօրինակ բան: Ի՞նչ մի վատ բան է արել ձեր դուստրը:

— Ինչ է արե՞լ,— գոռաց Գերհարդը. նրա վրդովմունքն աճում էր ըստ ըստ, և նա ավելի ու ավելի անհասկանալի էր արտասանում անգլերեն բառերը:— Կարիք չկա, որ նա փողոցներում թրև գա գիշերվա կեսին, երբ պետք է տանը նստած լինի: Ես չեմ ուզում, որ իմ աղջիկը երեկոյան տանից դուրս գնա մի մարդու հետ, որը նրան հայր կսաղիս: Ի՞նչ եք ուզում դուք նրանից: Նա դեռ երեխա է:

— Ինչ եմ ուզո՞ւմ,— ասաց սենատորը ջանալով արժանապատվությամբ դուրս գալ ստեղծված դրուժյունից:— Հասկանալի է, ուզում եմ զրուցել նրա հետ: Նա այնքան մեծ է, որ ինձ համար հետաքրքիր է նրա հետ լինել: Ես ուզում եմ ամուսնանալ նրա հետ, եթե ինքը համաձայնի:

— Իսկ ես ուզում եմ, որ դուք հեռանաք այստեղից և այլևս չգաք,— պատասխանեց Գերհարդը, տրամաբանորեն դատելու ամեն ընդունակություն կորցնելով և ամենասովորական հայրական բռնակալության մեջ ընկնելով:— Ես այլևս չեմ ցանկանում ձեզ տեսնել իմ տանը: Կարծես ուրիշ թշվառություններ քիչ ունեմ ես, պակասն այդ է, որ աղջիկս էլ խլեն ու կործանեն նրա անբասիր անունը:

— Նեղություն քաշեք բացատրել՝ ի՞նչ եք ուզում ասել դրանով,— ասաց սենատորն ամբողջ հասակով ուղղվելով:— Ես իմ արածից ամաչելու բան չունեմ: Իմ մեղքով ձեր աղջկան ոչ մի վատ բան չի պատահել: Եվ ես կուզենալի հասկանալ՝ ինչ բանում եք դուք մեղադրում ինձ:

— Ես ուզում եմ ասել,— Գերհարդը հուզմունքից մի քանի անգամ կրկնեց միևնույն խոսքը,— ես... ես ուզում եմ

ասել, որ բոլոր հարևանները խոսում են, թե ինչպես եք դուք այստեղ գալիս, ինչպես եք կառքով սլտաեցնում իմ աղջկան և երեկոներն զբոսնում նրա հետ, և այդ ամենը՝ երբ ես տանը չեմ լինում, ահա թե ինչ եմ ուզում ասել: Ես ուզում եմ ասել, որ եթե դուք ազնիվ մտադրություն ունենայիք, չէիք կապվի այնպիսի մի աղջկա հետ, որը ձեզ դուստր կսպի: Մարդիկ բաց են արել իմ աչքերը: Հեռացեք այստեղից և իմ աղջկան հանգիստ թողեք:

— Մարդի՛կ,— կրկնեց սենատորը:— Ես ոչ մի գործ չունեմ այդ մարդկանց հետ: Ես սիրում եմ ձեր աղջկան և գալիս եմ այստեղ, որովհետև սիրում եմ նրան: Ես մտադիր եմ ամուսնանալ նրա հետ, իսկ եթե ձեր հարևանները ցանկանում են շատախոսել, թող շատախոսեն: Այդ դեռ չի նշանակում, թե դուք կարող եք ինձ վիրավորել, նույնիսկ չիմանալով իմ մտադրությունը:

Այս անասելի վեճից վախեցած՝ Զեննին ետ-ետ քաշվեց դեպի սեղանատուն տանող դուռը: Մայրը մոտեցավ նրան:

— Հայրդ վերադարձավ, երբ դուք տանը չէիք,— ասաց նա աղջկան, հուզմունքից շնչասպառ լինելով:— Հիմա ի՞նչ պիտի անենք:

Եվ, ըստ բոլոր կանանց սովորության, նրանք գրկախառնվեցին ու սկսեցին կամացուկ լալ: Իսկ այն երկուսը շարունակում էին վիճել:

— Ա՛խ, ա՛յ թե ինչ,— գոչեց Գերհարդը:— Դուք ամուսնանա՛լ եք ուզում:

— Այո,— պատասխանեց սենատորը,— ամուսնանալ: Զեր աղջիկը տասնութ տարեկան է, նա ինքը կարող է որոշել իր անելիքը: Դուք վիրավորեցիք ինձ և ծաղրեցիք ձեր դստեր զգացմունքները: Դե ուրեմն նկատի ունեցեք, որ սրտնով գործը չի վերջանա: Եթե դուք կարող եք էլի մի որե՛է բանում մեղադրել ինձ, բացի նրանից, որ շատախոսում եմ ձեր հարևանները, նեղություն քաշեցեք ասել:

Սենատորը Գերհարդի առաջ կանգնել էր որպես արդարության ու անբասկիւթյան վեհատես մարմնացում: Նա ձայնը չէր բարձրաճնում, կտրուկ շարժումներ չէր անում,

բայց նրա ամուր սեղմված շրթունքների արտահայտութեան մեջ զգացվում էր վճռականութուն և աննկուն կամք:

— Այլևս ձեզ հետ խոսել չե՛մ ուզում, — առարկեց Գերհարդը մի քիչ շփոթված, բայց առանց վախենալու: — Իմ աղջիկը, իմ աղջիկն է: Եվ իմ գործն է որոշել՝ պիտի զբոսնի՞ ձեզ հետ երեկոները և պիտի ամուսնանա՞ ձեզ հետ, թե ոչ: Ճանաչում եմ ձեզ՝ քաղաքագետներիդ: Երբ մենք ծանոթացանք, ես ձեզ կարգին մարդ էի համարում, իսկ հիմա տեսնում եմ, թե ինչպես եք վարվում իմ աղջկա հետ, և այլևս ձեզ ճանաչել չեմ ուզում: Գնացե՛ք այստեղից, ուրիշ ոչինչ: Այլևս ոչինչ չեմ ուզում ձեզանից:

— Շատ եմ ցավում, միսիս Գերհարդ, որ ես ստիպված եղա այսպիսի վեճի մեջ մտնել ձեր տանը, — ասաց Բրենդերը, դիտմամբ երեսը շուռ տալով զայրացած հորից: — Ես չգիտեի, որ ձեր ամուսինը դեմ է իմ այցելութուններին: Համենայն դեպս, դա ոչինչ չի փոխում: Զվշտանաք, գործն այնքան վատ չէ, որքան թվում է:

Գերհարդը զարմացել էր նրա սառնարյունութունից:

— Ես գնում եմ, — շարունակեց Բրենդերը՝ հորը դառնալով, — բայց չկարծեք, թե այսպես էլ կթողնեմ այս: Այսօր դուք մեծ տխալ գործեցիք: Հուսով եմ, կհասկանաք այդ: Բարի գիշեր:

Նա թեթևակի գլուխ տվեց և դուրս գնաց:

Գերհարդը դուռը շրխկոցով ծածկեց նրա ետևից:

— Հիմա, հուսով եմ, մենք նրանից ազատվեցինք, — ասաց նա: — Իսկ քեզ ցույց կտամ, թե ինչ է նշանակում փողոցներում թրև գալ երեկոները, որպեսզի ամբողջ աշխարհը բամբասի քեզ:

Այս հարցի շուրջն այլևս ոչ մի խոսք չասվեց, բայց հետագա օրերին տանը ճնշող լռութուն էր տիրում, և այդտեղ բնակվողների դեմքից ու տրամադրութունից դժվար չէր հասկանալ, թե ինչ ապրումներ ունեն նրանք: Գերհարդը մռայլագեմ խորհում էր, որ իր աշխատանքը պարտական է սենատորին և որոշեց հրաժարվել իր տեղից: Նա հայտարարեց, որ իր տանը այլևս սենատորի համար ոչ մի լվացք չպի-

տի արվի և եթե հավատացած չլիներ, որ միսիս Գերհարդը հյուրանոցում աշխատանքը գտել է ինքնուրույնաբար, այդ էլ կարգելեր: Համենայն դեպս այդ աշխատանքը ոչ մի լավ բանի չհասցրեց: Եթե կինը հյուրանոց չգնար, այդ բամբասանքներն էլ չէին լինի:

Իսկ սենատորը շատ էր սրտնեղել այդ ցավալի դեպքից: Քաղքենիական բամբասանքները միշտ էլ անհաճո բան են, իսկ նրա դիրքն ունեցող մարդուն այդպիսի բամբասանքների հերոս լինելն առավել ևս անվայել է: Բրենդերը չգիտեր, թե ինչպես վարվի, և մինչ նա ջանում էր որևէ որոշում գտնել, մի քանի օր անցավ: Հետո նրան կանչեցին Վաշինգտոն, և նա գնաց, այդպես էլ առանց Ջեննիի հետ տեսնվելու:

Մինչ այդ Գերհարդները առաջվա պես յուրա էին գնում ինչպես կարող էին: Հասկանալի է, նրանք խիստ կարիքի մեջ էին, բայց Գերհարդը պատրաստ էր արիաբար դիմանալ կարիքին, միայն թե իր պատիվը պահպաներ: Սակայն նպարավաճառին պետք է վճարել առաջվանից ոչ պակաս: Երեխաների հագուստն անողորմաբար մաշվում էր: Ստիպված էին ամենախիստ խնայողություն անել և դադարեցնել հին պարտքերի վճարումը, որոնցից Գերհարդը փորձում էր ազատվել:

Հետո հասավ այն օրը, երբ պետք էր վճարել գրավագումարի տարեկան տոկոսները, իսկ հետո երկու նպարավաճառ փողոցում Գերհարդին հանդիպելով հարցրին, թե երբ է վճարելու նա իր պարտքը: Նա առանց տատանվելու նրանց բացատրեց իր քսակի վիճակը և համակրելի անկեղծությամբ ասաց, որ բոլոր ուժերով կաշխատի և ամեն հնարավոր բան կանի, որ վճարի: Բայց և այնպես բախտի հարվածների տակ նա հոգեպես ընկճվեց: Աշխատանքի ժամերին նա աղոթում էր, որ երկինքը ողորմա, իսկ ցերեկը, երբ պէտք էր ընել ու հանգստանալ, շրջում էր քաղաքում, որ մի ավելի ձեռնառու ծառայություն գտնի և միաժամանակ ձեռնամուխ էր լինում ամեն տեսակ պատահական աշխատանքի: Մասնավորապես նա վարձվում էր զաղոնները հնձելու:

Միսիս Գերհարդն աղաչում էր չտանջել իրեն ուժից վեճ



աշխատանքով, բայց նա պատասխանում էր, թե ուրիշ կերպ չի լինի:

— Ես հանգստանալու ժամանակ չունեմ, երբ մարդիկ փողոցում կանգնեցնում են ինձ և խնդրում պարտքերս վճարել:

Հնտանիքի դրուժյունը հուսահատական էր:

Ի լրումն այս ամենի՝ Սեբաստյանը բանտ ընկավ: Դրա պատճառը ածուխ գողանալու հին խորամանկությունն էր, որի ժամանակ նա վերջ ի վերջո բռնվեց: Մի երեկո նա բարձրացավ վագոն, որպեսզի Ջեննիի ու երեխաների համար մի քիչ ածուխ ցած թափի, և երկաթուղային ոստիկանության գործակալը նրան բռնեց: Վերջին երկու տարում ճանապարհին ածուխի գողությունը չէր դադարում, բայց քանի դեռ քիչ էին գողանում, վարչությունը դրա վրա մատների արանքով էր նայում: Բայց երբ գնորդները գանգատվեցին, թե Պենսիլվանիայի ածխային ավազանից Քլիվլենդ, Յինցիննատի, Ջեկադո և այլ քաղաքներ ժամանող գնացքները ճանապարհին հազարավոր ֆունտ ածուխ են կորցնում, գործը հանձնվեց լրտեսների ձեռքը: Միայն Գերհարդների երեխաները չէին, որ ջանում էին ածուխ ձեռք բերել երկաթուղագծում: Կոլումբուսի շատ բնակիչներ էլ սիստեմատիկաբար նույն գործով էին զբաղվում, բայց այնպես պատահեց, որ հենց Սեբաստյանը բռնվեց և պետք է պատիժ կրեր ի խրատ ամբողջ քաղաքի:

— Հապա մի ցած իջիր, — ասաց լրտեսը հանկարծակի երևալով մթության մեջ:

Ջեննին և երեխաները դուլլերն ու զամբյուղները թողած՝ ամբողջ ուժով փախան: Սեբաստյանի առաջին միտքն էլ նույնն էր՝ ցած ցատկել վագոնից ու փախչել, բայց լրտեսը բռնեց նրա վերարկուի փեշը:

— Կանգ առ, — գոչեց նա: — Ես հենց քեզ էի որոնում:

— Բա՛ց թող, — կատաղաբար պատատխանեց Սեբաստյանը, որն ամենևին էլ վախկոտներից չէր: Նա տոգորված էր խիզախությամբ ու վճռականությամբ և լավ էր հասկանում իր դրուժյան ամբողջ վտանգավորությունը:

— Բա՛ց թող, ասում եմ քեզ,— կրկնեց նա և այնպիսի թափով ձիգ տվեց, որ քիչ մնաց լրտեսին գետին տապալելու:

— Դե՛-դե՛, ցա՛ծ արի,— ասաց լրտեսը չարությամբ ձիգ տալով Սեբաստյանի փեշը, որպեսզի ապացուցի իր իշխանությունը:

Սեբաստյանը ցած ցատկեց և հակառակորդին այնպես հարվածեց, որ նա տեղում ճոճվեց: Սկսվեց մի կատաղի պայքար, բայց մոտիկով անցնող մի բանվոր լրտեսին օգնության հասավ: Նրանք երկուսով Բասսին քարշ տվին կայարան և հանձնեցին երկաթուղային ոստիկանության ձեռքը: Նրավերարկուն պատառոտվել էր, դեմքն ու ձեռքերը շանգուվել, աչքերը հարվածից ուռել: Այս վիճակում էլ Սեբաստյանը փակված մնաց մինչև առավոտ:

Երեխաները տուն վազեցին՝ դեռ չիմանալով, թե ինչ պատահեց իրենց ավագ եղբորը և ոչ մի խելքը գլխին բան չկարողացան պատմել, բայց երբ խփեց ժամը ինը, ապա տասը, տասնմեկը, իսկ Սեբաստյանը դեռ չէր վերադարձել, միսիս Գերհարդն անհանգստությունից խելքը թռցնում էր: Քիչ չէր պատահել, որ որդին տուն էր եկել տասներկուսին, նույնիսկ գիշերվա մեկին, բայց մայրն զգում էր, որ այս երեկո նրան մի սոսկալի բան է պատահել: Երբ ժամացույցը զարկեց տասներկուսն անց կես, իսկ Սեբաստյանը դեռ էլի չկար, նա սկսեց լաց լինել:

— Հարկավոր է գնալ հայրիկին տեղեկացնել,— ասաց նա:— Սեբաստյանը, երևի, բանտ է ընկել:

Ջեննին ցանկություն հայտնեց գնալ: Զորշին, որն արդեն խոր քուն էր մտել, արթնացրին, որպեսզի ուղեկցի նրան:

— Ի՞նչ կա,— զարմացած գոչեց Գերհարդը՝ երեխաներին տեսնելուն պես:

— Բասսը մինչև հիմա տուն չի եկել,— ասաց Ջեննին, ապա պատմեց, թե այդ օրը ինչ անհաջողություն ունեցան, երբ գնացել էին ածուխի:

Գերհարդն իսկույն աշխատանքը թողեց, երեխաների

հետ դուրս եկավ և ուղղվեց դեպի բանտ: Նա գլխի էր ընկնում, թե ինչ է կատարվել, և սիրտը ճմլվում էր:

— Հենց այս էր պակաս, — անհանգիստ կրկնում էր նա, ձեռքով սրբելով ճակատի քրտինքը:

Քաղաքամասում հերթապահ սերժանտը համառոտակի հայտնեց նրան, որ Բասսը ձերբակալված է:

— Սերաստյան Գերհարդ, — հարցրեց նա ցուցակները նայելով: — Այո, կա այդպիսին: Ածուխ է գողացել և ոստիկանին դիմադրություն է ցույց տվել: Ձեր որդի՞ն է:

— Ach Gott! — ասաց Գերհարդը: — Ա՛խ, աստված, — կրկնեց նա հուսահատաբար ձեռքերը տրորելով:

— Ուղո՞ւմ եք իրեն տեսնել, — հարցրեց սերժանտը:

— Այո, այո, — պատասխանեց հայրը:

— Առաջնորդիր սրան, Ֆրեդ, — դարձավ սերժանտը ծերունի պահակայինին: — Թող տղային տեսնի:

Երբ Գերհարդը հարևան սենյակում կանգնած տեսավ ներս մտնող Սերաստյանին, որը ծեծված էր ու շորերը պատռոտված, ուժերը դավաճանեցին նրան և սկսեց լաց լինել: Նա ոչ մի խոսք ասել չկարողացավ:

— Մի՛ լար, հայրիկ, — քաջաբար ասաց Սերաստյանը: — Ես ոչինչ չէի կարող անել: Դե լավ, մեծ ցավ չէ: Առավոտյան ինձ բաց կթողնեն:

Վշտահար Գերհարդը դողում էր ամբողջ մարմնով:

— Մի՛ լար, — շարունակեց Սերաստյանը, ինքն էլ ջանալով զսպել իր արցունքները: — Ինձ ոչինչ չի եղել: Կալուց ի՞նչ օգուտ կա:

— Գիտեմ, ես գիտեմ, — վշտահար ասաց հայրը, — բայց ինձ զսպել չեմ կարողանում: Ամբողջն իմ մեղքն է՝ ախր ես եմ քեզ թույլ տվել այդ գործով զբաղվել:

— Ձե՛, չե՛, — առարկեց Սերաստյանը, — դու այստեղ մեղք չունես: Իսկ մայրիկը գիտե՞:

— Գիտե: Զեննին ու Զորջը հենց նոր եկան ինձ մոտ ու ասացին: Ես հենց նոր իմացա:

Նվ նա նորից լաց եղավ:

— Դե լավ, պետք չէ այդպես հուղվել, — ասաց Սե-

բաստյանը: Այդ բոսպին նրա հոգում արթնացել էր այն ամբողջ լավը, որ կար նրա մեջ:— Ամեն ինչ լավ կլինի: Վերադարձիր քո աշխատանքին և դարդ մի անի: Ամեն ինչ լավ կլինի:

— Այդ ինչո՞ւ աչքդ ուռած է,— հարցրեց հայրը, արցունքից կարմրած աչքերով նայելով նրան:

— Այս ոչինչ, ես մի փոքրիկ ընդհարում ունեցա մի տղայի հետ, որը բռնում էր ինձ,— քաջաբար ասաց տղան, ջանալով ժպտալ:— Կարծում էի կկարողանամ ծլկել:

— Իդուր ես արել այդ, Սեբաստյան,— ասաց Գերհարդը:— Դա կարող է վնասել քեզ: Ե՞րբ են քննելու քո գործը:

— Ասացին՝ վաղն առավոտյան,— պատասխանեց Բասսը:— Ժամը իննին:

Գերհարդն էլի մի քիչ մնաց որդու հետ: Նրանք խոսում էին, թե չի՞ կարելի, որ հարազատները երաշխավորությամբ վերցնեն Բասսին, խոսեցին տուգանքի, սպառնացող բանտարկության մասին, բայց այդպես էլ ոչ մի եզրակացության դալ չկարողացան: Վերջապես նա հորը համոզեց գնալ, բայց անջատումը հուսահատության նոր պոռթկում առաջացրեց: Գերհարդին սենյակից դուրս տարան բոլորովին վշտաբեկ սրբառով:

«Բանը վատ է,— հոր մասին մտածելով, ինքն իրեն ասաց Բասսը, երբ նրան նորից խցիկն էին տանում:— Իսկ մայրի՞կն ինչ վիճակում կլինի...»:

Մոր մասին մտածելով, նա խորապես հուզվեց:

— Է՛հ, ափսոս, որ ես առաջին իսկ հարվածով չտապալեցի այն տիպին,— ասաց նա:— Եվ ի՞նչ հիմարն եմ ես, որ չփախա:

## Գ Լ Ո Ի Խ VII

Գերհարդը հուսահատ վիճակում էր: Նա չէր ճանաչում մեկին, որին կարողանա դիմել գիշերվա ժամը երկուսի և առավոտյան իննի միջև: Նա գնաց տուն՝ կնոջ հետ խորհրդակցելու, ապա վերադարձավ իր պահակակետը: Ի՞նչ տնե՛լ:

Նա հիշեց միայն մեկ մարդու, որը կարող էր և գուցե համա-  
ձայներ որևէ բանով օգնել: Դա ապակու գործարանատեր  
Հեմմոնդն էր: Բայց նա էլ այդ ժամանակ քաղաքում չէր:  
Ասենք՝ Գերհարդն այդ չգիտեր էլ:

Ժամը իննին մոտ նա գնաց դատարան. որոշված էր, որ  
ընտանիքի մյուս անդամները չպետք է ներկա լինեն: Միսիս  
Գերհարդն անհապաղ ամեն ինչ կիմանա. ինքն իսկույն կվե-  
րադառնա և ամեն ինչ կպատմի:

Դատարանում Սեբաստյանն ստիպված եղավ երկար  
սպասել, որովհետև նրանից առաջ էլի մի քանի հոգի նստած  
էին մեղադրյալի աթուին: Վերջապես նրան կանչեցին և հրե-  
ցին դեպի արդելապատը:

— Ածուխ է գողացել, ձերդ աղնվություն, և ձերբակալ-  
ման ժամանակ դիմադրություն է ցույց տվել, — պարզաբա-  
նեց նրան ձերբակալող ոստիկանը:

Դատավորը ուշի-ուշով նայեց Սեբաստյանին: Տղայի  
ծեծված ու շանգոտոված դեմքը նրա վրա անբարենպաստ  
տպավորություն գործեց:

— Դե, երիտասարդ, — ասաց նա, — ի՞նչ կարող եք  
ասել ձեզ արդարացնելու համար: Այդ ինչո՞ւ է ձեր աչքի  
տակն այդպես կապտել:

Սեբաստյանը նայեց դատավորին, բայց ոչինչ չպատաս-  
խանեց:

— Ես եմ նրան բռնել, — ասաց լրտեսը: — Ես նրան  
բռնեցի մեր ընկերությանը պատկանող վագոնի վրա: Նա  
փորձեց ձեռքիցս դուրս արժնել, բայց երբ ես ավելի ամուր  
բռնեցի, հարձակվեց ինձ վրա: Ահա այս մարդը վկա է, —  
ավելացրեց նա մատնացույց անելով այն բանվորին, որն  
իրեն օգնել էր բռնել Սեբաստյանին:

— Այդ սա՞ է հարվածել ձեզ, — հարցրեց դատավորը,  
նկատելով որ լրտեսի կզակն ուռած է:

— Այո, սրը, — պատասխանեց նա գոհ լինելով, որ իր  
վրեժը լիովին լուծվելու է:

— Թույլ տվեք ասել, — առաջ գալով միջամտեց Գեր-  
հարդը, — դա իմ որդին է: Նրան ուղարկել էին ածուխի: Նա...

— Մենք դեմ չենք, թող ածուխ հավաքեն ճանապարհների վրայից, — ընդհատեց նրան լրտեսը: — Բայց սա վագոնից էր ածուխ ցած թափում իր գործակիցներին, որոնք մի վեց հոգի կլինեին:

— Մի՞թե դուք չեք կարող այնքան վաստակել, որ ստիպված չլինեք ածուխ հավաքել երկաթուղագծերից, — հարցրեց դատավորը, բայց նախքան հայրը կամ որդին կպատասխանեին, ավելացրեց. — ինչո՞ւ եք զբաղվում դուք:

— Վագոնանորոգման արհեստանոցում եմ աշխատում, — ասաց Սերաստյանը:

— Իսկ դո՞ւք, — Գերհարդին դարձավ դատավորը:

— Ես Միլլերի կահույքի գործարանում գիշերային պահակ եմ:

— Հը՛մ, — ասաց դատավորը զգալով, որ Սերաստյանը շարունակում է իրեն պահել մռայլ ու գրգռիչ տեսքով: — Ահա՛ թե ինչ. այս երիտասարդից ածուխի գողության մեղադրանքը կարելի էր հանել, բայց նա, ինչպես երևում է, շատ սիրով է գործի դնում իր բռնեցիկները: Կոչումբուսում առանց այն էլ տուրուղմբոց խիստ շատ է լինում: Տասը դոլլար:

— Թույլ տվեք ասել... — սկսեց Գերհարդը, բայց դատական պրիստավը մի կողմ հրեց նրան:

— Այլևս ոչինչ լսել չեմ ուզում, — ասաց դատավորը: — Ա՛յ թե կամակորն է: Ո՞ւ՞ է հետևյալը:

Գերհարդը որդուն մոտեցավ ամոթահար, բայց և գոհ էր, որ գործն ավելի վատ չվերջացավ: Փողը մի կերպ կճարի, մտածում էր նա: Երբ հայրը մոտեցավ, որդին կարեկցաբար նրան էր նայում:

— Ամեն ինչ կարգին է, — նրան հանգստացնել ուզեց Բասսը: — Միայն թե նա ինձ թույլ չտվեց մի խոսք ասել:

— Լավ է, որ ավելի խիստ չգատապարտեց, — մտահոգ ասաց հայրը: — Հիմա կաշխատենք փողը ճարել:

Հետո նա գնաց սուն և դատավճիռը հայտնեց տագնապահար կնոջն ու երեխաներին: Միսիս Գերհարդը սիրի՞նեց, բայց և այնպես թեթևություն զգաց, զի սասը դոլլարը մի

կերպ կարելի է ճարել: Զեննին լսում էր բերանը կիսաբաց և խոշոր աչքերով հորը նայելով: Այս ամբողջ պատմությունը նրա համար մի անողոք հարված էր: Խեղճ Բասս: Նա միշտ այնքան ուրախ ու բարեսիրտ է եղել: Ուղղակի սոսկալի բան է, որ նա բանտ է ընկել:

Գերհարդն շտապեց դեպի Հեմմոնդի հոյակապ առանձնատունը, բայց գործարանատեղը քաղաքում չէր: Այն ժամանակ նրա միտն եկավ Զենկինս ազգանունով փաստաբանը, որի հետ մի քիչ ծանոթ էր, և գնաց նրա գրասենյակը, բայց նա էլ այնտեղ չէր: Էլի մի քանի ծանոթ նպարավաճառ ու ածխավաճառ կային, բայց ինքը նրանց փող էր պարտ: Պաստոր Վոնդտը գուցե փող կտար, բայց Գերհարդի համար շատ տանջալից բան կլիներ այդքան պատվարժան մարդուն խոստովանել, թե ինչ է պատահել: Նա փորձեց դիմել մի երկու-երեք ծանոթի, բայց սրանք էլ նրա անսպասելի ու տարօրինակ խնդիրքից դարմացած՝ քաղաքավարի ձևով մերժեցին: Ժամը չորսին նա տուն վերադարձավ հոգնած ու տառապած:

— Զգիտեմ ինչ անեմ,— ասաց նա հուսահատ տոնով:— Ուղղակի խելքս բան չի կտրում...

Զեննին մտածեց Բրենդերի մասին, բայց, թեև դրությունը հուսահատական էր, նա չհամարձակվեց գնալ նրանից օգնություն խնդրելու՝ շատ լավ հասկանում էր հոր արգելքը և այն սոսկալի վիրավորանքը, որ նա հասցրել էր սենատորին: Նրա ժամացույցն արդեն երկրորդ անգամ գրավ էր դրված, իսկ փող ճարելու ուրիշ միջոց նա չգիտեր:

Ընտանեկան խորհուրդը շարունակվեց մինչև ժամը տասն անց կես, բայց ոչ մի հնար չգտնվեց: Միսիս Գերհարդը հայացքը հատակին հստած՝ միապաղաղ շարժումներով ձեռքերն էր ճմրթում: Նրա ամուսինը մտացրիվ նստած ձեռքն էր քսում իր ճերմակախառն շեկ մազերին:

— Ամեն ինչ անօգուտ է,— վերջապես ասաց նա:— Նա ոչ մի հնար չեմ գտնում:

— Գնա քնիր, Զեննի,— հոգատարությամբ ասաց մայրը:— Մյուսներին էլ պառկեցրու քնելու: Կարիք չկա, որ այս-

տեղ նստեք: Գուցե ես մի բան կհնարեմ: Իսկ դուք գնացեք քնելու:

Ջեննին գնաց իր սենյակը, բայց նրա աչքերին քուն չէր գալիս: Սենատորի հետ իր հոր կովից հետո շատ շանցած՝ նա լրագրում կարդացել էր, որ Բրենդերը գնացել է Վաշինգտոն: Վերադարձի մասին ոչինչ չէր հաղորդվել, բայց և այնպես դուցե արդեն եկե՞լ է: Նա մտքի մեջ ընկած կանգ առավ աղքատիկ սեղանին դրված նեղլիկ հայելու առաջ: Վերոնիկան, որ իր հետ միևնույն սենյակումն էր քնում, արդեն պառկել էր: Վերջապես Ջեննիի որոշումն ամրապնդվեց. ինքը կգնա սենատոր Բրենդերի մոտ: Նի՞շե նա քաղաքումն է, Բասսին կազատի: Ինչո՞ւ պիտի չգնա. չէ՞ որ նա սիրում է իրեն: Քանի՞ անգամ խնդրել է ամուսնանալ իր հետ: Ուրեմն էլ ինչո՞ւ չգնա ու նրա օգնությունը խնդրի:

Նա մի պահ տատանվում էր, հետո: լսելով Վերոնիկայի միալար շնչառությունը, ժակետը հագավ, գլխարկը դրեց և դուռը կամացուկ բաց արեց, որ տեսնի սեղանատանը մարդ կա՞ թե ոչ:

Տանը ոչ մի ձայն չէր լսվում, միայն խոհանոցում Գերհարդը ճոճաթուղին նստած՝ ճոճվում էր անհանգիստ: Ոչ մի տեղ լույս չկար. վառվում էր միայն իր սենյակի փոքրիկ լամպը և մեկ էլ խոհանոցի դռան տակից լույսի մի դեղնավուն շերտ էր երևում: Ջեննին իր լամպի պատրույգն իջեցրեց և փչեց, ապա կամացուկ անցավ ելքի դռան մոտ, բացեց այն և դուրս եկավ գիշերային խավարի մեջ:

Երկնքում շողում էր նվազող լուսինը, և օդը հագեցած էր վերածնվող կյանքի շնչով, որովհետև նորից մոտենում էր գարունը: Ջեննին շտապ քայլում էր մթին փողոցներով — աղեղնավոր լամպերը դեռ հնարված չէին — և վախից դողում էր. ի՞նչ ցնորամիտ քայլ է արել ինքը: Ինչպե՞ս կընդունի իրեն սենատորը: Ի՞նչ կմտածի: Նա կանգ առավ և տարակուսանքի մեջ ընկավ, ապա հիշեց բանտի խցում փակված Բասսին և նորից շտապեց առաջ:

Կոլումբուս-Հաուզ հյուրանոցի կառուցվածքն այնպիսին էր, որ կինը առանց դժվարության կարող էր կանանց հա-



տուկ մուտքով գիշերվա որ ժամին ուզենար՝ բարձրանալ ցանկացած հարկը: Ձի կարելի ասել, թե այդ հյուրանոցում ներքին կարգ ու կանոններ չկային, բայց, ինչպես և ուրիշ շատ հյուրանոցներում, կանոնների պահպանումն այն ժամանակներում բավական խիստ չէր: Ով ուզենար՝ կարող էր ներս մտնել դռնով, հասնել նախասրահ, և այստեղ կլերկը կնկատեր նրան: Բացի դրանից, ուրիշ ոչ ոք առանձնապես չէր հսկում, թե ովքեր են գնում-գալիս:

Երբ Ջեննին մոտեցավ հյուրանոցին, շուրջը խավար էր, վառվում էր միայն մուտքի վերևի աղոտ լույսը: Սենատորի համարը հասնելու համար հարկավոր էր միայն երկրորդ հարկի միջանցքով մի քիչ առաջ գնալ: Ջեննին վերև վազեց: Նա հուզմունքից գունատվել էր, ուրիշ ոչինչ չէր մատնում նրա հոգում մոլեգնող փոթորիկը: Մանոթ դռանը մոտենալով՝ նա կանգ առավ, և՛ վախենում էր, թե սենատոր Բրենդերին տանը չի գտնի, և՛ դողում էր այն մտքից, թե նա կարող է այստեղ լինել: Դռան վերևի ապակեպատ փոքրիկ լուսամուտից լույս էր երևում, և Ջեննին, իր ամբողջ արիությանը ժողովելով, դուռը բացեց: Դռան ետևը հազ ու շարժում չսվեց:

Երբ Բրենդերը դուռը բացեց, նրա զարմանքին սահման չկար:

— Ջեննին է,— գոչեց նա:— Ա՛յ քեզ հրաշք: Իսկ ես հենց ձեր մասին էի մտածում: Ներս եկեք, ներս եկեք...

Նա ջերմագին գրկեց աղջկան:

— Ես ուզում էի այցելել ձեզ: Շարունակ մտածում էի, թե ինչպես հարթենք գործը: Եվ ահա դուք եք եկել: Բայց ի՞նչ է պատահել:

Նա մի քայլ ետ գնաց և ուշադիր նայեց Ջեննիի հուզված դեմքին: Նրա գեղեցկության մեջ սենատորն զգաց հենց նոր քաղված, դեռևս ցողաթաթավ շուշանի թարմություն:

Անսահման քնքշությունը ալիք տվեց նրա սրտում:

— Ես մի բան եմ խնդրելու ձեզանից,— վերջապես ճիգ գործ դնելով ասաց աղջիկը:— Իմ եղբայրը բանտումն է: Մենք

պետք է նրա համար տասը դոլլար տուգանք մուծենք, և ես չգիտեի, էլ ուրիշ ուր կարող եմ գնալ:

— Խեղճ իմ աղջիկս,— ասաց սենատորը նրա սառած ձեռքերը տաքացնելով:— էլ ուրիշ ո՞ւր պիտի գնայիք: Չէ՞ որ ես ձեզ ասել եմ՝ միշտ ինձ դիմեցեք: Մի՞թե չգիտեք, որ ես ձեզ համար ամեն ինչ կանեմ, Զեննի:

— Այո,— շնչաստպառ լինելով հագիւլ մրմնջաց աղջիկը:

— Դե ուրեմն ոչ մի բանի մասին մի՛ անհանգստացեք: Բայց ե՞րբ պիտի, վերջապես, բախտը դադարի հարվածներ տեղալ ձեր վրա, խեղճ իմ աղջիկ: Ինչպե՞ս է ձեր եղբայրը բանտ ընկել:

— Նրան բռնել են, երբ վաղոնից ածուխ էր ցած թափում,— պատասխանեց Զեննին:

— Ա՛,— արձագանքեց Բրենդերն անկեղծ կարեկցությամբ:

Այդ պատանուն ձերբակալել և տուգանքի են դատապարտել նրա համար, ինչի որ մղել է նրան ինքը՝ կյանքը: Եվ այս աղջիկը կեսգիշերին եկել է իր մոտ տասը դոլլար խնդրելու, որ անհրաժեշտ է նրան: Տասը դոլլարը նրա համար ահագին գումար է, իսկ իր համար՝ ոչինչ բան է:

— Եղբորդ համար մի՛ վշտացեք: Ես ամեն ինչ կկարգաւորեմ,— արագ ասաց նա:— Կես ժամից հետո նա աղատ կլինի: Մի քիչ նստեցեք այստեղ, հանգստացեք, մինչև ես կվերադառնամ:

Նա աղջկան մատնացույց արեց մեծ լամպի մոտ դրված բազկաթոռը և շտապ դուրս գնաց սենյակից:

Բրենդերը ճանաչում էր օկրուդային բանտի շերիֆին: Ճանաչում էր նաև Սեբաստյանին տուգանքի դատաւարտող դատաւորին: Ընդամենը մի հինգ ըոպե հարկաւոր եղաւ, որպեսզի դատաւորին մի երկտող զրի, խնդրելով պատիժը վերացնել ու չփչացնել պատանու ապագան և թղթատարի միջոցով երկտողն ուղարկեց նրա տուն: Էլի մի տասը ըոպե հարկաւոր եղաւ, որպեսզի ինքն անձամբ գնա բանտ և իր բարեկամ շերիֆին համոզի իսկույն բաց թողնել Սեբաստյանին:

— Ահա փողը,— ասաց Բրենդերը:— Եթե տուգանքը վերացվի, կվերադարձնեք ինձ: Իսկ հիմա բաց թողեք նրան:

Շերիֆը. շիրով համաձայնեց: Նա իսկույն ցած իջավ, որսիսզի անձամբ հետևի իր հրամանի կատարմանը, և զարմացած Բասսն արդեն ազատ էր: Նրան ոչ մի բացատրություն էլ չտվին:

— Ամեն ինչ կարգին է,— ասաց բանտապահը:— Դու ազատ ես: Վազիր տուն և տես, այլևս այդպիսի բաներ չանես:

Բասսը տարակուսանքի մեջ ընկած տուն գնաց, իսկ նախկին սենատորը վերադարձավ իր հյուրանոցը, մտածելով որոշել թե ինչ պիտի անի հիմա: Դրուկյունը բավական փափուկ էր: Զեննին, ըստ երևույթին, իր օգնությանն էր դիմել առանց հոր գիտության: Սա նրա վերջին հույսն է եղել: Եվ հիմա նա իր համարում նստած սպասում է:

Ամեն մարդու կյանքում լինում են վճռական րոպեներ, երբ նա տատանվում է պարտքի ու արդարության խստիվ պահպանման և երջանկություն ստանալու հրապուրանքի միջև, որին կարելի է հասնել, հարկավոր է միայն վարվել ոչ այնպես, ինչպես հարկն է: Բրենդերը հասկանում էր, որ նույնիսկ Զեննիի հետ ամուսնանալը հեշտ չի լինելու նրա հոր անմիտ համառության պատճառով: Մյուս խոչընդոտը հասարակական կարծիքն էր: Ենթադրենք ինքն ամուսնացավ Զեննիի հետ, ի՞նչ կասեն մարդիկ: Նա շատ մեծաշնորհ բնավորություն ունի, ընդունակ է խորապես զգալու, այդ Բրենդերը գիտեր: Նրա մեջ ինչ-որ պոետական բան կա, հոգեկան մի նրբություն, որն անմատչելի է ամբոխի ըմբռնողությանը: Բրենդերն ինքն էլ լիովին չէր հասկանում, թե ինչ է դա, բայց կռահում էր, որ աղջիկը շքեղ ներքնաշխարհ ունի, իսկ դա կհրապուրեր ամեն մեկին, ով էլ Բրենդերի տեղը լիներ, թեև Զեննիի միտքը դեռ զարգացած չէր և նա կյանքի փորձ չուներ: «Արտակարգ աղջիկ է»,— մտածում էր Բրենդերը՝ մտովին նրան նորից տեսնելով իր առաջ:

Խորհելով, թե ինչպես պիտի վարվի սրանից հետո, նա

վերադարձավ հյուրանոց։ Սենյակ մտնելուն պես նրան նորից շշմեցրեց աղջկա գեղեցկութունն ու անհաղթահարելի հրապույրը։ Լուսամփոփով ստվերված լամպի լույսի տակ նա թվում էր աշխարհին անհայտ մի հրաշք։

— Դե, ահա,— ասաց նա ջանալով հանգիստ երևալ։— Ես միջնորդեցի ձեր եղբոր համար։ Հիմա նա ազատ է։

Ջեննին վեր կացավ։

Նա ձեռքերն իրար զարկելով ախ քաշեց, ապա մի քայլ արեց դեպի Բրենդերը։ Նրա աչքերը լցվեցին երախտագիտության արցունքներով։

Բրենդերը տեսավ այդ արցունքները և բոլորովին մոտեցավ նրան։

— Ի սեր աստծո, մի՛ լացեք, Ջեննի,— ասաց նա։—

Դուք հրեշտակ եք։ Դուք ինքը՝ բարությունն եք։ Մտածեցեք մի, որքա՞ն զոհողություն եք արել դուք և հիմա լաց եք լինում։

Նա աղջկան քաշեց իր կողմը, և այդ պահին մշտական զգուշությունը դավաճանեց նրան։ Նա զգում էր միայն մեկ բան. կատարվում է այն, ինչին նա այնքան կարոտ է եղել։ Վերջապես այնքան անհաջողություններից հետո բախտը շնորհում է նրան այն, ինչ փափագել է ամենից ավելի՝ սեր, սիրեցյալ կին։ Նա գրկեց Ջեննիին և համբուրեց նրան նորից ու նորից։

Անգլիական գրող Ջեֆրիսն ասել է, որ կատարյալ աղջիկ երևան է գալիս հարյուր հիսուն տարին մեկ անգամ։ «Այդ գանձն ստեղծում են երկրի ու օդի բոլոր թուլանքները։ Ե՛վ հարավային զեփյուռը, որ մեկուկես դար փչում է ցորենի դաշտերի վրա, և՛ բարձր փոստերի բուրմունքը, որոնք օրորվում են երեքնուկի մեղրալից ծանր գլխիկների ու բերինիկի ծիծղուն ծաղիկների վրա, ծածկում են սերինոսին և փակում մեղվի ուղին, և՛ վարդի թփերի դալար ցանկապատերը, և՛ մատղաշ ցախկեռասը, և՛ կապուտակ տերեփուկները ասկեփայլ արտի մեջ, և՛ կանաչ եղևնիների ստվերը։ Ամբողջ հմայքը մարմանդ գետակների, որոնց ափերին դեպի արևն են ձգվում հիրիկները, մթին անտառների ամբողջ տիրական՝

գեղեցկութիւնը, բոլոր հեռավոր բլուրները, որոնցից քեմոնի ու ազատութեան շունչ է բուրում — այս ամենը նորից ու նորից կրկնվում է հարյուրավոր տարիներ:

Գարնանածաղիկները, զանգակածաղիկները, մանուշակները, ծիրանի գարունը, ոսկե աշունը, արևի լույսը, հորդ անձրևները և ցողաթաթավ առավոտները, անմահ գիշերները, նորից ու նորից հարյուր տարի կրկնվում է անընդհատ հոսող ժամանակի ամբողջ շրջանը: Զգրված տարեգրութիւն, որը ոչ ոք գրել չի էլ կարող. ո՞վ կարող է պատմել հարյուր տարի առաջ թափված վարդի թերթիկների մասին: Հարյուր անգամ ծիծեռնակները վերադառնում են կտուրի տակի իրենց բույնը, հարյուրավոր անգամ: Բայց ահա աղշիկը երևաց, և ամբողջ աշխարհը ծարավի է նրա գեղեցկութեան, ինչպես այն ծաղիկների, որոնք արդեն չկան: Նրա տասնյոթ տարու լիովնանքի մեջ դարերի հմայքն է: Ահա թե ինչու նրա հարուցած կրքի մեջ թախիծ է թաքնված»:

Եթե դուք հասկացել ու գնահատել եք հարյուր անգամ կրկնված անտառային զանգակածաղիկների հմայքը, եթե վարդերը, երաժշտութիւնը, շառագուն լուսաբացն ու մայրամուտը երբեկցե ստիպել են, որ ձեր սիրտն ավելի ուժգին բաբախի, եթե այդ ամբողջ գեղեցկութիւնն անցողիկ է և ահա այն, նախքան աշխարհը դուրս կփախչի ձեզանից, ձեր ձեռքն է տրված, կհրաժարվե՞ք արդյոք նրանից:

## Գ Լ ՈՒՆ VIII

Մեր կյանքում տեղի ունեցող արտաքին ու ներքին փոփոխութիւնների նշանակութիւնը միշտ չէ, որ միանգամից մեզ պարզ է լինում: Մենք ցնցված ենք, վախեցած, իսկ հետո կարծես վերադառնում ենք նախկին վիճակին, բայց փոփոխութիւնն արդեն տեղի է ունեցել: Երբեք և ոչ մի տեղ մենք արդեն նախկինը չենք լինի: Ջեննիին սենատորի մոտ էր բերել եղբորը փրկելու ցանկութիւնը, և հիմա խորհելով այն երեկոյի հանդիպման անսպասելի վերջավորութեան մա-

սին, նա չէր կարողանում հասկանալ իր զգացմունքները: Նա շատ աղոտ էր պատկերացնում, թե հասարակական ու ֆիզիոլոգիական իմաստով ինչպիսի փոփոխություններ կարող են բերել իր նոր փոխհարաբերությունները Բրենդերի հետ: Նա դեռ չէր գիտակցում, թե նույնիսկ ամենաբարենպաստ պայմաններում սովորական կնոջ համար ինչպիսի ցնցում է մայրությունը: Նա զարմանք էր զգում, հետաքրքրություն, անվստահություն, և միևնույն ժամանակ անկեղծորեն երջանիկ էր ու հանգիստ: Բրենդերը լավ մարդ է: Այժմ նա իր համար դարձել է շատ ավելի մոտիկ, քան որևէ մեկ ուրիշը: Նա սիրում է Ջեննիին: Նրանց նոր հարաբերություններն անխուսափելիորեն կփոխեն և աղջկա դիրքը հասարակության մեջ: Նրա կյանքը բոլորովին ուրիշ կդառնա, արդեն ուրիշ է դարձել: Բրենդերը նորից ու նորից հավատացնում էր նրան, որ ինքը հավերժ է սիրելու:

— Ասում եմ քեզ, Ջեննի, ամենեին մի՛ ահաճանգստացիր, — կրկնում էր նա, երբ աղջիկը պիտի գնար: — Կիրքը ինձնից ավելի ուժեղ դուրս եկալ, բայց ես կամուսնանամ քեզ հետ: Ես գլուխս կորցրի, բայց ես մեղքս կքաղեմ: Գնա տուն և ոչ ոքի ոչինչ չասես: Նախազգուշացրու եղբորդ, եթե դեռ ուշ չէ: Ամեն ինչ գաղտնի պահիր, և ես կամուսնանամ քեզ հետ ու այստեղից կտանեմ: Հենց հիմա այդ բանն անել չեմ կարող: Ձեմ ուզում այստեղ անել այդ: Կգնամ Վաշինգտոն և քեզ կկանչեմ: Եվ ահա, վերցրու այս (նա քսակից հանեց հարյուր դոլլար, ամբողջը, որ կար իր մոտ): Վաղը էլի կուղարկեմ քեզ: Այժմ դու իմ հարսնացուն ես, հիշիր այս: Դու իմն ես:

Նա քնքշանքով գրկեց աղջկան:

Ջեննին դուրս եկավ գիշերալին խավարի մեջ: Անկասկած նա իր խոսքի տերը կլինի: Մտովի աղջիկն արդեն նոր, հիասքանչ կյանք էր ապրում: Իհարկե, նա կամուսնանա իր հետ: Մտածեցեք մի. ինքը կգնա Վաշինգտոն, այդ հեռավոր, անծանոթ քաղաքը: Իսկ հայրն ու մայրը. նրանք այլևս այդքան աշխատելու կարիք չեն ունենա: Իսկ Բասսը, իսկ

Մարթան... նա շողում էր ուրախությունից, մտածելով, թե ինչքան շատ բան կարող է անել նրանց համար:

Մի փողոց անցնելուց հետո նա քայլերը դանդաղեցրեց, և Բրենդերը հասավ նրա ետևից: Նա Ջեննիին ուղեկցեց մինչև նրանց բակի դռնակը և կանգ առավ, իսկ աղջիկն զգուշությամբ շուրջը նայելով թեթև վեր վազեց սանդուղքով և դուռը քաշեց: Դուռը փակ չէր: Ջեննին մի րոպե դանդաղեց, որպեսզի սիրեցյալ մարդուն ցույց տա, որ ամեն ինչ կարգին է, և ներս մտավ: Տանը լռություն էր տիրում: Նա անցավ իր սենյակը և լսեց քնած Վերոնիկայի շնչառությունը: Ապա անաղմուկ գնաց այն սենյակը, որտեղ քնում էին Բասսն ու Ջորջը: Բասսը մեկնված էր մահճակալին և թվում էր, թե քնած է: Բայց երբ աղջիկը ներս մտավ, նա շնչաց.

— Դո՛ւ ես, Ջեննի:

— Ես եմ:

— Որտե՞ղ էիր:

— Լսիր,— շնչաց աղջիկը,— դու հայրիկին ու մայրիկին տեսե՞լ ես:

— Այո:

— Նրանք գիտե՞ն, որ ես տանից դուրս եմ գնացել:

— Մայրիկը գիտե: Նա ինձ թույլ չտվեց քո մասին հարցնել: Որտե՞ղ ես եղել դու:

— Գնացել էի սենատոր Բրենդերի մոտ քեզ համար խնդրելու:

— Ա՛, այ թե ի՞նչ: Ինձ, ախր, չասացին, թե ինչու են բաց թողնում:

— Ոչ ոքի ոչինչ չասես,— աղաչեց Ջեննին:— Ես չեմ ուզում, որ որևէ մեկն իմանա: Դու հո գիտես, թե հայրիկն ինչպես է վերաբերվում նրան:

— Լավ,— ասաց Բասսը:

Բայց նրա համար հետաքրքիր էր, թե ինչ էր մտածում նախկին սենատորը, ինչ է արել նա, և Ջեննին ինչպես է խոսել նրա հետ: Ջեննին համառոտակի ամեն ինչ պատմեց, և այդ ժամանակ դռան ետևը լավեցին մոր քայլերը:

— Ջեննի,— շուրջով կանչեց միսիս Գերհարդը:

Ջեննին գնաց նրա մոտ:

— Ա՛խ, ինչո՞ւ գնացիր դու:

— Ուրիշ կերպ չէի կարող, մայրիկ: Դե հո հարկավո՞ր էր մի բան անել:

— Իսկ ինչո՞ւ այդքան երկար մտացիր այնտեղ:

— Նա ուզում էր ինձ հետ խոսել,— փուսափողաբար պատասխանեց Ջեննին:

Մայրը նայում էր նրան տազնապահար, տանջալից աչքերով:

— Ա՛խ, ես այնպես էի վախենում, այնպես էի վախենում: Հայրդ ուզում էր քո սենյակը գնալ, բայց ես ասացի, թե դու արդեն քնած ես: Նա մոտքի դուռը փակեց, բայց ես նորից բաց արի: Երբ Բասսը եկավ, նա էլ էր ուզում քեզ տեսնել, բայց ես համոզեցի սպասել մինչև առավոտ:

Եվ մայրը նորից թախիծով նայեց աղջկան:

— Ամեն ինչ լավ է, մայրիկ,— սիրտ տալով ասաց Ջեննին:— Վաղը ես քեզ ամեն ինչ կպատմեմ: Իսկ հիմա գնա քնիր: Հայրիկն ի՛նչ է կարծում, Բասսին ինչո՞ւ են բաց թողել:

— Նա չգիտե: Կարծում է պարզապես բաց են թողել, որովհետև, միևնույն է, Բասսը տուգանքը տալ չէր կարող:

Ջեննին գորովանքով գրկեց մոր ուսերը:

— Դնա քնիր,— ասաց նա:

Նա արդեն մտածում ու վարվում էր այնպես, ասես մի քանի տարով մեծացել էր: Նա զգում էր, որ պետք է հոգա և՛ իր մասին, և՛ մոր մասին:

Հետևյալ օրերին Ջեննին ասես երազի մեջ լիներ: Նա նորից ու նորից մտքում վերհիշում էր այն երեկոյի արտասովոր դեպքերը: Այնքան էլ դժվար բան չէր մորը պատմել, որ սենատորը նորից ամուսնության մասին է խոսում, որ նա ուզում է ամուսնանալ իր հետ, երբ Վաշինգտոնից կվերադառնա, որ նա իրեն հարյուր դոլլար է տվել և խոստացել է էլի ուղարկել, բայց բոլորովին ուրիշ բան էր այն միակ կարևորը, որի մասին նա չէր կարող փոստել: Դա խիստ սրբազան բան էր: Խոստացած փողը՝ չորս հարյուր դոլլար նա



հենց մյուս օրն ուղարկեց հատուկ մարդու միջոցով, փնոր-  
հորդ տալով զենեւ այն բանկում, ընթացիկ հաշվով: Նախկին  
սենատորը հաղորդում էր, որ ինքն արդեն վաշինգտոնի  
ճանապարհին է, բայց կվերադառնա կամ նրան կկանչի իր  
մոտ: «Սիրտդ պինդ պահիր,— գրում էր նա:— Քեզ լավա-  
գույն օրեր են սպասում»:

Բրենդերը գնաց, և Զեննիի բախտը, իրոք որ, մազից էր  
կախված: Բայց նա զեռ պահում էր իր միամտությունն ու  
պատանեկան պարզամտությունը: Արտաքուստ նա բոլորովին  
առաջվանն էր, միայն մի տեսակ մեղմ մտահոգություն էր  
իջել վրան: Իհարկե, Բրենդերն իր մոտ կկանչի իրեն: Նա ար-  
դեն պատկերացնում էր հեռավոր վայրերը, զարմանալի,  
հիասքանչ կյանքը: Նա բանկում մի քիչ փող ունի, առաջ  
այդպիսի հարստության մասին երազել անգամ չէր կարող,  
հիմա կարող է մոռն օգնել: Ինչպես միշտ հատուկ է ջահել  
աղջիկներին, նա սպասում էր միմիայն լավ բան, այլ կերպ  
գուցե և նրան կհամակերին տագնապալից զգացմունքները:  
Նրա ամբողջ էությունը, նրա կյանքը, ապագան, ամեն ինչ  
մազից էր կախված: Դա կարող էր և՛ լավ վերջանալ, և՛  
վատ, բայց այդպիսի անփորձ արարածի համար դժբախտու-  
թյունն ակնհերե է դառնում միայն այն ժամանակ, երբ արդեն  
կատարվում է:

Թե ինչպես կարելի է այդպիսի անորոշ վիճակում հո-  
գեկան հանգստություն պահպանել, դա այն հրաշքներից մեկն  
է, որի լուծումը ամեն մի պատանի էակի բնածին դյուրահա-  
վատության մեջ է գտնվում: Շատ չի պատահում, որ հասուն  
մարդը պահպանի իր պատանեկան պատկերացումները: Եվ  
հրաշքն այն չէ, որ մեկը պահպանել է այդ պատկերացում-  
ները, այլ այն է, որ բոլորը կորցնում են այն: Շրջիւր ամբողջ  
աշխարհը, ի՞նչ կմնա այնտեղ, երբ անցյալի գիրկն ընկնեն  
պատանու քնքշությունն ու միամտությունը, որն ամեն ինչին  
նայում է զարմանքից չուած աչքերով: Մի քանի կանաչ ոստ,  
որ երբեմն երևան են գալիս մեր առօրյա շահերի անապատի  
մեջ, արևաշող ամառվա մի քանի տեսիլք, որ երևում են մեր  
պաղած հոգու հայացքի առաջ, զվարճության կարճատև ըն-

սկեներ՝ անդադրում ծանր աշխատանքի մեջ — այս ամենը խոնջացած ուղևորի առաջ բացում է տիեզերքը, որը միշտ բաց է երիտասարդ հոգու առաջ: Ոչ վախ, ոչ շահամոլություն: Լայնարձակ դաշտեր և լուսաճաճանշ բլուրներ, առավոտ, կեսօր, երեկո, աստղեր, թռչունների ճովողյուն, ջրի կարկաչ — այս ամենը որպես պարզ և տրվում երեխայի հոգուն: Ոմանք այդ կոչում են պոեզիա, ուրիշները՝ քարասիրտները, դատարկ հերյուրանք: Պատանեկության օրերին այս ամենը նրանց էլ հասկանալի է եղել, բայց պատանեկան զգայնությունը չքացել է, և նրանք այլևս ընդունակ չեն տեսնելու:

Ջեննիի նոր ապրումներն արտահայտվեցին միայն մտախոհ թախիծով, որ երևում էր ամեն բանում, ինչ էլ նա աներ: Երբեմն նա զարմանում էր, որ Բրենդերից դեռ նամակ չկա, բայց և իսկույն հիշում էր, որ նա խոսում էր մի քանի շաբաթվա մասին, ուստի և նրանց անջատումից հետո անցած մեկուկես ամիսը այնքան էլ երկար ժամանակ չէր թվում:

Մինչ այդ հարգարժան նախկին սենատորը ուրախ-ուրախ տեսակցության գնաց պրեզիդենտի մոտ, հետո սուզվեց բարձրաշխարհիկ հաճելի կյանքի մեջ և հենց ուզում էր այցելել Մերիլենդի իր բարեկամներին, բայց թեթև մրսածությունը նրան ստիպեց մի քանի օր սենյակում փակված մնալ: Նա սրտնեղում էր, որ հենց հիմա ստիպված է անկողնում պառկել, բայց ամենևին չէր կարծում, թե իր հիվանդությունը մի լուրջ բան է: Հետո բժիշկը պարզեց, որ նա ծանր տեսակի որովայնի տիֆ ունի, միառժամանակ նա գիտակցությունը կորցրել էր և երբ ուշքի եկավ, շատ էր թուլացել: Թվում էր, թե նա առողջանում է, բայց Ջեննիից բաժանվելուց ուղիղ մեկուկես ամիս հետո տեղի ունեցավ սրտի անսպասելի կաթված, և ամեն ինչ վերջացավ: Ջեննին երջանիկ անտեղյակության մեջ էր, չէր էլ կասկածում, թե նա հիվանդ է և նույնիսկ շտեսավ նրա մահվան մասին խոշոր տառերով տպված հաղորդումը, մինչև որ երեկոյան Բասսը Լրագիրը տուն բերեց:

— Մի տես, Ջեննի,— բարձրաձայն ասաց նա,— Բրենս-  
գերը մեռել է:

Նա քրոջը մեկնեց լրագիրը, որի առաջին էջին տըպ-  
ված էր.

#### ՆԱԽԿԻՆ ՍԵՆԱՏՈՐ ԲՐԵՆԴԵՐԻ ՄԱՀԸ

Օհայո նահանգի պանծալի գավակի անակնկալ մահիւ-  
ր փախնանկէց սրտի կաթվածից, Վաշինգտոնում, «Առ-  
լինգտոն» հյուրանոցում:

Վերջերս նա հիվանդացել էր տիֆով և բժիշկների կար-  
ծիքով արդեն առողջանալու նանապարհին էր, բայց հիվան-  
դությունը նակատագրական եղավ: Նրա արտասովոր կարիե-  
րայի կարևորագույն փուլերը...

Ջեննին անսահմանորեն ցնցված, նայում էր լրագրի  
տողերին:

— Մեռե՞լ է,— գոչեց նա:

— Հա՛, հա՛, տեսնո՞ւմ ես, տպված է,— ասաց Բասսը  
խիստ կարևոր նորություն բերող մարդու տոնով:— Մեռել է  
այսօր, առավոտյան ժամը տասին:

#### Գ Լ ՈՒՆ IX

Ջեննին իր դողը հազիվ թաքցնելով լրագիրը վերցրեց ու  
անցավ հարևան սենյակը: Նա կանգնեց լուսամուտի առաջ և  
նորից այդ տողերին նայեց՝ ամբողջովին քար կտրելով անա-  
սելի սոսկումից:

«Նա մեռել է»,— ահա այն ամենը, որ այժմ նա կարող  
էր հասկանալ, իսկ հարևան սենյակից լսվում էր Բասսի  
ձայնը, որը հորը հայտնում էր պատահածը: «Այո, մեռել  
է»,— լսեց նա և նորից փորձեց պատկերացնել, թե ինչ է  
նշանակում այդ իր համար: Բայց գիտակցությունը հրաժար-  
վում էր ծառայել նրան:

Մի րոպե անց նրան մոտեցավ միսիս Գերհարդթ, նա

լսել էր Բասսի ասածը և տեսել էր, թե ինչպես Ջեննին դուրս գնաց սենյակից, բայց հիշելով իր ընդհարումներն ամուսնու հետ սենյատորի պատճառով, վախենում էր իր զգացմունքները ցույց տալ: Նրա մեջ ամենաշնչին կասկած անգամ չկար, թե ինչ է տեղի ունեցել իր աղջկա ու սենյատորի միջև, և այժմ պարզապես ուզում էր Ջեննին մխիթարել նրա հույսերի կործանման ժամին:

— Ի՞նչ տխուր բան է, չէ՞,— ասաց նա անկեղծ վրշտով:— Հենց հիմա՞ պիտի մեռնեք, երբ ուզում էր այնքան լավություն անել քեզ և մեզ բոլորիս:

Նա լռեց և պատասխանի էր սպասում, բայց Ջեննին ասես համրացել էր:

— Մի՛ վշտանա,— շարունակեց միսիս Գերհարդը,— հիմա արդեն ոչ մի բան չի օգնի: Նա շատ բան էր ուզում անել, բայց հիմա էլ պետք չէ մտածել դրա մասին: Ամեն ինչ վերջացավ, և ոչինչ փոխել չի կարելի, դու հո ինքդ հասկանում ես:

Նա նորից լռեց, իսկ Ջեննին էլի նույն համրն էր, անշարժ կանգնած: Տեսնելով, որ հորդորներն անօգուտ են, միսիս Գերհարդը մտածեց, թե Ջեննին ուզում է մենակ մնալ և դուրս գնաց սենյակից:

Իսկ Ջեննին դեռ էլի կանգնած էր լուսամուտի առաջ, և հիմա, երբ այդ նորության իսկական նշանակությունը սկսեց հասնել նրա գիտակցությանը, նա սկսեց հասկանալ, թե որքան անելանելի և անուղղելի է իր դրությունը: Նա մտավ նընջարան, նստեց մահճակալի եզրին և փոքրիկ հայելու մեջ իր դիմաց, տեսավ գունատ ու վշտից աղճատված մի դեմք: Ջեննին շփոթված նայում էր՝ մի՞թե այդ ինքն է: «Ստիպված եմ հեռանալ»,— մտածեց նա և հուսակտուր արիությամբ սկսեց մտովի օթևան որոնել իր համար:

Մինչ այդ հասավ ընթրիքի ժամը, և կարգը պահպանելու համար նա էլ միացավ մյուսներին: Նրա համար դժվար էր իրեն պահել ամեն օրվա պես: Գերհարդը նկատեց, որ նա ընկճված է, բայց չէր կարող հասկանալ դրա տակ թաքնված հուսահատության ամբողջ խորությունը: Իսկ Բասսն այնքան

շատ էր զբաղված իր գործերով, որ ոչ մեկի վրա ուշադրութիւն չէր դարձնում:

Հետագա օրերին Ջեննին խորհում էր իր դժվարին դրութեան մասին և ինքն իրեն հարց էր տալիս, թե ի՞նչ անի: Ճիշտ է, փող նա ունէր, բայց շուններ ո՛չ բարեկամներ, ո՛չ փորձ, ո՛չ օթեան: Նա միշտ ապրել էր ծնողների հետ: Երբեմն անհասկանալի ընկճվածութիւն էր զգում, թվում էր, թե ինչ-որ անձև— անորոշ վախ հետապնդում է իրեն: Մի առավոտ նա լալու անհաղթահարելի ցանկութիւն ունեցավ, և հետո այդ զգացմունքը հաճախ համակում էր նրան ամենանահարմար ըրանքներին: Միսիս Գերհարդն սկսեց նկատել այդ և մի օր որոշեց հարցուփորձ անել աղջկան:

— Ասա, ի՞նչ է պատահել քեզ,— սիրագորով հարցրեց նա:— Դու պետք է ամեն ինչ պատմես քո մորը, Ջեննի:

Ջեննին, որին թվում էր, թե միանգամայն անկարելի է ճշմարտութիւնն ասել, վերջապես շղիմացավ և մոր քնքուշ հորդորներին զիջելով, արեց ճակատագրական խոստովանութիւնը: Միսիս Գերհարդը վշտից քար կտրեց և երկար ժամանակ ոչ մի խոսք ասել չէր կարողանում:

— Ա՛խ, այդ ամենը ի՛մ մեղքն է,— ասաց նա վերջապես զղջումի զգացմունքով:— Ես պետք է հասկանայի: Բայց մենք կանենք ամեն բան, ինչ կարող ենք:

Այստեղ նա շղիմացավ ու սկսեց հեկեկալ:

Քիչ անց նա նորից սկսեց իր ընդհատած լվացքը և տաշտակի վրա կռացած՝ շարունակեց լալ: Արցունքները գլորվում էին նրա այտերի վրայով և թափվում օճառի փրփուրի մեջ: Երբեմն նա գոգնոցով սրբում էր աչքերը, բայց արցունքները նորից ու նորից էին հոսում:

Առաջին սոսկալի ըրանքներից հետո հասավ անհաղթահարելի դժբախտութեան ծակող գիտակցութիւնը: Ի՞նչ կանի Գերհարդը, եթե ճշմարտութիւնն իմանա: Նա շատ անգամ է ասել, որ եթե իր աղջիկներից որևէ մեկը երբևիցե այնպես վարվի, ինչպես ուրիշները, ինքը նրան փողոց կըշռարտի: «էլ նրա ոտքը չի լինի իմ տանը»,— գոռում էր նա:

— Ես այնպես եմ վախենում հորիցդ,— այդպիսի ըն-

պեններին հաճախ միսիս Գերհարդն ասում էր աղջկան:—  
Ի՞նչ կասի նա...

— Գուցե ավելի լավ է ես գնամ,— ասում էր Ջեննին:

— Ոչ,— պատասխանում էր մայրը,— առայժմ նրան  
ոչինչ չպիտի ասել: Մի քիչ սպասիր:

Բայց հոգու խորքում նա հասկանում էր, որ ճակատա-  
գրական օրը, միևնույն է, շուտով կհասնի:

Մի անգամ, երբ տագնապալի անհայտությունը անտա-  
նելի դարձավ, նա Ջեննինն ու մյուսներին տանից տեղ ու-  
ղարկեց, հուսալով, թե մինչև նրանց վերադարձը կկարողա-  
նա ամեն ինչ ասել ամուսնուն: Առավոտից նա դեսուդեն էր  
ընկնում, երկյուղով սպասելով հարմար բոպի, իսկ ճաշից  
հետո ամուսնուն թողեց, որ պառկի, այդպես էլ ոչինչ չասե-  
լով նրան: Յերեկը՝ նա գործի չգնաց, որովհետև առանց ի՞նչ  
տանջալից պարտքը կատարելու գնալ չէր կարող: Ժամը չոր-  
սին Գերհարդն արթնացավ, իսկ կինը դեռ տատանվում էր,  
թեպետև լավ գիտեր, որ Ջեննին շուտով կվերադառնա, և  
խնամքով նախապատրաստված հնարավորությունը ձեռքից  
բաց կթողնվի: Երևի այդպես էլ նա քաջություն չէր ունենա  
սրկէ բան ասել, եթե Գերհարդն ինքը չխոսեր Ջեննինի մասին:

— Ջեննին ինչ-որ ուշքիս լավ չի երևում,— ասաց նա:—  
Կարծես հիվանդ լինի:

— Ա՛խ,— սկսեց միսիս Գերհարդը, ջանալով վախը  
հաղթահարել և գործը մինչև վերջ հասցնել,— Ջեննինն դժ-  
բախտություն է պատահել: Չգիտեմ, թե ինչ անեմ: Նա...

Գերհարդը, որ այդ բոպին դռան փականքն էր քանդում  
նորոգելու համար, գլուխը բարձրացրեց և կասկածանքով  
նայեց կնոջը:

— Ի՞նչ ես ուզում ասել,— հարցրեց նա:

Միսիս Գերհարդն սկսեց հուզմունքով իր գոգնոցը հմր-  
թել: Նա ջանում էր իր ամբողջ քաջությունը ժողովել ու  
ամեն ինչ ասել, բայց ոչ մի վստաք արտասանել չկարողացավ,  
գոգնոցով երեսը ծածկեց ու սկսեց լալ:

Գերհարդը նայեց նրան ու վեր կացավ: Նա մի քիչ նման  
էր Կալվինին՝ նիհար, հիվանդագին դեղնած դեմք, որ ասես

խամբել էր հասակից և բաց երկնքի տակ, անձրևի ու քամու առաջ երկար աշխատելուց։ Զարմանքի կամ զայրույթի ռոպենքերին նրա աչքերը բռնկում էին։ Հուզմունքի մեջ նա շուտ-շուտ մազերը հտ էր տալիս ճակատից և սկսում սենյակում հտ ու առաջ քայլել։ Այժմ նա թվում էր տագնապահար և պատրաստ բռնկվելու։

— Ինչի՞ մասին ես խոսում,— կտրուկ հարցրեց նա գերմաներեն։— Դժբախտություն... մի՞թե որևէ մեկը...— նա խոսքը չվերջացրեց և սպառնազին ձեռքը բարձրացրեց։— Ինչո՞ւ ես լռեի։

— Ես երբեք չէի կարծում, թե նրան այդպիսի բան կպատահի,— վախենալով խոսեց միսիս Գերհարդը, ջանալով սոյնուամենայնիվ արտահայտել իր միտքը։— Նա միշտ էլ լավ աղջիկ է եղել։ Ա՛խ,— վերջացրեց նա իր խոսքը,— մարդու հավատը չի գալիս, որ նա կործանել է Ջեննիին։»

— Նզո՛վք,— կատաղորեն գոռաց Գերհարդը։— Ես այդպես էլ գիտեի։ Բրենդե՛րը։ Օ՛, ձեր այդ ազնիվ ջենտլմենը։ Ահա թե ուր հասցրեց, որ դու թույլ էիր տալիս նրան երեկոները վազվզել, կառքով այստեղ-այնտեղ գնալ, փողոցներում զբոսնել։ Ես այդպես էլ գիտեի։ Արգարադա՛տ աստված։

Այս ողբալի մենախոսությունից հետո նա սկսեց նեղլիկ սենյակում անկյունից-անկյուն նետվել, ինչպես վանդակի մեջ ընկած գազան։

— Խորտակե՛ց,— գոչում էր նա։— Խորտակե՛ց։ Հա՛, ինչպե՛ս խորտակեց նրան, ա՛յ թե ինչպես։

Հանկարծ նա կանգ առավ ինչպես մի տիկնիկ, որի թելից ձիգ են տվել։ Նա կանգնել էր միսիս Գերհարդի առաջ, որը հտ-հտ էր քաշվել դեպի պատի մոտ գրված սեղանը և սպասում էր վախից սփրթնած։

— Բայց նա մեռե՛լ է,— գոչեց նա, ասես առաջին անգամ այդ նրա միտքը եկավ։— Մեռե՛լ է։

Նա կնոջն էր նայում քունքերն ափերի մեջ սեղմած, ասես վախենում էր, թե գլուխը չի դիմանա,— պատահածի չար հեգնանքը այրում էր նրան կրակի պես։

— Մեռե՛լ է,— կրկնեց նա, և միսիս Գերհարդն ասես  
երկյուղ կրելով, թե նա գժվում է, ավելի ևս ետ քաշվեց: Ա-  
մուսնու աղճատված դեմքն այժմ նրան ավելի էր սարսափեց-  
նում, քան նրա կատաղության պատճառը:

— Նա ուզում էր Զեննիի հետ ամուսնանալ,— աղե-  
կըտուր ասաց կինը:— Եթե շմեռներ, կամուսնանար նրա  
հետ:

— Կամուսնանա՛ր,— գոռաց Գերհարդը կնոջ ձայնի  
վրա դուրս գալով քարացած վիճակից:— Կամուսնանա՛ր:  
Սրիկա՛, շո՛ւն: Նրա հոգին հավիտենապես դժոխքի բաժին  
լինի: Տե՛ր աստված, տե՛ր աստված, դու, դու... Ա՛խ, եթե ես  
քրիստոնյա չլինեի...

Նա կատաղությունից դողալով բռնեցքները սեղմեց:

Միսիս Գերհարդը հեկեկում էր: Ամուսինը շուռ եկավ.  
նա այնքան շատ էր ցնցված, որ չէր էլ կարող կարեկցել կնո-  
ջը: Նա նորից սկսեց խոհանոցում ետ ու առաջ քայլել: Հա-  
տակը դողում էր նրա ծանր քայլերի տակ: Քիչ անց Գերհար-  
դը նորից մոտեցավ կնոջը: Այժմ սոսկալի ճշմարտությունը  
նոր լույսով էր երևում նրան:

— Ե՛րբ է կատարվել այդ,— հարցրեց նա:

— Զգիտեմ,— պատասխանեց միսիս Գերհարդը, որն  
այնքան շատ էր վախեցել, որ ճշմարտությունն ասել չէր կա-  
րող:— Ես ինքս էլ այս մի քանի օրն եմ իմացել:

— Ստո՛ւմ ես,— գոռաց ամուսինը:— Դու միշտ պաշտ-  
պանել ես նրան: Դո՛ւ ես մեղավոր, որ նա այդտեղ է հասել:  
Եթե դու ինձ չխանգարեիր և ամեն ինչ իմ ասածի պես ար-  
վեիր, հիմա մենք այսպես տանջվելու բան չէինք ունենա:

«Ո՛ւր հասանք,— շարունակեց նա ինքն իրեն:— Ո՛ւր  
հասանք: Տղաս բանտ է ընկնում, աղջիկս թրև է գալիս փո-  
ղոցներում և բամբասանքների առիթ տալիս, հարևանները  
երեսիս ասում են, որ իմ երեխաներն իրենց այնպես չեն պա-  
հում, ինչպես պետք է, իսկ հիմա էլ այդ սրիկան է փորտա-  
կել նրան: Տե՛ր աստված, այս ի՞նչ է գալիս իմ երեխաների  
գլխին»:

— Եվ ո՞ր մեղքիս համար է այս պատիժը,— մրմնջում



էր նա ինքն իրեն խղճալով:— Մի՞թե ես չեմ աշխատում լավ քրիստոնյա լինել: Ամեն երեկո աղոթում եմ, որ աստված ինձ ճշմարիտ ճանապարհը ցույց տա, բայց իզուր: Աշխատում եմ, աշխատում... Ահա իմ ձեռքերը, ամբողջովին կոշտովներ են: Ամբողջ կյանքումս աշխատել եմ ազնիվ մարդ լինել: Եվ ահա... և ահա...

Նրա ձայնը խզվեց, թվում էր, թե հիմա լաց կլինի: Եվ հանկարծ զայրույթի պոռթկումով հարձակվեց կնոջ վրա.

— Դո՛ւ ես մեղավորը, դո՛ւ,— գոռում էր նա:— Միմիայն դո՛ւ: Եթե դու այնպես անեիր, ինչպես ես էի ասում, ուշինչ չէր պատահի: Բայց չէ՛, դու ինձ չէիր լսում: Դե հիմա թող կորչի՛, չքվի՛ իմ տնից: Պոռնի՛կ է նա, ա՛յ թե ինչ: Հիմա նա միայն մի ճանապարհ ունի՝ դեպի դժոխք: Եվ թող այնտեղ էլ գնա: Ես ձեռքերս լվանում եմ: Էլ գործ չունեմ:

Նա շուռ եկավ իր փոքրիկ ննջարանը գնալու, բայց դռանը հասնելով կանգ առավ:

— Թող կորչի՛ այստեղից,— կատաղությամբ կրկնեց նա:— Նա իմ տանը տեղ չունի՛: Հենց այսօր: Հենց հիմա: Այլևս իմ շեմքը կոխել չեմ թողնի: Ես նրան ցույց կտամ, թե ինչ է նշանակում ինձ խայտառակել:

— Այսօր մի՛ վռնդի նրան,— աղաչեց միսիս Գերհարդը:— Նա գնալու տեղ չունի:

— Ո՛չ, հենց այսօր,— գոռաց հայրը, և նրա դաժան դեմքին արտացոլվեց անսասան վճռականութուն:— Հենց ա՛յս րոպեին: Թող ուրիշ տուն գտնի իր համար: Մեր տունը նրան դուր չի եկել, դե թող կորչի այստեղից: Տեսնենք ինչպես է զգալու իրեն ուրիշների մոտ:

Եվ նա դուրս գնաց սենյակից:

Ժամը հինգն անց կեսին, երբ միսիս Գերհարդն արտասովաթոր աչքերով ընթրիք էր պատրաստում, եկավ Ջեննին: Դռան թխկոցը լսելով՝ մայրը ցնցվեց. նա գիտեր, որ հիմա փոթորիկ է ճայթելու: Հայրը Ջեննիին դիմավորեց շեմքում:

— Կորի՛ր աչքիցս,— գոռաց նա կատաղորեն:— Հո՛տդ էլ չլինի իմ տանը: Էլ աչքիս չերևա՛ս: Չքվի՛ր:

Ջեննին կանգնել էր նրա առաջ սփրթնած, լուռ ու մունջ

դողալով: Երեխաները, որ եկել էին հետը, զարմացած ու վախեցած շրջապատեցին նրան: Վերոնիկան ու Մարթան, որոնք քնքշորեն սիրում էին քրոջը, լաց եղան:

— Ի՞նչ է պատահել,— հարցրեց Զորջը բոլորովին շշմած:

— Թող կորչի՛ այստեղից,— կրկնեց Գերհարդը:— Ես չեմ ուզում դրան տեսնել իմ տանը: Ուզում է անառակ լինել՝ իր գործն է, բայց թող չքվի այստեղից: Հավաքի՛ր քո իրերը,— ավելացրեց նա աղջկան դառնալով:

Ջեննին ոչ մի խոսք չասաց, բայց երեխաներն ավելի ուժեղ լաց եղան:

— Լռե՛լ,— գոռաց Գերհարդը:— Գնացեք խոհանոց:

Նա երեխաներին դուրս տարավ սենյակից և ինքն էլ գրնաց նույնիսկ առանց ետ նայելու:

Ջեննին լուռ անցավ իր սենյակը: Նա հավաքեց իր աղքատիկ ունեցվածքը և արցունք թափելով սկսեց տեղավորվել մոր բերած զամբյուղում: Աղջկական մի քանի զարդերը նրա աչքին ընկան, բայց չվերցրեց, մտածեց փոքր քույրերի մասին և թողեց նրանց: Մարթան ու Վերոնիկան ուզում էին օգնել նրան իրերը դարսելու, բայց հայրը չթողեց:

Ժամը վեցին տուն եկավ Բասսը և ամբողջ ընտանիքը անհանգիստ վիճակում խոհանոցում գտնելով հարցրեց, թե ինչ է պատահել:

Գերհարդը մռայլ նայեց նրան և պատասխան չտվեց:

— Ի՞նչ է պատահել,— նորից հարցրեց Բասսը:— Ինչի՞ եք այստեղ նստել:

— Հայրդ Ջեննինին վռնդեց տանից,— արցունքն աչքերին շշնջաց միսիս Գերհարդը:

— Ինչի՞ համար,— հարցրեց Բասսը զարմանքից աչքերը շոկելով:

— Ես կասեմ քեզ, թե ինչի համար,— գերմաներեն վրա բերեց Գերհարդը:— Նրա համար, որ նա անառակ է, ա՛յ թե ինչի համար: Այն տեղն է հասել, որ իրեն կործանել է իրենից երեսուն տարով մեծ մի մարդ, որն իրեն հայր կսաղեւր:

Հիմա թող դուրս պրծնի ինչպես ուզում է: Եվ թող հենց հիմա դուրս կորչի այստեղից:

Բասսը շուրջը նայեց. երեխաները չուել էին աչքները: Բոլորը, նույնիսկ ամենափոքրիկները, զգում էին, որ ինչ-որ սովորի բան է պատահել: Բայց միայն Բասսը հասկացավ կատարվածը:

— Ինչո՞ւ ես դու նրան դուրս քշում այս կեսգիշերին,— ասաց նա:— Հիմա այնպիսի ժամանակ չէ, որ աղջիկը փողոցում լինի: Մի՞թե չի կարելի մինչև առավոտ սպասել:

— Ձէ՛,— ասաց Գերհարդը:

— Իզուր ես անում,— վրա բերեց մայրը:

— Թող հենց հիմա հեռանա,— ասաց Գերհարդը,— և այլևս դրա մասին ոչինչ չսեմ:

— Բայց ո՞ւր գնա,— պնդեց Բասսը:

— Չգիտեմ,— անօգնական ասաց միսիս Գերհարդը:

Բասսը մի անգամ էլ նայեց բոլորին, բայց ոչ մի խոսք չասաց: Քիչ անց մայրն օգտվեց այն ըոպեից, երբ Գերհարդը շուռ եկավ, և ձեռքով նրան նշան արեց դեպի դուռը:

«Գնա սենյակ»,— նշանակում էր այդ շարժումը:

Բասսը դուրս գնաց, իսկ հետո էլ միսիս Գերհարդը սիրտ արավ գործը թողնել ու հետևել որդուն: Երեխաներն էլ մի քիչ նստեցին խոհանոցում, հետո մեկը մյուսի հետևից նրանք էլ դուրս եկան, հորը մենակ թողնելով: Երբ Գերհարդի կարծիքով բավական ժամանակ էր անցել, նա էլ տեղից վեր կացավ:

Մինչ այդ մայրն շտապ-շտապ անհրաժեշտ խրատներ էր տալիս Զեննիին:

Զեննին պետք է տեղավորվեր որևէ համեստ կահավորված սենյակում և իր հասցեն մորը հայտնեք: Բասսը հիմա իր հետ դուրս չի գա, բայց նա թող մի քիչ հեռանա և փողոցում սպասի. նա կգա, կուղեկցի իրեն: Երբ հայրն աշխատանքի գնացած կլինի, մայրը կայցելի նրան, կամ թող Զեննին տուն գա: Մնացած ամեն ինչը կարելի է հետաձգել մինչև հաջորդ հանդիպումը:

Դեռ նրանք խոսքը չէին վերջացրել, երբ սենյակ մտավ Գերհարդը:

— Գնալո՞ւ է դա, թե ոչ, — կտրուկ հարցրեց նա:

— Հիմա՛, — պատասխանեց միսիս Գերհարդը, և նրա ձայնի մեջ առաջին ու միակ անգամ հնչեց մարտահրավեր:

— Ի՞նչ շտապելու բան կա, — ասաց Բասսը:

Բայց հայրն այնպես սպառնագին հոնքերը կիտեց, որ նա այլևս սիրտ չարավ առարկել:

Ներս մտավ Ջեննին՝ իր միակ կարգին շորը հագին, դամբուղը ձեռքին: Նրա աչքերը նայում էին ահակալած, որովհետև նա հասկանում էր, որ իրեն դաժան փորձություն է սպասում: Բայց նա հասուն կին էր դարձել: Նա ձեռք էր բերել սիրո ուժ, համբերության հենարան և ըմբռնել էր ղոհաբերության մեծ քաղցրությունը: Նա լուռ համբուրեց մորը, արցունքները հոսում էին նրա այտերի վրայով: Հետո շուռ եկավ և դուրս գնաց դեպի նոր կյանքը, և դուռը ծածկվեց նրա ետևից:

## Գ Լ Ո Ւ Խ X

Այն աշխարհում, ուր շարտվեց Ջեննին իր համար այդպիսի մի դժվարին պահի, առաքինի մարդը անհիշելի ժամանակներից ի վեր միշտ էլ իզուր է ջանացել պահպանել իր գոյության իրավունքը: Որովհետև առաքինությունը մարդկանց բարի ցանկանալու և բարիք գործելու ընդունակություն է: Առաքինի մարդը մեծահոգի մարդն է, որն ուրախությամբ լցատրաստ է ծառայելու ամենքին ու բոլորին, բայց հասարակությունն այնքան էլ չի գնահատում այդ հատկությունը: Եթե դուք ձեզ էժան գնահատեք, ձեզ բանի տեղ չեն դնի, ոտքի տակ կտան ձեզ: Եթե դուք ձեզ թանկ գնահատեք, թեկուզև ոչ ըստ արժանվույն, ձեզ կհարգեն: Հասարակությունն ընդհանրապես շատ վատ է ճանաչում մարդկանց: Նրա միակ չափանիշն է՝ «ի՞նչ կասեն ուրիշները»: Միակ չափանիշն է ինքնապաշտպանության զգացմունքը: Պահպանե՞լ է արդյոք

այսինչը իր կարողութիւնը: Պահպանե՞լ է արդոք այսինչ կինը իր անազարտութիւնը: Ինչպես երևում է, շատ քշերն են միայն ընդունակ երբեմն ինքնուրույն՝ դատողութիւն ունենալու:

Ջեննին չէր էլ փորձում բարձր գնահատել իրեն: Նա ինքնագոհութեան բնածին հակում ուներ: Ամենևին էլ հեշտ բան չէր նրան պատվաստել այնպիսի կենսական էգոիզմ, որն շփում է պաշտպանվել շարից:

Մարդ բարձրագոյն լարման ըուպեններին ամենից ավելի նկատելի է աճում: Նա ուժերի և ընդունակութիւնների հզոր հորձանք է զգում: Մենք դեռ դողում ենք, վախենում ենք ախալ քայլ անել, բայց մենք աճում ենք: Ոգևորութեան բռնակումներն են ղեկավարում մեզ: Բնութիւնը ոչ ոքի չի մերժում: Եթե միջավայրը կամ հասարակութիւնը մեզանից երես են դարձնում, մենք էլի բարեկամ ենք մնում այն ամենին, ինչ գոյութիւն ունի: Բնութիւնը մեծահոգի է: Քամին ու աստղերը քո բարեկամներն են: Միայն բարի եղիր ու զգայուն և դու կհասնես այդ մեծագոյն ճշմարտութեանը: Գուցե և այն քեզ չի հասնի ձևակերպված ֆորմուլաներով, բայց կհասնի հրճվանքի ու անդորրի զգացողութեամբ, որը և, վերջին հաշվով, կազմում է իմացութեան էութիւնը: Անդորրի մեջ ձեռք ես բերում իմաստութիւն:

Դեռ նոր էր Ջեննին հեռացել դռնից, երբ Բասսը հասավ նրա ետևից:

— Տուր ինձ զամբյուղը,— ասաց նա և տեսնելով, որ Ջեննին հուզմունքից ոչ մի խոսք ասել չի կարողանում, ավելացրեց.— ես կարծեմ գիտեմ, թե որտեղ կարելի է սենյակ գտնել քեզ համար:

Նա քրոջը տարավ քաղաքի հարավային մասը, որտեղ ոչ ոք նրանց չէր ճանաչում: Գնացին մի պառավի մոտ, որը վերջերս մաս-մաս վճարելու պայմանով մի պատի ժամացույց էր գնել այն խանութում, որտեղ այժմ աշխատում էր Բասսը: Վերջինս գիտեր, որ պառավը փողի կարիք ունի և ցանկանում է իր մի սենյակը վարձով տալ:

— Ձեր սենյակն ազա՞տ է,— հարցրեց նա պառավին:

— Այո,— պատասխանեց պառավը Զեննիին զննելով:

— Դուք եղբայր սենյակը իմ քրոջը կտաք: Մենք փոխադրվում ենք ուրիշ քաղաք, իսկ սա առայժմ մեկնել չի կարող:

Պառավը համաձայնեց, և շուտով Զեննիին ժամանակավոր օթևան ունեցավ:

— Դու տրամադրությունդ մի գցիր,— տեսց Բասսը անկեղծորեն վշտանալով քրոջ համար:— Ամեն ինչ կարգի կընկնի: Մայրիկն էլ ասում էր, որ չվշտանաս: Վաղը, երբ հայրիկն աշխատանքի կլինի, արի տուն:

Զեննիին խոստացավ գնալ: Բասսն էլի մի քանի խրախուսական փոսք տեսց, պառավի հետ պայմանավորվեց, որ Զեննիին սնունդն էլ նրա մոտ է ստանալու և հրաժեշտ տվեց:

— Դե, ահա, ամեն ինչ կարգին է,— ասաց նա արդեն շեմքում:— Ամեն ինչ լավ կլինի: Մի՛ տխրիր: Իմ գնալու ժամանակն է, իսկ առավոտյան մի քանի ըոպեով քեզ մոտ կանցնեմ:

Նա գնաց, և անհաճո մտքերն այնքան էլ չէին անհանգրստացնում նրան. չէ՞ նա գտնում էր, որ քույրն իսկապես մեղավոր է: Դա պարզ էր հենց նրանից, թե ինչպես էր ճանապարհին հարցուփորձ անում նրան, թեպետև տեսնում էր, որ նա տխուր է ու տրտում:

— Ախր ինչի՞ համար դու այդ բանն արիր,— հարցրելում էր նա:— Բա մի ըոպե չմտածեցի՞ր, թե ինչ ես անում:

— Խնդրում եմ, հիմա ինձ ոչինչ մի հարցնի,— տեսց Զեննիին և դրանով էլ վերջ դրեց եղբոր համառ հարցուփորձին:

Նա արդարանալու բան չունեւր և ոչ էլ գանգատվելու բան: Եթե կա մեկը, որ մեղավոր է, ապա դա հենց ինքն է: Այն փորձանքը, որի մեջ ընկել էր ինքը՝ Բասսը և իր հետ էլ փորձանքի մեջ քաշել ընտանիքին, ինչպես և Զեննիի անձնազոհությունը, մոռացվել էր արդեն:

Այդ նոր, օտար սենյակում մենակ մնալով՝ Զեննիին ազատություն տվեց իր վշտին: Իր ասլրած ցնցումը, ամոթը, որ իրեն դուրս են արել հայրենի տնից, նրա ուժերից ավելի

վեր եղան, և նա սկսեց հեկեկալ: Երիշտ է, ի բնե նա համբերատար էր և չէր սիրում գանգատվել, բայց բոլոր հուսերի անակնկալ խորտակումը ընկճել էր նրան: Ի՞նչ ուժ է դա, որ կարող է մրրիկի պես վրա հասնել մարդուն և կործանել նրան: Ինչո՞ւ է այդպես անակնկալ ներխուժում մահը և փշուր-փշուր անում այն ամենը, ինչ ամենապայծառն ու բերկրալիկ էր թվում կյանքում:

Մտածելով անցյալի մասին, նա վերհիշում էր Քրենդերի հետ իր երկարատև ծանոթության բոլոր մանրամասնությունները և, որքան էլ մեծ էր իր վիշտը, նրա նկատմամբ ոչինչ չէր զգում, բացի սիրուց ու քնքշանքից: Վերջ ի վերջո նա չէր ցանկանում գիտակցաբար վնաս պատճառել իրեն: Նա իրոք որ բարի էր ու մեծահոգի: Դա իսկական լավ մարդ էր, և մտածելով նախ և առաջ նրա մասին և ոչ թե իր, Ջեննին անկեղծորեն սգում էր նրա անժամանակ մահը:

Գիշերն անցավ այսպիսի անմխիթար մտքերով, իսկ առավոտյան աշխատանքի գնալիս Բասսը մի րոպեով ներս մտավ և ասաց, որ երեկոյան մայրիկն սպասում է Ջեննինին: Հայրիկը տանը չի լինի, և նրանք կարող են խոսել ամեն ինչի մասին: Ջեննին երկար ու ծանր օր անցկացրեց, բայց իրիկնադեմին նրա տրամադրությունը բարձրացավ, և ժամը յոթն անց քառորդին գնաց իրենց տուն:

Տանը նրան այնքան էլ ուրախ լուրեր չէին սպասում: Գերհարդն էլի անասելի զայրացած էր: Նա որոշել էր առաջիկա շաբաթ օրը աշխատանքից հրաժարվել և գնալ Ֆանգրսթաուն: Այժմ ուրիշ ամեն մի քաղաքում ավելի լավ կլինի, քան Կոլումբուսում. այստեղ նա այլևս երբեք չի կարող մարդկանց աչքերին նայել: Այժմ նրա համար Կոլումբուսի հետ կապված էին ամենաանտանելի հուշեր: Նա կգնա այստեղից, և թե աշխատանք գտնի, ընտանիքին էլ կկանչի, իսկ դա նշանակում էր բաժանվել իրենց տնակից: Միևնույն է, ինքը գրավագումարը վճարել չի կարող, դրա հույսը չպետք է ունենալ:

Մի շաբաթ անց Գերհարդը գնաց, Ջեննին վերադարձավ

տուն, և միառժամանակ նրանց կյանքը նախկին հունը մը-  
տավ, բայց, իհարկե, ոչ երկար ժամանակով:

Բասսը հասկանում էր այդ: Զեննիին պատահած փոր-  
ձանքը և Ֆրա հնարավոր հետևանքները խիստ անհանգրս-  
տացնում էին նրան: Կոլումբուսում մնալ հնարավոր չէ:  
Յանգսթատուն փոխադրվել չարժե: Եթե բոլորը միասին պիտի  
գնան, ապելի լավ է որևէ մեծ քաղաք գնալ:

Ստեղծված դրուժյան մասին խորհելով, Բասսը մտածեց,  
որ արժե բախտ որոնել Քլիվլենդում, որտեղ, ինչպես նա լսե-  
կր, արդյունաբերությունը զարգանում է բուռն թափով: Եթե  
ինքն այնտեղ հաջողություն ունենա, մյուսներն էլ կարող են  
փոխադրվել իր մոտ: Եվ եթե հայրն առաջվա պես աշխատի  
Յանգսթատունում, իսկ ամբողջ ընտանիքը փոխադրվի Քլիվ-  
լենդ, ապա Զեննին էլ փողոցում չի մնա:

Բասսն այս եզրակացությունը միանգամից չեկավ, բայց,  
վերջապես, իր մտադրությունը հայտնեց մորը:

— Ուզում եմ Քլիվլենդ գնալ, — մի երեկո ասաց նա մո-  
րը, երբ սա ընթրիք էր տալիս:

— Ինչի՞ համար, — հարցրեց մայրը, շփոթված նայելով  
որդուն: Նա վախենում էր, թե Բասսը կարող է իրեն լքել:

— Կարծում եմ, այնտեղ աշխատանք կգտնեմ, — պա-  
տասխանեց որդին: — Կարիք չկա, որ մենք մնանք այս նզով-  
յալ քաղաքում:

— Մի հայհոյիր, — կշտամբեց մայրը:

— Դե լավ, — ձեռքը թափ տվեց Բասսը: — Ո՛վ լինի, որ  
չհայհոյի: Այստեղ մեր բախտը չբանեց: Ես կգնամ և եթե  
աշխատանք գտնեմ, բոլորդ էլ կփոխադրվեք ինձ մոտ: Մեզ  
համար ավելի լավ կլինի այնպիսի մի քաղաքում, որտեղ  
մեզ ոչ ոք չի ճանաչում: Իսկ այստեղ մեզ ոչ մի լավ բան չի  
ապաստում:

Միսիս Գերհարդը լսում էր, և նրա սրտում հույս էր  
արթնանում, որ իրենք էլ, վերջապես, կսկսեն մի քիչ ավելի  
հեշտ ապրել: Եթե միայն Բասսն այնպես անի, ինչպես  
ասում է: Այ, եթե գնա ու աշխատանք գտնի և իրեն օգնի,  
ինչպես պետք է մորն օգնի առողջ ու խելացի որդին: Որքա՞ն



լավ կլինե՞ր: Հիմա իրենք ընկել են մի սրընթաց հոսանքի մեջ, որը դեպի անդունդ է քշում: Մի՞թե ոչ մի բան չի փրկելու իրենց...

— Իսկ դու կարծո՞ւմ ես, որ աշխատանք կգտնես,— աշխույժ հարցրեց մայրը:

— Պետք է, որ գտնեմ,— պատասխանեց Բասսը:— Դեռ չի եղել, որ ես իմ ուզած տեղն աշխատանք չստանամ: Տղաներից մի քանիսն արդեն գնացել են Քլիվլենդ և շատ լավ են տեղավորվել: Միլլերները, օրինակ:

Նա ձեռքերը գրպանները խրեց և լուսամուտից դուրս նայեց:

— Ի՞նչ ես կարծում, դուք այստեղ յուրա կգնա՞ք, մինչև ես այնտեղ տեղավորվեմ,— հարցրեց նա:

— Կարծում եմ՝ կարող ենք,— պատասխանեց մայրը:— Հայրդ հիմա աշխատում է, մենք էլ մի քիչ փող ունենք, որ... որ...

Նա սիրտ չարեց ասել այդ փողի ակունքը, ամաչելով այն դրությունից, որի մեջ ընկել էին:

— Լավ, հասկանալի է,— մոռյլ ասաց Բասսը:

— Մինչև աշուն մենք ոչինչ չունենք վճարելու, իսկ այն ժամանակ էլ, միևնույն է, ստիպված ենք լինելու ամեն ինչ թողնել,— ավելացրեց միսիս Գերհարդը:

Նա խոսում էր տան գրավագումարի մասին. հերթական վճարումը պիտի կատարեին սեպտեմբերին և, իհարկե, վճարել չէին կարողանալու:

— Եթե մեզ հաջողվի մինչև այդ փոխադրվել մի ուրիշ քաղաք, կարծում եմ մի կերպ կապրենք:

— Այդպես էլ կանեմ,— վճռական ասաց Բասսը:— Կգնամ:

Եվ ահա ամսի վերջին նա իր աշխատանքից հրաժարվեց և հենց մյուս օրը մեկնեց Քլիվլենդ:

Ջեննիի կյանքում հետագա իրադարձությունները պատկանում են նրանց շարքին, որոնց վրա մեր ժամանակակից բարոյականությունը խստագույն արգելք է դնում:

Իր գործը խավարի և լուսթյան մեջ կատարող մեծ ու իմաստուն ստեղծագործական ուժի՝ մայր բնության որոշ օրենքները նույն ուժով ստեղծված առանձին շնչին արարածներին շատ ստորացուցիչ են թվում: Մենք զղվանքով երես ենք դարձնում այն ամենից, ինչ կապված է կյանքի գոյացման հետ, որպես թե մարդուն անվայել է բացահայտորեն հետաքրքրվել դրանով:

Հետաքրքրական է, որ այդ զգացմունքը ծագել է մի աշխարհում, որի բուն էությունը հենց այն է, որ անընդհատ, նորից ու նորից նոր կյանք ծնունդ առնի, մի աշխարհում, որտեղ քամին, հողը, ջուրը, արևի լույսը՝ ամեն ինչ ծառայում է պտուղի ծնունդին, մարդու ծնունդին: Եվ թեպետ ոչ միայն մարդը, այլև ամբողջ երկիրը, տոհմը շարունակելու միևնույն բնազդն ունի, և աշխարհում ամեն ինչը ծնունդ է առնում միևնույն եղանակով, չգիտես ինչու գոյություն ունի դրա առաջ աչքերը փակելու և երես դարձնելու մի անհեթեթ ձրգտում, ասես դա մի ինչ-որ պիղծ բան լինի: «Սերված արատով և ծնունդ առած մեղքով» — ահա այն անբնական բացատրությունը, որ գռհհիկը տալիս է բնության օրենքին, և հասարակությունը լռելյայն համաձայնում է այդ հրեշալոր դատողությանը:

Անտարակույս այսպիսի մոտեցումն արմատաւ պես սխալ է: Մարդու ամենօրյա պատկերացումների մեջ պետք է հաստատուն տեղ գրավի այն, ինչ սովորեցնում է փիլիսոփայությունը, ինչին հանգում է կենսաբանությունը, բնության մեջ չկան ստոր պրոցեսներ, չկան անբնական վիճակներ: Տվյալ հասարակության հիմքերից ու սովորություններից պատահական շեղումները ամենևին էլ պարտադիր չէ մեղք համարել: Ոչ մի թշվառ արարածի, որը պատահականություն կամքով խախտել է մարդկանց սահմանած կտրվել,

չի կարելի մեղադրել այն անսահման ստորութեան մեջ, որ անխուսափելիորեն վերագրում է նրան աշխարհի կարծիքը:

Ջեննին այժմ ստիպված եղավ անձամբ համոզվելու, թե որքան սխալ է մեկնաբանում բնութեան այն հրաշքը, որը, եթե չլիներ Բրենդերի մահը, սրբազան պիտի համարվեր և մեծարվեր որպէս կյանքի բարձրագույն արասահայտութուն: Թեպետև նա չէր կարողանում հասկանալ, թե այդ այնքան բնական կենսական պրոցեսն ինչով է տարբերվում մշուս բոլորից, բայց շրջապատը նրան ստիպում էր զգալ, որ իր բաժինն անկումն է և իր վիճակը մեղք է ու մեղքի ծնունդ: Այս ամենը քիչ էր մնում սպանի այն սերը, ուշադրութունն ու հոգատարութունը, որ հետազայում մարդիկ կպահանջեն նրանից իր երեսայի նկատմամբ: Այդ հասունացող բնական ու անհրաժեշտ սերը քիչ էր մնում չարիք երևար նրան: Ջեննին կառաւինարան շտարան, բանտ շնետեցին, ինչպէս նրա նմաններին պատժում էին մի քանի դար սուռ, բայց շրջապատի մարդկանց ազիտութունն ու հետամնացութունը խանդարում էին նրա վիճակի մեջ տեսնել մի այլ բան, բացի հասարակութեան օրենքների ստոր ու շարամիտ խախտումից, իսկ դա պատժվում էր ընդհանուրի արհամարհանքով: Նրան մնում էր միայն խույս տալ խեթ հայացքներից և լուռումունջ ապրել իր մեջ տեղի ունեցող մեծագույն փոփոխութունը: Որքան էլ տարօրինակ է, նա ավելորդ խղճի խայթեր և անպատու ափսոսանքներ չէր զգում: Նրա հոգին հանգիստ էր, սիրտը մաքուր ու թեթև: Ճիշտ է, նրա վիշտը չէր մարել, բայց առաջվա սրութունը չուներ, մնացել էր միայն ազոտ անվստահութուն ու տարակուսանք, որոնցից երբեմն Ջեննին աչքերը լցվում էին արցունքով:

Դուք լսել եք անտառային տատրակի դունդունոցը ամառային օրվա անդորրութեան մեջ: Ձեզ պատահել է հանդիպել մի անծանոթ առվակի, որը քչքչում ու խոխոջում է թավուտի մեջ, որտեղ ոչ ոքի ակահնջը չի կարող լսել նրան: Անցած տարվա մեռյալ տերևների տակ, ձյունի ծածկույթի տակ բացվում են համեստ ձնածղիկները, ասես արձագանքելով գար-

նախնային կապուտակ երկնքին: Այդպես է ծնունդ առնում և նոր կյանքը:

Ջեննին միայնակ մնաց, բայց անտառային տատրակի պես նա իր ամբողջությամբ ամառային գորովալից երգ էր: Նա հոգում էր անտեսական գործերը և հանգիստ, անտրտունջ սպասում այն բանի ավարտին, ինչ տեղի էր ունենում իր մեջ և ինչի համար ինքը վերջ ի վերջո ծառայում էր որպես մի սրբազան անոթ: Աղատ ժամերին նա անձնատուր էր լինում խաղաղ խոհերի, ասես կախարդված կյանքի հրաշքով: Իսկ երբ մորն օգնելով ստիպված էր լինում առանձնապես շատ շարշարվել, Ջեննին երբեմն սկսում էր կամացուկ երգել, որովհետև աշխատանքի մեջ հեշտ էր մոռացության գիրկն ընկնել: Եվ միշտ նա ապագային նայում էր հանգիստ, պարզ ու անվեհեր արիության: Բոլոր կանայք չեն, որ ընդունակ են դրան: Ափսոս, որ բնությունն ընդհանրապես չնչին էություններին էլ թույլ է տալիս մայր դառնալ: Այդ անվանն արժանի կանայք, երբ հասունանում են, ուրախ են լինում մայր դառնալու և հպարտությամբ ու բավականությամբ են կատարում իրենց պարտքը մարդկային ցեղի հանդեպ:

Ջեննին, որ ըստ տարիքի համարյա դեռ երեխա էր, ֆիզիկապես ու հոգեպես արդեն հասուն կին էր, բայց դեռ պարզ պատկերացում չուներ կյանքի մասին և իր տեղի մասին կյանքում: Այն արտասովոր դեպքը, որ այժմյան իր աննորմալ վիճակին հասցրեց, որոշ իմաստով նրա արժանիքների տուրքն էր: Դա հաստատում էր նրա արիությունը, կարեկցությունը, իրեն զոհաբերելու պատրաստակամությունը նրա համար, ինչ նա իր պարքն էր համարում: Եվ եթե դա հասցրեց անսպասելի հետևանքների, որոնք նրա վրա նոր, ավելի ծանր ու բարդ պատասխանատվություն դրին, ապա դա տեղի ունեցավ նրա համար, որ ինքնապաշտպանության բնազդը նրա մեջ այնքան ուժեղ չէր, որքան մյուս զգացմունքները: Երբեմն նա երեխայի առաջիկա ծնունդի մասին մտածում էր վախով ու շփոթմունքով, երկյուղ կրելով, թե երբևիցե նա կկշտամբի իրեն: Բայց միշտ էլ ծնունդի դարավոր արդարացիության գիտակցությունը նրան չէր թողնում վերջնականա-

սլեւ հոգեպէս ընկճվել: Նա մտածում էր, որ մարդիկ չեն կարող դիտարկողութեամբ դաժան լինել: Նրա մեջ ապրում էր աստվածային բարութեան ու արդարութեան ազոտ պատկերացում: Կյանքը սքանչելի է իր և՛ վատ, և՛ լավ ժամերին, և միշտ էլ սքանչելի է ելել:

Այս մտքերը միանգամից չէին եկել նրա գլուխը, այլ սպասումի երկար ամիսների ընթացքում: Ի՞նչ հիանալի բան է մայր լինել նույնիսկ այսպիսի ծանր պայմաններում: Զեննին զգում էր, որ կսիրի իր երեխային և լավ մայր կլինի նրա համար, եթե միայն կյանքը թույլ տա: Բայց հենց բանն էլ այդ է. թույլ կտա՞ կյանքը:

Հարկավոր էր շատ բան անել. ամեն անհրաժեշտ բան կարել երեխայի համար, հոգալ իր առողջութեան, սննդի մասին: Ըստ որում Զեննին շարունակ վախենում էր, թե հանկարծ հայրը կվերադառնա: Բայց այդպէս չեղավ: Դիմեցին ծերունի բժիշկ էլուսնգերին, որը միշտ բուժում էր Գերհարդի ընտանիքի անդամներին, ինչով էլ նրանք հիվանդանալու լինեին, և նա մի քանի գործնական ու օգտակար խորհուրդ տրվեց: Կրօնական դոգմաները լութերական եկեղեցու այդ վավակին չէին խանգարել մեծահոգի բժիշկ դառնալ և երկարամյա փորձի հիման վրա գալ այն եզրակացութեանը, որ Եւրոպայում շատ բաներ կան, որոնք մեր իմաստունների մշտութուն էլ չեն անցել և չեն տեղավորվում կյանքի մասին մեր ունեցած քաղքենիական մանր սլատիկեացումների մեջ:

— Այդպէս, այդպէս, — ասաց նա, երբ միսիս Գերհարդը իր երկուդը հայտնեց նրան: — Բայց դուք մի՛ վշտացեք: Այդպիսի բաներ շատ ավելի հաճախ են պատահում, քան դուք կարծում եք: Եթե դուք կյանքի և ձեր հարեանների մասին այնքան իմանայիք, որքան ես գիտեմ, լաց չէիք լինի: Զեր դուստրը հիանալի կդիմանա դրան: Նա շատ լավ առողջութուն ունի: Իսկ հետո կարող է որեւէ տեղ գնալ և ոչ ոք ոչինչ չի իմանա: Արժե՞ վշտանալ նրա համար, թե ինչ կասեն հարեանները: Դա այնպիսի մի բացառիկ դեպք է, ինչպէս ձեզ թվում է:

Միսիս Գերհարդը թեթեւացած շունչ քաշեց: Ի՞նչ խելա-

ցի մարդ է այս բժիշկը: Նրա խոսքերը մի քիչ սիրտ տվին մորը: Իսկ Ջեննին նրան լսում էր հետաքրքրությամբ և առանց վախի: Նա իր մասին չէր մտածում, այլ՝ երեխայի և ուղում էր անույացման կատարել այն ամենը, ինչ պատվիրված էր: Բժիշկը հետաքրքրվեց, թե ով է երեխայի հայրը, և պատասխանը լսելով՝ նա հայացքը երկինք դարձրեց:

— Ի՛նչ ասել կուզի,— ասաց նա,— պետք է որ հիանալի երեխա լինի:

Վերջապես հասավ ժամը, երբ մանուկը պետք է լույս աշխարհ գար: Ներկա էր բժիշկ էլուտնգերը, նրան օգնում էր միսիս Գերհարդը, որը վեց երեխայի մայր լինելով՝ ճշտորեն գիտեր, թե ինչ պետք է անել: Ամեն ինչ բարեհաջող անցավ: Նորածնի առաջին ճիշդ լսելով՝ Ջեննին ամբողջ էությամբ ձգվեց դեպի նա: Իր երեխա՛ն: Դա մի պստիկ աղջիկ էր, թույլ ու անօգնական, որն այնքան մայրական խնամքի կարիք էր զգում: Երբ երեխային լողացրին ու բարուրեցին, Ջեննին սրտի դողով և անսահման հրճվանքով նրան կրծքին սեղմեց: Իր մանկի՛կը, իր աղջի՛կը: Ջեննին փափագում էր ապրել ու աշխատել նրա համար և նույնիսկ այժմ, երբ բուլորովին թույլ էր, ուրախանում էր, որ ընդհանրապես ինքն ամուր առողջություն ունի: Բժիշկ էլուտնգերն ասաց, որ նա շուտով ոտքի կելնի: Նա գտնում էր, որ Ջեննին անկողնում երկու շաբաթից ավելի չի մնա: Եվ իրոք, տասն օրից հետո նա արդեն ոտքի վրա էր, առողջ ու ամուր, ինչպես միշտ: Ջեննին ի բնե ուժեղ ու առողջ էր և ուներ այն բոլոր հատկությունները, որոնք հարկավոր են իդեալական մորը:

Վճռական ժամն անցավ, և կյանքն սկսեց ընթանալ համարյա առաջվա պես: Քույրերն ու եղբայրները, բացի Բասսից, այնքան փոքր էին, որ կարգին չէին հասկանա, թե ինչ է կատարվել, և հավատացին, երբ նրանց ասացին, թե Ջեննին ամուսնացել էր սենատոր Բրենդերի հետ, որը դրանից հետո հանկարծ մեռել է: Նրանք երեխայի մասին ոչինչ չգիտեին, մինչև որ նա ծնվեց: Միսիս Գերհարդը վախենում էր հարևաններից, որոնք միշտ ամեն ինչի հետևում էին և գիտեին: Ջեննին ոչ մի կերպ չէր կարող դիմանալ այդ դու-

թյանը, եթե Բասսը, որը դրանից քիչ առաջ տեղափոխվել էր Քլիվլենդում, չգրեր նրան, թե՛ հենց որ նա բռնորոշվին կալուգուրվի, ամբողջ ընտանիքը պիտի տեղափոխվի իր մոտ, և իրենք նոր կյանք կսկսեն։ Քլիվլենդում գործերը շատ լավ են գնում։ Կոլումբուսից դուրս գալուց հետո իրենք այլևս երբեք իրենց այժմյան հարեաններին չեն պատահի, և Զեննին կարող է իր համար որևէ աշխատանք գտնել։ Իսկ առայժմ նա տանն էր մնում։

## Գ Լ ՈՒՍ XII

Այն ժամանակ, երբ Բասսը Քլիվլենդ ընկավ, քաղաքը ոչ թե օրերով, այլ ժամ առ ժամ էր աճում, և այս տեսարանը միանգամից վերականգնեց պատանու հոգեկան հավասարակշռությունը, նրան հույս ներշնչելով, թե կկարգավորի ն՝ իր, և՛ ընտանիքի գործերը։ «Միայն թե նրանք գան,— մտածում էր նա։— Միայն թե աշխատանք գտնեն, այն ժամանակ ամեն ինչ կընթանա ինչպես պետք է»։ Այստեղ ոչ մի բան չէր հիշեցնում վերջերս ընտանիքին հասած ձախորդությունները, չկային ծանոթներ, որոնք հենց միայն իրենց տեսքով կհիշեցնեին ավելի վաղուց հասած դժբախտությունները։ Ամեն ինչ հագեցած էր եռանդով ու գործունեությամբ։ Թվում էր, թե բավական է փողոցի անկյունով շուռ գաս, որպեսզի աղատվես անցած օրերից ու անցած մեղքերից։ Ամեն մի նոր թաղում նոր աշխարհ էր բացվում։

Բասսը շուտով գործ գտավ ծխախոտի խանութում և մեկուկես ամսի չափ այնտեղ ծառայելուց հետո նամակ գրեց տուն՝ նկարագրելով իր վարդապետն ծրագրերը։ Զեննին պետք է դա հենց որ ի վիճակի լինի, իսկ հետո, երբ նա աշխատանք գտնի, կգան և մյուսները։ Նրա հասակի աղջիկների համար ինչքան ասես աշխատանք կա։ Ժամանակավորապես նա կարող է տեղափոխվել իր հետ միասին, կամ գուցե հաջողվի մի փոքրիկ տուն վարձել, այստեղ ամսական տասնհինգ դոլլարով այդպիսի տներ են տրվում վարձով։

Այստեղ կահույքի խոշոր փառույթներ կան, որտեղ կարելի է մաս-մաս վճարելու պայմանով ամեն անհրաժեշտ բան գնել։ Մայրը կսկսի տնտեսությունը վարել։ Իրենց շրջապատը բուրդովին նոր կլինի, ոչ ոք իրենց չի ճանաչի և իրենց մասին չի բամբասի։ Իրենք կյանքը նորից կսկսեն և կդառնան կարգին, հարգարժան, բարգավաճող ընտանիք։

Տարված լինելով հույսերով ու երազանքներով, որպիսիք միշտ ունենում են երիտասարդ, անփորձ էակները նոր տեղում ու նոր մարդկանց շրջապատում, Բասսը, վերջապես, Ջեննիին գրեց, որ նա անհապաղ մեկնի։ Այդ ժամանակ Ջեննիի երեխան արդեն կես տարեկան էր։ Այստեղ թատրոններ կան, գրում էր Բասսը, գեղեցիկ փողոցներ։ Քլիվլենդը զարմանալի քաղաք է և աճում է շատ արագ։ Սա Բասսին ամենից ավելի էր դուր դալիս իր նոր կյանքում։

Այս ամենը միսիս Գերհարդի, Ջեննիի և ընտանիքի մյուս անդամների վրա արտակարգ տպավորություն թողեց։ Միսիս Գերհարդը Ջեննիի զանցանքի հետևանքը խիստ ծանր էր ապրում, և հիմա կողմնակից էր, որ անհապաղ հետևեն Բասսի խորհրդին։ Ի բնե նա շատ կենսուրախ էր, վհատվել չգիտեր և հիմա ամբողջովին հրապուրվեց Քլիվլենդի ճաճանչափայլ կյանքի հեռանկարով, արդեն իրականացած էր տեսնում իր նվիրական երազանքը, որ ոչ միայն մի փոքրիկ, սիրունիկ տուն կունենա, այլև իր երեխաները փայլուն ապագա կունենան։ «Իհարկե, նրանք աշխատանք կգտնեն», — ասում էր նա։ Բասսն իրավացի է։ Ինքը միշտ էլ ուզում էր, որ ամուսինը փոխադրվի որևէ մեծ քաղաք, բայց նա չէր ուզում։ Իսկ հիմա այդ անհրաժեշտ է և իրենք կգնան ու շատ ավելի լավ կապրեն, քան երբևէ ապրել են։

Գերհարդը ևս միացավ նրա կարծիքին։ Կնոջը ուղղած պատասխան նամակում գրում էր, թե իր համար անմտություն կլինի աշխատանքից հրաժարվել, բայց եթե Բասսի կարծիքով նրանք կարող են Քլիվլենդում տեղավորվել, ապա թող տեղափոխվեն։ Այդ ծրագիրը նա առանձնապես սիրով էր ընդունում, որովհետև նրան զգվեցնելու չափ ճնշում էր այն միտքը, թե ինչպես պիտի կերակրի իր ընտանիքը և վճարի



ժամկետն անցած պարտքերը: Իր ռոճիկից նա շաբաթական հինգ դոլլար էր հա գցում և ուղարկում կնոջը: Երեք դոլլարը ծախսում էր ուտելու վրա և հիսուն ցենտ թողնում էր մանր ծախսերի համար՝ եկեղեցում աջհամբույր տալու, ծխախոտ գնելու, երբեմն էլ մի բաժակ գարեջուր էր խմում: Բացի դրանից, շաբաթական մեկուկես դոլլար էլ հա էր գցում որպես խնայողություն: Բնակվում էր գործարանի տանիքի մի մերկ, անհրապույր անկյունում: Մինչև երեկոյան ժամը իննը Գերհարդը մեն-մենակ նստում էր գործարանի շեմքում ու նայում դատարկ, խուլ փողոցներին, հետո բարձրանում էր տանիքը: Այստեղ, ցածի հարկերից բարձրացող մեքենայի, յուղի խեղդող հոտի մեջ, ճարպե մոմի լույսի տակ նույնպես մեն-մենակ ծերունին ավարտում էր իր օրը. գերմաներեն թերթ էր կարդում, ձեռքերը կրծքին խաչած մտքի մեջ էր ընկնում, իսկ հետո խավարի մեջ ծունկ էր չոքում բաց լուսամուտի առաջ և երեկոյան աղոթքն անելուց հետո մեկնվում էր իր կոշտ անկողնում: Օրերն անցնում էին երկար ու ձիգ, ապագան թվում էր մռայլ ու անուրախ: Բայց և այնպես ձեռքերը դեպի երկինք մեկնելով, նա անսահման հավատով աղոթում էր, որ թողություն տրվի իր մեղքերին և էլի մի քանի տարի անդորր ու երջանկություն ունենա իր ընտանիքի շրջապատում:

Եվ այսպես, կարևորագույն հարցը, վերջապես, վճռված էր: Երեխաները հալումաշ էին լինում անհամբերությու-  
նից, և միսիս Գերհարդը սրտի խորքում բաժանում էր նը-  
րանց զգացմունքները: Ջեննին, ինչպես Բասսն էր առաջար-  
կել, առաջինն էր մեկնելու: Նրանից հետո էլ Քլիվենդ էին  
գնալու մյուս բոլորը:

Երբ հասավ Ջեննիի մեկնելու ժամը, բոլորը խիստ հուզ-  
ված էին:

— Դու շո՞ւտ կգրես, որ մենք էլ գանք,— նորից ու նո-  
րից հարցնում էր Մարթան:

— Ասա Բասսին, որ շուտ անի,— պահանջում էր Ջորջը:

— Քլիվենդ գնա՞լ եմ ուզում, Քլիվենդ գնա՞լ,— ծոր էր  
առաջին Վերոնիկան, երբ կարծում էր, թե իրեն ոչ ոք չի լսում:

— Տես, թե սիրտն ինչ է ուզում,— ծաղրաբար գոչեց Զորջը, լսելով նրա այդ երգը։

— Քո ի՛նչ բանն է,— նեղացած ասաց աղջիկը։

Բայց երբ հրաժեշտի րոպեն հասավ, Զեննին պետք է օգնության կանչեր իր ամբողջ արիությունը։ Թեպետև ինքը գնում էր, որպեսզի նրանք կարողանան բոլորը միասին ապրեն, և ավելի լավ, քան առաջ, բայց և այնպես ակամա ընկճելվել էր։ Նա ստիպված էր անջատվել իր վեց ամսական երեխայից։ Առջևում նրան սպասում էր վիթխարի, անծանոթ մի աշխարհ, և այդ վախեցնում էր նրան։

— Մի՛ անհանգստանա, մայրիկ,— ասաց նա իր ուժերը ժողովելով։— Ամեն ինչ լավ կլինի։ Հենց որ տեղ հասնեմ, ես քեզ նամակ կգրեմ։ Դա շատ շուտ կլինի։

Բայց երբ պետք է վերջին անգամ նայեր երեխային, Զեննիի արիությունը մարեց, ինչպես լուցկին քամու առաջ։ Օրորոցի վրա կռանալով՝ նա գործվալից քնքշությամբ նայեց իր աղջկա երեսին։

— Դու լավ աղջիկ կլինես, չէ՞,— կրկնում ու կրկնում էր նա։

Հետո երեխային գիրկն առավ, ամուր սեղմեց կրծքին և ճակատը հպեց փոքրիկ մարմնին։ Միսիս Գերհարդը նկատեց, որ նա ամբողջ մարմնով դողում է։

— Լավ, լավ, այդպես հուզվել պետք չէ,— այժմ էլ նա՛ սկսեց հորդորել Զեննիին։— Երեխան ինձ մոտ լավ կլինի։ Ես գիտեմ, ինչպես պիտի պահել երեխային։ Իսկ եթե դու այդպես հուզվելու ես, ավելի լավ է իսկի մի գնա։

Զեննին գլուխը բարձրացրեց և երեխային տվեց մորը։ Նրա կապուտակ աչքերը խոնավ էին։

— Ինձ զսպել չեմ կարողանում,— արցունքն աչքերին ժպտալով ասաց նա։

Հետո շտապ համբուրեց մորը, քույրերին ու եղբայրներին և դուրս վազեց սենյակից։

Զորջի հետ միասին փողոցով քայլելիս նա ետ նայեց և ուրախ-ուրախ ձեռքը թափահարեց։ Միսիս Գերհարդն էլ որպես պատասխան իր ձեռքը թափահարեց և միաժամանակ

մտածեց, որ Զեննին հիմա բոլորովին հասուն կնոջ տեսք ունի: Մեկնելուց առաջ փողի մի մասը ծախսել էին նոր հագուստի վրա, որովհետև Զեննին մի կարգին շոր չունեւ: Եվ հիմա նա հագին ուներ մի դարչնագույն սիրուն կոստյում, որը նրան շատ էր սաղում, սպիտակ կուրտկա և ծղոտե գլխարկ ճերմակ քողով, որը կարելի էր իջեցնել երեսին: Աղջիկն ավելի ու ավելի էր հեռանում, իսկ միսիս Գերհարդը ուղեկցում էր նրան հայացքով, սուգորված անսահման սիրով, և երբ Զեննին տեսողութունից ծածկվեց, մայրը քնքշորեն ասաց արտասովելով.

— Համենայն դեպս, ես շատ ուրախ եմ, որ նա այդքան սիրունիկ տեսք ունի:

### Գ Լ ՈՒՄ XIII

Բասսը Զեննին դիմավորեց Քլիվլենդի կայարանում և իսկույն էլ սկսեց աշխույժ խոսել ապագայի մասին:

— Առաջին հերթին հարկավոր է աշխատանք գտնել,— սկսեց նա, իսկ քույրը արդյունաբերական խոշոր քաղաքի աղմուկ-զնգոցից և սուր հոտերով հագեցած օդից շմամ՝ գլուխը կորցրել էր և արդեն ոչինչ չէր տեսնում ու չէր լսում:— Հարկավոր է քեզ համար որեէ գործ գտնել,— շարունակում էր Բասսը:— Միևնույն է, թե ինչպիսի տեղ, միայն թե զբոսնենք: Եթե նույնիսկ շաբաթական երեք-չորս դոլլար ստանաս, այդ արդեն բավական կլինի բնակարանի վարձը վճարելու համար: Զորջն էլ երբ գա, կսկսի փող վաստակել, հայրիկն էլ փող է ուղարկում, այնպես որ մենք հիանալի կապրենք: Շատ ավելի լավ, քան Կոլումբուս կոչված այն ողորմելի բնում:

— Այո,— անորոշ պատասխանեց Զեննին, նա շրջապատի նորությամբ այնքան էր հափշտակված, որ ոչ մի կերպ չէր կարողանում կենտրոնանալ այդ կարևոր նյութի վրա:— Այո, հասկանում եմ: Ես մի որեէ գործ կգտնեմ:

Նա շատ էր մեծացել եթե ո՛չ տարիքով, ապա խելքով:

Այն փորձությունը, որ հենց նոր ապրել էր նա, իրեն օգնել էր ավելի պարզ հասկանալ, թե կյանքն ինչպիսի մեծ պատասխանատվություն է դնում իր վրա։ Նա տներնդհատ մտածում էր մոր մասին, մոր և երեխաների մասին։ Մասնավորապես պետք է աշխատել, որ Մարթան ու Վերոնիկան իրենց կյանքն ավելի լավ դասավորեն, քան ինքը։ Հարկավոր է նրանց ավելի լավ հագցնել։ Նրանք պետք է ավելի երկար ժամանակ դպրոց հաճախեն։ Թող նրանք ավելի շատ բարեկամներ ունենան, իրենց մտահոբիվոնն ու ծանոթություններն ընդարձակելու ավելի մեծ հնարավորություններ։

Քլիվլենդը, ինչպես և այն տարիները ամեն մի երիտասարդ, աճող քաղաք, լեփ-լեցուն էր աշխատանք որոնող մարդկանցով։ Շուտ-շուտ նորանոր ձեռնարկություններ էին բացվում, բայց ազատ բանվորական ձեռքեր միշտ ավելի կար, քան պահանջվում էր։ Քաղաք եկող նոր մարդուն կարող էր հաջողվել, որ հենց նույն օրն աշխատանք գտնի։ Բայց և պատահում էր, որ եկվորը երկար շաբաթներ և նույնիսկ ամիսներ թափառում էր աշխատանք որոնելով։ Բասսը Ջեննիին առաջարկեց ամենից առաջ իր բախտը փորձել մեծ ու փոքր խանութներում։ Եվ եթե այդտեղից բան դուրս չեկավ, կարելի է գործարան մտնել կամ որևէ այլ տեղ։

— Միայն թե, եթե որևէ բան հանդիպի, առիթը բաց չթողնես,— նախազգուշացրեց նա։— Ինչ էլ լինի, իսկույն ընդունիր։

— Իսկ ի՞նչ ասեմ ես,— հուզմունքով հարցրեց Ջեննին։

— Ասա, որ ուզում ես աշխատանք ստանաս։ Որ քեզ համար միևնույն է, թե ինչից կսկսես։

Ջեննին առաջին իսկ օրը փորձեց հետևել եղբոր խրատներին, բայց որպես վարձատրություն մի քանի սառն մերժում ստացավ։ Ուր էլ նա դիմում էր, ոչ մի տեղ, ըստ երևվույթին, նոր ծառայողների կարիք չունեին։ Նա շրջեց խանութները, գործարանները, մանր արհեստանոցները, որոնցից ծայրամասերում շատ կային, բայց ամենուրեք նրան դուռն էին ցույց տալիս։ Վերջապես նա սկսեց սպասուհու տեղ որոնել, թեպետև շատ մեծ հույս ուներ, որ ստիպված չէր լինի

դիմելու այդ վերջին միջոցին։ Լրագրերում հայտարարու-  
թյուններն ուշադիր կարդալով՝ նա ընտրեց շորսը, որոնք  
առավել հարմար թվացին, և գնաց այդ հասցեներով։ Երբ նա  
եկավ, տեղերից մեկն արդեն զբաղված էր, բայց դուռը բաց  
անող տիկնոջ վրա Ջեննիի դեմքն այնպիսի տպավորություն  
գործեց, որ նա առաջարկեց ներս մտնել և սկսեց հարցու-  
փորձ անել։

— Ափսոս, որ մի քիչ առաջ չեք եկել, — ասաց նա։ —  
Դուք ինձ ավելի շատ եք դուր գալիս, քան այն աղջիկը, որին  
վարձել եմ։ Համենայն դեպս ձեր հասցեն թողեք ինձ մոտ։

Ջեննին այդ սիրալիկ ընդունելությունից ուրախացած՝  
հեռացավ ժպիտը դեմքին։ Այժմ նա այնպես ջահել չէր երե-  
վում, ինչպես առաջ, մինչև իրեն հասած փորձությունը։ Նրա  
դեմքը փոքր-ինչ նիհարել էր, աչքերը մի քիչ խոր էին ըն-  
կել, և դա նրա ամբողջ կերպարանքին ավելի մեծ խոհեմու-  
թյուն ու քնքշություն էր տալիս։ Նա մաքրության օրինակ էր  
հանդիսանում։ Հենց նոր լվացված ու հարթովված շորի մեջ  
այնքա՛ն թարմ ու հրապուրիչ էր երևում։ Նա դեռ չէր դադա-  
րել աճել, բայց երևում էր, որ դա արդեն փոքրիկ աղջիկ չէ,  
այլ՝ բսանամյա կին։ Իսկ գլխավորը՝ Ջեննին շատ լավ բնա-  
վորություն ուներ և, չնայած ծանր աշխատանքին ու զրկանք-  
ներին, երբեք իր կայտառությունը չէր կորցնում։ Սպասուհի  
կամ օգնական որոնող ամեն մեկի համար նա իսկական  
գյուտ կլիներ։

Հետո նա գնաց էվկլիդի փողոցում գտնվող մի մեծ  
սուանձնատուն։ Դա նրան խիստ շքեղ թվաց, հազիվ թե իր  
ծառայությունն այստեղ պետք լիներ, բայց քանի որ եկել էր,  
հարկավոր էր փորձել։ Դուռը բացող ծառան նրան առաջար-  
կեց մի քիչ սպասել, ապա նրան տարավ երկրորդ հարկը,  
տանտիրուհի միսիս Բրայսբրիջի զարդասենյակը։ Բարձր հա-  
սարակության մեջ հաճախ հանդիպող այդ դուրեկան շիկա-  
հեր տիկինը կնոջ գեղեցկությունը վառ չէր հասկանում և իս-  
կույն գնահատեց Ջեննիի արտաքինը։ Նա մի քիչ խոսեց երի-  
տասարդ կնոջ հետ և որոշեց փորձի համար վերցնել նրան  
որպես սպասուհի։

— Ես ձեզ շաբաթական չորս դոլլար կվճարեմ, և եթե ուղում եք, դուք այստեղ կապրեք,— ասաց միսիս Բրայս-բրիշը:

Ջեննին բացատրեց, որ ինքն ապրում է ևղբոր մոտ, և շուտով գալու է նաև ամբողջ ընտանիքը:

— Դե լավ,— ասաց տանտիրուհին,— տեղավորվեցեք, ինչպես ձեզ հարմար է: Միայն թե առավոտները ժամանակին եկեք:

Նա ցանկացավ, որ Ջեննին իսկույն անցնի իր պարտականություններին, և աղջիկը համաձայնեց: Միսիս Բրայսբրիշը կարգադրեց, որ Ջեննին մի գեղեցիկ գլխազարդ ու գոգնոց տան և համառոտակի ծանոթացրեց իր նոր պարտականություններին: Սպասուհին ամենից առաջ պիտի հոգ տաներ տանտիրուհու մասին, սանրեր նրա մազերը, օղներ հագնել: Նա պետք է նաև դուռը բաց աներ, երբ զանգը տային, անհրաժեշտության դեպքում սպասարկի սեղանը և ընդհանրապես կատարեր տանտիրուհու բոլոր հանձնարարությունները: Միսիս Բրայսբրիշը իր ապագա սպասուհուն թվաց մի փոքր չոր ու խիստ, բայց և այնպես Ջեննին հիացած էր նրա եռանդով ու տիրական շարժումներով:

Երեկոյան ժամը ութին Ջեննին ասացին, որ այսօր նա ազատ է: Նա ինքն իրեն հարց էր տալիս, թե իսկապես մի՞թե իրեն հարմար սպասուհի են համարել այսպիսի մի մեծ ու հարուստ տան համար, և շատ ուրախ էր, որ այդպես լավ տեղավորվեց: Տիրուհին սկզբում հանձնարարեց մաքրել զարդասենյակի թանկարժեք կահույքն ու զարդերը, և թեև Ջեննին եռանդով ու ջանասիրությամբ էր աշխատում, մինչև ժամը ութը չհասցրեց ամեն ինչ անել: Նա շտապում էր տուն գնալ և ուրախ էր, որ հիմա եղբորն ասելու է, թե ինչ լավ տեղ է գտել: Հիմա մայրը կարող է գալ Քլիվլենդ, հիմա իր աղջիկն էլ իր հետ կլինի: Հիմա իսկապես որ նրանք նոր ձեվով կապրեն, և այդ նոր կյանքը շատ ավելի դյուրին, լավ և ուրախ կլինի, քան առաջ էր:

Բոսսի առաջարկությամբ Ջեննին մորը դրեց, որ նա անհապաղ գա, իսկ մի շաբաթ հետո արդեն նրանք մի հար-

մար տուն գտան և վարձեցին: Միսիս Գերհարդը երեսաների օգնությամբ դասավորեց հղած-չհղածը, այդ թվում և կահույքը, որ տեղավորվել էր մեկ ֆուրգոնում, և երկու շաբաթ հետո նրանք տեղավորվեցին նոր բնակարանում:

Միսիս Գերհարդը միշտ էլ այնպե՛ս էր ցանկացել ապրել լավ, դուրեկան բնակարանում: Ամուր ու գեղեցիկ փափուկ կահույք, հաճելի տաք գույնի հաստ գորգ, բազմաթիվ աթոռներ, բազկաթոռներ, նկարներ, թախտ, դաշնամուր,— այսպիսի գեղեցիկ բաների մասին էր երազել նա ողջ կյանքում, սակայն երբեք հնարավորութուն չէր ունեցել իրականացնել իր երազանքը: Բայց և այնպես նա չէր հուսահատվում: Գուցե թե կրեկիցե կվայելի այդ ամենի հաճույքը: Կարծես թե ահա հիմա բախտը ժպտալու է նրան:

Հասնելով Քլիվլենդ և տեսնելով ուրախ, շողշողուն Ջեննիին՝ միսիս Գերհարդը ոգեշնչվեց: Բասսը նրան հավատացրեց, որ ամբողջ ընտանիքով հիանալի կապրեն: Նա բոլորին տարավ իր տուն, ապա Ջորջին պատվիրեց վերադառնալ կայարան և իրերը բերել: Այն փողից, որ սենատոր Բրենդերն ուղարկել էր Ջեննիին, ղեռ մի հիսուն դոլլար մնացել էր միսիս Գերհարդի մոտ: Այդ փողով կարելի էր մաս-մաս վճարելու պայմանով ձեռք բերել պակասող կահույքը: Բասսն սրգեն մոծեւ էր մի ամսվա բնակարանային վարձը, իսկ Ջեննին վերջին հրեկոններն զբաղված էր հատակներն ու լուսամուտները լվանալով և նոր տանը իդեալական մաքրություն էր ստեղծել: Այժմ, առաջին երեկոյին, նրանք ունեին երկու նոր ներքնակ և բամբակամեջ վերմակներ, որոնք փոված էին անբասիր մաքուր հատակին: Ունեին մի նոր լամպ, որ գնել էին մոտիկ խանութից, մի արկղ, որ Ջեննին ընտանեկան կարիքների համար վերցրել էր նպարեղենի խանութից և հիմա առայժմ միսիս Գերհարդին ծառայում էր որպես բազկաթոռ: Ընթրիքի և առավոտյան համար հաց կար և մի քիչ երշիկ: Մինչև ժամը իննը նրանք նստած ապագայի ծրագրեր էին կազմում, ապա բոլորը պառկեցին քնելու, բացի Ջեննիից և միսիս Գերհարդից: Մայր ու աղջիկ շարունակում էին զրուցել, ըստ որում վճռական խոսքը պատկանում էր Ջեննիին: Մայրն

սկսեւ էր իրեն մի որոշ շափով աղջկանից կախման մեջ զգալ:

Մի շաբաթում ամբողջ տունը կարգի բերվեց, գնեցին որոշ կահ-կարասի, մի գորգ և խոհանոցային անհրաժեշտ իրեր: Ամենից վատն այն էր, որ ստիպված էին վառարան էլ գնել. դա էլ մի նոր մեծ ծախս էր: Փոքր երեխաները դպրոց մտան, իսկ Ջորջի մասին որոշվեց, որ նա պետք է աշխատանք գտնի: Ջեննիի և միսիս Գերհարդի վրա շատ էր ազդում այդ զոհաբերության ամբողջ անարդարությունը, բայց չգիտեին, թե ինչպես կարելի է խուսափել դրանից:

— Կաշխատենք այնպես անել, որ նա եկող տարի դըպրոց գնա, — ասաց Ջեննին:

Որքան էլ, ըստ երևույթին, բարենպաստ էր սկսվում նոր կյանքը, բայց ընտանիքի ծախսերը համարյա հավասարվում էին եկամուտին, և բյուջեի հավասարակշռությունը միշտ սպառնալիքի տակ էր: Բասսը, որ սկզբում լի էր մեծահոգությամբ, շուտով հայտարարեց, թե բավական է, որ ինքը ընդհանուր ծախսերի համար չորս դոլար տա՝ սենյակի և սննդի ծախսեր: Ջեննին տալիս էր իր ամբողջ վաստակածը և հավատացնում էր, թե իրեն ոչինչ հարկավոր չէ, միայն թե իր երեխան լավ խնամք ունենա: Ջորջը ծառայող երեխայի տեղ գտավ մի խանութում, ստանում էր շաբաթական երկուսուկես դոլար և սկզբնական շրջանում սիրով տալիս էր մորը: Հետագայում որոշվեց հիսուն ցենտ թողնել նրան մանր ծախսերի համար: Գերհարդը, որ առաջվա պես միայնակ տշխատում էր ընտանիքից հեռու, փոստով հինգ դոլար էր ուղարկում, ամեն անգամ հիշեցնելով, թե անհրաժեշտ է քիչ-քիչ փող ետ գցել Կոլումբուսի հին պարտքերը վճարելու համար, որոնք մինչև այժմ ծանրացած են իր խղճի վրա: Այսպիսով ընդհանուր եկամուտը կազմում էր շաբաթական տասներհինգ դոլար, և այդ փողով պետք էր կերակրել ու հագցընել ամբողջ ընտանիքը, բնակարանի վարձ տալ, ածուխ գնել և ամսական երեք դոլար մուծել պարտքով գնած կահույքի համար, որն արժեք հիսուն դոլար:

Ինչպե՞ս անել այդ: Թող ապահովված մարդիկ, որոնք հաճախ ու սիրով դատողություններ են անում, թե սոցիալա-



կան տեսակետից ինչ է աղքատութիւնը, նեղութիւն տան իրենց՝ հետաքրքրվելու այս հարցի պատասխանով: Հանց միայն բնակարանի վարձը, ածուխն ու լուսավորութիւնը կլանում էին ամսական քսան դոլլար կազմող մի կլոր գումար, ուտելիքի վրա, որ, դժբախտաբար, ծախսերի մյուս անխուսափելի առնթն էր, զնում էր քսանհինգ դոլլար: Հագուստի, կահույքի դիմաց մոծոմներին, ամեն տեսակ վճարումների, անհրաժեշտ դեղորայքի և այլ բաների համար պետք է բավականացնէր մնացած տասնհինգ դոլլարը, իսկ թե ինչպէս, այդ ապահովված ընթերցողին թող թելադրի նրա բռնկուն երեւակայութիւնը: Այսպէս թե այնպէս ծայրը ծայրին էր հասնում, և առայժմ Գերհարգները հույսով լի էին և կարծում էին, որ իրենք հիանալի են ապրում:

Այս ժամանակաշրջանում նրանց ընտանիքը կարող էր ծառայել համեստ ու ազնիվ աշխատասիրութեան արժանավոր օրինակ: Միսիս Գերհարգը, որն աշխատում էր սպասուհու պէս և ամենաչնչին վարձատրութիւն անգամ չէր ստանում,— ոչ հագուստ, ոչ զվարճութիւններ, ոչ որեւէ այլ բան,— ամեն առավոտ վեր էր կենում լուսաբացին, երբ դեռ բոլորը քնած էին լինում, կրակ էր վառում և սկսում նախաճաշ պատրաստել: Բարակ ու մաշված շատերը հագին, որոնց մեջ ստիպված էր լրագրի թուղթ դնել (թե չէ ոտքերից կընկնէին), նա անձայն ման էր գալիս սենյակում և հաճախ անսահման քրնքըշութեամբ նայելով խոր քնով քնած Զեննիին, Բասսին ու Ջորջին, սրտանց ցանկանում էր, որ նրանք ստիպված չլինեն այդպէս շուտ վեր կենալ և այդպէս ծանր աշխատել: Երբեմն իր սիրելի Զեննիին արթնացնելուց առաջ մայրը երկար նայում էր նրա հոգնած, գունատ դիմքին, որ այնքան հանգիստ էր քնի մեջ, և դառնորեն ցավում էր, որ բախտն այդպիսի դաժան է վարվել նրա հետ: Հետո քնքշորեն ձեռքը դիպցընում էր քնած աղջկա ուսին և շշուկով տալիս նրա անունը, մինչև որ Զեննին արթնանում էր:

Երբ երեխաները վեր էին կենում, նախաճաշն արդեն պատրաստ էր լինում: Երբ երեկոյան սուռն էին վերադառնում, նրանց ընթրիքն էր սպասում: Միսիս Գերհարգը երեխաներից

ոչ մեկի վրայից չէր պահսեցնում իր ուշադրությունն ու հոգատարությունը: Փոքրիկ թոռնիկից աչք չէր հեռացնում: Նա հավատացնում էր, թե իրեն ոչ շոր է հարկավոր, ոչ կոշիկ. չէ՞ որ երեխաներից որևէ մեկը միշտ էլ կարող էր գնալ նրա այս կամ այն հանձնարարությունը կատարելու:

Բոլոր երեխաներից միայն Ջեննին էր լրիվ հասկանում մորը և, քնքշորեն սիրելով նրան, բոլոր ուժերով աշխատում էր օգնել:

— Մայրիկ, տուր այդ ես անեմ:

— Թող, մայրիկ, դրա մասին ես կհոգամ:

— Նստիր, մի քիչ հանգստացիր, մայրիկ:

Այս հասարակ խոսքերի մեջ արտահայտվում էր այն անսահման սերը, որ Ջեննին կապում էր մոր հետ: Նրանք միշտ էլ շատ լավ էին հասկանում իրար և քանի գնում, այնքան ավելի լիակատար ու խոր էր դառնում այդ փոխըմբռնությունը: Ջեննիի սիրտը ճմլվում էր, երբ մտածում էր, թե մայրը գերու նման շեմքից դուրս գալ չի կարողանում: Ամբողջ օրն աշխատանքի ժամանակ նա մտածում էր այն աղքատիկ տնակի մասին, որտեղ մայրը շարձարվում ու աշխատում էր: Որքա՞ն կուղենար Ջեննին հանգիստ տալ նրան, համեստ հարմարություններ, որ մայրը միշտ այնպես փափագել է:

## Գ Լ ՈՒ Խ XIV

Այն ժամանակամիջոցում, երբ Ջեննին ծառայում էր Բրայսբրիջների մոտ, նրա մտահորիզոնը շատ ընդարձակվեց: Այդ հոյակապ տունը նրա համար հանդիսացավ մի դպրոց, որտեղ նա ոչ միայն հագնվել ու իրեն լպհել սովորեց, այլև կենցաղային իմաստության դասեր ստացավ: Միսիս Բրայսբրիջը և նրա ամուսինը գերժամանակակից մարդիկ էին, կահավորության անբասիր ճաշակի, ինքնավստահության, վերջին մոդայով հագնվելու, հյուրեր ընդունելու և հասարակություն մեջ իրենց ամենալավ ձևով պահելու մարմնացում:

Հաճախ առանց որևէ աոիթի, եթե չհաշվենք իր սեփական քմահաճույքը, միսիւս Բրայսբրիջը հակիրճ տաքցվածքներով շարադրում էր իր փիլիսոփայությունը:

— Կյանքը պայքար է, սիրելիս: Եթե ուզում ես մի բան ստանալ, պետք է պայքարես:

— Իմ կարծիքով մեծ հիմարություն է չօգտվել ամեն մի միջոցից, որը կարող է քեզ համար դառնալ այն, ինչ ինքդ ես ուզում: (Այս նաւ ասում էր շրթունքները թեթևակի ներկելով):

— Համարյա բոլոր մարդիկ ի ծնե հիմար են: Նրանք ապրում են այնպես, ինչի արժանի են և ոչ մի ավելի լավ բանի պետք չեն: Արհամարհում եմ ճաշակի պակասությունը. դա ամենամեծ հանցանքն է:

Այս իմաստուն խրատների մեծ մասը Ջեննիին չէին ուղղված: Բայց պատահաբար դրանք լսելով՝ Ջեննին չէր կարող չխորհել դրանց մասին: Պարարտ հողի մեջ ընկած սերմերի պես դրանք ծիլեր էին տալիս: Նրա մեջ սկսեց որոշ պատկերացում առաջանալ հասարակական սանդուղքի, իշխանության մասին: Գուցե և բարձր դիրքն իր համար չէ, բայց այն գոյություն ունի աշխարհում, և եթե բախտը մարդուն ժպտա, կարելի է մի աստիճան վեր բարձրանալ: Ջեննին աշխատում էր և շարունակ մտածում, թե ինչպես ավելի լավ բախտի հասնի: Ո՞վ կուղենա ամուսնանալ իր հետ, իմանալով իր անցյալը: Ինչպե՞ս բացատրի ինքը իր երեխայի գոյությունը:

Երեխան, նրա երեխան ամենագլխավորն է, ամենահրապուրիչը, ուրախության ու վախի մշտական աղբյուրը: Կարո՞ղ է արդյոք ինքը գեթ երեկից երջանիկ դարձնել իր աղջրկան:

Առաջին ձմեռը բավական սահուն անցավ: Խստագույն խնայողության շնորհիվ երեխաները հագնված էին և դպրոց էին հաճախում, բնակարանի և կահույքի համար հաջողվում էր ժամանակին վճարել: Միայն մեկ անգամ նրանց կյսոնքի խաղաղ ընթացքին սպառնալիք ծագեց, երբ հայրը գրեց, թե ծննդյան տոներին տուն է գալու: Այդ կարճ ժամանակամիջոցում գործարանը փակվելու էր: Եվ բնական է, Գերհարդի համ-

բերությունը չէր տալիս, նա ուղղում էր տեսնել, թե իր ընտանիքն ինչպես է ապրում Քլիվլենդում:

Միսիս Գերհարդը սրտանց կուրախանաւ ամուսնու գալու առթիւ, եթե չվախենալ, թե նա կռիւ կսարքի: Ջեննին դրա մասին խոսեց մոր հետ, սա էլ իր հերթին խոսեց Բասսի հետ, և Բասսը խորհուրդ տվեց չվախենալ:

— Մի՛ անհանգստացիր, — ասաց նա: — Հայրիկը ոչինչ չի կարող անել: Իսկ եթե որևէ բան ասի, ես ինքս կխոսեմ նրա հետ:

Անհաճո տեսարան ստեղծվեց, բայց ո՛չ այնքան ծանր, որքան վախենում էր միսիս Գերհարդը: Ամուսինը եկավ ցերեկը, երբ Բասսը, Ջեննին ու Ջորջն աշխատանքի էին: Փոքրը երեխաներից երկուսը նրան դիմավորեցին կայարանում: Երբ նա տուն մտավ, միսիս Գերհարդը դրկեց նրան, միաժամանակ սրտի դողով մտածելով, թե հիմա անխուսափելիորեն ամեն ինչ կբացվի: Եվ երկար սպասելու կարիք չեղավ: Մի քանի րոպեից հետո Գերհարդը մտավ ննջարան: Սպիտակ ծածկոցով ծածկված մահճակալին քնած էր մի սիրունիկ երեխա: Նա իսկույն հասկացավ, թե դա ինչ երեխա է, բայց ձեվացրեց, թե չի իմանում:

— Այս ո՞ւմն է, — հարցրեց նա:

— Ջեննիի աղջիկն է, — վախվախելով ասաց միսիս Գերհարդը:

— Վաղո՞ւց է այստեղ:

— Ո՛չ այնքան, — հուզվելով՝ պատասխանեց կինը:

— Պետք է կարծել, որ նա ինքն էլ այստեղ է, — ասաց Գերհարդը՝ նույնիսկ չցանկանալով աղջկա անունը տալ:

— Նա աշխատում է որպես սպասուհի, — Ջեննիին պաշտպան կանգնեց միսիս Գերհարդը: — Հիմա նա այնպես լավ է պահում իրեն: Էլ ո՞ւր պիտի գնա: Ձեռ չտա նրան:

Գերհարդը երբ ընտանիքից հեռու էր ապրում, արդեն որոշ բան հասկացել էր: Կրոնական թեմաների մասին խորհելիս նրա մեջ տարօրինակ, անհասկանալի մտքեր ու զգացմունքներ էին ծագել: Իր աղոթքներում նա ամենաբարձյալին խոստովանում էր, որ իզուր է աղջկա հետ այդպես վար-

վել: Բայց դեռ չէր որոշել, թե այսուհետև ինչպես վարվի նրա հետ: Աղջիկը ծանր մեղք էր գործել, որից փախչել չի լինի:

Երեկոյան, երբ Զեննին տուն վերադարձավ, արդեն հանդիպումից խույս տալ չէր կարելի: Գերհարզը լուսամուտից տեսավ նրան և ձևացրեց, թե ամբողջովին տարված է լրագրի ընթերցանությամբ: Կինը, որ առաջ աղաչում էր նրան գեթ նայել Զեննիի վրա, այժմ վախից դողում էր, թե հանկարծ մի խոսքով կամ շարժումով կվիրավորի նրան:

— Ահա նա գալիս է,— ասաց միսիս Գերհարզը, մտնելով սեղանատուն, որտեղ ամուսինն էր նստած, բայց Գերհարզը նույնիսկ զլուխը չբարձրացրեց:— Գոնե մի խոսք ասա նրան,— խնդրեց նա նախքան դուռը կբացվեր, բայց ամուսինը չպատասխանեց:

Երբ Զեննին տուն մտավ, մայրը նրան շնչաց.

— Հայրդ սեղանատանն է:

Զեննին գունատվեց, մատը սեղմեց շուրթերին և անվճռական կանգ առավ, չիմանալով ինչ անել:

— Նա տեսե՞լ է...

Եվ լռեց, մոր երեսից հասկանալով, որ հայրն արդեն գիտե երեխայի գոյության մասին:

— Գնա, մի վախենա,— ասաց միսիս Գերհարզը:— Նա բան չի ասի:

Զեննին, վերջապես, մոտեցավ դռանը, տեսավ հորը, որի ճակատին կնճիռներ էին գոյացել որպես նշան ոչ թե ցասումի, այլ խոր մտախոհության, և մի վայրկյան տատանվելուց հետո ներս մտավ:

— Հայրիկ,— խոսեց նա ու կանգ առավ, ուժ չունենալով շարունակել:

Գերհարզը զլուխը բարձրացրեց, նրա մոխրա-դարչնագույն աչքերը մի զննական հայացք գցեցին շիկավուն թավ թարթիչների տակից: Աղջկան տեսնելուն պես նրա մեջ մի հնչ-որ բան շարժվեց, բայց նա ծածկվեց իր անհողողդողությամբ ինչպես վահանով և ամենևին ցույց չտվեց, թե ուրախ է աղջկան տեսնելուն: Նրա մեջ կատաղի տալքար էր գնում պայմանական, ընդունված բարոյականության և բնական,

հայրական զգացմունքի միջև, բայց ինչպես հաճախ լինում է սահմանափակ մարդկանց հետ, պայմանականության ուժը ժամանակավորապես հաղթեց:

— Ի՞նչ,— ասաց նա:

— Դու ինձ չե՞ս ներում, հայրիկ:

— Ներում եմ,— մռայլ խոսեց Գերհարդը:

Ջեննին մի սլաֆ տատանվեց, ապա մի քայլ արավ դեպի հայրը. Գերհարդը շատ լավ հասկացավ, թե ինչի համար:

— Լավ, վերջ,— ասաց հայրը թեթևակի ետ հրելով աղջրկան, հենց որ նրա շրթունքները դիպան հոր շապիված այտին:

Սառն էր նրանց հանդիպումը:

Երբ այս դառն փորձությունից հետո Ջեննին խոհանոց մտավ և հանդիպեց մոր տաղնապահար հայացքին, փորձեց բացատրել, թե ամեն ինչ կարծես բարեհաջող անցավ, բայց նրան չհաջողվեց թաքցնել իր զգացմունքները:

«Դուք հաշտվեցի՞ք»,— ուղեց հարցնել մայրը, բայց դեռ մի խոսք էլ չէր ասել, երբ աղջիկը խոհանոցի սեղանի մոտ ընկավ աթոռին, գլուխը ձեռքերի վրա դրեց և սկսեց բարձրաձայն հեկեկալ:

— Կամաց, կամաց,— ասաց միսիս Գերհարդը:— Կարիք չկա լուր: Ի՞նչ ասաց նա քեզ:

Ջեննին միանգամից չկարողացավ այնքան հանգստանալ, որ պատասխանի: Մայրը ջանում էր սիրտ տալ նրան.

— Մի՛ վշտանա, — ասաց նա:— Հայրը միշտ այդպէս է լինում: Հետո ամեն ինչ կարգի կընկնի:

## Գ Լ ՈՒՄ XV

Գերհարդի գալուց հետո երեխայի հետ կապված խնդիրները ամբողջ հասակով ծառացան: Գերհարդը կամա թե ակամա պիտի հակվեր դեպի այն տեսակետը, որ բնական է սլաֆի համար. չէ՞ որ երեխան էլ մարդ է, կենդանի հոգի: Նա ինքն իրեն հարց էր տալիս, թե երեխային մկրտե՞լ են արդյոք: Հետո դրա մասին հարցրեց տնեցիներին:

— Դեռ ոչ,— պատասխանեց կինը, որն այդ սրբազան պարտականությունը չէր մոռացել, բայց վստահ չէր, թե իր թոռնիկին կընդունեն՝ եկեղեցու գիրկը:

— Դե, իհարկե՛ղեռ ոչ,— փնջացրեց Գերհարդը: Նա շատ էլ մեծ կարծիքի չէր կնոջ բարեպաշտության մասին:— Ինչպիսի՜ անհոգություն, ինչպիսի՜ անհավատություն: Հիսնալի է, խոսք չունեմ:

Մի պահ մտածելուց հետո նա որոշեց, որ անհրաժեշտ է անհապաղ շարիքն ուղղել:

— Երեխային պետք է մկրտել,— ասաց նա:— Ինչո՞ւ նա չի արել այդ:

Միսիս Գերհարդը հիշեցրեց նրան, որ զրա համար կընքահայր է հարկավոր, բացի այդ, երեխային մկրտելու համար անխուսափելիորեն հարկ կլինի խոստովանել, որ նա օրինական հայր չունի:

Այս լսելով Գերհարդը մի քանի րոպե լռեց, բայց նրա հավատն այնպիսին չէր, որ նման դժվարությունները նրան ստիպեին մոռանալ իր պարտքը: Ինչպե՞ս կնայի աստված այդպիսի խուսափանքներին: Դա քրիստոնեաբար չէ, և Գերհարդը պարտավոր է հոգալ, որ այս գործն ուղղվի: Զեննին պետք է անհապաղ երեխային տանի եկեղեցի և մկրտի, իսկ ինքն ու կինը կնքահայր ու կնքամայր կլինեն: Կամ գուցե շարժե աղջկան այդպիսի ներողամտություն ցուցաբերել, ինքը պարզապես կհոգա, որ երեխային մկրտեն իր բացակայությամբ: Նա երկար խորհեց այս դժվարին զրույցյան մասին և, վերջապես, որոշեց, որ մկրտությունը պիտի տեղի ունենա առաջիկա լի օրերից մեկին, Մենդյան տոնի ու Նոր տարվա միջև, երբ Զեննին աշխատանքի կլինի: Այս միտքը նա առաջարկեց կնոջը և նրա հավանությունն էլ ստանալով արտահայտեց էլի մի միտք, որը մտահոգում էր նրան.

— Աղջիկն անուն չունի,— ասաց նա:

Զեննին նույնպես զրա մասին խոսել էր մոր հետ և ասել, որ իրեն դուր է գալիս Վեստա անունը: Այժմ միսիս Գերհարդը համարձակվեց ինքն սուաջարկել այդ.

— Գուցե անունը Վեստա՞ դնենք:

Գերհարդը կնոջը լսեց բոլորովին անտարբեր: Նա արդեն մտքում ընտրություն էր արել: Ինչ երիտասարդության հասակից նրա մտքում մի անուն կար, որը, չգիտես ինչու, չէր օգտագործվել իր աղջիկների համար. Վիլհելմինա: Հասկանալի է, նա չէր էլ մտածում որևէ քնքշանքի մասին թոռան նկատմամբ: Պարզապես դա լսվ անուն է, և աղջիկը պետք է շնորհակալ լինի դրա համար: Մտադրվ ու անբավական տեսքով Գերհարդն առաջարկեց իր առաջին ընծան աղգակցական սեղանին, որովհետև վերջ ի վերջո դա ընծա էր:

— Վատ չէ,— ասաց նա՝ մոռանալով իր անտարբերությունը:— Իսկ զուցե Վիլհելմինա՞ անվանենք:

Միսիս Գերհարդը շհամարձակվեց հակառակվել նրան, քանի որ նա արդեն ակամա փափկել էր: Կանացի տակտը փրկեց նրան:

— Կարելի է երկու անունն էլ տալ,— ասաց նա:

— Ինձ համար միևնույն է,— պատասխանեց Գերհարդը՝ նորից մտնելով իր կեղևի մեջ, որից դուրս էր եկել ինքն էլ չնկատելով այդ:— Կարևորն այն է, որ մկրտվի:

Ջեննին ուրախությամբ լսեց այս ամենի մասին, որովհետև նա ուզում էր անպայման իր աղջկա համար հասնել բոլոր հնարավոր առավելություններին, լինի այդ կրոնի թե որևէ այլ հարցում: Նա շատ աշխատանք թափեց, որպեսզի օրինակելի չափով օսլայի և հարթուկի երեխայի շորը և ամեն ինչ, ինչով նշանակված օրը զուգելու էին աղջկան:

Գերհարդը մի լութերական քահանա գտավ՝ մեծագույն ու ամրակազմ մի եկեղեցու սպասավոր, որը շատ բծախնդիր ու ձևապաշտ մարդ էր, և իր խնդիրքը հայտնեց նրան:

— Ձեր թոռնի՞կն է երեխան,— հարցրեց քահանան:

— Այո,— ասաց Գերհարդը:— Հայրն այստեղ չէ:

— Այդպե՞ս,— ծոր տվեց քահանան հետաքրքրությամբ նայելով զրուցակցին:

Բայց Գերհարդին շփոթեցնելը հեշտ չէր: Նա բացատրեց, թե երեխային մկրտելու կբերեն ինքն ու իր կինը: Քահանան գլխի ընկավ, թե որն է զրույցյան գծվարությունը և այլևս չշարունակեց հարցուփորձ անել:



— Եկեղեցին չի կարող մկրտութիւնը մերժել, քանի որ դուք, որպէս պապ, ցանկութիւն եք հայտնում երեխայի կընքահայրը դառնալ, — ասաց նա։

Գերհարզը գնաց հիւմանդագին զգացողութեամբ, որ խայտառակութեան ստվերն իր վրա էլ է ընկել, բայց միևնույն ժամանակ հաճելի էր այն գիտակցութիւնը, որ իր պարտքը կատարել է։ Հիմա նա աղջկան կտանի եկեղեցի, նրան կմկրտեն, և այն ժամանակ ամեն մի պատասխանատվութիւն կվերանա իր վրայից։

Բայց երբ մկրտութեան ժամը հասավ, պարզվեց, որ ինչ-որ մի նոր ուժ նրա մեջ ավելի մեծ հետաքրքրութիւն է առաջացնում դեպի երեխան և ավելի մեծ պատասխանատվութեան զգացմունք։ Նա նորից լսեց անողոք կրօնի պատվիրանները, որ սահմանել էր բարձրագույն օրենքը, պատվիրաններ, որոնք մի ժամանակ ամրապնդել էին նրա կապը հարազատ երեխաների հետ։

— Դուք մտադիր եք արդյոք այս երեխային դաստիարակել ավետարանի սիրո ոգով, — հարցնում էր սեպագետ քահանան, երբ Գերհարզն ու իր կինը կանգնել էին նրա առաջ փոքրիկ, խաղաղ եկեղեցում, ուր բերել էին նրանք երեխային. նա ծեսին համապատասխան հարցեր էր տալիս։ Գերհարզն տեսաւ. «Այո», և միտիս Գերհարզը նույնպէս դրական պատասխան տվեց։

— Պարտավորվում եք արդյոք հարկ եղած հոգատառութեամբ ու ջանասիրութեամբ, ճշմարիտ օրինակով ու խստութեամբ ուղիղ ճանապարհի դնել նրան և պաշտպանել ամեն շարից ու սովորեցնել հնազանդվել ասածո կամքին, ինչպէս սրա մասին ասված է սուրբ գրքում։

Գերհարզը լսում էր, և հանկարծ նրա ուղեղում կայծակի պէս փայլատակեց այն միտքը, ինչ տեղի էր ունեցել իր երեխաների հետ. նրանց էլ, ահա, այսպէս մկրտել էին։ Նրանք էլ լսել էին իր հանդիսավոր խոստումը՝ հոգալ նրանց հոգեկան բարեկեցութեան մասին։ Նա լուռ էր։

— Այո, պարտավորվում ենք, — թելադրեց քահանան։

— Այո, պարտավորվում ենք,— խոնարհաբար կրկնեցին Գերհարդն ու իր կիները:

— Մկրտության ծեսով դուք այս մանկան բախտը հանձնում եք արդյոք տեր աստծո ձեռքը, որը կյանք է տվել նրան:

— Այո:

— Եվ, վերջապես, եթե դուք պատրաստ եք խղճի մտոք հաշտարարել աստծո առաջ, որ ձեր հավատն ամուր է և ձեր երդումներն անսասան են և ընդունված ձեր սրտով, հաստատեցեք այդ աստծո առաջ, ասելով՝ այո:

— Այո,— կրկնեցին նրանք:

— Մկրտվում է մանուկը Վիլհելմինա-Վեստա, հանուն հոր և որդու և հոգույն սրբո, — ավարտեց քահանան ձեռքերը մեկնելով երեխայի վրա: Աղոթեց:

Գերհարդը ճերմակած գլուխը խոնարհեց և սկսեց մրմընջալ աղոթքի խոսքերը:

Այդ հանդիսավոր խոսքերը լսելով՝ նա մեծ պատուսխանատվություն զգաց իր կնոջ ձեռքերին պառկած այդ փոքրիկ, մերժված արարածի համար, զգաց, որ ինքը պետք է հոգ տանի թոռան մասին, որ ինքը նրա համար սպասախանատու է աստծո առաջ: Նա երկյուղածությամբ գլուխը խոնարհեց, և երբ արարողությունը վերջացավ ու նրանք եկեղեցուց դուրս եկան, իր զդացմունքներն արտահայտելու խոսքեր չգտավ: Նա խոր ու ջերմ հավատ ուներ: Աստված նրա համար կենդանի էակ էր, բարձրագույն իրականություն: Կրոնը ներկայացնում է ոչ միայն հետաքրքիր մտքեր, խոսքեր, որ լսում ես կիրակի օրերը, այլև դա աստվածային կամքի հզոր, կենդանի արտահայտություն է, որ ժառանգություն է մնացել այն ժամանակներից, երբ մարդիկ անձնական, անմիջական հաղորդակցության մեջ էին աստծո հետ: Նա կրոնի պատվիրանների կատարման մեջ էր տեսնում սփոփանքն ու փրկությունը, միակ մխիթարությունը արարածի համար, որն առաքված է թափառելու այս անցավոր աշխարհում, որի իմաստը մեզ համար կբացահայտվի ո՛չ այստեղ, այլ երկնքում: Գերհարդը

դանդաղորեն քայլում էր փողոցով, խորհելով այն սրբազան խոսքերի մասին, որ լսել և ինքն էլ արտասանել էր եկեղեցում, և այն պարտավորությունների մասին, որ այդ խոսքերը դնում էին իր վրա, և վերանում էր զզվանքի վերջին սովերը, որ համակել էր իրեն երեխայի հետ եկեղեցի գալիս, իր տեղը զիջելով միանգամայն բնական քնքշանքին։ Որքան էլ ծանր մեղք գործած լինի իր դուստրը, երեխան ոչ մի հանցանք չունի։ Այս անօգնական, թույլ արարածը իրենից սեր ու հոդատարություն էր պահանջում։ Գերհարգն զգում էր, որ իր սիրտը մղվում է դեպի երեխան, բայց նա չէր կարող միանգամից զիջել իր դիրքերը։

— Հիանալի մարդ է,— ասաց նա քահանայի մասին կնոջ կողքով քայլելիս և իր նոր պարտականության մտքերի ազդեցության տակ արագորեն մեղմանալով։

— Այո, ճիշտ է,— վհերթոտ համաձայնեց միսիս Գերհարգը։

— Եկեղեցին էլ լավն է,— ասաց ամուսինը։

— Այո։

Գերհարգը այս ու այն կողմ նայեց, տներին, փողոցին, որ այնպես աշխուժացել էր ձմեռային այդ արևոտ օրը և, վերջապես, նայեց երեխային, որ գրկած տանում էր իր կինը։

— Դա, երևի, ծանր է քեզ համար,— ասաց նա գերմաներեն։— Տուր ես տանեմ։

Միսիս Գերհարգը հոգնած լինելով՝ համաձայնեց։

— Դե, տեսնենք,— ասաց Գերհարգը նայելով մանկանը և նրա գլուխը հենելով իր ուսին, որպեսզի ավելի հարմար լինի։— Հուսանք, որ սա արժանի կլինի այն ամենին, ինչ այսօր արվեց իր համար։

Եվ միսիս Գերհարգը լավ հասկացավ, թե ինչ է հնչում նրա ձայնի մեջ։ Այս երեխայի ներկայությունն իրենց տանը գուցե և շատ անգամ ծանր տրամադրության և սուր խոսքերի առիթ կլինի, բայց մի ուրիշ, ավելի հզոր ուժ կզսպի Գերհարգին։ Նա միշտ կհիշի երեխայի հոգու մասին։ Նա այլևս երբեք չի հրաժարվի նրա մասին հոգալուց։

Վերջին օրերը, որ Գերհարդն անցկացրեց Քլիվլենդում, ասես նա քաշվում էր Ջեննիի ներկայությամբ և աշխատում էր ձեռքները, թե նրան չի նկատում: Երբ գնալու ժամանակը եկավ, նա մեկնեց առանց աղջկան հրաժեշտ տալու և կնոջը հանձնարարեց, որ իր փոխարեն ինքն անի այդ, բայց հետո, Յունգսթաունի ճանապարհին նա ցավեց, որ այդպես է արել: «Հարկավոր էր հրաժեշտ տալ նրան»,— մտածում էր նա գնացքում: Բայց արդեն շատ ուշ էր:

Իսկ ընտանիքի կյանքն ընթանում էր իր կարգով: Ջեննին շարունակում էր ծառայել միսիս Բրայսբրիջի մոտ: Սեբաստյանը ամուր հաստատվել էր ծխախոտի խանութում որպես վաճառող: Ջորջի ռոճիկն ավելացրին մինչև երեք դոլլար, իսկ հետո նույնիսկ մինչև երեքուկես: Դա ո՛չ դուրսին, տխուր ու միապաղաղ դոյություն էր: Ածուխը, կենսամթերքը, կոշիկն ու հագուստը խոսակցության գլխավոր նյութն էր: Բոլորը կաշվից դուրս էին գալիս՝ ջանալով ծայրը ծայրին հասցրնել:

Ջեննիի զգայուն սրտի վրա շատ հոգսեր էին ծանրացել, բայց ամենից ավելի նրան անհանգստացնում էր իր ապագան, և այդ ո՛չ այնքան իր համար, որքան իր մանկան և հարազատների համար: Նա չէր կարողանում պատկերացնել, թե ինչ է սպասում իրեն: «Ու՞մ եմ պետք ես»,— նորից ու նորից հարց էր տալիս ինքն իրեն: Ի՞նչ անել երեխային, եթե որևէ մեկը սիրի իրեն: Իսկ այդ միանգամայն հնարավոր էր. Ջեննին ջահել էր, գեղեցիկ, և տղամարդիկ սիրով սիրահետում էին նրան, ավելի ճիշտ՝ փորձում էին սիրահետել: Բրայսբրիջների մոտ շատ հյուրեր էին լինում, և նրանցից ոմանք փորձում էին կաշել այդ սիրունիկ սպասուհուց:

— Աղջիկս, ախր դուք ուղղակի չքնաղ եք,— ասաց նրան արդեն հիսունն անց մի ծեր թեթևաոլիկ, երբ մի առավոտ Ջեննին տիրուհու պատվերով ինչ-որ գործով գնացել էր նրա մոտ:

— Ներեցեք ինձ,— ասաց նա կարմրելով:

— Ծշմարիտ, դուք զմայլելի աղջիկ եք: Եվ ինձնից նեփոքորութուն խնդրելու կարիք էլ չկա: Ես կուղեմ մի քիչ խոսակ ձեզ հետ:

Եվ նա փորձեց շոյել աղջկա այտը, բայց Ջեննին շուռ եկավ և արագ հեռացավ: Նա ուղում էր այդ դեպքը պատմել տիրուհուն, բայց ամոթը չթողեց: «Ինչո՞ւ տղամարդիկ միշտ այդպես են վարվում,— մտածում էր նա: Գուցե հենց ի՞ր մեջ ի բնե մի արատ կա, ներքին մի փշաքաժութուն, որը ձգում է փշաքաժ մարդկանց»:

Անպաշտպան բնավորութուններն հետաքրքիր դիժ. նրանք ասես մի աման մեղր լինեն ճանճերի համար, նրանց երբեք ոչինչ չեն տալիս, բայց նրանցից վերցնում են շատ: Մեղմ, զիջողամիտ, անշահախնդիր մարդը միշտ էլ սովար է դառնում ամբոխի համար: Մարդիկ հեռվից զգում են նրա անպաշտպան լինելը: Սովորական տղամարդկանց համար Ջեննիի նման աղջիկը ասես կրակ լինի, որի մոտ կարելի է տաքանալ: Նրանք ձգտում են դեպի այդպիսի աղջիկը, աշխատում են նրա համակրանքը նվաճել, փափագում են տիրապետել նրան: Ահա թե ինչու շատերն էին նեղացնում նրան իրենց սիրալիր վերաբերմունքով:

Մի անգամ Յինցիննատիից Բրայսբրիջների մոտ հյուր եկավ ոմն Լեսթեր Քեյն, որի հայրը կառքերի խոշոր գործարանատեր էր և լավ հայտնի էր ոչ միայն Յինցիննատիում, այլև ամբողջ երկրում: Լեսթեր Քեյնը հաճախ էր այցելում Բրայսբրիջներին: Առանձնապես մտերիմ էր միսիս Բրայսբրիջի հետ, որը մեծացել էր Յինցիննատիում և աղջիկ ժամանակ հաճախ էր լինում նրա հոր տանը: Նա լավ ճանաչում էր Լեսթերի մորը, նրա եղբորն ու քույրերին և միշտ էլ սիրված մարդ էր Քեյնների ընտանիքում:

— Գիտե՞ս, Հենրի, վաղը Լեսթերը գալու է,— ամուսնուն ասաց միսիս Բրայսբրիջը Ջեննիի ներկայությամբ:— Այսօր ևս հեռագիր ստացա նրանից: Տեսնո՞ւմ ես դատարկապորտին: Ես նրան կտեղավորեմ վերևը, արևելյան մեծ սենյակում: Ուշադիր եղիր նրա հետ: Նրա հայրը միշտ էլ շատ բարի է եղել իմ նկատմամբ:

— Գիտեմ,— հանդիստ ասաց ամուսինը:— Լեսթերն ինձ դուր է դալիս: Իրենց ընտանիքում նա ամենահետաքրքիր ու խելացի տղան է: Միայն թե շատ անտարբեր է ամեն ինչի նկատմամբ: Ոչ մի բան չի հուզում նրան:

— Այո, բայց շատ լավ մարդ է, իմ ճանաչած մարդկանցից ամենալավը:

— Ես նրա հետ միանգամայն կարգին կլինեմ: Կարծեմ ես միշտ էլ սիրալիր եմ եղել քո բարեկամների հետ:

— Այո, շատ:

— Դե, էլ ինչ կա,— ասաց ամուսինը:

Ջեննին պատրաստվել էր տեսնելու մի արտասովոր մարդու և չէր սխալվել: Հյուրասենյակ մտավ և տանտիրուհուն ողջունեց մոտ երեսունվեց տարեկան մի մարդ՝ միջակից ավելի բարձր հասակով, ասլետիկ կազմվածքով, գլուխը բարձր բռնած, վճիտ աչքերով և համառ կզակով: Նա զարմանալի ուժեղ ու հնչեղ ձայն ուներ, այնպես, որ այդ ձայնը լսելիս և՛ ծանոթները, և՛ անծանոթները ակամա կանգ էին առնում և ետ նայում: Նա խոսում էր պարզ ու հակիրճ:

— Բարի օր,— սկսեց նա՝ ողջունելով տանտիրուհուն:— Ուրախ եմ նորից տեսնելու ձեզ: Ինչպե՞ս է միստր Բրայսբրիջը: Ինչպե՞ս է Ֆեննին:

Հարցերը հնչում էին եռանդով ու մտերմաբար, և միսիս Բրայսբրիջը պատասխանեց նուշալիսի ջերմությամբ:

— Ես շատ ուրախ եմ, որ եկաք, Լեսթեր,— ասաց նա:— Ջորջը ձեր իրերը վերև կտանի: Դեռևս իմ սենյակը, այնտեղ ավելի լավ է: Ինչպե՞ս են պապիկն ու Լուիզան:

Հյուրը նրա հտեից սանդուղքով վերև բարձրացավ, և Ջեննին, որ հարթակում կանգնած ականջ էր դնում, միանգամից զգաց նրա արտասովոր հմայքը: Նրան թվում էր— նա ինքն էլ չէր կարող բացատրել, թե ինչու— եկել է իմկապես մի մեծ ու հազվագյուտ մարդ: Ամբողջ տունն ասես աշխուժացավ: Տանտիրուհին անհամեմատ ավելի սիրալիր և բարեհամբույր դարձավ: Ամեն մեկն ուզում էր մի որևէ բան անել հյուրի համար:

Ջեննին շարունակում էր աշխատել, բայց եկվորի թողած

տալաժորությունից աղատվել չէր կարողանում: Նա մտքում կրկնում էր նրա անունը՝ Լեսթեր Քեյն: Յինցիննատից: Շուտ-շուտ գաղտագողի նայում էր նրան. առաջին անգամն էր կյանքում, որ անծանոթ մարդն այդպես հետաքրքրում էր նրան: Այդ մարդն այնպես բարեկալմ էր, գեղեցիկ, ուժեղ: Հետաքրքիր էր իմանալ՝ ինչո՞ւ է զբաղվում նա: Եվ միևնույն ժամանակ նա մի փոքր վախեցնում էր Ջեննիին: Մի անգամ նա որսաց հյուրի սենեուն, փորաթափանց հայացքն իր վրա: Նա ներքուստ ցնցվեց և առաջին իսկ հնարավորության դեպքում դուրս գնաց սենյակից: Մի ուրիշ անգամ հյուրն ուղեց խոսել Ջեննիի հետ, բայց նա ձևացրեց, թե խիստ ղբաղված է և շտապեց դուրս գնալ: Հաճախ նա, նույնիսկ առանց հյուրի կողմը նայելու, գիտեր, որ նա իրեն է նայում, և մի անորոշ տագնապ էր զգում: Նա ուզում էր փախչել այդ մարդուց, թեև դրա համար ոչ մի տեսանելի պատճառ չկար:

Եվ այդ մարդն էլ, որի հարստությունը, դաստիարակությունը և հասարակության մեջ ունեցած դիրքը շատ ավելի բարձր էին դասում նրան Ջեննիից, նույնպես ահամասկեսց հետաքրքրվել այդ արտասովոր աղջկանով: Ինչպես և շատ ուրիշներին՝ նրան հրապուրում էր Ջեննիի զարմանալի քնքուշ կանացիությունը: Նրա մեջ կար մի ինչ-որ բան, որը հաղվադեպ ու սքանչելի սեր էր խոստանում: Եվ նա զգում էր, որ դժվար չէ այդ աղջկան հաղթել, թեպետև չէր հասկանում, թե ինչու: Այն ամենը, ինչ ասլրել էր Ջեննին, ամենեւիլն չէր ազդում նրա արտաքինի վրա: Նրա վարվեցողության մեջ կոտորովելու ամենաչնչին նշան անգամ չկար, և այնուամենայնիվ Քեյնն զգում էր, հաջողությունն ապահովված է: Նա պատրաստ էր հենց հիմա փորձել իր բախտը, բայց գործերը նրան ստիպեցին չորս օր հետո մեկնել Քլիվլենդից: Երեք շաբաթ նա բացակա էր: Ջեննին կարծում էր, թե նա այլևս չի վերադառնա և զարմանալի թեթևություն էր զգում և դրա հետ միասին՝ անհանգստություն: Եվ հանկարծ նա նորից եկավ: Ըստ երևույթին, նրան չէին սպասում, և նա միսիս Բրայսբրիջին բացատրեց, թե ինքը նորից գործեր ունի

Քլիվլենդում: Այս ասելիս նա մի թուուցիկ հայացք գցեց Ջեննիի վրա, և աղջկան թվաց, թե գուցե նա մասամբ հենց իր համար է այստեղ:

Այս գալուստն Ջեննին հաճախ էր տեսնում հյուրին մերթնախաճաշի ժամանակ, որին ինքը երբեմն սպասարկում էր, մերթնաճաշի ժամանակ, երբ ինքը հյուրին կարող էր նայել դահլիճից կամ հյուրասենյակից, մերթնաղարդասենյակում, ուր նա երբեմն մտնում էր միսիս Բրայսթրիջի հետ զրուցելու: Նրանք շատ մտերիմ էին իրար հետ: Քեյնի գալուստ երկրորդ օրը Ջեննին լսեց, թե ինչպես միսիս Բրայսթրիջը նրան ասաց.

— Ինչու՞ չեք ամուսնանում, Լեսթեր: Ժամանակն է կարծես:

— Գիտեմ, ժամանակն է,— պատասխանեց նա,— բայց ինչ-որ տրամադրություն չունեմ: Ուզում եմ էլի մի քիչ ազատ զբոսնել:

— Գիտեմ, գիտեմ ես ձեր զբոսանքը: Ամաչեիք գոնե: Գուր ինչքա՞ն եք վշտացնում ձեր հորը:

Քեյնը ժպտաց:

— Հայրս իմ պատճառով այնքան էլ չի վշտանում: Նա ամբողջովին թաղված է գործերի մեջ:

Ջեննին հետաքրքրությամբ նայեց հյուրին: Նա հագիվ թե ինքն էլ կարողանում էր հասկանալ իր մտքերը, բայց այդ մարդը ձգտում է նրան: Եթե նա հասկանար, թե ինչու է այդպես, առանց հետ նայելու կփախչեր նրանից:

Հյուրն ավելի ու ավելի ուշադիր էր դառնում, հաճախ նրան էր դիմում որեւէ պատահական դիտողությունով և աշխատում էր խոսակցության մեջ քաշել աղջկան: Ջեննին չէր կարող չպատասխանել. նա այնքա՞ն դուրեկան ու սիրելի էր: Նղավ, որ մի առավոտ Լեսթերը նրան գտավ երկրորդ հարկի միջանցքում, որտեղ Ջեննին պահարանից սպիտակեղեն էր հանում: Նրանք մենակ էին. միսիս Բրայսթրիջը գնումների էր գնացել, իսկ ծառաները ցածումն էին: Քեյնն իսկույն օգտվեց դրանից: Նա Ջեննիին մոտեցավ ամենավաճառական ու տիրական տեսքով:



— Ես պետք է խոսեմ ձեզ հետ,— ասաց նա:— Որտե՞ղ եք ապրում դուք:

— Ես... ես... Լորրի-սթրիթում, — թոթովեց Ջեննին նկատելի սփրթնելով:

— Տան համա՞րը,— հարցրեց նա, կարծես աղջիկը պարտավոր էր պատասխանել:

Ջեննիի սիրտը սեղմվեց:

— Տասներեք-տասնչորս,— մեքենայաբար ասաց նա:

Հյուրի համարձակ, մուգ դարչնագույն աչքերը վստահ ու բազմանշանակ նայեցին աղջկա խոշոր, կապուտակ աչքերի խորքը, և ասես մի կայծ անցավ նրանց միջով:

— Դու ի՞մն ես,— ասաց նա:— Ես վաղուց էի որոնում քեզ: Ե՞րբ կհանդիպենք մենք:

— Այդպես մի խոսեք,— ասաց Ջեննին հուզմունքով մատները սեղմելով շուրթերին:— Ես չեմ կարող հանդիպել ձեզ հետ... ես... ես...

— Ա՛խ, չխոսե՛մ: Ա՛յ թե ինչ,— նա բռնեց աղջկա ձեռքը և թեթևակի քաշեց իր կողմը,— արի միանգամից պայմանավորվենք: Դու ինձ դուր ես գալիս: Իսկ ես քե՞զ: Ասա՛:

Ջեննին նայում էր նրան զարմանքից ու սարսափից չռված աչքերով:

— Չգիտեմ,— շնչասպառ լինելով ասաց նա ցամաքած շուրթերով:

— Դո՞ւր եմ գալիս:

Նա մոռալ ու համառ նայում էր աղջկան:

— Չգիտեմ:

— Նայի՛ր ինձ:

— Այո... ասաց նա:

Նա ամուր գրկեց աղջկան:

— Մենք դեռ կխոսենք,— ասաց նա և տիրաբար համբուրեց աղջկա շուրթերը:

Ջեննին սարսափել ու շշմել էր կատվի ճանկն ընկած թռչնակի պես: Եվ այնուամենայնիվ նրա մեջ ինչ-որ մի բան արձագանքեց այդ ճակատագրական, սոսկալի ու աննահանջ կոչին: Լեսթերը ծիծաղեց և բաց թողեց նրան:

— Այստեղ այս բանն այլևս չի կրկնվի, բայց հիշիր, դու իմն ես,— ասաց նա, շուտ եկավ և զնաց թեթև, անհոգ քայլվածքով:

Իսկ Ջեննին սոսկումով պատած նետվեց տիրուհու նընջարանը և դուռը բանալիով փակեց:

## Գ Լ ՈՒՄ XVII

Քյո անսպասելի խոսակցությունից Ջեննին այնպես էր ցնցվել, որ երկար ժամանակ ուշքի գալ չէր կարողանում: Սկզբում նա պարզապես չէր հասկանում, թե այս ինչ պատահեց: Դա կարծես որոտ լիներ պարզ ու ջինջ երկնքում: Նորից նա ենթարկվել էր տղամարդու ինչո՞ւ: Ինչո՞ւ,— հարց էր տալիս նա ինքն իրեն, և սակայն հոգու խորքում ինչ-որ մի տեղ պատասխանը պատրաստ էր: Նա չէր կարող բացատրել իր զգացածը, բայց ինքն ստեղծված էր այդ մարդու համար և նա էլ՝ իր համար:

Սիրո մեջ, ինչպես և ճակատամարտում, յուրաքանչյուրն իր բախտն ունի: Խելացի, եռանդուն ու հաստատակամ այդ մարդը, հարուստ գործարանատիրոջ որդին, որը հասարակության մեջ անհամեմատ ավելի բարձր դիրք ուներ, քան Ջեննին, մի ակամա, անհաղթահարելի մղում էր ղգում դեպի այդ աղքատ սպասուհին: Այդ աղջիկը ներքուստ մոտիկ էր իրեն, թեպետև ինքն այդ չէր գիտակցում: Դա միակ կինն էր, որի մեջ նա կարող էր գտնել այն ամենագլխավորը, ինչ նրան միշտ պակասում էր: Լեսթեր Քեյնը շատ բազմապիսի կանանց էր ճանաչում, հարուստների ու աղքատների, այն դասակարգի ներկայացուցիչներին, որին ինքն էլ պատկանում էր, ճանաչում էր և պրոլետարների աղջիկների, բայց դեռ երբեք նա չէր հանդիպել իր իդեալին, այնպիսի կնոջ, որն իր մեջ մարմնավորի կարեկցությունն ու բարությունը, գեղեցկությունն ու ջահելությունը: Բայց նա միշտ երազել էր հենց այդպիսի կին, և հանդիպելով նրան՝ մտադիր չէր հեռքից բաց թողնել: Նա հասկանում էր, որ ամուսնանալու մա-

սին մտածելու համար նա պետք է այդպիսի կին գտնի իր շրջապատում: Բայց եթե մտածելու լինի կարճատև երջանկության մասին, կին կարող է գտնել որտեղ ցանկանա, թեև, հասկանալի է, այդ դեպքում ամուսնության մասին խոսք անգամ լինել չի կարող: Նրա մտքովն էլ չէր անցնում, թե ինքը կարող է լուրջ առաջարկություն անել մի սպասուհու: Բայց Ջեննին ուրիշ բան է: Այդպիսի սպասուհի նա երբեք չի տեսել: Նա այնպիսի ազնիվ տեսք ունի, այնպես թուփշ է և այն էլ, ըստ երևույթին, ինքն էլ չի գիտակցում այդ: Այո, սա հազվագյուտ աղջիկ է: Ինչո՞ւ չփորձել տիրանալ նրան: Արդարադատ լինենք Լեսթեր Քեյնի նկատմամբ, փորձենք հասկանալ նրան: Ամեն իսկը չի կարելի չափել մի ինչ-որ անմիտ արարքով: Ամեն մեկին չի կարելի դատել նրա մի ինչ-որ կրքով: Մեր դարում նյութական ուժերի ներգործությունը համարյա անհաղթահարելի է. նրանք ճնշում ու խորտակում են հոգին: Զարհուրելի արագությամբ զարգանում ու բարդանում է մեր քաղաքակրթությունը, բազմապիսի ու փոփոխական են հասարակական կյանքի ձևերը, մեր անհաստատ, նրբացած և աղճատված երևակայության վրա խիստ այլազան ու անսպասելի են ազդում, օրինակ, այնպիսի գործոններ, ինչպիսիք են երկաթուղիները, ճեպընթաց գնացքները, փոստը, հեռագիրը և հեռախոսը, լրագիրը, մի խոսքով, մեր հասարակության մեջ գոյություն ունեցող հաղորդակցության ու կապի միջոցների ամբողջ մեխանիզմը: Այս ամենն ամբողջությամբ վերցրած ստեղծում է կալեյդոսկոպիկ խաչտաբղետություն, կուրացուցիչ, անկանոն կենսական ֆանտաստիկա, որը հյուծում, բթացնում է սիրտը և ուղեղը: Այստեղից էլ՝ յուրատեսակ մտավոր հոգնածությունը, և ամեն մի օրը բազմապատկում է նրա զոհերի թիվը, նրանց թիվը, ովքեր տառապում են անքնությամբ, մեղամաղձությունով կամ պարզապես խելագարվում են: Ժամանակակից մարդու ուղեղը, ինչպես երևում է, ընդունակ չէ տեղավորելու, դասավորելու և պահպանելու ամեն օր նրա վրա տեղացող փաստերի ու տպավորությունների վիթխարի զանգվածը: Մենք չափից ավելի ակնառու ենք ապրում և արտաքին աշխարհից թաքնը-

լիելու տեղ շունենք: Մենք ստիպված ենք լինում խիստ շատ բան ընկալել: Ասես անծայրության իմաստությունը փորձում է իր համար ճանապարհ բացել դեպի նեղվածք զանգերը և տեղավորվել սահմանափակ ուղեղներում:

Լեսթեր Քեյնը այս աննորմալ պայմանների բնական արդյունքն էր: Նա այնպիսի ուժի սուր ու դիտող խելք ուներ, որպիսին հանդիպում է Ռաբլեի հերոսների մոտ, բայց շրջապատի բաղմակերպությունը, կյանքի պանորամայի անսահման լայնությունը, նրա մանրամասնությունների փայլը, նրանց ձևի անորսալիությունը, նրանց անորոշությունն ու արդարացված չլինելը մոլորեցնում էին նրան: Նա մեծացել էր կաթոլիկական ընտանիքում, բայց արդեն չէր հավատում կաթոլիկության աստվածային բնույթին: Նա պատկանում էր հասարակության սերուցքին, բայց այն պատկերացումը, թե մարդն իր ծնունդի և հասարակական դիրքի շնորհիվ կարող է ինչ-որ անկապտելի գերազանցություն ունենալ ուրիշ մարդկանց նկատմամբ, նրա համար դատարկ նախապաշարմունք էր դարձել: Նա դաստիարակված էր որպես հաբուստ ժառանգ, և ենթադրվում էր, որ իր համար կին կգտնի իր շրջապատում, բայց նա ամենևին հավատացած չէր, թե ընդհանրապես ինքը կցանկանա ամուսնանալ: Հասկանալի է՝ ամուսնությունը հասարակական ինստիտուտ է: Այդպես է սահմանված, խոսք չկա: Բայց դրանից ի՞նչ է հետևում: Մարդ պետք է ժամանակին ամուսնանա, դա դարձել է երկրի օրենքը: Այո, իհարկե: Բայց կան երկրորդներ, որտեղ օրենքով սահմանված է բաղմակնություն: Լեսթերին զբաղեցնում էին ուրիշ հարցեր ևս, օրինակ՝ իսկապե՞ս տիեզերքը կառավարում է մեկ միասնական աստված, պետական ո՞ր ձևն է լավ՝ հանրապետությունը, միապետությունը, թե՞ արիստոկրատիայի կառավարումը: Կարճ ասած, բոլոր նյութական, սոցիալական ու բարոյական պրոբլեմներն ընկել էին նրա մտքի հերձադանակի տակ և միայն կիսով չափ բացված էին մնացել: Կյանքում նրա համար անվիճելի ոչինչ չկար: Ոչ մի դրույթ նա չէր ընդունում որպես վերջնական ու անհերքելի, եթե չհաշվենք այն համոզմունքը, որ

պետք է կարգին մարդ լինել: Մնացած ամեն ինչին նա կասկածում էր, հարցնում, հետաձգում, թողնելով, որ իրեն անհանգստացնող պրոբլեմները լուծեն ժամանակը և տիեզերքը շարժող գաղտնի ուժերը: Այո, լեսթեր Քեյնը կրոնական ու հասարակական պայմանների և հասկացողությունների արդյունք էր և այն էլ՝ համակլլած մեր ժողովրդին հատուկ ազատության ոգով, մի ոգի, որ ծնունդ է տալիս մտքերի ու արարքների համարյա անսահման ազատության: Այդ երեսունվեցամյա մարդը, որ առերևույթ այնքան արտասովոր էր, եռանդուն ու խոհական, ըստ էության մի վայրենի էր, որին դաստիարակութունն ու միջավայրը որոշ փայլ էին տվել: Ինչպես այն հարյուրավոր իռլանդացիները, որոնք նրանից մի սերունդ առաջ երկաթուղիներ էին կառուցում, աշխատում էին հանքահորերում, ջրանցքներ էին փորում, երիտասարդ երկրի անթիվ-անհամար կառույցներում աղյուս էին կրում ու կիր շաղախում, լեսթերն էլ ուժեղ մարդ էր, ինքնավստահ ու սրախոս:

— Ցանկալի՞ է ձեզ, որ եկող տարի էլ ես վերադառնամ այստեղ, — հարցրեց նա միաբան Ամբրոզիային, երբ այդ սրբազան հայրը ցանկանում էր ինչ-որ մի զանցանքի համար պատժել տասնութամյա դպրոցականին:

Միաբանը վարմացած նայեց նրան:

— Դա կախված կլինի ձեր հոր կամքից, — ասաց նա:

— Ամենևին ոչ. դա իմ հոր կամքից չի լինի կախված, — առարկեց լեսթերը: — Եթե դուք ձեր մտրակով դիպչեք ինձ, ես ինքս կվճռեմ իմ գործերը: Ես արժանի չեմ պատժի և այլևս երբեք չեմ թույլ տա ծեծել ինձ:

Դժբախտաբար խոսքերն այս անգամ սրբազան հորը չհամոզեցին, բայց, ահա, ուժեղ բռունցքներն օգնեցին. կարճ ընդհարման մեջ լեսթերը մտրակը կոտրտեց, և դա դպրոցական կարգապահության այնպիսի լուրջ խախտում էր, որ նա ստիպված եղավ իրերը հավաքել ու հեռանալ: Դրանից հետո նա հորը կտրական հայտարարեց, թե այլևս սովորելու միտք չունի:

— Ես ուզում եմ գործի անցնել, — բացատրեց նա: —

Դասական կրթութիւնն ինձ համար չէ: Վերջրու ինձ քո գրասենյակը և համոզված եղիր, որ ես կարող եմ գործից գլուխ հանել:

Ծերունի Արշիբալդ Քեյնը, որ ամբողջովին իր գործով տարված անբասիր համբավով մի փեւացի մարդ էր, շահակառակեց նրան:

— Լավ, արի գրասենյակ,— ասաց նա:— Քեզ համար երևի այնտեղ մի զբաղմունք կգտնվի:

Տասնութ տարեկան հասակում իր գործունեութիւնն սկսելով՝ Լեսթերն աշխատում էր մեծ ջանասիրությամբ, և հայրն աստիճանաբար այնպիսի լավ կարծիք կազմեց նրա մասին, որ նրան իր անձնական ներկայացուցչի նման մի բան դարձրեց: Երբ հարկավոր էր լինում պայմանագիր կընփել, որևէ կարևոր քայլ անել կամ մի լուրջ գործարքի համար ֆիրմայի ներկայացուցչին ուղարկել, միշտ էլ ընտրութիւնն ընկնում էր Լեսթերի վրա: Հայրը կուրորեն հավատում էր նրան, և Լեսթերն էլ իր պարտականութիւնները կատարում էր այնպես փեւացի ու ճարպկորեն, այնպիսի հափշտակությամբ, որ այդ հավատը երբեք չէր սասանվում:

«Գործը գործ է»,— այս էր նրա սիրելի խոսքը, և հենց միայն այս խոսքերն արտասանելու ձևից ու տոնից կարելի էր հասկանալ, թե ինչպիսի մարդ է նա:

Անզուսպ ուժեր էին եռում նրա մեջ, և բոցը նորից ու նորից դուրս էր ժայթքում, թեև Լեսթերը հավատացած էր, թե կարող է զսպել այն: Նա, օրինակ, մոլութիւն ուներ գինոս նկատմամբ, ըստ որում ինքը խորապես համոզված էր, թե շափն իմանում է: Նա, ինչպես ինքը ենթադրում էր, խմում էր ո՛չ այնքան շատ, միայն ընկերական շրջապատում և ամենեւեւ չափը չէր անցնում: Մյուս թուլութիւնն արմատացել էր նրա ղգացմունքների մէջ, բայց այստեղ էլ նա համոզված էր, թե ինքն է իր գլխի տերը. նա դյուրությամբ սլատահական կապեր է ստեղծում կանանց հետ, բայց միշտ իմանում էր, թե որտեղ է վտանգը: Եթե մարդիկ հասկանային, որ այդպիսի կապերն իրենց բնույթով իսկ պետք է կարճատև լինեն, այդքան շատ անհաճո բարդութիւններ չէին ծագի: Վերջա-

այեա ինքեք Բեյնը իրեն մխիթարում էր այն մտքով, թե ինքը սիրապետում է իսկական կյանքի գաղտնիքին։ Ամբողջ խնդիրն այն է, որ հասարակական պայմաններն ընդունվեն այնպես, ինչպես կան, միայն որոշ վերապահումներով, և վարվել այնպես, ինչպես քեզ ավելի հարմար է։ Համբերությանից դուրս չգալ, դատարկ բանի համար մեծ աղմուկ չբարձրացնել, քնքշություններ չբանեցնել, այսպիսին էր նրա կենսափիլիսոփայությունը, և նա գերազանց էր համարում այդ։

Նրա հետաքրքրությունը Զեննիի նկատմամբ սկզբում զուտ էգոիստական էր։ Բայց այժմ, երբ նա հայտարարեց իր տղամարդկային իրավունքները, և աղջիկը, համենայն դեպս, մասամբ հնազանդվեց, ինքեքն հասկանալ, որ դա սովորական աղջիկ չէ, մի ժամվա խաղալիք չէ։

Որոշ տղամարդկանց կյանքում լինում է ժամանակ, երբ նրանք սկսում են անգիտակցաբար դնահատել կնոջ երիտասարդությունն ու գեղեցկությունը ո՛չ այնքան երազելով իդեալական երջանկություն, որքան նայելով շրջապատի միջավայրի պայմանականությունը։

— Մի՞թե ես,— հարց են տալիս նրանք իրենք իրենց, Լըբ մտածում են, թե շամուսնանա՞նք արդյոք,— մի՞թե ես ստիպված եմ լինելու ենթարկվել ընդհանուրի կողմից ընդունված բարոյականությանը, պահպանել հասարակության օրենքները, կամովին դառնալ զուսպ ու համեստ, ուրիշին իրաւունք տալ փառնվել իմ գործերին և այս ամենը միայն նրա համար, որ դրկիս մեջ եմ առնում նույնքան հեղհեղուկ էակ, որքան ես ինքս եմ, մի կին, որի ցանկություններն ու քմահաճույքները այնքան ավելի համառ ու տաղտկալի են դառնալու, որքան չքանալու է նրա գեղեցկությունն ու հրապույրը։

Այդ մարդիկ, չցանկանալով ենթարկվել այն բոլոր հնարավոր պատահականություններին, որ իր հետ բերում է օրինական ամուսնությունը, հակված են ընդունելու ո՛չ այնքան ծանրաբեռնող ժամանակավոր կապի առավելությունները։ Նրանք ջանում են կյանքի վայելքներին տիրանալ՝ առանց

դրանց դիմաց վճարելու: Հետագայում, մտածում են նրանք, կարելի կլինի ավելի հաստատուն ու վայելուչ հարսբերություններ ստեղծել՝ խուսափելով կշտամբանքներից կամ ինչ-որ բան արմատապես ուղղելու և կարգավորելու անհրաժեշտությունից:

Լեսթեր Քեյնի համար պատանեկան հրապուրանքների ժամանակն անցել էր, և նա այդ գիտեր: Անփորձ պատանու միամիտ երազանքներն ու իդեալներն անհետ չքացել էին: Նրան ցանկալի էր կնոջ մոտիկությունը, բայց նա շատ քիչ հակում ուներ դրա համար զիջել իր ազատությունը: Ինչու շղթաներ հագնել ոտքերին, եթե կարելի է ավատ թռչուն մնալով ստանալ ամեն բան, ինչ ուզում ես: Իհարկե, նա պետք է գտնի այնպիսի մի կին, որը լիովին համապատասխանեց իրեն, և նրան թվում էր, որ այդպիսին գտել է ի դեմս Զեննիի: Այդ աղջկա մեջ ամեն ինչ համապատասխանում էր նրա ցանկություններին ու ճաշակին, նա դեռ երբեք այդպիսի կնոջ չէր հանդիպել: Նրա հետ ամուսնանալը ոչ միայն անհնարին է, այլև պարտադիր չէ: Բավական է նրան ասել՝ «գնանք», և նա պետք է հնազանդվի, այդպես է նրա բախտը:

Լեսթերը հանգիստ ու անտարբեր խորհում էր այս ամենի մասին: Նա անցավ Զեննիի ապրած աղքատիկ փողոցով, նայեց այդ աղջկան օթևան ծառայող խղճով տնակին: Նրա սիրտը շարժվեց, որ Զեննին այդպես ազնիվ ու դժվար ապրում է այդպիսի աղքատ պայմաններում: Պետք չէ, որ ինքն էլ նրա հետ վարվի մեծահոգաբար, արդար ու ազնվորեն: Ապա աղջկա շքնաղ գեղեցկության հիշողությունը համակեց նրան և փոխեց նրա այդ միտքը: Ո՛ր, հարկավոր է աշխատել տիրանալ նրան՝ այսօր, հենց հիմա, անհապաղ: Ահա թե Լորրի-սթրիթ փողոցում զբոսանք կատարելուց հետո ինչպիսի տրամադրություն էր նա վերադարձավ միսիս Բրայսբրիչի տուն:



Իսկ Զեննին անսահման տագնապով էր բռնված, ինչպես մի մարդ, որի առաջ հանկարծակի մի բարդ ու դժվարին խնդիր է ծառացել: Նա պետք է մտածեր երեխայի մասին, հոր, եղբայրների և քույրերի մասին: Ի՞նչ է անում նա: Մի՞թե նորից սխալ կգործի և արատավոր, ապօրինի կապի մեջ կմտնի: Ի՞նչ ասել հարազատներին այդ մարդու մասին: Իհարկե, նա չի ամուսնանա իր հետ, եթե իմանա իր անցյալի մասին: Ասենք, առանց այդ էլ նա չի ամուսնանա իր հետ, նա այնպիսի բարձր դիրք է զբաղում: Բայց և այնպես ինքը լսում էր նրան: Ի՞նչ անել: Ամբողջ երեկոն Զեննին նրա մասին էր մտածում և սկզբում ուզում էր փախչել, բայց հետո սոսկումով հիշեց, որ ինքը իր հասցեն տվել է Քեյնին: Հետո նա որոշեց իր ամբողջ արիությունը ժողովել և մերժել նրան, ասել, որ ինքը չի կարող, չի ցանկանում դորժ ունենալ նրա հետ: Հարցի այսպիսի լուծումը նրան բավական հասարակ էր թվում, քանի դեռ Քեյնը իր կողքին չէր: Ինքը գործի կմտնի մի ուրիշ տեղ, որտեղ նա չի կարող իրեն հետապնդել: Սրբերեկոյան Զեննին հազնվում էր, որ տուն գնա, ամեն ինչ շատ հասարակ էր թվում:

Սակայն նրա եռանդուն երկրպագուն դրա մասին իր նկատառումներն ուներ: Զեննիից բաժանվելուց հետո նա ամեն ինչ մանրամասնորեն խորհել էր: Նա որոշել էր անհապաղ գործի անցնել: Զեննին կարող է ամեն ինչ սլատմել իր հարազատներին կամ միսիս Բրայսբրիջին, կարող է հեռանալ Քլիվլենդից: Ինքն ուզում է մանրամասն իմանալ, թե ինչպիսի պայմաններում է ապրում նա, իսկ դրա համար կամեկ միջոց՝ խոսել նրա հետ: Ինքը պետք է նրան համոզի իր մոտ գալ: Նա երևի կհամաձայնի: Նա խոստովանեց, որ ինքը դուր է գալիս նրան: Զեննին հատուկ մեղմությունն ու հեղուկությունը, որոնք միանգամից հրապուրել էին Լեսթերին, ըստ երևույթին, դյուրին հաղթանակ էին խոստանում: Բավական է միայն ցանկանալ, և ինքը սուսանց դժվարության կնվաճի

նրան: Եվ նա որոշեց փորձել, որովհետեւ, իրոք որ ինքը շատ էր ձգտում այդ աղջկան:

Ժամը հինգն անց կեսին նա վերադարձավ Բրայսբրիչ-ների տուն, որպեսզի տեսնի՝ չի՞ գնացել Զեննին: Ժամը վեցին նրան հաջողվեց աննկատելիորեն ասել աղջկան.

— Ես քեզ կուղեկցեմ տուն: Սպասիր ինձ փողոցի մոտակա անկյունում, լա՛վ:

— Այո,— պատասխանեց աղջիկը՝ զգալով, որ չի կարող չհնազանդվել:

Հետո նա ինքնիրեն ասաց, որ պետք է խոսի նրա հետ, կտրականապես հայտնի, որ ինքը վճռել է այլևս չհանդիպել նրա հետ, ուրեմն էլ ինչո՞ւ շօտագործել այս առիթը բացարկելու համար:

Վեցն անց կեսին Լեսթերն ինչ-որ պատճառով դուրս եկավ տնից— հիշեց, որ գործով մեկին պիտի տեսնի— և ժամը ութին արդեն փակ կառքով սպասում էր Զեննինն պայմանավորված տեղում: Նա հանգիստ էր, միանգամայն վրասա՛հ իր հաջողութեանը, բայց այդ երևութական հանգստութեան ու հավասարակշռության տակ թաքնված էր արտասովոր մի հուզմունք, ասես նա ներշնչում էր ինչ-որ հրաշալի բուրմունք, որ քնքուշ էր, անուշ ու թովիչ:

Ժամը իննի սկզբին նա տեսավ Զեննինին: Գազալապտերի աղոտ լույսն էլ բավական էր, որ Քեյնը ճանաչի նրան: Փնքշանքի մի ալիք բարձրացավ նրա մեջ, այնքան մեծ էր այդ աղջկա հմայքը: Երբ Զեննին մոտեցավ, նա դուրս եկավ կառքից և կանգ առավ աղջկա առաջ:

— Գնանք,— ասաց նա:— Կառք նստիր, ես քեզ կտանեմ տուն:

— Ոչ,— պատասխանեց աղջիկը,— չեմ կարող:

— Գնանք, ես կտանեմ քեզ: Այսպես մեզ համար ավելի հարմար կլինի լսոսել:

Եվ նորից նրա ուժի ու իշխանության նույն զգացողությունը, որին դիմադրել չի լինի: Աղջիկը ենթարկվեց, զգալով, որ չպետք է աներ այդ: Քեյնը կառապանին ձայն տվեց.

— Քշիր առաջժմ ուր ուղում ես:

Ջեննին նստեց նրա կողքին, և նա իսկույն ասաց.

— Լսի՛ր, Ջեննի, դու ինձ պետք ես: Պատմիր ինձ քո մասին:

— Ես պետք է խոսեմ ձեզ հետ,— պատասխանեց աղ-  
ջիկը, ջանալով իրեն պահել այնպես, ինչպես մտածել էր:

— Ինչի՞ մասին,— հարցրեց Լեսթերը, փորձելով կիսա-  
խավարի մեջ տեսնել նրա դեմքի արտահայտությունը:

— Այսպես շարունակել չի կարելի,— հուզմունքով  
մրմնջաց աղջիկը:— Ես այսպես չեմ կարող: Դուք ոչինչ չգի-  
տեք: Ես չպետք է անեի այն, ինչ առավոտյան արի: Ես  
այլևս չպետք է հանդիպեմ ձեզ, Ճշմարիտ, չպետք է հանդի-  
պեմ:

— Այն, ինչ դու արի՛ր առավոտյան, դո՛ւ չարիր,—  
սրախոսեց Լեսթերը նրա խոսքից բռնելով:— Այդ ե՛ս արի:  
Իսկ որ դու չես ուզում ինձ հետ հանդիպել... Բայց ես ուզում  
եմ հանդիպել քեզ հետ:— Նա բռնեց աղջկա ձեռքը:— Դու  
դեռ ինձ չես ճանաչում, բայց ես սիրում եմ քեզ: Ես գովում  
եմ քեզ համար: Դու ստեղծված ես ի՛նձ համար: Հիմա լսիր:  
Դու պետք է իմը լինես: Կգա՞ս ինձ մոտ:

— Ո՛չ, ո՛չ, ո՛չ,— սրտի ցավով գոչեց աղջիկը:— Ես չեմ  
կարող, միասր Քեյն: Խնդրում եմ լսեցեք ինձ: Դա անկարե-  
լի է: Դուք չգիտեք: Ա՛խ, դուք չգիտեք: Ես չեմ կարող ձեր  
ուզածն անել: Ես չեմ ուզում: Եվ եթե նույնիսկ ուզենայի, չէի  
կարող: Դուք չգիտեք, թե ինչ պատճառ կա: Բայց ես չեմ  
ուզում վատ վարվել: Ես չպետք է անեմ այդ: Չե՛մ կարող:  
Չե՛մ ուզում: Ո՛չ, ո՛չ, ո՛չ: Թողեք ինձ տուն գնամ:

Այս հուսակտուր աղաշանքը Լեսթերը լսեց ո՛չ առանց  
կարեկցության, նա նույնիսկ մի քիչ խղճաց Ջեննին:

— Ինչո՞ւ չես կարող, այդ ի՞նչ է նշանակում,— հարցը-  
րեց նա հետաքրքրությամբ:

— Չեմ կարող ասել ձեզ,— պատասխանեց աղջիկը:—  
Խնդրում եմ, մի հարցնեք: Դուք այդ չպետք է իմանաք: Բայց  
ես այլևս չպետք է հանդիպեմ ձեզ հետ: Դա ոչ մի լավ բանի  
չի հասցնի:

— Բայց չէ՞ որ ես քեզ դուր եմ գալիս:

— Այո, այո: Ես դրա գեմ ոչինչ չունեմ: Բայց դուք պետք է թողնեք ինձ: Խնդրում եմ:

Դատավորի լրջությամբ Լեաթերը մի անգամ էլ մտքում ծանրութեթե արավ իր առաջարկությունը: Նա գիտեր, որ ինքը դուր է գալիս այդ աղջկան. ըստ էության նա սիրում է իրեն, որքան էլ կարճ է իրենց ծանոթությունը: Եվ ինքն էլ ձգտում է այդ աղջկան, գուցե և ո՛չ այնքան անհաղթահարելի, բայց արտակարգ ուժով: Ի՞նչն է խանգարում նրան գիշել, մանավանդ, որ ինքն էլ ուզում է այդ: Տղայի մեջ հետաքրքրություն արթնացավ:

— Լսի՛ր, Ջեննի,— ասաց նա,— ես քեզ լսեցի: Ես չեմ հասկանում, ինչո՞ւ ես ասում «չեմ կարող», եթե ինքդ էլ ուզում ես գալ ինձ մոտ: Դու ասում ես, որ ես քեզ դուր եմ գալիս: Էլ ինչո՞ւ ես համառում: Դու հենց այն ես, ինչ ինձ հարկավոր է: Մենք շատ լավ կհարմարվենք իրար: Դու հենց իմ ուզած բնավորությունն ունես: Ես կուպեի, որ դու ինձ հետ լինես: Ինչո՞ւ ես ասում, թե չեմ կարող:

— Ես չեմ կարող,— կրկնեց աղջիկը:— Չեմ կարող: Չեմ ուզում: Չպետք է անեմ այդ: Ա՛խ, խնդրում եմ այլևս չհարցնեք: Դուք չգիտեք: Ես ձեզ բացատրել չեմ կարող:

Նրա մտքում իր երեխան էր:

Լեաթեր Քեյնի մեջ խիստ զարգացած էր արդարության զգացմունքը և ամեն խաղ ազնվորեն վարելու կարողությունը: Ուրիշ մարդկանց հետ ունեցած իր հարաբերությունների մեջ նա ամենից առաջ ցանկանում էր կարգին մարդ լինել: Եվ այժմ էլ նա ցանկանում էր ուշադիր ու քնքուշ լինել, բայց գլխավորը՝ ինքը պետք է նվաճի այդ աղջկան: Եվ նա նորից բոլոր «թեր» ու «դեմ»-երը մտքում ծանրութեթե արեց:

— Լսի՛ր,— ասաց նա վերջապես, դեռևս Ջեննիի ձեռքը բռնած:— Ես քեզ չեմ ստիպում անհապաղ վճռել: Ես ուզում եմ, որ ամեն ինչի մասին մտածես: Բայց դու ստեղծված ես ինձ համար: Դու էլ դեպի ինձ անաւարբեր չես: Ինքդ խոստովանեցիր այս առավոտ: Եվ ես գիտեմ, որ այդ այդպես է: Էլ ինչո՞ւ ես համառում: Դու ինձ դուր ես գալիս, և ես շատ բան

կարող եմ անել քեզ համար: Էլ ինչո՞ւ մենք առայժմ մտերիմ-  
ներ չդառնանք: Իսկ մնացածի մասին հետո կխոսենք:

— Բայց ես չպետք է վատ վարվեմ,— կրկնում էր աղ-  
ջիկը:— Ես չեմ ուզում: Խնդրում եմ թողեք ինձ: Ես չեմ կարող  
ձեր ուզածն անել:

— Ա՛յ ինչ,— խոսեց Լեսթերը,— դու այն չես ասում,  
ինչ մտածում ես: Հապա ինչո՞ւ էիր ասում, որ ես քեզ դուր  
եմ գալիս: Մի՞թե արդեն կարծիքդ փոխել ես: Նայիր ինձ  
(Ջեննին հայացքը ցած դրեց): Նայիր ինձ: Մի՞թե դու միտքդ  
փոխել ես:

— Ա՛խ, ո՛չ, ո՛չ,— ասաց աղջիկը համարյա արտասվե-  
լով, ենթարկվելով ինչ-որ ավելի ուժեղ բանի:

— Էլ ուրեմն ինչո՞ւ ես համառում: Ես սիրում եմ քեզ,  
լսո՞ւմ ես, դժվում եմ քեզ համար: Ահա թե ինչու եմ եկել  
այս անգամ: Ես ուզում էի քեզ տեսնել:

— Իսկապե՞ս,— զարմացած հարցրեց Ջեննին:

— Այո: Ես էլի ու էլի կգայի, եթե հարկավոր լիներ:  
Ասում եմ, չէ՞. գժի պես սիրում եմ քեզ: Դու պետք է իմը  
լինես: Խոստացիր, որ դու ինձ հետ կլինես:

— Ո՛չ, ո՛չ, ո՛չ,— կրկնում էր աղջիկը: Ես չեմ կարող:  
Ես պետք է աշխատեմ: Ես ուզում եմ աշխատել: Ես չեմ  
ուզում վատ վարվել: Աղաչում եմ, մի՛ խնդրեք: Խնդրում եմ,  
հարկավոր չէ: Դուք պետք է թողնեք ինձ: Ճշմարիտ, ես չեմ  
կարող ձեր ուզածն անել:

— Ասա ինձ, Ջեննի,— հանկարծ հարցրեց Լեսթերը,—  
ինչո՞ւ է զբաղվում քո հայրը:

— Ապակի փշող բանվոր է:

— Այստե՞ղ, Քլիվլենդո՞ւմ:

— Ոչ, նա աշխատում է Յանգսթաունում:

— Իսկ մայրդ կենդանի՞ է:

— Այո, սըր:

— Դու նրա հե՞տ ես ասլորում:

— Այո, սըր:

Լեսթերը ժպտաց:

— Ինձ «սըր» մի՛ կոչիր, Ջեննի,— կոպտաբար ասաց

նա,— և «միստր» Քեյն մի կոշիւր: Ես այլեւս քեզ համար միստր չեմ: Դու իմն ես, լսո՛ւմ ես, աղջիկ:

Եվ նա աղջկան քաշեց իր կողմը:

— Խնդրում եմ, հարկավոր չէ, միստր Քեյն,— աղաչեց աղջիկը:— Օ՛, խնդրում եմ, հարկավոր չէ: Ես չեմ կարող: Ձեմ կարող: Թողեք ինձ:

Բայց Լեսթերն ամուր համբուրեց նրա շուրթերը:

— Լսիր ինձ,— կրկնեց նա իր սիրած փոսքը:— Քեզ ասում եմ՝ դու իմն ես: Բոպե առ բոպե դու ավելի ու ավելի ես դուր գալիս ինձ: Ես դեռ քեզ լավ չեմ ճանաչում: Բայց քեզանից չեմ հրաժարվի: Վերջ ի վերջո դու կգաս ինձ մոտ: Եվ ես չեմ ուզում, որ դու ծառայես որպէս սպասուհի: Դու չես կարող մնալ այդտեղ: Գուցե թե միայն շատ կարճ ժամանակ: Ես քեզ որեւէ տեղ կտանեմ: Եվ փող կտամ քեզ, լսո՛ւմ ես: Դու պետք է վերցնես փողը:

«Փող» բառի վրա Ջեննին ցնցվեց և ձեռքը ետ քաշեց:

— Ո՛չ, ո՛չ,— ասաց նա:— Ձե՛մ վերցնի:

— Կվերցնես: Մորդ կտաս: Ես ամենեին էլ քեզ գնել չեմ ուզում: Ես գիտեմ, թե ինչ ես մտածում դու: Բայց դա ճիշտ չէ: Ես քեզ օգնել եմ ուզում: Ուզում եմ օգնել քո հարազատներին: Ես գիտեմ, թե որտեղ ես ապրում դու: Այսօր ես եղել եմ այնտեղ: Քանի՞ հոգի եք ձեր ընտանիքում:

— Վեց,— հազիվ լսելի պատասխանեց աղջիկը:

«Օ՛հ, այս չքավորների ընտանիքները»,— մտածեց Լեսթերը:

— Դե ուրեմն վերցրու,— համառորեն կրկնեց նա քսակը հանելով գրպանից:— Եվ շատ շուտով մենք նորից կտեսնու՜վենք: Դու իմ ձեռքից դուրս չես պրծնի, թռչնիկս:

— Ո՛չ, ո՛չ,— բողոքեց Ջեննին:— Ձեմ ուզում: Ինձ հարկավոր չէ: Դուք այդ մի՛ խնդրեք ինձանից:

Քեյնը փորձեց պնդել իր ասածը, բայց աղջիկն անսասան էր, և վերջ ի վերջո տղան ստիպված եղավ փողը գրպանը դնել:

— Մի բան կասեմ ես, Ջեննի. դու իմ ձեռքից չես պրծնի,— հանգիստ ասաց նա:— Վաղ թե ուշ, միևնույն է,

դու ինձ հետ ես լինելու: Ախր դու ինքդ էլ այդ զգում ես և գիտես, դա երևում է ամեն ինչից: Ես քեզանից հրաժարվելու միտք չունեմ:

— Ա՛խ, եթե դուք իմանայիք, թե ինչպես եք տանջում ինձ:

— Մի՞թե, իսկապե՞ս, ես տանջում եմ քեզ,— հարցրեց նա:— Մի՞թե:

— Այո, տանջում եք: Ես երբեք ձեր ուզածը չեմ անի:

— Կանե՞ս, կանե՞ս,— ջերմորեն գոչեց Լեսթերը:— Հենց միայն այն մտքից, որ որսը փախչում է ձեռքից, նրա կիրքը բռնկեց նոր ուժով:— Դու ի՞մը կլինես:

Եվ նա ամուր գրկեց Ջեննիին, չնայած նրա բոլոր բողոքներին:

— Դե, տեսա՞ր,— ասաց նա, երբ կարճ պայքարից հետո նրանց միացնող խորհրդավոր զգացմունքը նորից խոսեց Ջեննիի մեջ, և նա դադարեց գիմարել: Աղջկա աչքերում արցունքներ կային, բայց Լեսթերը դրանք չնկատեց:— Մի՞թե դու ինքդ չես տեսնում: Ես էլ քեզ եմ դուր գալիս:

— Ես չեմ կարող,— հեծկտանքով կրկնեց Ջեննին:

Նրա ակներե հուսահատությունից Քեյնն զգացվեց:

— Ինչո՞ւ ես լալիս, աղջիկ,— հարցրեց նա:

Ջեննին պատասխան չտվեց:

— Լավ, ներիւր ինձ,— ասաց Լեսթերը:— Այսօր ես էլ ոչինչ չեմ ասի քեզ: Ահա, համարյա հասանք: Վաղը ես գնալու եմ, բայց շուտով մենք նորից կհանդիպենք: Այո՛, անուշբա: Հիմա ես քեզանից ձեռք քաշել չեմ կարող: Ես ամեն հնարավոր բան կանեմ, որպեսզի քեզ համար դժվար չլինի, բայց ձեռք քաշել քեզանից չեմ կարող, լսո՞ւմ ես:

Աղջիկը գլուխն օրորեց:

— Այստեղ դու պետք է իջնես,— ասաց նա, երբ կառքը հասավ փողոցի անկյունին: Նա տեսավ Գերհարգների վարապուրած լուսամուտների լույսը:— Ցտեսություն,— ավելի լացրեց նա, երբ Ջեննին գուրս էր գալիս կառքից:

— Ցտեսություն,— մրմնջաց աղջիկը:

— Հիշիր,— ասաց նա,— սա միայն սկիզբն է:

— Օ՛հ, ո՛հ, ո՛հ,— աղաչանքով ասաց աղջիկը:

Լեւթերը նայեց նրա ետեից:

— Ի՞նչ գեղեցիկն է,— գոչեց նա:

Ջեննին տուն մտավ հոգնած, շփոթված, ամոթահար: Այս ի՞նչ արեց նա: Իհարկե ինքն անուղղելի սխալ է գործել: Նա կվերադառնա:

Նա կվերադառնա: Եվ նա փող էր առաջարկում իրեն: Դա ամենից ավելի վատն է:

## Գ Լ Ո Ի Խ XIX

Բեպետե այս հուզիչ հանդիպումից հետո երկուսի մեջ էլ մնաց այն զգացողությունը, թե ինչ-որ բան լրիվ չի ասվել, ո՛չ Լեւթերը, ո՛չ Ջեննին ամենևին չէին կասկածում, որ դրանով գործը չի վերջանում: Քեյնն զգում էր, որ աղջիկը կատարելապես հմայել է իրեն: Դա հիասքանչ աղջիկ է: Լեւթերը չէր էլ պատկերացնում, թե նա այդքան անուշ է: Նրա տատանումները, աղաչանքը, այն երկշոտ «ոչ, ոչ, ոչ»-երը, հուզում էին Լեւթերին ինչպես երաժշտություն: Անտարակույս այդ աղջիկն իր համար է ստեղծված, և ինքը կհասնի նրան: Նա անչափ չքնաղ աղջիկ է, անկարելի է ձեռքից բաց թողնել: Իր ի՞նչ գործն է, թե ինչ կասեն հարազատները և ամբողջ աշխարհը:

Զարմանալի բան, Քեյնը հաստատ հավատացած էր, որ վաղ թե ուշ Ջեննին իրեն կզիջի նաև ֆիզիկապես, ինչպես արդեն զիջեց հոգու խորքում: Նա չէր կարող բացատրել, թե ինչից է գալիս այդ հավատը: Ջեննիի մեջ ինչ-որ մի բան՝ նրա արտասովոր քնքշությունը, շիտակ ու անկեղծ հայացքը՝ ստիպում էր մտածել, որ նա ընդունակ է մի կրթի, որի մեջ ոչ մի կոպիտ ու անբարոյական բան չկա: Դա մի կին էր, որ ստեղծված էր սղամարդու համար, մեն միակ սղամարդու համար: Անբաժանելիորեն նրա հետ էր կապված սիրո, քնքշության, հեղուկության պատկերացումը: Թող միայն երևան գա այն միակը, և Ջեննին կսիրի նրան ու կգնա նրա ետեից: Այս-



պէս էր հասկանում նրան Լեւթերը: Նա զգում էր այդ: Զեն-  
նին պետք է հնազանդւի իրեն, որովհետեւ ինքը նրա համար  
այն միակն է:

Իսկ Զեննին նախազգում էր ամեն տեսակ բարդություն-  
ներ, գուցե և՛ կործանում: Եթե Լեւթերն իրեն հետամտի,  
իհարկեւ, ամեն ինչ կիմանա: Ինքը նրան Բրենդերի մասին  
ոչինչ չէր ասել, որովհետեւ դեռ զուրս պրծնելու աղոտ հույս  
ունեւր: Լեւթերից բաժանվելուց հետո նա գիտեր, որ էլի կվե-  
րադառնա: Եվ ակամա խոստովանում էր, որ ինքն էլ այդ է  
ուզում: Եվ այնուամենայնիվ զգում էր, որ շպետք է զիջի,  
սկստք է առաջվա պէս ազնիվ, աշխատանքային և միապա-  
ղաղ կյանք վարի: Սա պատիժ է իր անցյալի համար: Ինքը  
պիտի հնձի այն, ինչ ցանկ է:

Ցինցինատիում Քեյների խոշոր առանձնատունը, ուր  
Զեննիից բաժանվելուց հետո վերադարձավ Լեւթերը, Գեր-  
հարդների տան լիակատար հակապատկերն էր: Դա առանց  
անորոշ ոճի մի ահագին երկհարկանի շէնք էր, որ հիշեցնում  
էր ֆրանսիական դղյակ, բայց կառուցված էր կարմիր աղ-  
յուսով ու ավազաքարով: Նրան շրջապատող հողամասն իր  
ծառերով ու ծաղիկներով նման էր իսկական զբոսայգու, և  
հենց քարերն էլ ասես խոսում էին հարստության, արժանա-  
պատովության ու նրբագեղ շքեղության մասին: Արշիբալդ  
Քեյնը՝ ընտանիքի հայրը, հսկայական կարողություն էր կու-  
տակել և այն ո՛չ թե կողոպուտի միջոցով, ո՛չ թե որևէ լիտի  
ու անաղնիվ եղանակով, այլ շնորհիվ նրա, որ կարողացել  
էր ձեռնամուխ լինել այն ժամանակներում ամենակարևոր,  
ուստի և ձեռնառ զործին: Դեռ երիտասարդ հասակում նա  
հասկացել էր, որ Ամերիկան երիտասարդ, զարգացող երկիր  
է: Նշանակում է ամեն տեսակ կառքերի, ֆուրգոնների, սայ-  
լակների վիթխարի պահանջ է լինելու և որևէ մեկը պետք է  
բավարարի այդ պահանջը: Նա մի փոքրիկ արհեստանոց բա-  
ցեց և աստիճանաբար այն դարձրեց մի պատկառելի ձեռ-  
նարկություն: Նա լավ կառքեր էր բաց թողնում և վաճառում  
էր լավ շահույթով: Ինչպէս կարծում էր Արշիբալդ Քեյնը,

մարդիկ մեծ մասամբ աղնիւմ են: Նա հավատացած էր, որ նրանց հարկավոր են լավորակ, խղճմտանքով պատրաստած իրեր, և եթե նրանց այդպիսի իրեր առաջարկես, նրանք սիրով կգնեն քեզանից և նորից ու նորից քեզ կդիմեն, մինչև որ դու դառնաս հարուստ ու ազդեցիկ մարդ: Նա գտնում էր, որ առևտրի մեջ պետք է առատաձեռն լինել և միշտ վաճառելիս մի բան էլ ավելի տալ: Ամբողջ կյանքում, մինչև ծերություն, բոլոր իրեն ճանաչողների մեջ նա լավ համբավ ուներ: «Արշիբալդ Քեյնը,— ասում էին նրա մրցակիցները:— Օ՛, դա հիանալի մարդ է: Ճարպիկ է, բայց՝ աղնիւմ: Դա մեծ մարդ է»:

Արշիբալդ Քեյնը երկու տղա և երեք աղջիկ ուներ, բոլորն էլ առողջ, գեղեցիկ, օժտված մեծ խելքով, բայց նրանցից ոչ մեկը չունէր այնպիսի լայն բնավորություն, այնքան ուժ ու եռանդ, որքան սույն հարգարժան պատրիարքը: Քառասնամյա Ռոբերտը՝ Քեյնի ավագ որդին, ֆինանսական հարցերում վաղուց արդեն դարձել էր հոր աջ թեւ: Նա խորաթափանց էր, գծուծ, հատկություններ, որոնք խիստ էական են գործարարի համար, սրովհետեւ գործի մեջ առանց ստորության յուր գնալ չի լինի: Ռոբերտը միջահասակ էր, նիհարավուն, լայն ճակատով, և արդեն սկսել էր ճաղատանալ: Նա ուներ բաց երկնագույն աշխույժ աչքեր, արծվի քիթ և բարակ, համառ ու անտարբեր սեղմված շրթունքներ: Նա սակավախոս էր, իր գործերի մեջ դանդաղկոտ և լրջորեն խորհում էր ամեն մի քայլի մասին: Որպես փոխպրեզիդենտ մի խոշոր ձեռնարկության, որը քաղաքի ծայրամասում փռվել էր ամբողջ երկու փողոցի վրա, նա համարյա նույնքան բարձր դիրք էր գրավում, որքան իր հայրը: Ռոբերտ Քեյնը չոր մարդ էր, մեծ ապագա խոստացող գործարար. նրա հայրը լավ գիտեր այս:

Երկրորդ որդին՝ Լեսթերը, հոր սիրելին էր: Զլինելով այնքան փայլուն ֆինանսիստ, ինչպես Ռոբերտը, դրա փոխարեն նա ավելի լավ էր հասկանում այն թաքնված զսպանակները, որոնք շարժում են աշխարհը: Նա մեղմ էր, ավելի մարդկային, նա բոլորի հետ ավելի բարեհոգի էր վերաբերվում: Եվ

որքան էլ տարօրինակ է, ծերունի Արշիրալդը համատուտ էր նրան և հիանում էր նրանով: Նա սիրով մոբերտին էր դիմում, երբ իր առջև ծառանում էր որևէ խճճված ֆինանսական խնդիր, բայց որպես զավակի՝ Լեսթերին ավելի էր սիրում:

Աղջիկներից ավագը էմին էր, երեսուներկու տարեկան մի գեղեցիկ կին, որն արդեն մի տղա ուներ: Քսանութամյա իմոջինը նույնպես արդեն ամուսնացած էր, բայց դեռ երեխա չուներ: Կրտսեր դուստրը՝ քսանհինգամյա Լուիզան, դեռ ամուսնացած չէր: Դա քույրերի մեջ ամենագեղեցիկն էր, բայց և ամենապաղն էր ու անհանդուրժողը: Նա բոլորից ավելի էր փափագում շուք ու հարգանք, ամենից ավելի էր բարձր գնահատում ընտանիքի հեղինակությունը և երազում էր, որ Քեյները նսեմացնեն ամբողջ շրջապատը: Նա շատ էր պարծենում ընտանիքի հասարակական բարձր դիրքով և իրեն այնպես գոռոզ ու մեծամիտ էր պահում, որ երբեմն դա զովարճացնում էր Լեսթերին, երբեմն էլ՝ ջղայնացնում: Լեսթերը սիրում էր այդ քրոջը, թերևս նույնիսկ մյուսներից ավելի, բայց գտնում էր, որ նա կարող էր ավելի պակաս գոռոզանալ և դրանից ընտանիքի արժանապատվությունն ամենևին չի տուժի:

Նրանց մայրը՝ վաթսուեամյա միսիս Քեյներ, մի համեստ ու արժանավոր կին էր: Ամուսնությունն առաջին տարիները համեմատաբար չքավորության մեջ անցկացրած լինելով՝ հիմա այնքան էլ չէր ձգտում բարձրաշխարհիկ կյանք վարել: Բայց սիրելով իր երեխաներին ու ամուսնուն՝ նա միամտաբար հպարտանում էր նրանց դիրքով ու հաջողություններով: Անձամբ իրեն բավական էր և նրանց փառքի արտացոլումը: Դա մի բարեսիրտ կին էր, լավ ամուսին և լավ մայր:

Լեսթերը Յինցիննատի ժամանեց իրիկնադեմին և իսկույն գնաց տուն: Նրա առաջ դուռը բաց արեց իռլանդացի ծերունի ծառան:

— Ա՛, միտր Լեսթեր,— ուրախացավ նա:— Ա՛յ լավ եք արել, որ վերադարձել եք: Թույլ տվեք ձեր վերարկուն վերցնել: Այո՛, այո՛, այստեղ սքանչելի եղանակ էր: Այո՛,

այո՛, տանը բոլորը ողջ-առողջ են: Ինչպես չէ, ձեր բույրո՛ւ միսիս էմին, իր տղայի հետ այստեղ էր,՝ հենց նոր գնացին: Ձեր մայրիկը վերեն է, իր սենյակում: Ինչպես չէ, ինչպես չէ:

Լեսթերն ուրախ ժպտաց նրան և բարձրացավ մոր մոտ: Ոսկեգույն վարդերով սպիտակ սենյակում, որի լուսամուտները դեպի հարավ ու արևելք նայում էին այդուն, նա գտավ միսիս Քեյնին, որը մի բարետես կին էր, բարի և փոքր-ինչ հոգնած դեմքով, ողորկ սանրված ճերմակ մազերով: Երբ դուռը բացվեց, նա գլուխը բարձրացրեց, մի կողմ դրեց ձեռքի գիրքը, որ կարդում էր, և վեր կացավ որդուն ընդառաջելու:

— Բարև, մայրիկ,— ասաց Լեսթերը գրկելով ու համբուրելով մորը:— Ինչպե՞ս է առողջությունդ:

— Էլի առաջվա պես, Լեսթեր: Դու ինչպե՞ս ճամփորդեցիր:

— Հիանալի: Էլի մի քանի օր եղա Բրայսբրիջների մոտ: Քլիվլենդ էի գնացել Պարսոններին տեսնելու: Բոլորը քո մասին էին հարցնում:

— Ինչպե՞ս է Միննին:

— Էլի նույնը: Կարծես ամենեին չի փոխվել: Եվ էլի սիրով հյուրեր է ընդունում ինչպես միշտ:

— Շա՛տ վսեղացի աղջիկ է,— ասաց մայրը, միսիս Բրայսբրիջին հիշելով ջահել հասակում, երբ դեռ նա Յինցին-նատիումն էր ապրում:— Նա ինձ միշտ էլ դուր է եկել: Այն-քա՛ն խելամիտ է:

— Նա հիմա էլ այդպիսին է,— բազմանշանակ ասաց Լեսթերը:

Միսիս Քեյնը ժպտաց և սկսեց որդուն զանազան նորություններ պատմել ընտանեկան կյանքից: Իմոջինի ամուսինն ինչ-որ գործով գնացել է Սենտ-Լուիս: Ռոբերտի կինը հիվանդ է. մրսել է: Մեռել է ծերունի Յվինգը՝ գործարանի պահակը, որ քառասուն տարի աշխատել էր միստր Քեյնի մոտ: Միստր Քեյնը գնալու է նրա թաղմանը: Լեսթերը լսում էր հարգանքով, թեպետև մտացրիվ:

Ցած իջնելով, նա հանդիպեց Լուիզային: Նա փառահեղ

տեսք ունենր. ավելի հարմար բառ չես գտնի: Ուլունքազարդ սև մետաքսե շորը ամուր սեղմում էր նրա բարետես իրանը, սուտակե զարդը շատ էր սազում նրա թուխ մաշկին ու սև մուգերին: Սև աչքերի հայացքն ասես ծակում-անցնում էր:

— Ա՛, դո՛ւ ես, Լեսթեր,— գոչեց նա:— Ե՛րբ ես վերադարձել: Համբուրելիս զգույշ, ես հյուր եմ գնում և արդեն դիմափոշի եմ քսել: Ա՛խ դու, ա՛րջ:

Լեսթերն ամուր գրկեց նրան և չմփոցով համբուրեց: Քույրը դժվարությամբ ետ հրեց նրան:

— Ես այնքան էլ շատ դիմափոշի չթափեցի,— ասաց նա:— Դու էլ շպարափնջիկդ վերցրու և նորից քսիր,— և նա անցավ իր սենյակը, որպեսզի շորերը փոխի ճաշի նստելու համար:

Ճաշելու համար շորը փոխելը Քեյնի ընտանիքում սովորություն էր դարձել վերջին տարիներս: Հյուրեր այնքան հաճախ էին լինում, որ դա մի տեսակ անհրաժեշտություն էր դարձել, և այդ կողմից Լուիզան առանձնապես բծախնդիր էր: Այդ երեկո սպասում էին Ռոբերտին և Բարնեթ ամուսիններին, որոնք հոր ու մոր հին մտերիմներն էին, այնպես որ, իհարկե, ճաշը հանդիսավոր էր լինելու: Լեսթերը գիտեր, որ հայրը տանն է, բայց չէր շտապում տեսնել նրան: Նա մտածում էր Քլիվլենդում անցկացրած վերջին երկու օրերի մասին և մտորում էր, թե էլի երբ կտեսնի Զեննիին:

## Գ Լ Ո Ւ Ս XX

Հագուստը փոխելուց հետո Լեսթերը ցած իջավ և հորը գտավ գրադարանում՝ թերթ կարդալիս:

— Բարե, Լեսթե՛ր,— ասաց հայրը ակնոցի վերևից նայելով նրան և ձեռքն առաջ մեկնելով:— Այդ որտեղի՞ց:

— Քլիվլենդից,— ժպտով պատասխանեց որդին ամուր սեղմելով հոր ձեռքը:

— Ռոբերտն ասում էր, որ դու եղել ես Նյու-Յորքում:

— Այո, եղել եմ:

— Ինչպե՞ս է իմ հին բարեկամ Առնոլդը:

— էլի նույնը,— պատասխանեց Լեսթերը:— Նա ամենեւի՞ն չի ծերանում:

— Դե պարզ է,— ուրախ ասաց Արչիբալդ Քեյնը, ասես գովասանք լսելով իր սեփական ամուր անողջության մասին:— Նա միշտ էլ զուսպ մարդ է եղել: Իսկակա՞ն ջենտլմեն:

Հայրը որդու հետ միասին անցավ հյուրասենյակ: Նրանք խոսում էին գործերի և ընտանեկան նորությունների մասին, մինչև Հոլլի ժամացույցի զարկը վերևում հալաքվածներիմ ազդարարեց, որ ճաշը մատուցված է:

Լեսթերն իրեն շատ լավ էր զգում շքեղ սեղանատանը, րր կահավորված է Լյուդովիկոս XV-ի ոճով: Նա սիրում էր իր տունը, տնեցիներին՝ մորը, հորը, քույրերին ու ընտանիքի հին բարեկամներին: Եվ ահա նա ժպտում էր ու արտակարգ ուրախ էր:

Լուիզան ասաց, որ երեքշաբթի օրը Լիվերինդները պարահանդես են սարքում և հարցրեց, թե Լեսթերը կգնա՞:

— Դու հո գիտես, որ ես չեմ պարում,— չոր-չոր ասաց եղբայրը:— Գնամ ի՞նչ անեմ այնտեղ:

— Չե՞ս պարում: Ավելի լավ է ասա՝ չեմ ուզում պարել: Դու պարզապես շատ ծուլն ես դարձել: Եթե Ռոբերտը պարում է, դու ավելի լավ կարող ես:

— Ես Ռոբերտին կարո՞ղ եմ հասնել. ես նրա պես կայտառ չեմ,— անհոգ ասաց Լեսթերը:

— Եվ ոչ էլ նրա պես սիրալիր,— խայթեց Լուիզան:

— Կարող է պատահել,— ասաց Լեսթերը:

— Կռիւ՛ մի՛ սարքի, Լուիզա,— խելամտորեն միջամտեց Ռոբերտը:

Ճաշից հետո նրանք անցան դրադարան, և Ռոբերտը եղբոր հետ մի քիչ խոսեց գործերի մասին: Հարկավոր էր որոշ սլայմանագրեր վերանայել: Նա ուզում էր Լեսթերի կարծիքն իմանալ: Լուիզան պատրաստվում էր հյուր գնալ, նրան կառք մատուցեցին:

— Ուրեմն դու չե՞ս գալիս,— հարցրեց նա անբավական-նություն արտահայտող ձայնով:

— Ո՛ր, շատ եմ հոգնած,— անփութորեն ասաց Լեսթերը:— Իմ կողմից ներողություն խնդրիր միսիս Նոուլզից:

— Լեստի Նեյսը վերջերս քո մասին էր հարցնում,— ասաց Լուիզան արդեն դռան միջից:

— Շատ հաճելի է: Անշա՛փ շոյված եմ:

— Լեստին հիանալի աղջիկ է, Լեսթեր,— վրա բերեց հայրը, որ կանգնած էր բուխարու մոտ:— Կուզեի, որ դու ամուսնանաս նրա հետ և տունը նստես: Նա լավ կին կլինի քեզ համար:

— Աննման աղջիկ է,— հաստատեց միսիս Քեյնը:

— Այդ ի՞նչ է, խոսքներդ մե՞կ եք արել,— կատակեց Լեսթերը:— Գիտե՞ք ինչ, ընտանեկան կյանքի համար ես անպետք եմ:

— Այդ ես շատ լավ գիտեմ,— կես-կատակ, կես-լուրջ ասաց միսիս Քեյնը:— Եվ դա շատ ցավալի է:

Լեսթերը խոսակցությունը շուտ տվեց ուրիշ նյութի: Այդպիսի դիտողությունները նրան դուր չէին գալիս: Եվ նորից միտքը եկավ Ջեննին, նրա ողբազին՝ «Ախ, ոչ, ոչ»-ը: Այ թե ով է նրա սրտովը: Այդպիսի կինը, իրոք, արժանի է ուշադրության: Հաշվենկատ չէ, շահախնդիր չէ, շքապատված չէ խիստ հսկողությամբ և որպես թակարդ դրված տղամարդու ճանապարհին, այլ չքնաղ աղջիկ է, չքնաղ, ինչպես մի ծաղիկ, որն աճում է առանց որևէ մեկի պաշտպանության: Այդ երեկո իր սենյակը վերադառնալով՝ նա մի նամակ գրեց Ջեննինին, բայց ամսաթիվը գրեց մի շաբաթով ավելի ուշ, որովհետև չէր ուզում չափից ավելի անհամբեր երևալ և ինքն էլ մտածում էր առնվազն երկու շաբաթ մնալ Յինցիննատիում:

«Իմ սիրելի Ջեննի,

Թեև արդեն մի շաբաթ է անցել, իսկ ես իմ մասին քեզ տեղեկություն չեմ տվել, բայց, հավատա, քեզ չեմ մոռացել: Դու շա՛տ վատ կարծիք ունես իմ մասին: Ես այնպես կանեմ, որ այդ կարծիքը կփոխվի դեպի լավը, որովհետև ես սիրում եմ քեզ, աղջիկս, ճշմարիտ սիրում եմ: Իմ սեղանին մի ծաղիկ կա, որը շատ է հիշեցնում քեզ. սպիտակ է, քնքուշ, չրքնաղ: Ահա դու էլ այդպիսին ես. քո պատկերը շարունակ իմ

մարումն է: Ինձ համար դու ամենաչքնաղի մարմնացումն ես: Դու ես, որ կարող ես ծաղիկներ ցանել իմ ճանապարհին, միայն թե ցանկանաս:

Հիմա ուզում եմ քեզ ասել, որ 18-ին ես լինելու եմ Քլիվ-լենդում և հույս ունեմ հանդիպել քեզ հետ: Կգամ հինգշաբթի երեկոյան: Ուրբաթ օրը կեսօրին ինձ սպասիր «Դորնթոն» հյուրանոցի կանանց հյուրասրահում: Լա՛վ: Մենք միասին կնախաճաշենք:

Դու չուզեցիր, որ ես գամ ձեր տուն: Ինչպես տեսնում ես, ես կատարում եմ քո ցանկությունը: (Այսուհետև էլ կկատարեմ, միայն մի պայմանով): Լավ բարեկամներն իրարից չպետք է բաժանվեն, դա վտանգավոր է: Դրիր, որ ինձ սուսելու ես: Հույսս դնում եմ քո մեծահոգության վրա: Բայց ես չեմ կարող քո «ոչ»-ն ընդունել որպես վերջնական որոշում: Քեզ նվիրված Լեսթեր Քեյն»

Նա նամակը փակեց և հասցեն գրեց: «Իսկապես որ նա չքնաղ աղջիկ է,— մտածեց նա:— Ուղղակի չքնաղ»:

## Գ Լ ՈՒՄ XXI

Այդ նամակը եկավ կարճ լուսթյունից հետո, երբ Զեն-նին արդեն կարողացել էր շատ բան մտածել, և խորապես հուզեց նրան: Ի՞նչ անի հիմա: Ինչպե՞ս վարվի: Ինչպե՞ս վերաբերվի ինքն այդ մարդուն: Ուզո՞ւմ է արդյոք պատասխանել նամակին: Եվ եթե պատասխանել, ապա ի՞նչ պատասխանել: Մինչև այժմ նրա բոլոր արարքները, նույնիսկ երբ ինքը Կոլումբուսում իրեն զոհաբերեց ի սեր Բասսի, կարծես թե ոչ ոքի չէին վերաբերում, բացի իրենից: Այժմ պետք է մտածել և ուրիշների մասին. հարազատների և ամենից առաջ՝ իր երեխայի մասին: Փոքրիկ Վեստան արդեն մեկուկես տարեկան էր: Դա խարտյաշ մազերով, խոշոր, երկնագույն աչքերով մի սիրունիկ աղջիկ էր, որ խոստանում էր դառնալ իր մորը շատ նման: Դրա հետ միասին նա կայտառ էր ու խելամիտ: Միսիս Գերհարդը նրան սիրում էր ամբողջ



սրտով: Գերհարդ-հայրը շատ դանդաղ էր փափկում և նույնիսկ հիմա բացահայտ հետաքրքրություն չէր ցուցաբերում դեպի իր թոռնիկը, բայց և այնպես բարի էր նրա նկատմամբ: Եվ հոր մեջ այդ փոփոխությունը տեսնելով՝ Ջեննին ամբողջ սրտով ցանկանում էր իրեն այնպես պահել, որ այլևս երբեք չվշտացնի նրան: Եթե նա որևէ անխելք քայլ անի, դա ոչ միայն ստոր ապերախություն կլինի հոր նկատմամբ, այլև հետագայում կվնասի իր աղջկան: Իմ սեփական կյանքն անհաջող եղավ, մտածում էր Ջեննին, բայց Վեստայի կյանքն ուրիշ բան է, և չի կարելի այնպիսի բան անել, որը կարողանար փշացնել նրա կյանքը: Գուցե թե հարկավոր է կեսթերին գրել և ամեն ինչ բացատրել նրան: Ինքը նրան ասել է, որ վատ վարվել չի ուզում: Ընթացողները խոստովանում է նրան, որ երեխա ունի և խնդրում է նրան հանգիստ թողնել իրեն: Կլարի՝ արդյոք նա: Հազիվ թե: Եվ արդյոք ուզո՞ւմ է ինքը, որ նա իր իսկ խոսքով բռնացնի իրեն:

Այդ խոստովանությունն անելու անհրաժեշտությունը Ջեննիի համար տանջալից բան էր: Ահա թե ինչու նա տատանվում էր, ուզում էր նամակ սկսել, որով փորձում էր ամեն ինչ բացատրել, բայց պատահուտեց այն: Իսկ հետո բախտն ինքը միջամտեց. անակնկալ տուն վերադարձավ հայրը, որը Յանգսթաունում գործարանում պատահած մի դժբախտ դեպքի ժամանակ լուրջ վնասվածք էր ստացել:

Գերհարդից նամակը եկավ օգոստոսի սկզբին, չորեքշաբթի օրը: Բայց դա սովորական, գերմաներեն գրված նամակ չէր, հայրական հարցումիորձով ու խրատներով: Հինգ դոլլարը մեջը դրած: Ծրարի մեջ մի քանի տող էր, գրված անծանոթ ձեռագրով, տեղեկություն, որ դժբախտություն է տեղի ունեցել. գործարանում հավաքած ապակիով լի շերեփը շուռ է եկել, որից Գերհարդի ձեռքերը լրջորեն այրվել են: Հետո երկտողի մեջ ասված էր, որ հետևյալ առավոտյան նա տանն է լինելու:

— Դե ի՞նչ կասես սրան,— գոչեց Ուիլյամը շշմած:

— Խեղճ հայրիկ,— ասաց Վերոնիկան, և նրա աչքերը լցվեցին արցունքով:

Միսիս Գերհարդն ընկալւ ամոռին, ձեռքերը գցեց ծընկ-  
ներին և հայացքը հռեց հատակին: «Ի՞նչ պիտի անենք  
հիմա»,— հուսահատ կրկնում էր նա: Նրա համար սարսա-  
փելի էր նույնիսկ մտածել, թե ինչ պիտի անեն, եթե Գեր-  
հարդն ընդմիջտ հաշմանդամ մնա:

Բասսը տուն վերադարձաւ ժամը վեցն անց կեսին,  
Ջեննին՝ ութին: Բասսը նորությունը լսեց աչքերը չռած:

— Ա՛յ վատ բան,— գոչեց նա:— Իսկ նամակում աս-  
ված չէ՞, թե այրվածքը շա՛տ է ծանր:

— Ասված չէ,— պատասխանեց միսիս Գերհարդը:

— Դե, ես կարծում եմ չարժե շատ տխրել,— ասաց  
Բասսը:— Դրանից ոչ մի օգուտ չկա: Մի կերպ յոլա կգնանք:  
Ես լինեի քո տեղը, այդպես տրամադրությունս չէի գցի:

Եւ իրոք, նա շատ էլ տրամադրությունը չգցեց. այդպիսի  
քնավորություն չունեւ նա: Կյանքը նրա համար թեթեւ էր անց-  
նում: Նա ընդունակ չէր դեպքերի նշանակության մասին խոր-  
հել և կանխատեսել նրանց հետեանքները:

— Դիտեմ,— ասաց միսիս Գերհարդը ջանալով ինքն  
իրեն տիրապետել:— Բայց ոչինչ չեմ կարող անել: Մտածիր  
ախր. դեռ մի կարգին չէր կարգավորվել մեր կյանքը, և ահա  
մի նոր դժբախտություն: Ասես նզովք կա մեզ վրա: Ուղղակի  
ոչինչ չի հաջողվում:

Երբ Ջեննին եկաւ, մայրն իսկույն զգաց, որ նա իր միակ  
հենարանն է:

— Ի՞նչ է պատահել, մայրիկ,— դեռ դռան միջից հարցը-  
րեց Ջեննին, մոր դիմքը տեսնելուն պես:— Դու ինչո՞ւ ես լաց  
եղել:

Միսիս Գերհարդը նայեց նրան և երեսը շուռ տվեց:

— Հայրիկի ձեռքերն այրվել են,— հատիկ-հատիկ ասաց  
Բասսը:— Վաղը նա գալիս է:

Ջեննին շուռ եկաւ և սարսափով նայեց եղբորը:

— Ձեռքերն այրվե՞լ են:

— Այո,— ասաց Բասսը:

— Այդ ինչպե՞ս է եղել:

— Հալված ապակու շերեփն է շուռ եկել:

Ջեննին նայեց մօրը, և նրա աչքերը լցվեցին արցունքով։ Նա միսիս Գերհարդի վրա ընկավ և գրկեց նրան։

— Մի՛ լար, մայրիկ,— ասաց նա՝ ինքն էլ հազիվ զրապելով իրեն։— Հարկավոր չէ վշտանալ։ Ես գիտեմ, թե որքան ծանր է քեզ համար, բայց ամեն ինչ կանցնի։ Մի՛ լար։

Այստեղ նրա շրթունքները դողացին, և նա այնքան էլ շուտ չժողովեց իր ուժերը, որպեսզի նոր դժբախտություն դեմքին նայի։ Եվ ահա իր կամքից անկախ հանկարծ նուսմեջ մի գաղտուկ ու աննահանջ միտք ծագեց։ Լեսթերը... Ձէ՞ որ նա իր օգնությունն էր առաջարկում։ Նա սեր բացատրվեց իրեն։ Չգիտես ինչու, հիմա այնպես վառ իր միտքը եկավ նա և նրա ուշադրությունը, և օգնելու պատրաստակամությունը, և կարեկցությունը... Այդպես էր վարվում և Բրենդերը, երբ Բասսը բանտ էր ընկել։ Գուցե իրեն վիճակված է նորի՞ց զոհաբերել իրեն։ Եվ, իսկապես, միևնույն չէ՞։ Ձէ՞ որ առանց այդ էլ իր կյանքը չհաջողվեց։ Այսպես էր մտածում նա՝ նայելով մօրը, որը նստել էր լուռ, ճնշված, վշտից շվարած։ «Ինչո՞ւ սա ստիպված է այսքան տանջվել,— մտածում էր Ջեննին։— Մի՞թե գեթ մի փոքր բախտ բաժին չի ընկնելու սրան»։

— Պետք չէ այդպես մորմոքվել,— ասաց նա քիչ մնալուց հետո։— Գուցե հայրիկն այնքան էլ ուժեղ չի այրել ձեռքերը։ Դե հո նամակում ասված է, որ վաղն առավոտյան գալու է։

— Այո,— հաստատեց միսիս Գերհարդն ուշքի գալով։ Այժմ նրանք սկսեցին մի քիչ ավելի հանգիստ խոսել և երբ իրենց հայտնի բոլոր մանրամասնությունները քննարկվեցին, աստիճանաբար հանգստացան, ասես լռեցին սպասումով։

— Հարկավոր է, որ որևէ մեկը առավոտյան գնա կայարան՝ հայրիկին դիմավորելու,— ասաց Ջեննին Բասսին։— Ես կգնամ։ Կարծում եմ միսիս Բրայսբրիջը բան չի ասի։

— Ոչ,— մոռյլ առարկեց Բասսը,— դու մի՛ գնա։ Ես ինքս կդիմավորեմ։

Այս նոր հարվածի համար նա չարանում էր բախտի վրա

և այդ թաքցնել չէր կարողանում: Նա մոռալ անցաւ իր սենյակը և դուռը փակեց: Զեննին ու մայրը երեսնաներին ուղարկեցին քնելու, իսկ իրենք գնացին խոհանոց:

— Զգիտեմ, թե հիմա ինչ պիտի լինի մեր օրը,— ասաց միսիս Գերհարդը, պատկերացնելով, թե ինչպիսի նյութական դժվարություններ է բերելու այս նոր դժբախտությունը:

Նա թվում էր բոլորովին վշտաբեկ և անօգնական, և Զեննին սիրտը ցավելու չափ խղճաց նրան:

— Մի՛ վշտանա, մայրիկ,— քնքշանքով ասաց նա, դաւալով, որ իր մեջ մի որոշում է հասունանում:

Աշխարհն այնքա՛ն մեծ է: Եւ աշխարհում կան մարդիկ, որոնք ուրիշներին էլ առատաբուռն բաժին են հասցնում ամեն բարեբեց: Դե հո իրենք միշտ այդպես կուչ չեն գալու դժբախտությունների ճնշման տակ:

Զեննին նստել էր մօր կողքին և թվում էր, թե արդեն լսում է գալիք ձախորդությունների ահալոր քայլերը:

— Ի՞նչ ես կարծում, ի՞նչ է լինելու մեր օրը,— կրկնեց մայրը, տեսնելով, որ Քլիվլենդում բարեկեցիկ կյանք ստեղծելու իր ամբողջ երազանքը փուլ է գալիս աչքի առաջ:

— Զիհնչ,— պատասխանեց Զեննին, արդեն պարզ հասկանալով, թե ինչ պիտի անել,— ամեն ինչ կանցնի: Մի՛ վշտացիր: Ամեն ինչ կլավանա: Մի կերպ կկարգավորենք:

Այժմ նա զգում էր, որ բախտը պատասխանատվության ամբողջ լուծը դրել է իր վրին: Ինքը պետք է զոհաբերի իրեն, ուրիշ ելք չկա:

Հաջորդ առավոտյան Բասսը կայարանում դիմավորեց հորը: Գերհարդը շատ գունատ էր և, ըստ երևույթին, շատ էր տանջվել. նրա այտերը ներս էին ընկել, դեմքն սուլելի էր սրբվել: Նրա ձեռքերը փաթաթված էին և ամբողջ տեսքն այնքան ողորմելի էր, որ երբ նա Բասսի հետ կայարանից տուն էր գնում, անցորդները շուռ էին գալիս ու ետևից նայում:

— Թո՛ւհ, գրողը տանի,— ասաց նա որդուն:— Ո՞նց վառեցի ձեռքերս: Այնպես էին ցավում, որ կարծում էի չեմ դիմանա: Ի՞նչ ցավեր էին, գրողը տանի: Մինչև գերեզման մոռանալ չի լինի:

Նա մանրամասն պատմեց, թե ինչպես պատահեց փորձանքը և ավելացրեց, թե հիմա չի իմանում, երբեկոցե կարո՞ղ է ձեռքերը բանեցնել առաջվա պես: Աջ ձեռքի բութ մատը և ձախի երկու մատը վառվել են մինչև ոսկորը: Ձախ ձեռքի առաջին հոդերն ստիպված եղան կտրել, բութ մատը հաջողվեց փրկել, բայց կարող է պատահել, որ մատները ցցված մնան:

— Եվ այս հենց այն ժամանակ, երբ ինձ այնքան փող է հարկավոր,— ավելացրեց նա:— Ա՛յ քեզ փորձանք, փորձանք ու փորձանք:

Երբ նրանք տուն հասան, և միսիս Գերհարդը դուռը բացեց, ծերունի բանվորը, կնոջ լուռ վիշտը հասկանալով, իրեն ղսպել չկարողացավ ու արտասվեց: Միսիս Գերհարդը նույնպես սկսեց հեկեկալ: Նույնիսկ Բասսը մի րոպե կորցրեց իրեն, բայց և շուտով ուշքը հավաքեց: Փոքր երեխաները լաց ու կական էին բարձրացրել, մինչև որ Բասսը գոռաց նրանց վրա:

— Լացը թող,— զվարթ տոնով սուաց նա հորը:— Արցունքը ցավին չի օգնի: Եվ հետո մի առանձին սարսափելի բան էլ չի: Դու շուտով կլավանաս: Մի կերպ կապրենք:

Բասսի խոսքերը միառժամանակ բոլորին հանգստացրին, և հիմա, երբ ամուսինը տուն եկավ, միսիս Գերհարդի հոգին նորից լսադադվեց: Ճիշտ է, նրա ձեռքերը փաթաթանների մեջ են, բայց նա ոտքի վրա է, ուրիշ ոչ մի տեղը չի վառվել ու չի վիրավորվել և այդ էլ մխիթարություն է: Գուցե և նա նորից կարող լինի ձեռքերն աշխատեցնել և մի որևէ թեթև գործի անցնի: Համենայն դեպս, պետք է հուսալ, որ լավ կլինի:

Երբ Ջեննին երեկոյան տուն վերադարձավ, նրա առաջին ցանկությունն էր նետվել հոր մոտ, արտահայտել նրան իր ամբողջ սերն ու նվիրվածությունը, բայց վախենում էր, թե հայրը էլի այնպես սառն կընդունի իրեն, ինչպես անցյալ անգամ:

Գերհարդը նույնպես հուզված էր: Նա դեռ չէր մոռացել այն խայտառակությունը, որ պատճառել էր իրեն դուստրը:

Նա կուղենար ներողամիտ լինել, բայց ոչ մի կերպ չէր կարողանում դուրս գալ իր ղգացմունքների խառնաշփոթից և ինքն էլ չգիտեր, թե ինչ անի և ինչ ասի:

— Հայրիկ, — խոսեց Ջեննին վախվախելով մոտենալով հորը:

Գերհարզը շփոթվելով փորձեց որևէ ամենահասարակ խոսք ասել, բայց այդ նրան չհաջողվեց: Իր անօղնական վիճակի գիտակցությունը, այն միաբը, որ աղջիկը սիրում է իրեն ու խլճում և ինքն էլ չի կարող նրան չսիրել, այս ամենը վեր էր նրա ուժերից: Եվ նա չգիտացավ ու նորից լաց եղավ:

— Ներիր ինձ, հայրիկ, — աղաչում էր Ջեննին: — Խընդրում եմ, ներիր ինձ:

Գերհարզը նույնիսկ սիրտ չարեց աղջկան նայել, բայց հանդիպման շփոթմունքով համակված՝ մտածեց, որ իսկապես կարող է ներել նրան:

— Ես աղոթել եմ, — կոտրված ձայնով ասաց նա: — Լավ, մոռանանք այդ:

Երբ ուշքի եկավ, նա արդեն ամաչում էր իր հուզմունքից, բայց նրանց միջև արդեն մոտիկություն ու փոխըմբռնողություն էր հաստատվել: Այդ օրվանից, թեպետև նրանց հարաբերությունների մեջ դեռ մի որոշ զսպվածություն մնացել էր, Գերհարզն այլևս չէր աշխատում Ջեննին չնկատել, իսկ նա հոր հետ պարզ էր ու սիրալիր, ինչպես վայել է դուստերը, բոլորովին այնպես, ինչպես հին ժամանակներում:

Այսպիսով տան մեջ նորից խաղաղություն հաստատվեց, բայց երևան եկան ուրիշ հոգուեր: Ինչպե՞ս ապրել, երբ եկամուտը պակասել է շաբաթական հինգ դոլլարով, իսկ ծախսերը Գերհարզի ներկայության պատճառով ավելացել են: Բասսը կարող էր իր շաբաթական վաստակից ավելին տալ, քան տալիս էր, բայց իրեն պարտավոր չէր զգում այդ անել: Եվ այսպես շաբաթական ինը դոլլարը պետք է բավականացներ և՛ բնակարանի վարձին, և՛ ուտելիքին, և՛ ածուխին, էլ շենք խոսում պատահական ծախսերի մասին, որոնք ծանր բեռ էին դրոճել: Գերհարզն ամեն օր պետք է գնար բժշկի մոտ՝ լիրակապության: Զորջի կոշիկները մաշվել էին: Կամ պետք է

որևէ տեղից փող ճարեին, կամ թե ընտանիքը նորից պարտ-  
քերի տակ էր մտնելու և նորից պիտի ապրեր կարիքի բոլոր  
տանջանքները: Այս հանգամանքների ազդեցության տակ  
Ջեննիի որոշումը վերջնականապես հասունացավ:

Լեսթերի նամակն անպատասխան էր մնում: Նշանակված  
օրը մոտենում էր: Արդյոք չգրե՞լ նրան: Նա կօգնի իրենց: Զե՞  
որ նա ուզում էր անպայման փող տալ իրեն: Վերջ ի վերջո  
Ջեննին որոշեց, որ իր պարտքն է օգտվել առաջարկված օգ-  
նությունից: Եվ նա Լեսթերին մի կարճ նամակ գրեց: Լավ,  
ինքը կհանդիպի նրան, բայց խնդրում է իրենց տուն չգալ:  
Նա նամակն ուղարկեց և մի տարօրինակ զգացմունքով՝  
երկյուղի դողի և ուրախ հույսի խառնուրդի զգացմունքով  
սկսեց սպասել վճռական օրվան:

## Գ Լ Ո Ւ Խ XXII

Հասավ ճակատագրական ուրբաթ օրը, և Ջեննին դեմ  
առավ նոր լուրջ դժվարությունների, որոնք բարդացնում էին  
նրա համեստ գոյությունը: Ուրիշ ընտրություն չկա, մտածում  
էր նա: Կյանքն ինձ չժպտաց: Ինչո՞ւ շարունակել դիմադրու-  
թյունը: Եթե նա կարողանար երջանկացնել իր հարազատնե-  
րին, կրթություն տալ Վեստային, թաքցնել իր անցյալը և  
Վեստայի գոյությունը, գուցե թե... գուցե թե... Զի՞ պատա-  
հում, որ հարուստ մարդիկ ամուսնանում են աղքատ աղ-  
ջիկների հետ, իսկ Լեսթերն այնքա՞ն բարի է, և ինքն էլ  
իհարկե, դուր է գալիս նրան: Ժամը յոթին նա գնաց միսիս  
Բրայսբրիջի մոտ: Կեսօրին գնալու թույլտվություն խնդրեց,  
պատճառ բերելով, թե մորն օգնելու գործ ունի և գնաց հյու-  
րանոց:

Լեսթերը Յինցինսատիից դուրս էր եկել մի քանի օր  
շուտ, քան ենթադրում էր դուրս գալ, ուստի և Ջեննիի պա-  
տասխանը չէր ստացել: Նա Քլիվլենդ հասավ մռայլ տրամա-  
դրությամբ և աշխարհում ամեն ինչից դժգոհ: Դեռ էլի մի  
ազոտ հույս ուներ, թե Ջեննիի նամակը հյուրանոցում է

սպասում իրեն, բայց այնտեղ նրանից ոչ մի տող չկար: Լեւ-  
թերը հեշտովթյամբ հուսահատվողներից չէր, բայց այսօր  
նա էլ քիթը կախեց և մռայլ տրամադրությամբ բարձրացավ  
իր սենյակը՝ շորերը փոխելու: Ընթրիքից հետո նա փորձեց  
բիլյարդ խաղալով՝ զվարճանալ և ընկերներից բաժանվեց  
միայն այն ժամանակ, երբ սովորականից շատ ավելի էր  
խմել: Մյուս օրն առավոտյան նա վերև բարձրացավ այն մը-  
ռայլ մտքով, թե ստիպված կլինի ձեռք քաշել այդ գործից,  
բայց ժամանակն անցնում էր, մոտենում էր նշանակված  
ժամը, և Լեւթերը մտածեց, թե գուցե հարկավոր է մի քիչ էլ  
սպասել: Մեկ էլ տեսար՝ հանկարծ Ջեննին եկավ: Եվ ահա  
նշանակված ժամից քառորդ ժամ առաջ նա իջավ հյուրա-  
սրահ: Եվ որքա՛ն մեծ եղավ նրա ուրախությունը, երբ տեսավ  
Ջեննիին. նա նստել ու սպասում էր, և դա նշան էր, որ նա  
հնազանդվել է: Լեւթերն արագ մոտեցավ նրան գոհ, ուրախ,  
ժպիտը դեմքին:

— Դու, այնուամենայնիվ, այստե՞ղ ես,— ասաց նա  
աղջկան նայելով այնպիսի մի մարդու հայացքով, որը նորից  
ձեռք է բերել իր կորցրած գանձը:— Հապա ինչո՞ւ ինձ չէիր  
գրել: Դու այնպես համառորեն էիր լռել, որ ես մտածեցի, թե  
իմ երեսը տեսնել չես ուզի:

— Ես գրել եմ,— պատասխանեց Ջեննին:

— Ո՞ւր:

— Այն հասցեով, որ դուք տվել եք ինձ: Երեք օր առաջ  
եմ գրել:

— Ա՛հ, ա՛յ թե ինչ: Նամակդ ինձ չի հասել: Հարկավոր  
էր ավելի շուտ գրել: Կավ, դո՞ւ ինչպես ես:

— Կավ եմ,— պատասխանեց Ջեննին:

— Կարծես ինչ-որ դրան նման չէ: Տեսքդ հոգնածի տեսք  
է: Ի՞նչ է պատահել, Ջեննի: Ինչպե՞ս են տոնեցիք, ամեն ինչ  
կարգի՞ն է:

Լեւթերն այս հարցը բոլորովին պատահաբար տվեց, նա  
ինքն էլ չգիտեր, թե ինչո՞ւ տվեց այդ հարցը: Բայց նրա հար-  
ցը Ջեննիին օգնեց խոսել նրա մասին, ինչ ամենից ավելի էր  
հուզում իրեն:



— Հայրս հիվանդ է,— ասաց նա:

— Իսկ ի՞նչ է եղել:

— Գործարանում նրա ձեռքերը վառվել են: Մենք սոսկալի վախեցանք: Կարծես թե նա այլևս երբեք չպիտի կարողանա ազատորեն տիրապետել իր ձեռքերին:

Ջեննին լռեց, և նրա դեմքն արտահայտում էր նրա հուսահատության ամբողջ փորությունը: Լեսթերը հասկացավ, որ նա անելանելի դրության մեջ է:

— Շատ եմ ցավում,— ասաց նա:— Շատ ցավալի բան է: Այդ ե՞րբ է պատահել:

— Մոտ երեք շաբաթ կլինի:

— Հը՛մ: Լավ չի: Դե, ինչ որ է, արի նախաճաշենք: Սուղում եմ խոսել քեզ հետ: Իմ գնալուց հետո միշտ ուզեցել եմ իմանալ, թե ինչպես է ապրում ձեր ընտանիքը:

Նա Ջեննինին տարավ ռեստորան և այնտեղ մի առանձնացած փոքրիկ սեղան ընտրեց: Ցանկանալով աղջկա մտքերը փարատել՝ նա առաջարկեց նրան նախաճաշ պատվիրել, բայց Ջեննին շատ էր մտազբաղ ու ամաչկոտ, և Լեսթերն ստիպված եղավ ինքն զբաղվել ճաշատեսակների թերթիկով: Եվ այդ գործը վերջացնելուց հետո ուրախ-ուրախ դարձավ աղջկան:

— Դե՛, Ջեննինի, ես ուզում եմ, որ դու ամեն ինչ պատմես ինձ ձեր ընտանիքի մասին: Անցյալ անգամ ես շատ թեքիչ հասկացա, իսկ հիմա ուզում եմ ինչպես պետքն է մանրամասն իմանալ: Ասում ես, որ հայրդ ապակի փշող բանվոր է, և հիմա ստիպված է այդ աշխատանքը թողնել. դա սլարդ է:

— Այո,— ասաց Ջեննին:

— Ընտանիքում քանի՞ երեխա եք, բացի քեզանից:

— Հինգ:

— Մեծը դո՞ւ ես:

— Ոչ, մեծը Սեբաստյանն է: Նա քսաներկու տարեկան է:

— Ինչո՞վ է զբաղվում նա:

— Վաճառող է ծխախոտի խանութում:

— Զղիտե՞ս որքան է վաստակում:

— Կարծեմ տասներկու դուլլար,— քիչ մտածելուց հետո սլատաախանեց Ջեննին:

— Իսկ մյուս երեխանե՞րը:

— Մարթան ու Վերոնիկան չեն աշխատում, նրանք դեռ շատ փոքր են: Ջորջն աշխատում է Ուիլսոնի խանութում: Նա երեքուկես դուլլար է ստանում:

— Իսկ դո՞ւ որքան ես ստանում:

— Ես՝ չորս:

Լեսթերը մի պահ լռեց՝ մտքում հաշվելով, թե որքան եկամուտ ունեն նրանք ապրուստի համար:

— Ինչքա՞ն եք վճարում բնակարանին,— հարցրեց նա:

— Քսան դուլլար:

— Մայրդ երեխան արդեն ջահել չէ՞:

— Շուտով հիսուն տարեկան կլինի:

Լեսթերը մտախոհ՝ պատառաքաղն էր շուռումուռ տալիս:

— Ճիշտն ասած, Ջեննի, ես մոտավորապես այդպես էլ պատկերացնում էի,— ասաց նա վերջապես:— Քո մասին ես շատ եմ մտածել: Հիմա ինձ համար ամեն ինչ պարզ է: Դու միայն մի ելք ունես, և դա այնքան էլ վատ ելք չի, եթե դու վստահես ինձ:

Նա լռեց, սպասելով հարցի, բայց Ջեննին ոչ մի հարց չտվեց: Նա խորասուզված էր իր հոգսերի մեջ:

— Դու չե՞ս ուզում իմանալ, թե որն է ելքը,— հարցրեց նա:

— Ուզում եմ,— մեքենայորեն պատասխանեց աղջիկը:

— Այդ ես եմ,— ասաց Լեսթերը:— Դու պետք է թույլ տաս ինձ օգնել ձեզ: Ես այդ անցյալ անգամ էի ուղում անել: Բայց հիմա դու պետք է ընդունես իմ օգնությունը, լսո՞ւմ ես:

— Ես կարծում էի բանը դրան չի հասնի,— սլարդորեն ասաց Ջեննին:

— Ես գիտեմ, թե դու ինչ էիր կարծում,— առարկեց Լեսթերը:— Մոռացիր այդ: Ես քո ընտանիքի մասին կհոգամ: Եվ այդ կանեմ հենց հիմա, առանց հետաձգելու:

Նա քսակը հանեց և նրա միջից դուրս քաշեց մի քտնի

տասն ու քսանհինգ դոլլարանոց թղթադրամ, ընդամենը երկու հարյուր հիսուն դոլլար:

— Վերցրու,— ասաց նա:— Սա միայն սկիզբն է: Ես կհետեւեմ, որ սրանից հետո ձեր ընտանիքն ապահովված լինի: Զեռքդ տուր:

— Ո՛չ, ո՛չ,— գոչեց Զեննին:— Այդքան շատ հարկավոր չէ: Այդքան մի՛ տվեր:

— Մի՛ վիճիր,— ասաց Լեսթերը:— Հապա, ձեռքդ տուր: Նրա հայացքին հնազանդվելով՝ Զեննին ձեռքը մեկնեց, և Լեսթերը փողն աղջկա բուռը դնելով՝ նրա մատները թեթեւակի սեղմեց:

— Վերցրու, անուշա: Ես սիրում եմ քեզ, ի՛մ չքնաղ: Ես չեմ ուզում, որ դու կարիքի մեջ լինես, ինչպես և քո հարազատները:

Զեննին շրթունքը կծեց և համր շնորհակալությամբ նայեց նրան:

— Զգիտեմ, ինչպես շնորհակալ լինեմ ձեզնից,— վերջապես ասաց նա:

— Եվ պետք էլ չէ,— պատասխանեց Լեսթերը:— Հապատա, ես եմ, որ պիտի շնորհակալ լինեմ քեզանից:

Նա լռեց և նայեց աղջկան՝ նրա գեղեցկությամբ հմայված: Զեննին գլուխը չէր բարձրացնում, սպասում էր, թե էլի ինչ է լինելու:

— Լավ չէ՞ր լինի, որ դու աշխատանքդ թողնեիր,— հարցրեց Լեսթերը:— Ամբողջ օրն ազատ կլինեիր:

— Զեմ կարող,— պատասխանեց աղջիկը:— Հայրիկս չի թույլ տա: Նա գիտե, որ ես պետք է փող վաստակեմ:

— Ճիշտ որ,— ասաց Լեսթերը:— Բայց ի՞նչ օգուտ քո աշխատանքից: Տեր աստված, շաբաթական չորս դոլլար: Ես ուրախությամբ քեզ հիսուն անգամ ավելին կտայի, եթե իմանայի, որ դու կարող ես օգտվել այդ փողերից:

Նա մտացրիվ մատները թխկթխկացրեց սեղանին:

— Զեմ կարող,— ասաց Զեննին:— Ես այս փողն էլ չգիտեմ ինչ պիտի անեմ: Մերոնք գլխի կընկնեն: Ստիպված եմ ամեն ինչ մորս պատմել:

Ջեննիի այս խոսքերից լեսթերը եզրակացրեց, որ մայրն ու աղջիկը շատ մտերիմ են, քանի որ աղջիկը կարող է այդպիսի խոստովանություն անել մորը: Լեսթերը չոր մարդ չէր, և սրանից նա զգացվեց: Բայց նա ամենևին մտադիր չէր հրաժարվել իր մտքից:

— Որքան ես հասկանում եմ, կա միայն մեկ ելք,— մեղմորեն շարունակեց նա:— Դու սպասուհի չպետք է լինես: Դա քեզ վայել չէ: Ես դրան դեմ եմ: Ամեն ինչ թող և արի ինձ հետ գնանք Նյու-Յորք: Ես քո մասին կհոգամ: Ես քեզ սիրում եմ և ուզում եմ, որ դու ինձ հետ լինես: Եվ դու էլ այլևս քո հարազատների մասին չես անհանգստանա: Դու կարող ես նրանց համար մի լավ տուն գնել և կահավորել քո ճաշակով: Մի՞թե դու այսպիսի բան չես ուզում:

Նա լռեց, և Ջեննին իսկույն մտածեց մոր մասին, իր սիրելի մոր մասին: Ամբողջ կյանքում միսիս Գերհարդը հենց դրա մասին էր խոսում, այդպիսի մի սիրուն տան մասին: Որքան երջանիկ կլինեիր նա, եթե ունենային մի քիչ ավելի մեծ մի տուն, լավ կահույք, մի պարտեզ: Այդպիսի տան մեջ նա ազատված կլինեիր բնակարանի վարձի հոգսից, անհամար կահույքից, ստորացուցիչ աղքատությունից. նա այնպե՛ս երջանիկ կլինի: Մինչ Ջեննին խորհում էր սրա մասին, լեսթերը, որ ուշադիր հետևում էր նրան, հասկացավ, որ դիպել է նրա ամենանուրբ զգացմունքին: Դա հաջող միտք էր՝ առաջարկել նրան մի կարգին տուն գնել իր հարազատների համար: Նա էլի մի քանի րոպե սպասեց, ապա ասաց.

— Ուզեմն դու ինձ թույլ կտա՞ս այդ անել:

— Դա շատ լավ կլինեիր,— ասաց Ջեննին:— Բայց հիմա անկարելի է: Ես տանից գնալ չեմ կարող: Հայրս կուզենա ճիշտն իմանալ, թե ուր եմ գնում ես: Ի՞նչ կասեմ նրան:

— Իսկ ինչո՞ւ չասել, թե դու Նյու-Յորք ես գնում միսիս Բրայսբրիջի հետ,— առաջարկեց լեսթերը:— Սրա դեմ ոչ ոք չի կարող առարկել, չէ՞:

— Այո, եթե տանը ճշմարտությունը չիմանան,— զարմացած նրան նայելով ասաց Ջեննին:— Իսկ եթե հանկարծ իմանա՞ն:

— Չեն իմանա,— հանգիստ պատասխանեց Լեսթերը:—  
Նրանք միսիս Բրայսբրիջի գործերը չգիտեն: Քի՞չ տիրուհի-  
ներ են լինում, որոնք երկար ժամանակով տեղ գնալիս իրենց  
հետ տանում են սպասուհիներին: Ուղղակի ասա, որ քեզ  
առաջարկել են գնալ, որ դու պետք է գնաս, և մենք կգնանք:

— Կարծում եք այդպես կարելի՞ է,— հարցրեց աղջիկը:

— Իհարկե,— պատասխանեց Լեսթերը:— Այստեղ ի՞նչ  
կա որ:

Քիչ մտածելուց հետո Ջեննին որոշեց, որ թերևս դա  
իրագործելի է: Բայց հետո մտածեց, որ այդ մարդու հետ մո-  
տիկուլյուն անելը կարող է նորից իր համար մայրությամբ  
վերջանալ: Ինչպիսի՞ ողբերգություն՝ կյանք տալ երեխայի...  
ո՛չ, ինքը չի կարող նորից այդպիսի բան անել, համենայն  
դեպս, ո՛չ այնպես հապճեպ, ինչպես առաջին անգամ: Նա չէր  
կարող նրան պատմել Վեստայի մասին, բայց պետք է խո-  
սեր այդ անհաղթահարելի խոչընդոտի մասին:

— Ես... — սկսեց նա և կանգ առավ չկարողանալով  
շարունակել:

— Դո՛ւ... — կրկնեց Լեսթերը:— Հետո՞:

— Ես... — և Ջեննին նորից լռեց:

Լեսթերին հիացնում էին նրա ամոթխածությունը, նրա  
քնքուշ շրթունքները, որոնք սիրտ չէին անում պետք եղած  
խոսքն ասել:

— Դե, ի՞նչ,— հարցրեց նա սիրտ տալով:— Դու պար-  
զապես սքանչելի աղջիկ ես: Վախենո՞ւմ ես ինձ ասել:

Ջեննիի ձեռքը դրված էր սեղանին: Լեսթերը կռացավ և  
նրա ձեռքի վրա դրեց իր ուժեղ, թուխ ձեռքը:

— Ինձ ամենևին չի կարելի երեխա ունենալ,— վերջա-  
պես ասաց Ջեննին հայացքը ցած գցելով:

Լեսթերը սկեռուն նայում էր նրան և զգում, որ նրա  
հմայիչ անկեղծությունը մի արժանիք է, որ նա պահպանել  
է նույնիսկ այսքան դժվարին պայմաններում, կենսական  
կարևորագույն երևույթները պարզ ու անմիջականորեն ըն-  
դունելու նրա կարողությունը նրան բարձրացնում են իր աչ-  
քում:

— Դու արտասովոր աղջիկ ես, Ջեննի,— ասաց նա։— Ուղղակի հրաշք ես դու։ Բայց մի՛ վախեցիր։ Դա կարելի է կարգավորել։ Դու երեխա չես ունենա, քանի որ ինքդ չես ուզում, և հենց ես ինքս էլ չեմ ուզում։

Ջեննիի զարմացած ու ամոթից կարմրած դեմքը տարակուսանք էր արտացոլում։

— Այո՛, այո՛,— ասաց Լեսթերը։— Դու ինձ հավատում ես, չէ՞։ Ես գիտեմ, թե ինչ եմ ասում, դու ի՞նչ ես կարծում։

— Այո,— կմկմալով պատասխանեց աղջիկը։

— Դե, ուրեմն։ Համենայն դեպս ես չեմ թողնի, որ քեզ մի վատ բան պատահի։ Ես քեզ կտանեմ այստեղից։ Եվ հետո, ես ամենեին էլ երեխա չեմ ուզում։ Հիմա նրանք ինձ ամենավտոր բավականություն անգամ չեն պատճառի։ Գերադասում եմ դա հետաձգել։ Բայց այդպիսի բան չի էլ լինի, թող դա քեզ չանհանգստացնի։

— Լավ,— հազիվ լսելի պատասխանեց Ջեննին։

Հիմա նա ոչ մի գնով չէր ցանկանա, որ իր հայացքը հանդիպի նրա հայացքին։

— Լսիր, Ջեննի,— ասաց Լեսթերը քիչ սպասելուց հետո։— Դու ինձ սիրում ես, չէ՞։ Մի՞թե ես կսկսեի խնդրել քեզ, եթե չսիրեի, ի՞նչ ես կարծում դու։ Ես ուղղակի գլուխս կորցրել եմ քեզ համար, սա զուտ ճշմարտություն է։ Ուղղակի հարբել եմ քո սիրով, ինչպես գինով կհարբեն։ Դու պետք է գաս ինձ հետ։ Պետք է գաս և այն էլ՝ շուտ։ Ես գիտեմ, խանգարողը քո հարազատներն են, բայց դա կարելի է հարթել։ Գնանք միասին Նյու-Յորք, իսկ հետո մի որևէ բան կմտածենք։ Ես կծանոթանամ քո հարազատների հետ։ Ես կձևացնեմ, թե սիրատու եմ քեզ, ամեն ինչ կանեմ, միայն թե գնանք առանց հետաձգելու։

— Բայց հո հենց հիմա չէ՞,— հարցրեց Ջեննին համարյա վախեցած։

— Եթե կարելի է՝ վաղը։ Ամենաուշը՝ երկուշաբթի։ Դու կսարքես այդ։ Ի՞նչն է քեզ խանգարում։ Չէ՞ որ եթե միասին Բրայսթերիջը քեզ առաջարկեր մեկնել, դու իսկույն կպատ-

րաստվեիր, և ոչ ոք ոչ մի խոսք չէր ասի քեզ: Ծիշտ չե՞մ ասում:

— Այո,— մի պահ մտածելով պատասխանեց Զեննին:

— Դե ուրեմն էլ ի՞նչ կա:

— Միշտ այնքան դժվար է, երբ ստիպված ես լինում սուտ խոսել,— մտախոհ խոսեց Զեննին:

— Գիտեմ, բայց և այնպես դու կարող ես գալ, չէ՞:

— Գուցե դուք մի քիչ կսպասե՞ք,— հարցրեց Զեննին:— Այնքան անսպասելի բան է սա: Ես վախենում եմ:

— Ոչ մի օր սպասել չեմ կարող, անո՛ւշս: Մի՞թե ինքդ չես տեսնում, որ այլևս սպասելու ուժ չունեմ: Նայիր աչքերիս: Կգնա՞նք:

— Լավ,— պատասխանեց աղջիկը տխուր, բայց և այնպես նրա սրտի խորքում այդ մարդու նկատմամբ քնքշանքի մի տարօրինակ զգացմունք շարժվեց:— Կգնանք:

## Գ Լ Ո Ի Խ XXIII

Մեկնումի համար ամեն ինչ հաջողվեց շատ ավելի հեշտ, քան կարելի էր սպասել: Զեննին որոշել էր ամբողջ ճշմարտությունը մորն ասել, իսկ հորը կարելի էր միայն ասել, թե միսիս Բրայսբրիջը գնում է և ուզում է, որ Զեննին ուղեկցի իրեն: Հայրը, իհարկե, կսկսի հարցուփորձ անել, բայց հաղիվ թե որևէ կասկած ծագի նրա մեջ: Այդ օրը տուն վերադառնալիս նա կեսթերի հետ մտավ ունիվերսալ խանութ, և կեսթերը նրա համար գնեց մի սնդուկ, մի ճամպրուկ, ճանապարհորդական զգեստ և մի գլխարկ: Իր հաղթանակով նա շատ հպարտ էր:

— Երբ Նյու-Յորք հասնենք, ես քեզ համար ավելի լավ բաներ կառնեմ,— ասաց նա:— Դու դեռ ինքդ էլ չգիտես քո գինը, բոլորը պիտի շուռ գան քեզ նային:

Նա կարգադրեց, որ գնումները դարսեն սնդուկի մեջ և ուղարկեն հյուրանոց, իր համարը: Հետո Զեննիի հետ պայմանավորվեց, որ երկուշաբթի օրը մեկնելուց առաջ նա կգա հյուրանոց և շորերը կփոխի:

Տուն վերադառնալով՝ Զեննին մորը գտավ խռհանոցում, և նա, ինչպես միշտ, ուրախացավ աղջկան տեսնելով:

— Այսօր աշխատանքդ ծա՞նր էր,— գորովանքով հարցրեց նա:— Շատ հոգնած ես երևում:

— Ոչ,— ասաց Զեննին,— հոգնած չեմ: Բանն այդ չէ՝ Պարզապես ես այնքան էլ լավ չեմ զգում ինձ:

— Ի՞նչ է պատահել որ:

— Ախ, մայրիկ, ես քեզ մի բան պիտի ասեմ: Դա այնքան դժվար է որ...

Նա լռեց հարցական հայացքով մորը նայելով, ապա հայացքը հեռացրեց նրանից:

— Դե ասա, ի՞նչ է եղել,— անհանգստացած հարցրեց միսիս Գերհարդը: Նրանց գլուխն արդեն այնքան շատ դժբախտություն էր եկել, որ խեղճ կինը ապրում էր շարունակ մի նոր դժբախտություն սպասելով:— Զլինի՞ տեղիցդ ես զրկվել:

— Ոչ,— պատասխանեց Զեննին՝ ջանալով ցույց չտալ իր հուզմունքը,— բայց ուզում եմ այնտեղից դուրս գալ:

— Զի՛ կարող լինել,— գոչեց մայրը:— Բայց ինչո՞ւ:

— Ես գնում եմ Նյու-Յորք:

Մայրը զարմանքից աչքերը շոյեց:

— Ինչո՞ւ այդպես հանկարծ: Այդ ե՞րբ ես վճռել,— հարցրեց նա:

— Այսօր:

— Դու լո՞ւրջ ես ասում:

— Այո, մայրիկ: Լսիր ինձ: Ես ուզում եմ մի բան պատմել քեզ: Դու հո գիտես, թե որքան ծանր է մեր կյանքը: Միևնույն է, մենք ոչ մի կերպ չենք կարող մեր գործերը կարգի բերել: Իսկ հիմա գտնվել է մի մարդ, որն ուզում է մեզ օգնել: Նա ասում է, որ սիրում է ինձ և ուզում է, որ երկու-շաբթի օրը իր հետ գնամ Նյու-Յորք: Ես որոշել եմ գնալ:

— Ո՛չ, Զեննի, ո՛չ մի պայմանով,— գոչեց մայրը:— Ինչպե՞ս ես ուզում նորից նույնպիսի քայլ անել: Մտածիր հորդ մասին:

— Ես արդեն ամեն ինչի մասին մտածել եմ,— հաստա-



տակամ ասաց Զեննին:— Այդպես ավելի լավ կլինի: Նա լավ ճարդ է, ես գիտեմ: Եվ շատ փող ունի: Նա ուզում է, որ ես իր հետ գնամ, և ես կգնամ: Իսկ երբ վերադառնանք, նա մեզ համար մի նոր տուն է գնելու և ընդհանրապես կօգնի մեզ: Գուհո ինքդ էլ գիտես, ոչ ոք ինձ հետ չի ամուսնանա: Թող այդպես լինի: Նա ինձ սիրում է: Ես էլ նրան եմ սիրում: Ինչո՞ւ չգնամ որ:

— Իսկ նա Վեստայի մասին գիտե՞, — ղգուշությամբ հարցրեց մայրը:

— Ոչ, — մեղավորի տոնով պատասխանեց Զեննին:— Նա կարծում եմ ավելի լավ է չասել նրան: Ես կաշխատեմ Վեստային չխառնել այս բանին:

— Վախենում եմ, որ նոր փորձանքի կգաս, Զեննի: Մի՞թե կարծում ես, թե դա երբեք չի բացվի:

— Ես մտածել եմ, որ նա կապրի այստեղ, ձեզ հետ, մինչև դպրոց գնալու ժամանակը կգա, — ասաց Զեննին:— Իսկ հետո երևի ես կկարողանամ որևէ տեղ ուղարկել նրան սովորելու:

— Այդ այդպես է, — համաձայնեց մայրը, — բայց գուցե ավելի լավ կլինի միանգամից ասել նրան: Եթե դու նրան ճշմարտությունն ասես, նա քո մասին ավելի լավ կարծիքի կլինի:

— Բանն այդ չէ: Բանը Վեստան է, — ջերմորեն ասաց Զեննին:— Ես չեմ ուզում նրան խառնել այս բանի մեջ:

Մայրը գլուխն օրորեց:

— Որտե՞ղ ես ծանոթացել նրա հետ, — հարցրեց նա:

— Միսիս Բրայսթրիջի մոտ:

— Վաղո՞ւց է:

— Այո, մոտ երկու ամիս:

— Եվ դու ոչ մի անգամ ոչ մի խոսք չես ասել նրա մասին, — կշառամբեց նրան միսիս Գերհարդը:

— Ես չգիտեի, որ նա այդպես է վերաբերում ինձ, — մեղավորի տոնով ասաց Զեննին:

— Բայց գուցե կսպասե՞ս, ինչո՞ւ նա առաջ մեզ մոտ չի գալիս, — հարցրեց մայրը:— Այն ժամանակ ամեն ինչ

նավելի պարզ կլինի: Զէ՞ որ, միւնույն է, եթե դու գնաս, հայրդ ճշմարտությունը կիմանա:

— Ես ուզում եմ ասել, որ գնում եմ միսիս Բրայսբրի-ջի հետ: Այն ժամանակ հայրիկը չի առարկի:

— Այո, թերեւ, — մտախոհ համաձայնեց մայրը:

Նրանք լուռ իրար էին նայում: Միսիս Գերհարդը փորձում էր իր երեակայության մեջ պատկերացնել այդ նոր դարմանալի մարդուն, որն այժմ մտել է Զեննիի կյանքի մեջ: Նա հարուստ է: Նա ուզում է Զեննիին տանել: Նա ուզում է իրենց համար մի լավ տուն դնել: Ա՛յ քեզ պատմություն:

— Եվ էլի ա՛յ ինչ տվեց նա ինձ, — ավելացրեց Զեննիին՝ ինչ-որ հոտառությամբ կռահելով մոր մտքերը:

Նա հանեց երկու հարյուր հիսուն դոլլար, որ պահված էր ծոցում, և դրեց միսիս Գերհարդի բուռը:

Մայրը զարմանքով հայացքը հառեց փուշին: Այդ կանաչ ու դեղին թղթերը կփրկեն ուտելիքի, հագուստի, ածուխի ու բնակարանի վարձի հոգսերից: Եթե տանը շատ փող լինի, Գերհարդն այնքան էլ չի վշտանա, որ ձեռքերը վառվելու պատճառով աշխատել չի կարող: Զորջի, Մարթայի ու Վերոնիկայի համար լավ-լավ բաներ կգնեն, որ նրանք այնքա՛ն են ուզում: Զեննիին կարգին կհագնվի, Վեստան կրթություն կստանա:

— Դու կարծում ես, որ նա երբեիցե կամուսնանա՞ քեզ հետ, — վերջապես հարցրեց մայրը:

— Զգիտեմ, — պատասխանեց Զեննին: — Գուցե թե: Ես դիտեմ միայն, որ նա ինձ սիրում է:

— Դե ինչ ասեմ, — մի պահ լռելուց հետո խոսեց միսիս Գերհարդը, — եթե դու ուզում ես հորդ ասել, որ գնում ես, ուրեմն մի հետաձգիր: Առանց այն էլ նրան շատ տարօրինակ կթվա:

Զեննին հասկացավ, որ հաղթանակն իրեն մնաց: Հանգամանքների ուժը մորն ստիպեց հաշտվել եղածի հետ: Նա վշտացած է, բայց և այնպես նրան արդեն թվում է, թե գուցե և այդ լավ կլինի:

— Ես քեզ կօգնեմ, — հառաչելով ասաց նա աղջկան:

Միտիս Գերհարդի համար հեշտ չէր սուտ խոսել, բայց նա սուտ խոսեց այնպիսի անբռնազբոսիկ տեսքով, որ ցրեց ամուսնու բոլոր կասկածները: Նորությունը հայտնեցին նաև երեսաներին, բոլորն աշխույժ քննարկում էին այդ հարցը, իսկ երբ հետո Ջեննին էլ հորը հայտնեց այդ հերյուրանքը, ամեն ինչ բավական բնական ստացվեց:

— Երկա՞ր ժամանակով ես գնում,— հարցրեց հայրը:

— Մի երկու-երեք շաբաթով,— ասաց Ջեննին:

— Հաճելի ճանապարհորդություն է դա,— ասաց Գերհարդը:— Ես եղել եմ Նյու-Յորքում հազար ութ հարյուր քառասունչորս թվականին: Այն ժամանակ դա մի շատ փոքրիկ քաղաք էր, այն չէր, ինչ հիմա է:

Հոգու խորքում նա շատ ուրախ էր, որ Ջեննիի բախտն այդպես բերել է: Ինչպես երեւում է, տիրուհին նրանից գոհ է:

Հասավ երկուշաբթի օրը: Վաղ առավոտյան Ջեննին հրաժեշտ տվեց հարազատներին և գնաց «Դորնթոն» հյուրանոց, որտեղ նրան սպասում էր Լեսթերը:

— Ահա և դու եկար,— ուրախ գոչեց նա, Ջեննիին դիմավորելով կանանց հյուրասարահում:

— Այո,— պարզ պատասխանեց աղջիկը:

— Դու իմ ազգականուհին ես,— շարունակեց Լեսթերը:— Ես քեզ համար սենյակ եմ պատվիրել իմ աննյակի կողքին: Հիմա մարդ կուղարկեմ բանալին բերելու, և դու շոքերդ կփոխես: Երբ պատրաստ կլինես, ես քո սնդուկը կուղարկեմ կաշարան: Գնացքք մեկնում է ժամը մեկին:

Ջեննին գնաց հագնվելու, իսկ Լեսթերը, չիմանալով ինչպես ժամանակն սպանել, կարդում էր, ծխում և, վերջապես, նրա դռուր բխեց: Ջեննին արդեն հագնվել էր և խեղճ դուռը բացեց:

— Դու չքնաղ ես,— ասաց Լեսթերը ժպտալով:

Աղջիկը հայացքը ցած գցեց, նրա հոգին ծանրուցած էր և անհանգիստ: Նա ստիպված էր եղել այնքան խորամանկել, սուտ խոսել, հուզվել, որպեսզի իր դերը խաղա. այս ամենը նրա համար հեշտ չէր եղել: Նրա դեմքը հոգնած էր ու տառապած:

— Մի՞թե դու վշտացած ես,— հարցրեց Լեսթերը ուշադիր նայելով նրան:

— Ո՛րչ,— պատասխանեց աղջիկը:

— Դե, անուշա, հարկավոր չէ այդպես: Ամեն ինչ լավ կլինի:

Նա գրկեց աղջկան ու համբուրեց, և նրանք ցած իջան: Լեսթերը դարձացել էր, տեսնելով, թե որքան լավիկն է նա նույնիսկ այդ համեստ հագուստի մեջ, որը, սակայն, նրա հագածներից ամենալավն էր:

Նրանք արագ հասան կայարան: Լեսթերը տեղերը նախապես էր պատվիրել, որպեսզի իրենք գան հենց ճիշտ զնացքի մեկնելու ժամանակ: Նրանք նստեցին պուլմանյան վագոն, և Լեսթերին համակեց մեծագույն գոհունակության մի զգացմունք: Կյանքը նրան վարդապույն էր երևում: Ջեննին իր կողքին էր: Ինքը հասել էր ցանկացածին: Ի՞նչ լավ կլիներ, եթե ամեն բան այսպես հաջողվեր:

Գնացքը շարժվեց, և Ջեննին սկսեց մտախոհ դուրս նայել լուսամուտից: Դուրսը փռված էին անծայրածիր դաշտերը՝ պաղ անձրևից խոնավ ու դեղնած, աշնանային մերկ անտառները, հարթ դաշտավայրում երևում էին մանրիկ ֆերմաներ՝ ցածրիկ տանիքով տնակներ, որոնք ասես ջանում էին ավելի ամուր կաշել գետնին: Գնացքը սլանում էր մանրիկ գյուղերի մոտով. դրանք պարզապես գորշ ու դեղին խճիթների խումբեր էին, որոնց տանիքները սևացել էին անձրևից: Տնակներից մեկը Ջեննին հիշեցրեց Գերհարգների հին տունը Կուլումբուսում: Նա աչքերը թաշկինակով ծածկեց ու կամացուկ լաց եղավ:

— Դու լալի՞ս ես, Ջեննի,— հանկարծ ասաց Լեսթերը՝ դադարեցնելով ձեռքի նամակի ընթերցումը:— Կամա՞ց, կամա՞ց,— շարունակեց նա, տեսնելով, որ աղջիկն ամբողջ մարմնով դողում է:— Այդպես չի կարելի: Խեղացի եղիր: Ի՞նչ օգուտ արցունքից:

Աղջիկը չէր պատասխանում, և Լեսթերն ահամա կարեկցեց այդ խոր, համր վշտին:

— Մի՛ լար, — հանգստացնում էր նա:— Ես ասացի չէ՞,

ամեն ինչ լավ կլինի: Ոչ մի բանի մասին մի՛ անհանգրսւտանա:

Ջեննին դժվարությամբ իրեն հավաքեց և սկսեց աչքերը սրբել:

— Պետք չէ այդպես հուզվել, — շարունակեց լեսթերը: — Դրանից ոչ մի օգուտ չկա: Ես հասկանում եմ, քեզ համար դժվար է տանից հեռանալ, բայց արցունքը չի օգնի: Եվ հո մշտապես չես հեռանում: Շուտով կվերադառնաս: Եվ դու էլ ինձ սիրում ես, չէ՞, անուշա: Ես քեզ համար մի բան նշանակում եմ:

— Այո, — պատասխանեց Ջեննին աշխատելով ժպտալ: լեսթերը նորից սկսեց նամակները կարդալ, իսկ Ջեննին մտածում էր Վեստայի մասին: Նա իրեն վատ էր զգում այն դիտակցությունից, որ դադարիք է պահել այդ մարդուց, որն արդեն իր համար թանկ է դարձել: Նա գիտեր, որ պետք է լեսթերին պատմի երեխայի մասին, բայց հենց միայն այս միտքը նրա սիրտը դող էր գցում: Գուցե թե երբեկիցե այնքան քաջություն կունենա, որ կխոստովանի նրան: «Ես պետք է նրան ասեմ, — հուզմունքով մտածում էր նա. հանկարծ նրա մեջ արթնացավ այդ պարտքի դիտակցության ամբողջ լրջությունը: — Եթե ես հիմա չխոստովանեմ, և մենք սկսենք միասին ապրել, իսկ հետո նա ամեն ինչ իմանա, երբեք չի ների ինձ: Նա կարող է ինձ վռնդել, իսկ ո՞ւր կգնամ ես: Ես այլևս տուն չունեմ: Այն ժամանակ ինչպե՞ս կպահեմ Վեստային»:

Նա շուռ եկավ և լեսթերին նայեց սոսկալի նախազգացումով, բայց նրա առաջ նստած էր սոսկ մի պատկառատես, փափկասուն տղամարդ՝ փորասուղված նամակների ընթերցանության մեջ. ոչ նրա նոր սափրված վարդագույն այտերին, ոչ ամբողջ տեսքում, որը գոհունակություն էր շրնչում, չկար ցասումնալից նեմեզիսը\* հիշեցնող ոչ մի բան: Հազիվ էր Ջեննին իր հայացքը հեռացրել, երբ իր հերթին նրան նայեց լեսթերը:

\* Նեմեզիս — հին հունական վրիժառության աստվածուհին (Մ. Թ.):

— Դե՛, ինչպե՞ս, լացեցի՞ր քո բոլոր մեղքերը, — ուրախ հարցրեց նա:

Ջեննին պատասխանեց մեղմ ժպիտով: Ակնարկն ակամա ճիշտ նշանակետին էր դիպել:

— Հույս ունեմ՝ այո, — ասաց նա:

Լեսթերն սկսեց խոսել ուրիշ բաների մասին, իսկ Ջեննին նայում էր լուսամուտից և մտածում, թե ինչպես հիմա կուղենար ասել նրան ճշմարտությունը, բայց, սհա, չի ստացվում: «Ձի կարելի երկար հետաձգել», — մտածում էր նա մխիթարելով իրեն այն մտքով, որ գուցե շուտով սիրտ կանի ու նրան կպատմի ամեն ինչ:

Մյուս օրը նրանք հասան Նյու-Յորք, և Լեսթերի առաջ մի լուրջ հարց ծառացավ. որտե՞ղ իջևանել: Նյու-Յորքը մեծ քաղաք է, հալիվ թե որևէ մի ծանոթ հանդիպի այստեղ, բայց Լեսթերը գերադասում էր ոիսկ չանել: Դրա համար էլ նա կառապանին պատվիրեց քշել ամենաշքեղ հյուրանոցներից մեկը և մի քանի սենյակից բաղկացած համար վերցրեց, որտեղ նրանք մնալու էին երկու-երեք շաբաթ:

Այն պայմանները, որոնց մեջ այժմ ընկել էր Ջեննին, այնքան արտասովոր էր, այնքան կուրացուցիչ, որ նրան թվում էր, թե ինքը փոխադրվել է ինչ-որ մի նոր աշխարհ: Քեյնը չէր սիրում էժանագին ճղճղացող շքեղություն: Նա միշտ իրեն շրջապատում էր սլարդ ու գեղեցիկ իրերով: Նա միանգամից հասկացավ, թե ինչ է հարկավոր Ջեննիին և նրա համար ամեն ինչ ընտրեց հոգատարությունք և ճաշակով: Եվ Ջեննին, որպես իսկական կին, սրտանց ուրախանում էր գեղեցիկ հագուստներով և զարդերով, որ առատորեն տվել էր նրան Լեսթերը: Մի՞թե սա Ջեննի Գերհարդն է, լվացարարուհու գուտորը, հարցնում էր նա ինքն իրեն, հայելու մեջ տեսնելով իր բարեկալմ կերպարանքը կապույտ թավշե հագուստով, որի օձիքն ու թևերը զարդարված էին ֆրանսիական ոսկեգույն ժանյակներով: Մի՞թե այս իր ոտքերն էին թեթև, գեղեցիկ կոշիկների մեջ, որոնք տասը գույս արժեն, այս ի՞ր ձեռքերն են, որ շոշոքում են թանկագին ականեղենի մեջ:

Ուղղակի հրաշք է, որ իր վրա այսպիսի հարստութիւն է թափվել: Եւ ինքեանք խոստացել է, որ նրա մօրն էլ որոշ քան բաժին կրնան: Արցունքով լցվեցին Ջեննիի աչքերը, երբ նա մտածեց դրա մասին: Սիրելի՛, թանկագին՝ մայրիկ:

Ինքեանք մեծ բաժանակցութիւն էր պատճառում, երբ նրան այնպէս էր հագցնում, որ իրեն վայել զուգ լինի: Նա գործի էր գրել իր բոլոր ընդունակութեանները, և արդունքն իր ամենահամարձակ սպասումից էլ գեթազանցեց: Միջանցքներում, ռեստորաններում, փողոցում մարդիկ շուտ էին գալիս և հայացքով ուղեւորում նրա ուղեկցուհուն:

— Ի՛նչ չքնաղ կին է,— լսում էր նա ամեն կողմից:

Չնայած Ջեննիի դրութիւնն այսպէս հիմնովին փոխվել էր, նա չէր շլացել և չէր կորցրել առողջ քանականութիւնը: Նա այնպիսի զգացմունք ուներ, ասես կյանքը իր քարիքները միայն ժամանակավորապէս է թափել իր վրա, իսկ հետո նորից կխլի: Ճղճիմ սնափառութիւնը հատուկ չէր նրան: Ինքեանք համոզվել էր դրանում նրան գիտելով:

— Դու հիանալի կին ես,— ասում էր նա:— Դու դեռ ավելի կփայլես: Մինչև այժմ կյանքը քեզ երես չի տվել:

Նրան անհանգստացնում էր այն միտքը, թե այս նոր կապըն ինչպե՞ս բացատրի իր հարազատներին, թե նրանք որևէ բան իմանան: Եթե տուն վարձի Զիկագոյում կամ Սենտ-Լուիսում (որի մասին արդեն մտածել էր), կհաջողվի՞ արդյոք զաղտնի պահել այս: Եւ մեկ էլ արդյոք ինքն ուղո՞ւմ է զաղտնիք դարձնել այդ: Նա համարյա համոզված էր, որ Ջեննիին իսկապէս, անկեղծորեն սիրում է:

Երբ վերադարձի ժամանակը եկավ, Ինքեանք սկսեց Ջեննիի հետ միասին քննարկել հետագա անելիքների ծրագիրը:

— Աշխատիր ինձ հորդ ներկայացնել որպէս ծանոթի,— ասում էր նա:— Այդպէս հեշտ կլինի: Ես կգամ ձեզ մոտ: Եւ հետո, երբ դու նրան կասես, որ մենք ուղում ենք ամուսնանալ, նա չի զարմանա:

Ջեննին մտածեց Վեստայի մասին և ներքուստ ցնցվեց: Բայց, դուցե, կհաջողվի՞ հորը համոզել, որ բան չասի:

Ինքեանք հեռատեսաբար Ջեննիին առաջարկել էր Քլիվ-

լենդի իր հին հագուստը պահել, որպեսզի կարողանա նրանով էլ սուս գնալ:

— Մյուս իրերի մասին մի անհանգստացիր, — ասաց նա: — Ես սրանք կպահեմ, մինչև որ մենք ուրիշ կերպ կտեղավորվենք:

Ամեն ինչ կարգավորվեց շատ հեշտ ու հասարակ. լեսթերը հիանալի ստրատեգ էր:

Քանի դեռ նրանք Նյու-Յորքում էին, Ջեննին համարյա ամեն օր նամակ էր գրում տուն և այդ նամակների մեջ մի կարճ երկտող էր դնում, որոնք միայն մոր համար էին: Մի անգամ նա հայտնել էր, թե լեսթերն ուզում է իրենց տանը լինել, և միսիս Գերհարդին խնդրել էր հորը նախապատրաստել դրան: Պետք էր պատմել, որ Ջեննին հանդիպել է մի մարդու, որը սիրում է նրան: Ջեննին գրում էր նաև Վեստա՝ ի հետ կապված դժվարությունների մասին, և մայրն իսկույն սկսեց ծրագրեր կաղմել, թե Գերհարդին ինչպես ստիպի ոչինչ չասել: Հարկավոր է, որ այս անգամ ամեն ինչ հարթ անցնի: Հարկավոր է Ջեննին իր բախտը դասավորելու հնարավորություն տալ: Վերջապես Ջեննին եկավ, և բոլորն ուրախացան: Հասկանալի է, նա չէր կարող վերադառնալ նախկին աշխատանքին, բայց միսիս Գերհարդն ամուսնուն բացատրեց, թե միսիս Բրայսբերիջը Ջեննին երկու շաբաթվա վարձ է տվել, որպեսզի նա իր համար ավելի լավ տեղ գտնի ավելի բարձր ոռճիկով:

## Գ Լ ՈՒՄ XXIV

Ժամանակավորապես կարգավորելով Գերհարդների գործերը և իր փոխհարաբերությունները նրանց հետ, Քեյնը վերադարձավ Յինցիներնատի՝ իր պարտականությունները կատարելու: Նա անկեղծորեն հետաքրքրվում էր վիթխարի ձեռնարկության կյանքով, որը քաղաքի ժայռամասում ամբողջ երկու փողոց էր զբաղեցնում, և ֆիրմայի բոլոր հաջողություններն ու հեռանկարները նրա համար նույնքան սրտին մոտ բաներ



էին, որքան հոր և եղբոր համար: Նրան դուր էր գալիս իրեն զգալ այդ վիթխարի և շարունակ աճող ձեռնարկության մի անհրաժեշտ մասնիկը: Երբ երկաթուղագծերում նա ապրանքատար վագոնի էր հանդիպում «Քեյն Ընկերություն, Յին-ցիննատի» մակագրությամբ կամ զանազան քաղաքներում խոշոր վսանութիւնների լուսամուտների ետևը իրենց ֆիրմայի արտադրած տեսակ-տեսակ կառքեր էր տեսնում, ջերմ ու հրճվալից գոհունակություն էր զգում: Դե հո կատակ բան չէ՝ լինել այդպիսի հուսալի, հարգարժան ու գովական ձեռնարկության ներկայացուցիչ: Այն ամենը հիանալի էր, բայց այժմ լեսթերի անձնական կյանքում սկսվել էր մի նոր ժամանակաշրջան. կարճ ասած, այժմ երևան էր եկել Զեննին: Հայրենի քաղաքը վերադառնալիս նա գիտակցում էր, որ այդ կապը կարող է անհաճո հետևանքներ ունենալ: Նա երկյուղ էր կրում, թե դրան ինչպես կվերաբերվի հայրը, իսկ զխա՜վորը՝ պետք էր մտածել եղբոր մասին:

Ռոբերտը պաղ ու բծախնդիր մարդ էր, օրինակելի գործարար, անբասիր և՛ հասարակության մեջ, և՛ անձնական կյանքում: Նա երբեք չէր անցնում օրինականացված կարգի խստորեն հաստատված սահմանները, աչքի չէր ընկնում կարեկցությամբ կամ մեծահոգությամբ և ըստ էության ընդունակ էր ամեն տեսակ խարդախության, որը կարող էր ինքն իր համար արդարացնել մի որևէ բարեստես պատճառաբանությամբ կամ թեկուզ անհրաժեշտությամբ: Թե այդ ժամանակ ինչպես էր դատում նա՝ լեսթերը չգիտեր. նա չէր կարող ըմբռնել տրամաբանության բոլոր խորամանկությունները, որոնք գործարարի դաժան արարքները հաշտեցնում են բարոյականության խստագույն կանոնների հետ, բայց Ռոբերտը կարողանում էր դրանք զուգակցել իրար: «Նա քարոզում է որպես շոտլանդացի պրեսբիտերական\* և շահի հոտն առնում է, ինչպես ասացի», — մի անգամ մեկի հետ խոսելիս այսպես էր ասել իր եղբոր մասին լեսթերը, և դա միանգա-

---

\* Պրեսբիտերականություն — բողոքական եկեղեցու մի դավանություն Անգլիայում (Մ. Թ.):

մայն ճիշտ բնորոշում էր: Եւ այսուամենայնիւ նա չէր կարողանում ոչ Ռոբերտին ցած պցել իր դիրքերից, ոչ էլ վեճի մեջ մտնել նրա հետ, որովհետեւ մեծամասնության կարծիքը եղբոր կողմն էր: Ռոբերտը վարվում, թերեւս և դատում էր հենց այնպես, ինչպես ընդունված է:

Արտաքուստ եղբայրներն ամենամտերմական հարաբերությունների մեջ էին, ներքուստ՝ խորապես փոքր ժիմջանց: Ռոբերտն ընդհանրապես վատ չէր վարվում եղբոր հետ, բայց ֆինանսական հարցերը հասկանալու նրա ընդունակությանը չէր վստահում: Մյուս կողմից էլ եղբայրները խիստ տարբեր մարդիկ էին և կյանքին միատեսակ նայել չէին կարող: Լեսթերը սրտի խորքում արհամարհում էր եղբորը, նրա համար, որ սա պաղարյուն կերպով ու համառորեն ամենազոր գոլլարների ետևից էր ընկել: Իսկ Ռոբերտը համոզված էր, որ Լեսթերի թեթևամտությունը դատապարտելի է, և վաղ թե ուշ նրան փորձանքի կհասցնի: Գործի մեջ նրանք լուրջ ընդհանրում չէին ունենում, քանի որ մինչև այժմ ամեն ինչ կառավարում էր հայրը, բայց միշտ էլ մանր տարածայնություններ ունենում էին, և դժվար չէր հասկանալ, թե քամին որտեղից է փչում: Լեսթերն այն կարծիքին էր, որ առևտրական գործերը պետք է վարել բարեկամական հարաբերությունների, անձնական ծանոթությունների ու զիջողությունների հիման վրա: Ռոբերտը գտնում էր, որ պետք է խստագույն գիծ վարել, արտագրության ծախսերն իջեցնել և այնքան էժան վաճառել, որ ամեն մի մրցակցություն խեղդվի:

Երունի գործարանատերը միշտ աշխատում էր խաղաղություն ու հանդարտություն ստեղծել, բայց նախատեսում էր, որ երբևիցե մեծ վեճ է բռնկելու, և այն ժամանակ որդիներից որևէ մեկը կամ գուցե և երկուսն էլ ստիպված կլինեն դուրս գալ գործից: «Հարկավոր է, որ դուք ավելի հաշտ լինեք իրար հետ», — հաճախ ասում էր նա:

Լեսթերին անհանգստացնում էր մի բան ևս. հոր հայացքը ամուսնության վերաբերյալ, ավելի ճիշտ, իր՝ Լեսթերի ամուսնության վերաբերյալ: Արչիբալդ Քեյնը շարունակ ասում էր, որ Լեսթերը պետք է ամուսնանա և որ նա մեծ

սխալ է գործում ամուսնությունը հետաձգելով: Մյուս բոլորը, բացի Լուիզայից, բարեհաջող ամուսնացել կամ մարդու են գնացել: Ինչո՞ւ նա, իր սիրելի որդին չափտի հետևի նրանց օրինակին: Ծերունին համոզված էր, որ դա ամեն կողմից վնասում է Լեսթերին:

— Ընդունված բան է, որ քո դիրքն ունեցող մարդն ամուսնացած լինի,— հաճախ ասում էր նա որդուն:— Դա քեզ ավելի պատկառելի կդարձնի մարդկանց աչքում: Մի լավ կին գտիր քեզ համար և ընտանիք կազմիր: Ի՞նչ պիտի անես դու անտուն, անզավակ, երբ իմ հասակին դառնաս:

— Ինչո՞ւ որ: Եթե համապատասխան աղջիկ հանդիպի, կամուսնանամ,— պատասխանում էր Լեսթերը:— Բայց առայժմ այդպիսին չի հանդիպել: Ուրեմն ի՞նչ անեմ ես քո կարծիքով: Ով էլ պատահի հետն ամուսնանա՞մ:

— Չէ, իհարկե, բայց քի՞չ կան լավ աղջիկներ: Եթե ցանկանայիր, դու քեզ համապատասխան կին կգտնեիր: Փեյսը, օրինակ, ինչո՞վ չէ վատ: Նա միշտ էլ քեզ դուր է եկել: Այդպես չպետք է շարունակել, Լեսթեր, դա լավ բանի չի հասցնի:

Որդին ի պատասխան միայն ժպտում էր:

— Լավ, հայրիկ, այս թողնենք: Երբեկից երևի խելքի կգամ: Բայց մարդ որպեսզի ջուր խմի, նախ պետք է ծարավ զգա:

Ծերունին միառժամանակ զիջում էր, բայց դա նրա ցավոտ տեղն էր: Նա այնքա՞ն էր ուղում, որ որդին դառնա ծանրակշիռ, իսկական գործարար մարդ:

Լեսթերը հասկանում էր, որ իրերի այս գրությունը իրեն թույլ չի տա իր հարաբերությունները Ջեննիի հետ կառուցել շատ թե քիչ հաստատուն հիմքի վրա: Նա մանրամասնորեն գործողությունների ծրագիր մշակեց: Անկասկած ինքը Ջեննիից չի հրաժարվի, ինչ ուղում է լինի: Բայց պետք է զգուշություն պահպանել: Չպետք է իզուր տեղը ուսկի դիմել: Բերել նրան Ֆինցիննատի՞: Բայց ի՞նչ աղմուկ կբարձրանա, եթե երբեկից այդ գործը բացվի: Նրան տեղավորել քաղաքից դուրս, մի կոկիկ տնակո՞ւմ: Իհարկե, հարազատների մեջ վաղ

թե ուշ կասկած կծագի: Իր բաղմամբիւ ուղևորությունների ժամանակ իր հետ վերցնել նրան: Առաջին անգամ Նյու-Յորք գնալը հաջող անցավ: Բայց մի՞շտ այդպես կլինի: Նա նորից ու նորից խորհում էր սրա մասին: Դժվարությունները միայն զրգռում էին նրան: Վերջ ի վերջո գուցե ամենահարմար տեղը որևէ մի ուրիշ քաղաքն է. Սենտ-Լուիսը, Չիկագոն կամ Պիտսբուրգը: Նա հաճախ էր եղել այդ քաղաքներում, մանավանդ Չիկագոյում: Ի վերջո նա որոշեց Ջեննիին տեղավորել Չիկագոյում: Նա միշտ էլ կարող է որևէ առիթով այցելել այնտեղ և դա ընդամենը մեկ գիշերվա ճանապարհ է: Այո՛, Չիկագոն ամենից լավն է: Այգալիսի խոշոր, աշխույժ եռուղեգոյ Քաղաքում դժվար չէ հետքը կորցնել: Երկու շաբաթ Յինցիննատիում մնալուց հետո Լեսթերը Ջեննիին գրեց, որ շուտով կգա Քլիվլենդ, աղջիկը պատասխանեց, թե նա կարող է գալ իրենց տուն: Լեսթերի մասին նա հորն ասել է: Նա անմտություն էր համարել տանը մնալը և ծառայության է մտել մի խանութում շաբաթական չորս դոլլարով: Լեսթերն այս կարգալով ժպտաց, բայց նրա եռանդն ու ազնվությունը դուր եկավ նրան: «Կեցցե՛ նա,— ասաց Լեսթերն ինքնիրեն:— Ես դեռ այգալիսի աղջիկ չեմ տեսել»:

Առաջին իսկ շաբաթ օրը նա եկավ Քլիվլենդ, մտավ այն խանութը, որտեղ ծառայում էր Ջեննին, և պայմանավորվեց երեկոյան հանդիպել նրան: Նա ցանկանում էր, որ որքան կարելի է շուտ վերջանա իրեն որպես Ջեննիի երկրպագու ներկայացնելը: Գերհարգների տան խղճուկությունը և նրանց աչքի զարնող աղքատությունը համարյա ողվանք էին առաջացնում Լեսթերի մեջ, բայց Ջեննին ինքը նրան թվում էր նույնքան չքնաղ, ինչպես միշտ: Նա մի քանի րոպե նստեց սեղանատանը, ապա ներս մտան Գերհարգն ու իր կինը՝ նրան ողջունելու, բայց Լեսթերը համարյա ոչ մի ուշադրություն չգարձրեց նրանց վրա: Ծերունի գերմանացին նրան շատ հասարակ մարդ թվաց. այգալիսիներին իր հոր գործաւանում հարյուրներով էին վարձում ամենահամեստ պաշտոնի: Մի քիչ գեսից-գենից խոսելուց հետո Լեսթերը Ջեննիին առաջարկեց գնալ զբոսանքի: Ջեննին գլխարկը ծածկեց, և

նրանք դուրս գնացին: Բայց իրականում նրանք գնացին Լես-  
թերի վարձած բնակարանը, որտեղ առայժմ պահվում էին  
Ջեննիի նոր զգեստները: Ջեննին վերադարձավ երեկոյան  
ժամը ութին, և տնեցիները դրա մեջ ոչ մի վատ բան չտեսան:

## Գ Լ ՈՒՍ XXV

Մի ամիս անց Ջեննին հայտնեց, թե Լեսթերն ուզում է  
իր հետ ամուսնանալ: Հասկանալի է, նրա այցելությունները  
հող էին պատրաստել, և դա բոլորին բավական բնական թը-  
վաց: Միայն Գերհարդն էր, որ ասես մի քիչ կասկածում էր:  
Նրա համար պարզ չէր, թե դրանից ինչ կստացվի: Գուցե և  
ամեն ինչ լավ կլինի, Լեսթերը կարծես, իրոք որ վատ մարդ  
չէ, և վերջ ի վերջո ինչո՞ւ պիտի նա չսիրի Ջեննիին: Չէ՞  
սրանից առաջ Բրենդերը կար: Եթե Միացյալ Նահանգների  
սենատորը կարող էր սիրահարվել նրան, ինչո՞ւ նույնը չի  
կարող լինել մի գործարանատիրոջ տղայի հետ: Մնում է  
միայն մեկ խոչընդոտ՝ երեխան:

— Նա Վեստայի մասին ասե՞լ է նրան,— հարցրեց Գեր-  
հարդը կնոջը:

— Դեռ ոչ,— պատասխանեց միսիս Գերհարդը:

— Դեռ ո՞չ, դեռ ո՞չ: Միշտ մի ինչ-որ բան պակաս: Դու  
կարծում ես նա կուզենա՞ ամուսնանալ նրա հետ, եթե իմա-  
նա: Ահա թե ինչ է ստացվում, երբ աղջիկն իրեն վատ է պա-  
հում: Հիմա նա պիտի դուրս պրծնելու ճանապարհ փնտրի  
զողի պես: Երեխան նույնիսկ մի ազնիվ անուն չունի:

Գերհարդը նորից քիթը խրեց լրագրի մեջ, բայց տխուր  
մտքերը հաղթում էին նրան: Նա գտնում էր, որ իր կյանքը  
բոլորովին անհաջող եղավ և միայն հույս ունեւր գեթ այնքան  
լավանալ, որ կարելի լինի մի որևէ գործ գտնել, ասենք թե-  
կուզ պահակի տեղ: Նա ուզում էր հեռու լինել այս բոլոր  
խորամանկություններից ու խաբուկություններից:

Մի երկու շաբաթ անց Ջեննին մորը խոստովանեց, որ  
Լեսթերը նամակով իրեն կանչում է Չիկագո: Նա այնքան էլ

հառողջ չէ և Քլիվլենդ գալ չի կարող: Մայրն ու աղջիկը Գերհարդին ասացին, որ Ջեննին դնում է միստր Քեյնի հետ պսակվելու: Գերհարդը բորբոքվեց, և նրա բոլոր կասկածները նորից արթնացան: Բայց նրան մնում էր միայն փնթփրնալ. այս ամբողջ պատմությունը լավ վախճան չի ունենա, սրանում նա միանգամայն համոզված էր:

Հասավ մեկնելու օրը, և Ջեննին ստիպված եղավ գնալ առանց հորը հրաժեշտ տալու: Գերհարդը մինչև երեկո քաղաքում շրջում էր աշխատանք գտնելու համար, և աղջիկն ստիպված եղավ կայարան գնալ դեռ նա չեկած:

— Ես նրան այնտեղից կգրեմ,— ասաց Ջեննին:

Նա նորից ու նորից համբուրեց աղջկան:

— Լեսթերը շուտով մեզ համար սրանից ավելի լավ տուն կվարձի,— ուրախ-ուրախ ասում էր նա:— Նա ուզում է, որ մենք տեղափոխվենք:

Եվ ահա գիշերային գնացքը նրան տանում է Ջիկագո: Վերջացավ նախկին կյանքը և սկսվում է նորը:

Հետաքրքիր է, որ թեև Լեսթերի ողորմածությամբ ընտանիքն այժմ այնքան փողի կարիք չէր զգում, երեխաներն ու Գերհարդը ոչինչ չէին նկատում: Միսիս Գերհարդն առանց դժվարության խաբում էր ամուսնուն, գնելով միայն առաջին անհրաժեշտության առարկաներ և առայժմ սիրտ չէր տնում որևէ շռայլություն անել, որ հիմա կարելի էր թույլատրել իրեն: Նրան վախն էր դսպում: Բայց Ջեննին մի քանի օր Ջիկագոյում մնալուց հետո մորը գրեց, թե Լեսթերը պնդում է, որ իրենք մի ուրիշ տուն փոխադրվեն: Նամակը ցույց տվին Գերհարդին, որը հենց միայն աղջկա վերադարձին էր սպասում, որ մի լավ կոփ սարքի: Նա հոնքերը կիտեց, բայց չգիտես ինչու այդ առաջարկությունը նրան թվաց մի վկայություն, որ ամեն ինչ կարգին է: Եթե Քեյնը ամուսնացած չլիներ Ջեննիի հետ, ինչու պիտի օգներ նրա ընտանիքին: Երևի նրանք իսկապես բարեհաջող ամուսնացել են: Երևի Ջեննին իսկապես բարձր դիրքի է հասել և այժմ կարող է հարադատ-

ներին օգնել: Գերհարդը համարյա պատրաստ էր մեկ անգամ ընդմիշտ ամեն ինչ ներել նրան:

Այսպես ուրեմն, նոր տան հարցը լուծված էր, և Զեննին վերադարձավ Քլիվլենդ, որպեսզի տեղափոխվելիս մորն օգնի: Նրանք միասին շրջում էին քաղաքում, որ մի հաճելի խաղաղ թաղ գտնեն և, վերջապես, հարմար տեղ գտան: Ամսական երեսուն դոլլարով վարձեցին ինը սենյակից բաղկացած մի տուն՝ իր բակով: Կահավորեցին ինչպես հարկն է գնեցին սեղանատան, հյուրասենյակի հարմարավետ կահույք, գեղեցիկ աթոռներ, բազկաթոռներ, մահճակալներ և ամեն բան, ինչ հարկավոր էր ամեն մի սենյակի: Խոհանոցն ամեն հարմարություն ուներ, նույնիսկ վաննա կար, մի շքեղություն, որ Գերհարդները առաջ երբեք չէին տեսել: Մի խոսքով, տունը շատ լավն էր, թեպետև համեստ, և Զեննին ուրախ էր, որ հիմա ծնողների տեղը լավ ու հարմարավետ է լինելու:

Երբ տեղափոխվելու ժամանակը եկավ, միսիս Գերհարդն ուրախությունից ուղղակի խելքը թոցրել էր. չէ՞ որ այդ իր երազանքն էր կատարվում: Երկար տարիներ, ամբողջ իր կյանքում նա սպասում էր, և ահա ուղածին հասավ: Նոր տուն, նոր կահույք, տեղը լայն, իրերը՝ հիանալի, որպիսիք նա երազում էլ չէր տեսել, էլ ի՞նչ էր ուզում: Նոր մահճակալներին, սեղաններին, պահարաններին և մյուս իրերին նայելիս նրա աչքերը փայլում էին ուրախությունից:

— Աստված իմ, ի՞նչ հիանալի է,— գոչում էր նա:— Ի՞նչ գեղեցիկ է, չէ՞:

Զեննին գոհունակ ժպտում էր, ջանալով հուզմունքը թաքցնել, բայց նրա աչքերը շուտ-շուտ արցունքով էին լրցվում: Նա այնպե՞ս էր ուրախացել մոր համար: Պատրաստ էր լեսթերի ոտքերը համբուրելու, որ նա այդքան բարի է իր հարազատների նկատմամբ:

Այն օրը, երբ կահույքը բերին, միսիս Գերհարդը, Մարթան ու Վերոնիկան իսկույն սկսեցին դասավորել ու կարգի բերել: Ընդարձակ սենյակներ, բակում ձմեռային ամայություն, բայց, իհարկե, գարնանն այնտեղ այնքա՞ն լավ ու

կանաչ կլինի, նոր հիանալի կահույք, և այս ամենը բոլորին ցնծություն էր պատճառում: Որքա՞ն գեղեցիկ է, որքա՞ն ընդարձակ: Ջորջը ման էր գալիս նոր գորգերի վրա, Բասսը քննադատաբար էր նայում կահույքին:

— Փառավոր է,— ասաց նա վերջապես:

Միսիս Գերհարդը թափառում էր տանը ինչպես երազում: Նրա հավատը չէր գալիս, որ ինքն իսկապես այդ հիանալի ննջարանների, գեղեցիկ հյուրասենյակի և սեղանատան տիրուհին է:

Գերհարդը վերջինը եկավ: Որքան էլ աշխատում էր, նրան չէր հաջողվում թաքցնել իր հիացմունքը: Սեղանատանը սեղանի վերևը կախված կլոր, փայլատ լուսամփոփի տեսքը վերջին կաթիլն էր.

— Մի տես է՛, զա՛ղ,— ասաց Գերհարդը:

Թավ հոնքերի տակից նա մռայլորեն նայեց շուրջը. ոտքերի տակի գորգին, բացովի կաղնե սեղանին, որ ծածկված էր սպիտակ սփռոցով, վրան շարված նոր-նոր ափսեներ, նայեց պատերին կախված նկարներին, և գլուխն օրորեց:

— Թո՛ւ, գրողը տանի: Այ լավ է հա՛,— ասաց նա:— Շա՛տ լավ է: Այո՛, շա՛տ լավ: Պետք է զգույշ լինել, որ ոչինչ չկոտորվի: Բավական է, որ իրը շանգոեցիր, արդեն նրա վերջն է:

Այո, նույնիսկ Գերհարդը գոհ էր:

## Գ Լ ՈՒ Խ XXVI

Իմաստ չունի շարքով պատմել այդ երեք տարիների բոլոր անցքերը, նկարագրելով, թե ինչպես ընտանիքը ծայրահեղ կարիքից աստիճանաբար անցավ համեմատաբար կայուն վիճակի, որ, իհարկե, հիմնված էր Ջեննիի ակներև բարեհաջողության և նրա հեռավոր ամուսնու մեծահոգության վրա: Ժամանակ առ ժամանակ երևում էր և ինքը՝ Լեսթերը, այդ պատկառելի գործարարը, որ գործով լինում էր նաև Քլիվլենդում: Երբեմն նա իջևանում էր Գերհարդների մոտ, որտեղ նրան ու Ջեննիին միշտ երկրորդ հարկում սպասում էին եր-



կու լավագույն սենյակները: Մեկ-մեկ էլ նա Ջեննիին կան-  
չում էր հեռագրով, և նա շտապ գնում էր Զիկագո, Սենտ-  
Լուիս կամ Նյու-Յորք: Ամենից ավելի Լեսթերը սիրում էր  
սենյակներ վարձել մոդայիկ կուրորտներից մեկում՝ Հոթ-  
Սփրինգսում, Մաունթ-Քլեմենսում կամ Սարատոգում, և մի  
երկու շաբաթ ժամանակ անցկացնել Ջեննիի հետ ամուսիննե-  
րի անվան տակ: Լինում էր նաև, որ Լեսթերը Քլիվլենդ էր գա-  
լիս ընդամենը մեկ օրով՝ Ջեննիի հետ տեսնվելու համար:  
Նա միշտ գիտակցում էր, որ բավականին դժվարին դրուժյան  
ամբողջ ծանրությունը Ջեննիի ուսերին է գցում, բայց չէր  
պատկերացնում, թե հիմա ինչպես կարելի է ուղղել այդ: Եվ  
արդյոք պե՞տք էր ուղղել: Նրանց համար այսպես էլ վատ չէր  
միասին լինել:

Գերհարգների ընտանիքում այս ամենի նկատմամբ շատ  
յուրահատուկ վերաբերմունք էր ստեղծվել: Սկզբում, ինչ էլ  
լիներ, դրուժյունը բավական բնական էր թվում: Ջեննին ասել  
էր, որ ինքն ամուսնացել է: Նրա ամուսնական վկայականը  
ոչ ոք չէր տեսել, բայց նա այդպես էր ասել, և իսկապես, նա  
իրեն պահում էր ճիշտ ինչպես ամուսնացած կին: Բայց և  
այնպես նա երբեք չէր գնացել Յինցիննասի, որտեղ ապրում  
էր Լեսթերի ընտանիքը, և նրա հարազատներից էլ ոչ մեկը  
երբեք չէր եղել Ջեննիի մոտ: Եվ հենց Լեսթերն ինքն էլ իրեն  
շատ տարօրինակ էր պահում, թեև նրա առատաձեռնությունն  
սկզբնական շրջանում կուրացրել էր Գերհարգներին: Նույ-  
նիսկ նման չէր, թե նա ամուսնացած մարդ է: Այնքան ան-  
փուլթ էր լինում: Լինում էին շաբաթներ, երբ Ջեննին նրանից  
միայն հակիրճ երկտողներ էր ստանում: Պատահում էր, որ  
Ջեննին նրա մոտ էր գնում ընդամենը մի քանի օրով: Վեր-  
ջապես պատահում էր, որ աղջիկը բացակայում էր երկար  
ժամանակով, և դա միակ ծանրակշիռ ապացույցն էր նրանց  
հարաբերությունների հաստատունության, այն էլ, թերևս,  
տարօրինակ ապացույց:

Բասսն արդեն քսանհինգ տարին լրացրել էր, նա մի  
որոշ գործնական հոտառություն ուներ և առաջ գնալու բուռն  
ցանկություն, և նրա մեջ որոշ կասկածներ էին ծագել: Նա

կյանքը վատ չէր ճանաչում և զգում էր, որ այստեղ ինչ-որ մի բան կարգին չէ: Տասնիննամյա Ջորջին հաջողվել էր ինչ-որ դիրք գրավել պատտառների ֆաբրիկայում ու նա երազում էր առաջադիմել այդ բնադավառում, և նրան ևս անհանդրատացնում էր քույրը: Նա կասկածում էր, որ աղջկա ո՛չ բոլոր գործերն են բարեհաջող անցնում ինչպես հարկն է: Տասնյոթամյա Մարթան, Ուիլյամն ու Վերոնիկան դեռ սովորում էին դպրոցում: Նրանց հնարավորությունն էր տրվել սովորել ինչքան ցանկանում են: Բայց նրանք էլ մի ինչ-որ ազոտ անհանգստություն էին զգում: Ջեննիի երեկոյան պատմությունը նրանք դիտեին. երևում է, հարևաններն իրենց գործն արել էին: Գերհարդների հետ համարյա ոչ ոք ծանոթություն չէր պահպանում: Նույնիսկ Գերհարդ-հայրը վերջ ի վերջո սկսեց դիտի ընկնել, որ բանը լավ չէ, բայց չէ՞ որ նա ինքն էր թույլ տվել այդ, և այժմ արդեն բողոքելն ուշ է: Երբեմն նա ուզում էր հարցնալործ անել Ջեննիին, ստիպել, որ գործն ուղղի, եթե հնարավոր է, բայց չէ՞ որ վատագույնն արդեն կատարվել էր: Այժմ ամեն ինչ կախված էր Լեսթերից: Գերհարդն այդ հասկանում էր:

Ջեննիի և հարավատների հարաբերությունների մեջ աստիճանաբար վճռական բեկում էր հասնուանում, բայց հանկարծ ինքը կյանքը խառնվեց գործին: Միսիս Գերհարդի առողջությունը խախտվեց: Դեռ վերջերս առույգ ու գործունյա այդ գիրուկ կինը վերջին տարիներս ուժերի նվազում էր զգում և դանդաղաշարժ էր դարձել: Մյուս կողմից նրա ի բնե անհանգիստ միտքը ճնշում էին բաղմամբիլ ձախորդություններն ու ծանր տագնապները, և ահա այժմ դա հասցրել էր դանդաղ, բայց անտարակուսելի մարումի: Նա ծանր էր շարժվում, շուտ էր հոգնում այն թեթև աշխատանքից, որ դեռ բաժին էր մնացել իրեն և, վերջապես, Ջեննիին դանգատվում էր, որ շատ է դժվարանում սանդուղքով բարձրանալ:

— Ինչ-որ լավ չեմ զգում ինձ,— ասաց նա:— Չլինի՞ թե հիվանդանամ:

Ջեննին տագնապ բարձրացրեց և առաջարկեց մորը

տանել մոտակա կուրորտը, բայց միտիս Գերհարդը հրաժար-  
վեց:

— Հազիվ թե դա ինձ օգնի,— ասաց նա:

Նա նստում էր պարտեզում կամ աղջկա հետ կառքով  
գրոսանքի էր գնում, բայց աշնան տրտում պատկերները  
ճնշում էին նրան:

— Ձեմ սիրում աշնանը հիվանդանալ,— ասում էր նա:—  
Նայում եմ, թե ինչպես են տերեւները թափվում և շարունակ  
թվում է, թե երբեք չեմ լավանա:

— Է՛, ինչե՛ր ես ասում, մայրիկ,— պատասխանում էր  
Ջեննին, իր երկյուղը թաքցնելով:

Ամեն տուն հաստատված է նախ և առաջ մոր վրա:  
բայց այդ հասկանում են միայն այն ժամանակ, երբ արդեն  
վախճանը մոտիկ է: Բասսը, որ պատրաստվում էր ամուս-  
նանալ և ընտանիքից անջատվել, առժամանակ հրաժարվեց  
այդ մտքից: Գերհարդն ինքը հուզված ու անչափ ճնշված՝  
թափառում էր տանը ինչպես մի մարդ, որը սոսկումով տպա-  
սում էր անխուսափելի աղետի: Ջեննին երբեք մոտիկից մազ  
չէր տեսել և չէր հասկանում, որ կարող է մորը կորցնել:  
Նրան թվում էր, թե ինքը կարող է մի կերպ փրկել մորը:  
Մկներեֆն հակառակ հույսով լցված՝ նա անքուն գիշերներ  
էր անցկացնում մոր անկողնի մոտ որպես մարմնավորված  
համբերություն, հոգատարություն և ուշադրություն:

Վախճանը վրա հասավ առավոտյան, մի ամբողջ ամառ:  
հիվանդությունից հետո: Մի քանի օր միտիս Գերհարդը գի-  
տակցությունը կորցրել էր: Տանը խոր լուսթյուն էր տիրում,  
բոլորը ման էին գալիս մատների ծայրերի վրա: Վերջին րո-  
պեներին միտիս Գերհարդի գիտակցությունը պարզեց, և նա  
վախճանվեց՝ հայացքը չհեռացնելով Ջեննիի դեմքից: Ջեննին  
նայում էր նրա աչքերին թախիծով ու սոսկումով համակված:

— Մայրի՛կ, մայրի՛կ,— գոռաց նա:— Ա՛խ, ո՛չ, ո՛չ:

Գերհարդը բակից ներս վազեց և անկողնի առաջ ծռնկ-  
ների վրա ընկավ հոսակտուր կոտորտելով իր նիհար ձեռքերը:

— Ինչո՞ւ ես ավելի շուտ չմեռա,— նորից ու նորից  
ասում էր նա:— Ինչո՞ւ ես ավելի շուտ չմեռա:

Մոր մահը արագացրեց ընտանիքի քայքայումը: Բասսն արդեն վաղուց քաղաքում հարսնացու ուներ, և նա պատրաստվում էր անհապաղ ամուսնանալ: Մարթան, որն սկսել էր կյանքին նայել ավելի զգոն ու գործնական, նույնպես ուզում էր շուտ հեռանալ ընտանիքից: Նրան թվում էր, թե ինչ-որ նզովք է ծանրացած իրենց տան վրա և հենց իր վրա, քանի դեռ ինքն էլ այստեղ է: Նա պատրաստվում էր ուսուցչուհի դառնալ, հուսալույլ, որ դպրոցում աշխատելը իրեն ինքնուրույն գոյության հնարավորություն կտա: Միայն ծերունի Գերհարդն էր, որ չգիտեր ինչ անի: Նա էլի աշխատում էր որպես գիշերափին պահակ: Մի անգամ Ջեննին նրան գրտավ խոհանոցում լալիս, և ինքն էլ իսկույն արտասվեց:

— Հարկավոր չէ, հայրիկ, — հորդորում էր նա: — Դե հո ամեն ինչ այնքան էլ վատ չէ: Հո գիտես, որ քանի դեռ ես միջոց ունեմ, դու անօթեան չես մնա: Դու կարող ես ինչ հետ գալ:

— Ոչ, ոչ, — առարկեց հայրը: Նա իսկապես չէր ուզում նրա հետ գնալ: — Բանն այդ չէ: Իմ ամբողջ կյանքն է խորտակվել:

Բասսը, Ջորջն ու Մարթան էլի մի որոշ ժամանակ ապրեցին տանը, բայց, վերջապես, մեկը մյուսի ետեից փնադին, և տանը մնացին միայն Ջեննին, հայրը, Վերոնիկան, Ուիլյամը և ամենափոքրիկը՝ Վեստան, Ջեննիի աղջիկը: Լեսթերը, հասկանալի է, ոչինչ չգիտեր Վեստայի ծագման մասին և հետաքրքիր է, որ նույնիսկ ոչ մի անգամ նրան չէր տեսել: Այն դեպքում, երբ նա ամենաշատը երկու-երեք օրով պատիվ էր անում լինելու Գերհարդների տանը, միսիս Գերհարդն ամեն կերպ հոգում էր, որ Վեստան նրա աչքին չերեւա: Մանկական սենյակը հենց ուղիղ տանիքի տակն էր գտնվում, և երեխային թաքցնելն այնքան էլ դժվար չէր: Լեսթերը համարյա շարունակ իր հարկաբաժնումն էր մնում, նույնիսկ ճաշը մատուցում էին նրան որպես հյուրասենյակ ծառայող սենյակում: Նա շատ էլ հետաքրքրասեր չէր և չէր աշխատում հանգիսել ընտանիքի մյուս անդամների հետ: Նա միշտ սիրալիր բարեկամ էր նրանց ու մի քանի պատահական խոսքեր

փոխանակում, ուրիշ ոչինչ: Բոլորը հասկանում էին, որ փոքրիկը չպետք է երևա և հաջողությամբ թաքցնում էին նրան:

Ծերունիներին ու երեխաներին միշտ կապում է մի ինչ-որ անբացատրելի բարեկամություն, մի սքանչելի և հուզիչ ներքին մտերմություն: Լորրի-սթրիթ փոխադրվելուց հետո առաջին տարին Գերհարդը զաղտնաբար սիրալիք կմշտում էր Վեստայի վարդագույն թշիկները, իսկ երբ տանը ոչ ոք չէր լինում, նստեցնում էր ուսերին և սենյակներում ման բերում: Նրբ երեխան այնքան մեծացավ, որ սկսեց քայլել, Գերհարդը սրբիչը նրա թևատակերով կապած՝ համբերությամբ ման էր ածում սենյակում, մինչև որ երեխան սովորեց ինքնուրույնաբար մի քանի քայլ անել: Իսկ երբ այնքան մեծացավ, որ կարող էր կարգին քայլել, Գերհարդը նրան հորդորում էր քայլել, հորդորում էր զաղտուկ, հոնքերը կիտած, բայց միշտ սիրալիք: Բախտի քմահաճույքով այդ պատիկ աղջիկը, որ ընտանիքի խայտառակությունն էր, ընդունված բարոյականությունն տեսակետից մի անջնջելի բիծ, իր մանկական մանրիկ մատներին մեջ էր առել պապի հոգու ամենազգայուն լարերը: Ծերունին այդ փոքրիկ, մերժված էակին էր տալիս իր սրտի ամբողջ բոցը և իր բոլոր հույսերը: Աղջիկը նրա ինքնամփոփ, անուրախ կյանքում միակ լուսո շողն էր, և Գերհարդը շատ վաղ իրեն պատասխանատու զգաց նրա կրոնական դաստիարակության համար: Չէ՞ հենց նա էր, որ սահանջում էր երեխային մկրտել:

— Ասա՝ «Հայր մեր»,— հաճախ պահանջում էր նա, երբ թոռնիկի հետ մենակ էր մնում:

— Հայր մեղ,— թոթովելով կրկնում էր երեխան:

— Որ հերկինս ևս...

— Ինչո՞ւ ևս այդպես շուտ սովորեցնում դրան,— երբեմն միջամտում էր միսիս Գերհարդը, երբ տեսնում էր, թե երեխան ինչպես է շարժարվում դժվար հնչյուններն արտասանելիս:

— Նրա համար որ քրիստոնյա մեծանա,— վճռական տոնով պատասխանում էր Գերհարդը:— Նա պետք է աղոթք-

ներ իմանա: Եթե հիմա շսկսի, երբեք էլ աղոթք չի սովորի:

Միսիս Գերհարդն ի պատասխան ժպտում էր: Ամուսնու շատ ու շատ կրոնական տարօրինակություններ միայն զվարճացնում էին նրան: Միևնույն ժամանակ նրան դուր էր գալիս, որ նա այդպես սրտին մոտ է ընդունում թոռնիկի դաստիարակությունը: Եթե միայն նա երբեմն այդպես խիստ, այդպես կամակոր շլինե՛ր: Նա իրեն էլ էր տանջում, շրջապատի բոլոր մարդկանց էլ:

Նորից գարունը բացվեց, և վաղ առավոտյան, արևի առաջին ճառագայթի հետ Գերհարդը Վեստային դուրս էր տանում, որպեսզի նա տեսնի լույս աշխարհը:

— Դե,— ասում էր նա,— գնանք մի քիչ զբոսնենք:

— Բոսբոսնենք,— թոթովում էր Վեստան:

— Այո, զբոսնենք,— կրկնում էր Գերհարդը:

Միսիս Գերհարդը աղջկան լավ շոր էր հագցնում (այդ ժամանակ Զեննին հոգում էր, որ իր աղջիկը գեղեցիկ շորեր շատ ունենա), և նրանք ճանապարհ էին ընկնում: Վեստան անվստահորեն օրորվում էր, իսկ Գերհարդը շատ գոհ պրտով նրան տանում էր ձեռքից բռնած, իր ոտքերն էլ հագլիվ շարժելով, որպեսզի հարմարվի նրա քայլին:

Մի անգամ, երբ Վեստան չորս տարեկան էր, մայիսյան մի գեղեցիկ օր նրանք գնացին զբոսանքի: Բնությունն ուրախ էր գարնան գալուն, ծառերի վրա բողբոջները բացվում էին, թռչունները ճովողում էին՝ տոնելով իրենց վերադարձը հաճախից: Ամեն մի մթեղ շտապում էր վայելել իր կարճատև կյանքը: Ճնճղուկները ճովողում էին ճանապարհի վրա, շիկահավերը ոստոստում էին խոտերի մեջ, ծիծեռնակները բույն էին հյուսում տների կտուրների տակ: Գերհարդը մեծ բավականություն էր զգում, երբ Վեստային ցույց էր տալիս բնության հրաշքները, և երեխան աշխուժորեն արձագանքում էր: ամեն բանի: Ամեն ինչ, որ նա տեսնում ու լսում էր, հետաքրքրում էր նրան:

— Օ՛յ-օ՛յ,— գոչեց երեխան քիչ բարձրում տեսնելով կարմրավուն թռչնակին, երբ մոտիկ ճյուղից թռավ շիկահավը:

Նա ձեռքը վեր բարձրացրեց, աչքերը բոլորովին կլորացան:

— Այո,— ասաց Գերհարդը այնպես երջանիկ, որ ասես ինքն էլ կյանքում առաջին անգամն էր տեսնում այդ հրաշալի թռչունը:— Դա շիկահավ է: Թռչուն: Շիկահավ: Ասա՛ շի՛-կա՛-հա՛վ:

— Սի-կա-վավ,— արձագանքի պես կրկնեց Վեստան:

— Այո՛, շիկահավ,— կրկնեց Գերհարդը:— Նա թռավ գնաց որդեր որոնելու: Իսկ մենք կփորձենք նրա բույնը գտնել: Ես, կարծեմ, այստեղ մի ծառի վրա տեսա նրա բույնը:

Նա դանդաղ քայլելով դիտում էր ծառերի ճյուղերը, որոնցից մեկի վրա քիչ առաջ մի լքյալ բույն էր տեսել:

— Ահա, ահա,— ասաց նա վերջապես մոտենալով գեռ շտերևակալած մի ցածրիկ ծառի, որի ճյուղին երևում էին ձմեռվա ընթացքում կիսաքանդ եղած թռչնաբնի մնացորդները:— Ահա, արի նայիր:— Եվ աղջկան վերև բարձրացնելով ցույց տվեց չոր խոտի փունջը:— Տես՛ բույն: Սա թռչունի բնիկ է: Նայի՛ր:

— Օ-օ՛յ,— ծոր տվեց Վեստան նույնպես մատը մեկնելով բնի վրա:— Օ-օ՛յ, բուլիկ:

— Այո,— հաստատեց Գերհարդը նորից գետնին իջեցնելով նրան:— Դա այն թռչունի բույնն է, որին կոչում են ցախսարեկ: Իսկ հիմա բոլորը սրա միջից թռել գնացել են և այլևս չեն վերադառնա:

Եվ նրանք առաջ գնացին: Պապը նորանոր հրաշքներ էր ցույց տալիս երեխային, իսկ նա ամեն բանից զարմանում էր մանկորեն: Էլի մի քանի փողոց անցնելուց հետո նրանք դանդաղորեն շուռ եկան դեպի ետ, ասես արդեն աշխարհի ծայրն էին հասել:

— Մենք պետք է տուն գնանք,— ասաց նա:

Եվ այսպես Վեստան մեծացավ մինչև հինգ տարեկանը, դառնալով ավելի սիրելի, ավելի խելացի ու կայտառ: Գերհարդին հիացմունք էին պատճառում նրա հարցերն ու ենթադրումթյունները, որ նա տեղում էր անթիվ-անհաշիվ:

— Ի՛նչ աղջիկ է,— ասում էր Գերհարդը կնոջը:— Ամեն

բան ուզում է իմանալ: Ինձ հարցնում է. որտե՞ղ է ապրում աստվածը: Ի՞նչ է անում նա: Ոտքերի տակ զննելու փոքրիկ աթոռակ ունի՞: Մարդ ծիծաղից կթուլանա նրա հարցերը լսելով:

Գերհարդն ինքն էր հագցնում թոռնիկին, երբ նա առավոտյան արթնանում էր, եղեկոյան էլ սպասում էր, որ աղոթքն ասի, ապա պառկեցնում էր քնելու: Ամբողջ օրը նրա հետ էր անցկացնում, և թոռնիկը դարձել էր նրա ամենամեծ ուրախությունն ու մխիթարությունը: Եթե Վեստան չլիներ, կյանքը Գերհարդի համար որքա՞ն ավելի ծանր բեռ կլիներ:

## Գ Լ ՈՒԽ XXVII

Բոլոր այդ երեք տարիներին Լեսթերը երջանիկ էր Զեննիի հետ: Թեպետև եկեղեցու և հասարակության աչքում նրանց կապն օրինական չէր, բայց նրան հանգիստ ու հարմարություն էր տալիս, և Լեսթերը շատ գոհ էր ու գտնում էր, որ իր փորձը հաջողվել է: Ցինցիննատիում նրա հետաքրքրությունը աշխարհիկ կյանքի նկատմամբ հավասարվել էր դոգմի, և նա համառորեն մերժում էր իրեն ամուսնացնելու ամեն մի փորձ: Հոր ֆիրման Լեսթերի համար հիանալի ասպարեզ կլիներ, որտեղ նա, անտարակույս, կարող էր առաջ գնալ, եթե միայն կարողանար կառավարել այն: Բայց նա հասկանում էր, որ այդ անհնարին է: Ռոբերտի շահերը միշտ դեմ էին առնում նրա ճանապարհին, և, նրանց հայացքներին վերաբերելով այդ թե նրանց նպատակին, ամեն բանում հղբայրներն այժմ ավելի հեռու էին իրարից, քան երբևիցե եղել էր: Մի երկու անգամ Լեսթերը մտածել էր որևէ ուրիշ գործով զբաղվել կամ ընկերանալ կառքեր արտադրող որևէ ուրիշ ֆիրմայի, բայց այդ անելու քաջություն չուներ: Լեսթերը տարեկան տասնհինգ հազար էր ստանում որպես հոր ֆիրմայի քարտուղար ու գանձապահ (եղբայրը փոխպրեզիդենտ էր) և բացի դրանից, հինգ հազար էլ նրան տալիս էր զանազան արժեթղթերի մեջ դրած կապիտալը: Նա Ռոբերտի



չափ հաջողակ ու ճարպիկ գործարար չէր: Այդ հինգ հազար եկամուտից բացի ուրիշ ոչինչ չունէր: Ընդհակառակն, Ռոբերտն, անտարակույս, «արժեք» երեք հարյուր կամ նույնիսկ չորս հարյուր հազար դոլլար, չհաշված իր ապագա բաժինը հոր ձեռնարկությունից: Երկու եղբայրն էլ հույս ունեին, որ ժառանգությունը բաժանելու է իրենց համար որոշ առավելությամբ. իրենք կստանան չորրորդական մաս, իսկ քույրերը՝ վեցերորդական: Միանգամայն բնական էր թվում, որ ավագ Քեյնն այդպես էլ կանի, քանի որ փաստորեն ամբողջ գործը եղբայրներն էին վարում: Բայց և այնպես լիակատար վստահություն չկար: Ծերունին կարող է վարվել ինչպես ինքը կցանկանա: Շատ հավանական է, որ նա վերին աստիճանի բարի ու արդարամիտ կլինի: Միևնույն ժամանակ Ռոբերտը ակներևաբար կարողանում է որքա՛ն ավելի շատ վերցնել կյանքից: Եվ ուրեմն ի՞նչ էր մնում անելու Լեսթերին:

Ամեն մի խոհուն մարդու կյանքում լինում է ժամանակ, երբ նա նայում է անցյալին և ինքն իրեն հարց է տալիս, թե ի՞նչ արժեք ունի ինքը և՛ մտավոր, և՛ բարոյական, և՛ ֆիզիկական, և՛ նյութական տեսակետներից: Սա տեղի է ունենում այն ժամանակ, երբ պատանեկան խելահեղ ժամանակներն արդեն անցել են, երբ առաջին ինքնուրույն քայլերն ու ամենաեռանդուն ջանքերն արդեն արված են, և այն ամենը, ինչին ձգտել ես ու հասել, քո աչքում դառնում են անճիշտ ու անհաստատ: Եվ շատերի գիտակցության մեջ սողոսկում է հոգին ցամաքեցնող մի միտք կյանքի ունայնության մասին, մի միտք, որ ամենից լավ արտահայտել է Եկլեսիատեսը<sup>1</sup>:

Սակայն Լեսթերը փորձում էր փրկիսոփա լինել: «Միևնույն չէ՞», — հաճախ ասում էր նա ինքն իրեն, — Սալիտակ տանն եմ ապրում ես, այստեղ, իմ տանը, թե «Գրանդ-Պասիֆիկ» հյուրանոցում: — Բայց այս հարցը տալն իսկ արդեն ցույց էր տալիս, որ կյանքում կան բաներ, որոնց հասնել նրան չի հաջողվել: Սալիտակ տունը խոշոր հասարակական

<sup>1</sup> Եկլեսիատես — Հին կտակարանի խրատական գրքերից մեկը և նրա հեղինակը (Մ. Թ.):

գործչի փայլուն կարիերայի սիմվոլ էր: Իր տունը և փառահեղ հյուրանոցը մարմնավորում էին այն, ինչ տրվել էր Լեսթերին՝ առանց նրա ջանքերի:

Եվ ահա,— դա մոտավորապես այն ժամանակ էր, երբ մեռավ Ջեննիի մայրը,— Լեսթերը որոշեց փորձ անել մի կերպ կայունացնելու իր դրուժյունը: Նա վերջ կտա անգործությունը՝ Ջեննիի հետ միասին այդ անվերջ ճամփորդությունները քիչ ժամանակ չեն խլում նրանից: Նա իր փողը ներդնելու տեղ կգտնի: Եթե եղբայրը կարողանում է եկամուտն ավելացնելու ինչ-որ լրացուցիչ աղբյուրներ գտնել, նշանակում է ինքն էլ կարող է: Նա պետք է ամրապնդի իր իրավունքը, նա կաշխատի ամրապնդել իր հեղինակությունը հայրական ձեռնարկության մեջ և Ռոբերտին թույլ չի տա աստիճանաբար ամեն ինչ իր ձեռքն առնել: Արդյոք հարկ չի լինի Ջեննիին զոհաբերել. այս միտքն էլ էր գալիս նրա գլուխը: Ջեննին Լեսթերի վրա ոչ մի իրավունք չունի: Նա բողոքել չի կարող: Բայց, չգիտես ինչու, նա չէր պատկերացնում, թե ինչպես կարող է ինքն անել այդ: Դա և՛ անողոք է, և՛ անիմաստ: Իսկ գլխավորը (թեպետև նրա համար անհաճո էր խոստովանել այդ նույնիսկ իրեն), դա նրան շատ ու շատ հարմարություններից կզրկեր: Ջեննին նրան դուր էր գալիս, նա թերևս նույնիսկ սիրում էր նրան յուրովի, էգոիստաբար: Նա դժվար էր պատկերացնում, թե ինքն ինչպես կարող է լքել նրան:

Հենց այդ ժամանակ էլ նա լուրջ տարածայնություններ ունեցավ եղբոր հետ: Ռոբերտը ցանկանում էր կապերը փառվել Նյու-Յորքի մի հին ու հարգարժան ֆաբրիկայի հետ, որը Քեյն ֆիրմային ներկեր էր մատակարարում, և կապեր ստեղծել Զիկագոյի մի կոնցեռնի հետ, որը նոր ձեռնարկություն էր և մեծ ապագա ուներ: Լեսթերը լավ ճանաչում էր Նյու-Յորքի ձեռնարկության ներկայացուցիչներին, գիտեր, որ նրանց վրա կարելի է հույս դնել, որ նրանք Քեյն ֆիրմայի հետ կապված են վաղեմի և բարեկամական հարաբերություններով, ուստի և Ռոբերտի առաջարկությունը հակառակվում էր: Հայրն սկզբում կարծես թե Լեսթերի կողմն

էր: Բայց Ռոբերտը իրեն հատուկ սառը տրամաբանությամբ շարադրեց իր պատճառաբանությունները՝ իր խիստ կապուտակ աչքերով սկեռուն նայելով եղբոր երեսին:

— Մենք չենք կարող միշտ կպած մնալ հին բարեկամներին հենց միայն նրա համար, որ հայրիկը նրանց հետ գործեր է ունեցել, կամ նրա համար, որ դու համակրում ես նրանց,— ասաց նա:— Փոփոխություններ են հարկավոր: Անհրաժեշտ է գործն ամրապնդել. մենք պետք է ուժեղ մըրցության դիմանանք:

— Թող հայրիկը վճռի,— վերջապես ասաց Լեսթերը:— Դա ինձ քիչ է հետաքրքրում: Այսպես լինի թե այնպես՝ ինձ համար միևնույն է: Դու ասում ես, թե դրանից ֆիրման կշահի: Ես ճիշտ հակառակն էի ապացուցում:

— Ես հակված եմ կարծելու, որ Ռոբերտն իրավացի է,— հանգիստ ասաց Արչիբալդ Քեյնը:— Մինչև այժմ նա ինչ որ առաջարկել է, արդարացրել է իրեն:

Արյունը խփեց Լեսթերի գեմքին:

— Է՛հ, ի՛նչ կա որ, սրա մասին էլ չենք խոսի,— ասաց նա և իսկույն վեր կենալով դուրս գնաց գրասենյակից:

Այս պարտությունը, որ տեղի ունեցավ հենց ճիշտ այն ժամանակ, երբ Լեսթերը որոշել էր խելքը գլուխը ժողովել, մեծ հարված եղավ նրա համար: Դեպքն ինքնին չնչին բան էր, բայց մի տեսակ վերջին կաթիլը դարձավ, իսկ է՛լ ավելի խոցող էր հոր դիտողությունը գործերում Ռոբերտի խորաթափանցության մասին: Լեսթերն սկսեց ինքն իրեն հարց տալ, թե ժառանգությունը բաժանելիս արդյոք հայրը գերադասություն չի՞ տա Ռոբերտին: Գուցե նա որևէ բա՞ն է լսել Ջեննիի հետ ունեցած իր կապի մասին: Կամ գուցե բարկանո՞ւմ է իր երկար բացակայությունների համար, գտնելով, որ դրանք վնասում են գործին: Լեսթերը կարծում էր, որ անարդարացի կլինե՞ր մեղադրել իրեն, թե քիչ ուշադրություն է դարձնում ֆիրմայի շահերի վրա կամ պակաս ընդունակություններ ունի: Նա լավ է կատարում իր գործը: Նա հիմա էլ ուսումնասիրում է ֆիրմայի ստացած բոլոր առաջարկու-

թյունները, խնամքով ծանոթանում է պայմանագրերին, մը-  
նում է որպես հոր և մոր հուսալի խորհրդատուն, բայց իրեն  
համառորեն դուրս են մղում: Ինչո՞վ կվերջանա սա: Նա շատ  
էր մտածում սրա մասին, բայց ոչ մի եզրակացության  
չհասավ:

Միևնույն տարին, մի քիչ ավելի ուշ, Ռոբերտը ձեռնար-  
կության ամբողջ ղեկավարումը վերակառուցելու պլան առաջ  
քաշեց: Նա առաջարկեց Չիկագոյում, Միչիգան ավենյուում  
կառուցել մի հսկայական ցուցադրադահլիճ ու պահեստ և  
պատրաստի արտադրանքի մի մասն այնտեղ ուղարկել: Չի-  
կագոն ավելի փոշոր կենտրոն է, քան Յինցիննատին: Արև-  
մուտքի գնորդների և զավառական առևտրականների համար  
ավելի հարմար կլինի այնտեղ գալ և գործեր սկսել Քեյն ֆիր-  
մայի հետ: Դա շատ լավ ռեկլամ կլինի և հիանալի ապա-  
ցույց, որ ֆիրման հաստատուն է և բարգավաճում է: Հայրը  
և Լեսթերն իսկույն հավանություն տվին այդ նախագծին:  
Երկուսն էլ լիովին գնահատեցին դրա արժանիքները: Ռոբեր-  
տը Լեսթերին առաջարկեց զբաղվել նոր շենքի կառուցումով:  
Թերևս լավ կլիներ, որ նա ժամանակի մի մասն անցկացներ  
Չիկագոյում:

Եղբոր այդ միտքը շատ դուր եկավ Լեսթերին, թեպետև  
նա հասկանում էր, որ իրեն առաջարկում են համարյա բո-  
լորովին կտրվել Յինցիննատից: Դա պատվավոր բան էր  
հոր համար և բարձրացնում էր ֆիրմայի հեղինակությունը:  
Նա կկարողանա տեղավորվել Չիկագոյում և իր մոտ բերել  
Ջեննիին: Հիմա առանց դժվարության կարելի է իրականաց-  
նել նախկին ծրագիրը՝ բնակարան վարձել իր համար և նրա  
համար: Եվ նա պաշտպանեց Ռոբերտի առաջարկությունը:  
Ռոբերտը ժպտաց:

— Ես համոզված եմ, որ դա ֆիրմային օգտակար կլի-  
նի,— ասաց նա:

Քանի որ շինարարական աշխատանքները շուտով  
սկսվելու էին, Լեսթերը որոշեց անհապաղ փոխադրվել Ջի-  
կագո: Նա կանչեց Ջեննիին, և նրանք միասին բնակարան  
ընտրեցին Հյուսիսային կողմում: Տունը գտնվում էր մի խա-

դադ փողոցում, լճից ոչ հեռու, բնակարանը շատ հարմար էր, և Լեսթերն այն կահավորեց իր ճաշակով: Նա հաշվի էր առել, որ Զիկագոյում ապրելու է որպես ամուրի մարդ, ուրեմն և բարեկամներ չի հրավիրելու իր մոտ: Նրանց հետ միշտ էլ կարող է հանդիպել գրասենյակում, ակումբում կամ հյուրանոցում: Նրա կարծիքով ամեն ինչ շատ լավ էր դասավորվում:

Հասկանալի է, որ երբ Զեննին Քլիվլենդից գնաց, Գերհարդների կյանքը հիմնովին փոխվեց: Ինչպես երևում է, ընտանիքը վերջնականապես կազմալուծվում էր, բայց Գերհարդը դրան վերաբերվում էր փիլիսոփայաբար: Նա արդեն ծեր է և միևնույն է, թե որտեղ կապրի. Բասսը, Մարթան ու Զորջն արդեն ոտքի են կանգնել: Վերոնիկան և Ուիլյամը դեռ սովորում են դպրոցում, բայց կարելի է մի կերպ դասավորել, որ նրանք ապրեն հարևանների մոտ: Գերհարդին և Զեննին լուրջ անհանգստացնում էր միայն մեկ բան՝ Վեստան: Գերհարդը բնականորեն մտածում էր, որ Զեննին աղջկան կվերցնի իր հետ: Կարո՞ղ է մայրը այլ կերպ վարվել:

— Դու նրան պատմե՞լ ես Վեստայի մասին, — հարցրեց նա, երբ արդեն նշանակված էր Զեննիի մեկնելու օրը:

— Ոչ, բայց շուտով կպատմեմ, — հանգստացրեց նա հորը:

— Միշտ «շուտով, շուտով», — փնթփնթաց Գերհարդը:

Նա գլուխն օրորեց: Արցունքները խեղդում էին նրան:

— Վատ բան է, — շարունակեց նա մի քիչ լռելուց հետո: — Դա մեծ մեղք է: Վախենում եմ, որ աստված կպատժի քեզ: Երեխային խնամք է հարկավոր: Այսքան ծեր չլինեի, ես նրան ինձ մոտ կպահեի: Հիմա արդեն չկա մեկը, որ ինչպես հարկն է պահի նրան, — և նա նորից գլուխն օրորեց:

— Գիտեմ, — կամացուկ ասաց Զեննին: — Ես ամեն ինչ կկարգավորեմ: Շուտով նրան ինձ մոտ կտանեմ: Դու գիտես, որ ես նրան չեմ լքի:

— Հապա անո՞ւնն ինչպես, — ասաց Գերհարդը: — Աղջըկան անուն է պետք: Եկող տարի նա դպրոց է գնալու: Մար-

գիկ կուզեն իմանալ՝ ով է նա: Հո չի կարող միշտ այսպես շարունակվել:

Ջեննին ինքն էլ լավ հասկանում էր այդ: Նա գոյ պես սիրում էր իր աղջկան: Հաճախակի անջատումները և նույնիսկ Վեստայի գոյությունը թաքցնելու անհրաժեշտությունը ծանր խաչ էին Ջեննիի համար: Դա անարդար բան էր երեխայի նկատմամբ, բայց Ջեննին այլ կերպ վարվելու հնարավորություն չէր տեսնում: Վեստային նա լավ հագցնում էր, աղջիկն ամեն ինչ առատորեն ուներ: Համենայն դեպս, ոչ մի բանի պակաս չէր զգում: Ջեննին հույս ուներ, որ լավ կըրթություն կտա նրան: Ա՛խ եթե նա հենց սկզբից ճշմարտությունն ասած լիներ Լեսթերին: Հիմա գուցե արդեն շատ ուշ է, բայց և այնպես նա զգում էր, որ այն ժամանակ նա վարվել է այնպես, ինչպես ամենալավն էր: Վերջապես նա որոշեց Չիկագոյում մի որևէ լավ կին կամ ընտանիք գտնել, որը վրձարով պահեր, խնամեր Վեստային: Լասսալ-սթրիթից դեպի արևմուտք շվեդական թաղում նա գտավ մի հասակավոր կին, որը բոլոր առաքինությունների մարմնացումն էր թվում՝ մաքրասեր, համեստ, ազնիվ: Նա այրի էր, օրավարձով աշխատանք էր կատարում և ուրախությամբ համաձայնեց այդ գործը թողնել և իր ամբողջ ժամանակը նվիրել Վեստայի խնամքին: Ջեննին որոշեց, որ աղջիկը կսկսի մանկապարտեզ հաճախել, հենց որ հաջողվի համապատասխան մանկապարտեզ գտնել: Նա շատ խաղալիքներ կուներ, լավ խնամք: Միսիս Օլսենը անպայման Ջեննիին իմաց կտա, եթե երեխան ամենափոքր տկարություն անգամ ունենա: Ջեննին մտածում էր ամեն օր այցելել Վեստային, իսկ երբեմն էլ, երբ Լեսթերը Չիկագոյից ուրիշ տեղ գնա, երեխային իր մոտ բերել: Չէ՞ որ Քլիվլենդում Վեստան ապրում էր իրենց հետ, իսկ Լեսթերը դրա մասին չէր էլ կասկածում:

Միսիս Օլսենի հետ պայմանավորվելուց հետո Ջեննին առաջին իսկ հարմար առիթով գնաց Քլիվլենդ՝ Վեստային բերելու: Գերհարգը խոր վիշտ էր ապրում առաջիկա անջատումի առթիվ և շատ էր անհանգստանում թոռնիկի ապագայի մասին:

— Նա պետք է հիանալի աղջիկ դառնա,— ասաց Զեննիին:— Հարկավոր է լավ կրթություն տալ նրան, ախր շատ խելացի երեխա է:

Նա ասաց նաև, որ լավ կլիներ Վեստային լութերական եկեղեցական դպրոց տալ, բայց Զեննին այնքան էլ համոզված չէր դրան: Ժամանակը և կեսթերի հետ ունեցած շփումը նրան բերել էին այն հետևություն, որ սովորական տարրական դպրոցը ամեն մի մասնավոր հաստատությունից ավելի լավ է: Չի կարելի ասել, թե Զեննին դեմ էր եկեղեցուն, բայց նա արդեն չէր գտնում, որ եկեղեցու ուսմունքով կարելի է ղեկավարվել կյանքի բոլոր գործերում: Եվ էլ ինչո՞ւ պիտի այլ կերպ մտածեր նա:

Հենց մյուս օրը Զեննին պիտի վերադառնար Չիկագո: Ուրախ ու անհամբեր Վեստան արդեն պատրաստ էր ճանապարհ ընկնելու: Երբ Զեննին հագցնում էր նրան, Գերհարդն անհանգիստ թափառում էր տան մեջ: Այժմ, երբ անջատումի ժամը եկել էր, նա ամեն կերպ աշխատում էր տիրապետել իրեն: Նա տեսնում էր, որ հինգ տարեկան երեխան ամենևին չի հասկանում, թե ինչ դրություն մեջ է ինքը: Նա անսահման երջանիկ էր և շարունակ բլբլացնում էր, թե ինչպես են գնալու կառքով, հետո էլ՝ գնացքով:

— Խելոք կմնաս,— ասաց Գերհարդը նրան վեր բարձրացնելով ու համբուրելով:— Տես, չմոռանաս հավատո հանգանակը սովորել և աղոթել: Դու քո պապիկին չես մոռանա, չէ՞:

Նա ուզում էր էլի ինչ-որ բան ավելացնել, բայց ձայնը դավաճանեց նրան:

Զեննին, որի սիրտը կտոր-կտոր էր լինում հոր համար, աշխատում էր իր հուզմունքը թաքցնել:

— Դե լավ, լավ...— ասաց նա:— Եթե ես գիտենայի, որ դու այդպես հուզվելու ես...

Նա խոսքը չավարտեց:

— Գնացե՛ք,— արիաբար ասաց Գերհարդը:— Գնացե՛ք: Այդպես ավելի լավ կլինի:

Նա լուռ ճանապարհ դրեց նրանց հայացքով: Հետո գնաց

իր սիրած անկյունը՝ խոհանոց, այնտեղ կանգ առավ ու քար կտրեց՝ շտեմնող աչքերը հառած հատակին: Նրանք մեկը մյուսի ետևից լքեցին իրեն՝ միսիս Գերհարդը, Բասսը, Մարթան, Ջեննին, Վեստան: Հին սովորությունը նա ձեռքերն ամուր սեղմեց և երկար ժամանակ կանգնած՝ գլուխն էր օրորում:

— Ահա թե ի՞նչ, — կրկին ու կրկին ասում էր նա: — Ահա թե ի՞նչ: Բոլորը հեռացան ինձնից: Ամբողջ կյանքս փուլ եկավ:

## Գ Լ ՈՒՆ XXVIII

Այն երեք տափալ ընթացքում, երբ Լեսթերն ու Ջեննին ապրում էին միասին, նրանց կապը և փոխադարձ ըմբռնողությունն ավելի աճեց ու ամրապնդվեց: Լեսթերը իսկապես յուրովի սիրում էր նրան: Այդ ուժեղ, ինքնավստահ, տարակուսանքներ ու տատանումներ չճանաչող զգացմունքը, որ հիմնված էր բնական ու անհաղթահարելի հրապույրի վրա, մոտենում էին իսկական հոգեկան հարազատության, Քնքուշ հեղուկությունը, որ այնքան հատուկ էր Ջեննիին, հրապուրում ու կապված էր պահում Լեսթերին: Ջեննին այնքա՞ն նվիրված էր, բարի, անսահման քնքուշ: Լեսթերը վարժվել էր հավատալ նրան, հույս էր դնում նրա վրա, և տարեցտարի նրա զգացմունքն ավելի էր խորանում:

Իսկ Ջեննին անկեղծորեն, փոքր ու նվիրված սիրել էր այդ մարդուն: Սկզբում, երբ նա մորթիկի պես խոսեց նրա կյանքի մեջ, խռովություն գցեց նրա հոգում և օգտվելով նրա դառն կարիքից ասես շղթայով կապեց նրան իր հետ, Ջեննին մի փոքր կասկածում էր նրան, մի փոքր վախենում էր նրանից, թեև նա միշտ դուր էր գալիս իրեն: Բայց այդ տարիներին ապրելով նրա հետ և ավելի լավ ճանաչելով՝ աստիճանաբար սիրեց նրան: Նա այնքա՞ն ուժեղ է, գեղեցիկ, նա այնպիսի՝ հիանալի ձայն ունի: Նրա հայացքները ամեն ինչի մասին, նրա կարծիքը միշտ այնքա՞ն ժանրակշիռ են, նրա սիրած նշանաբանը՝ «Քայլիր շեշտակի, առանց ետ նայելու», ապշեցնում



էր Զեննիի երեւակայությունը: Երևում է՝ նրա համար ոչինչ սարսափելի չէ—ո՛չ մարդիկ, ո՛չ աստված, ո՛չ սատանան: Հաճախ նա իր թուխ մատներով բռնում էր Զեննիի կզակը, նայում նրա աչքերին և ասում.

— Դու չքնաղ ես, ինչ խոսք, միայն թե մի քիչ ավելի համարձակություն ու հանդգնություն ունենայիր: Այդ է, որ քեզ պակասում է:

Եվ Զեննին նրան պատասխանում էր լուռ, քնքուշ հայացքով:

— Ասենք՝ ոչինչ,— ավելացնում էր Լեսթերը,— դրա փոխարեն դու ուրիշ արժանիքներ ունես,— և համբուրում էր նրան:

Նրան շատ էր հուզում, որ Զեննին այնպես միամտորեն աշխատում էր թաքցնել իր դաստիարակության ու կրթության պակասները: Նա բավականաչափ գրագետ չէր գրում, և ահա մի անգամ Լեսթերը գտավ մի թերթ թուղթ, որի վրա Զեննիի ձեռքով գրված էին այն դժվար բառերն ու նրանց նշանակությունը, որ Լեսթերը գործ էր ածում խոսակցության ժամանակ, Լեսթերը ժպտաց և դրա համար ավելի ևս սիրեց նրան: Մի ուրիշ անգամ Սենտ-Լուիսում «Հարավային հյուրանոցում» նա ձևացրեց, թե ուտել չի ուզում, վախենալով, թե ուտելու իր շարժումներն այնքան էլ լավ չեն, և հարևան սեղանների վրա ճաշողները կարող են նկատել այդ: Նա միշտ վստահ չէր լինում, թե կվերցնի հենց այն պատառաքաղը և այն դանակը, որ պետք է վերցնել, և արտաքուստ անսովոր ճաշերը շփոթության մեջ էին գցում նրան. ինչպե՞ս պիտի ուտել ծնեբեկը: Իսկ արտիճո՞ւկը:

— Ինչո՞ւ բան չես ուտում,— ուրախ հարցրեց Լեսթերը:— Չէ՞ որ քաղցած ես:

— Այնքան էլ չէ:

— Երեւի քաղցած ես: Լսիր, Զեննի, ես գիտեմ պատճառն ինչ է: Բայց դու իզուր ես անհանգստանում: Դու հիանալի շարժումներ ունես: Հակառակ դեպքում ես քեզ այստեղ չէի բերի: Եվ ճիշտ հոտառություն ունես: Մի՛ վարանիր: Եթե որեւէ բան ճիշտ չանես, ես իսկույն կուղղեմ:

Լեւթերի խաժ աշքերը ուրախ ու սիրալիր շողում էին։  
Ջեննին սրատասխանեց շնորհակալ ժպիտով։

— Ես իսկապէս որ երբեմն ինձ մի քիչ լավ չեմ զգում,—  
խոստովանեց նա։

— Հարկավոր չէ,— ասաց Լեւթերը։— Ամեն ինչ կարգին  
է։ Մի՛ անհանգստացիր։ Ես ամեն ինչ քեզ ցույց կտամ։

Եվ նա այդպէս էլ անում էր։

Ջեննին աստիճանաբար՝ սովորեց բարձրաշխարհիկ կա-  
նոններն ու սովորութիւնները։ Գերհարգների տանը, բացի  
ամենաանհրաժեշտ բաներից, ուրիշ ոչինչ չէր լինում։ Հիմա  
նա ուներ ամեն բան, ինչ ցանկանար, հագուստներ, արդու-  
ղարդի ամեն տեսակ մանրուքներ, այն ամենը, ինչով ստեղծ-  
վում է իսկական շքեղութիւնը, և թեև այդ նրան դուր էր գա-  
լիս, բայց նա չէր կորցնում իրեն հատուկ շափի զգացումը և  
ամեն ինչի մասին աւուղջ դատելու կարողութիւնը։ Նրա մեջ  
սնամիառության ոչ մի կաթիլ չկար, նա միայն ուրախանում  
էր, որ բախտը ժպտացել է իրեն։ Նա այնքա՛ն շնորհակալ էր  
Լեւթերից այն ամենի համար, ինչ նա արել ու անում էր իր  
համար։ Եթե միայն կարողանար ընդմիշտ պահել նրան...

Վեստային միսիս Օլսենի մոտ տեղավորելուց հետո  
Ջեննին խորասուզվեց իր տնային հոգսերի մեջ։ Լեւթերն ան-  
թիվ-անհամար գործերով զբաղված լինելով՝ մերթ գալիս էր,  
մերթ գնում։ Նա մի լյուքս համար էր վարձել Ջիկագոյի ամե-  
նալավ հյուրանոցում՝ «Գրանդ-Պասիֆիկ»-ում, և ենթադր-  
վում էր, թե այստեղ էլ ապրում է։ Նա նախաձաշում էր  
«Յունիոն-ակումբ»-ում և այստեղ էլ երեկոները հանգիպում  
էր իր բարեկամների և գործարար ծանոթների հետ։ Առաջին-  
ներից մեկը գնահատելով հեռախոսի արժանիքը՝ նա հեռա-  
խոս էր գրել իր բնակարանում և ամեն րոպե կարող էր խոսել  
Ջեննիի հետ։ Տանը նա գիշերում էր շաբաթական երկու-երեք  
անգամ, երբեմն՝ ավելի հաճախ։ Սկզբում նա պնդում էր, որ  
Ջեննին տնտեսութիւնը վարելու գործը մի սպասուհու թողնի,  
բայց հետո համաձայնեց, որ ավելի խելամիտ իլլինի սլայմա-  
նավորվել որեւէ աղջկա հետ, որը դա միայն ամենատեւաշ-  
խատանքը կատարելու։ Ջեննին սիրում էր, որ ինքը վարի

տնտեսութիւնը, դա բացատրւում էր նրա բնածին աշխատասիրութեամբ և կարգասիրութեամբ:

Լեւոնը սիրում էր նախաճաշել առավոտյան ճիշտ ժամը ութին: Նա վարժվել էր, որ ճաշը մատուցվի ուղիղ յոթին: Նրան դուր էին գալիս արծաթը, հախճապակին, ճենապակին, շքեղութեան ամեն տեսակ իրերը: Նրա հագուստն ու ճամպորուկները պահվում էին տանը, Զեննիի մոտ:

Առաջին ամիսներին ամեն ինչ հարթ ու խաղաղ էր անցնում: Երբեմն-երբեմն Լեւոնը Զեննիին թատրոն էր տանում, և եթե որեւէ ծանոթ էր հանդիպում, նրան միշտ ներկայացնում էր որպես միսս Գերհարդ: Եթե նրանք որեւէ հյուրանոցում իջևանում էին որպես ամուսիններ, Լեւոնը կլերկին որեւէ մտացածին անուն էր տալիս, իսկ եթե իրենց ճանաչելու վտանգ չէր լինում, եկվորների մատչանում հանգիստ դնում էր իր իսկական անունը: Եվ այսպես առայժմ ամեն ինչ հարթ էր անցնում:

Զեննին շարունակ վախենում էր մի բանից՝ չիֆի՞ Լեւոնը որեւէ կերպ բացի իր սուտը և իմանա Վեստայի մասին: Բացի դրանից, նա անհանգստանում էր հոր և տան համար: Վերոնիկայի նամակներից կարելի էր հասկանալ, որ նա և Ուիլյամն ուղում են փոխադրվել Մարթայի մոտ, որն այժմ ապրում էր նույն Քլիվլենդում, կահավորված վարձու սենյակներում: Զեննին անհանգստացնում էր, որ հայրը մենակ կմնա: Նա շատ էր ցավում հոր համար: Հաշմանդամ դառնալով՝ նա կարող էր պետք գալ միայն որպես գիշերային պահակ, և Զեննին սոսկումով էր պատկերացնում, թե նա ինչպես պիտի ապրի բոլորովին մենակ: Լավ չի՞ լինի, որ նա գա այստեղ, իր մոտ: Բայց Զեննին գիտեր, որ հիմա նա դրան չի համաձայնի: Եվ արդյոք Լեւոնըն էլ կուզենա՞, որ Գերհարդն ապրի իրենց հետ: Նա հավատացած չէր դրան: Մյուս կողմից էլ, եթե հայրը գա, անխուսափելիորեն հարկ կլինի Լեւոնին պատմել Վեստայի մասին: Այս ամենը շատ էր տանջում Զեննին:

Այո, Վեստայի հարցը այնքան էլ հասարակ չէր, իրեն խորապես մեղավոր զգալով՝ Զեննին տառնաձնապես սուր էր

ապրում այն ամենը, ինչ վերաբերում էր իր աղջկան: Նա ամեն կերպ աշխատում էր քալել այն մեծ անարդարությունը, որ պարտական էր իր երեխային, որովհետև իր այդ ամենամեծ պարտքը կատարելու ուժ չուներ: Ամեն օր նա լինում էր միսիս Օլսենի մոտ, բերում էր խաղալիքներ, քաղցրավենի, մի խոսքով, այն ամենը, ինչ իր կարծիքով կարող էր զվարճացնել և ուրախացնել երեխային: Նա սիրում էր երկար ժամանակ նստել Վեստայի մոտ, նրան պատմություններ էր անում կախարդների ու հսկաների մասին, և աղջիկը հափըշտակված լսում էր նրա հեքիաթները: Վերջապես Ջեննին այնքան սրտապնդվեց, որ մի անգամ, երբ Լեսթերը գնաց Տինդին-նատի՝ ծնողներին այցելության, ինքը աղջկան բերեց իր մոտ, և հետո, ամեն անգամ, երբ Լեսթերը քաղաքից գնում էր, նա Վեստային տուն էր բերում: Ժամանակն անցնում էր, Ջեննին ուսումնասիրում էր Լեսթերի սովորությունները և քիչ-քիչ ավելի հանդուգն էր դառնում, թեև «հանդուգն» բառը հազիվ թե սաղի Ջեննիին: Նա քաջացել էր, որքան կարող է քաջ լինել մկնիկը: Նա սիրտ էր անում Վեստային իր մոտ բերել նույնիսկ այն ժամանակ, երբ Լեսթերը քաղաքից գնում էր ընդամենը երկու-երեք օրով: Նա նույնիսկ իր մոտ որոշ խաղալիքներ էր թողնում, որպեսզի Վեստան զբաղվելու բան ունենա:

Այն սակավ օրերին, երբ երեխան տանն էր լինում, Ջեննին առանձնապես ուժեղ էր զգում, թե ինչպիսի երջանկություն կլիներ, եթե ինքը օրինական կին ու մայր լիներ: Վեստան հազվադեպ հետաքրքրասեր երեխա էր: Նա իր անմեղ մանկական հարցերով շուտ-շուտ փոփոխում էր Ջեննիի սրտի անբուժելի վերքը:

— Իսկ կարելի՞ է, որ ես միշտ քեզ հետ ապրեմ,— ամենից հաճախ հարց էր տալիս նա:

Ջեննին պատասխանում էր, թե առաջժամ չի կարելի, բայց շատ-շուտով, հենց որ կարելի լինի, ինքը նրան մշտապես կվերցնի իր մոտ:

— Իսկ այդ ե՞րբ կլինի,— հարցնում էր Վեստան:

— Ճիշտն ասել չեմ կարող, բալիկս: Բայց շուտով կլինի:

Դու էլի մի քիչ համբերիր: Մի՞թե միսիս Օլսենի մոտ լինելը քեզ դուր չի գալիս:

— Դուր է գալիս, — պատասխանում էր Վեստան, — միայն թե նրա մոտ ոչ մի լավ բան չկա: Ամեն ինչ արդեն հնացած է:

Ջեննիի սիրտը մղկտում էր: Նա Վեստային տանում էր խանութ և տեսակ-տեսակ խաղալիքներ առնում նրա համար:

Լեսթերը, հասկանալի է, ոչ մի բան չէր կասկածում: Նա համարյա չէր նկատում, թե ինչ է կատարվում տանը, նա ղեաղվում էր իր գործերով, զվարճանում էր, հաստատ հավատալով, որ Ջեննին լիովին անկեղծ է իր հետ և մինչև հոգոս խորքը նվիրված է իրեն: Նրա մտքովն էլ չէր անցնում, թե Ջեննին կարող է որևէ բան թաքցնել իրենից: Մի անգամ նա իրեն լավ չէր զգում, կեսօրին վերադարձավ տուն և Ջեննիին տանը չգտնելով՝ սպասեց նրան ժամը երկուսից մինչև հինգը: Նա սրտնեղել էր և փնթփնթաց, երբ Ջեննին եկավ, բայց նրա անբավականությունը ոչինչ բան էր համեմատած Ջեննիի զարմանքի ու վախի հետ, երբ նա ներս մտավ ու տեսավ, որ Լեսթերը տանն է: Նա սփրթնեց այն մտքից, որ Լեսթերը կարող է որևէ բան կասկածել, և շտապեց իր բացակայությունը բացատրել որքան կարելի է ճշմարտանման: Եղել է լվացարարուհու մոտ, հետո խանութներ է գնացել, դրա համար էլ ուշացել է: Նրա մտքով էլ չի անցել, թե Լեսթերը տանը կլինի: Շատ է ցավում, որ ժամանակին չի խնամել նրան, Եվ այս անգամ Ջեննին հասկացավ, որ ամբողջը կործանելու վտանգի տակ է դնում:

Անցավ էլի երեք շաբաթ, և Լեսթերը նորից մի շաբաթով գնաց Ցինցիննատի, իսկ Ջեննին նորից Վեստային իր մոտ բերեց: Չորս օր մայր ու աղջիկ միասին էին և կատարելապես երջանիկ:

Ամեն ինչ լավ կանցներ, եթե չլիներ Ջեննիի մի անփութությունը, որի հետևանքների համար հետո նա դառնորեն ցավեց: Վեստան ուներ մի խաղալիք-գառնուկ, որի վզին կապած երկնագույն ժապավենից կախված փոքրիկ զանգուլակը զնգզնգում էր ամենաթեթև շարժումից անգամ: Չգիտես ինչ-

չո՞ւ՝ երեխայի խելքին փշել էր այդ գառնուկը գցել հշուրասենյակում դրված կաշվե լայն բազմոցի ետևը, որի վրա հաճախ սիգար ծխելով հանգստանում էր Լեսթերը, և Զեննին այդ չէր նկատել: Վեստային ճանապարհելիս մայրը հավաքել էր նրա բոլոր իրերը, բայց գառնուկն այդպես էլ մոռացվել էր և իր տեղը կանգնած՝ ուլունքե աչքերով խաղալիքների աշխարհի արևաշող դաշտերին էր նայում, երբ վերադարձավ Լեսթերը:

Այդ երեկոյան Լեսթերը լրագիրը ձեռքին՝ բազմոցին պառկած իր համար սիգար էր ծխում, և հանկարծ վառված սիգարն ընկավ բազմոցի ետևը: Վախենալով, թե որևէ բան կայրվի՝ Լեսթերը կռացավ ու բազմոցի տակը նայեց, բայց սիգարը չերևաց: Այն ժամանակ նա վեր կացավ, բազմոցը քաշեց և հանկարծ տեսավ գառնուկը կանգնած աչնտեղ, աչք գցել էր Վեստան: Լեսթերը փաղալիքը վերցրեց և սկսեց ձեռքում շուռումուռ տալ, չհասկանալով, թե այն ինչպես է ընկել այստեղ:

«Որտեղի՞ց պիտի այստեղ ընկած լինի այս խաղալիքը: Երևի բերել է որևէ հարևանի երեխա, որի հետ Զեննին մըտերմություն ունի,— մտածեց Լեսթերը:— Արի մի քիչ ջրգորացնեմ նրան»:

Սրտանց ծիծաղելու ցանկությամբ նա գառնուկը վերցրեց, մտավ սեղանատուն, որտեղ բուֆետի մոտ ինչ-որ բան էր անում Զեննին, և կոմիկական հանգիստավորությամբ գոչեց.

— Որտեղի՞ց է սույնը:

Զեննին, որ այդպիսի հանցանիշի գոյության մասին չէր էլ կասկածում, շուռ եկավ և իսկույն պատկերացրեց, թե Լեսթերն արդեն ամեն ինչ իմացել է և հիմա իր գլխին կտեղաարդարացի դայրույթը: Նա կասկարմիր կտրեց, ապա վայրկենապես սփրթնեց:

— Այդ ես... ես... գնել եմ... դա խաղալիք է... — կրմկրմաց նա:

— Տեսնում եմ, որ խաղալիք է,— ուրախ ասաց Լեսթերը, նկատելով Զեննիի մեղավոր շփոթմունքը, սակայն նշա-

նակություն չտալով դրան:— Բայց այս խեղճի համար տխուր կլինի մեն-մենակ այնտեղ արածել:

Եվ Լեսթերը մատը դիպցրեց գառնուկի վզի զանգուլակին: Զանգուլակը զնգզնգաց, և Լեսթերը նորից նայեց Զեննիին, որը կանգնել էր նրա առաջ, ուժ չունենալով մի խոսք ասել: Լեսթերի բարեհոգի տեսքից Զեննին հասկացավ, որ նա ոչինչ չի կասկածում, բայց ոչ մի կերպ իրեն ժողովել չէր կարողանում:

— Ի՞նչ պատահեց քեզ,— հարցրեց Լեսթերը:

— Ոչինչ,— պատասխանեց նա:

— Դու այնպիսի դեմք ունես, որ կարծես այս գառնուկը սոսկալի վախեցրեց քեզ:

— Ես ուղղակի մոռացել էի հեռացնել այն,— ակամա դուրս թռավ Զեննիի բերանից:

— Սա բավական մաշված տեսք ունի,— ավելացրեց Լեսթերը արդեն ո՛չ կատակի տոնով և նկատելով, որ խոսակցությունը հաճելի չէ Զեննիին, դադարեցրեց այն: Եվ այս գառնուկից ոչ մի զվարճություն չստացվեց:

Լեսթերը վերադարձավ հյուրասենյակ, պառկեց բազմոցին և մտքի մեջ ընկավ: Ի՞նչն այնպես հուզեց Զեննիին: Ինչո՞ւ նա, խաղալիքը տեսնելով, այնպես սփրթնեց: Եթե, ասենք, տանը մենակ մնալով որևէ հարևանի երեխա է բերում և զբաղվում նրանով, դրա մեջ, իհարկե, ոչ մի վատ բան չկա: Ինչո՞ւ պիտի նա այնպես հուզվեր: Նա մտքում նորից վերհիշեց այդ ամենը, բայց ոչ մի հզորակացության չեկավ:

Գառնուկի մասին այլևս ոչ մի խոսք չեղավ: Գուցե և ժամանակի ընթացքում Լեսթերը բոլորովին մոռանար այդ դեպքը, եթե ուրիշ ոչ մի բան կասկած չհարուցեր նրա մեջ, բայց, երևում է, փորձանքը երբեք մենակ չի գալիս:

Մի երեկո, երբ Լեսթերը սովորականից մի քիչ ավելի ուշ ուզում էր տանից դուրս գնալ, դռան զանգը տվին: Զեննին խոհանոցում զբաղված էր, և Լեսթերն ինքը գնաց դուռը բանալու: Նա իր առաջ տեսավ մի տարեց կին, որն անհանգիստ տարակուսանքով նրան նայեց և կոտրտված անգլերենով հարցրեց, թե կարելի՞ է տիրուհուն տեսնել:

— Սպասե՛ք մի րոպե, — ասաց Լեսթերը և նախասենյակ դուրս գալով կանչեց Ջեննիին:

Դեռ շեմքից ճանաչելով այցելուին՝ Ջեննին շտապ մտավ ընդունարան և դուռը իր ետևից ծածկեց: Սա Լեսթերին իսկույն կասկածելի թվաց: Նա հոնքերը կիտեց և որոշեց պարզել, թե դա ի՞նչ բան է: Մի րոպե անց սենյակ վերադարձավ Ջեննին: Նա գունատ էր քաթանի պես, դողդոջուն մատներն ասես բռնելու մի բան էին փնտրում:

— Ի՞նչ է պատահել, — հարցրեց Լեսթերը. նա գրգռված էր և ձայնը հնչեց բավական խիստ:

Ջեննին միանգամից պատասխանելու ուժ չունեցավ:

— Ես պետք է կարճ ժամանակով մի տեղ գնամ, — վերջապես ասաց նա:

— Դե լավ, գնա, — դժկամորեն համաձայնեց Լեսթերը: — Բայց մի՞թե դու չես կարող ինձ ասել, թե ինչ է պատահել քեզ և ուր ես գնում:

— Ես... ես... — կմկմալով սկսեց Ջեննին: — Ես... ես մի...

— Ի՞նչ, — մռայլ հարցրեց Լեսթերը:

— Ես մի գործ ունեմ, — խոսքը վերջացրեց Ջեննին: — Ինձ... ինձ հարկավոր է հենց հիմա գնալ: Երբ վերադառնամ, ամեն ինչ կպատմեմ քեզ, Լեսթեր: Միայն խնդրում եմ, հիմա ոչինչ մի հարցնի:

Նա արագ նայեց Լեսթերին. նրա դեմքին պարզ կարդացվում էր մտահոգություն, շուտ գնալու անհամբեր ցանկություն: Լեսթերը, որ երբեք նրան այդպես կենտրոնացած ու համառ չէր տեսել, և զգացված էր, և՛ սրտնեղած:

— Լավ, — ասաց նա, — բայց ինչի՞ ես դու գաղտնի պահում: Ինչո՞ւ ուղղակի չասել, թե ինչ է պատահել քեզ: Ինչո՞ւ պիտի դուռն ետևը փսփսայիք: Ո՞ւր ես գնում դու:

Նա լռեց և ինքն էլ հանկարծ զարմացավ իր այդ խստությունից: Իսկ Ջեննին, որ հենց նոր իրեն հայտնած տեղեկությունից և այդ անսպասելի հանդիմանությունից կորցրել էր հավասարակշռությունը, հանկարծ մի շտեմնված վճռակա՝ նույնիսկ հորդում զգաց:



— Ես քեզ ամեն ինչ կասեմ, Լեւթեր, ամեն ինչ,— գոչեց նա:— Միայն թե ո՛չ հիմա: Ոչ մի բոլոր ժամանակ չունեմ: Երբ վերադառնամ, ամեն ինչ կպատմեմ: Խնդրում եմ, մի՛ ուշացնի ինձ:

Նա նետվեց հարեան սենյակը, որ հագնվի: Լեւթերը, որ հիմա էլ չէր կարողանում կարգին հասկանալ, թե այդ ամենն ինչ կարող է նշանակել, գնաց նրա հետեից:

— Լսիր,— կոպտաբար գոչեց նա,— ի՞նչ հիմարություն է դա: Ի՞նչ է պատահել: Ես ուզում եմ իմանալ:

Նա կանգնած էր շեմքում որպես մարմնավորված կռիվ ու վճռականություն, որպես մի տղամարդ, որը սովոր էր, որ իրեն ենթարկվեն:

— Իմ աղջիկը մեռնում է, Լեւթեր,— գոչեց Ջեննին:— Ես հիմա խոսել չեմ կարող: Խնդրում եմ մի՛ ուշացնի ինձ: Ես քեզ ամեն ինչ կբացատրեմ, երբ վերադառնամ:

— Քո աղջի՞կը,— կրկնեց շշմած Լեւթերը:— Գրողը տանի, այդ ի՞նչ ես ասում դու:

— Ես մեղավոր չեմ,— պատասխանեց Ջեննին:— Ես վախենում էի... ես վաղուց պետք է ասած լինեի: Եվ ուզում էի ասել, միայն թե... միայն թե... ա՛խ, թող ինձ, շուտ: Երբ վերադառնամ, ամեն ինչ կպատմեմ քեզ:

— Լավ, գնա,— արդեն ցածր ձայնով ասաց Լեւթերը:— Գուցե ուղեկցե՞մ քեզ:

— Ոչ,— պատասխանեց Ջեննին:— Ինձ սպասում են, մենակ չեմ գնալու:

Նա դուրս վազեց սենյակից, իսկ Լեւթերը մնաց մտքի մեջ ընկած: Մի՞թե սա այն նույն կինն է, որին ինքը իր կարծիքով լավ ճանաչում էր: Բանից դուրս է գալիս, որ այս բոլոր տարիներին նա խաբել է իրեն: Եվ այդ Ջեննի՞ն: Մարմնավորված անկեղծությունը՝ անառա՞կ:

— Ա՛խ, գրողը տանի ինձ,— մրմնջաց նա, և նրա կողորդը սեղմվեց:

Պարզվեց, որ այս ամբողջ իրարանցման պատճառը սովորական մանկական հիվանդություններից մեկն էր, որոնց սկիզբն ու ելքը ոչ ոք չէր կարող գուշակել նույնիսկ երկու ժամ առաջ: Այդ օրը հանկարծ Վեստան ուժեղ անզինա էր ընկել, և աղջկա վիճակն այնքան արագ էր վատացել, որ պառավ տիրուհին խիստ վախեցել էր և հարեանուհուն խնդրել՝ իսկույն գնալ միսիս Քեյնին կանչելու: Հարեանուհին էլ մտածելով միայն, որ Ջեննիին շուտ բերի, առանց այլևայլության ասել էր, թե Վեստայի վիճակը շատ վատ է և հարկավոր է շտապել: Այս լուրից ցնցված Ջեննին մտածել էր, թե աղջիկը մեռնում է և, ինչպես տեսանք, սոսկումի ու հուսահատության բռնկումով համարձակվեց ճշմարտությունը շարտել Լեսթերի երեսին: Նա համարյա վազում էր փողոցով, մորմոքվելով բազմաթիվ վտանգներից և մտածելով միայն, որ ժամանակին հասնի, տեսնի իր աղջկան, քանի դեռ մահը չի տարել նրան: Ի՞նչ կլինի, եթե ուշանա: Ի՞նչ կլինի, եթե Վեստան արդեն կենդանի չէ: Ջեննին ինքնաբերաբար ավելի ու ավելի էր արագացնում քայլերը, փողոցի լապտերների լույսերը նրա առաջն էին գալիս ու նորից սահում ետ, խավարի մեջ: Նա արդեն չէր հասկանում Լեսթերի խոսքերի խստությունը, չէր վախենում, թե նա իրեն կվռնդի, և ինքը վիթխարի քաղաքում կմնա բոլորովին մենակ, երեխան գրկին: Նա մոռացել էր ամեն ինչ, բացի մի բանից, նրա Վեստան ծանր հիվանդ է, գուցե և մեռնում է, և մեղավորն ինքն է, որ իրենք միասին չեն: Գուցե եթե ինքը խնամեր իր երեխային, աղջիկը հիմա առողջ կլիներ:

«Միայն թե հասնեմ,— կրկնում էր նա ինքն իրեն, և, ինչպես բոլոր մայրերը, ծանր վշտից դատելու ընդունակությունը կորցնելով՝ կշտամբում էր իրեն.— ես պետք է իմանայի, պետք է իմանայի, որ աստված ինձ կպատժի իմ մեղքի համար: Ես պետք է իմանայի, պետք է իմանայի...»:

Նա արագ բացեց ծանոթ դռնակը, բակի շավիղով վազեց գետի տուն և ներս ընկավ այն սենյակը, որտեղ պառկած էր

Վեստան՝ գոնատ, լուռ ու թուլացած: Բայց հիմա նա շատ աւելի լավ էր: Սենյակում կային էլի մի քանի հարեանոսհի և մի տարեց բժիշկ: Նրանք բոլորը հետաքրքրությամբ նայեցին Ջեննիին, որը համարյա վայր ընկաւ անկողնի գլխավերեք և սկսեց ինչ-որ բաներ ասել աղջկան:

Եւ ահա Ջեննին վերջնական որոշում ընդունեց: Ինքը մեղավոր է իր աղջկա առաջ, ծանր մեղք ունի, բայց հիմա կաշխատի իր մեղքը քավել: Լեսթերը իր համար շատ թանկ է, բայց ինքն այլևս չի շարունակի խաբել նրան, և եթե նույնիսկ նա լքի իրեն (այս մտքից նրա սիրտը ճմլվում էր), միևնույն է, ինքը կվարվի այնպես, ինչպես պետք է: Վեստան այլևս մերժված չպետք է լինի: Նրա տեղը մոր կողքին է: Ջեննիի տունը պետք է լինի նաև Վեստայի տունը:

Պառավ շվեդուհու տան մեջ աղջկա անկողնի կողքին նստած՝ Ջեննին հասկացավ, թե որքան անպտուղ է եղել իր սուտը, դրա համար որքան անհանգստություն ու շարժարանք է եղել ծնողների տանը, ինչպես է ինքը տանջվել ու շարունակ վախեցել Լեսթերի հետ ապրելու ընթացքում, ինչպիսի տառապանք կրեց այսօր երեկոյան, իսկ ինչի՞ համար: Միևնույն է, ճշմարտությունը երևան եկավ: Ջեննին նստել էր տխուր մտքերի մեջ խորասուզված, մտածելով, թե ինչ է սպասում իրեն, իսկ այդ ժամանակ Վեստան կամաց-կամաց հանդարտվեց և քնեց խոր, առողջ քնով:

Երբ Լեսթերը այս շմեցուցիչ նորությունից հետո մի փոքրը ուշքի եկավ, նրա միտքը եկան միանգամայն բնական հարցեր. քանի՞ տարեկան է աղջիկը: Ո՞վ է նրա հայրը: Ինչպե՞ս է երեխան Ձիկագո ընկել և ո՞վ է խնամում նրան: Լեսթերը միայն այսպիսի հարցեր տալ կարող էր, բայց պատասխաններ չէր գտնում. չէ՞ որ նա ոչինչ չգիտեր:

Ջարմանալի բան. այդ մտքերով տարված՝ հանկարծ նա հիշեց իր առաջին հանդիպումը Ջեննիի հետ, միսիս Բրայսբրիջի տանը: Ինչո՞ւ այն ժամանակ ինքն այնպիսի մղում ուներ դեպի Ջեննին: Ի՞նչը այդպես շուտ, համարյա առաջին իսկ հայացքից իրեն հուշեց, որ կարող է հասնել նրան: Ի՞նչ դժաց ինքը Ջեննիի մեջ. բարոյական սանձարձակություն,

անկայունութիւն, թուրութիւն: Այս ամբողջ տխուր պատմութիւնը չի անցել առանց խորամանկութեան, առանց հմուտ կեղծավորութեան և, խաբելով իրեն, Զեննին ոչ միայն խաբել է, այլև եղել է ապերախտ:

Պետք է ասել, որ Լեսթերն արհամարհում ու ատում էր ապերախտութիւնը, այն համարելով ստոր արարածներին հատուկ ամենանողկալի ու զգվելի գիծը, և տհաճ զարմանք էր զգում, որ այդ հատկութիւնը բացվել է Զեննինի մեջ: Ճիշտ է, առաջ երբեք նրա մեջ այդ բանը չէր նկատել, ավելի ճիշտ՝ հակառակն էր տեսել, բայց այժմ անձամբ համոզվեց նրա ապերախտութեանը և խորապես վրդովված էր: Ինչպե՞ս է համարձակվել նա այդպես վիրավորել իրեն: Իրեն, որը, կարելի է ասել, մարդ է դարձրել նրան և բարձրացրել իր մակարդակին:

Լեսթերը վեր կացավ, բազկաթոռը ետ հրեց և սկսեց լուռ ու դանդաղ անկյունից-անկյուն քայլել: Այն, ինչ տեղի ունեցավ, շատ լուրջ բան է, և այժմ հարկավոր է ճիշտ և հաստատուն որոշում ընդունել: Զեննին հանցավոր է, և ինքն իրավունք ունի նրան դատապարտելու: Նա մեղավոր է նրանում, որ հենց սկզբից իրենից թաքցրել է ճշմարտութիւնը և կրկնակի մեղավոր է, որ այդպես էլ շարունակել է խաբել: Վերջապես նրա գլուխը եկավ այն միտքը, որ նա իր սերը կիսել է իր և երեխայի միջև. ոչ մի տղամարդ իր դրութեան մեջ չէր կարող հանգիստ հաշտվել դրա հետ: Լեսթերը ցնցվեց այս մտքից, նա ձեռքերը գրպանները խրեց և շարունակեց քայլել սենյակում:

Լեսթերի բնավորութիւնն ունեցող մարդը ինչպե՞ս կարող էր իրեն վիրավորված համարել հենց միայն նրա համար, որ Զեննին թաքցրել է իր երեխայի գոյութիւնը, որն աշխարհ է եջել ճիշտ նույնպիսի զանցանքի հետևանքով, ինչպիսին նա կատարեց հետագայում, զիջելով իրեն՝ Լեսթերին: Սա մի օրինակ է այն անբացատրելի մոլորութիւնների ու սխալների, որոնցից, ինչպես երևում է, ընդունակ չէր փոստափել մարդկային միտքը, այդ դաժան պահակն ու դատավորը, երբ հարցը վերաբերում է ուրիշ մարդկանց պատվին: Մոռանալով իր

սեփական արարմունքը (տղամարդիկ հազվադեպ են հաշվի առնում այն), Լեսթերը այն հավատն ուներ, որ կինը պետք է իր սիրած միակ մարդու առաջ բաց անի իր ամբողջ հոգին, և նրան շատ էր վշտացնում, որ Զեննին այդպես չի վարվել՝ Մի անգամ նա փորձել էր իմանալ Զեննիի անցյալի բոլոր մանրամասնությունները։ Այն ժամանակ Զեննին աղաչել էր հարցուփորձ չանել։ Ահա թե երբ նա պետք է ասեր երեխայի մասին։ Իսկ հիմա...

Երբ նա ամեն ինչի մասին մտածեց, առաջին միտքը եղավ հեռանալ և այլևս Զեննիին չտեսնել։ Միևնույն ժամանակ ուզում էր իմանալ, թե ինչով վերջացավ բանը։ Այսուամենայնիվ նա վերարկուն հագավ, գլխարկը ծածկեց և դուրս գնաց տանից։ Խմելու ցանկություն զգալով՝ նա մտավ առաջին իսկ հանդիպած վայելուչ պանդոկը։ Հետո գնաց ակումբ։ Այնտեղ նա սենյակից-սենյակ թափառեց, հանդիպեց ծանոթներից ոմանց, զրուցեց նրանց հետ։ Անհանգստությունն ու սրտնեղությունը չէին անցնում։ Վերջապես երեք ժամ մտածումների մեջ անցկացնելուց հետո նա կառք վարձեց և վերագարձավ տուն։

Զեննին երկար ժամանակ տխուր-տրտում նստել էր քրոնած աղջկա անկողնի մոտ և, վերջապես, հասկացավ, որ վրտանգն անցել է։ Այժմ նա Վեստայի համար ոչինչ անել չէր կարող, և քիչ-քիչ միտքը եկան տան հոգսերը։ Նա զգաց, որ պետք է կատարի Լեսթերին տված խոստումը և մինչև վերջին րոպեն տանտիրուհու իր պարտականությունները կրի։ Հնարավոր է, որ Լեսթերն սպասում է իրեն։ Երևի նա ընդմիշտ բաժանվելուց առաջ կուզենա լսել ամբողջ ճշմարտությունն իր անցյալի մասին։ Զեննին սրտի ցավով ու երկյուղով էր մտածում, որ Լեսթերը, իհարկե, կապերը կխզի իր հետ, բայց դա համարում էր արդարացի պատիժ իր բոլոր զանցանքների համար։ Ինքը լիովին արժանի է դրան։

Զեննին տուն վերադարձավ ժամը տասնմեկին։ Սանդուղքի լույսն արդեն չէր վառվում։ Նա դռան բռնակը բաշեց, ապա իր բանալիով բացեց։ Մի պահ կանգ առնելով և ոչ մի ձայն չլսելով՝ նա ներս մտավ, սպասելով, որ իրեն կղիմա-

վորի զայրացած Լեսթերը: Բայց Լեսթերը չկար: Նա պարզապես մոռացել էր սենյակի լույսը մարել: Ջեննին արագ շուրջը նայեց, բայց սենյակը դատարկ էր: Ջեննին մտածեց, թե Լեսթերն ընդմիջտ հեռացել է, և տեղում քարացավ անօդնակսն ու մոլորված:

«Գնացե՛ք է», — մտածեց նա:

Բայց այդ րոպեին սանդուղքի վրա լսվեցին Լեսթերի բայլերը: Նրա գլխարկը քաշված էր աչքերին, վերարկուն լրիվ կոճկած: Առանց Ջեննիի կողմը նայելու, նա վերարկուն հանեց, կախեց կախարանից: Հետո առանց շտապելու գլխարկը վերցրեց ու կախեց: Դրանից հետո միայն նա դարձավ դեպի Ջեննին, որը աչքերը չռած հետևում էր նրան:

— Ես ուզում եմ իմանալ ամեն ինչ, սկզբից մինչև վերջ, — ասաց նա: — Ո՞ւմն է այդ երեխան:

Ջեննին մի պահ տատանվեց, ասես պատրաստվում էր հուսակտուր թռիչք գործել դեպի մութ անդունդը, ասլա խոսեց ցամաքած շուրթերով:

— Սենատոր Բրենդերինը:

— Սենատոր Բրենդերի՞նը, — զարմանքով կրկնեց Լեսթերը. նա ամենևին չէր սպասում, թե այդպիսի դղրդուն անուն կլսի: — Ինչպե՞ս ես դու կարողացել հանդիպել նրա հետ:

— Ես ու մայրս նրա լվացքն էինք անում, — պարզ պատասխանեց Ջեննին:

Լեսթերը լռեց: Ջեննիի պատասխանների շիտակությունը ուշքի բերեց նրան, և նրա ցասումն իջավ: «Սենատոր Բրենդերի և Լեսթերի լռեխա՞ն», — մտածում էր նա: Նշանակում է հասարակ ժողովրդի շահերի այդ նշանավոր պաշտպանը գայթակղեցրել է լվացարարուհու սղջկան: Ահա քեզ մի բնորոշ ողբերգություն չքավորների կյանքից:

— Վաղո՞ւց է եղել այդ, — հոնքերը կիտելով մռայլ հարցրեց Լեսթերը:

— Արդեն համարյա վեց տարի կլինի, — պատասխանեց Ջեննին:

Լեսթերը մտքում հաշվեց, թե որքան ժամանակ է իրենք ծանոթ են, ասլա հարցրեց:

— Քանի՞ տարեկան է երեխան:

— Վեցի մեջ է:

Լեւթերը գլխով արեց: Ջանալով կենտրոնանալ՝ այժմ նա խոսում էր ավելի տիրական ձայնով, բայց առանց առաջվա զայրույթի:

— Իսկ որտե՞ղ է եղել նա այսքան ժամանակ:

— Մինչև անցյալ գարուն նա ապրում էր տանը, մերոնց մոտ, իսկ ելբ դու գնացիր Յինցիննատի, ես նրան բերի այստեղ:

— Եվ երբ ես Քլիվլենդ էի գալիս, նա ձեզ հետ էր ապրում:

— Այո, — պատասխանեց Ջեննին, — միայն թե ես հետևում էի, որ նա քո աչքին չերևա:

— Ես կարծում էի դու ձերոնց ասել ես, որ մենք ամուսնացել ենք, — գոչեց Լեւթերը, չհասկանալով, թե ինչպես են Ջեննիի հարազատները հաշտվել այդ երեխայի գոյության հետ:

— Ես այդպես էլ ասել եմ նրանց, — պատասխանեց Ջեննին, — բայց ես չէի ուզում քեզ ասել աղջկա մասին: Իսկ մերոնք շարունակ մտածում էին, թե ահա որտեղ որ է կատարմամբ քեզ:

— Իսկ ինչո՞ւ չէիր պատմում:

— Որովհետև վախենում էի:

— Ինչի՞ց:

— Դե ես հո չգիտեի, ինչ է պատահելու ինձ, երբ գալիս էի քեզ հետ, Լեւթեր: Ես այնպես ուզում էի պահպանել իմ աղջկան, ոչ մի վնաս չտալ նրան: Հետո էլ ամաչում էի, իսկ երբ դու ասացիր, որ երեխա չես սիրում, ես վախեցա:

— Վախեցար, թե քեզ կլքե՞մ:

— Այո:

Լեւթերը լռեց: Ջեննին պատասխանում էր այնպես պարզ ու շիտակ, որ նրա սկզբնական կասկածը, թե Ջեննին դիտմամբ կեղծել ու խաբել է իրեն, մասամբ փարատվեց: Վերջի վերջո ամբողջ պատճառը հանգամանքների դժբախտ ընթացքն է, Ջեննիի փոքրոգությունը և նրա ընտանիքի բարքե-

րը: Ա՛յ թե ընտանիք է հա՛: Միայն անմիտ ու բարոյազուրկ մարդիկ կարող էին այդպիսի դրուժյուն հանդուրժել:

— Մի՞թե դու չէիր հասկանում, որ վերջ ի վերջո ամեն ինչ պիտի բացվի,— վերջապես հարցրեց նա:— Հո չէիր կարող մտածել, թե այդպես էլ կմեծացնես նրան: Ինչո՞ւ հենց սկզբից ինձ չասացիր ճշմարտությունը: Այն ժամանակ ես շատ հանգիստ կվերաբերվեի դրան:

— Գիտեմ,— ասաց Ջեննին:— Բայց ես ուզում էի, որ նրա համար ավելի լավ լինի:

— Հիմա որտե՞ղ է նա:

Ջեննին բացատրեց:

Լեսթերի հարցերն այնպես շէին հարմարվում նրա ձայնին ու դեմքի արտահայտությանը, որ Ջեննին բոլորովին իրեն կորցրեց: Նա փորձեց ամեն ինչ բացատրել, բայց Լեսթերը հասկանում էր միայն մի բան. Ջեննին հիմարություն է արել, բայց ամեննին չի խորամանկել. դա այնքան պարզ էր, որ եթե Լեսթերն ուրիշ դրուժյան մեջ լիներ, սրտանց կխղճար նրան: Բայց հիմա Բրենդերի հայտնությունը նրա գլխից դուրս չէր գալիս, և նա նորից դարձավ այդ հարցին:

— Ուրեմն ասում ես մայրդ նրա համար լվա՞ցք էր անում: Իսկ ինչպե՞ս պատահեց, որ դու նրա հետ ընկար:

Մինչև այժմ Ջեննին համբերությամբ տանում էր այդ տանջալից հարցաքննությունը, բայց այս հարցի վրա նա ցնցվեց, ինչպես հարվածից կցնցվեն: Լեսթերը դիպել էր նրա կյանքի ամենադառն ու դժվարին ժամանակի դեռ չապաքինված հիշողությանը: Նրա վերջին հարցը, երևում է, կատարյալ անկեղծություն էր պահանջում:

— Զե՛ որ ես այն ժամանակ ջահել աղջիկ էի, Լեսթեր,— տխուր ասաց նա:— Հազիվ տասնութ տարեկան էի: Սա ոչինչ չգիտեի: Գնում էի նրա մոտ, հյուրանոց, լվացքի սպիտակեղենը վերցնում, իսկ հետո էլ տանում էի:

Նա լռեց, բայց տեսնելով, որ Լեսթերը աթոռն սուաջ քաշեց և նստեց երկար ու մանրամասն պատմություն լսելու պատրաստ մարդու տեսքով, նորից սկսեց խոսել:



— Այն ժամանակ մենք այնպիսի կարիքի մեջ էինք: Նա հաճախ ինձ փող էր տալիս, որ մորս տամ: Սա չգիտեի...

Նա նորից լռեց: Լեսթերը տեսնելով, որ նա ուժ չունի պատմելու, նորից սկսեց հարցեր տալ նրան, և աստիճանաբար ամբողջ տխուր պատմությունը պարզ դարձավ նրա համար: Բրենդերը ցանկացել է ամուսնանալ նրա հետ: Նա գրել է Ջեննիին, պետք է նրան կանչեր իր մոտ, բայց չի հասցրել. անակնկալ մահն ընդհատել է ամեն ինչ:

Խոսակցությունը վերջացած էր: Ամբողջ հինգ ռոպե երկուսն էլ լուռ էին: Լեսթերը բռնաբարիկին հենված նայում էր մի կետի, իսկ Ջեննին սպասում էր, չիմանալով, թե ինչ է լինելու և չփորձելով գեթ մի խոսք ասել իրեն պաշտպանելու համար: Ժամացույցը բարձր չըկ-չըկում էր: Լեսթերի անշարժ դեմքին չէր կարելի կարդալ ո՛չ նրա զգացմունքները, ո՛չ մտքերը: Այժմ նա բոլորովին հանգիստ էր ու անվրդով և մրտածում էր, թե ինչպես վարվի: Ջեննին նրա առաջ կանգնած էր ինչպես հանցագործը դատարանում: Լեսթերը որպես մարմնացած արդարություն, բարոյականություն, սրտի անաղարտություն՝ գրավում էր դատավորի տեղը: Այսպես ուրեմն, պետք է դատավճիռ ընդունել, որոշել Ջեննիի հետագա բախտը:

Ի՛նչ ասել կուզի, զզվելի գործ է, կեղտոտ պատմություն, որին պետք չէ, որ խառնված լինի Լեսթերի դիրքն ու հարցատությունն ունեցող մի մարդ: Այդ երեխան պարզապես անհնարին է դարձնում նրա հարաբերությունները Ջեննիի հետ... բայց և այնպես Լեսթերը դեռ ոչինչ չէր կարողանում ասել: Բռնաբարիկի վերև ժամացույցը խփեց երեքը: Լեսթերը շուռ եկավ և հիշեց Ջեննիին, որը գունատ ու շփոթված դեռ անշարժ կանգնած էր նրա առաջ:

— Գնա պառկիր, — ասաց նա վերջապես և նորից սկսեց մտածել իր դժվարին խնդրի մասին:

Բայց Ջեննին տեղից չշարժվեց: Նա կանգնած Լեսթերին էր նայում լայն բացված անշարժ աչքերով, պատրաստ ամեն ռոպե լսելու իր դատավճիռը: Բայց նա իզուր էր սպասում:

Երկար խորհելուց հետո Լեւթերը վեր կացավ և գնաց դեպի վախարանը:

— Գնա պառկիր, — պաղ կրկնեց նա: — Ես գնում եմ:

Ջեննին ակամա մի քայլ արեց դեպի նա. նույնիսկ այդ սոսկալի բոպին ուզում էր որևէ բանով օգտակար լինել նրան, բայց Լեւթերը նրա շարժումը չնկատեց: Նա դուրս գնաց, այլևս ոչ մի խոսքի չարժանացնելով նրան:

Ջեննին նայում էր նրա ետեից և լսում նրա հեռացող քայլերը սանդուղքի վրա այնպիսի զգացմունքով, ասես իր մահավճիռն է կայացված և արդեն թաղման զանգն է հնչում իր գերեզմանի վրա: Այս ի՞նչ արեց ինքը: Եվ հիմա ի՞նչ է անելու Լեւթերը: Խոր հուսահատություն էր համակել նրան, և երբ ցածում դուռը շրխկաց, նա թախիծով ու հուսակտուր ձեռքերը տարածեց:

«Գնա՛ց, — մտածեց նա: — Գնա՛ց»:

Հուսամուտներում արդեն արշալույս էր առկայծում, իսկ Ջեննին դեռ նստել էր դռն մտքերով տարված. նրա դրությունն այնքան էր լուրջ, որ արցունքին էլ ազատություն տալ չէր կարող:

## Գ Լ ՈՒ Խ XXX

Մռայլ, միշտ այնքան տրամաբանորեն դատող Լեւթերը մինչդեռ ամենևին վստահ չէր, թե ինքն ինչ է նախաձեռնելու: Նրա տրամադրությունը շատ էր ընկել, բայց չէր կարող ճիշտ որոշել, թե ինչն է իրեն հուզում: Հասկանալի է, որ երեխայի գոյությունը բավական բարդացնում էր գործը: Ինչի՞ էր պետք Ջեննիի երբեմնի մեղքերի այդ կենդանի վկայությունը: Ասենք, Լեւթերն ընդունում է, որ եթե ինքը իսկապես ցանկանար, վաղուց կարող էր Ջեննիից իմանալ նրա ամբողջ անցյալը: Նա, իհարկե, չէր խաբի: Ինքը հենց սկզբում կարող էր հարցնել նրան, ինքն այդ չի արել, իսկ հիմա արդեն շատ ուշ է: Մի բան պարզ է. Ջեննիի հետ ամուսնանալու մասին մտածել անգամ չի կարելի: Դա բացառված է, նկատի

ունենալով նրա դիրքը հասարակության մեջ: Ամենալավ ելքն է՝ Զեննիին նյութապես ապահովել և նրանից բաժանվել: Երբ Լեսթերը հյուրանոց էր գնում, այս որոշումն ընդունված էր, թեպետև նա չէր մտածում անհապաղ իրականացնել այդ:

Նման դեպքերում որքա՞ն ավելի հեշտ է դատողություն անել, քան գործել: Ժամանակն ամրապնդում է մեր ցանկություններն ու զգացմունքները, իսկ Զեննին Լեսթերի համար միայն սովորություն չէր: Չորս տարվա անընդհատ հաղորդակցության ընթացքում նա այնպես լավ էր ճանաչել նրան ու իրեն, որ հնարավոր չէր համարում հեշտ ու արագ անջատվել նրանից: Դա շատ ցավալի բան կլիներ: Այդպիսի միտք նա կարող էր ունենալ ցերեկը, իր գրասենյակի եռուզեռի մեջ, բայց ո՛չ երեկոները, երբ մենակ էր մնում: Նա իր մեջ հայտաբերեց նույնիսկ կարոտելու ընդունակություն, և այդ խրոնովում էր նրա հոգին:

Այդ օրերին նրան անհանգստացնում էր նաև Զեննիի թեոթիան, թե իբր նրա և մոր հետ միասին ապրելը կարող էր վնասել Վեստային: Ինչպե՞ս է նա մտածել այդ: Զէ՞ որ Լեսթերը որքա՞ն ավելի նախանձելի հասարակական դիրք է զբավում, քան Զեննին: Բայց հետո Լեսթերը հասկացավ նրա տեսակետը: Զեննին այն ժամանակ չգիտեր, թե ով է նա և ինչ բախտ է պատրաստում իր համար: Լեսթերը կարող էր շատ շուտով լքել նրան: Այս բանը նախատեսելով՝ նա ցանկացել է իր եթեխային ապահովել այդ վտանգից: Դա այնքան էլ վատ չէ: Ծվ մեկ էլ Լեսթերը ցանկանում էր իմանալ, թե ինչպիսին է այդ ազդիկը: Սենատորի դուստրը, դա կարող է հետաքրքիր լինել: Բրենդերը փայլուն մարդ էր, իսկ Զեննին՝ չքնաղ կին: Այս միտքը Լեսթերի մեջ առաջացնում էր և՛ վերդովմունք, և՛ հետաքրքրություն: Մերթ նրան թվում էր, թե հարկավոր է վերադառնալ Զեննիի մոտ և աղջկան տեսնել — վերջ ի վերջո այդ իրավունքն է — մերթ տատանվում էր, հիշելով, թե ինքն ինչպես ընդունեց աղջկա գոյովության մասին ստացած տեղեկությունը: Նա նորից ինքն իրեն համոզում էր, թե պետք է վերջ դնել, և այդ ներքին վեճը շարունակվում էր անվերջ:

Իրականում նա ի վիճակի չէր Զեննիից բաժանվելու։ Այդ տարիներին ընթացքում Զեննին նրա համար անհրաժեշտություն էր դարձել։ Երբեկից նա ունեցե՞լ էր այդպիսի մոտիկ մարդ։ Մայրը սիրում է իրեն, բայց այդ սիրո մեջ գերակշռում է փառասիրությունը։ Հա՞յրը, հայրն էլ իր նման մի տղամարդ է։ Քույրերը նրանով հետաքրքրվելու ժամանակ չունեն։ Նըրանցից յուրաքանչյուրն իր կյանքն ունի։ Ռոբերտը միշտ օտար է եղել նրա համար։ Զեննիի հետ նա առաջին անգամ իմացավ, թե ինչ բան է իսկական երջանկությունը, իսկական մտերմությունը։ Զեննին հարկավոր է նրան. Զեննիից հետո անցկացրած ամեն մի ժամին նա ավելի ու ավելի ուժեղ էր զգում այդ։ Վերջապես նա որոշեց սրտաբաց խոսել Զեննիի հետ և որևէ համաձայնության գալ։ Թող աղջկան իր մոտ վերցնի ու նրան խնամի։ Զեննին պետք է հասկանա, որ վաղ թե ուշ ինքը հեռանալու է նրանից։ Հարկավոր է նրան ներշնչել, որ այժմ իրենց հարաբերությունների մեջ շատ բան է փոխվել, թեև դա անհապաղ խզում չի նշանակում։ Նույն երեկոյան նա գնաց իր բնակարանը։ Զեննին լսեց, թե ինչպես նա դուռը բաց արեց, և սիրտն անհանգիստ թալրտաց։ Ինքն իրեն հավաքելով՝ նա իր սենյակից դուրս եկավ նրան դիմավորելու։

— Որքան ես հասկանում եմ, այսպես պիտի վարվել,— սկսեց Լեսթերը իրեն հատուկ շիտակությամբ։— Աղջկադ բեր այստեղ, և թող քեզ հետ ապրի։ Իմաստ չունի օտար մարդկանց մոտ թողնել։

— Լավ, Լեսթեր,— հնազանդորեն պատասխանեց Զեննին։— Ես միշտ ցանկացել եմ այդ։

— Եթե այդպես է, հետաձգելու հարկ չկա։— Նա գրպանից հանեց երեկոյան լրագիրը և անցավ դեպի լուսամուտը։ Հետո շուռ եկավ։— Մենք պետք է պայմանավորվենք, Զեննի։ Ես հասկանում եմ ինչպես է տեղի ունեցել այդ։ Ես մեծ անփութություն եմ գործել, որ ժամանակին հարցուփորձ չեմ արել քեզ, չեմ ստիպել ամեն ինչ պատմել։ Իսկ դու իզուր ես լռել, նույնիսկ եթե չես ցանկացել, որ ես քո երեխայի կյանքի

մեջ մտնեմ: Դու պետք է հասկանայիր, որ այդպիսի բանը, միևնույն է, թաքցնել չի լինի: Ասենք, հիմա սա կարեւոր չէ: Ես ուրիշ բան եմ ուզում ասել. իմ և քո այսպիսի հարաբերությունների պայմաններում իրարից գաղտնիք պահել չի կարելի: Ես կարծում էի, թե մենք ամեն բան վստահում ենք իրար: Իսկ հիմա չգիտեմ՝ կարո՞ղ եմ երբևիցե ամրապնդել մեր հարաբերությունները: Շատ խճճված դրություն է ստեղծվել: Մեղադրելու և բամբասանքների համար շատ հիմքեր կան:

— Ես այդ գիտեմ, — ասաց Ջեննին:

— Հասկացիր, ես մտադիր չեմ շտապել: Իմ կարծիքով ամեն ինչ կարող է շատ թե քիչ առաջվա նման մնալ, մոտ ժամանակներս, իհարկե, բայց ես ուզում եմ, որ դու իրերին զգոն նայես:

Ջեննին հառաչեց:

— Գիտեմ, Լեսթեր, գիտեմ:

Շուռ գալով դեպի լուսամուտը՝ Լեսթերը նայեց բակում աղչամուղչի մեջ պարուրված ծառերին: Ապագայի միտքը սարսափեցնում էր նրան. նա սիրում էր իր տնային պայմանները: Մի՞թե այդ ամենին պիտի հրաժեշտ տա ու գնա ա-կումբ:

— Արի ճաշենք, — վերջապես սառն ասաց նա, շուռ գալով լուսամուտից: Բայց հոգու խորքում նա Ջեննինի վրա չէր բարկանում: Ուղղակի խայտառակություն է. որքա՞ն վատ է կառուցված կյանքը:

Նա անցավ հյուրասենյակ, իսկ Ջեննին շտապեց տնտեսության գործերով զբաղվել: Նա մտածում էր Վեստայի մասին, Լեսթերի նկատմամբ իր ապերախտության մասին, նրա վերջնական որոշման մասին, որ իր հետ չի ամուսնանա: Իր անմտությամբ նա ինքն է խորտակել իր նվիրական բաղ-ձանքը:

Նա սեղան բացեց, արծաթե գեղեցիկ մոմակալների մեջ մոմեր վառեց, պատրաստեց Լեսթերի սիրած թխվածքը, ոչ-խարի միս դրեց տապակելու և սալաթ լվաց: Վերջին տարին Ջեննին ջանասիրությամբ ուսումնասիրել էր մի խոհարարա-

կան գիրք, իսկ առաջ էլ շատ բան մորիցն էր սովորել: Եվ ամբողջ ժամանակ նա չէր դադարում մտածել, թե հիմա ինչ պատկեր կստանա իր կյանքը: Վաղ թե ուշ կեսթերն իրեն կըլքի, սա պարզ է: Նա իրենից կհեռանա և կամուսնանա ուրիշի հետ:

«Ի՛նչ արած,— մտածեց նա վերջապես,— դեռ լավ է, որ առաջժամ նա ինձ չի լքում: Վեստան էլ ինձ հետ է լինելու»: Նա հառաչեց և ճաշը սեղանատուն տարավ: Ի՛նչ լավ կլիներ, եթե և՛ կեսթերը մնար իր հետ, և՛ Վեստան... բայց այս հույսը խորտակված էր ընդմիջատ:

## Գ Լ Ո Ւ Խ XXXI

Այս փոթորկից հետո միառժամանակ տանը խաղաղություն ու հանդարտություն տիրեց: Ջեննին հենց հետևյալ օրը Վեստային բերեց իր մոտ: Աղջկա հետ միանալու ուրախությունը սքողեց նրա բոլոր հոգսերն ու վիշտը: «Այժմ ես կարող եմ իսկապես մայր լինել նրա համար»,— մտածում էր Ջեննին և օրվա մեջ մի քանի անգամ մեկ էլ տեսնում էր, որ ինքնաբերաբար մի ուրախ երգ է սկսել:

Կեսթերը սկզբում միայն շատ հազվադեպ էր գալիս նրա մոտ: Նա փորձում էր իրեն համոզել, որ պետք է աստիճանաբար նախապատրաստել իր մտածած փոփոխությունն իր կյանքում՝ Ջեննիից հեռացումը: Նրա համար հաճելի չէր երեխայի ներկայությունը իր տանը, և առավել ևս՝ հենց այդ երեխայի: Միառժամանակ նա համառորեն ինքն իրեն ստիպում էր չլինել Հյուսիսային կողմում, բայց հետո սկսեց ավելի հաճախ երևալ այնտեղ: Ինչ էլ որ լիներ, այստեղ խաղաղ էր, հանդարտ, միայն այստեղ նա իրեն լավ էր զգում:

Ջեննիի համար հեշտ չէր այնպես անել, որ իր նյարդային, աշխույժ ու շարաճճի աղջիկը չխանգարի հավասարակշռված, հանգիստ, իր գործերով զբաղված կեսթերին: Երբ նա բուռն անգամ հեռախոսով նախազգուշացրեց, որ գալու է, Ջեննին խստությամբ խոսեց Վեստայի հետ, նրան ասաց, որ

գալու է մի շատ բարկացկոտ քեռի, որը երեխաներ չի սիրում և որին չի կարելի ձանձրացնել:

— Խելոք կլինես,— խրատում էր նա:— Շատ շխոսես և ոչինչ չխնդրես: Մայրիկը քեզ կտա ինչ որ պետք է: Իսկ գըլ-խալորը՝ ձեռքդ չմեկնես բան վերցնելու:

Վեստան խոստացավ այդպես էլ անել, բայց իր մանկական խելքով հազիվ թե հասկացավ այդ խրատների ամբողջ կարևորությունը:

Լեսթերը եկավ ժամը յոթին: Զեննին, աշխատելով որքան կարելի է գեղեցիկ հագցնել Վեստային, ինքը հենց նոր գնացել էր իր ննջարանը՝ իր շորը փոխելու: Վեստան պետք է փոհանոցում լիներ: Բայց նա կամացուկ դուրս պրծավ մոր ետևից և կանգ առավ հյուրասենյակի շեմքում, որտեղ և նրբաբան տեսավ Լեսթերը, երբ վերարկուն և գլխարկը նախասենյակում կախելուց հետո ուղղվեց դեպի սենյակները: Աղջիկը չքնաղ էր, Լեսթերն այս ընդունեց առաջին իսկ հայացքից: Նա հագին ուներ սպիտակ պուտիկներով երկնագույն ֆլանել շոր՝ ետ ծալված օձիքով ու մանժետներով, սպիտակ գուլպաներ ու կոշիկներ: Բաց գույնի գանգուր մազերը շրջանա-կում էին նրա դեմքը՝ կապուտակ աչքերը, ալ շրթունքներն ու կարմիր թշիկները: Լեսթերը զարմացած ուզեց ինչ-որ բան ասել, բայց իրեն զսպեց: Վեստան վախվխելով հեռացավ:

— Շատ սիրունիկ աղջիկ է,— ասաց Լեսթերը, երբ Զեննին գնաց նրա մոտ:— Քեզ համար դժվա՞ր է նրան պահել:

— Այնքան էլ չէ,— պատասխանեց Զեննին:

Նա անցավ սեղանատուն, և Լեսթերը լսեց այսպիսի մի խոսակցություն.

— Այդ ո՞վ է,— հարցրեց Վեստան:

— Ս-ս՛... Նա քո քեռի Լեսթերն է: Ես հո քեզ ասացի, որ շատախոսել չի կարելի:

— Նա քո քեռին է՞լ է:

— Ոչ, բալիկս: Շատ մի խոսիր, վազիր փոհանոց:

— Նա միայն ի՞մ քեռին է:

— Այո: Դե, վազիր:

— Լավ:

Լեւթերն ակամա ժպտաց:

Դժվար է ասել, թե ինչ ընթացք կատանար գործը, եթե Վեստան այլանդակ, լալկան տաղտկալի երեխա լիներ, կամ եթե Ջեննին այնպիսի տակտ չցուցաբերեր: Բայց աղջկա հրապուրիչ լինելը և մոր ջանքերը՝ մեղմորեն նրան ետին պլանը մղելու՝ ստեղծում էին անաղարտության ու ջանելուության տպավորություն, որը միշտ հաճելի ազդեցություն է ունենում: Լեւթերը հաճախ էր մտածում, որ այս բոլոր տարիներին Ջեննին մայր է եղել: Նա ամիսներով չի տեսել իր երեխային, ոչ մի խոսք չի ասել նրա մասին: Բայց և այնպես տարակույս չկար, որ նա սիրում է Վեստային: «Զարմանալի է,— ասում էր Լեւթերն ինքն իրեն:— Նա արտասովոր կին է»:

Մի անգամ առավոտյան, երբ Լեւթերը լրագիր էր կարդում, ինչ-որ խշխշոց լսվեց: Նա շուռ եկավ և զարմանքով տեսավ մի կապուտակ աչք, որը կիսաբաց դռան ճեղքից սևեռուն նայում էր իրեն: Թվում էր, թե հանցանքի մեջ բռնված աչքն անմիջապես պետք է անհետանար, բայց ո՛չ, նա քաջաբար մնաց իր տեղում: Լեւթերը թերթի էջը շուռ տվեց, նորից ետ նայեց: Աչքը էլի իրեն էր նայում: Նա նորից կրկնեց իր շարժումը: Աչքը չհեռացավ: Լեւթերը իր դիրքը փոխեց, ոտքը ոտքի վրա դրեց: Երբ նա նորից գլուխը բարձրացրեց, տեսավ, որ աչքն անհետացել է:

Որքան էլ աննշան էր այս էպիզոդը, նրա մեջ մի ինչ-որ կոմիկական բան կար, իսկ այդ միշտ արձագանք էր գտնում Լեւթերի հոգում: Եվ այժմ, երբ նա ամենեին հակված չէր իջնելու իր անմատչելի բարձունքից, զգաց, որ խորհրդավոր աչքը զվարճացրեց իրեն: Նրա շրթունքները ցնցվեցին և քիչ մնաց պիտի տարածվեին որպես ժպիտ: Նա չենթարկվեց այդ նոր տրամադրությանը և չդադարեց լրագիրը կարդալ, բայց պարզորեն մտքում պահեց այդ աննշան դեպքը: Դա առաջին դեպքն էր, որ փոքրիկ չարաճճին իսկապես իր վրա էր դարձրել նրա ուշադրությունը:

Դրանից հետո շատ չանցած, երբ մի օր Լեւթերը նախաճաշի նստած առանց շտապելու ոչնչացնում էր ծեծած կոտլետը և լրագրի վերնագրերն էր նայում, նրա հանգիստը նո-



րից խախտվեց: Զեննին արդեն կերակրել էր Վեստային և մինչև Լեսթերի գնալը նրան թողնելով մենակ իր խաղալիքների հետ, ինքը սուրճ էր լցնում: Հանկարծ դուռը բացվեց, և Վեստան լուրջ տեսքով սկսեց անցնել սեղանատան միջով: Լեսթերը գլուխը բարձրացրեց, Զեննին կարմրատակեց ու վեր կացավ:

— Ի՞նչ ես ուզում այստեղ, Վեստա,— հարցրեց նա:

Վեստան մինչ այդ մտավ խոհանոց, այնտեղից վերցրեց փոքրիկ ավելը և ետ վերադարձավ՝ իր ամբողջ տեսքով զբվարճալի վճռականություն արտահայտելով:

— Ինձ իմ ավելն է հարկավոր,— զրնգուն ձայնով պատասխանեց նա և անվրդով քայլեց դեպի իր սենյակը, իսկ Լեսթերն զգաց, թե ինչպես իր մեջ ինչ-որ մի բան արձագանքեց այդ խիզախությանը, և այս անգամ նա չկարողացավ զսպել իր մեղմ ժպիտը:

Այսպես աստիճանաբար հալվում էր Լեսթերի անբարյացակամ զգացմունքն աղջկա նկատմամբ, իր տեղը զիջելով զիջողամտության և այն գիտակցության, որ նա մարդկային փոքրիկ էակի բոլոր իրավունքներն ունի:

Հետագա վեց ամիսների ընթացքում Լեսթերի անբավականությունը համարյա բոլորովին չքացավ: Զի կարելի ասել, թե նա հաշտվեց փոքր-ինչ աննորմալ մթնոլորտի հետ, որի մեջ ապրում էր այժմ, բայց տանն այնքան հարմարավետ էր, որ նա չէր կարող հեշտությամբ հեռանալ: Շատ անուշ կյանք էր վարում նա: Շատ էր աստվածացնում նրան Զեննին: Նրան շատ էր դուր գալիս լիակատար ազատությունը, հին ծանոթների հետ անարգել շփվելու հնարավորությունը՝ զուգակցված փառալու հարմարավետության ու սրտակցության հետ, որոնք սպասում էին նրան տանը: Եվ նա շարունակ հապաղում էր և արդեն սկսում էր մտածել, թե գուցե և հարկավոր չէ որևէ բան փոխել:

Այդ ժամանակամիջոցում աննկատելիորեն ամրապնդվեց նրա մտերմությունը փոքրիկ Վեստայի հետ: Նա աղջկա արարքների մեջ նկատեց անկեղծ հումոր և հետաքրքրություն: Երբ սպասում դրա նորանոր արտահայտություններին:

Վեստան միշտ զբաղված էր լինում որևէ հետաքրքիր բանով, և թեպետ Ջեննին նրան հետևում էր չթուլացող խստությամբ, որ ինքնին արդեն հայտնություն էր կեսթերի համար, այնուամենայնիվ անդադրում Վեստան միշտ կարողանում էր որևէ զվարճալի խոսք գցել: Այսպես, մի անգամ կեսթերը, տեսնելով, թե ինչպես աղջիկը մեծ դանակով եռանդով մի կտոր միս է սղոցում, Ջեննին ասաց, որ լավ կլիներ նրա համար մանկական դանակ-պատառաքաղ գնել:

— Նրա համար դժվար է այդպիսի դանակ գործածել:

— Այո,— իսկույն արձագանքեց Վեստան:— Ինձ փոքրիկ դանակ է հարկավոր: Իմ թաթիկը, սես, ինչքա՛ն փոքրիկ է:

Եվ նա մատները չռեց: Ջեննին վախենալով, թե նա էլի որևէ բան կասի, շտապեց նրա ձեռքն իջեցնել սեղանին, իսկ կեսթերը դժվարությամբ զսպեց ծիծաղը:

Մի ուրիշ անգամ տեսնելով, թե ինչպես Ջեննին շաքար է գցում կեսթերի բաժակը, Վեստան պահանջեց.

— Ինձ էլ երկու կտոր, մայրի՛կ:

— Ոչ, սիրելիս,— պատասխանեց Ջեննին,— քեզ շաքար հարկավոր չէ: Գուցե կաթ ես խմում:

— Իսկ քեռի կեսթերի բաժակը դու երկու կտոր գցեցիր:

— Այո, այո,— ասաց Ջեննին,— բայց դու դեռ փոքր ես: Եվ, խնդրեմ, սեղանի վրա մի շատախոսիր: Հանգիստ նստիր:

— Քեռի կեսթերը շատ շաքար է ուտում,— անհապաղ հետևեց պատասխանը, և կեսթերը, որը քաղցր սիրում էր, սրտանց ժպտաց:

— Դե, ես չգիտեմ, — ասաց կեսթերը առաջին անգամ խոսելով աղջկա հետ:— Գուցե դու նման ես այն աղվեսի՞ն, որն ասում էր՝ խաղողը խակ է:

Վեստան ի պատասխան նույնպես ժպտաց, և այժմ, երբ սառույցը կտրված էր, առանց քաշվելու սկսեց նրա հետ խոսել: Այսպես էլ ականջ, և, վերջապես, կեսթերն սկսեց աղջկա հետ վարվել հարազատի պես: Նա նույնիսկ պատ-

ռաստ էր նրան տալու այն ամենը, ինչի ճանապարհ բացում էր իր հարստությունը, իհարկե, այն պայմանով, որ ինքն առաջվա պես ապրի Զեննիի հետ և իրենք մի միջոց հնարեն, թե ինչպես ինքը, այնուամենայնիվ, կապ պահպանի իր աշխարհի հետ, որի մասին նա չպետք է մոռանար և ոչ մի րոպե:

## Գ Լ ՈՒՆ XXXII

Գարնանը ցուցադահլիճների ու պահեստի կառուցումն սվարտվեց, և կեսթերն իր գրասենյակը փոխադրեց նոր շենքը: Մինչև այժմ նրա գործարար կյանքն ընթանում էր «Գրանդ-Պասիֆիկ» հյուրանոցում և ակումբում: Այժմ նա զգում էր, որ հաստատորեն հիմնավորվել է Զիկագոյում, որ այսուհետև ինքը մշտապես այստեղ է ապրելու: Նրա վրա լուրջ պարտականություններ էին ընկած՝ ղեկավարել գրասենյակի մեծաթիվ ծառայողներին և խոշոր գործարքներ կնքել: Դրա փոխարեն նա ազատվել էր ճամփորդություններից. դրանք հանձնարարված էին էմիի ամուսնուն, որը գործում էր Ռոբերտի ցուցումներով: Վերջինս բոլոր ուժերով աշխատում էր առաջ անցնել, նա ջանում էր իր կողմը քաշել քույրերին և արդեն նախաձեռնել էր գործարանի վերակառուցումը: Մի քանի ծառայողների, որոնք կեսթերի անձնական համակրանքն էին վայելում, արձակում էր սպառնում: Բայց կեսթերն այդ շփոթեր, իսկ ծերունի Քեյնը հակված էր Ռոբերտին գործողությունների լիակատար ազդեցություն տալու: Տարիներն իրենց գործը տեսել էին: Նա գոհ էր, որ իր գործը մնալու է ամուր, հուսալի ձեռքերում: Կեսթերը կարծես անբավականություն չէր արտահայտում: Թվում էր, թե նրա և Ռոբերտի հարաբերությունները լավացել են:

Հնարավոր է դրանից հետո էլ ամեն ինչ հարթ ու խաղաղ անցներ, եթե չլիներ այն հանգամանքը, որ կեսթերի անձնական կյանքը չէր կարող միշտ գաղտնի մնալ: Պատահում էր, որ բաց կառքով Զեննիի հետ տեղ գնալիս նրանց տեսնում էին բարձր շրջանի կամ գործարար մարդիկ: Բայց այդ նրան չէր

անհանգստացնում. չէ՞ որ ինքն ամուրի էր և ազատ էր ժամանակ անցկացնելու ում հետ ցանկանար: Ինչո՞ւ չէր կարելի ենթադրել, որ Ջեննին հարգարժան ընտանիքի մի ջահել կին է, որին սիրատածում է նա: Նա մտադիր չէր որևէ մեկի հետ ծանոթացնել Ջեննին և միանգամ ընդմիջտ կառապանին պատվիրել էր որքան կարելի է արագ քշել, որպեսզի ոչ ոք չփորձի նրան ձայն տալ ու հետը խոսել: Իսկ թատրոնում հանդիպողների համար Ջեննին, ինչպես արդեն ասել ենք, պարզապես «միսս Գերհարդ» էր:

Դժբախտաբար Լեսթերի ծանոթներից շատերն աչքի էին ընկնում սուր դիտողականությամբ: Նրանք ամենևին էլ միտք չունեին դատապարտել նրա վարքը: Պարզապես հիշում էին, որ անցած տարիներին, ուրիշ քաղաքներում էլ նրան տեսել են այդ նույն կնոջ հետ: Երևում է, նա այդ կնոջ հետ ապօրինի կապ է պահպանում: Հետո ի՞նչ կա որ: Հարստությունն ու երիտասարդությունը շատ բանի իրավունք են տալիս: Որոշ լուրեր հասել էին նաև Ռոբերտին, բայց նա հարկ չէր համարել իր ենթադրությունները հայտնել որևէ մեկին: Սակայն վաղ թե ուշ ամեն ինչ պիտի բացվեր:

Այդ պատահեց մոտ մեկուկես տարի հետո այն օրից, ինչ Լեսթերն ու Ջեննին տեղավորվել էին Հյուսիսային կողմում: Աշնան խոնավ եղանակին Լեսթերը գրիպով հիվանդացավ: Տկարության առաջին նշաններն զգալով՝ նա մտածեց, թե դա դատարկ բան է և տաք լոգանքն ու մի կարգին բաժին խինինը իսկույն իրեն ոտքի կկանգնեցնի: Բայց դուրս եկավ, որ հիվանդությունը լուրջ է: Առավոտյան նա անկողնից ելնել չկարողացավ, ջերմությունը բարձր էր, և գլուխը սաստիկ ցավում էր:

Վերջին ժամանակներս շարունակ ապրելով Ջեննիի հետ, նա անզգուշ էր դարձել: Հարկ էր, որ նա գնա հյուրանոց և մենակ քաշի իր հիվանդությունը: Բայց տանը, Ջեննիի հետ լինելը նրան շատ ավելի հաճելի էր: Նա զանգահարեց գրասենյակ և իմաց տվեց, որ վատառողջ է և մի քանի օր դալ չի կարող, ապա երանությամբ անձնատուր եղավ իր համբերատար հիվանդապահի հոգատարությունը:

Հասկանալի է, Զեննին ուրախ էր, որ Լեսթերն իր հետ է, հիվանդ լինի թե առողջ: Նա Լեսթերին համոզեց բժիշկ հրավիրել և դեղեր ընդունել: Նա կիտրոնով տաք թեյ էր տալիս Լեսթերին, գիշեր-ցերեկ սառը թրջոց էր դնում նրա ճակատին ու ձեռքերին: Իսկ երբ Լեսթերն սկսեց ապաքինվել, նրա համար համեղ արգանակ ու խաշիլ եփեց:

Ահա այդ հիվանդության ժամանակ էլ տեղի ունեցավ առաջին լուրջ տհաճ դեպքը: Լեսթերի քույր Լուիզան, որ հյուր էր գնացել Սենտ-Պոլե իրենց մի ծանոթին և եղբորը նախազգուշացրել էր, թե մտադիր է վերադարձի ճանապարհին այցելել նրան, որոշել էր ավելի շուտ վերադառնալ, քան նա փաստեսվում էր: Նա Զիկագո հասավ Լեսթերի հիվանդոթյան հենց ամենալուրջ պահին և հեռախոսով գրասենյակից իմանալով, որ նա էլի մի քանի օր գրասենյակ չի գալու, հարցրեց, թե ինչպես կարելի է կապվել նրա հետ:

— Կարծեմ նա ապրում է «Գրանդ-Պասիֆիկ» հյուրանոցում, և մի քիչ վատառողջ է, — լեզվից թոցրեց մի ինչ-որ անզգույշ քարտուղար:

Լուիզան անհանգստացած զանգահարեց «Գրանդ-Պասիֆիկ», որտեղից իմացավ, որ միստր Քեյնին արդեն մի քանի օր է, ինչ չեն տեսել, և ընդհանրապես նա հյուրանոցում լինում է ամենաշատը շաբաթական մեկ-երկու անգամ: Այն ժամանակ քույրը, որի հետաքրքրությունը շարժվել էր դրանից, զանգահարեց ակումբ:

Հակառակի պես հեռախոսին մոտեցավ հենց այն տղան, որը Լեսթերի հանձնարարությամբ մի քանի անգամ եղել էր նրա բնակարանում: Տղան չգիտեր, որ Լեսթերի հասցեն գաղտնի պիտի պահել. մինչև այժմ դրանով ոչ ոք չէր հետաքրքրվել: Երբ Լուիզան ասաց, որ ինքը Լեսթերի քույրն է և շատ է ուզում նրան տեսնել, տղան պատասխանեց.

— Նա ապրում է Շիլլերի հրապարակում, համար տասներկներ տանը:

— Այդ ո՞ւմ հասցեն ես տալիս, — հարցրեց կլերկը, որ գտնվում էր հեռախոսի մոտ:

— Միստր Քեյնի:

— Ոչ մի հասցե տալ չի՝ կարելի: Ի՞նչ է, դու չգիտե՞ս այդ:

Տղան շփոթվեց ու ներողութուն խնդրեց, բայց Լուիզան արդեն լսափողը կախել էր:

Այսպիսով Լուիզան զարմանքով պարզեց, որ իր եղբայրն ունի նաև երրորդ հասցեն, և մի ժամ հետո արդեն Շիլլերի հրապարակումն էր: Կանգ առնելով երկհարկանի տան առաջ, նա երկրորդ հարկը տանող դռանը կայքրած փոքրիկ տախտակին կարդաց «Քեյն» ազգանունը, վերև բարձրացավ և զանգը քաշեց: Զանգի վրա Զեննին դուրս եկավ և շատ զարմացավ իր առաջ մի շքեղազարդ կին տեսնելով:

— Այստե՞ղ է ապրում միստր Քեյնը, — գոռոզաբար հարցրեց Լուիզան՝ բաց դռան միջով նայելով դեպի սենյակի ներսը: Կնոջ ներկայությունը մի փոքր զարմացրել էր նրան, բայց նրա կասկածները դեռ աղոտ էին:

— Այո, — պատասխանեց Զեննին:

— Նա, կարծեմ, հիվանդ է: Ես նրա քույրն եմ, Կարելի՞ է ներս մտնել:

Եթե Զեննին մտքերը ժողովելու ժամանակ ունենար, մի որևէ մերժողական պատասխան կհնարեր, բայց դեռ նա մի փոսք էլ չէր հասցրել ասել, երբ Լուիզան, որ երես առած էր իր դիրքի շնորհիվ և սովոր էր ուզածին պես վարվելու, արդեն նրա մոտով շորորալով անցավ սենյակ: Լեսթերի պառկած ննջարանին կից հյուրասենյակում նա ետ նայեց: Վեստան, որ խաղում էր մի անկյունում, տեղից վեր կացավ և հետաքրքրությամբ նայեց հյուրին: Ննջարանի բաց դռան միջով Լուիզան տեսավ Լեսթերին: Նա պառկած էր անկողնում, աչքերը փակ, ձախ կողմից լուսավորված պատուհանից ներս հորդացող արեգակի ճառագայթներով:

— Ա՛յ թե որտեղ ես դու, — դռնեց Լուիզան արագ մըտնելով ննջարան: — Ի՞նչ է պատահել քեզ:

Նրա ձայնը լսելուն պես Լեսթերն աչքերը բացեց և իսկույն ամեն ինչ հասկացավ: Նա բարձրացավ արմունկի վրա, բայց ոչ մի բառ արտասանել չկարողացավ: Վերջապես դժվարությամբ խոսեց.

— Բարեւ, Լուիզա: Այդ որտեղի՞ց լույս ընկար դու:

— Սենտ-Պուլեից: Ես իմ որոշած օրից ավելի շուտ դուրս եկա,— խոսեց նա արագ ու մի քիչ գրգռված, զգալով, որ այստեղ մի ինչ-որ բան կա:— Ես հագնվի գտա քեզ: Այդ ինչ...— նա ուզում էր ասել «լավիկ տնտեսուհի ունեւ», բայց ետ նայելով տեսավ Զեննիին, որը տխուր, շփոթված գեմքով ինչ-որ բան էր հավաքում հյուրասենյակում:

Լեսթերը պատասխանի փոխարեն հազաց:

Լուիզան ուշի-ուշով նայեց սենյակի ներսը: Նրա աչքից չվրիպեց ընտանեկան բնակարանի մթնոլորտը, որ գուրեկան էր, բայց վտանգավոր մտքեր էր հարուցում: Աթոռին ընկած էր Զեննիի շորը, որը տեսնելով՝ միսս Քեյնը զզվանքով շրջազգեստի փեշը հավաքեց: Նա նայեց եղբորը և նրա աչքերում կարգաց մի տարօրինակ արտահայտություն, ասես նա մի փոքր շփոթված էր, բայց միաժամանակ հանգիստ և մարտի պատրաստ:

— Իզուր ես դու այստեղ եկել,— ասաց Լեսթերը, ժամանակ շտալով, որ Լուիզան տա իր լեզվի ծայրի հարցը:

— Ինչո՞ւ իզուր,— գոչեց նա եղբոր հանգուզն անկեղծությունից վրդովված:— Դու իմ եղբայրն ես, չէ՞: Իսկ եթե եղբայրս ես, ես կարող եմ քեզ մոտ գալ որտեղ էլ լինես: Սրա՞ն նայեցեք: Եվ դու ինձ այդպիսի բանե՞ր ես ասում:

— Լսիր, Լուիզա,— շարունակեց Լեսթերը ավելի վեր բարձրանալով արմունկի վրա:— Դու փոքրիկ աղջիկ չես: Եվ միտք չունի, որ մենք կռվենք: Ես չգիտեի, որ դու կգաս, թե չէ որոշ միջոցներ ձեռք կառնեի:

— Որոշ միջոցներ՞ր,— ջգրացրեց նա շարությամբ:— Դե պարզ է: Ուրիշ ինչպե՞ս:

Լուիզան զգում էր, որ ծուղակի մեջ է ընկել, դրա համար զայրանում էր Լեսթերի վրա:

Իսկ Լեսթերը բարկությունից նույնիսկ կարմրել էր:

— Իզուր ես դու քիթդ ցցում,— վճռականորեն ասաց Լեսթերը:— Ես ամենևին չեմ արդարանում քո առաջ: Ասում եմ, որ որոշ միջոցներ ձեռք կառնեի, բայց գա ամենևին չի

նշանակում, թե ես ներողություն եմ խնդրում: Եթե դու քա-  
ղաքավարի խոսել չես ուզում, կամքը քոնն է:

— Դե, գիտե՞ս ինչ, Լեսթեր,— բռնկեց Լուիզան:— Ես  
այդ քեզանից չէի սպասում: Ես կարծում էի, դու կամաչես  
բացարձակորեն ապրել մի...— նա կմկմաց, սիրտ շանելով  
արտասանել սոսկալի բառը,— երբ Չիկագոն լիքն է մեր ծա-  
նոթներով: Դա սոսկալի բան է: Ես կարծում էի, այնուամե-  
նայնիվ, դու պատշաճության զգացմունք ունես և կհարգես  
հասարակական...

— Գրողի ծո՛ցը քո այդ պատշաճությունը,— բռնկեց  
Լեսթերը:— Վերջապես հասկացիր, որ ես քեզանից ներողու-  
թյուն չեմ խնդրում: Եթե Խյատեղ քեզ դուր չի գալիս, ինքդ  
շատ լավ գիտես, թե ինչ պիտի անես:

— Օ՛, աստված իմ,— գոչեց քույրը:— Եվ այս ասում է  
յիմ եղբայրը: Եվ ամբողջն այն փուլ է կենդանո՞ւ համար: Ո՞ւմն  
է այն երեխան,— հանկարծ հարցրեց նա կատաղորեն, բայց  
և հետաքրքրությամբ:

— Կարող ես հանգիստ լինել, իմը չէ: Ասենք, թեկուզ  
իմը լինի. քո ի՛նչ գործն է խնդրում եմ քեզ՝ չխառնվել իմ  
անձնական կյանքին:

Ջեննին լսում էր այս ամենը, ինչպես և իր հասցեին աս-  
ված վիրավորական ակնարկները, և նրա սիրտը ճմլվում էր  
ցավով:

— Հանգստացիր, ես այլևս քո կյանքին չեմ խառնվի,—  
փոթորկեց Լուիզան:— Կասեմ միայն, որ ումից սպասեի-  
չսպասեի, քեզանից այս չէի սպասի: Եվ այն էլ մի վնոջ հետ,  
որն այնպես ակնհայտորեն ցածր է քեզանից: Սկզբում ես  
կարծում էի, թե նա...— Լուիզան էլի ուզում էր ասել «քո  
տնտեսուհին է», բայց Լեսթերը ցասումից իրեն կորցրած  
կոպտորեն ընդհատեց նրան.

— Ինձ համար միևնույն է, թե դու ինչ ես մտածել նրա  
մասին: Նա ավելի լավն է ուրիշ շատերից, որոնք իրենց  
բարձր արարած են երևակայում: Գիտեմ, թե դու ինչ ես  
մտածում: Դրանք բոլորը դատարկ բաներ են: Ես անում եմ  
այն, ինչ ցանկանում եմ, և քո քննադատության հետ գործ



շունեմ: Ես ինքս եմ ինձ համար պատասխանատու և խնդրում եմ իմ մասին մի հոգա:

— Եվ չեմ էլ հոգա, կարող ես համոզված լինել,— վրա բերեց Լուիզան:— Որ ընտանիքը քեզ համար ոչ մի նշանակութուն չունի, դա հիմա ինձ համար պարզ է: Բայց եթե գեթ մի կաթիլ խիղճ ունենայիր, երբեք չէիր թույլ տա, որ քո քույրն այսպիսի վիճակի մեջ ընկնի: Ես ուղղակի զգվում եմ, և մյուսներն էլ, երբ իմանան, միևնույնը կասեն, ուրիշ ոչինչ:

Նա կտրուկ շուռ եկավ կրունկի վրա և դուրս գնաց, ճանապարհին մի սպանիչ հայացք գցելով Ջեննիի վրա, որը հակառակի պես հյուրասենյակի դռան մեջ էր գտնվում: Վեստան սենյակում չկար: Քիչ սպասելուց հետո Ջեննին մտավ Լեսթերի սենյակը և դուռն իր ետևից ծածկեց: Ասելու ոչինչ չունեի: Լեսթերը թավ մազերը լայն ճակատից ետ տված՝ բարձին պառկել էր հոգնած ու մռայլ: «Հենց այս էր պակաս»,— մտածում էր նա: Հիմա կգնա տուն ու բոլորին կպատմի: Հայրիկս կիմանա, մայրս, Ռոբերտը, Իմոջինը, էմին—բոլորը կիմանան: Եվ ժխտել էլ չի լինի. Լուիզան բավական բան տեսավ: Լեսթերը մտախոհ հայացքը հառել էր պատին:

Մինչ այդ Ջեննին իր տնային գործերով զբաղված՝ նույնպես խոհերի մեջ էր ընկել: Ահա թե իր մասին ինչպիսի կարծիքի է մի ուրիշ կին: Հիմա հասկանալի է, թե ինչ է մտածում աշխարհը: Լեսթերի ընտանիքն իր համար նույնքան հեռու է, որքան մի ուրիշ մոլորակ: Նրա ծնողների, եղբայրների, քույրերի համար ինքը վատ կին է, Լեսթերից անշափ ցած հասարակության մեջ ունեցած իր դիրքով, նրանից անսահման ցած բարոյապես ու մտավոր կարողութուններով, ինքը փողոցային լիրբ է, փուչ արարած: Այնինչ ինքը հույս էր դրել, թե ժամանակին կվերականգնի իր վարկը: Այս միտքը նրա համար ամենից ավելի ցավոտն էր և վիրավորում էր նրան դանակի հարվածի պես: Այո, ինքն, իսկապես, փուչ ու ստոր արարած է Լուիզայի աչքում, աշխարհի աչքում, գլխավորը՝ Լեսթերի աչքում: Կարող է այլ կերպ լինել: Նա լուռ էր և չէր գանգատվում, բայց ստորացման ցավն ու ամոթը չէին վերանում:

Ա՛խ, եթե կարելի լիներ մի կերպ արդարանալ այդ բոլոր մարդկանց աչքում, ապրել ազնվորեն, դառնալ կարգին կին: Ինչպե՞ս անել այդ: Դրան հասնելն անհրաժեշտ է, բայց ինչպե՞ս:

## Գ Լ ՈՒՄ XXXIII

Լուիզան իրենց ընտանեկան հպարտությունը խորապես խոցված զգալով՝ իսկույն վերադարձավ Յինցիննատի, որտեղ իր հայտնագործությունը պատմեց ամենայն մանրամասնությամբ: Նրա ասելով, իր առաջ դուռը բացեց «բոլորովին հասարակ, հիմարի տեսքով մի կին», որը լսելով, թե ով է եկողը, նույնիսկ ներս չհրավիրեց, այլ քար կարեց տեղում «դեմքի ամենամեղավոր արտահայտությամբ»: Լեսթերը նույնպես իրեն շատ անխիղճ պահեց, նա իսկույն դուրս տվեց ամբողջ ճշմարտությունը: Երբ Լուիզան հարցրեց՝ ումն է այդ երեխան, որ ապրում է իրենց հետ, նա հրաժարվեց պատասխանել: «Իմը չէ», — ահա ամբողջը, որ նա ասաց:

— Ա՛խ, աստված իմ, — հառաչեց միսիս Քեյնը, որն առաջինն իմացավ նորությունը: — Իմ որդի՛ն, իմ Լե՛սթերը: Ինչպե՞ս է նա այդպիսի բան արել:

— Եվ այնպիսի մի ստոր արարած է, — չէր դադարում բացականչել Լուիզան, ասես ցանկանալով անվերջ կրկնությունով ավելի շատ համոզիչ դարձնել իր վստաքերը: — Ես այնտեղ դնացի պարղապես նրա համար, որ ուզում էի օգնել իրեն, — շարունակեց նա: — Ինձ ասացին, որ նա վատառողջ է. մտածեցի՝ գուցե լուրջ հիվանդ է: Կարո՞ղ էի այսպիսի բան ենթադրել...

— Խեղճ Լեսթեր, — գոչեց մայրը: — Ո՞ւմ մտքով կանցնիր, թե նա կարող է այդտեղ հասնել:

Միսիս Քեյնը փորձեց լուծել այս դժվարին խնդիրը, բայց չիմանալով ինչ չափանիշով մոտենալ հարցին, հեռախոսով կանչեց ամուսնուն, որը գործարանից եկավ և պատմությունը լսեց լուռ, քարացած դեմքով: Այդպես ուրեմն, Լեսթերը բա-

ցահայտորեն ապրում է մի կնոջ հետ, որի մասին իրենք մինչև այժմ ոչինչ չեն լսել: Հիմա ի՞նչ պիտի անել: Մնողական հեղինակությունը չի օգնի: Լեսթերն ինքն է իր համար հեղինակություն, նա ուժեղ բնավորություն ունի և կշտամբանքներին կպատասխանի անտարբերությամբ կամ գուցե և հակահարված կտա: Եթե ուզում ես նրա վրա ազդել, հարկավոր է գործի դնել քաղաքականությունը:

Արշիբալդ Քեյնը գործարան վերադարձավ դառնացած և զայրացած, որևէ բան նախաձեռնելու հաստատ վճռականությամբ: Երեկոյան նա զրույց ունեցավ Ռոբերտի հետ, որը խոստովանեց, թե իրեն արդեն որոշ լուրեր հասել էին, բայց ինքը գերադասել էր լռել: Միսիս Քեյնը մի միտք հայտնեց, թե լավ չի՞ լինի, եթե Ռոբերտը գնա Չիկագո՝ Լեսթերի հետ խոսելու:

— Նա չի կարող չհասկանալ, որ իր վարմունքով անուղղելի վնաս է հասցնում իրեն,— ասաց ծերունի Քեյնը:— Այդպիսի բաները ոչ ոքի համար անպատիժ չեն մնում: Նա պետք է կամ ամուսնանա այդ կնոջ հետ, կամ կապերը կտրի նրա՝ չից: Այդպես էլ ասա նրան իմ անունից:

— Այդ ամենը շատ լավ,— ասաց Ռոբերտը,— բայց ո՞վ է նրան համոզելու: Ես, ճիշտն ասած, ցանկություն չունեմ դրանով զբաղվելու:

— Ես հույսս չեմ կտրում,— ասաց ծերունին:— Դու գնա, փորձիր: Դրանից վնաս չի լինի: Եվ գուցե նա խելքի կգա:

— Հազիվ թե,— առարկեց Ռոբերտը:— Նա շատ համառ մարդ է: Այդպիսի խոսակցությունների մեջ ես մի առանձին օգուտ չեմ տեսնում: Բայց քանի որ դու ասում ես, իհարկե, կգնամ: Մայրիկն էլ է ուզում այդ:

— Այո, այո,— վերջապես ասաց դառնացած հայրը:— Այսուամենայնիվ դու գնա:

Եվ Ռոբերտը գնաց Չիկագո: Իր այդ ձեռնարկության հաջողության ոչ մի հույս չունենալով՝ նա, համենայն դեպս, բավականություն էր զգում, որ բարոյականությունն ու արդարությունն իր կողմն է:

Չիկագո հասնելով, Լուիզայի այցելությունից հետո եր-

որորդ օրվա առավոտյան, նա զանգահարեց պահեստ, բայց  
Լեւթերն այնտեղ չէր: Այն ժամանակ նա զանգահարեց նրա  
տուն և քաղաքավարի առաջարկեց որեւէ տեղ հանդիպել: Լեւ-  
թերը դեռ լիովին չէր ապաքինվել, բայց գերադասեց գնալ  
գրասենյակ: Ռոբերտին նա բարեկեց սովորականի պես առույգ,  
և միառժամանակ նրանք խոսում էին գործերի մասին: Ասլա  
տիրեց լարված լուսթյուն:

Ռոբերտը հեռվից սկսեց:

— Դու երևի գիտե՞ս, թե ինչի համար եմ ես այստեղ  
եկել:

— Կուհում եմ,— պատասխանեց Լեւթերը:

— Տանը քո հիվանդության մասին իմանալով, բոլորը  
շատ են անհանգստացել, մանավանդ մայրիկը: Հիվանդու-  
թյան կրկնություն չի՞ սպառնում քեզ:

— Կարծում եմ՝ ոչ:

— Լուիզան պատմում էր, որ քեզ գտել է մի քիչ յուրա-  
հատուկ ընտանեկան պայմաններում: Դու, իհարկե, ամուս-  
նացած չե՞ս:

— Ոչ:

— Այն կինը, որ տեսել է Լուիզան, երևի հենց այն-  
պես...— Ռոբերտը արտահայտիչ ձևով ձեռքի մի շարժում  
արեց օդում:

Լեւթերը գլխով արավ:

— Ես չեմ ուզում քեզ հարցաքննել, Լեւթեր: Ես դրա  
համար չեմ եկել: Պարզապես մերոնք խնդրեցին տեսնվել քեզ  
հետ: Մայրիկն այնպիսի հուսահատության մեջ էր, որ ես  
պարտավոր էի այդ անել թեկուզ հենց նրա սիրուն...

Նա լռեց, և Լեւթերն այդպիսի հարգալից ու արդարացի  
դիտողությունից զգացված՝ մտածեց, որ բացատրությունե-  
րից կտրականապես հրաժարվելը պարզապես անհարմար  
կլիներ:

— Հագիվ թե կարողանամ որեւէ մխիթարական բան ասել  
քեզ,— դանդաղորեն սկսեց նա:— Ասենք, ասելու բան էլ չու-  
նեմ: Այդ կինը գոյություն ունի, և ես ապրում եմ նրա հետ,

իսկ մերոնց այդ դուր չի գալիս: Ամենից վատը գուցե այն է, որ մի դժբախտ պատահականությամբ դուք այդ իմացել եք:

Նա լռեց, թողնելով, որ Ռոբերտը խորհի իր զգաստ դատողությունների մասին: Լեսթերն, ըստ երևույթին, իր դրու-  
թյանը հանգիստ էր վերաբերվում: Եվ նրա խոսքերը, ինչպես միշտ, հնչում էին առողջ ու համոզիչ:

— Դու մտադիր չե՞ս ամուսնանալ նրա հետ, — անվճռա-  
կան հարցրեց Ռոբերտը:

— Առայժմ ոչ, — պաղարյուն պատասխանեց Լեսթերը:

Մի րոպե նրանք լուռ նայում էին իրար, ապա Ռոբերտը հայացքը դարձրեց լուսամուտից դուրս տարածված քաղաքի վրա:

— Երևի միտք էլ չունի հարցնել քեզ, թե սիրո՞ւմ ես դու նրան, — համարձակվեց ասել նա:

— Ճիշտն ասած, չգիտեմ, թե ես ինչպես կքննարկեի այդ ոչ երկրային զգացմունքը, — մուսյլ ասաց Լեսթերը: — Ես այդպիսի զգացմունք ունենալու բախտ չեմ ունեցել: Գիտեմ միայն, որ այդ կինը ինձ լիովին հարմար է:

Ռոբերտը նորից լռեց:

— Ինչ կա որ, — ասաց նա վերջապես, — խոսքը վերա-  
բերում է քո բարեկեցությանը և ընտանիքի հանգստությանը: Ընդունենք, որ բարոյականությունն այստեղ դեր չունի, հա-  
մենայն դեպս, ես ու դու չենք, որ պիտի քնենք գործի այդ կողմը: Քո զգացմունքները վերաբերում են միայն քեզ: Բայց քո ապագայի հարցը, ինձ թվում է, այնքան է լուրջ, որ պետք է փոսել դրա մասին: Ընտանիքի լավ անունն ու արժանա-  
պատվությունը պահպանելու մասին նույնպես արժե մտածել: Մեր հայրը ընտանիքի պատիվը շատ ավելի բարձր է գնա-  
հատում, քան ուրիշ շատ մարդիկ: Հասկանալի է, այս բանը քեզ նույնքան լավ հայտնի է, որքան ինձ:

— Ես գիտեմ, թե դրան ինչպես է նայում հայրիկը, — պատասխանեց Լեսթերը: — Ամեն ինչ ինձ համար նույնքան պարզ է, որքան ձեզանից որևէ մեկին, բայց հիմա ես ուղ-  
ղակի ոչինչ առաջարկել չեմ կարող: Այսպիսի հարաբերու-  
թյունները մեկ օրում չեն ստեղծվում, և միանգամից դրանց

վերջ տալն անհնարին է: Այդ կինը գոյութիւն ունի: Մասամբ ես ինքս եմ դրանում մեղաւոր: Մանրամասնութիւնների մասին խոսելու միտք չունեմ. այդպիսի գործերում շատ բան միշտ էլ թաքնված է լինում կողմնակի աչքից:

— Ես, իհարկե, ձեր հարաբերութիւնների մասին դադար չունեմ,— ասաց Ռոբերտը,— և միտք էլ չունեմ հարցութորձ անել քեզ, բայց քեզ չի՞ թվում արդոք, որ դու այնքան էլ ազնվորեն չես վարվում... եթե միայն միտք չունես ամուսնանալ նրա հետ,— ավելացրեց նա հողը շոշափելու համար:

Եղբոր պատասխանը շվարեցրեց նրան:

— Գուցե և ես այդ էլ անեի,— ասաց Լեսթերը,— եթե դրա մեջ որևէ օգուտ տեսնեի: Ամենագլխավորն այն է, որ այդ կինը գոյութիւն ունի, և ամբողջ ընտանիքին այդ հայտնի է: Եթե այստեղ հարկավոր է որևէ բան նախաձեռնել, ապա այդ միայն ես պիտի անեմ: Իմ փոխարեն ոչ ոք չի կարող գործել:

Լեսթերը լռեց, իսկ Ռոբերտը վեր կացավ և սկսեց սենյակում ետ ու առաջ քայլել: Ապա նա նորից մոտեցավ եղբորը և ասաց.

— Դու ասում ես, որ մտադիր չես նրա հետ ամուսնանալ, կամ, ավելի ճիշտ, որ դեռ այդտեղ չի հասել: Խորհուրդ չեմ տալիս, Լեսթեր: Ինձ թվում է դա ճակատագրական սխալ կլինեի: Ես քեզ խրատել չեմ ուզում, բայց ինքդ մտածիր, թե քո դրութեան մեջ գտնվող մարդուն ինչ է սպառնում այդ: Դու իրավունք չունես վտանգելու քեզ: Էլ չխոսենք ընտանիքի մասին, բայց դու փխստ շատ բան ես վտանգի ենթարկում: Դու պարզապէս կործանում ես քո կյանքը...

Նա լռեց՝ աչ ձեռքն առաջ մեկնելով, նրա սովորական շարժումը, երբ որևէ բան առանձնապէս մոտ էր ընդունում իր սրտին,— և Լեսթերն զգաց նրա խոսքերի պարզ անկեղծութիւնը: Ռոբերտն արդեն դատավորի դերում չէր հանդես գալիս: Նա կոչ էր անում եղբոր բանականութեանը, իսկ դա խիստ փոխում էր գործը:

Սակայն Լեսթերն այդ կոչին չարձադասեց, և Ռոբերտը

փորձեց ուրիշ լարի խփել: Նա Լեւթերին հիշեցրեց, թե հայրը որքան է սիրում նրան, ինչպես հուսով էր, որ Լեւթերը Յինցիննատիում կամուսնանա մի հարուստ աղջկա հետ, թեկուզև կաթուղիկ չլինի, եթե նա ուզում է, բայց, համենայն դեպս, իր շրջանի աղջկա հետ: Միսիս Քեյնը նույնպես միշտ փայփայում էր այդ հույսը, բայց ինչ ասել վուզի, Լեւթերն ինքն էլ ամեն ինչ իմանում է:

— Այո, ես գիտեմ, թե նրանք ինչպես են նայում այդ բանին, — ընդհատեց նրան Լեւթերը, — բայց, ճիշտն ասած, չգիտեմ, թե հիմա ինչ վարելի է փոխել:

— Դու ուզում ես ասել, որ առայժմ նպատակահարմար չե՞ս համարում նրանից բաժանվել:

— Ես ուզում եմ ասել, որ նրանից բացառիկ վերաբերմունք եմ տեսել, և, որպես կարգին մարդ, ես պարտավոր եմ ամեն հնարավոր բան անել նրա համար: Բայց թե ինչ՝ դեռ ինքս էլ չգիտեմ:

— Դու գտնում ես, որ պարտավոր ես նրա հե՞տ ապրել, — սառն հարցրեց Ռոբերտը:

— Համենայն դեպս՝ փողոց չգցել նրան, քանի որ նա վարժվել է ինձ հետ ապրել, — պատասխանեց Լեւթերը:

Ռոբերտը նորից նստեց բազկաթոռին, ասես հաշտվելով այն մտքի հետ, որ իր կոչն անպատասխան մնաց:

— Մի՞թե ընտանիքում առաջացող բարդությունները բավական պատճառ չեն, որպեսզի բարեկամաբար խոսես նրա հետ և բաց թողնես:

— Ո՛չ ավելի շուտ, քան ես մինչև վերջ կխորհեմ այդ հարցի մասին:

— Եվ դու նույնիսկ ինձ չե՞ս խոստանում մոտ ժամանակներս վերջ տալ դրան, որպեսզի ես տուն գնալով կարողանամ հանգստացնել մեր ծնողներին:

— Ես ուրախությամբ կթեթևացնեի նրանց վիշտը, բայց ճշմարտությունը մնում է ճշմարտություն, և քեզ հետ խոսելիս ես հարկ չեմ համարում խորամանկության դիմել: Ինչպես արդեն ասացի, այդպիսի հարաբերությունները քննարկել չի լինի. դա ուղղակի անթույլատրելի է և՛ իմ, և՛ այդ կնոջ վե-

րաբերմամբ: Այստեղ նույնիսկ շահագրգռված կողմերը երբեմն չեն իմանում, թե ինչպես վարվեն, ուր մնաց կողմնակի մարդիկ: Ես պարզապես սրիկա կլինեի, եթե հիմա քեզ խոսք տայի որևէ որոշակի քայլ անել:

Ռոբերտը նորից սենյակում ետ ու առաջ քայլեց:

— Ուրեմն դու գտնում ես, որ հիմա ոչինչ չի՞ կարելի անել:

— Առայժմ ոչինչ:

— Դե, ուրեմն, ես գնամ: Կարծես մենք այլևս խոսելու բան չունենք:

— Գուցե դու կնախաճաշե՞ս ինձ հետ: Ես հիմա ազատ եմ, գնանք միասին հյուրանոց:

— Ոչ, շնորհակալ եմ,— ասաց Ռոբերտը:— Կարծում եմ, ես կհասնեմ ժամը մեկին Յինցիննատի մեկնող գնացքին: Համենայն դեպս կփորձեմ:

Նրանք կանգնած էին դեմ-դիմաց, Լեսթերը՝ գունատ ու փոքր-ինչ թոռոմած, Ռոբերտը՝ թուխ, ուղիղ ձգված, խելքը գլխին, և երևում էր, թե տարիներն ինչպես են փոխել և՛ մեկին, և՛ մյուսին: Ռոբերտն ամբողջ կյանքում գործել էր պարզ ու վճռական, Լեսթերին շարունակ հաղթահարել էին տարակուսանքները: Ռոբերտի մեջ մարմնացել էին եռանդն ու գործարարի թափը, Լեսթերի մեջ՝ հաջողակ հարուստի անձնապատանու թյուրը՝ կյանքի նկատմամբ փոքր-ինչ հոռետես հայացքով: Նրանք միասին հանդիսանում էին մի երևելի պատկեր, անկախ նրանից, թե հիմա ինչ մտքեր էին պտտվում նրանց գիտակցության մեջ:

— Դե, ի՞նչ ասեմ,— կարճ լռությունից հետո ասաց ավագ եղբայրը,— ավելացնելու ոչինչ չունեմ: Ես հույս ունեի, թե վկարողանամ քեզ ներշնչել մեր տեսակետը, բայց դու, իհարկե, քո ասածին ես մնում: Քանի որ ինքդ չես հասկանում, թե ինչ ես անում, ես չեմ, որ քեզ պիտի խելքի բերեմ: Մեկ բան կասեմ. իմ կարծիքով, դու խելացի չես վարվում:

Լեսթերը լսում էր լուռ, և նրա դեմքն արտահայտում էր համառ վճռականություն:



Ռոբերտը գլխարկը վերցրեց, և նրանք միասին ուղղվեցին դեպի դուռը:

— Ես կաշխատեմ բանը նրանց ներկայացնել ամենալավ գույներով, — ասաց Ռոբերտը և դուրս գնաց:

## Գ Լ ՈՒՍ XXXIV

Մեզ հայտնի աշխարհում կենդանական թագավորության բոլոր ներկայացուցիչների կյանքն ընթանում է որոշակի մթնոլորտում կամ միջավայրում, ասես դրանից դուրս նրանք չէին կարող գոյություն ունենալ մոլորակի վրա, որը անսասան օրենքի ուժով պատվում է արեգակի շուրջը: Այսպես, ձուկը ոչնչանում է, եթե հեռանում է իր տարերքից, իսկ թռչունը շատ թանկ կհատուցի, եթե փորձի թափանցել ձկան համար նախատեսված թագավորությունը: Բոլոր կենդանի արարածները, սկսած ծաղկի վրա մակաբույծ կյանք վարող լվիճից մինչև արևադարձային անտառների ու ծովի խորքերի հրեշները, ցույց են տալիս, որ բնությունը նրանց գործունեությունը սահմանափակել է որոշակի միջավայրով, և մեզ մընում է միայն նշել, թե այդ սահմաններից դուրս պրծնելու ամեն մի փորձը ինչ անհեթեթ ու ճակատագրական հետևանքների է հասցնում նրանց:

Սակայն մարդու նկատմամբ միջավայրի սահմանափակության այս տեսությունը նույնքան ակնառու չի երևում: Հասարակական կյանքը ղեկավարող օրենքները դեռ մինչև վերջ չեն հասկացվել և մեզ ընդհանրացումների հիմք չեն տալիս: Բայց և այնպես հասարակության կարծիքը, պահանջներն ու դատողությունները նույնպես ծառայում են որպես յուրատեսակ սահմաններ, որոնք թեկուզև շոշափելի չեն, բայց միանգամայն իրական են: Երբ տղամարդը կամ կինը մեղանչում է, այլ խոսքով ասած՝ անցնում է սահմանված շրջանի գիծը, նրա համար պատրաստված պատիժը նման չէ այն պատժին, որ կհասնի թռչունին, եթե նա փորձի ապրել ջրի տակ, կամ վայրի գաղանին, եթե նա սկսի թափառել մարդաբնակ վայրե-

րում: Նրան անմիջապես կործանում չի սպասում: Մարդիկ միայն զարմանքով հոնքերը կբարձրացնեն կամ կծու քմծիծաղ կտան և կամ վրդովված՝ ձեռքերը կթափահարեն: Եվ այսուամենայնիվ հասարակական կյանքի սահմանները յուրաքանչյուրի համար այնքան որոշակի են գծված, որ դրանից դուրս եկող ամեն ոք դատապարտված է: Այս կամ այն միջավայրում ծնված ու դաստիարակված մարդը դրանից դուրս գոյություն ունենալու համար պիտանի չէ: Նա նման է թռչունի, որը սովոր է ապրել օդի որոշակի վստության պայմաններում և չի կարող կյանք վայելել ո՛չ ավելի խիտ, ո՛չ ավելի նոսր մթնոլորտում:

Եղբորը ճանապարհ դնելուց հետո Լեսթերը լուսամուտի մոտ նստեց բազկաթոռին և սկսեց դիտել արագորեն աճող երիտասարդ քաղաքի տեսարանը: Լուսամուտից դուրս ընթանում էր կյանքն իր ամբողջ եռուն գործունեությամբ, հույսերով, հարստությամբ ու վայելքներով, իսկ ինքը ասես քամու մի անակնկալ կատաղի պոթկուձով մի կողմ է շարժվել ու միառժամանակ մնացել մեկուսի, և իր բոլոր ծրագրերն ու մտահղացումներն ասես մարել են: Կարո՞ղ է արդյոք ինքը առաջվա սես անհոգ ընթանալ իր սովոր ճամփով: Ընտանիքի հակազդեցությունը չի՞ անդրադառնա արդյոք իր հարաբերությունների վրա Ջեննիի հետ: Մի՞թե անդառնալիորեն անցյալի գիրկն է քաշվել հայրական տունը, որտեղ առաջ ինքն իրեն այնքան թեթև ու ազատ էր զգում: Այո՛, նախկին հարաբերությունները տնեցիների հետ, այն պարզ ու մտերմական հարաբերություններն այլևս չես վերադարձնի: Եվ արդյոք հոր հայացքի մեջ առաջվա պես կկարդա՞ այն հավանությունն ու հրապարտությունը: Հարաբերությունները Ռոբերտի հետ, հոր ֆաբրիկայի աշխատողների հետ, ամեն ինչ, այն ամենը, որ առաջ իր կյանքն էր կաղմում, տուժեց Լուիզայի այն շարաբաստիկ ներխուժումից:

«Ձախողվեց»,— որոշեց նա մտովին և անառարկա խոհերից կտրվելով սկսեց մտածել, թե ինչ գործնական քայլեր կարող է նախաձեռնել ինքը:

Տուն վերադառնալով՝ նա Ջեննիին ասաց.

— Ուզում եմ վաղը կամ մյուս օրը կարճ ժամանակով գնալ Մառնիթ-Քլեմենս: Ինչ-որ լավ չեմ գտնում ինձ. այնտեղ կհանգստանամ ու կկազդուրվեմ:

Նա ուզում էր մենակ լինել իր մտքերի հետ: Նշանակված ժամին Ջեննին պատրաստեց նրա ճամպրուկը, և նա գնաց մոռյալ ու մտասուշգ:

Հետևյալ շաբաթվա ընթացքում նա առանց շտապելու ամեն ինչի մասին մտածեց և եկավ այն հետևություն, որ առայժմ ոչ մի վճռական քայլ անել հարկավոր չէ: Էլի մի երկու-երեք ամիսը նշանակություն չունի: Քիչ է հավանական, որ Ռոբերտը կամ ընտանիքից որևէ մեկը ցանկանա նորից տեսնվել իր հետ: Գործնական ծանոթությունները նա կշարունակի առաջվա պես, քանի որ դրանք կապված են ֆիրմայի բարգավաճման հետ: Իր նկատմամբ ոչ ոք հարկադրական միջոցներ չի ձեռք առնի: Եվ այնուամենայնիվ ընտանիքի հետ անհուսալի պառակտման գիտակցությունը ճնշում էր Լեսթերին: «Բանը վատ է,— մտածում էր նա,— բանը վատ է»։ Բայց և իր կյանքը չփոխեց:

Այսպիսի անորոշ վիճակը շարունակվեց էլի մի ամբողջ տարի: Կես տարի Լեսթերը Ֆինցիննատիում շերեաց, հետո գնաց այնտեղ կարևոր գործնական խորհրդակցության, որտեղ նրա ներկայությունն անհրաժեշտ էր, և իրեն պահում էր այնպես, որպես թե ոչինչ չի պատահել: Մայրը համբուրեց նրան քնքշորեն, թեպետև տրտում: Հայրը ամեն անգամի պես ամուր սեղմեց նրա ձեռքը: Ռոբերտը, Լուիզան, էմին և Իմոջինը ասես խոսք մեկ արած ոչ մի բառ չսացին այն միակ հարցի մասին, որն իրենց հետաքրքրում էր: Բայց խորթացման զգացմունքը չէր անցել: Այս մի անգամից հետո Լեսթերն ամեն կերպ խուսափում էր իր հայրենի քաղաքը գնալուց:

## Գ Լ Ո Ւ Խ XXXV

Այդ նույն ժամանակ Ջեննին հոգեկան բարդ բեկում էր ապրում: Եթե չհաշվենք իր ընտանիքի հետ ունեցած տարածայնությունը, որը խորապես վշտացնում էր նրան, այս առա-

ջին անգամն էր, որ նա ընդհարվեց աշխարհի կարծիքի հետ: Այժմ նրա համար պարզ էր. ինքը վատ կին է: Երկու անգամ նա զիջեց հանգամանքների ուժին, մինչդեռ կարող էր պայքարել նրանց դեմ: Ա՛խ, եթե միայն ավելի շատ արիություն ունենար: Եթե նրան չճնշեր այդ մշտական վախը: Եթե նա կարողանար սիրտ անել վարվել այնպես, ինչպես բանակա-նությունն էր թեկադրում... Լեսթերը երբեք իր հետ չի ամուս-նանա: Նրան այդ հարկավոր չէ: Ինքը նրան սիրում է, բայց կարող է հեռանալ, այդպես ավելի լավ կլինի նրա համար: Եթե ինքը վերադառնա Քլիվլենդ, հայրը երեւի կհամաձայնի իր հետ միասին ապրել: Այդ ճիշտ, թեպետև ուշացած քայլով հոր հարգանքին կարժանանա: Բայց և այնպես նա ցնցվում էր հենց միայն այն մտքից, որ Լեսթերից պիտի հեռանա. նա այնքա՛ն շատ բան է արել իր համար: Իսկ հայրը... հայրը գուցե և չուզենա ընդունել իրեն:

Լուիզայի շարաքաստիկ • այցելությունից հետո Ջեննին սկսեց մտածել, թե մի քիչ փող ետ չգցի՝ արդյոք փշուր-փշուր հավաքելով Լեսթերի տվածից: Ծախսերի համար Լեսթերը փող չէր խնայում, և մինչև հիմա Ջեննին իր հարազատներին շաքաթական տասնհինգ դոլլար էր ուղարկում. այդքան փո-ղով նրանք մի ժամանակ ապրում էին ամբողջ ընտանիքով, առանց կողմնակի օգնություն: Քսան դոլլար նա ծախսում էր ուտելիքի վրա. Լեսթերը պահանջում էր, որ իր սեղանին ամեն ինչ ամենալավը լինի՝ միրգը, քաղցրեղենը, միսը, գինին: Բնակարանին վճարում էին ամսական քսանհինգ դոլլար, հա-գուստի և ամեն տեսակ շտապ ծախսերի համար որոշակի գու-մար չէր սահմանված: Լեսթերը նրան շաքաթական հիսուն դոլլար էր տալիս, և, չգիտես ինչու, դրանից ոչինչ չէր մնում: Բայց և շուտով Ջեննին հրաժարվեց տնտեսելու մտքից, եթե պիտի գնալ, ավելի լավ է դատարկ ձեռքով գնալ: Այլ կերպ՝ լավ չի լինի:

Լուիզայի հայտնվելուց հետո նա շաքաթ շաքաթի ետե-վից մտածում էր դրա մասին, աշխատելով սրտապնդվել, որ-պեսզի մի որևէ վճռական բան ասի կամ անի: Լեսթերը նրա հետ առաջվա պես մեծահոգի էր ու սիրալիր, բայց երբեմն

Ջեննին զգում էր, թե ասես նա ինչ-որ բան է սպասում իրենից: Նա մտադրիվ էր լինում, մտախոհ: Ջեննին թվում էր, թե Լուիզայի հետ խոսակցություն ունենալուց հետո նա մի քիչ փոխվել է: Որքա՛ն լավ կլիներ ասել նրան, որ ինքը գոհ չէ իր կյանքից, և հետո հեռանալ: Բայց չէ՞ որ երբ Վեստայի գոյությունը հայտնի դարձավ, Լեսթերը պարզ հասկանալ տվեց, որ նրա կարծիքն իր համար շատ էլ նշանակություն չունի, քանի որ նա որոշել է, որ երեխան անհաղթահարելի արգելք է իրենց ամուսնության համար: Ջեննին իրեն հարկավոր է, բայց ո՛չ որպես օրինական կին: Իսկ նրա հետ վիճելը դժվար է, այնքա՛ն իշխող է նա: Վերջապես Ջեննին որոշեց, որ ավելի լավ կլինի իր հեռանալու պատճառը նրան բացատրել նամակով: Այն ժամանակ նա, երևի, կների իրեն և կմոռանա:

Գերհարդ ընտանիքի գործերն առաջվա պես վատ էին դնում: Մարթան ամուսնացել էր: Մի քանի տարի ուսուցչություն անելուց հետո նա ծանոթացել էր մի երիտասարդ ճարտարապետի հետ, և շուտով նրանք դարձել էին փեսացու և հարսնացու: Մարթան միշտ էլ մի քիչ ամաչում էր իրենց ընտանիքի դրությունից, իսկ հիմա, նոր կյանքի հույսով տարված, աշխատում էր որքան կարելի է քիչ շփվել հարազատների հետ: Նա միայն թեթևակի իմաց տվեց նրանք, որ շուտով ամուսնանալու է, իսկ Ջեննին ընդհանրապես չգրեց և հարսանիքին հրավիրեց միայն Բասսին ու Ջորջին: Գերհարդը, Վերոնիկան և Ուիլյամը նեղացել էին: Գերհարդն այդ վերափոխանքը լուռումունջ կրեց. առանց այդ էլ կյանքում նա շատ էր ծեփվել: Բայց Վերոնիկան լուրջ զայրացել էր և միայն առիթի էր սպասում. քրոջը հատուցելու: Ուիլյամը երկար չմնաց ուռած. նա տարված էր իր ծրագրերով. ուսումնասիրում էր էլեկտրատեխնիկան, որի մասին ուսուցչուհիներից մեկը դպրոցում ասել էր, թե դա շատ հետաքրքիր ու ձեռնտու մասնագիտություն է:

Ջեննին Մարթայի ամուսնության մասին իմացավ բավական ուշ, Վերոնիկայի նամակից: Նա սրտանց ուրախացավ Մարթայի համար, բայց տխրությամբ մտածեց, որ եղբայրներն ու քույրերը ավելի ու ավելի են հեռանում իրենից:

Որոշ ժամանակից հետո Վերոնիկան ու Ուիլյամը փոխադրվեցին Ջորջի մոտ: Այդ տեղի ունեցավ Գերհարդի մեղքով: Կնոջ մահից և ավագ զավակների հեռանալուց հետո նա խոր վհատության մեջ էր ընկել, և երբեմն ժամերով նրանից ոչ մի խոսք չսկսել չէր կարելի: Նա զգում էր, որ իր կյանքը վերջանում է, թեև ընդամենը վաթսուհինգ տարեկան էր: Բարեկեցիկ կյանքի երազները, որ մի ժամանակ փայփայում էր նա, փշուր-փշուր էին եղել: Սեբաստյանը, Մարթան ու Ջորջը ինքնուրույն մարդիկ էին դարձել, ինքը նրանց համար ոչ մի նշանակություն չունեին, և նրանք ոչինչ չէին բերում տուն: Օգնում էր միայն Ջեննին, որից նա, եթե ճիշտն ասենք, ոչ մի դուլար չպետք է ընդուներ: Վերոնիկան և Ուիլյամն ըմբոստանում էին: Նրանք հրաժարվում էին դպրոցը թողնել և գնալ աշխատելու, ըստ երևույթին դերադասելով ապրել այն փողով, որ, ինչպես արդեն վաղուց որոշել էր Գերհարդը, ձեռք էին բերվում անաղնիվ ճանապարհով: Գերհարդը համարյա բոլորովին չէր կասկածում, թե ինչպիսին են Ջեննիի և Լեսթերի հարաբերությունները: Սկզբում նա հավատացել էր, թե նրանք ամուսնացել են, բայց տեսնելով, թե ինչպես Լեսթերն ամիսներով չի մտաբերում Ջեննիին, ինչպիսի հնազանդությամբ Ջեննին առաջին իսկ կանչով վազում է նրա մոտ, իսկպես է վախենում պատմել նրան Վեստայի մասին, աստիճանաբար սկսել էր հակառակը համոզվել: Նա իր դստեր հարսանիքին չէր եղել, չէր տեսել նրա ամուսնական վիայականը: Նա, իհարկե, կարող էր ամուսնացած լինել Քլիվլենդից գնալուց հետո, բայց Գերհարդը դրան էլ չէր հավատում:

Այժմ նա ծայր աստիճանի մոռացել էր ու կռվարար, և երեխանների համար ավելի ու ավելի դժվար էր դառնում նրա հետ ապրել: Վերոնիկան և Ուիլյամը կամակորում էին և փքվում: Նրանց դուր չէր գալիս, որ երբ Մարթան ամուսնացավ ու գնաց, հայրը տան ծախսերն իր ձեռքն առավ: Նա փնթփրնթում էր, թե երեխաները խիստ շատ են ծախսում հագուստի ու զվարճությունների վրա, համարողն պնդում էր, թե հարկավոր է փոխադրվել մի ուրիշ ավելի փոքր տուն, իսկ Ջեննիի ուղարկած փողերից ամեն անգամ մի մասը պահում էր

ինչ-որ անհասկանալի նպատակով: Գերհարդն իսկապես փող էր հո գցում. նա մտածել էր ժամանակին Ջեննիին վերադարձնել նրանից ստացածը: Նա գտնում էր, որ նրա փողով ապրելը մեղք բան է, իսկ իր չնչին վաստակով, իհարկե, չէր կարող հաշիվ մաքրել նրա հետ: Նրան կրծում էր այն միտքը, որ եթե մյուս երեխաները հոր նկատմամբ իրենց պարտքը կատարեին, ինքն ստիպված չէր լինի ծերության հասակում ողորմություն ընդունել այն աղջկանից, որը, չնայած իր բուլոր արժանիքներին, մեղսալից կյանք է վարում: Եվ ընտանեկան վեճերը չէին դադարում:

Վերջապես մի ձմեռ Ջորջը լսեց եղբոր ու քրոջ գանգատները և համաձայնեց նրանց իր մոտ վերցնել այն պայմանով, որ նրանք աշխատեն: Գերհարդն սկզբում իրեն կորցրեց, բայց հետո առաջարկեց կահ-կարասին վերցնել և գնալ ուր ուզում են: Նրա այդ մեծահոգությունը ամաչեցրեց նրանց, և նրանք նույնիսկ ակնարկեցին, թե գուցե հայրն էլ կուզենար ապրել իրենց հետ, բայց Գերհարդը կտրականապես հրաժարվեց: Ինքը կգնա գործարան, որտեղ աշխատում է որպես պահակ, վարպետից թույլտվություն կխնդրի քնել տանիքում որևէ տեղ: Գործարանում իրեն սիրում են ու վստահում: Մյուս կողմից էլ դա խնայողություն կլինի:

Նա բորբոքված լինելով այդպես էլ արեց, և ձմեռային երկար գիշերներին կարելի էր տեսնել մենավոր ծերունուն, որը հերթապահում էր ամառի փողոցում, հեռու կենտրոնական աշխույժ թաղերից: Նրան մի անկյուն էին հատկացրել պահեստի տանիքում, որը մի փոքր հեռու էր գործարանի աղմուկից և իրարանցումից: Այստեղ նա քնում էր ցերեկը, աշխատանքից հետո: Երեկոյան դեմ նա դուրս էր գալիս մի քիչ զբոսնելու կամ քաղաքի կենտրոնում, կամ Կիխոգի գետի և կամ լճի ափին: Նա դանդաղ ման էր գալիս ձեռքերը մեջքին դրած, գլուխը կախ: Երբեմն խոսում էր ինքն իրեն: Նրա ընկճված վիճակը երբեմն արտահայտվում էր այսպիսի դառն խոսքերով. «Թո՛ւ, գրողը տանի» կամ «Ա՛յ, անիծվա՛ծ»: Մութըն ընկնելուն պես նա իր տեղն էր գրավում գործարանի դարպասի առաջ: Սնվում էր ոչ հեռու գտնվող բանվորական

ճաշարանում, որը ամենահարմար տեղն էր համարում իր համար:

Ծերունի գերմանացու խոհերը սովորաբար լինում էին վերացական և խիստ մոռալ: Ի՞նչ է կյանքը: Այնքան շարժա-  
րանք, այնքան վիշտ ու հոգսեր, իսկ վերջ ի վերջո ի՞նչ է  
մնում: Եվ որտե՞ղ է այն, ինչ այլևս չկա: Մարդիկ մեռնում  
են և այլևս ոչ մի հերպ չեն շփվում կենդանի մնացածների  
հետ: Վերցնենք թեկուզ իր կիներ: Նա մեռավ, իսկ ո՞ւր թռավ  
նրա հոգին:

Բայց Գերհարդը դեռ խիստ պահպանում էր մանկություն-  
նից սովոր կանոնները: Նա հավատում էր, որ դժոխք կա, և  
մեղապարտները մահից հետո այնտեղ են ընկնում: Լավ, իսկ  
միսիս Գերհարդը: Իսկ Ջեննի՞ն: Նրա կարծիքով այս երկուն  
էլ ծանր մեղաագործներ են: Նա հավատում էր նաև, թե ար-  
դարներին սպասում է դրախտի երանությունը: Բայց որտե՞ղ  
են այդ արդարները: Միսիս Գերհարդը բարի սիրտ ուներ:  
Ջեննին ինքը մեծահոգությունն է: Իսկ իր որդի Սեբաստյա՞-  
նը: Սեբաստյանը լավ տղա է, բայց չոր սիրտ ունի, իսկ որ-  
դիական սիրո հետքն էլ չկա նրա մեջ: Մարթան փառասեր է,  
մտածում է միայն իր մասին: Դուրս է գալիս, որ իր բոլոր  
երեխաները, բացի Ջեննիից, եսասերներ են: Բասսը ամուս-  
նանալուց հետո ընտանիքի համար մատը մատին չի խփել:  
Մարթան հավատացնում է, թե իր վաստակը իրեն հազիվ է  
բավականացնում, Ջորջն սկզբում գոնե մի քիչ օգնում էր, իսկ  
հետո ձեռք քաշեց: Վերոնիկան և Ուիլյամը հանգիստ ապ-  
րում էին Ջեննիի փողով, բանի դեռ ինքն այդ թույլ էր տալիս,  
թեև գիտեին, որ լավ չեն անում: Իսկ իր՝ Գերհարդի վիճակը  
մի՞թե ցույց չի տալիս երեխաների եսասիրությունը: Ինքն էլ  
առաջվա ուժը չունի: Նա տրտում գլուխն էր օրորում: Հանելուկ  
է, ուրիշ ոչինչ: Կյանքում ամեն ինչ անհասկանալի է, խոր-  
հրդավոր, անհաստատ: Բայց և այնպես երեխաներից ոչ  
մեկի հետ նա չի ուզում ապրել: Նրանք արժանի չեն իրեն, բո-  
լորը, բացի Ջեննիից, իսկ Ջեննին էլ մեղապարտ կյանք է  
վարում: Այսպես էր վշտից մորմոքվում ծերունի Գերհարդը:

Ջեննին այս բոլոր տխուր դեպքերի մասին միանգամից



չիմացալ: Առաջ նա իր նամակները հասցեագրում էր Մարթային, հետո, երբ քույրն ամուսնացալ, սկսեց գրել ուղղակի հորը: Կրտսեր երեխաների հեռանալուց հետո Գերհարդը նրան գրեց, որ այլևս փող չուղարկի. Վերոնիկան և Ուիլյամն ապրելու են Զորջի մոտ, ինքը գործարանում լավ տեղ ունի, այնտեղ էլ առաջժամ բնակարան ունի: Նա Զեննիին վերադարձրեց այն ամենը, ինչ կարողացել էր ետ գցել՝ հարյուր տասնհինգ դոլլար, բացատրելով, թե այդ փողերն իրեն պետք չեն գա:

Զեննիին ոչինչ չհասկացալ, բայց, իմանալով հոր համառությունը, որոշեց չվիճել նրա հետ, մանավանդ որ եղբայրներն ու քույրերը լուում էին: Սակայն ժամանակի ընթացքում նա սկսեց ավելի պարզ պատկերացնել, թե ինչ է կատարվել տանը, և լրջորեն անհանգստացալ: Նա ուզում էր գնալ հոր մոտ, բայց և չէր ուզում հեռանալ Լեսթերից, անկախ նրանից, թե ինչպես կդասավորվեն իրենց հարաբերությունները: Արդյոք հայրը կհամաձայնի՞ ապրել իր մոտ: Այժմ, հասկանալի է, ոչ: Եթե Զեննիին ամուսնանա, հնարավոր է, եթե մենակ մնա, համարյա հաստատ կհամաձայնի: Բայց եթե ինքը լավ վաստակ չունենա, դժվար կապրեն: Ամեն ինչ հանգում էր միևնույն հարցին՝ ի՞նչ անել: Բայց և այնպես նա որոշեց: Եթե շաբաթական հինգ-վեց դոլլարով աշխատանք գտնի, կարող են ապրել: Իսկ սկզբնական շրջանում կունենան այն հարյուր տասնհինգ դոլլարը, որ հավաքել է հայրը:

## Գ Լ ՈՒ Խ XXXVI

Զեննիի ծրագրերի մեջ մի թերություն կար. նա բավականաչափ հաշվի չէր առել Լեսթերի դիրքը: Լեսթերն անպայման թանկ էր գնահատում Զեննիին, թեպետև չէր կարող դուրս պրծնել այն աշխարհի պայմանականությունների փա՛ղ շրջանից, որի մեջ նա դաստիարակվել էր: Սակայն, եթե նույնիսկ նա Զեննիին այնքան չէր սիրում, որ հասարակության կարծիքին հակառակ պսակվի նրա հետ այն պարզ պատճառով, որ ինքը իր սրտովն է կին ընտրել իր համար, ապա,

այսուամենայնիւ, Ջեննին նրա կյանքում շատ մեծ տեղ էր դրաւում, և առայժմ նա ամենեւին մտադիր չէր վերջնականապէս կապերը կտրել նրանից:

Լեսթերն արդեն այն հասակումն էր, երբ կանանց նկատմամբ մի անդամ ստեղծված հայացքը հազվադեպ է փոխվում: Մինչև այժմ իր շրջանի ոչ մի կին նրան այնքան դուր չէր եկել, որքան Ջեննին: Ջեննիի մեջ կային կանացիություն, մեղմություն, բնական խելք, նա կանխազգում էր Լեսթերի ամեն մի ցանկությունը: Հասարակության մեջ իրեն պահելու շնորհքը Լեսթերն ինքն էր սովորեցրել նրան, այնպես որ հիմա կարող էր նրա հետ երևալ որտեղ էլ կամենար: Այս ամենը հարմար էր ու հաճելի, էլ ուրեմն ի՞նչ էր մնում նրան ցանկանալ:

Բայց և այնպէս Ջեննիի անհանգստությունն աճում էր օր առ օր: Փորձելով իր մտքերը շարադրել թղթի վրա՝ նա մի քանի անգամ նամակ գրել սկսեց ու ոչնչացրեց և վերջապէս, ինչպէս իրեն թվում էր, կարողացաւ գեթ մասամբ արտահայտել այն, ինչ զգում էր: Նամակը երկար ստացվեց. նա դեռ երբեք այդքան չէր գրել:

«Լեսթե՛ր, սիրելիս, երբ դու այս նամակն ստանաս, ես այստեղ չեմ լինի, և խնդրում եմ քեզ, իմ մասին վատ բան չմտածես, մինչև որ լրիւ չկարդաս: Ես գնում եմ և ինձ հետ առնում եմ Վեստային, կարծում եմ այդպէս լավ կլինի: Իսկապէս, Լեսթե՛ր, այդպէս է հարկավոր: Երբ դու իմ կյանքում հայտնվեցիր, մենք շատ չքավոր էինք, և իմ դրությունն էլ այնպէս էր, որ ես մտածում էի, թե ոչ մի կարգին մարդ ինձ հետ չի ամուսնանա: Իսկ դու ասացիր, թե սիրում ես ինձ, և ես բոլորովին գլուխս կորցրի, իսկ հետո ես էլ սիրեցի քեզ, ինքս էլ չգիտեմ ինչպէս եղաւ այդ:»

Ես հո այն ժամանակ քեզ ասում էի, որ այլևս չեմ ուզում վատ վարվել և որ ես լավ կին չեմ, բայց երբ դու ինձ հետ էիր, ես ուղղակի չէի կարող որևէ բանի մասին մտածել և չգիտեի ինչպէս հեռանալ քեզնից: Հենց այդ ժամանակ էլ հայրս հիվանդացաւ, և տանը բոլորը նստած էին քաղցած: Մենք գրոշներ էինք վաստակում: Իմ եղբայր Ջորջը կոշիկ

շուներ, մայրիկս բռնորովին հալից ընկել էր: Հաճախ ես մտածում եմ, Լեսթեր, որ եթե մորս վրա այնքան հոգս ու վիշտ չծանրանար, գուցե հիմա էլ նա ողջ կլիներ: Ես մտածեցի, թե քանի որ ես քեզ դուր եմ գալիս, դու էլ ինձ ես դուր գալիս,— ես քեզ սիրում եմ, Լեսթեր,— գուցե և մեծ մեղք չի լինի: Չէ՞ որ դու միանգամից ասացիր, որ ուզում ես օգնել իմ ընտանիքին, և ես մտածեցի, թե գուցե հարկավոր է այդպես էլ վարվել: Ախր մենք շատ աղքատ էինք ապրում:

Լեսթեր, սիրելիս, ես ամաչում եմ հեռանալ քեզանից: Քեզ կարող է թվալ, թե սա շատ զգվելի արարք է, բայց եթե իմանայիր, թե վերջին ժամանակներս ես ինչ ապրումներ եմ ունեցել, կներեիր ինձ: Ես սիրում եմ քեզ, Լեսթեր, այնքան եմ սիրում: Բայց այս բոլոր ամիսներին, այն օրից, երբ եկել էր քո քույրը, ես զգում եմ, որ վատ եմ վարվում և որ այլևս այսպես ապրել չի կարելի, քանի որ ես ինքս էլ գիտեմ, որ այսպես վատ է: Ես մեղավոր եմ այն բանի համար, ինչ եղել է իմ և սենատոր Բրենդերի միջև, բայց ես գեռ շատ ջահել էի, ես բռնորովին չէի հասկանում, թե ինչ եմ անում: Ես մեղավոր եմ, որ հենց սկզբից քեզ չպատմեցի Վեստայի մասին, թեև այն ժամանակ ինձ թվում էր, թե ճիշտ եմ անում: Ես շատ մեղավոր եմ, որ քեզանից ծածուկ նրան բերի Չիկագո, բայց ես վախենում էի քեզանից, Լեսթեր, վախենում էի նրանից, ինչ դու կասես կամ կանես: Այս ամենը ինձ համար պարզ դարձավ նրանից հետո, երբ քո քույրը եղավ այստեղ, և այն օրվանից ես հաստատ գիտեմ, որ այսպես ապրելը լավ բան չէ: Բայց ես քեզ չեմ մեղադրում, Լեսթեր, ես մեղադրում եմ միայն ինձ:

Ես քեզ չեմ խնդրում ամուսնանալ ինձ հետ: Ես գիտեմ, թե դու ինչպես ես վերաբերվում ինձ և ինչպես ես վերաբերվում քո ընտանիքին, և ինքս էլ չեմ գտնում, թե դա գործին կօգներ: Քո հարազատներն այդ չեն ուզում, և ես էլ ոչինչ չեմ ուզում խնդրել քեզանից: Իսկ այնպես, ինչպես մենք ապրում ենք հիմա, այլևս ապրել չի կարելի, այս ինձ համար պարզ է: Վեստան մեծանում է, շուտով նա ամեն ինչ կհասկանա: Առայժմ նա կարծում է, թե դու խաղապես իր քեռին ես: Ես

այնքա՛ն եմ մտածել, այնքա՛ն եմ ցանկացել խոսել քեզ հետ, բայց երբ քո դեմքը լուրջ է լինում, ես սարսափում եմ և ոչ մի խոսք ասել չեմ կարող: Եվ ահա ես որոշեցի՝ ավելի լավ է դրեմ ու հեռանամ, և այն ժամանակ դու ամեն ինչ կհասկանաս: Դու հասկացա՞ր, Լեսթեր, հասկացա՞ր: Դու չե՞ս բարկանում ինձ վրա: Ես գիտեմ, որ այսպես ավելի լավ կլինի և՛ քեզ համար, և՛ ինձ համար: Այսպես է հարկավոր: Ների՛ր ինձ, Լեսթեր, խնդրում եմ ների՛ր և մոռացիր ինձ: Ես մի կերպ կապրեմ: Բայց ես այնպես եմ սիրում քեզ, այնպե՛ս եմ սիրում, և հավիտյան երախտապարտ կլինեմ քեզ այն ամենի համար, ինչ դու արել ես ինձ համար: Ցանկանում եմ քեզ երջանկություն: Ների՛ր ինձ, Լեսթեր: Ես սիրում եմ քեզ:

Ջեննի:

P. S. Ես գնում եմ Քլիվլենդ, հորս մոտ: Ես նրան հարկավոր եմ: Նա բոլորովին մենակ է մնացել: Բայց, փնդրում եմ, Լեսթեր, չգաս իմ ետևից: Հարկավոր չէ»:

Ջեննին նամակը ծրարի մեջ դրեց, փակեց և առժամանակ թաքցրեց մի հուսալի տեղ:

Էլի մի քանի օր նա իրեն սրտապնդում էր, որպեսզի իր ծրագիրն իրականացնի, և, վերջապես, երբ մի օր Լեսթերը հեռախոսով նրան նախազգուշացրեց, թե երկու-երեք օր տանը չի լինելու, Ջեննին մի քանի ճամպրուկի մեջ դասավորեց իր և Վեստայի համար ամենաանհրաժեշտ բաները և մարդ ուղարկեց կառք կանչելու: Նա մեկ ուղում էր հորը՝ հեռագրել իր մեկնելու մասին, բայց հիշեց, որ նա գործարանումն է ապրում և մտածեց, թե ինքը կգտնի նրան: Գերհարդը գրել էր, որ Վերոնիկան և Ուիլյամը ամբողջ կահ-կարասին չեն տարել, մի մասը պահ է տված: Նշանակում է մի փոքրիկ բնակարան կահավորելու բան կլինի: Մեկնումի պատրաստությունները վերջացնելով Ջեննին նստեց ու սկսեց կառքի սպասել, բայց հենց այդ ժամանակ դուռը բացվեց, և ներս մտավ Լեսթերը:

Վերջին րոպեին նա իր ծրագիրը փոխել էր: Նա մի առանձին ինտուիցիա չունեիր, բայց այս անգամ ասես ինչ-որ բան էր ղգացել: Մի ծանոթի հետ պայմանավորվել էր, որ գնան Զիկագոյից դեպի հարավ Քանկակի ճահճներում բադ որսա-

լու, բայց հանկարծ միտքը փոխել էր և նույնիսկ որոշել էր գրասենյակից սովորականից շուտ դուրս գալ: Ի՞նչն էր նրան դուրեկ աշդպես անել, նա ինքն էլ չէր կարող ասել:

Նրա համար նույնիսկ տարօրինակ էր, որ այդ վաղ ժամին տուն է վերադարձել: Նախասենյակի մեջտեղը դրված երկու ճամպուրակ տեսնելով՝ նա զարմանք կտրեց: Այս ի՞նչ է նշանակում: Զեննին ճամպուրդական զգեստով է, բոլորովին պատրաստ մեկնելու: Վեստան նույնպես հագնված էր: Լեսթերի խաժ աչքերը զարմանքից շովեցին:

— Այդ ո՞ւր,— հարցրեց նա:

— Ես... ես... — ետ-ետ քաշվելով կմկմաց Զեննին,— ես...դիում եմ:

— Ո՞ւր:

— Ես ուղում էի գնալ Քլիվլենդ:

— Ինչո՞ւ:

— Ես... ես միշտ էլ ուղում էի քեզ ասել, Լեսթեր, որ իմ կարծիքով, այլևս ինձ չի կարելի այստեղ մնալ: Լավ բան չէ սա: Ես միշտ ուղում էի քեզ հետ խոսել, բայց սիրտ չէի անում: Ես քեզ նամակ եմ գրել:

— Նամա՞կ,— գռչեց Լեսթերը:— Ոչինչ չեմ հասկանում: Որտե՞ղ է այդ նամակը, գրողը տանի:

— Ահա,— ասաց Զեննին ձեռքը մեքենայաբար մեկնելով դեպի փոքրիկ սեղանը, որտեղ մի հաստ գրքի վրա դրված էր իր նամակը:

— Եվ դու ուղում էիր ինձնից հեռանալ միայն մի նամակ թողնելով,— հարցրեց Լեսթերն արդեն ավելի խիստ տոնով:— Ո՛չ, ես հրաժարվում եմ քեզ հասկանալ: Ի՞նչ է պատահել վերջապես:— Նա ծրարը պատռեց և աչքի անցկացրեց նամակի առաջին տողերը:— Հասկա մի այստեղից դուրս տար Վեստային,— ասաց նա:

Զեննին հնազանդվեց: Հետո վերադառնալով նա կանգ առավ սենյակի մեջտեղը՝ գունատ, շփոթված և մտացրիվ հայացքը գցեց պատերին, առաստաղին, ճամպուրակներին, Լեսթերին: Լեսթերը երբեմն միայն մի ոտքից մյուսին հենվելով ուշի-ուշով նամակը կարդաց և ապա նետեց հատակին:

— Լսի՛ր, Ջէննի, — խոսեց նա հետաքրքրութեամբ նայելով նրան և շիմանալով, թե իսկապես ինչ ասի: Ահա և հիմա հնարավորութիւնն է ստեղծուիլ վերջ տալու այդ կասկին: Բայց նա ամենևին չի ուզում այդ, ամեն ինչ այնքան լավ ու փառաշատ է ընթացել: Նրանք այնքան տարի են միասին ապրել, որ այժմ բաժանվելն ուղղակի ծիծաղելի կլինի: Բացի այդ, ինքը սիրում է նրան, պարզ է, որ սիրում է: Բայց նրա հետ ամուսնանալ չի ուզում, թերևս և չի էլ կարող: Ջեննին այդ դիտել: Ապացուց՝ նրա նամակը:

— Դու ինչ-որ բան շփոթում ես, — շարունակեց նա դանդաղորեն: — Ձգիտեմ, ինչ քամի է փչել գլխիդ, բայց դու բոլորովին սխալ հայացք ունես իրերի մասին: Ձէ՞ ես ասել եմ, որ քեզ հետ ամուսնանալ չեմ կարող, համենայն դեպս՝ հիմա: Կոն շատ կարևոր հանգամանքներ, որոնց մասին դու հասկացողութիւնն էլ չունես: Որ ես քեզ սիրում եմ, այդ դու գիտես: Բայց անհրաժեշտ է հաշիւի առնել նաև իմ ընտանիքը և մեր ֆիրմայի շահերը: Դու չես հասկանում, թե դա որքան բարդ բան է, իսկ ես հասկանում եմ: Բայց քեզանից բաժանվել ես չեմ ուզում, դու ինձ համար շատ թանկ ես: Իհարկե, քեզ զոռով պահել չեմ կարող, դու իրավունք ունես գնալու: Բայց, ինձ թվում է, դա լավ բան չի լինի: Եվ մի՞թե, իսկապես, դու ուզում ես գնալ: Հասկա նստիր մի րոպե:

Ջեննին, որ հուշս ուներ, թե դուրս կպրծնի առանց բացատրութիւնների, բոլորովին շփոթվեց: Ինչո՞ւ է նա սկսել այդ լուրջ խոսակցութիւնը և այնպես է խոսում, ասես ինչ-որ բան է խնդրում: Նրա սիրտը ցավեց: Նա՛՝ Լեսթերը, համոզում է իրեն մնալ, երբ ինքն է նրան այնքան սիրում:

Ջեննին մոտեցավ նրան, և նա բռնեց Ջեննիի ձեռքը:

— Լսիր ինձ, — ասաց նա: — Իսկապես այժմ քո հեռանալը ոչ մի իմաստ չունի: Դու ո՞ւր էիր ուղում գնալ:

— Քլիվլենդ:

— Եվ ինչպե՞ս պիտի ապրեիր այնտեղ:

— Ես մտածում էի հայրիկիս ինձ մոտ կվերցնեմ, եթե համաձայնի, հիմա նա բոլորովին մենակ է, և մի որևէ աշխատանք կգտնեմ:

— Կով ի՞նչ կարող ես անել դու, Ջեննի, բացի նրանից, որ առաջ անում էիր: Մի՞թե դու նորից կգնաս սպասուհի կղաւնաս: Կամ խանութում վաճառողուհի՞ կղաւնաս:

— Գուցե մի կերպ կարող էի որպէս տնտեսուհի տեղավորվել, — երկշոտությամբ ասաց Ջեննին: Դա ամենալավն էր, որ հնարավոր աշխատանքի մասին երկար մտածումների ժամանակ նրա միտքն էր եկել:

— Ոչ, ոչ, — ասաց Լեսթերը գլուխն օրորելով: — Դա բանի պետք չէ: Քո բոլոր ծրագրերը բանի պետք չեն, ցնորք են: Եվ բարոյական բավարարությունն էլ դա քեզ չի տա: Անցածը փոխել չի լինի: Եվ կարեւոր էլ չէ: Հիմա ես քեզ հետ ամուսնանալ չեմ կարող: Հետագայում՝ գուցե, բայց ես ոչինչ խոստանալ չեմ ուզում: Բայց իմ կամքով ես քեզ բաց չեմ թողնի, իսկ եթե դու գնաս, ես չեմ ուզում, որ վերադառնաս քո նախկին կյանքին: Այսպէս թե այնպէս ես քեզ կապահովեմ: Բայց մի՞թե դու իսկապէս ուզում ես ինձանից հեռանալ, Ջեննի:

Լեսթերի տիրական հաստատակամության և նրա բուռն պատճառաբանությունների առաջ Ջեննին անզոր էր: Բավական էր, որ Լեսթերը դիպչեր նրա ձեռքին, և նրա որոշումներից ոչինչ չմնաց: Եվ նա արտասովեց:

— Մի՛ լար, Ջեննի, — ասաց Լեսթերը: — Ամեն ինչ կարող է ավելի լավ ընթացք ստանալ, քան դու կարծում ես: Մի քիչ սպասիր: Դե, հանիր վերարկուդ ու գլխարկդ: Դու ինձանից չես հեռանա, չէ՞:

— Չեմ հեռանա, — հեծկտաց Ջեննին:

Լեսթերը նրան քաշեց, նստեցրեց իր ծնկին:

— Առայժմ ոչ մի բան չենք փոխի, — շարունակեց նա: — Կյանքը բարդ բան է: Միանգամից ոչինչ չի լինի: Իսկ հետո ամեն ինչ մի կերպ կկարգավորվի: Ես էլ հիմա հաշտվում եմ այն բանի հետ, ինչի մի ուրիշ ժամանակ ոչ մի դեպքում չէի համաձայնի:

Ջեննին աստիճանաբար հանգստացավ և արցունքների միջից տխուր ժպտաց:

— Իսկ հիմա այս ամենը դիր իրենց տեղերը, — սիրալիք

ասաց Լեսթերը՝ մատնացույց անելով ճամպորուկները։— Եվ, խնդրում եմ, խոստացիր ինձ մի բան։

— Ի՞նչ,— հարցրեց Ջեննին։

— Այսուհետև ինձանից ոչ մի բան չթաքցնել, հասկանո՞ւմ ես։ Ոչինչ չորոշել առանց ինձ և ոչինչ չանել առանց իմ գիտության։ Եթե քեզ որևէ միտք տանջում է, արի ինձ մոտ և ասա։ Ես քեզ չեմ ուսի։ Կարող ես ինձ հետ խոսել քո բոլոր հոգսերի մասին։ Ես քեզ կօգնեմ նրանցից աղատվել, իսկ եթե օգնել չկարողանամ էլ, համենայն դեպս մենք իրարից ոչ մի զաղտնիք չենք ունենա։

— Գիտեմ, Լեսթեր, — ասաց Ջեննին լուրջ նայելով նրա աչքերին։ — Խոստանում եմ, որ այլևս ոչ մի բան չեմ թաքցրելի քեզնից, աղնիվ խոսք։ Առաջ ես վախենում էի, իսկ հիմա չեմ վախենա։ Զիշտ եմ ասում։

— Այ, այդպես լավ է, — ասաց Լեսթերը։ — Ես քեզ հավատում եմ։

Եվ նա բաց թողեց Ջեննինին։

Այս խոսակցության առաջին արդյունքը եղավ այն, որ մի քանի օրից հետո խոսք բացվեց Գերհարդի վիճակի մասին։ Ջեննին արդեն վաղուց էր անհանգստանում նրա մասին, իսկ հիմա որոշեց իր մտքերը հայտնել Լեսթերին, և մի երեկո ճաշի ժամանակ պատմեց նրան, թե ինչ է տեղի ունեցել Քլիվլենդում։

— Երևակայում եմ, թե հիմա որքան դժվար է նրա համար բուրորովին մեն-մենակ։ Երբ ես ուզում էի գնալ Քլիվլենդ, մտադիր էի նրան ինձ մոտ վերցնել։ Իսկ հիմա ուղղակի չգիտեմ ինչ անել։

— Դու նրան փող ուղարկիր, — ասաց Լեսթերը։

— Նա ինձանից փող վերցնել չի ուզում, — բացատրեց Ջեննին։ — Նա գտնում է, որ ես վատ կին եմ և մեղսալից կյանք եմ վարում։ Նա չի հավատում, թե ես ամուսնացած եմ։

— Դրա համար նա հիմքեր ունի, — հանգիստ ասաց Լեսթերը։

— Նույնիսկ սոսկալի է մտածել, որ նա քնում է ինչ-որ



մի տեղ գործարանում: Նա այնքան ծեր է և բոլորովին մեծ նակ:

— Իսկ մյուս զավակնե՞րը: Ինչո՞ւ նրանք չեն հոգում նրա մասին: Որտե՞ղ է քո եղբայր Բասսը:

— Երեւի նրանք չեն ուզում նրա մասին հոգալ. հայրս այնքան դյուրագրգիռ է,— ասաց Ջեննին պարզամտորեն:

— Դե, այդ դեպքում արդեն ես չգիտեմ ինչ խորհուրդ տամ,— ժպտաց Լեսթերը:— Նա պետք է մի քիչ ավելի հարմարվող լիներ:

— Այո, իհարկե,— ասաց Ջեննին,— բայց նա այնքան ծեր է և այնպիսի ծանր կյանք է ունեցել:

Լեսթերը մի պահ պատառաքաղը պտտեցնում էր ձեռքում:

— Ես գիտե՞ս ինչ եմ մտածում,— վերջապես ասաց նա: — Քանի որ մենք որոշել ենք չբաժանվել իրարից, ավելի լավ է այս բնակարանից հեռանանք: Ես արդեն մտածել եմ. մի տուն չվարձե՞նք Հայդ-Պարկում: Ճիշտ է, իմ գրասենյակից հեռու կլինի, բայց այստեղ ապրելը ինձ մի տեսակ ձանձրացրել է: Եվ քեզ ու Վեստայի համար էլ վատ չի լինի սեփական բակ ունենալ: Ա՛յ, այն ժամանակ դու կարող ես հորդ էլ բերել քեզ մոտ: Նա մեզ չի խանգարի: Տնտեսությամբ կզբաղվի, կօգնի տունը կարգին պահել:

— Ա՛խ, դա հենց իսկը նրա սրտովը կլինի,— հառաչեց Ջեննին:— Նա այնպե՞ս է սիրում ամեն ինչ նորոգել, գազոններն էլ կհնձի և ջեռուցմանը կհսկի: Բայց նա ոչ մի պայմանով չի գա, եթե համոզված չլինի, որ մենք ամուսնացած ենք:

— Այո, դա գործը բարդացնում է, քանի որ դու ամուսնական վկայական չես կարող ներկայացնել նրան: Ծերունին, երևում է, անկարելին է երազում: Նրա համար դժվար կլինի քաղաքից դուրս գտնվող տան ջեռուցումը կարգավորել,— ավելացրեց նա մի պահ լռելուց հետո:

Ջեննին նրա խոսքերն ականջի ետև գցեց: Նա նորից սկսեց մտածել, թե որքան վատ ու անշնորհ է դասավորվել իր կյանքը: Գերհարդը չի գա, եթե նույնիսկ իրենք հիանալի տուն ունենան, որտեղ նա կարող էր ապրել: Իսկ որքա՞ն լավ

կլիներ նրա համար վեստայի հետ: Նա ուղղակի հարութջուն կառներ:

Նա տխուր-տխուր լռել էր, մինչև որ կեսթերը, ասես նրա մտքերին պատասխանեցով, ասաց.

— Իսկապես, չգիտեմ ինչ մտածեմ: Ամուսնական վիականի բլանկ ձեռք բերելն այնքան էլ հեշտ բան չէ: Կեղծումը պատժվում է օրենքով: Նս, ճիշտն ասած, չէի ցանկանա այդպիսի դործի մեջ մտնել:

— Ի՞նչ ես ասում, կեսթեր, մի՞թե կարելի է: Նս ուղղակի ցավում եմ, որ հայրիկն այդպես համառն է: Երբ մի բան նրա գլուխն է մտնում, էլ ոչինչ անել չես կարող:

— Արի սպասենք, մինչև նոր տանը տեղավորվելը, — առաջարկեց կեսթերը: — Այն ժամանակ դու կգնաս Քլիվլենդ և ինքդ կխոսես նրա հետ: Գուցե և քեզ կհաջողվի համոզել նրան:

Կեսթերին դուր էր գալիս, որ Ջեննին այդպես նվիրված է հորը, և պատրաստ էր օգնել նրան իր մտածածն իրականացնելու: Ծերունի Գերհարդը շատ էլ հետաքրքիր անձ չէր, բայց և զզվելի չէր, և եթե նա ցանկանար աշխատել մեծ տնտեսության մեջ, խնդրե՛մ, կեսթերը դեմ չէ:

## Գ Լ ՈՒՆ XXXVII

Հայդ-Պարկ փոխադրվելու մասին ասված խոսքերը դատարկ բան չէին: Երբ երկու-երեք շաբաթից հետո ամեն ինչ նորից կարգի էր բերվել, կեսթերը Ջեննինն առաջարկեց իր հետ զնալ այնտեղ՝ տուն տեսնելու:

Առաջին իսկ ալյցին նրանք գտան այն, ինչ հարկավոր էր. ասանմեկ խոշոր սենյակից բաղկացած մի հին տուն, շրջապատված դաղոններով և ստվերախիտ ծառերով, որոնք տընկվել էին, երբ քաղաքը դեռ նոր էր սկսել կառուցվել: Այստեղ դեղեցիկ էր, հարմարավետ, խաղաղ: Ջեննին հիացած էր այդ ընդարձակ, համարյա գյուղական դաստակերտով, թեպետև նրան ճնշում էր այն գիտակցությունը, որ ինքը իր նոր տունն

է մտնելու ո՛չ որպէս լիարժեք տիրուհի: Երբ նա պատրաստ-  
վում էր Լեսթերից հեռանալ, դեռ մի աղոտ հույս ուներ, թե նա  
կգա իր ետեկից և կամուսնանա: Այժմ դրա վրա էլ խաչ էր դր-  
վել: Նա խոստացել էր մնալ, և հարկավոր էր ամեն ինչի հա-  
մակերպվել: Նա ուզեց ասել, թե այդպիսի հսկա տունը իրենց  
պետք չէ, բայց Լեսթերը նրան չլսեց:

— Շատ հնարավոր է, որ մենք հյուրեր կընդունենք,—  
ասաց նա:— Համենայն դեպս հարկավոր է տունը կահավորել  
և տեսնել, թե ինչ կստացվի:

Նա կապալառուին պատվիրեց պայմանագիր կնքել հինգ  
տարով, հետագայում ժամկետը երկարաձգելու իրավունքով, և  
հողամասում անհապաղ աշխատանքներն սկսվեցին:

Տունը դրսից ներկեցին, ներսը կարգավորեցին, գազոննե-  
րը հարթեցին, և ամեն ինչ շքեղ, տոնական տեսք ստացավ:  
Առաջին հարկում տեղավորեցին մի մեծ գրադարան, նույնքան  
ընդարձակ սեղանատունը, ընդունելութունների հյուրասեն-  
յակը, մի ավելի փոքր հյուրասենյակ, ահագին խոհանոց և  
բուֆետը: Երկրորդ հարկում ննջարանները, լոգարանները և  
սպասուհու սենյակը: Ամեն ինչ հարմար էր, ամեն ինչ աչք  
էր շոյում, և նոր տան մեջ տեղավորվելու հոգսերը Զեննիին  
բավականությամբ ու հպարտությամբ էին համակում:

Տեղափոխվելուց հետո անմիջապէս Զեննին Լեսթերի  
թույլտվությամբ հորը գրեց և հրավիրեց նրան տեղափոխվել  
իրենց մոտ: Իրենց ամուսնության մասին նա ոչ մի խոսք չա-  
սաց, թողնելով, որ նա ինքը հարկ եղած հետևությունն անի:  
Դրա փոխարեն մանրամասն նկարագրեց, թե ինչպիսի գե-  
ղեցիկ տեղ է ապրում և ինչպիսի հարմար տուն ու ընդարձակ  
այգի ունի ինքը: «Այստեղ այնքան լավ է, հայրիկ, — գրում  
էր նա, — քեզ երեւի դուր կգա: Վեստան արդեն դպրոց է  
գնում: Արի մեղ մոտ, միասին կապրենք: Դա որքա՞ն ավելի  
լավ կլինի, քան գործարանում ապրելը: Եվ ես էլ այնքա՞ն  
ուրախ կլինեմ»:

Գերհարգն այս նամակը կարդաց և տարակուսանքով հոն-  
քերը կիտեց: Մի՞թե սա ճիշտ է: Բայց եթե նրանք ամուսնա-  
ցած չլինեին, մի՞թե այդպիսի մեծ տուն կփոխադրվեին: Այս-

քան տարիներից հետո, այս բոլոր ստից հետո: Գուցե ինքը սկզբի՞ց սխալված է եղել: Դե, ինչ կա որ, ավելի լավ է ուշ, քան երբեք, բայց արժե՞ արդյոք, որ ինքը գնա նրանց մոտ: Ինքն արդեն վարժվել է մենակ ապրել: Մի՞թե հիմա արժե տեղափոխվել Զիկագո, Ջեննիի մոտ: Նա անտարբեր չմնաց դասեր հրավերին, բայց և այնպես որոշեց հրաժարվել: Նա չէր կարող այդպես բացահայտորեն ընդունել, որ իրենց գծառության մեղքի մի մասն էլ իր վրա է ընկնում:

Հոր մերժումը Ջեննիին խիստ վշտացրեց: Նա Լեսթերի հետ խորհրդակցեց և որոշեց անձամբ գնալ Քլիվլենդ: Գտնելով կահույքի ֆաբրիկան, որտեղ աշխատում էր Գերհարդը, — դա քաղաքի ամենաաղքատ թաղերից մեկում շենքերի մի անկարգ-անկանոն կոտակում էր, — Ջեննին գրասենյակում հարցրեց հոր մասին: Կլեբլը նրան ուղարկեց դեպի առանձնացած պահեստը, և Գերհարդին հայտնեցին, թե մի ինչ-որ տիկին ուղում է տեսնել նրան: Ծերունին վեր կացավ իր խրդճուկ մահճակալից և իջավ բակը, հետաքրքրվելով, թե այդ ով կարող է լինել: Ջեննիի սիրտը ճմլվեց, երբ մթին դռնից դուրս եկավ ծերունի հայրը՝ ճերմակած մաղերով, թավ հոնքերով, փոշոտ, ճմրթված հագուստով: «Խեղճ հայրիկ», — մտածեց նա: Հայրը մոտեցավ նրան, և նրա զննող հայացքը մեղմացավ, երբ հասկացավ, թե ինչպիսի բարի մղում է նրան բերել այստեղ:

— Այդ ինչի՞ հա եկել այստեղ, — հարցրեց նա մի որոշ երկյուղով:

— Ես ուզում եմ քեզ խնձ մոտ տանել, հայրիկ, — ասաց Ջեննին: — Քեզ այլևս չի կարելի այստեղ մնալ: Ուղղակի անտանելի է մտածել, թե դու ինչպես ես ապրում այստեղ մենամենակ:

— Օ՛հ, — ասաց հայրը շփոթվելով, — ուրեմն դրա համա՞ր ես եկել:

— Այո, — պատասխանեց Ջեննին: — Գնանք խնձ հետ: Հարկավոր չէ այստեղ մնալ:

— Ես լավ անկյուն ունեմ, — ասաց հայրը ասես արդարանալով:

— Գիտեմ, գիտեմ, բայց մենք հիմա մի մեծ տուն ունենք, և Վեստան էլ մեզ հետ է ապրում: Մի՞թե դու չես գալեթերն էլ հրավիրում է քեզ:

— Դու ինձ մի բան ասա,— պահանջեց հայրը,— ամուսնացած եք դուք, թե ոչ:

— Իհարկե,— քաջաբար ստեց նա:— Վաղուց ամուսնացած ենք: Կուզես՝ Լեսթերին հարցրու, երբ կգաս:

Մեծ ջանք էր հարկավոր Զեննիին հոր հայացքին դիմանալու համար, բայց նա իր հայացքը ցած չգցեց, և հայրը հավատաց նրան:

— Լավ, ի՛նչ կա՞ որ,— ասաց նա,— վաղուց դրա ժամանակն էր:

— Ուրեմն կգա՞ս, հայրիկ,— նորից հարցրեց Զեննին:

Գերհարդը անօգնական ձեռքերը տարածեց: Զեննիի սիրալիր համառությունից նա զգացվեց մինչև հոգու խորքը:

— Այո, կգամ,— ասաց նա և շուտ եկավ, բայց նրա ուսերը ցնցվում էին, և Զեննին հասկացավ, որ նա լաց է լինում:

— Հենց հիմա՞, ինձ հե՞տ:

Պատասխանի փոխարեն հայրը ներս մտավ պահեստի մթին դռնով, նա գնաց իր իրերը հավաքելու:

## Գ Լ Ո Ւ Խ XXXVIII

Զեննիի մոտ բնակություն հաստատելուց հետո Գերհարդն անհապաղ ձեռնամուխ եղավ իր բազմապիսի պարտականություններին կատարմանը, որոնք, նրա կարծիքով, հատկապես իր համար էին նախատեսված: Նա իր վրա վերցրեց ջեռուցման ու հողամասի խնամքի հոգսը, մտքովն անգամ շանցկացնելով, թե կարելի է մի ուրիշ մարդու դրա համար ոռճիկ վճարել, երբ ինքն այստեղ պարապ նստած է: Տան շուրջը եղած ծառերը խայտառակ վիճակում են, ասաց նա աղջկան: Հարկավոր է սղոց և այգու դանակ ձարել, և գարնանն ինքը կգաղվի դրանցով: Գերմանիայում լավ են հասկանում այդպիսի բա-

ների օգուտը, իսկ այս ամերիկացիներն անշնորհք, անգործ-  
նական մարդիկ են: Հետո Գերհարդը պահանջեց մեխ ու  
ատաղձագործական գործիքներ և աստիճանաբար նորոգեց  
բոլոր պահարաններն ու դարակները: Նա պարզեց, որ տանից  
մի երկու մղոն հեռավորության վրա լուծերական եկեղեցի  
կա և գտավ, որ դա ավելի լավն է, քան Քլիվլենդի եկեղեցին,  
որ հաճախում էր ինքը, իսկ պատրոն իսկապես որ աստվա-  
ծահաճո մարդ է: Նա պահանջեց, որ Վեստան ամեն շաբաթ  
իր հետ եկեղեցի գնա և ոչ մի առարկություն լսել անգամ չու-  
ղեց:

Հայդ-Պարկում նոր կյանք սկսելով՝ Ջեննին ու Լեսթերն  
այնքան էլ հանգիստ չէին. նրանք գիտեին, որ իրենց բանը  
դյուրին չի լինելու: Հյուսիսային կողմում Ջեննին առանց  
դժվարության խուսափում էր ծանոթություններից և հարևան-  
ների հետ զրուցելուց, Բայց այստեղ իրենց վարձած տունն  
աչքի առաջ էր: Պետք էր սպասել, որ հարևանները իրենց  
սլարտքը կհամարեն այցելության գալ, և Ջեննին ստիպված  
կլինի հմուտ տանտիրուհու դեր կատարել: Նա Լեսթերի հետ  
այս հարցը մանրամասն քննարկեց և Լեսթերը որոշեց, թե՞  
թող հարևաններն իրենց մարդ ու կին համարեն: Վեստային  
կներկայացնեն որպես Ջեննիի աղջիկը առաջին ամուսնուց՝  
միստր Սթովերից (միսիս Գերհարդի օրիորդական ազգանու-  
նը), որը մեռել է երեխան ծնվելուց անմիջապես հետո: Հայդ-  
Պարկը Չիկագոյի շքեղ կենտրոնից այնքան հեռու էր, որ Լես-  
թերն իրեն ապահովված էր համարում քաղաքի ծանոթներին  
հանդիպելուց: Նա Ջեննիին բացատրեց, թե ինչպես պիտի  
սահի իրեն, որպեսդի առաջին հյուրը նրան անակնկալի  
չրերի:

Երկու շաբաթ էլ չանցած՝ առաջին հյուրը իսկապես երե-  
վաց. դա միսիս Սթենդլն էր, մի տիկին, որ հարևանների մեջ  
մեծ հարգանք էր վայելում և ապրում էր Ջեննիենցից հինգ  
տուն այն կողմը, նույնպես գազոններով շրջապատված մի  
գեղեցիկ առանձնատան մեջ: Նա եկավ սեփական կառքով,  
որով շրջելիս էր եղել խանութներում:

— Տա՛նն է միսիս Քեյնը, — հարցրեց նա նոր սպասուհի ժաննետին:

— Տանն է, մեմ, — պատասխանեց նա: — Հաճեցե՞ք ձեր այցնտոմսը տալ:

Եվ նա այցնտոմսը տարավ Ջեննիին, որը հետաքրքրությամբ կարդաց անծանոթ անունը:

Երբ Ջեննին մտավ հյուրասենյակ, միսիս Սթենզլը, որ հետաքրքիր աչքերով մի բարձրահասակ շիկահեր կին էր, սրտանց ողջագուրվեց նրա հետ:

— Ես որոշեցի համարձակություն անել և խանգարել ձեր մենությունը, — ասաց նա հրապուրիչ սիրալիւր ձայնով: — Ես ձեր հարեանուհին եմ, ապրում եմ ձեր դիմացը՝ մի քիչ վերեւ: Սպիտակ քարե դարպասը, գուցե նկատած կլինեք:

— Այո, իհարկե, — պատասխանեց Ջեննին: — Կով գիտեմ այդ տունը: Դեռ առաջին անգամ, երբ եկել էինք այստեղ, ես ու միսոր Քեյնը հիացել էինք նրանով:

— Ձեր ամուսնու ազգանունը ես, իհարկե, լսել եմ: Իսկ իմ ամուսինը կապված է «Ուիլկս և Ընկ»- էլեկտրական Ֆիրմայի հետ:

Ջեննին գլխով արեց: Միսիս Սթենզլի խոսելու տոնից երևում էր, որ դա շատ մեծ և եկամտաբեր ձեռնարկություն է:

— Մենք արդեն մի քանի տարի է, ինչ ապրում ենք այստեղ, և ես շատ լավ եմ հասկանում, թե մարդ որքան անհարմար է զգում իրեն քաղաքի նոր թաղամասում: Հուսով եմ, դուք կայցեցե՞ք ինձ: Ես շատ ու շատ ուրախ կլինեմ: Իմ ընդունելության օրը հինգշաբթին է:

— Հաճույքով, — պատասխանեց Ջեննին ներքուստ ցնցրվելով, երբ կանխատեսում էր այդ տանջալից արարողությունը: — Դուք շատ սիրալիւր եք եղել, որ անցել եք մեզ մոտ: Միսոր Քեյնը խիստ զբաղված է, բայց հենց որ մի քիչ ազատվի, մենք երկուսս էլ շատ ուրախ կլինենք մեզ մոտ տեսնելու ձեզ և ձեր ամուսնուն:

— Դուք ես մի կերպ երկուսով կեքք մեզ մոտ մի երեկո, — ասաց միսիս Սթենզլը: — Մենք շատ խաղաղ ենք ապրում: Ամուսինս թատրոնների և ճամփորդությունների սիրա-

հար չէ: Բայց հարեալների հետ ամենամտերմական հարաբերութիւններ ենք պահպանում:

Ջեննին սիրալիր ժպտաց: Հյուրը վեր կացավ գնալու, և Ջեննին նրան ճանապարհ դրեց մինչև դուռը:

— Որքա՛ն ուրախ եմ ես, որ դուք այդքան հիանալի կին եք, — անկեղծորեն ասաց միսիս Սթենզլը նրա ձեռքը սեղմելով:

— Շնորհակալ եմ ձեզնից, — ասաց Ջեննին կարմրելով: — Ճիշտն ասած, ես այդպիսի գովասանքի արժանի չեմ:

— Դե, ուրեմն ես ձեզ կսպասեմ: Ցտեսութիւն:

Եվ նա ժպտալով ձեռքը թափահարեց որպէս հրաժեշտ:

«Կարծես վատ շանցավ, — մտածեց Ջեննին հեռացող կողքի ետևից նայելով: — Նա դուրեկան կին է: Հարկավոր է կեսթերին պատմել»:

Նրանց մոտ եղան նաև ոմն միստր ու միսիս Քարմայքլ Բերքեր և միսիս Ֆիլդ և միսիս Բոլլինգեր: Նրանք կամ իրենց այցեատմսերն էին թողնում, կամ ներս էին մտնում մի քիչ նստելու և զրուցելու: Ջեննին տեսնելով, որ իրեն հարգարժան կին են համարում, ամեն կերպ աշխատում էր խայտառակ շիինել: Եվ այդ նրան հիանալի հաջողվում էր: Նա հյուրասեր էր և սիրալիր: Նրա ժպիտի մեջ բարութիւն էր երևում, շարժումները լիովին բնական էին: Նա հիանալի տպավորութիւն էր թողնում: Իր հյուրերին պատմում էր, թե վերջին ժամանակներս ապրել է Հյուսիսային կողմում, որ իր ամուսին միստր Քեյնը վաղուց փափագում էր բնակութիւն հաստատել Հայդ-Պարկում, որ իր հետ ապրում են իր հայրը և աղջիկը, որ առաջին ամուսնութիւնից է: Նա հուշս էր հայտնում, որ այսուհետեւ էլ ծանոթութիւն կպահպանի իր լավ հարեալների հետ:

Երեկոները նա կեսթերին ղեկուցում էր իր հյուրերի մասին: Կեսթերը չէր փափագում ծանոթանալ այդ մարդկանց հետ: Բայց Ջեննին աստիճանաբար համի էր ընկնում: Մանոթութիւններ հաստատելը նրան դուր էր գալիս և հուշս ուներ, որ նոր պայմաններում կեսթերը կվարժվի իրեն համարել յով



կին և կյանքի իդեալական ընկերուհի: Եվ այն ժամանակ գուցե և ամուսնանա իր հետ:

Սակայն առաջին տպավորութիւնները միշտ էլ հաստատուն չեն լինում, և Զեննիս շուտով համոզվեց դրանում: Հարեանները նրան իրենց հասարակության մեջ ընդունեցին, թերեւ, շատ հապճեպ, իսկ հետո սկսեցին լուրեր շրջել: Ոմն միսիս Սոմմերվիլ, հյուր լինելով միսիս Քրեյգի մոտ, որը Զեննիսի ամենամոտիկ հարեանն էր, խոսակցութեան մեջ ակնարկեց, թե Լեսթերի մասին իրեն որոշ բաներ են հայտնի:

— Այո, այո: Գիտե՞ք ինչ, սիրելիս, նրա համբավը մի քիչ... — նա հոնքերը վեր քաշեց և մատով սպառնական նշան արեց:

— Ի՞նչ եք ասում, — ցնցվեց միսիս Քրեյգը: — Իսկ որ նայես, նա այնքա՛ն դրական և լուրջ մարդ է:

— Մասամբ այդ այդպէս էլ կա, — ասաց միսիս Սոմմերվիլը: — Նա հիանալի ընտանիքից է: Բայց ամուսինս ինձ պատմում էր, թե նա կապեր է ունեցել մի ջահել կնոջ հետ: Բայց չգիտեմ՝ ա՞յս կինն է դա, թե՞ ոչ: Նրա հետ նրանք որպէս մարդ ու կին ապրել են Հյուսիսային կողմում ինչ-որ մի տեղ, և նա այն կնոջը բոլորին ներկայացրել է որպէս միսս Գորվուդ, թե ինչ-որ այդպիսի մի բան:

— Ի՞նչ եք ասում, — և միսիս Քրեյգը զարմանքից լեզուն ճլթացրեց: — Իսկ գիտե՞ք, գուցե սա հենց այն կինն է: Սրա հոր ազգանունը Գերհարդ է:

— Գերհարդ, — գոչեց միսիս Սոմմերվիլը: — Այո՛, այո՛, ճիշտ այդպէս: Եվ առաջ էլ այդ կինը, կարծեմ մի ինչ-որ խայտառակ պատմութիւն է ունեցել, համեմայն դեպս երեխա է ունեցել: Գուցե և հետո Քեյնը ամուսնացել է նրա հետ, այդ չգիտեմ: Բայց նրա ընտանիքը, որքան ինձ հայտնի է, լսել անգամ չի ուզում այդ կնոջ գոյութեան մասին:

— Դա շատ հետաքրքիր բան է, — գոչեց միսիս Քրեյգը: — Մտածեցեք մի, և այնուամենայնիվ նա ամուսնացել է նրա հետ: Բայց գուցե և չի՞ ամուսնացել: Մեր ժամանակներում որքա՛ն դժվար է իմանալ, թե ում հետ գործ ունես:

— Դուք միանգամայն իրավացի եք: Երբեմն ուղղակի

անհնարին է բան հասկանալ: Բայց նա կարծես թե շատ լավ կին է:

— Հիանալի կին է,— հաստատեց միսիս Քրեյզը:— Այն-  
քան միամիտ: Նա ինձ ուղղակի հմայել է:

— Բայց գուցե դա այն նույն կինը չէ,— շարունակեց հյուրը:— Գուցե ես սխալվում եմ:

— Հազիվ թե: Գերհարդ: Նա ինքն էլ ինձ ասել է, որ  
իրենք ապրել են Հյուսիսային կողմում:

— Դե ուրեմն, նշանակում է, նա է: Ի՞նչ տարօրինակ է,  
որ դուք նրա մասին հիշատակեցիր:

— Շատ, շատ տարօրինակ է,— ասաց միսիս Քրեյզը,  
արդեն ինքն իրեն մտածելով, թե սրանից հետո ինչպես պիտի  
պահի իրեն Ջեննիի հետ:

Կուրեր հասնում էին նաև ուրիշ աղբյուրներից: Ինչ-որ  
մեկը Ջեննիին Լեսթերի հետ միասին կառք նստած տեսել էր  
Հյուսիսային կողմում, ինչ-որ մեկին Ջեննիին ներկայացրել  
էին որպես միսս Գերհարդ, ինչ-որ մեկը տեղյակ էր Քեյնի  
ընտանիքում եղած տարածայնությունը: Հասկանալի է, որ  
Ջեննիի ներկա վիճակը՝ հիանալի տունը, Լեսթերի հարստու-  
թյունը, Վեստայի գեղեցկությունը՝ այս ամենը բարենպաստ  
աղբյուրություն էր ունենում աշխարհի կարծիքի վրա: Ջեննին  
իրեն այնքան լավ էր պահում, ակներևորեն այնքան լավ կին  
էր ու մայր, որ նրա վրա բարկանալն անհնարին էր դառնում:  
Բայց նա անցյալ է ունեցել, և այդ չէին մոռանում:

Վերահաս վտանգը Ջեննին առաջին անգամ զգաց, երբ  
Վեստան զպրոցից վերադառնալով անսպասելիորեն հարց  
տվեց նրան.

— Մայրիկ, իսկ ո՞վ է եղել իմ հայրիկը:

— Նրա ազգանունը Սթոկեր էր,— պատասխանեց մայ-  
րը, իսկույն զգալով, որ բանը լավ չէ, որ ինչ-որ մեկը ավելորդ  
մի խոսք է թոցրել բերանից:— Իսկ ինչո՞ւ ես հարցնում:

— Որտե՞ղ եմ ծնվել ես,— շարունակեց Վեստան առանց  
մոր հարցին պատասխանելու և, ըստ երևույթին, ցանկանալով  
որքան կարելի է շատ բան իմանալ իր մասին:

— Կոլումբուսում, բալիկս, Օհայո նահանգում: Իսկ ի՞նչ կա որ:

— Անիտա Բոլլինգերն ասաց, որ ես ոչ մի հայրիկ էլ չեմ ունեցել, և որ նույնիսկ, երբ ես ծնվել եմ, դու ամուսնացած չես եղել: Նա ասում է, որ ես իսկական աղջիկ չեմ, իսկի հայտնի էլ չէ, թե ով եմ: Ես այնպես բարկացա, որ նրան ծեծեցի:

Ջեննին լուռ, քար կտրած դեմքով նայում էր առաջ: Միսիս Բոլլինգերը իր մոտ հյուր էր եղել և բոլորից ավելի սրտանց էր առաջարկել իր մտերմութունը Ջեննիի հետ, իսկ հիմա նրա աղջիկն այդպիսի բաներ է ասում Վեստային: Այդ որտեղի՞ց է լսել նա:

— Դու նրա վրա ուշադրություն մի՛ դարձնի,— վերջապես ասաց Ջեննին:— Նա ոչինչ չգիտե: Քո հայրիկը միստր Սթովերն էր, և դու ծնվել ես Կոլումբուսում: Իսկ կովելը լավ բան չէ: Երբ աղջիկները կովում են, ամեն տեսակ վիրավորական խոսքեր իրար ասում են հենց այնպես, տաքացած բոպեին: Դու նրան ձեռք մի տուր և մի էլ մոտենա նրան, այն ժամանակ նա քեզ ոչինչ չի ասի:

Բացատրությունն այնքան էլ հաջող չստացվեց, բայց միառժամանակ գոհացրեց Վեստային, որը միայն ասաց.

— Եթե նա փորձի ինձ խփել, ես էլ նրան կզխկեմ:

— Դու բոլորովին էլ մի մոտեցիր նրան, հասկանո՞ւմ ես: Այն ժամանակ նա քեզ չի խփի: Քո դասերի մասին մտածիր, ի՞նչ նրան մի էլ մոտեցիր ու մի կովիր նրա հետ: Եվ նա էլ քեզ հետ չի կովի:

Վեստան դուրս վազեց, իսկ Ջեննին խոր մտքի մեջ ընկավ: Հարևանները բամբասում են: Իր անցյալը ոչ ոքի համար գաղտնիք չէ: Որտեղի՞ց են իմացել նրանք:

Վեստայի հետ ունեցած փոսակցությունից Ջեննիի սրտին հասած վերքը դեռ չէր ապաքինվել, երբ նա նոր հարվածներ ու ծակոցներ ստացավ: Մի անգամ Ջեննին մի քանի բոպեով այցելության գնաց իր մոտիկ հարևանուհի միսիս Ֆիլդին, երբ սա մի գավաթ թեյի էր նստած իր մի ուրիշ հարևանուհու՝ միսիս Բեյքերի հետ: Միսիս Բեյքերի ականջին

լուրեր էին հասել Ջեննիի Հյուսիսային կողմում անցկացրած կյանքի և նրա նկատմամբ Քեյն ընտանիքի վերաբերմունքի մասին։ Այդ շորուկ-մորուկ, եռանդոտ ու ոչ հիմար կինը, որ մասամբ միսիս Բրայսբերիջին էր հիշեցնում, ծանոթներ ընտրելիս խիստ զգուշավոր էր։ Նա միշտ այն կարծիքին էր եղել, որ միսիս Ֆիլդն էլ իր պես է մտածում, և նրա մոտ Ջեննիին հանդիպելով խիստ վրդովվեց, թեպետև արտաքին հանդստություն պահպանեց։

— Ծանոթացեք, սա միսիս Քեյնն է,— ասաց միսիս Ֆիլդը սիրալիր ժպիտով։

Միսիս Բեյքերը Ջեննիին չափեց այնպիսի մի հայացքով, որը ոչ մի լավ բան չէր խոստանում։

— Միսիս Լեսթեր Քեյնը,— հարցրեց նա։

— Այո,— պատասխանեց միսիս Ֆիլդը։

— Այ թե ինչ,— շարունակեց միսիս Բեյքերը սառն տոնով։— Ես շատ բան եմ լսել միսիս... միսիս... Լեսթեր Քեյնի մասին։

Եվ ասես Ջեննիի գոյությունը մոռանալով, նա շուռ եկավ դեպի տանտիրուհին և նրա հետ զաղտնի խոսակցություն ըսկըսեց, որին Ջեննին մասնակցել չէր կարող։ Ջեննին մնացել էր լուռ և չգիտեր ինչպես պահի իրեն այդպիսի փափուկ դրության մեջ։ Միսիս Բեյքերը շուտով ոտքի ելավ, թեպետև մըտադիր էր երկար մնալ այդտեղ։

— Ոչ մի կերպ, ոչ մի կերպ չեմ կարող մնալ,— ասաց նա վեր կենալով։— Ես միսիս Նեյլին խոստացել եմ, որ այսօր անպայման իր մոտ անցնեմ։ Եվ մեկ էլ, երևի, ես առանց այն էլ ձանձրացրի ձեզ։

Նա գնաց դեպի դուռը և միայն շեմքում շուռ եկավ Ջեննիի կողմը և պաղ-պաղ գլուխ տվեց նրան։

— Ում ասես, որ մարդ չի հանդիպում,— ասաց նա տանտիրուհուն հրաժեշտ տալիս։

Միսիս Ֆիլդը հնարավոր չհամարեց Ջեննիին պաշտպան կանգնել, որովհետև ինքն էլ մի բան չէր, և ինչպես հատուկ է հենց նոր հարստացած կանանց, ամեն կերպ աշխատում էր լավ հասարակության մեջ խցկվել։ Իսկ միսիս Բեյքերն այդ

հասարակության մեջ որքա՞ն ավելի պատվավոր դիրք էր գրավում, քան Զեննին, այնպես որ միսիս Ֆիլդը նրա հետ գծում էր չէր ուզում: Վերադառնալով այն սեղանի մոտ, որի առաջ նստած էր Զեննին, միսիս Ֆիլդը ժպտաց փոքր-ինչ մեղավորի ժպիտով, բայց երևում էր, որ իրեն անհարմար է զգում: Բնականաբար Զեննիի տրամադրությունն էլ ընկած էր, և շուտով մի ինչ-որ պատճառաբանությամբ հրաժեշտ տվեց ու գնաց: Նա իրեն խորապես վիրավորված էր զգում և հասկանում էր, որ միսիս Ֆիլդն արդեն զղջում է, որ մտերմական հարաբերություններ ունի իր հետ: Ծանոթություններից մեկը վերջացած էր. Զեննին դրան չէր կասկածում: Նորից նրան համակեց այն ճնշող գիտակցությունը, որ իր կյանքը ձախողակ է: Այժմ արդեն ոչինչ չէր կարելի ուղղել, իսկ ապագան անհուսալի էր: Լեսթերը չի ցանկանա նրա հետ ամուսնանալ և փրկել նրա անունը վարկաբեկումից:

Ժամանակն անցնում էր, առանց որևէ փոփոխություն բերելու իր հետ: Նայելով գեղեցիկ առանձնատանը, կանոնավոր գազոններին ու ստվերախիտ ծառերին, պատշգամբի՝ վայրի վաղի կանաչով պարուրված սյուներին, տեսնելով, թե Գերհարդն ինչպես է պրպտում այգում, ինչպես է Վեստան վերադառնում դպրոցից, իսկ Լեսթերն ամեն առավոտ դուրս է գնում իր շքեղ երկանիվ կառքով, ամեն ոք կկարծեր, որ այստեղ գոհունակություն ու խաղաղություն է թագավորում, որ վշտին ու հոգսին տեղ չկա այս շքնաղ բնակարանում:

Եվ իրոք, կյանքը տան մեջ ընթանում էր խաղաղ, առանց ցնցումների: Ճիշտ է, հարևանները համարյա 'դադարել էին այցելել Լեսթերին ու Զեննիին, և աշխարհիկ զվարճությունները վերջացել էին, բայց դա նրանց համար զրկանք չէր, որովհետև իրենց շորս պատերի մեջ էլ նրանք բավական ուրախություններ ունեին և մտքի սնունդ էին ստանում: Վեստան սովորում էր դաշնամուր նվագել և մեծ առաջադիմություն էր ցույց տալիս. նա հիանալի լսողություն ուներ: Զեննին երկնագույն, մանուշակագույն, մուգ-կանաչ տնային ըզգեստներ հագած, որոնք շատ էին սաղում նրան, զբաղվում

էր տնտեսական գործերով, կարում էր, լվանում, փոշին մաք-  
րում, Վեստային դպրոց էր տանում, ծառաներին հետևում:  
Գերհարգն աշխատում էր առավոտից մինչև գիշեր. տնային  
բոլոր գործերն անպայման նրա ձեռքով պիտի անցնէին: Նրա  
պարտականություններից մեկն էլ, որ ինքն էր իր վրա դրել,  
լեսթերի և ծառաների ետևից ման գալն էր, որպեսզի անջատի  
գազը կամ էլեկտրական լամպերը, եթե որևէ մեկը մոռանում  
էր մարել դրանք, մի բան, որ նրա ասելով հանցավոր շռայլ-  
ւություն էր:

Խնայողություն սիրող ծերունուն դառնացնում էր և այն,  
որ Լեսթերը սովորություն ուներ նույնիսկ ամենաթանկագին  
շորը հագնել միայն մի քանի ամիս, իսկ հետո դեն էր նե-  
տում: Նա քիչ էր մնում լաց լինի, երբ Լեսթերը հիանալի կո-  
շիկն այլևս հագնել չէր ուղում հենց միայն նրա համար, որ  
կրունկները մի թեթև մաշված էին լինում կամ երեսի կաշին  
տեղ-տեղ ճմրթված: Գերհարգը գտնում էր, որ դրանք պետք  
է նորոգելու տալ, բայց նրա բոլոր փնթփնթոցին ու հորդոր-  
ներին Լեսթերը պատասխանում էր, թե այդ կոշիկն իր համար  
անպետք է դարձել:

— Ինչպիսի՜ շռայլություն, — գանգատվում էր Գերհարգը  
Ջեննիին: — Ինչքա՜ն բարիք է իզուր կորչում: Ա՛յ, կտեսնես,  
վերջը վատ կլինի, դրան ոչ մի փող չի բավականացնի:

— Նա ուրիշ կերպ անել չի կարող, հայրիկ, — արդա-  
րանում էր Ջեննիին: — Այդպես են դաստիարակել նրան:

— Ա՛յ թե դաստիարակություն է հա՛: Այս ամերիկացի-  
ները փնայողությունից ոչինչ չեն հասկանում: Նրանք պետք  
է Գերմանիայում ապրեին, այն ժամանակ գոլլարի գինը կի-  
մանային:

Լեսթերն այս խոսակցությունները Ջեննիից իմանալով՝  
միայն ժպտում էր: Ծերունի Գերհարգը զվարճություն էր  
պատճառում նրան:

Ծերունին հաշտվել չէր կարողանում նաև լուցկին ան-  
տեղի վատնելու Լեսթերի սովորության հետ: Պատահում էր,  
որ Լեսթերը լուցկին չրթացնում էր և, փոխանակ սիգարը վա-  
ռելու, միառժամանակ ձեռքին բռնած խոսում էր որևէ մեկի

հետ և վառած լուցկին ցած էր գցում ու մի նորը վառում: Կամ թե ծխել սկսելուց դեռ շատ առաջ սկսում էր իրար հտեփց լուցկիներ չրթացնել: Պատշգամբում կար մի անկյուն, որտեղ նա սիրում էր ամառային երեկոներին Զեննիի հետ դրուցել ու ծխել: Շուտ-շուտ լուցկի վառելով նա իրար հտեփց դրանք նետում էր այգի: Մի անգամ գազոնը հնձելիս Գերհարդը սարսափով գտավ կիսափտած լուցկիների մի ամբողջ կույտ: Նա բոլորովին շվարեց և հանցանքի այդ իրեղեն ապացույցները լրագրի մեջ հավաքելով տարավ սենյակ, որտեղ Զեննին նստած կար էր անում:

— Տես, թե ինչ եմ գտել ես,— ասաց նա:— Դու մի այստեղ նայիր: Այդ մարդը խնայողությունից ավելի չի հասկանում, քան... քան... — նա այդպես էլ պետք եղած խոսքը չգտավ: — Նստում ու ծխում է, իսկ լուցկիների հետ տես թե ինչպես է վարվում: Ախր սրա տուփը հինգ ցենտ փող արժի, հինգ ցենտ: Հետաքրքիր է, ինչպե՞ս է նա մտածում ապրել այսպիսի ծախսեր անելով: Չէ՛, չէ՛, դու մի տես, սա ի՞նչ բան է:

Զեննին նայեց և գլուխն օրորեց:

— Այո, Լեսթերն ամենևին խնայողություն չգիտե,— ասաց նա:

Գերհարդը լուցկիները տարավ ներքնատուն: Գոնե վառարանում այրել սրանք. այդ էլ մի օգուտ է: Նա կարող էր նրանցով իր ծխամորձը վառել, բայց դրա համար շատ ավելի հարմար էին հին լրագրերը, որոնք ամբողջ կույտերով էին հավաքվում և այդ նույնպես ցույց էր տալիս տան տիրոջ շռայլումները: Գերհարդը սրտի մորմոքով գլուխն էր օրորում: Դե ինչպե՞ս աշխատի այստեղ: Ամեն ինչ իր դեմ է: Բայց նա զենքը ցած չէր դնում և չէր դադարում փորձեր անել այդ մեղավոր վատնումները կանխելու: Նա ինքը ամենախիստ խնայողությամբ էր շարժվում: Երկու տարի կիրակի օրերը հագնում էր Լեսթերի վերակարված սև կոստյումը, որի վրա նա իր ժամանակին բռնվ փող էր ծախսել: Հազնում էր նրա հին կոշիկները, ձեացնելով, թե հենց իսկը իր ոտին են, և նրա փողկապները, միայն թե սևերը. ուրիշ փողկապ Գեր-

հարդը չէր սիրում: Նա Լեւթերի վերնաշապիկն էլ կսկսեր հագնել, եթե կարողանար վերակարել իր վրա հարմարեցնելով, բայց սպիտակեղենը հիանալի հարմարեցնում էր իր օգտագործման համար, օգտվելով խոհարարուհու բարեկամական ծառայությունից: Գուլպաների մասին արդեն խոսելն էլ ավելորդ է: Այսպիսով Գերհարդի հագուստի վրա ոչ մի ցենտ չէր ծախսվում:

Մյուս իրերը, որոնք Լեւթերն արդեն մաշված էր համարում՝ կոշիկներ, վերնաշապիկներ, կոստյումներ, փողկապներ, օձիքներ— նա հավաքում ու պահում էր շաբաթներով, ամիսներով, իսկ հետո մոայլ վճռականությամբ տանում էր դերձակի կամ հնավաճառի մոտ՝ անխղճորեն բարձրացնելով գները: Նա այն կարծիքին էր, որ բոլոր հնավաճառները արնախում տղրուկներ են, որ նրանց ոչ մի խոսքին հավատալ չի կարելի: Նրանք բոլորը խաբում են: Գանդատվում են, թե աղքատ են, այնինչ լող են տալիս փողի մեջ: Գերհարդն անձամբ էր համոզվել դրանում. նա հետևել էր հնավաճառներին և տեսել, թե նրանք ինչպես են վարվում իրենից գնած իրերի հետ:

— Սրիկաներ են,— զայրացած ասում էր նա:— Մի զույգ կոշիկի համար ինձ տասը ցենտ են առաջարկում, իսկ իրենք այդ նույն կոշիկներն իրենց խանութում գնահատում են երկու դոլլար: Ավազակներ են, ուրիշ ոչինչ: Գոնե մի դոլլար տային ինձ:

Ջեննին ժպտում էր: Միայն նա էր, որ լսում էր Գերհարդի գանգատները. նա Լեւթերից կարեկցանք տեսնելու հույս էլ չուներ: Իր սեփական գրոշները նա համարյա ամբողջությամբ տալիս էր եկեղեցուն, և պաստորը նրան համարում էր հեղուկյան, բարոյականության, բարեպաշտության օրինակ, մի խոսքով՝ բոլոր առաքինությունների մարմնացում:

Եվ այսպես, շնայած մարդկանց շարագույժ քրթմնջոցին ու փսփոսոցին, այդ տարիներն ամենաերջանիկն էին Ջեննիի կյանքում:

Լեւթերը, թեպետև երբեմն տարակուսանքներ էր ունենում, թե ճիշտ է արդյոք իր բռնած ուղին, բայց միշտ սիրա-



լիւր և ուշադիր էր Զեննիի նկատմամբ և բոլորովին գոհ էր իր ընտանեկան պայմաններից:

— Ամեն ինչ կարգի՞ն է,— հարցնում էր Զեննին, երբ նա երեկոյան վերադառնում էր տուն:

— Իհարկե,— պատասխանում էր Լեսթերը և սիրալիւր թիթփացնելով նրա այտին՝ սենյակներն էր անցնում, երբ ծրաջան ժաննետը նրա վերարկուն ու գլխարկն էր կախում:

Զմեռը նրանք նստում էին գրադարանում, վիթխարի բուխարիկի առաջ: Գարնանը, ամառն ու աշնանը Լեսթերը գերադասում էր վերանդան, որտեղից մի գեղեցիկ տեսարան էր բացվում դեպի այգու բացատն ու խաղաղ փողոցը: Այստեղ նա ծխում էր իր մինչճաշյան սիգարը, իսկ Զեննին նրա բազկաթոռի թեկին նստած՝ նրա գլուխն էր շոյում:

— Քո մազերը բոլորովին չեն նոսրացել,— ասում էր նա:— Դու գո՞հ ես:— Կամ թե կշտամբում էր նրան.— Ինչո՞ւ ես ճակատդ կնճռոտում: Մի՞թե կարելի է: Եվ ինչո՞ւ այսօր առավոտյան դու փողկապդ չէիր փոխել: Զէ՞ որ ես նորն էի դրել մոտդ:

— Մոռացել էի,— պատասխանում էր Լեսթերը և ճակատի կնճիռները հարթում կամ ծիծաղելով ասում, թե շուտով ինքը մի ահագին ճաղատ կունենա:

Հյուրասենյակում, վեստայի և Գերհարդի ներկայութեամբ ևս Զեննին նրա հետ սիրալիւր էր լինում, բայց մի փոքր ավելի զուսպ: Զեննին սիրում էր խաղեր ու գլուխկոտորոցներ՝ ապակու տակ գնդիկներ, ռեբուսներ, սեղանի բիլիարդ: Լեսթերը նույնպես մասնակցում էր այդ պարզ խաղերին: Երբեմն նա ժամերով նստում էր որևէ գլուխկոտորոցի վրա: Զեննին արտակարգ ճարակութեամբ մասնակցում էր նրա զբաղմունքին և հպարտ ու երջանիկ էր զգում իրեն, երբ նա դիմում էր իր օգնութեանը: Իսկ եթե Լեսթերն ուզում էր, որ անպայման ինքը մենակ լուծի հանելուկը, Զեննին լուռ հետևում էր նրան ձեռքը վզովը գցած և կզակը նրա ուսին դրած: Լեսթերին այդ դուր էր գալիս, նրան հաճույք էր պատճառում Զեննիի սերը, որ նա այնպես առատորեն ցուցաբերում էր, և չէր դադարում հիանալ նրա շահելութեամբ ու գեղեցկութեամբ: Զեննիի հետ

նա ինքն էլ իրենն երիտասարդ էր զգում, իսկ կյանքում ամենից ավելի կեսթերին սարսավեցնում էր անիմաստ ծերության մոտեցումը: Հաճախ նա ասում էր.

— Ես ուզում եմ երիտասարդ մնալ կամ մեռնել երիտասարդ հասակում:

Եվ Ջեննին հասկանում էր նրան: Սիրելով կեսթերին՝ հիմա նա ինքն էլ գոհ էր, որ այնքան երիտասարդ է նրանից:

Ջեննին առանձնապես ուրախացնում էր այն, որ կեսթերն ավելի ու ավելի էր կապվում Վեստայի հետ: Հաճախ երեկոները նրանք հավաքվում էին գրադարանում: Վեստան ահագին սեղանի առաջ նստած դասերն էր պատրաստում, Ջեննին կար էր անում, Գերհարդն իր անվերջանալի գերմանական լրագրերն էր կարդում: Ծերունուն վշտացնում էր, որ Վեստային թույլ չէին տալիս սովորել լութերական եկեղեցուն կից ծխական դպրոցում, բայց կեսթերը դրա մասին լսել անգամ չէր ուզում:

— Որպեսզի նրան ինչ-որ գերմանացիներ սովորեցնեն, Այդ էր պակաս, — ասաց նա, երբ Ջեննին սլատմեց նրան ծերունու նվիրական ցանկություն մասին: — Սովորում է տարրական դպրոցում, ինչպես բոլոր երեխաները, և հիանալի է: Ասա նրան, որ հանգիստ թողնի երեխային:

Երբեմն նրանք շորսը միասին առանձնապես լավ էին զգում իրենց: Կեսթերը սիրում էր ջգրացնել յոթամյա դպրոցականին: Երկու ծնկների մեջ առնելով Վեստային՝ նա սկսում էր թարսել հասարակ ճշմարտությունները և դիտել, թե աղջկա գիտակցությունն ինչպես է ընկալում նրա պարագոքսները:

— Ի՞նչ է ջուրը, — հարցնում էր նա և լսելով պատասխանը՝ «այդ այն է, որ մենք խմում ենք», զարմացած աչքերը չռում էր ու շարունակում հարցումները. — Լավ, բայց թե ինչ է դա, այդ զգիտե՞ս: Հապա էլ ի՞նչ են սովորեցնում ձեզ դպրոցում:

— Բայց չէ՞ որ մենք ջուրը խմում ենք, — չէր նահանջում Վեստան:

— Խմելը՝ խմում ենք, բայց թե ինչ բան է ջուրը՝ դու չգիտես: Հարցրու քո ուսուցչուհուն, գուցե նա քեզ կասի:

Եվ նա թողնում էր, որ երեխան գլուխ կտարի այդ գծված-  
րին հարցի վրա:

Աղջկա սնունդը, ամանները, հագուստը Լեւթերը պատ-  
րաստ էր ամեն ինչ քիմիական տարրերի բաժանել, և Վես-  
տան, աղոտ կեքպով ինչ-որ բան տեսնելով ծանոթ առարկա-  
ների արտաքին կեզևի ետևը, սկսում էր նույնիսկ վախենալ  
նրանից: Առավոտյան դպրոց գնալուց առաջ նա գալիս էր  
Լեւթերին երևալու, որովհետև նա շատ բժախնդիր էր երեխա-  
յի արտաքինի նկատմամբ: Սիրում էր միշտ նրան տեսնել  
զուգված, երկնագույն վիթխարի բանտը մազերին կապված,  
պատվիրում էր նրան հագցնել մերթ փապուճներ, մերթ ճր-  
կավոր կոշիկներ, նայած եղանակին, շոր հագցնելիս ընտրել  
հրա գեմքին ու բնավորությանը համապատասխան գույներ:

— Աղջիկն ուրախ-զվարթ բնավորություն ունի, — ասաց  
նա մի անգամ: — Ոչ մի մուգ բան նրան մի՛ հագցրեր:

Ջեննին տեսնում էր, որ այդ հարցում էլ պետք է խոր-  
հրդակցել Լեւթերի հետ և հաճախ աղջկանն ասում էր՝

— Գնա, թող քեզ քեռին տեսնի:

Վեստան գալիս էր և սկսում պտույտ գալ նրա առաջ  
ասելով.

— Տես:

— Այգպե՞ս, այդպե՞ս: Ամեն ինչ կարգին է: Կարող ես  
գնալ:

Եվ նա դուրս էր վազում:

Լեւթերն սկսեց ուղղակի պարծենալ Վեստայով: Կիրակի  
օրերն զբոսանքի դուրս գալիս նա միշտ Վեստային նստեց-  
նում էր իր և Ջեննիի միջև: Նա պնդում էր, որ երեխային  
տան պարեր սովորելու, և Գերհարդը վշտից ու ցասումից  
զուլթը կորցնում էր:

— Ինչպիսի՞ մեղք, — գանգատվում էր նա Ջեննիին: —  
Հենց միայն սատանայի սրտովն է: Պարե՛լ է պետք նրան:  
Ինչի՞ համար է: Որպեսզի նրանից մի ինչ-որ պտույտ՞ դուրս  
գա, որպեսզի հենց մե՞նք հետազայում ամոթանք տանք  
նրան:

— Դու էլ ի՛նչ ես ասում, հայրիկ, — առարկում էր Ջենն.

նին:— Սրա մեջ ոչ մի դարհուրելի բան չկա: Դպրոցը շատ լավն է: Լեսթերն ասում է, որ ՎեստաՅի համար օգտակար է սովորել:

— Օ՛հ, այդ Լեսթերն էլ... Շատ բան է հասկանում, թե որն է օգտակար հրեխային: Ինքը թուղթ է խաղում, վիսկի է խմում:

— Կամաց, կամաց, հայրիկ, այդպես խոսել չի հարկավոր,— հանգստացնում էր նրան Ջեննին:— Լեսթերը լավ մարդ է, դու ինքդ էլ գիտես այդ:

— Որոշ կողմերով լավ է, բայց ո՛չ ամեն բանում: Օ՛հ, ո՛չ ամեն բանում:

Եվ նա հեռանում էր անբավական փնթփնթալով: Լեսթերի ներկայությամբ նա սուս էր մնում, իսկ Վեստան ինչ ուզենար, այն էլ անում էր պապի հետ:

— Պապիկ,— ասում էր նա Գերհարդի թեկից քաշելով կամ նրա կողք աչտը շոյելով, և պապը զիջում էր ամեն բանում: Նա անզոր էր թոռան շոյանքի առաջ, մի ինչ-որ բան կոկորդն էր գալիս ու խեղդում նրան:

— Գիտե՞մ ես քեզ, շարաճճի՛,— ասում էր նա:

Իսկ Վեստան մեկ էլ տեսար նրա ականջը կսմթեց:

— Դե վե՛րջ տուր,— փնթփնթում էր նա:— Բավական է շարություն անես:

Բայց ամեն ոք կարող էր նկատել, որ Վեստան դադարում էր միայն այն ժամանակ, երբ ինքն էր ձանձրանում շարություններից: Գերհարդը պաշտում էր թոռնիկին և կատարում էր նրա ամենափոքր ցանկությունն անգամ: Նա թոռնիկի հյուստրուկն էր:

## Գ Լ Ո Ւ Խ XXXIX

Այս ամբողջ ժամանակամիջոցում շարունակում էր աճել Լեսթերի ընտանիքի անբավականությունը, որ առաջացել էր նրա անկանոն կյանքից: Հարադատների համար պարզ էր, որ վաղ թե ուշ խայտառակությունն անխուսափելի է: Արդեն

չարագույժ լուրեր էին պատմում: Թվում էր, թե բոլորին ամեն ինչ հայտնի է, թեև ոչ ոք բացարձակ ոչինչ չէր ասում: Ավագ Քեյնը ուղղակի զարմանում էր, թե ինչպես կարող էր իր որդին այդպես դեմ գնալ հասարակությանը: Գոնե մի բացառիկ հետաքրքիր կին լիներ նա, որևէ հայտնի դերասանուհի, նկարիչ, բանաստեղծուհի լիներ, էլի կարելի էր կեսթերի մոլորու: Թյունը մի կերպ բացատրել, եթե ո՛չ արդարացնել: Բայց, ինչպես Լուիզան է նկարագրում, դա մի շատ հասարակ կին է, որ ոչ գեղեցկությամբ է փայլում, ոչ տաղանդով. անհասկանալի է, ուղղակի անհասկանալի:

Լեսթերը, իր որդին, իր սիրելին: Որպիսի՞նք ցավ, որ նա իր կյանքը մարդավայել չգասալորեց: Յինցիսնատիում նա շատ կանանց էր դուր գալիս: Վերցնենք թեկուզ Լետտի Պեյսը: Ա՛յ թե ում հետ պիտի ամուսնանար նա: Գեղեցիկ է, խելոք, սիրտն էլ՝ բարի: Ծերունի Քեյնը վշտանում էր ու տըրտընջում, իսկ հետո էլ սկսեց զայրանալ: Ամո՛թ Լեսթերին, որ այդպես նեղացնում է հորը: Նրա վարմունքն անբնական է, աններելի, վերջապես անթույլատրելի: Արչիբալդ Քեյնը երկար ժամանակ տանջվում էր այս մտքից և վերջապես զգաց, որ այսպես շարունակել չի կարող, թեև կգժվարանար ասել, թե որը պիտի լինի փոփոխությունը: Լեսթերն ինքնագլուխ մարդ է և դիտողություններ չի հանդուրժի: Դուրս է գալիս, որ ոչինչ չի կարելի անել:

Մի շարք հանգամանքներ խնդրի լուծումն արագացրին: Լուիզան դեպի Զիկագո կատարած իր շարաբաստիկ ճամփորդությունից շատ չանցած՝ ամուսնացավ, և ծերունիների տունը դատարկվեց, երբեմն միայն հյուր էին գալիս թոռնիկները: Լեսթերը Լուիզայի հարսանիքին ներկա չէր, թեև հրավեր ստացել էր: Հետո մեռավ միսիս Քեյնը, և նրա մահվան կապակցությամբ ծերունի Արչիբալդն ստիպված էր իր կտակը փոխել: Դրա համար պահանջվում էր Լեսթերի ներկայությունը: Լեսթերը եկավ ճնշված այն գիտակցությունից, որ վերջին ժամանակներս այնքան քիչ է տեսնվել մոր հետ և այնքան շատ վիշտ է պատճառել նրան, բայց իր գործերի մասին ոչ մի խոսք չասաց: Հայրը մեկ մտածեց փոսել որդու հետ, բայց

հետո միտքը փոխեց. շատ մոայլ տրամադրության մեջ էր նա: Լեւթերը վերադարձավ Զիկագո, և միառժամանակ նորից ամեն ինչ խաղաղվեց:

Լուսիզայի ամուսնությունից և կնոջ մահից հետո ծերունի Քեյնը փոխադրվեց Ռոբերտի մոտ, որովհետեւ ծեր հասակում նրա ամենամեծ ուրախությունը թոռնիկներն էին: Այժմ Ռոբերտն իր ձեռքն էր առել Ֆիրմայի բոլոր գործերը, թեև դրամազլխի վերջնական բաժանումը կարող էր տեղի ունենալ միայն ծերունու մահից հետո: Հուսալուով, թե վերջ ի վերջո ամբողջ ձեռնարկության գլուխն է դառնալու՝ Ռոբերտն առանց ուժերը խնայելու ամեն կերպ սիրաշահում էր հորը, քույրերին ու նրանց ամուսիններին: Ճիշտ չէր լինի ասել, թե նա քծնում էր նրանց, պարզապես դա գործարարի սառն հաշվենկատություն էր, շատ ավելի խորամանկ, քան կարող էր ենթադրել Լեւթերը: Ռոբերտի անձնական կարողությունը արդեն կրկնակի չափով ավելի էր մյուս ղավակների կարողությունից, բայց նա դա գաղտնի էր պահում և ձեռքնում էր, թե շատ համեստ միջոցներ ունի: Նա դիտեր, որ աղգակիանների նախանձը կարող է իրեն վնասել, և սպարտական կյանք էր վարում՝ առժամանակ հույսը դնելով կանխիկ դրամի վրա, որ աննկատելի էր, բայց և հուսալի: Մինչ Լեւթերը լող էր տալիս հոսանքի հետ, Ռոբերտն աշխատում ու աշխատում էր առանց ձեռքերը ծակելու:

Այն հանգամանքը, որ Ռոբերտը եղբորը Ֆիրմայի ղեկավարությունից հեռացնելու միտքն էր փայփայում, առանձին նշանակություն չուներ, քանի որ ծերունի Քեյնը Լեւթերի Զիկագոյում վարած կյանքի մասին երկար խորհելուց հետո ինքն էր հանգել այն եզրակացության, որ նրան դրամազլխի մի զգալի մաս տալն անմտություն կլիներ: Երեւում է՝ ինքը գերադնահատել է Լեւթերին: Գուցե և Լեւթերն սովելի խելացի և ավելի բարեսիրտ է եղբորից, էսթետիկական սահանջների և հասարակության մեջ ունեցած հաջողության կողմից նրա հետ համեմատել անգամ չի կարելի, բայց Ռոբերտը հիանալի գործարար թափ ունի: Նա կարողանում է առանց աղմուկի իր ուզածն անել: Եթե Լեւթերը հիմա խելք՝

չգա, էլ ի՞նչ կարելի է սպասել: Ավելի լավ չէ՞ դրամագլուխը թողնել նրան, ով կարող է նրա մասին հոգալ: Եվ Արշիբալդ Քեյնն արդեն պատրաստ էր իր հավատարմատարին կարգադրություն անել ու կտակը փոխել այնպես, որ Լեսթերը, եթե չուզեցի, բացի տարեկան շնչին եկամուտից, ուրիշ ոչ մի ժառանգություն չստանա: Բայց նա որոշեց Լեսթերին էլի մի հնարավորություն տալ. պահանջել, որ նա հրաժարվի իր մեղսակից կյանքից և հասարակության մեջ իրեն վայել տեղը գրավի: Գուցե դեռ ուշ չէ: Չէ՞ որ նա ապագայի այնպիսի հիանալի հեռանկարներ ունի: Մի՞թե նա ինքն իր թշնամին է: Մերոնի Արշիբալդը Լեսթերին գրեց, որ ինքը կուզենար խոսել նրա հետ, երբ իրեն հարմար կլինի, և երեսունվեց ժամից հետո Լեսթերն արդեն ծինցիներնատիումն էր:

— Ես սեղում եմ էլի մի անգամ խոսել քեզ հետ մի հարցի մասին, Լեսթեր,— սկսեց ծերունին,— թեև դա ինձ համար հեշտ չէ: Դու, իհարկե, գիտես ինչ նկատի ունեմ ես:

— Գիտեմ,— հանգիստ պատասխանեց Լեսթերը:

— Երբ ես դեռ շատ երիտասարդ էի, մտածում էի, որ ոչ մի դեպքում չեմ միջամտի իմ զավակների անձնակառուցումներին, բայց տարիների ընթացքում կարծիքս փոխվեց: Իմ գործի ընկերներ Օրինակով ես տեսա, թե խելամիտ ամուսնությունը որքան է օգնում մարդուն, և այն ժամանակ շատ ցանկացա, որ իմ զավակները, որքան կարելի է, հաջող ամուսնանան: Ես անհանգստանում էի քո մասին, Լեսթեր, և մինչև օրս էլ անհանգստանում եմ: Քո ներկայիս կապը ինձ շատ ծանր բոլակներ է պատճառել: Եվ քո մոտն էլ մինչև իր մահը հանգիստ չէր տալիս: Ուրիշ ոչ մի բան այդքան չի վշտացրել նրան: Արդյոք չե՞ս կարծում, որ ամեն ինչ սահման ունի: Կուրերը նույնիսկ մեր քաղաքն են հասել: Չիկագոյի մասին չգիտեմ, բայց կարծում եմ, որ դա այնտեղ ոչ ոքի համար գաղտնիք չէ: Իսկ դա անպայման վնասում է Չիկագոյի մեր բաժանմունքի շահերին: Եվ քեզ էլ է վնասում: Դա արդեն այնքան երկար է շարունակվել, որ այժմ քո ամբողջ ապագան սպառնալիքի տակ է, իսկ դու առաջվա պես համառում ես: Ինչո՞ւ:

— Երևի նրա համար, որ սիրում եմ նրան,— պատասխանեց Լեսթերը:

— Չեմ հավատում, թե դու այդ լուրջ ես ասում,— առարկեց հայրը:— Եթե նրան սիրեիր, հենց սկզբից հետը կամուսնանայիր: Տարիներով չէիր ապրի մի կնոջ հետ, խայտառակելով թե՛ նրան, թե՛ քեզ, և միայն խոսքով համոզելով, թե սիրում ես նրան: Գուցե դա կիրք է, բայց ամենևին ո՛չ սեր:

— Որտեղի՞ց դիտես, որ ես նրա հետ չեմ ամուսնացել,— անվրդով հարցրեց Լեսթերը: Նրան հետաքրքիր էր իմանալ, թե հայրն ինչպես կընկալի այդպիսի հնարավորությունը:

— Ճիշտ չէ՛,— ծերունին նույնիսկ մի փոքր բարձրացավ բազկաթոռից:

— Այո, ճիշտ չէ,— ասաց Լեսթերը,— բայց և կարող է ճիշտ դառնալ: Ես, կարող է պատահել, ամուսնանամ նրա հետ:

— Չեմ հավատում,— գոչեց հայրը:— Չեմ կարող հավատալ, որ խելքը գլխին մարդն այդպիսի հիմարություն անի: Ախր որտե՞ղ է քո գլուխը, Լեսթեր: Այսքան տարի մեղսալից կենակցությունից հետո դեռ դու ամուսնության մասի՞ն ես խոսում: Եթե այդպիսի միտք ունեիր, ասա խնդրեմ, ինչո՞ւ հենց սկզբից չամուսնացար նրա հետ: Խայտառակեցիր ծնողներիդ, մորդ սիրտը փշրեցիր, գործին վնաս հասցրիր, բամբասանքի առարկա դարձար, իսկ հիմա ուզում ես ամուսնանա՞լ: Չե՛մ հավատում:

Ծերունի Արչիբալդը վեր կացավ և ուղղվեց:

— Մի՛ հուզվիր, հայր,— շտապեց ասել Լեսթերը:— Այդպես մենք ոչ մի բանի չենք հասնի: Ես կրկնում եմ, որ կարող է պատահել՝ ամուսնանամ նրա հետ: Նա վատ կի՞ն չի, և ես շատ եմ խնդրում քեզ՝ վատ բան մի ասիր նրա մասին: Դու նրան երբեք չես տեսել և ոչինչ չգիտես նրա մասին:

— Միանգամայն բավականաչափ գիտեմ,— վճռականորեն առարկեց ծերունին:— Ես գիտեմ, որ ոչ մի կարգին կին նրա պես չէր վարվի: Ախր նա, անուշիկա, քո փողերի ետևից է ընկած: Ուրիշ ոչինչ նրան հարկավոր չի. այդ ամեն մի հիմար էլ կհասկանա:



— Ինչի՞ համար են այդպիսի խոսքերը, հայր,— խուժ  
ձայնով խոսեց Լեսթերը:— Դու հո նրան չես ճանաչում, երեսն  
էլ չես տեսել: Լուիզան եկել է ու դուրս տվել գլխին փշածը,  
դուք էլ հավատացել եք: Նա ամենեկին էլ այնպիսին չէ, ինչ-  
պես դու մտածում ես, և իզուր ես նրա մասին այդպես խիստ  
արտահայտվում: Իզուր տեղը վիրավորում ես կնոջը, չգիտես  
ինչն՝ չես ուզում մի լավ բան մտածել:

— Լավ բան,— ընդհատեց նրան Արչիբալդը:— Իսկ դու  
ինքդ լա՞վ ես վարվում: Այդ լա՞վ բան է քո ընտանիքի, քո  
հանգուցյալ մոր նկատմամբ՝ փողոցից մի կին վերցնել ու  
նրա հետ ապրել: Լա՞վ է այդ...

— Բավական է, հայր,— գոչեց Լեսթերը ձեռքը բարձ-  
րացնելով:— Նախազգուշացնում եմ քեզ՝ ես հրաժարվում եմ  
այդպիսի բաներ լսել: Դու խոսում ես մի կնոջ մասին, որի  
հետ ես ապրում եմ, որի հետ գուցե և ամուսնանամ: Ես քեզ  
սիրում եմ, բայց թույլ չեմ տա սխալ բան ասել: Ես նրան  
փողոցում չեմ գտել: Դու շատ լավ գիտես, որ այդպիսի կնոջ  
հետ ես չէի ապրի: Կամ մենք հանգիստ կքննարկենք ամեն  
ինչ, կամ ես այստեղ չեմ մնա: Ներիր ինձ: Շատ եմ ափսո-  
սում, բայց այս տոնով խոսակցությունը շարունակելուց  
հրաժարվում եմ:

Ծերունի Արչիբալդը հանդարտվեց: Ինչ էլ որ լիներ, նա  
հարգում էր իր անհնազանդ որդուն: Նա ետ ընկավ բազկաթո-  
ռի թիկնակին և հայացքը ցած գցեց: Հիմա ի՞նչ աներ:

— Դու էլի այնտե՞ղ ես ապրում,— հարցրեց նա վեր-  
ջապես:

— Ոչ, մենք փոխադրվել ենք Հայդ-Պարկ: Այնտեղ ես  
տուն եմ վարձել:

— Լսել եմ, որ երեխա էլ կա: Քո՞ երեխան է:

— Ոչ:

— Իսկ ինքդ երեխաներ ունե՞ս:

— Ոչ:

— Դե գոնե դրա համար փառք աստծո:

Լեսթերը լուռ կզակը տրորեց:

— Եվ դու հաստատու՞մ ես, որ ամուսնանում ես նրա հետ:

— Ես այդպիսի բան չասացի: Ես ասացի՝ գուցե թե ամուսնանամ:

— Գուցե՞ թե, — գռչեց ծերունին նորից բռնկվելով զայրույթով: — Ինչպիսի՞ ողբերգություն: Եվ այդ՝ ունենալով քո ապագան, քո հնարավորությունները: Ի՛նքդ դատիր. կարո՞ղ եմ ես իմ կարողության մի մասը վատահել մի մարդու, որը թքում է աշխարհի կարծիքի վրա: Դուրս է գալիս, որ և՛ մեր ֆիրման, և՛ մեր ընտանիքը, և քո վարկը՝ այս ամենը քեզ համար դատարկ բա՛ն են: Որտե՞ղ է քո հսկարտությունը, լեսթեր: Ոչ, դա մի ինչ-որ անհավատալի, արտառոց ցնորք է:

— Սա դժվար է բացատրել, հայր, ես ուղղակի չեմ կարող բացատրել: Մի բան ինձ պարզ է. ես ինքս եմ սկսել այս պատմությունը և պարտավոր եմ մինչև վերջ տանել: Ամեն ինչ կարող է վերջանալ միանգամայն բարեհաջող: Գուցե ես կամուսնանամ, գուցե՝ չէ: Այժմ՝ որոշակի ոչինչ չեմ կարող ասել: Դու պետք է սպասես: Իսկ ես կանեմ, ինչ կարող եմ:

Ծերունի Արչիբալդը կշտամբանքով գլուխն օրորեց:

— Դու, ես տեսնում եմ, բոլորովին փճճվել ես, լեսթեր: Էլ դրանից դենը տեղ չկա: Եվ, որքան ես հասկանում եմ, մտադիր ես քո ասածին մնալ: Ինչ էլ ես ասելու լինեմ, միևնույն է, երևում է, քեզ խելքի բերել չի լինի:

— Ես շատ եմ ցավում, բայց հիմա դա ճշմարտություն է, հայր:

— Դե ուրեմն նկատի ունեցիր, որ եթե դու հարկ եղած հարգանքը չցուցաբերես մեր ընտանիքին և հենց քեզ՝ որպես մեր ֆիրմայի ներկայացուցչի, ես ստիպված կլինեմ փոխել իմ կտակը: Ներողամիտ լինելով քո կեղտոտ արարքների նրկատմամբ՝ վերջի վերջո՝ ես ինքս էլ դրանց մասնակից եմ դառնում: Այդ լինել չի՞ կարող: Բաժանվիր նրանից կամ ամուսնացիր հետը: Բայց դու պարտավոր՝ ես անել այս կամ այն: Առաջին դեպքում՝ ամեն ինչ լավ կլինի: Դու կարող ես հիանալի տալահովել նրան. խնդրե՞մ, ես չեմ առարկում: Ուրախությամբ դրա համար փող կտամ, որքան ցանկանաս: Եվ

դու ժառանգության քո բաժինը կատանաս մյուս զավակներին հավասար, ինչպես և միշտ ենթադրվել է: Բայց եթե դու ամուսնանաս, բանն ուրիշ կլինի: Ինքդ ընտրիր: Եվ ինձ վրա մի բարկացիր: Ես քեզ սիրում եմ: Ես քո հայրն եմ: Ես վարվում եմ այնպես, ինչպես թեւադրում է իմ պարտքի զգացմունքը: Մտածիր այս ամենի մասին և ինձ հայտնիր քո որոշումը:

Լեսթերը հառաչեց: Նա հասկանում էր, որ վիճելն անօգուտ է: Հայրը, երևում է, կատակ չի անում, բայց ինչպե՞ս թողնել Ջեննիին: Ինքը երբեք իրեն չէր ների այդպիսի ստորությունը: Դե լավ, մի՞թե հայրն իրոք իրեն կզրկի ժառանգությունից: Ոչ, իհարկե: Ծերունին նրան սիրում է, ինչ էլ լինի, այդ երևում է: Լեսթերը շփոթվել էր ու վրդովվել: Նա հարկադրանք չէր հանդուրժում: Մի մտածեցեք. նրան, Լեսթեր Քեյնին մղում են դեպի այդպիսի ստորություն՝ լքել Ջեննիին: Նա գլուխը կախեց և մոռցվադեմ լռեց:

Ծերունի Արչիբալդը հասկացավ, որ նետը նպատակակետին է դիպել:

— Ի՛նչ արած,— վերջապես ասաց Լեսթերը,— հիմա մենք այլևս խոսելիք չունենք. այս կարծես պարզ է: Ես չգիտեմ, թե ինչպես կվարվեմ: Հարկավոր է մտածել: Միանգամից ոչինչ վճռել չեմ կարող:

Նրանք նայեցին իրար: Լեսթերը ցավում էր, որ աշխարհի կարծիքն իր դեմ է, և հայրն այդպես ծանր ապրումներ է ունենում դրա համար: Ծերունին էլ խղճում էր որդուն, բայց հաստատ որոշել էր իր գիծը մինչև վերջ տանել: Նա վստահ չէր, թե իրեն հաջողվել է խելքի բերել Լեսթերին, բայց և հույսը չէր կտրում. գուցե թե որդին դեռ միտքը կփոխի:

— Յտեսություն, հայր,— ասաց Լեսթերը ձեռքը մեկնելով:— Կարծեմ ես ժամը երկուսի գնացքին կհասնեմ: Ուրիշ որևէ բանի համար քեզ պետք չե՞մ:

— Ոչ:

Լեսթերի գնալուց հետո ծերունին երկար ժամանակ նրստել էր մտքի մեջ ընկած: Այսպես կործանե՞լ իր ապագան: Հրաժարվել այսպիսի հնարավորություններից: Այսպիսի

կույր համառություն ցուցաբերել մեղքի ու մոլորության մեջ։ Նա գլուխն օրորեց։ Ո՛չ, Ռոբերտն ավելի խելացի է։ Նա իսկապես ընդունակ է գլխավորելու խոշոր ձեռնարկությունը։ Նա զգուշավոր է, խելամիտ։ Ա՛խ, եթե Լեսթերն ունենայ այդ արժանիքները։ Մերունին նստել էր անշարժ և մտածում էր, մտածում, գաղտուկ զգալով, որ մոլորված որդին առաջվա պես առաջին տեղն է գրավում իր սրտում։

## Գ Լ ՈՒՆ XL

Լեսթերը վերադարձավ Չիկագո։ Նա իրեն հաշիվ էր տալիս, որ հորը լուրջ վիրավորեց։ Դեռ երբեք ծերունի Արչիբալդը նրա հետ այդպես ղայրացած չէր խոսել։ Բայց հիմա էլ Լեսթերը համոզված չէր, թե գործն անուղղելի է։ Այն միտքը, թե ինքը կարող է հոր սերն ու վստահությունը պահպանել, եթե միայն որևէ որոշակի բան վճռի, ուղղակի չէր տեղավորվում նրա գլխում։ Ինչ վերաբերում է «աշխարհի կարծիքին», ապա թող մարդիկ շատախոսեն ինչ ցանկանում են և որքան կարող են։ Ինքը կարող է յուր գնալ առանց նրանց էլ։ Բայց, ի դեպ, այդպե՞ս է արդյոք։ Ամեն մի թուլություն, նույնիսկ թուլության նշան խրտենցնում է մարդկանց։ Նրանք բնազդաբար հեռու են փախչում ձախորդներից, խուսափում են նրանցից, ասես վախենալով, թե կվարակվեն։ Լեսթերն առիթ ունեցավ իր վրա ստուգելու այդ նախապաշարմունքի ուժը։

Մի անգամ նա հանդիպեց Բերրի Դոջին, որը միլիոնատեր էր և «Դոջ, Հոլբրուք և Քինսբերի» ֆիրմայի ղեկավարը։ Այդ ֆիրման տեքստիլ արդյունաբերության մեջ նույնպիսի տեղ էր գրավում, ինչպես «Քեյն ընկերությունը» կառքերի արտադրության մեջ։ Լեսթերը Դոջին համարում էր իր լավագույն բարեկամներից մեկը, նրա հետ նույնքան մտերիմ էր, ինչպես Քլիվլենդում Հենրի Բրայսբերիջի հետ կամ Ցինցին-նատիում Զորջ Նոուզի հետ։ Նա հաճախ էր եղել Դոջի առափնյա սքանչելի տանը, նրանք միշտ հանդիպել էին մերթ գոր-

ծերով, մերթ աշխարհիկ ընդունելությունների ժամանակ։ Բայց Լեսթերի Հայդ-Պարկ փոխադրվելուց հետո նրանց մտերմությունը ի չիք էր դարձել։ Եվ ահա նրանք հանդիպեցին Միշիգան փողոցում, Քեյն ֆիրմայի բաժանմունքի մոտ։

— Օ՛հ, Լեսթեր, վաղուց չենք տեսնվել,— ասաց Դոջը քաղաքավարությամբ ձեռքը մեկնելով։ Նրա խոսքի տոնը Լեսթերին սովորականից սառն թվաց։— Լսել եմ՝ այս ժամանակամիջոցում դու ամուսնացել ես։

— Այդպիսի բան չկա,— պատասխանեց Լեսթերը այն մարդու տոնով, որը ցանկանում է, որ իր խոսքերը հասկացվեն ընդհանուրի կողմից ընդունված իմաստով։

— Ի՞նչ կարիք կա գաղտնի պահել,— շարունակեց Դոջը և ուզում էր ժպտալ, բայց միայն շրթունքները ծոմոեց. նա շատ էր ուզում մտերմական տոնը պահպանել և պատվով դուրս գալ այդ փափուկ դրությունից։— Այդպիսի բաները մենք սովորաբար չենք թաքցնում։ Մտերիմ ընկերներին կարելի էր ասել։

— Դե, իսկ ես որոշեցի շեղվել այդ կանոնից,— ասաց Լեսթերը, զգալով, թե ինչպես թունավոր սեպ է խրվում իր մեջ,— ես չեմ գտնում, որ այդպիսի դեպքերը պետք է թըմբկահարել։

— Ճաշակի հարց է,— անփույթ խոսեց Դոջը։— դու, իհարկե, քաղաքո՞ւմն ես ապրում։

— Հայդ-Պարկում։

— Լավ արվարձան է։ Է՛, իսկ ընդհանրապես գործե՞րդ ինչպես են։

Եվ նա ճարպկորեն խոսակցության նյութը փոխեց, ապա և շուտով հրաժեշտ տվեց Լեսթերին ձեռքն անփութորեն թափահարելով։

Լեսթերին ասես դանակով կտրեց այն միտքը, որ եթե Դոջը, իրոք, իրեն ամուսնացած մարդ համարեր, անպայման բազմաթիվ հարցեր կտեղար։ Որպես մոտիկ ընկեր՝ նա կուզենար շատ բան իմանալ նոր միսիս Քեյնի մասին։ Կսկսվեր մի թեթև զրույց, որ սովորական է միևնույն շրջանի մարդկանց միջև։ Դոջը նրան կնոջ հետ միասին հյուր կհրավիրեր

և կխոստանար, որ ինքն էլ կանցնի նրանց մոտ: Բայց հիմա՝ ոչ մի խոսք: Լեսթերը հասկացավ, որ սա իր իմաստն ունի:

Նույն ձևով վարվեցին նաև Մուր ամուսինները, Օլդրիջները և մի շարք ուրիշ ծանոթներ: Նրանք բոլորն էլ որպես թէ համարում էին, որ նա ամուսնացած է և լրջացած: Հարցնում էին, թե որտեղ է ապրում, կատակում էին նրա ծածկամտության առթիվ, բայց համառորէն հետաքրքրութուն չէին ցուցաբերում ենթադրյալ միսիս Քեյնի նկատմամբ: Լեսթերն ըսկըսում էր համոզվել, որ նրանց բռնած գիծը ոչ մի լավ բան չի խոստանում:

Ամենազգալի հարվածներից մեկը ո՛չ դիտավորյալ, ուստի և առանձնապես դաժանորեն, հասցրեց նրան իր հին ծանոթ Ուիլյամ Ուիթնին: Մի օր երեկոյան Լեսթերը գնաց ակումբ՝ ճաշելու: Վերադառնալու հանելով, նա ուղղվեց դեպի ծրխախոտի կրպակը՝ սիգար գնելու և այդտեղ, ընթերցարանում հանդիպեց Ուիթնիին: Դա ակումբի մշտական հաճախորդ էր՝ բարձրահասակ, նիհարավուն, մաքուր սամիրված, անբասիր հագնված, փոքր-ինչ ցիսիկ մի մարդ, բացի դրանից, այդ երեկո էլ գլուխը մի քիչ տաք էր:

— Օհո՛, Լեսթեր,— ձայն տվեց նա:— Այդ ի՞նչ բույն ես հյուսել դու Հայդ-Պարկում: Երևում է, ժամանակ չե՞ս կորցրնում: Իսկ այդ ամենն ինչպե՞ս կբացատրես կնոջդ, երբ խելքիդ փշի ամուսնանալ:

— Ես ոչինչ պարտավոր չեմ բացատրել,— վրդովված պատասխանեց Լեսթերը:— Եվ ինչո՞ւ են այդքան հետաքրքրում քեզ իմ գործերը: Որքան գիտեմ, դու ինքդ էլ սուրբ չես:

— Հա՛, հա՛, հա՛: Այդ շատ լավ է, ազնիվ խոսք լավ է: Չլինի՞ դու ամուսնացել ես այն գեղեցկուհու հետ, որի հետ միշտ զբոսնում էիր Հյուսիսային կողմում, հը՞: Հա՛-հա՛-հա՛: Ա՛յ քեզ բան: Ամուսնացե՛լ ես: Բայց գուցե մարդիկ փշո՞ւմ են:

— Լոի՛ր, Ուիթնի,— ընդհատեց նրան Լեսթերը:— Հիմարություններ ես դուրս տալիս:

— Ներողութուն,— ասաց Ուիթնին հանդգնորեն, բայց

արդեն սկսելով խելքի գալ: Ներողութիւնն եմ խնդրում: Դու մի՛ մոռացիր, ախր ես մի քիչ հարբած եմ: Ութ բաժին վիսկի հենց նոր կու տվի բուֆետում: Ներիր: Մենք կխոսենք, երբ իմ խելքը գլխիս կլինի, չէ՞ կեսթեր: Հա՛-հա՛-հա՛, իսկապես որ ես մի քիչ հարբած եմ: Դե՛, հաջողութիւն քեզ: Հա՛-հա՛-հա՛:

Այդ այլանդակ ծիծաղը երկար ժամանակ կեսթերի ականջից դուրս չէր գալիս: Այն հնչում էր որպես վիրավորանք, թեպետև Ուիթնին հարբած էր: «Գեղեցկուհին, որի հետ դու զբոսնում էիր Հյուսիսային կողմում: Չլինի՞ ամուսնացել ես նրա հետ»: Կեսթերը վրդովմունքով էր մտաբերում Ուիթնիի լպիրշ ականարկները: Գրող ու ցավ: Այս արդեն չափից դուրս է: Իրեն՝ կեսթեր Քեյնին, այսպիսի բանե՞ր ասեն... Նա մտքի մեջ ընկավ: Այո, շատ թանկ է վճարում ինքը, որ որոշել է Ջեննիի հետ վարվել ինչպես վայել է կարգին մարդուն:

## Գ Լ Ո Ւ Ն XLI

Բայց դա վատագույնը չէր: Ամերիկյան հասարակութիւնը սիրում է բամբասել սույն աշխարհի ուժեղներին, իսկ Քեյնները հարուստ էին և բոլորի աչքի առաջ: Եվ ահա լուր տարածվեց, թե կեսթերը, ֆիրմայի գլխավորի անմիջական ժառանգներից մեկը, ամուսնացել է մի սպասուհու հետ: Եվ այդ նա՛, միլիոնատիրոջ որդին: Հնարավո՞ր բան է: Ահա, իսկապես, մի հրապուրիչ պատառ՝ լրագրողների համար: Եվ թերթերը չհապաղեցին թոցնել այդ գրգռիչ լուրը: «Հարավային կողմի նորութիւններ» աշխարհիկ թերթը, առանց կեսթերի անունը տալու գրեց «Ցինցիննատիի կառքերի նշանավոր հարուստ գործարանատիրոջ որդու մասին» և համառոտակի շտրադրելով նրա սիրավեպը, վերջում ավելացրեց «Միսիս \*\*\*-ի մասին հայտնի է միայն, որ նա առաջ Քլիվենդում որպես սպասուհի ծառայելիս է եղել մի հարգարժան ընտանիքում, իսկ դրանից առաջ էլ աշխատել է Կոլումբուսում, Օհայոյի նահանգում: Ո՞վ կհամարձակվի պնդել, թե ումանտի-

կան մահացել է, երբ բարձր հասարակության մեջ տյուսլիսի գունագեղ էպիդոդներ են աեղի ունենում»:

Լեսթերը կարդաց այդ լուրը: Նա ինքը «Նորություններ» չէր ստանում, բայց ինչ-որ մի բարի սիրտ հոգացել էր նրա մասին, և նա փոստով ստացավ մի օրինակ, որի մեջ հարկավոր սյունակում կարմիր մատիտով ընդդժում էր արված: Լեսթերը բարկացավ, կասկածելով, թե ուզում են իրենից դրամ շորթել, բայց չգիտեր ինչպես վարվի: Նա, իհարկե, կուղենար վերջ տալ լրագրային այդ շատախոսությանը, բայց մտածեց, որ եթե ինքը բողոքի, դրանից դորժը կարող է ավելի վատանալ: Եվ ոչ մի բան չարեց: «Նորություններ»-ի լուրը, ինչպես և պետք էր սպասել, ուրիշ թերթերի ուշադրությունն էլ գրավեց: Սա մի հարուստ նյութ էր, և կիրականօրյա թերթի մի ձեռներեց խմբագիր որոշել էր այդ նյութից քամել բոլորը, ինչ հնարավոր է: Այդ ումանտիկ պատմությունը ծավալել մի ամբողջ էջի վրա՝ աղաղակող վերնագրով, ինչպես օրինակ՝ «Միլիոնները զոհաբերեց սպասուհու սիրո համար», տալ Լեսթերի, Ջեննիի պատկերները, Հայդ-Պարկի տան, Քեյ-նի Յինցիննատիի ֆաբրիկայի, Միչիգան ավենյուի պահեստի նկարները և ահա սենսացիան ապահովված է: «Քեյն ընկերությունը» մամուլում հայտարարություններ չէր տալիս: Թերթը ոչնչով պարտական չէր նրան: Եթե Լեսթերը նախադգուշացված լիներ, կարող էր այդ մտադրության իրականացումը կանխել թերթին մի հայտարարություն ուղարկելով կամ հրատարակչի հետ խոսելով: Բայց նա ոչինչ չգիտեր, ուստի և ոչինչ չէր արել: Իսկ խմբագիրն աշխատել էր ինչպես պետք է: Յինցիննատիի, Քլիվլենդի և Կոլումբուսի թղթակիցներին առաջարկվել էր հեռագրով հաղորդել, թե այդ քաղաքներում հայտնի՝ է արդյոք Ջեննիի պատմությունը: Քլիվլենդում դիմեցին Բրայսբրիջներին, որպեսդի իմանան՝ Ջեննին աշխատե՞լ է արդյոք նրանց տանը: Կոլումբուսից խիստ աղավաղված լուրեր ստացվեցին Գերհարդների ընտանիքի մասին: Պարզվեց, որ իր ենթադրյալ ամուսնությունից առաջ Ջեննին մի քանի տարի ապրել է Հյուսիսային կողմում: Այսպես պատահիկ-պատահիկ վերականգնվեց ամբողջ պատմությունը:



Խմբագրի մտքովն էլ շէր անցնում խարազանել կամ վրդովւ-  
վել, ավելի շուտ նա կարծում էր, թե սիրալիր գործ է անում:  
Բաց թողնվեցին մի շարք անհաճո մանրամասնութիւններ.  
այն, որ Վեստան, ամենայն հավանականութեամբ, ապօրինի  
երեխա է, որ Լեսթերն ու Ջեննին, ըստ երևույթին, երկար ժա-  
մանակ ապօրինի կենակցության մեջ են եղել, որ Լեսթերի  
ամուսնութիւնից նրա ընտանիքի բոլորին հայտնի անբավա-  
կանութիւնը ժանրակշիռ հիմքեր ունի: Խմբագիրը յուրահա-  
տուկ մի Ռոմեո և Ջուլիետի պատմութիւն հորինեց, որի մեջ  
Լեսթերը պատկերվում էր որպէս բոցավառ, անձնուրաց սի-  
րական, իսկ Ջեննին որպէս ժողովրդի ծոցից ելած մի աղ-  
քատ, բայց թովիչ աղջիկ, որին միլիոնատիրոջ անձնվեր սերը  
հարստացրել է ու դարձրել նշանավոր: Թերթի նկարիչը պատ-  
կերել էր վեպի հաջորդական փուլերը: Լեսթերի նկարը լավ  
վարձատրութեամբ ստացել էին Յինցիննատիի լուսանկարչից,  
իսկ Ջեննիին Ֆոտոթիլթակիցը աննկատելիորեն լուսանկարել  
էր զբոսանքի ժամանակ: Մի խոսքով ամեն ինչ արվել էր բուլ-  
վարային մամուլի փորձված ձևերով:

Նվ ահա լույս տեսավ լրագիրը՝ ամբողջովին քծնանք ու  
քաղցր խոսքեր, բայց տողերի արանքից զգացվում էր տխուր  
ու մռայլ աստառը: Ջեննին միանգամից շիմացավ այդ: Լես-  
թերը պատահաբար նկատեց այդ ճակատագրական էջը և  
շտապեց պոկել այն: Նա անշափ զարմացած ու վրդովված էր:  
Սա ի՞նչ բան է, որ մի գրողի տարած լրագիր այսպէս է վար-  
վում մի կողմնակի անձի հետ, մի մարդու հետ, որը հանգիստ  
ապրում է առանց որեւէ մեկին խանգարելու: Իր սրտնեղու-  
թյան դառն զգացմունքը շմատնելու համար նա տանից դուրս  
գնաց: Նրա ճանապարհը գնում էր ոչ թե դեպի քաղաքի աշ-  
խույժ կենտրոնը, այլ նրանից հեռու, Կոտտեջ—Գրոուվ ավեն-  
յուով դեպի բաց պրերիա: Տրամվայի նստարանին օրորվելով  
նա աշխատում էր պատկերացնել, թե հիմա ինչ են մտածում  
իր նախկին բարեկամները՝ Դոջը, Բերնհեմ Մուրը, Հենրի  
Օլդրիչը: Այո, սա իսկական հարված է: Ի՞նչ անել: Ատամնե-  
րը սեղմել ու լռե՞լ, թե՞ անտարբեր ձեռք թափ տալ այդ նոր  
հոգսի վրա: Մի բան նրան պարզ էր. այդպիսի բան այլևս

չի հանդուրժի: Նա տուն վերադարձավ բաժնական հանգիստ վիճակում և սկսեց անհամբեր սպասել երկուշաբթի օրվան, որսկսեցի տեսնվի իր հավատարմատարի՝ միստր Ուոթսոնի հետ: Ի դեպ, երբ նրանք հանդիպեցին, երկուսն էլ շուտով հանգեցին այն որոշման, որ դատարան տալն անմտություն է: Ավելի լավ է լռության մատնել:

— Բայց այլևս այդպիսի բան չպիտի կրկնվի, — խոսքն ավարտեց Լեսթերը:

— Դրա մասին ես կհոգանմ, — հանգստացրեց նրան հավատարմատարը:

Լեսթերը վեր կացավ:

— Սատանան գիտե, թե ինչպիսի երկնում ենք տարում մենք, — գոչեց նա: — Եթե մարդ հարուստ է, ոչ մի տեղ թաքնվել չի կարող, ասես հուշարձան լինի կանգնած քաղաքի հրապարակում:

— Եթե մարդ հարուստ է, — ասաց միստր Ուոթսոնը, — նա հիշեցնում է զանգակը վզից կախված կատվին: Ամեն մի մուկ ճիշտ գիտե, թե որտեղ է նա և ինչ է անում:

— Այո, հարմար համեմատություն է, — մրթմրեց Լեսթերը:

Ջեննին էլի մի քանի օր անտեղյակ էր մնացել: Լեսթերը դիտմամբ այդ ցավոտ հարցը չէր շոշափում, իսկ Գերհարդը կիրականօրյա մեղսալից թերթեր չէր կարդում: Բայց հետո հարևանհիներից մեկը խոսակցության մեջ անտակտորեն ասաց Ջեննինին, թե կարդացել է նրա մասին գրված այն շատ հետաքրքիր պատմությունը: Ջեննին սկզբում ոչինչ չհասկացավ:

— Իմ մասին, — զարմացած գոչեց նա:

— Այո, այո, ձեր մասին և միստր Քեյնի, — պատասխանեց հյուրը: — Ձեր ամբողջ սիրավեպը:

Ջեննին բռնկեց:

— Ես ոչինչ չգիտեմ, — ասաց նա: — Իսկ դուք համոզված եք, որ այդ մեր մասին էր:

— Դե, իհարկե, — ծիծաղեց միսիս Սթենդլը: — Սխալվել ես ոչ մի կերպ չէի կարող: Թերթն էլ մոտոս մնում է: Եթե

ուղում եք, աղջկաս ձեռքով ուղարկեմ ձեզ: Նկարում դուք հիանալի եք դուրս եկել:

Ջեննին ամբողջովին կուշ եկաւ:

— Ես շատ շնորհակալ կլինեմ ձեզանից,— թոթովեց նա: Նրան տանջում էր այն միտքը, թե որտե՞ղ կարող են վերցրած լինել իր նկարը և ինչ է գրած լրագրում: Իսկ գլխավորը՝ ի՞նչ կասի Լեսթերը: Արդո՞ք նա տեսե՞լ է թղթակցութեանը: Ինչո՞ւ իրեն ոչինչ չի ասել:

Հարեանուհու աղջիկը թերթը բերեց, և Ջեննիի սիրտը պաղեց, երբ նա նայեց սոսկալի էջին: Ահա այն, սեռով սպիտակի վրա գրված: Զախ կողմը Լեսթերի պատկերն է, աջում՝ Ջեննիի, իսկ մեջտեղը՝ խոշոր տառերով վերնագիրն է և սլաքներ. «Ահա այս միլիոնատերը հրապուրվել է ահա այս սպասուհիով»: Տեքստում բացատրվում էր, որ Լեսթերը՝ Յինցին-նատիի կառքերի հայտնի գործարանատիրոջ որդին, զոհաբերել է իր նախանձելի հասարակական դիրքը, որպեսզի ամուսնանա սիրած կնոջ հետ: Ապա դալիս էին նկարները՝ Լեսթերը Ջեննիի հետ զրուցում է միսիս Բրայսբրիջի առանձնատանը, Լեսթերը Ջեննիի կողքին կանգնել է խստատես հարգարժան պաստորի առաջ, Լեսթերը Ջեննիի հետ զբոսնում է շքեղ կառքով, Ջեննին շքեղ կահավորված դահլիճի լուսամուտի առաջ կանգնած (դահլիճի շքեղութունը վկայում են ծանր վարագույրների ծալքերը) նայում է հեռվում հազիվ երևացող համեստ տնակին:

Ջեննին ղգաց, որ պատրաստ է ամոթից գետնի տակն անցնելու: Նա տանջվում էր ոչ այնքան իր, որքան Լեսթերի համար: Ի՞նչ ապրումներ է ունենալու նա: Իսկ նրա հարազատնե՞րը: Հիմա նրանց ձեռքին մի նոր զենք կա իր և Լեսթերի դեմ: Նա աշխատում էր հանգստանալ, տիրապետել իր զղացմունքներին, բայց արցունքները նորից ու նորից լցվում էին աչքերը: Դրանք հուզմունքի արցունքներ էին: Ինչո՞ւ են հալածում իրեն, թունավորում իր կյանքը: Մի՞թե չեն կարող հանգիստ թողնել իրեն: Ինքը որքա՞ն է աշխատում լավ վարվել: Մի՞թե մարդիկ չէին կարող օգնել իրեն, փոխանակ դեպի անդունդը հրելու...

Այդ նույն երեկոյան Ջեննին համոզվեց, որ Լեսթերին վաղուց է հայտնի ամեն ինչ. նա ինքը չարաբաստիկ թերթը տուն բերեց, հասուն խոհականութեամբ մտածելով, որ պարտավոր է անել այդ: Իր ժամանակին նա Ջեննինին ասաց, որ իրենց միջև գաղտնիք չպետք է լինի, և այժմ նա իրեն իրավունք չէր համարում թաքցնել նրանից այն, ինչ այդպես անսպասելի ու կոպիտ կերպով խախտեց իրենց հանգիստը: Նա Ջեննինին կասի, որ շանհանգստանա, որ դա ոչ մի նշանակութիւն չունի, բայց իր համար դա վիթխարի նշանակութիւն ունէր: Գարշելի լրագիրը նրան անուղղելի վնաս հասցրեց: Շատ թե քիչ խելամիտ մարդիկ — իսկ դրանց շարքումն էին իր բոլոր ծանոթներն ու մեծ թվով անծանոթները — հիմա Լհասկանան, թե ինչպես է ապրել ինքն այս տարիներին: Լրագրում ասված էր, որ նա Ջեննինի ետեւից Բլիվինզից գնացել է Չիկագո, որ Ջեննին ամաչկոտ է եղել ու անմատչելի, որ Լեսթերը երկար ժամանակ սիրահետել է նրան, մինչև որ ստացել է նրա համաձայնութիւնը: Դա պետք է բացատրեր նրանց համակեցութիւնը Հյուսիսային կողմում: Նրանց հարաբերութիւնների իսկական պատմութիւնը գունաղեղելու այս ապուշ փորձը կատաղեցնում էր Լեսթերին, թեպետև նա հասկանում էր, որ դա, այնուամենայնիվ, ավելի լավ է, քան այս կամ այն լկտի հարձակումը: Հյուրասենյակ մտնելով՝ նա լրագիրը գրպանից հանեց և փռեց սեղանին: Ջեննին, որ գիտեր, թե հիմա ինչ է լինելու, նրա կողքին կանգնած ուշադիր հետևում էր նրա շարժումներին:

— Այստեղ քեզ համար հետաքրքիր մի բան կա, — շորշոր ասաց նա, ցույց տալով թերթի նկարազարդ էջը:

— Ես արդեն տեսել եմ, Լեսթեր, — հոգնած պատասխանեց Ջեննին: — Հենց այսօր միսիս Սթենդլը ցույց տվեց ինձ այդ համարը: Չգիտեի միայն, դու տեսե՞լ ես այդ թե ոչ:

— Ա՛յ թե նախշել են ինձ, խոսք չունեմ ասելու: Ես չէի էլ կարծում, թե կարող եմ այդպիսի կրակոտ Ռոմեո լինել:

— Ես շատ եմ ցավում, Լեսթեր, — ասաց Ջեննին այդ

ուրախ կատակի տակ կռահելով նրա ծանր տրամադրությունը: Նա վաղուց գիտեր, որ Լեսթերը չի սիրում և չի կարողանում խոսել իր իսկական զգացմունքների և լուրջ հոգսերի մասին: Դեմ առնելով անխուսափելիին ու անհաղթահարելիին՝ նա գերադասում էր կատակի տալ այն: Եվ հիմա էլ նրա խոսքերը նշանակում էին. «Քանի որ, միևնույն է, գործին օգնել չենք կարող, տրամադրություններս չգցենք սրա համար»:

— Ես ամենևին էլ սա մի ողբերգություն չեմ համարում,— շարունակեց նա:— Բայց ոչ մի բան նախաձեռնել չի կարելի: Նրանք երևի լավագույն մտադրությունն են ունեցել: Պարզապես հիմա մենք շատ ենք աչքի ընկել:

— Հասկանում եմ, Լեսթեր,— ասաց Ջեննին մոտենալով նրան:— Բայց և այնպես ես շատ եմ ցավում:

Հենց այդ ժամանակ կանչեցին ճաշելու, և խոսակցությունն ընդհատվեց:

Բայց Լեսթերը չէր կարող ինքն իրենից թաքցնել, որ իր գործը լավ չէ: Հայրը բավական պարզ հասկանալ տվեց այդ վերջին զրույցի ժամանակ, իսկ հիմա էլ, ի լրումն ամենի, իրենցով մամուլն է զբաղվում: Այլևս կարիք չկա ձևացնել, թե իբր ինքն առաջվա պես մոտիկ է իր շրջանի մարդկանց: Նրանք իրեն ճանաչել էլ չեն ուզում, համենայն դեպս, նրանք, ովքեր շատ թե քիչ խիստ հայացքներ ունեն: Կան, իհարկե, և ուրախ ամուրիներ, և ամուսնացած քեֆ սիրողներ, և փորձված կանայք՝ ամուսնացուներ ու միայնակներ, որոնք ճշմարտությունն իմանալով շարունակում են լավ վերաբերվել նրան: Բայց այդ մարդիկ չեն կազմում նրա «հասարակությունը»: Ըստ էության նա իր ուղուց դուրս ընկածի վիճակում էր, և ոչ մի բան չէր կարող նրան փրկել, բացի իր ներկայիս կենսաձևերից վճռականապես հրաժարվելը: Այլ խոսքով ասած՝ նա պետք է կապերը խզեր Ջեննիի հետ:

Բայց Ջեննիից կտրվել նա չէր ուզում: Հենց միայն դրա մասին մտածելը խորապես անտանելի էր նրա համար: Ջեննին անդադրում ընդարձակում էր իր մտահորիզոնը: Հիմա նա շատ բան Լեսթերից վատ չէր հասկանում: Ջեննին պարզապես մի ինչ-որ փառասեր անձ չէր: Նա մի արտասովոր կին

էր, և բարեսիրտ: Նրան լքելը ստորութիւն կ'լինի, բացի դրանից, նա ինքնին լավ կ'ին էր: Լեւթերը քառասունվեց տարեկան էր, Ջեննին՝ քսանինն, բայց տեսքով՝ քսանհինգից ավելի չէր: Հազվադեպ երջանկութիւն է, եթե այն կնոջ մեջ, որի հետ ապրում ես, գտնում ես ջահելութիւն, գեղեցկութիւն, խելք, մեղմաբարո բնավորութիւն և քո սեփական հայացքները, միայն ավելի մեղմ ու հուզական ձևով: Հայրն իրավացի էր. նա ինքն էր կառուցել իր կյանքը, ինքն էլ ապրում է ինչպես կարող է:

Կրագրի այս անհաճո դեպքից շատ շանցած՝ Լեւթերն իմացավ, որ հայրը ծանր հիվանդ է, և ըոպե առ ըոպե սպասում էր, որ իրեն կկանչեն Յինցիինատի: Բայց գործերը նրան պահում էին գրասենյակում, և նա դեռ Չիկագոյումն էր, երբ հոր մահվան լուրը եկավ: Լեւթերն այդ լուրից ցնցված՝ շտապեց Յինցիինատի: Հոր պատկերն աննահանջ կանգնած էր նրա աչքի առաջ: Անկախ իրենց անձնական հարաբերութիւններից՝ հայրը միշտ էլ նրա համար եղել էր մեծ մարդ, հետաքրքիր և նշանավոր: Նա հիշեց, թե ինչպես մանուկ հասակում հայրն իրեն նստեցնում էր ծնկներին, ինչպես էր պատմում Իռլանդիայում անցկացրած իր պատանեկութեան մասին, ինչպիսի ջանքեր է թափել մարդամեջ դուրս գալու համար, իսկ հետո գործնական սկզբունքներ էր ներշնչում նրան, որոնք նրա մեջ առաջացել էին սեփական փողծի հիման վրա: Մերունի Արչիբալդն արդարամիտ և աղնիվ մարդ էր: Նրա նման Լեւթերն էլ ակնարկումներ ու խորամանկութիւններ չէր հանդուրժում: «Երբեք մի՛ ստիր, — միշտ ասում էր Արչիբալդը: — Երբեք մի՛ փորձիր փաստերն այնպես շներկայացնել, ինչպես ինքդ ես տեսնում: Ճշմարտութիւնը կյանքի շունչն է, բոլոր արժանիքների հիմքը, և գործի մթնոլորտում էլ այն լավ համբավ է ապահովում նրա համար, ով հաստատորեն ճշմարտութեան կողմն է պահում»: Լեւթերը հավատում էր այդ սկզբունքին: Նա միշտ հիանում էր հոր մարտական ուղղամտութեամբ և այժմ վիշտ էր ապրում իր կորուստի համար: Նա ցավում էր, որ հայրը չապրեց մինչև իր հետ հաշտվելը: Նրան արդեն սկսել էր թվալ, որ եթե ծերունին Ջեննիին տեսներ, նա դուր

կգար հորը: Նա շէր պատկերացնում, թե ինչպէս կարող էր ամեն ինչ կարգավորվել, պարզապէս զգում էր, որ Ջեննին ծերունու սրտովը կլինէր:

Երբ նա հասավ Յինցիննատի, ուժեղ ձյուն էր տեղում: Քամին ծակծկող փաթիլներ էր շարտում մարդու երեսին: Ձյունը խլացնում էր փողոցի սովորական աղմուկը: Կայարանում Լեսթերին դիմավորեց էմին: Չնայած իրենց անցյալի պառակտմանը, նա եղբորը տեսնելով ուրախացավ: Քույրերի մեջ նա ամենից ավելի հանդուրժելին էր: Լեսթերը նրան զրկեց և համբուրեց:

— Ինչ խելոքն ես դու, որ ինձ դիմավորեցիր, էմի,— ասաց նա:— Ասես առաջվա ժամանակներն են վերադարձել: է՛, ինչպե՞ս են մերոնք: Երևի բոլորը հավաքվել են: Խեղճ հայրիկ, քո ժամն էլ հասավ: Բայց նա մեծ և լի կյանք վարեց: Երևի գոհ էր այն ամենից, ինչ կարողացել էր անել:

— Այո,— ասաց էմին,— բայց մայրիկի մահից հետո նա շատ տխուր էր:

Նրանք կայարանից տուն էին գնում մտերմաբար զրուցելով և անցյալը վերհիշելով: Հին տանը արդեն հավաքվել էին բոլոր մոտիկ ու հեռու ազգականները: Լեսթերը նրանց հետ սովորական ցավակցական արտահայտություններ փոխանակեց, բայց ինքը շարունակ մտածում էր, որ հայրը երկար կյանք ապրեց: Նա հասավ իր նպատակին և մեռավ, ինչպէս խնձորն է հասունանում և գետին ընկնում: Հսկայական հյուրասենյակի մեջտեղը սև դագաղի մեջ պառկած հոր տեսքը Լեսթերի մեջ հարուցեց վաղուց մոռացված մանկական սիրո զգացմունքը: Նա նույնիսկ ժպտաց, նայելով խիստ դիմազրծերով այն վճռական զեմքին, որն ասես իր պարտքը կատարած լինելու գիտակցությունն էր արտահայտում:

— Լավ մարդ էր,— ասաց նա կողքին կանգնած Ռոբերտին:— Այդպիսի մի ուրիշին շուտով չես հանդիպի:

— Դու իրավացի ես,— հանդիսավորապէս հաստատեց Ռոբերտը:

Թաղումից հետո որոշվեց կտակը կարգաւ առանց հետաձգելու: Լուիզայի ամուսինն շտապում էր տուն՝ Բուֆալո

գնալ, Լեսթերը՝ Զիկադու: Եվ ահա երկրորդ օրը ազգականները հավաքվեցին «Նայթ, Քրիթլի և Օ'Բրայեն» իրավաբանական գրասենյակում, որը վարում էր ծերունի Քեյնի գործերը:

Լեսթերն այդ ժողովին էր գնում այն հավատով, որ հայրը իր կտակի մեջ չէր կարող իրեն անտեսած լինել: Նրանց վերջին խոսակցությունը տեղի էր ունեցել նորերս: Ինքը հորն ասել էր, որ ամեն ինչի մասին լավ մտածելու համար իրեն ժամանակ է հարկավոր, և հայրը ժամանակ էր տվել: Հայրը միշտ էլ սիրում էր Լեսթերին և հավանություն էր տալիս նրա ամեն մի քայլին, բացի Զեննիի հետ ունեցած կապերից: Լեսթերի խելամառությունը գործի մեջ՝ Փիրմային քիչ օգուտ չէր բերել: Նա որոշակի զգում էր, որ հայրը հիմք չունի իր հետ սովելի վատ վարվելու, քան մյուս զավակների:

Միստր Օ' Բրայենը, որ հաստամարմին ու անհանգիստ մի մարդ էր, սրտանց սեղմում էր գրասենյակ մտնող բոլոր ժառանգների և իրավատեր անձանց ձեռքը: Քսան տարի նա եղել էր Արչիբալդ Քեյնի անձնական հավատարմատարը, գիտեր նրա բոլոր համակրանքներն ու հակակրանքները, նրա բոլոր քմահաճույքները և իրեն նրա նկատմամբ խոստովանահոր նման մի բան էր համարում: Եվ սիրում էր նրա զավակներին, մանավանդ՝ Լեսթերին:

— Դե, ահա կարծես բոլորը հավաքվել են,— ասաց նա գրպանից հանելով եղջերաշրջանակ խոշոր ակնոցը և մտահոգ նայելով ներկաներին:— Շատ լավ: Կարելի է գործի անցնել: Ես կտակը կկարդամ առանց որևէ նախաբանի ու ներածականի:

Նա սեղանից վերցրեց մի մեծ թերթ թուղթ, հազաց և սկսեց կարդալ:

Փաստաթուղթը այնքան էլ սովորական ձևով չէր կադմրված: Սկզբում թված էին այն մանր գումարները, որ տրվելու էին երկարամյա ծառայողներին, տնային սպասավորներին և բարեկամներին: Այնուհետև՝ ետմահու նվերները զանազան հիմնարկությունների և, վերջապես, ամենամոտիկ ազգականներին թողնված ժառանգությունը՝ սկսած դուստրերից: Իմոջինին, որպես սիրելի և նվիրված դստեր՝ կտակված



էր ֆաբրիկայի մեջ դրված դրամագլխի մեկ վեցերորդ մասը և հանգուցյալի մնացած գույքի մեկ վեցերորդ մասը, որ կազմում էր մոտ ութ հարյուր հազար դոլլար: Ճիշտ նույն-  
քան էլ ստանում էին էմին և Լուիզան: Թոռներին չափահաս  
դառնալուց հետո ոչ շատ մեծ ընծաներ էին հասնում լավ  
վարքի համար: Այնուհետև խոսքը վերաբերում էր Ռոբերտին  
և Լեսթերին:

«Նկատի ունենալով իմ որդի Լեսթերի գործերում երե-  
վան եկած մի շարք բարդացումները, ես իմ պարտքն եմ հա-  
մարում հատուկ ցուցումներ տալ, որոնցով պետք է ղեկա-  
վարվել իմ մնացած գույքը բաշխելիս, այն է. «Քեյն արդյու-  
նաբերական ընկերության» դրամագլխի մեկ քառորդ մասը և  
մնացած ամբողջ շարժական ու անշարժ գույքի, կանխիկ  
դրամի, արժեթղթերի ու բաժնետոմսերի մեկ քառորդ մասը  
կտակում եմ իմ սիրելի որդի Ռոբերտին՝ որպես պարգև իր  
պարտքն անշեղորեն կատարելու համար, իսկ «Քեյն արդյու-  
նաբերական ընկերության» դրամագլխի մեկ քառորդ մասը և  
մնացած իմ մյուս շարժական ու անշարժ գույքի, կանխիկ  
դրամի և արժեթղթերի ու բաժնետոմսերի մեկ քառորդ մասը  
եւ կտակում եմ նրան՝ կառավարելու ի օգուտ իր եղբայր  
Լեսթերի մինչև այն ժամանակ, երբ կատարված կլինեն ներ-  
քոհիշյալ պայմանները: Եվ ես ցանկանում ու պահանջում եմ,  
որ իմ բոլոր երեխաները աջակցեն նրան «Քեյն արդյունաբե-  
րական ընկերությունը» և նրան վստահված մյուս դրամա-  
գրուլիսները կառավարելու գործում, քանի դեռ նա ինքը չի  
ցանկանա իր վրայից վաճր դնել այդպիսիների կառավարու-  
մը, կամ ցույց չտա այն իրականացնելու մի ուրիշ ավելի  
լավ եղանակ»:

Լեսթերը կամացուկ փնթփնթաց: Նա սփրթնեց, բայց  
տեղից չշարժվեց. դե հո չէր կարող աղմուկ սկսել: Բանից  
դուրս էր գալիս, որ նա կտակի մեջ նույնիսկ առանձին հիշա-  
տակված չէ:

«Ներքոհիշյալ պայմանները» չընթերցվեցին բոլոր հա-  
վաքվածների ներկայությամբ, որ, միստր Օ'Բրայենի ասելով  
համապատասխանում էր հանգուցյալի կամքին: Սակայն

Լեւոթերին և մյուս ղափակներին նա ընթերցելու տւելց հենց նույն օրը: Լեւոթերն իմացաւ, որ երեք տարի շարունակ ստանալու է տարեկան տասը հազար դոլլար և այդ ժամկետն անցնելուց հետո նա պետք է ընտրություն անի, կամ կբաժանվի Ջեննիից, եթե դեռ չի ամուսնացել նրա հետ և դրանով իր կյանքը համապատասխան կդարձնի հոր ցանկությանը: Այդ դեպքում անհապաղ Լեւոթերին կտրվի նրա բաժին ժառանգությունը: Կամ նա կամուսնանա Ջեննիի հետ, եթե դեռևս այդ չի արել, և այդ դեպքում տարեկան տասը հազար դոլլարը կստանա ցմահ: Բայց նրա մահից հետո Ջեննին, միևնույն է, ոչ մի ցենտ չի ստանա: Հիշյալ տասը հազարը երկու բաժնետոմսերի տարեկան եկամուտն է, որոնք նույնպես վստահվում էին Ռոբերտին, մինչև որ Լեւոթերը վերջնական որոշում ընդուներ: Իսկ եթե Լեւոթերը Ջեննիի հետ շամուսնանա, բայց և չբաժանվի նրանից, երեք տարին լրանալուց հետո կգաղարի որևէ բան ստանալ: Նրա մահից հետո այն բաժնետոմսերը, որոնց եկամուտն ստանում էր նա, հավասարապես բաժանվում են այդ ժամանակ ողջ մնացած եղբայրների և քույրերի միջև: Ամեն մի ժառանգ կամ իրավատեր անձ, որ կվիճարկի այս կտակը, դրանով իսկ կզրկվի իր բաժին ժառանգությունից»:

Լեւոթերը զարմացել էր, թե հայրը որքան մանրամասն է նախատեսել բոլոր հնարավորությունները: Եզրափակիչ պայմանները կարդալիս նրա մեջ նույնիսկ կասկած ծագեց, թե դրանց ձևակերպմանը չի մասնակցել արդյոք Ռոբերտը: Բայց, հասկանալի է, նա այդ բանը վստահորեն պնդել չէր կարող. Ռոբերտը երբեք նրա նկատմամբ թշնամական զգացմունքներ չէր ցուցաբերել:

— Ո՞վ է կազմել այս կտակը, — հարցրե՞ն նա Օ՝ Բրայենին:

— Մենք բոլորս էլ քիչ-քիչ աշխատել ենք, — պատասխանեց նա մի փոքր շփոթված: — Դա հեշտ բան չէր: Դուք հոգիտեք, միստր Քեյն, ձեր հայրիկին իր ասածին հակառակ որևէ բան համոզելը դժվար բան էր: Կայծքար էր նա, ոչ թե մարդ: Այս կետերից մի քանիսը նա համարյա թե հենց իր

կամքին հակառակ է սահմանել: Կտակի ոգու համար մենք, իհարկե, պատասխանատուություն չենք կրում: Դա արդեն վերաբերում է միայն ձեզ և ձեր հորը: Ինձ համար շատ ծանր էր նրա ցուցումները կատարել:

— Ես ձեզ լիովին հասկանում եմ,— ասաց Լեսթերը:— Խնդրում եմ մի անհանգստացեք:

Միստր Օ' Բրայենը իր խորին երախտագիտությունն արտահայտեց:

Լեսթերը, որ շարունակ նստած էր անշարժ, ասես բազկաթոռին կալած լիներ, այժմ մյուս դավակների հետ վերկացավ և անտարբեր տեսք ընդունեց: Ռոբերտը, էմին, Լուիզան, Իմոջինը՝ բոլորը դարմացած էին, բայց չի կարելի ասել, թե խղճում էին Լեսթերին: Ինչ էլ լինի՝ նա իրեն շատ վատ էր պահել: Նա հորը դժգոհ լինելու բավականաչափ առիթներ էր տվել:

— Մերունին, կարծում եմ, ծայրահեղության է հասել,— ասաց Ռոբերտը, որ նստած էր Լեսթերի կողքին:— Ես ամենևին չէի սպասում, թե նա այդքան հեռուն կգնա: Ես կարծում եմ, ամեն ինչ կարելի էր այլ կերպ դասավորել:

— Կարևոր չէ,— մոայլ քմծիծաղով փնջացրեց Լեսթերը: Քույրերն ուղում էին մխիթարել նրան, բայց չգիտեին, թե ինչ ասեն: Վերջ ի վերջո մեղավորն ինքը՝ Լեսթերն էր:

— Ինձ թվում է, հայրիկն այնքան էլ ճիշտ չի վարվել,— տկսել փորձեց էմին, բայց Լեսթերը կտրուկ ընդհատեց նրան:

— Մի կերպ կապրեմ:

Նա արագորեն մտքում հաշվեց, թե որքան կլինեն իր եկամուտները, եթե ինքը չկատարի հոր կամքը: Նրա երկու հարյուր բաժնետոմսերը բորսայում արժեն հատը հազար, դոլլարից մի քիչ ավելի և հինգից վեց տոկոս եկամուտ են տալիս: Այո, տարեկան տասը հազարից ավելի ոչ մի կերպ չի ստացվի:

Ազգականները ցրվեցին իրենց տները: Լեսթերը գնաց քրոջ մոտ, բայց շտապելով գուրս պրծնել հայրենի քաղաքից՝ հրաժարվեց նախաճաշի հրավերից, պատճառաբանելով, թե

անհետաձգելի գործեր ունի, և առաջիկա գնացքով մեկնեց Չիկագո:

Ամբողջ ճանապարհին մտքերը նրան հանգիստ չէին տալիս:

Ահա, ուրեմն, որքան քիչ է սիրելիս եղել իրեն հայրը: Հնարավո՞ր բան է սա: Նրան՝ Լեսթեր Քեյնին, մի տասը հազար են շարժել, այն էլ ընդամենը երեք տարով, իսկ հետո նա այդ դումարը պիտի ստանա, եթե միայն Ջեննիի հետ ամուսնանա: «Տարեկան տասը հազար,— մտածում էր նա,— այն էլ ընդամենը երեք տարով: Տե՛ր իմ աստված, ախր այդքան ամեն մի կարգին գրասենյակային աշխատող կարող է վաստակել: Կարելի՞ էր մտածել, որ հարադատ հայրս այսպես վարվի ինձ հետ»:

## Գ Լ Ո Ւ Խ XLIII

Ոչ մի բան չէր կարող Լեսթերին այդպես ուժեղ դեմ դուրս բերել իր հարազատներին, ինչպես հարկադրանքի այդ փորձը: Վերջին ժամանակներս նրա համար պարզ էր դարձել, որ ինքը երկու լուրջ սխալ է գործել. նախ՝ որ սկզբում չամուսնացավ Ջեննիի հետ, որը նրան կաղատեր բամբասանքներից ու մեղադրանքներից, երկրորդը՝ որ չհամաձայնեց բաց թողնել Ջեննիին, երբ նա ինքն էր փորձում հեռանալ իրենից: Այո՛, ինչ ուղում ես ասա, նա խճճվել է անհուսալիորեն: Նա չի կարող համաձայնել, որ կորցնի իր ամբողջ կարողությունը: Իր սեփական փողը շատ քիչ է: Ջեննին դժբախտ է, այդ իսկույն երևում է: Ասենք, ուրիշ կերպ էլ չի կարող լինել, որովհետև հենց փնքն էլ դժբախտ է: Կարո՞ղ էր արդյոք նա հաշտվել տարեկան մի ինչ-որ տասը հազար ստանալու մրտքի հետ, եթե նույնիսկ ամուսնանա Ջեննիի հետ: Համաձայն է արդյոք կորցնել Ջեննիին, թողնել, որ նա ընդմիշտ հեռանա իր կյանքից: Սա խիստ բարդ խնդիր էր: Նա չէր կարողանում հակվել ո՛չ մեկի, ո՛չ մյուս կողմը:

Երբ Լեսթերը թաղումից վերադարձավ, Ջեննին իսկույն

նկատեց, որ ինչ-որ վատ բան է եղել, որ նրան տանջում է ո՛չ միայն հոր մահվան բնական վիշտը: Ի՞նչ կարող է լինել այդ: Ջեննին փորձում էր իր կարեկցանքն արտահայտել նրան, բայց նրա վերքը բուժելն այնքան էլ հեշտ չէր: Եւրէնսթերի հսկարտությունը վիրավորված էր լինում, նա չարությամբ լցված փակվում էր ինքն իր մեջ, իսկ բարկանալով, կարող էր և մարդու հարվածել: Ջեննին աչքը չէր հեռացնում նրանից, ամբողջ սրտով ցանկանում էր օգնել, բայց Էնսթերն իր վիշտը չէր հայտնում նրան: Նա տանջվում էր, և Ջեննին մնում էր միայն տանջվել նրա հետ:

Օրերն անցնում էին իւրար ետևից, և հասավ ժամանակը, երբ Էնսթերը ծերունի Արչիբալդի միջնամհջան կամքի կապակցությամբ պետք է լրջորեն մտածեր իր ֆինանսական վիճակի մասին: Ֆարրիկայի կառավարումը վերակառուցվելու է: Ռոբերտը հոր կամքին համաձայն դառնալու է ֆիրմայի սլոնգիդենտը: Հարց կծագի՝ ճշտելու հենց իր՝ Էնսթերի դերը և մասնակցությունը գործին: Եթե նա չփոխի իր հարաբերությունները Ջեննիի հետ, ապա նույնիսկ փայտտեր լինել չի կարող: Ավելի ճիշտ ասած՝ ինքն ընդհանրապես ոչինչ է: Ուրախ էր այսուհետև ևս քարտուղարի և գանձապահի պաշտոնը վարի, նա պետք է ընկերության գեթ մեկ բաժնետոմս ունենա: Ռոբերտը էլամ քույրերից որևէ մեկը կցանկանա՝ արդյոք իր բաժնետոմսերի մի մասը տալ իրեն: Կհամաձայնե՞ն արդյոք նրանք, վատագույն դեպքում, վաճառել իրեն այդ բաժնետոմսերը: Թե՞ հարազատները ոչ մի քայլ չեն անի ի վնաս Ռոբերտի նոր արտոնությունների: Նրանք բոլորն էլ այժմ Էնսթերի նկատմամբ ավելի շատ թշնամաբար են տրամադրված: Այո, այս խճճված վիճակից դուրս գալու միակ միջոցն է լքել Ջեննիին: Եթե ինքը նրան լքի, էլ կարիք չի ունենա բաժնետոմսեր խնդրելու: Եթե չլքի, դա կլինի հոր վերջին կամքի խախտում, և այն ժամանակ ինքը պետք է պատրաստ լինի ամեն տեսակ հետևանքի: Նա նորից ու նորից համեմատում էր այս հակասական վիճակները, և պատկերն ավելի պարզ էր դառնում: Ինքը պետք է հրաժարվի կամ Ջեննիից, կամ իր ապագայից:

Ռոբերտը թեկուզև ասում էր, թե ամեն ինչ կարելի էր այլ կերպ դասավորել, ինքը շատ գոհ էր ստեղծված հանգամանքներից: Նրա ծրագիրն արդեն մոտենում էր իրականացման, իսկ նա վաղուց արդեն մանրամասն ծրագիր էր մշակում, մտածելով ոչ միայն վերակառուցել հոր գործը, այլև ընդարձակել այն՝ կառքերի արտադրության ուրիշ ընկերությունների հետ միաձուլվելով: Նրկրի արևմուտքում և արևելքում երկու-երեք խոշոր ձեռնարկությունների հետ այդպիսի միավորումը հնարավորություն կտար իջեցնել վաճառքի գները, խուսափել գերարտադրությունից և ղդալիորեն կրճատել ընդհանուր ծախսերը:

Նյու-Յորքի իր ներկայացուցչի միջոցով Ռոբերտն արդեն ուրիշ ընկերությունների մի որոշ քանակությամբ բաժնետոմսեր էր ձեռք բերել և այժմ համարյա պատրաստ էր գործելու: Ամենից առաջ հարկավոր էր, որ իրեն ընտրեն Քեյն ընկերության պրեզիդենտ: Դրանից հետո, քանի որ Լեսթերին կարելի էր հաշվի չառնել, նա մտադիր էր փոխպրեզիդենտի պաշտոնը տալ էմիլի ամուսնուն և գուցե նաև քարտուղարի ու գանձապահի պաշտոնում Լեսթերի փոխարեն նշանակել մի ուրիշին: Ըստ կտակի սլայմանների Ռոբերտի պարտականությունների մեջ էր մտնում նաև կառավարել Լեսթերի համար առանձնացված ժառանգության բաժինը, մինչև նրա խելքի գալը: Նրեում է՝ հայրը հույս է ունեցել, թե Ռոբերտն իրեն կօգնի ներգործելու եղբոր վրա: Ռոբերտին մի փոքր զզվեցնում էր այդպիսի տգեղ դերը, բայց խնդիրն ինքը մի մեծ դժվարություն չէր: Որոշ տեսակետից դա նույնիսկ սլատվավոր պարտականություն էր: Լեսթերը կամ պետք է խելքի գո, կամ թողնի, որ ավագ եղբայրը ֆիրման ղեկավարի իր հայեցողությամբ:

Զիկագոյի ֆիլիալում իր պարտականությունները կատարելիս Լեսթերն արդեն զգում էր նոր հովերը: Նա տեսնում էր, որ ինքը ղեկավարությունից դուրս է ընկել, որ ինքն ընդամենը մի բաժանմունքի կառավարիչ է, ծառայում է իր հարապատ եղբորը, և այդ գիտակցությունը կատաղեցնում էր նրան: Ռոբերտը որևէ փոփոխության մասին ոչ մի խոսքով

չհիշատակեց: Թվում էր, թե ամեն ինչ ընթանում է առաջվա պես: Բայց պարզ էր, որ այժմ Ռոբերտի ամեն մի ցուցումն օրենք էր: Ըստ էության Հեսթերը ծառայում էր եղբոր մոտ և նրանից ուճիկ էր ստանում: Դա ստորացուցիչ էր և զզվելի:

Մի քանի շաբաթից հետո նա զգաց, որ այլևս դիմանալ չի կարող. չէ՞ որ մինչև հիմա նա գործում էր բոլորովին ինքնուրույն: Մոտենում էր փայտեերերի տարեկան ժողովի օրը: Առաջ այդ ժողովը սոսկ մի ձևականություն էր, քանի որ հայրը բոլոր գործերը կատարում էր միանձնյալ: Այժմ նախագահելու էր Ռոբերտը, քույրերին, ամենայն հավանականությամբ, ներկայացնելու էին իրենց ամուսինները, իսկ ինքը նույնիսկ ներկա չի լինելու: Քանի որ Ռոբերտը նրան բաժնետոմսեր չառաջարկեց կամ գոնե չվաճառեց, որոնք նրան իրավունք կտային վարչության անդամ դառնալ և որևէ կարևոր պաշտոն զրավել, ուստի նա որոշեց, որքան էլ ծանր էր իր ինքնասիրության համար, եղբորը դիմում ուղարկել իր հրաժարականի մասին: Դա մթնոլորտը կպարզեցնի: Ռոբերտը կհասկանա, որ ինքը՝ Հեսթերը, չի ցանկանում նրանից շնորհ ընդունել և համաձայն է օգտվել միայն նրանից, ինչ կվաստակի իր ընդունակությունների շնորհիվ և հարազատների լիակատար համաձայնությամբ: Իսկ եթե ինքը Ջեննիին լքի և վերադառնա նորից մասնակցելու գործերին, ապա դա արդեն կլինի ամենևին էլ ո՛չ որպես Ֆիլիպի կառավարիչ: Եվ նա թելադրեց մի պարզ, գործնական նամակ.

«Թանկագին Ռոբերտ: Նա գիտեմ, որ մոտ ժամանակներս ընկերությունը քո ղեկավարությամբ վերակառուցվելու է: Քանի որ ես բաժնետոմսեր չունեմ, ես իրավունք չունեմ ո՛չ վարչության անդամ լինելու, ո՛չ էլ քարտուղարի և գանձապահի պաշտոնը զրավելու: Խնդրում եմ այս նամակը համարի՜ր պաշտոնական հայտարարություն, որ ես հրաժարվում եմ այդ երկու պաշտոններից, և թող վարչությունը որոշի ինչպես այդ պաշտոններում: Կոխարինող մարդ նշանակելու, այնպես էլ հետագայում իմ ծառայություններն օգտագործելու հարցը: Ֆիլիպի կառավարչի պաշտոնը ես, որպես այդպիսին, առանձնապես չեմ գնահատում, բայց և ոչ մի դեպքում

չեմ ուզում խախտել քո ծրագրերը: Այս բոլոր ասածներից քեզ համար պիտի պարզ լինի, որ ես առայժմ չեմ ուզում կատարել մեր հոր կտակում նշված պայմանը: Ես կուզենայի ճշգրիտ իմանալ, թե դու ինչպես ես նայում այս գործին: Սպասում եմ քո պատասխանին:

Քո Լեսթեր»:

Ցինցիննատիի իր գրասենյակում Ռոբերտը երկար մտածեց այս նամակի մասին: Այսպես ուրեմն, Լեսթերը պահանջում է լիակատար պարզություն. այդ նման է նրան: Այսպիսի ուղղամտության հետ մի քիչ էլ ավելի շրջահայացություն ունենար՝ երևելի մարդ կլիներ: Բայց նա նենգություն, նրբբանկատություն չունի: Նա երբեք խաբեբայության չի դիմի, իսկ Ռոբերտը հոգու խորքում գտնում էր, որ առանց դրան իսկական հաջողության հասնել չի լինի: «Երբեմն հարկավոր է նաև ճկունություն և դաժանություն,— մտածում էր նա հաճախ:— Ինչո՞ւ մարդ այդ խոստովանի ինքն իրեն, երբ խոշոր քայլ ես անում»: Եվ նա բավական հաստատորեն այդ կանոնին էր հետևում:

Այժմ Ռոբերտն զգում էր, որ թեև Լեսթերը հիանալի տղա է և այն էլ իր եղբայրը, բայց նրան պակասում է որոշ ճկունություն: Նա չափից ավելի ուղղամիտ է, չափից ավելի սիրում է վիճել: Երբ Լեսթերը ենթարկվի հոր ցանկությանը և իր բաժին ժառանգությունն ստանա, անպայման Ֆիրմայի վարչության ախտիվ մասնակիցը կդառնա: Նա կկապկպի ավագ եղբոր ձեռքերը: Ուզո՞ւմ էր արդյոք այդ Ռոբերտը: Անտարակույս՝ ոչ: Նրա համար շատ ավելի ձեռնտու էր, որ Լեսթերը, համենայն դեպս, առաջիկա ժամանակաշրջանում, Զեննիի հետ մնա և այդպիսով ինքն իրեն հեռու պահի գործերից:

Այս ամենի մասին ինչպես հարկն է խորհելուց հետո Ռոբերտը շատ քաղաքավարի մի նամակ թելադրեց: Նա դեռ հավատացած չէ, թե ինչ կարծիքի են փեսաները: Հարկավոր է նրանց հետ խորհրդակցել: Անձամբ ինքը շատ կուզենար Լեսթերին թողնել որպես քարտուղար ու գանձապահ, եթե



միայն հաջողվի այդ անել: Ավելի լավ չի՞ լինի վերջնական որոշում ընդունելը հետաձգել:

Լեսթերը բարկացավ: Ինչի՞ համար է Ռոբերտը պոչ խաղացնում ու ձգձգում: Նա հոշատ լավ գիտե, թե ինչպես կարելի է սարքել այդ: Լեսթերին մի բաժնետոմս տալ, և նա լիիրավ փայտեր կլինի: Ռոբերտը վախենում է նրանից, ահա թե որտեղ է թաղված շան գլուխը: Դե՛, ի՛նչ արած, ֆիլիալի կառավարչի դերում ինքը չի մնա, կարող եք հանգիստ լինել: Ինքն անհապաղ հրաժարական կտա:

Եվ Լեսթերը Ռոբերտին գրեց, որ ամեն ինչի մասին մտածել է և որոշել գործի ասպարեզում իր բախտը փորձել ինքնուրույն կերպով: Թող Ռոբերտը մարդ ուղարկի Չիկագո, որին ինքը կարողանա գործերը հանձնել: Ինքը պատրաստ է մի ամիս սպասել, բայց ո՛չ ավելի: Մի քանի օրից հետո պատասխանը եկավ: Ռոբերտը գրում էր, որ շատ է ափսոսում, բայց եթե այդ է Լեսթերի որոշումը, ինքն էլ իր հերթին չի ուզում խանգարել նրա նոր ծրագրերի իրականացմանը: Իմօջինի ամուսինը՝ Ջեֆերսոն Միջլին վաղուց Չիկագո փոխադրվելու ցանկություն է հայտնել: Սկզբնական շրջանում ֆիլիալի ղեկավարությունը կարելի է նրան հանձնել:

Լեսթերը ժպտաց: Ռոբերտն, ըստ երևույթին, փորձում է օգուտ քաղել ստեղծված բարդությունից: Ռոբերտը գիտե, որ ինքը՝ Լեսթերը կարող է դատարան տալ և վիճարկել փեսայի նշանակումը, բայց նա գիտե և այն, որ Լեսթերն ամենից քիչ այդ կցանկանա: Ամբողջ պատմությունը լրագրերի մեջ կընկնի: Նորից կսկսվեն արդեն լուծած խոսակցությունները Ջեննիի հետ ունեցած իր հարաբերությունների մասին: Հավագույն ելքը կլինե՞ր բաժանվել նրանից: Այդպես ամեն ինչ նորից կվերադառնար սկզբնական վիճակին:

## Գ Լ ՈՒՍ XLIV

Լեսթերի քառասունվեց տարին լրացավ: Այդ հասակում տաղտկալի և մի քիչ էլ սոսկալի է լինել բոլորովին մենակ, առանց բարեկամների ու գործարար կապերի, նույնիսկ եթե

կա տարեկան տասնհինգ հազար եկամուտը (ներառյալ հոր կտակով ստացվող տասը հազարը): Նա հասկանում էր, որ եթե ինքը մոտիկ ապագայում որևէ ոսկեբեր երակ չգտնի, իր կարիերան վերջացած է: Հասկանալի է, կարելի է ամուսնանալ Զեննիի հետ: Դա նրան ցմահ կապահովեր տասը հազար եկամուտով, բայց միաժամանակ կզրկեր Քեյն ընկերության դրամագլխից իր բաժինն ստանալու վերջին հույսից: Մյուս կողմից՝ նա կարող էր ծախել իր բաժնետոմսերը—այդպիսիք նա ուներ յոթանասունհինգ հազարի. հենց դրանից էլ նա մոտ հինգ հազար դոլար տոկոս էր ստանում—և փողը դնել որևէ ձևնարկության մեջ, օրինակ՝ կառքեր արտադրող մի ուրիշ ֆիրմայի մեջ: Բայց արդյոք ուզո՞ւմ է ինքը մրցության մեջ մտնել հայրական ընկերության հետ: Մյուս կողմից էլ դա շատ դժվար բան կլիներ: Մրցությունն առանց այն էլ օրեցօր սրվում էր, ըստ որում Քեյն ընկերությունը համառորեն գրավում էր առաջին տեղը: Լեսթերի ամբողջ դրամագլուխը կազմում էր յոթանասունհինգ հազար դոլար: Իմաստ կա՞ մարտի մեջ մտնել այդպիսի շնչին միջոցներով: Ներկա պայմաններում արտադրության այդ ճյուղում ամրապնդվելու համար խոշոր գումարներ են հարկավոր:

Լեսթերը, օժտված լինելով հարուստ երեակայությանմբ և արտասովոր խելքով, ի դժբախտություն իր՝ շուներ իր գերադանցության բով, ինքնահավան վստահությունը, որ այնքան անհրաժեշտ է առևտրական գործերում լուրջ հաջողությունների հասնելու համար:

Գործարար աշխարհում սովորաբար նշանավոր տեղ գրավել հաջողվում է միայն մեկ զաղումարով տարված մարդուն, որը հաստատ համոզված է, թե նախախնամությունն ինքն է փայլուն ապագա նախապատրաստել իր համար իր ընտրած այս կամ այն ասպարեզում: Օճառի մի նոր տեսակ, կամ պահածոների տուփեր բանալու մի դանակ, կամ անվտանգ ածելի, կամ արագության հոսանքափոխիչ—մի ինչ-որ բան լիովին տիրում է մարդու երեակայությանը, այրում է նրան շիկացած ածուխի պես և պոնկեպոնկ լցնում նրա

էությունը: Այդպէս այրվելու համար հարկավոր է աղքատություն և երիտասարդություն: Այն բանը, որին որոշել է նվիրել իր ամբողջ կյանքը, պետք է նրա առաջ ճանապարհ բաց անի դեպի անհամար հնարավորությունները և անհամար բերկրանքները: Եվ նպատակը պետք է լինի երջանկությունը, այլ կերպ՝ կրակը բավական պայծառ չի վառվի, շարժիչ ուժը բավականաչափ զորեղ չի լինի և հաջողությունը լիակատար չի ստացվի:

Բայց Լեսթերն այդպիսի այրման ընդունակ չէր: Նա արդեն ճաշակել էր՝ այսպես կոչված՝ կյանքի բերկրանքների մեծ մասը: Նրան այլևս չէին հրապուրում այն պատրանքները, որոնք այնքան հաճախ հաճույք անունն են կրում: Փող, իհարկե, անհրաժեշտ է, և նա փող ունի, համենայն դեպս, այնքան, որ բավական է անկարիք գոյության համար: Բայց ի՞նչ, մի՞թե ռիսկի ենթարկել այն: Եվ ինչո՞ւ չէ: Որքա՞ն ավելի սոսկալի է կյանքի ամբողջ մնացորդը ձեռքերը ծալած նստել և նայել, թե ուրիշներն ինչպէս են առաջ գնում:

Վերջ ի վերջո նա որոշեց իր ուժերի գործադրության տեղ գտնել: Ինքն իրեն համոզում էր, որ շտապելու հարկ չկա, որ ինքը ոչ մի անփութություն չի թույլ տա: Որպէս սկիզբ հարկավոր էր մեծաքանակ կառքեր արտադրող արդյունաբերողների շրջանում հայտնի դարձնել, որ ինքն այլևս կապված չէ հոր ձեռնարկության հետ և պատրաստ է ուրիշների առաջարկությունները լսելու: Եվ նա բոլորին լայնորեն ազդարարեց, որ ինքը դուրս է գալիս Քեյն ընկերությունից և գնում է Եվրոպա՝ հանգստանալու: Նա երբեք արտասահմանում չէր եղել, և Ջեննիին էլ հարկավոր էր մի քիչ բավականություն պատճառել: Վեստալին կարելի էր թողնել տանը, սպասուհու և Գերհարդի մոտ, իսկ Ջեննին թող մի քիչ ման գա, տեսնի, թե Եվրոպայում ինչ հետաքրքիր բան կա: Լեսթերը որոշեց լինել Վենետիկում, Բադեն-Բադենում և մյուս կուրորտներում, որոնց մասին շատ բան էր լսել: Նա վաղուց էր ցանկանում տեսնել նաև եգիպտական քաղաքները և Պարթենոնը: Նա կըրջի օտար երկրներում, կթարմանա, իսկ հետո, տուն վերադառնալով, լրջորեն կղբաղվի որևէ նոր գործով:

Ճանապարհորդությունը տեղի ունեցավ գարնանը, ծերունի Քեյնի մահվան տարին: Լեսթերը Չիկագոյի պահեստի գործերը հանձնեց և, առանց շտապելու, մեծ բավականությամբ սկսեց իր երթուղին մշակել, շարունակ խորհրդակցելով Ջեննիի հետ: Ծանապարհի համար ամեն անհրաժեշտ բան վերցնելով՝ նրանք Նյու-Յորքից շոգենավով մեկնեցին Լիվերպուլ, մի քանի շաբաթ մնացին Անգլիայում, ապա գրնացին Եգիպտոս: Վերադարձի ուղին անցնում էր Հունաստանի ու Իտալիայի վրայով դեպի Ավստրիա, ապա Շվեյցարիայի վրայով՝ Փարիզ և Բեռլին: Նորանոր տպավորությունները հաճելի էին Լեսթերի համար, բայց և այնպես նրանից չէր հեռանում այն անհաճո զգացմունքը, որ ինքը իզուր ժամանակ է ծախսում: Ծանապարհորդելով, խոշոր գործարար ձեռնարկություն չես ստեղծի, իսկ իր առողջությունը կարգի բերելու կարիք նա չուներ...

Բայց Ջեննին ուղղակի հիւանում էր իր բոլոր տեսածներով և հրճվում նոր կյանքով, Լուկսորում և Քարնաքում, որոնց գոյություն մասին նա առաջ չգիտեր էլ, նրա առաջ բացվեց հնադարյան հզոր, բազմակողմանի ու ավարտուն կուլտուրան: Այստեղ միլիոնավոր մարդիկ ապրել ու մահացել են հավատալով ուրիշ աստվածների, կառավարման ուրիշ ձևերով, կյանքի ուրիշ կանոններով: Ջեննին առաջին անգամ գիտակցեց, թե որքան ընդարձակ է երկիրը: Մտածելով անցյալի գիրկն անցած Հունաստանի, կործանված հռոմեական կայսրության, մոռացության գիրկն անցած Եգիպտոսի մասին՝ նա հասկացավ, թե որքան չնչին ու մանր են մեր հոգսերը և կարծիքները: Հոր լութերական բարեպաշտությունն արդեն նրան չէր թվում այնպես նշանակալից, իսկ Օհայո նահանգում Կոլումբուս քնդաքի հասարակական կառուցվածքը՝ անսասան: Մայրը միշտ հսկայական նշանակություն էր տալիս նրան, թե ինչ կասեն մարդիկ, ինչ կմտածեն հարեւանները, իսկ այստեղ Ջեննին տեսնում էր անթիվ անհամար գերեզմաններ, որոնց մեջ հանգչում էին և՛ վատ, և՛ լավ մարդիկ: Լեսթերը նրան բացատրում էր, որ բարոյական չափանիշների տարբերություններն առաջանում են մերթ կլիմա-

յի, մերթ կրոնի պատճառով, Լորենսն էլ որեւէ բացառիկ անձի Լորենս գալով, ինչպիսին էր Մահմեդը: Լեսթերը սիրում էր նշել, թե պայմանականությունները որքան քիչ նշանակություն ունեն այս աշխարհի մասշտաբների մեջ, որն այնքան անծայրածիր է իրենց սովորական փոքրիկ աշխարհի համեմատությամբ, և Ջեննին յուրովի էր հասկանում այդ: Վերցնենք թեկուզ նրա անցյալը: Ասենք, թե նա վատ է վարվել՝ Մարդկանց մի ինչ-որ խմբի համար գուցե և դա կարևոր է, բայց մարդկության ամբողջ պատմության առումով, աշխարհը շարժման մեջ դնող բոլոր ուժերի առումով դա ի՞նչ նշանակություն ունի: Կանցնի մի քիչ ժամանակ, ու բոլորը կմեռնեն՝ և՛ նա, և՛ Լեսթերը, և՛ այդ մարդիկ: Ոչ մի բան չկա իրական և հավիտենական, բացի բարոյությունից, սրտադին, մարդկային բարոյությունից: Մնացած ամեն ինչը անցողական է երազի պես:

## Գ Լ Ո Ւ Խ XLV

Այնպես պատահեց, որ արտասահմանում, նախ՝ Լոնդոնում, ապա՝ Կահիրեում, Լեսթերը նորից հանդիպեց այն միակ կնոջը, որը, եթե չհաշվենք Ջեննինին, մի ժամանակ իսկապես դուր էր գալիս նրան: Լեստի Պեյսին նա վաղուց չէր տեսել, մոտ չորս տարի նա եղել էր Մալկոլմ Ջերալդի կինը, իսկ հետո արդեն երկու տարի էր, ինչ նա հրապուրիչ այրի կին էր: Մալկոլմ Ջերալդը, որ Ֆինցինսնատիում եղել էր բանկատեր և բորսային գործարար, իր կնոջը մեծ կարողություն էր թողել: Նա մի Լրեխա ուներ, մի փոքրիկ աղջիկ, որին հանձնել էր հուսալի դայակի խնամքին, իսկ ինքը ապրում էր շարունակ շրջապատված երկրպագուներով՝ քաղաքակիրթ աշխարհի բոլոր մայրաքաղաքների ծաղիկով: Լեստի Ջերալդը շնորհալի կին էր, գեղեցիկ, նրբակազմ, նա ոտանավորներ էր գրում, շատ էր կարդում, արվեստն էր ուսումնասիրում և ամբողջ հոգով հիացած էր Լեսթեր Քեյնով:

Իր ժամանակին Լեստին իսկապես սիրում էր Լեսթերին:

որովհետև ուշի-ուշով դիտելով մարդկանց՝ նրանից լավը չէր գտնում: Նա կեստտիին թվում էր այնքա՛ն հավասարակշռված, այնքա՛ն հանգիստ: Լեսթերը կեղծավորությունն ատում էր: Աշխարհիկ խոսակցությունների անպարկեշտ թեթևությունը նրան չէր հրապուրում, նա գերադասում էր խոսել պարզ ու կոնկրետ նյութերի մասին: Քանի՛-քանի անգամ է պատահել, որ նրանք պարահանդեսի դահլիճից դուրս պրծնելով, ըսկըսել են ղրուցել պատշգամբի մի անկյունում, նայելով Լեսթերի սիգարի ծխին: Լեսթերը նրա հետ խոսում էր փիլիսոփայական թեմաների մասին, վիճում էր գրքերի մասին, սլատմում էր քաղաքականության և ուրիշ քաղաքների հասարակական կյանքի մասին, մի խոսքով, նրան վերաբերվում էր ինչպես մի խելամիտ մարդկային արարածի հետ, և կեստտիին երկար ժամանակ ու համառորեն հույս էր տածում, թե նա իրեն առաջարկություն կանի: Քանի՛-քանի անգամ նայելով նրա խոշոր գլխին, կարճ խուլած խիտ մազերին՝ դժվարությամբ էր զրսպել իրեն, որ շոյի նրա գլուխը: Լեսթերի Չիկագո փոխադրվելը Լեստտիի համար ծանր հարված էր եղել. այն ժամանակ նա դեռ ոչինչ չգիտեր Ջեննիի մասին, բայց բնաղդաբար զգացել էր, որ Լեսթերն իր համար կորած է:

Եվ հենց այդ ժամանակ Մալկոլմ Ջերալդը՝ նրա ամենահավատարիմ ու բորբոքուն երկրպագուներից մեկը, քսաներորդ թե երեսուներորդ անգամ՝ նրան առաջարկություն արեց, և Լեստտիին համաձայնեց: Նա Մալկոլմին չէր սիրում, բայց հո հարկավո՞ր էր որևէ մեկի հետ ամուսնանալ: Մալկոլմը քառասունհինգ տարեկան էր և Լեստտիի հետ ապրեց ընդամենը չորս տարի, որի ընթացքում վերջնականապես համոզվեց, որ իր կողակիցը չքնաղ և շատ զիջողամիտ կին է և կարողանում է լայն նայել իրերին: Իսկ հետո նա մեռավ թոքերի բորբոքումից, և միսիս Ջերալդը մնաց որպես հարուստ այրի կին: Լինելով խիստ հրապուրիչ, աշխարհիկ գործերում մեծահմուտ, նա սարված էր միայն մեկ հոգսով՝ ինչպես ծախսել իր փողերը:

Բայց նա փողերը քամուն տալու հակում էլ չուներ: Ջահել հասակից նրա համար տղամարդու իդեալը եղել էր Լեսթերը: Չնչին կոմսերը, լորդերը, բարոնները, որոնց նա հան-

դիպել էր աշխարհում (իսկ տարիների ընթացքում նա խիստ լայն ծանոթություններ ու կապեր էր հաստատել), ամենևին չէին հետաքրքրում նրան: Նրան մահու չափ ձանձրացրել էր արտաքին փայլն այն տիտղոսավոր որսորդների, որոնք արտասահմանում հանդիպելով իրեն՝ իր դոլլարների ետեից էին ընկել: Նա լավ էր ճանաչում մարդկանց, շատ էր դիտել, կարողանում էր ըմբռնել տեսածի թե՛ սոցիալական, թե՛ հոգեբանական կողմը և, բնականաբար, մի առանձին իլյուզիա չունեի այդ պարոնների և նրանց մեջ մարմնացած «քաղաքակրթության» նկատմամբ:

— Նույնիսկ աղքատիկ խրճիթում ես կարող էի երջանիկ լինել մի մարդու հետ, որին ճանաչում էի Յինցիննատիում, — ասաց նա մի անգամ իր տիտղոսավոր բարեկամուհուն, որը ծնունդով ամերիկուհի էր: — Դա մե՞ծ մարդ էր, պայծառ մըտքի և անաղարտ հոգու տեր մարդ: Եթե նա ինձ առաջարկություն աներ, կամուսնականայի նրա հետ, թեկուզև ստիպված լինեի ինքս փող վաստակել:

— Իսկ նա շա՞տ աղքատ էր, — հարցրեց բարեկամուհին:

— Ամենևին: Նա բավական հարուստ էր: Բայց ինձ համար դա ոչ մի նշանակություն չունեի: Ինձ պետք էր նա ինքը:

— Ժամանակի ընթացքում դա, այնուամենայնիվ, որոշ գեր կխաղար:

— Է՛, մի՛ ասեք, — առարկեց միսիս Ջերալդը: — Ես լավ գիտեմ: Ես շատ տարիներ նրան էի սպասում:

Լեսթերը նախկին Լետտի Պեյսի մասին ամենահաճելի հիշողություններ ուներ: Մի ժամանակ Լետտին նրան շատ էր դուր գալիս: Ինչո՞ւ չամուսնացավ նրա հետ: Շատ անգամ էր նա այս հարցը տվել իրեն: Նա իր համար ամենահամապատասխան կինը կլիներ, հայրը հավանություն կտար այդ ամուսնությանը, բոլորը գոհ կլինեին: Իսկ նա ձգձգում էր ու ձգձգում, հետո էլ երևան եկավ Ջեննին, և Լետտին արգեն դադարեց զբաղեցնել նրա միտքը: Այժմ վեց տարվա ընդհատումից հետո նրանք նորից հանդիպեցին: Լեսթերը գիտեր, որ նա ամուսնացել է: Լետտին էլ աղոտ լուրեր էին հասել

Լեւթերի կապերի մասին և որ նա վերջ ի վերջս ամուսնացել է իր սիրուհու հետ և ապրում է Հարավային կողմում: Լեւթերի ֆինանսական դժվարությունների մասին Լեւտին ոչինչ չգիտեր: Առաջին անգամ նրանք հանդիպեցին հունիսյան մի երեկո, «Կառլտոն» հյուրանոցում: Լուսամուտները բաց էին, այգուց ներս հորդող ծաղիկները բուրմունքի մեջ նոր կյանքի երջանկություն կար, որ գարնան բացվելու հետ համակում է ամբողջ յաշխարհը: Առաջին րոպեին Լեւտին շփոթվեց, նրա շունչը բռնվեց: Բայց և նա արագորեն տիրապետեց իրեն և անբռնազբոսիկ ձեռով ձեռքը մեկնեց:

— Տեր իմ աստված, սա հո Լեւթեր Բեյնն է,— գոչեց նա:— Դե՛, բարե ձեզ, որքա՛ն ուրախ եմ ձեզ տեսնելու: Իսկ սա միսիս Բեյնն է: Երջանիկ եմ ձեզ հետ ծանոթանալու: Որքա՛ն հաճելի է հանդիպել հին բարեկամին, ասես մարդու երիտասարդությունն է վերադառնում: Դուք ինձ ներեցեք, միսիս Բեյն, բայց, ճիշտն առած, ես շատ ուրախ եմ ձեր ամուսնուն տեսնելու համար: Նույնիսկ ամսթ է ասել, Լեւթեր, թե քանի՞ տարի մենք չենք տեսնվել: Ես ինձ բոլորովին պառաված եմ զգում: Ախր մի մտածեցեք, վեց տարուց ավելի է անցել: Այդ ժամանակամիջոցում ես ամուսնացել եմ, աղջիկ եմ ունեցել, և խեղճ միստր Զերալդը վախճանվել է և, տե՛ր իմ աստված, ինչե՛ր ասես, որ չի պատահել:

— Ձեզ նայելով այդպես ասել չի կարելի,— ժպտալով պատասխանեց Լեւթերը:

Նա ուրախ էր այդ հանդիպմանը, մի ժամանակ նրանք լավ բարեկամներ էին: Լեւթերը հիմա էլ դուր էր գալիս Լեւտիին, այդ իսկույն երևում էր, և հենց Լեւտին ինքն էլ դուր էր գալիս Լեւթերին:

Ջեննին, Լեւթերի հին բարեկամուհուն նայելով, սիրալիր ժպտաց: Մերկացրած սքանչելի ձեռքերով այդ կինը, որ հագին բաց վարդագույն մետաքսե կտորից կարված ժանեկաղարդ քղանցքով շոր ուներ և գոտկում մի կարմիր վարդ, ներան թվաց գերկատարելություն: Լեւթերի նման նա էլ սիրում էր նայել գեղեցիկ կանանց, հաճախ ինքն էր մտանալու:



անում նրանց և կատակով Լեսթերին ձեռ էր առնում, թե դիմանում է նրանց թողչանքին:

— Դու գնայիր մի ծանոթանայիր նրա հետ, Լեսթեր, թե չէ՝ շարունակ իմ կողքին ես նստած,— ասում էր նա առանձնապես հետաքրքիր ու ապավորիչ կին տեսնելով:

— Ոչի՞նչ, ինձ համար այստեղ էլ լավ է,— կատակի էր տալիս Լեսթերը, նայելով նրա աչքերին կամ թե հառաչում էր.— է՛հ, տարիքս առաջվանը չէ, թե չէ՝ նրա ետևից կընկնեի:

— Վաղի՛ր, վաղի՛ր,— զրգռում էր նա:— Ես քեզ կապասեմ:

— Իսկ ի՞նչ կասեիր դու, եթե ես իսկապես վաղեի:

— Ոչինչ չէի ասի: Երևի էլի կվերագառնայիր ինձ մոտ:

— Եվ քեզ համար դա միևնու՞յն է:

— Դու շատ լավ գիտես, որ միևնույն չէ: Բայց քեզ խանդարել չէի ուզի: Ես ամենևին չեմ գտնում, թե քեզ համար ես միակ կինը պիտի լինեմ, եթե միայն դու ինքդ չես ուզում այդ:

— Որտեղի՞ց է քեզ այդպիսի հասկացողությունը, Ջեննի,— հարցրեց նա մի անգամ նրա հայացքների լայնությունից զարմացած:

— Իսկապես՝ չգիտեմ: Ի՞նչ է որ:

— Քո հայացքների մեջ այնքան համբերություն ու բարեսրտություն կա: Շատերը չէին համաձայնի քեզ հետ:

— Իմ կարծիքով, Լեսթեր, ես ասալաշտ լինել չի կարելի: Ինքս էլ չգիտեմ ինչու ինձ այդպես է թվում: Որոշ կանայք այլ կերպ են մտածում, բայց եթե տղամարդն ու կինը չեն ուզում միասին ապրել, ինչո՞ւ պիտի միմյանց հարկադրեն: Դու համաձայն չե՞ս սրան: Եվ նույնիսկ եթե տղամարդը մի կարճ ժամանակով հեռանա և հետո էլի վերագառնա, այդ այնքան էլ սարսափելի բան չէ:

Լեսթերը ժպտաց. նա չէր կարող նրան չհարգել այդպիսի մարդկային զգացմունքների համար:

Այն երեկոյան էլ, նկատելով, որ Լետտին Լեսթերին տեսնելով այնքան ուրախացավ, Ջեննին իսկույն հասկացավ, որ նրանք շատ բանի մասին կուզենան խոսել, և նա ինքն իրեն հավատարիմ մնաց:

— Դուք ինձ ներեցեք, ես մի կարճ ժամանակով ձեզ մե-  
նակ կթողնեմ,— ասաց նա ժպտալով:— Մեր համարում սրոշ  
բաներ ունեմ կարգի բերելու: Ես շուտ կվերադառնամ:

Նա գնաց իրենց սենյակում նստեց որքան հնարավոր էր  
համարում, իսկ Լեւթերն ու Լեւտտին միանգամից աշխույժ  
զրույց սկսեցին: Լեւթերը պատմեց իր մասին, բաց թողնելով  
որոշ մանրամասնություններ, իսկ Լեւտտին վերջին տարիները  
իր կյանքը նկարագրեց նրան:

— Հիմա, երբ դուք ամուսնացած եք և անմատչելի,—  
համարձակորեն ասաց նա,— ես կարող եմ խոստովանել. ես  
միշտ երազում էի, որ հենց դուք առաջարկություն կանեք ինձ,  
բայց այդպես էլ չեղավ այդ:

— Գուցե ես համարձակություն չունեցա,— ասաց Լեւ-  
թերը նայելով նրա շքնաղ սև աչքերին և ինքն իրեն հարց տա-  
լով՝ գիտե՞ արդյոք, թե՞ չգիտե նա, որ ինքն ամուսնացած չէ:

Նրան թվում էր, թե Լեւտտին ավելի է գեղեցկացել, որ  
հիմա նա ինքը կատարելագործությունն է, նրբագեղ, ինքնա-  
վստահ, սրամիտ, աշխարհիկ կնոջ իդեալ, որը կարողանում է  
ամեն մեկին մոտենալ ու ամեն մեկին հմայել:

— Դե լավ: Ես գիտեմ, թե ինչով էր զբաղված ձեր  
միտքը. ձեր նվիրական միտքը հենց նոր նստած էր այս սե-  
ղանի մոտ:

— Մի՛ շտապեք եզրակացություններ անել, սիրելիս: Թե  
ինչ մտքեր ունեի ես՝ այդ դուք իմանալ չեք կարող:

— Այսպես թե այնպես, ես բարձր եմ գնահատում ձեր  
ճաշակը. նա շքնաղ կին է:

— Զեննիի մեջ լավ բան շատ կա,— ասաց նա հասարակ  
ձևով:

— Դուք երջանի՞կ եք:

— Այս կամ այն չափով: Ոչ, իհարկե, երջանիկ եմ, որ-  
քան այդ հնարավոր է մարդու համար, եթե նա ապրում է բաց  
աչքերով: Իսկ նա, ձեզ հայտնի է, իլյուզիաներ շատ չունեմ:

— Ուզում եք ասել՝ ոչ մի իլյուզիա չունե՞ք:

— Թերևս և ոչ մի, Լեւտտի: Երբեմն ես ցավում եմ, որ  
այդպես է: Իլյուզիաներով ավելի հեշտ է ապրել:

— Ձեզ լրիվ հասկանում եմ: Իսկ ես ընդհանրապես գրտնում եմ, որ իմ կյանքը հաջողակ չեղավ, թեպետև փող համարյա այնքան ունեմ, որքան Կրեստոսն ուներ, գուցե միայն մի քիչ պակաս:

— Տե՛ր իմ աստված: Եվ այդ ասում եք դուք, ունենալով ձեր գեղեցկությունը, տաղանդն ու հարստությունը:

— Ինչի՞ս են պետք դրանք: Աշխարհ-աշխարհ ման գալ, փուշ խոսակցություններ ունենալ, վախեցնել այն ապուշներին, որոնք աչք են տնկում իմ դուլարների վրա: Ա՛խ, որքա՛ն տաղտկալի ու ձանձրալի է այդ:

Լեատին նայեց Լեսթերին: Ջեննին չխանգարեց, որ նրա սրտում արթնանա նախկին դացմունքը: Ինչո՞ւ Լեսթերն իրեն բաժին չընկավ: Նրանք լավ են իրար հետ, կարծես թե վաղուց են ամուսնացել կամ հենց նոր են սեր բացատրվել միմյանց: Ջեննին ի՞նչ իրավունք ուներ Լեսթերին վերցնել իրեն: Լեատիի աչքերը բառերից ավելի պարզ էին խոսում: Լեսթերը տըխուր քմծիծաղ տվեց:

— Ահա գալիս է իմ կինը, — ասաց նա: — Ստիպված ենք խոսակցության նյութը փոխել: Իսկ Ջեննին կարող է ձեզ հետաքրքրել:

— Գիտեմ, — պատասխանեց նա և Ջեննինին նայեց մի շողշողուն ժպիտով:

Ջեննինի մեջ մի թույլ կասկած արթնացավ: Գուցե սա Լեսթերի հին սե՞րն է: Ա՛յ թե ինչպիսի կին պետք է ընտրել նա իր համար: Նա իր շրջանի մարդ է, նրա հետ Լեսթերը սակաս երջանիկ չէր լինի, կամ գուցե և ավելի երջանիկ կլիներ: Արդյոք նա ինքն էլ դրա մասին չի՞ մտածում: Հետո նա մի կողմ նետեց այդ անհանգիստ միտքը: Մեկ էլ տեսար սկսեց լւանդել, իսկ դա ստորություն կլինի:

Միսիս Ջերալդը Քեյնի հետ վարվում էր շատ սիրալիր: Հետեյալ օրը նա նրանց հրավիրեց իր հետ միասին Հայդ-Պարկ գնալ, մի անգամ նրանք ճաշեցին «Քլեբիջ» հյուրանոցում, իսկ հետո եկավ Լեատիի մեկնելու օրը: Նա պայմանավորվեց ծանոթների հետ հանդիպել Փարիզում: Նա սրտագին հրաժեշտ տվեց Քեյներին, հույս հայտնելով, որ նորից կհան-

դիպեն: Նա տխուր էր, նախանձում էր Զեննիի բախտին: Լեւթերը նրա համար չէր կորցրել իր երբեմնի թովչանքը: Ավելի շուտ նրան թվում էր, թե Լեւթերն ավելի դուրեկան է դարձել, գիշող ու խելամիտ: Նա շատ էր ցավում, որ Լեւթերն ազատ է: Եվ Լեւթերն էլ, գուցե, անգիտակցաբար միանում էր նրա ափսոսանքին:

Ասես հետեւելով նրա մտքերին՝ Լեւթերը պատկերացնում էր, թե ինչպես կլինեիր, եթե ինքը ամուսնանար նրա հետ: Կյանքի մասին, արվեստի, առօրյա հարցերի մասին նրանց հայացքները զարմանալիորեն ղուգադիպում էին: Պատկանելով միեւնոյն հասարակական շրջանին, նրանք կես խոսքից իրար հասկանում էին մինչև ամենափոքր նրբություն, որ Զեննին ոչ կարող էր որսալ, ոչ էլ արտահայտել: Նրա միտքն այնքան արագ չէր աշխատում, որքան միսիս Զերալդինը: Իր բնավորությամբ Զեննին ընդունակ էր և ավելի խոր զգացմունքի ու ավելի սրտագին ըմբռնողության, բայց աշխարհիկ դրույցի մեջ նա իրեն ցույց տալ չէր կարողանում: Նա միշտ անկեղծ էր մինչև վերջ. և նրա հենց այդ հատկությունն էլ երևի հրապուրել էր Լեւթերին: Բայց հիմա, ինչպես և նույնաման ուրիշ դեպքերում, նա դրանից տուժում էր: Եվ Լեւթերին արդեն սկսում էր թվալ, որ ինքն ավելի լավ արած կլինեիր, եթե իր ընտրությունը կանգնեցրած լինեիր Լեւտի Պեյսի վրա: Համենայն դեպս, դա վատ չէր լինի, և հիմա իրեն չէր տանջի իր ապագայի միտքը:

Երկրորդ անգամ նրանք միսիս Զերալդին հանդիպեցին Կահիրեում: Լեւթերը սիգարը բերանին շրջում էր հյուրանոցի այգում և հանկարծ դեմառդեմ եկավ նրան:

— Ա՛յ քեզ հաջողություն, — գոչեց նա: — Այդ որտեղի՞ց:

— Երեւակայեցեք՝ Մադրիդից: Մինչև անցյալ հինգշաբթի ես ինքս էլ չգիտեի, որ այստեղ կընկնեմ: Էլլիկոտները համողեցին ինձ ընկՔրանալ իրենց: Ես էլ մտածում էի, թե հիմա դուք որտեղ կլինեք, հետո հիշեցի, որ ուզում էիք Եգիպտոս գալ: Որտե՞ղ է ձեր կինը:

— Ներկա բոլեին նա ամենայն հավանականությամբ վաննայի մեջ է: Այստեղ այնքան շոգ է, որ Զեննին ուստ-

յայտատ է ջրից դուրս չգալու: Եվ ես ինքս էլ դեմ չեմ ջուրն ընկնելու:

Նա նորից զմայլված նայեց միսիս Ջերալդին: Նա հագին երկնազույն մետաքսե շոր ունեւ, ձեռքին՝ նույնպէս երկնազույն, սպիտակ զոլերով մի շքեղ հովանոց:

— Ա՛խ, աստված իմ, — հանկարծ գոչեց Լետտին: — Ուղղակի չգիտեմ, թե ինչ անեմ: Հո չե՛մ կարող շարունակ թափառել: Արդե՛ն մտածում եմ՝ չվերադառնա՞մ Նահանգները:

— Ի՞նչ է պատահել որ:

— Իսկ սա ի՞նչ կտա ինձ: Ամուսնանալ չեմ ուզում: Հիմա ես ո՞ւմ հետ կարող եմ ամուսնանալ:

Նա արտահայտիչ ձեով նայեց Լեսթերին և շուտ եկավ:

— Դե լավ, որե՛է մեկը կգտնվի, — ոչ այնքան քաղաքավարությամբ ասաց Լեսթերը: — Ձեր գեղեցկությունն ու փողն ունենալով՝ միե՛նույն է, չեք փրկվի:

— Հարկավոր չէ, Լեսթեր:

— Լավ, թող ձեր ասածը լինի: Բայց ես դիտեմ, թե ինչ եմ ասում:

— Դուք էլի պարո՞ւմ եք, — հարցրեց Լետտին մի ուրիշ, աշխարհիկ տոնով, հիշելով, որ այդ երեկո հյուրանոցում պարահանդես է լինելու: Մի ժամանակ Լեսթերը հիանալի պարում էր:

— Դե մի նայեցեք ինձ:

— Թողե՛ք, Լեսթեր, մի՞թե դուք հրաժարվել եք այդպիսի հիանալի զբաղմունքից: Ես մինչև հիմա էլ այնքա՛ն եմ սիրում պարել: Իսկ միսիս Լեսթերը:

— Ոչ, նա պար չի սիրում: Համենայն դեպս, չի տարվում պարերով: Թերեւս դա մասամբ իմ մեղքն է: Վերջին ժամանակներս ես մոռացել էլ եմ, որ կարելի է պարել:

Նա մտածեց, որ վերջին ժամանակներս ընդհանրապէս դադարել է հասարակության մեջ լինել: Դրա համար նրա կապը անհաղթահարելի արգելք էր:

— Եկեք այսօր երեկոյան պարենք: Ձեր կիներ դեմ չի լինի: Դահլիճն այստեղ հիանալի է, առավոտյան ես այն տեսել եմ:

— Տեսնենք,—պատասխանեց Լեսթերը:— Ես երեւի մոռացած կլինեմ պարել: Իմ տարիքում այնքան հեշտ չի լինի նորից սկսել:

— Է՛, ի՛նչ եք ասում, Լեսթեր,— առարկեց Լետտին:— Դուրս է գալիս, որ ի՞նչ էլ արդեն չի կարելի պարել: Այդպես ծանրաբարո մի՛ եղեք: Ձեր ասելով՝ բոլորովին ծեր եք:

— Հենց այդպես էլ կա. եթե դատեիւ լինենք կենսական փորձով, ես արդեն ծեր եմ:

— Դե ի՛նչ կա որ, դա ավելի հետաքրքիր է,— կոտրատովելով ասաց միսիս Ջերալդը:

## Գ Լ Ո Ւ Խ XLVI

Այդ նույն երեկոյան, երբ վիթխարի հյուրանոցի այգու արմավենիների ծառուղուն նայող պարասրահում արդեն նվագում էր նվագախումբը, միսիս Ջերալդը Լեսթերին գտավ վերանդաններից մեկում: Նրա կողքին նստած էր Ջեննին՝ սպիտակ ատլասի շորով ու սպիտակ կոշիկներով, թավ մազերը ճակատից վերե պսակ կաղմած: Լեսթերը ծխում էր և խորհում Եգիպտոսի բախտի մասին, իրար փոխարինած մարդկային սերունդների մասին, որոնք տանջվել են ուժից վեր աշխատանքով: Մտածում էր Նեղոսի ափերի նեղլիկ հողաշերտի մասին, որը սնել է այդ սերունդներին, արևադարձային գոտու զարմանալի կյանքի և այս հյուրանոցի մասին՝ իր ժամանակակից հարմարություններով և սուրիստների խայտաբղետ ամբոխով, որ ծագել է այս հնադարյան հողնած ու հյուծված երկրում: Առավոտյան նա Ջեննիի հետ գնացել էր պիրամիդները դիտելու: Տրամվայով հասել էին մի՛նչևս ֆինքսի ստորոտը: Նրանք տեսել<sup>9</sup> էին խառնակ բուրմունքներով ու վառ գույներով լի նեղլիկ փողոցներ, որտեղ վխտում էին գջլտած, կիսամերկ, տարօրինակ հագուստներով տղամարդիկ ու երեխաներ:

— Շատ դժվար է սրանցից բան հասկանալ,— ասաց Ջեննին:— Նրանք այնքա՛ն կեղտոտ են, սոսկալի: Հետա-

քըրքիր է նայել նրանց, բայց նրանք բոլորը միաձուլվում, մի կծիկ են դառնում որդի պես:

Լեւթերը ժպտաց:

— Դու մասամբ իրավացի ես: Բայց դրա պատճառը կլիման է: Շոգը: Արեւդարձը: Դա սովորաբար թուլացնում է, զգայականություն է առաջացնում: Մարդիկ մեղավոր չեն:

— Դե իհարկե, ես նրանց չեմ էլ մեղադրում: Պարզապես շատ տարօրինակ են:

Այժմ Լեւթերն այս խոսակցությունն էր հիշում նայելով արմավենիներին, որոնք ողողվել էին լուսնի պայծառ կախարդական լույսով:

— Վերջապե՛ս գտա ձեղ,— գոչեց միսիս Ջերալդը:— Ճաշին ես ուշացա: Էքսկուրսիան շատ երկարեց: Ես ձեր ամուսնուն համոզել եմ ինձ հետ պարել, միսիս Քեյն,— շարունակեց նա ժպիտով:

Նա ես, ինչպես Լեւթերն ու Ջեննին, մեղկացել էր հարավային ջերմ երեկոյին: Օդը հագեցած էր այգիների ու անտառների սուր բուրմունքով: Թույլ լսվում էին ղանգուլակների ղնգոց և տարօրինակ ձայներ՝ «Այա՛, ո՛ւշ, ո՛ւշ»։ այդ հեռվում, նեղլիկ փողոցներով ուղտեր էին քշում:

— Այդ շատ լավ է,— սիրալիր պատասխանեց Ջեննին:— Թող պարի: Ես ինքս էլ հաճույքով կկամենայի, բայց պարել չգիտեմ:

— Քեզ հարկավոր է հենց հիմա մի քանի դաս առնել,— աշխույժ արձագանքեց Լեւթերը:— Եվ ես էլ քեզ կընկերանամ: Իհարկե, ես բավական ծանրացել եմ, բայց երևի մի բան դուրս կգա:

— Լավ, ես այնքան էլ չեմ ուզում պարել,— ժպտաց Ջեննին:— Բայց դուք գնացեք, իսկ ես շուտով կբարձրանամ վերև, մեր համարը: Կ

— Բայց գուցե դու դահլիճո՞ւմ կնստես,— ասաց Լեւթերը վեր կենալով:— Դե ես մի երկու պտույտից ավելի չեմ անի, իսկ հետո մենք ուրիշներին կնայենք:

— Ոչ: Ավելի լավ է ես այստեղ կմնամ. այստեղ այնքա՛ն լավ է: Իսկ դու գնա: Տարեք սրան, միսիս Ջերալդ:

Լեւթերը և Լեւտին գնացին: Դա շափազանց տպավորիչ մի ղույզ էր: Միսիս Ջերալդի մուգ մանուշակագույն շորը, որի վրա կայծկւտում էին սև-սև փայլքերը, ավելի էր շեշտում նրա բաց թևերի ու պարանոցի սպիտակութունը: Նրա մուգ մազերի մեջ մի ահագին աղամանդ էր շողշողում: Վարդագույն հյուսիեղ շրթունքները կախարդիչ ժպիտ կազմելով բաց էին արել սպիտակ համաշափ ատամների շարքը: Լեւթերը ֆրակ ուներ հագին, որն ընդգծում էր նրա ամուր, բարեձև կազմվածքը:

«Ա՛յ թե ում հետ պետք է ամուսնանար նա», — մտածեց Ջեննին, երբ նա անցավ հյուրանոցի դռան հտակը: Եվ նա ըսկըսեց մտաբերել իր ամբողջ կյանքը: Երբեմն նրան թվում էր, թե իր ամբողջ անցյալը երազ է եղել, իսկ երբեմն էլ մտածում էր, որ երազը մինչև այժմ էլ շարունակվում է: Կյանքի ծայնները նրան էին հասնում այնպես անորոշ, ինչպես այգ գիշերվա ծայնները: Նա լսում էր միայն ամենաբարձր ճիշերը, տեսնում էր սոսկ ամենաընդհանուր գծերը, իսկ զրանց հտակը, սսես երազում, միմյանց փոխարինելով լող էին տալիս անորսալի ստվերներ: Ինչո՞ւ տղամարդիկ այդպես հրապուրվում էին իրենով: Ինչո՞ւ Լեւթերն այնպես համառորեն ձգտում էր իրեն: Կարո՞ղ էր ինքը իր ժամանակին դեմ կանգնել նրա ցանկությանը: Նա հիշեց, թե ինչպես էր ապրում Կոլումբուսում, ինչպես էր գնում ածուխ հավաքելու: Իսկ հիմա ինքը Եգիպտոսումն է, այս վիթխարի հյուրանոցում, իր տրամադրության տակ է մի քանի սենյակից բաղկացած մի շքեղ համար, և Լեւթերն առաջվա պես սիրով է իրեն: Որքա՞ն է տուժել նա իր պատճառով: Իսկ ինչո՞ւ: Մի՞թե ինքը մի արտակարգ կին է: Մի ժամանակ Բրենդերն այդպես էր ասում: Լեւթերը ևս նույնն էր ասում: Եվ այնուամենայնիվ նա խոնարհաբար զգում էր, որ ինքն այստեղ իր տեղում չէ, ասես ձեռքում ունի մի բուռ թանկագին քարեր, որոնք իրեն չեն պատկանում: Հաճախ նա ունենում էր նույն զգացողությունը, որ ունեցել էր առաջին անգամ Լեւթերի հետ Նյու-Յորք գնալիս, որպես թե այս հեքիաթային կյանքը երկար չի տևելու: Բախտը դարանակալել է իրեն: Կապտահի մի ինչ-որ բան, և ինքը



նորից կընկնի այնտեղ, որտեղ եղել է. մի խուլ փողոցում, աղքատիկ տան մեջ, հնամաշ շորը հագին:

Հետո նրա մտքերը տեղափոխվեցին Ջիկագո, նա մտաբերեց Լեսթերի ծանոթներին, և իր համար պարզ դարձավ, որ հենց այդպես էլ լինելու է: Իրեն չեն ընգոնի հասարակության մեջ, եթե նույնիսկ Լեսթերն ամուսնանա իր հետ: Այժմ նա հասկանում է նաև դրա պատճառը: Նայելով այն կնոջ չքնաղ, ժպտուն գեմքին, որի հետ հենց նոր գնաց Լեսթերը, նա կարդում էր այսպիսի մի միտք. «Դու գուցե և շատ սիրունիկն ես, բայց նրա շրջանից չես»: Եվ հիմա էլ Լեսթերի հետ պարելիս միսիս Ջերալդը երևի մտածում է, թե ինքը որքան սովելի համապատասխան կին կլիներ Լեսթերի համար: Նրան հարկավոր է այնպիսի կին, որ աճած լինի իր հարազատ միջավայրում: Ջեննիից նա չէր էլ կարող սպասել, որ նա կհմանա և ճիշտ կգնահատի այն բոլոր մանրունքները, որոնց ինքը վարժվել է մանկությունից: Հիմա նա շատ բան էր հասկանում: Նա արագորեն սովորեց ըմբռնել իրադրություն, արդուզարդի, շարժուձևերի, աշխարհիկ սովորությունների ներբուխները, բայց դա նրա համար ձեռքբերովի էր և ոչ թե բնածին:

Եթե ինքը հեռանա, Լեսթերը կվերադառնա իր նախկին աշխարհը, որտեղ թագավորում է այն գեղեցիկ, խելացի, անբասիր դաստիարակությունը կինը, որը հիմա վալս է պտըտվում նրա հետ: Ջեննիի աչքերն արցունքով լցվեցին, հանկարծ նա մեռնելու ցանկություն զգաց: Ճիշտ որ այդպես սովելի լավ կլիներ:

Այդ ժամանակ Լեսթերը պարում էր միսիս Ջերալդի հետ, իսկ ընդմիջումներին զրուցում էր նրա հետ ծանոթ վայրերի ու մարդկանց մասին: Նա նայում էր Լեստիին և հիանում նրա գեղեցկությամբ ու ջահելությամբ: Այնպես բարալիկ չէր, ինչպես դեռատի հասակում, բայց հիմա էլ բարեկազմ էր, Դիանայի պես հոյատես: Նրա փափկասուն մարմնի մեջ ուժ էր զգացվում, սև-սև աչքերը շողշողում էին խոնավ փայլով:

— Ազնիվ խոսք, Լեստի,— չկարողացավ զսպել նա

իրեն,— դուք սովելի եք լավացել: Դուք չքնադ եք: Դուք ավելի ու ավելի եք ջահելանում:

— Իսկապե՞ս ձեզ այգապես է թվում,— ժպտաց Լեստին մի հայացք գցելով նրա վրա:

— Դուք շատ լավ գիտեք, որ այլ կերպ՝ ես այդ չէի ասի: Դատարկ հաճոյախոսություններից ես հեռու եմ:

— Ա՛խ, Լեսթեր, արջ եք դուք, արջ, ձեզ հետ մի քիչ կոտորատվե՞լ էլ չի կարելի: Մի՞թե չգիտեք, որ կանայք սիրում են գովասանքը վայելել կաթիլ-կաթիլ և ոչ թե միանգամից կուլ տալ:

— Ինչո՞ւ որ,— հարցրեց նա: — Ես ի՞նչ ասացի որ:

— Ոչինչ: Դուք պարզասպես արջ եք: Մեծ երեխա, անմիջական ու համառ: Բայց գրանք ղատարկ բաներ են: Դուք ինձ դուր եք գալիս: Այս բավական է ձեզ:

— Միանգամայն,— ասաց նա:

Երաժշտությունը լռեց, և նրանք դուրս եկան այդի: Լեսթերը քնքշորեն սեղմում էր նրա ձեռքը: Նա չէր կարող իրեն զսպել: Նա այնպիսի զգացմունք ուներ, ասես այդ կիներն իրեն էր պատկանում: Իսկ Լեստին ամբողջ ուժով աշխատում էր այդ ներշնչել նրան: Նրա հետ այգում նստած, ծառերի միջև կախված լապտերներից նայելով՝ Լեստին մտածում էր. եթե նա ազատ լիներ և իրեն կանչեր, ինքը կգնար նրա ետևից: Ինքը նրա ետևից կգնար նաև այսպես, միայն թե նա երևի չի ցանկանա: Նա այնպիսի՝ պուրիտանն է, այնպե՞ս է հոգում պատշաճության մասին: Նա նման չէ իրեն ծանոթ ուրիշ տղամարդկանց, նա երբեք ստորություն չի անի: Նրբե՛ք:

Վերջապես Լեսթերը վեր կացավ և սկսեց հրաժեշտ տալ: Առավոտյան Զեննիի հետ գնալու են Նեղոսի հոսանքն ի վեր, դեպի Կաթնակ և Թեբե, և դեպի Ֆիլե կղզի, որտեղ տաճարների դուրս են գալիս ուղիղ ջրի միջից: Պետք է վեր կենալ լուսածնգին, այնպես որ, ժամանակն է գնալ քնելու:

— Իսկ ե՞րբ եք մտադիր Նահանգներ գնալ,— տրտում հարցրեց միսիս Զերալդը:

— Սեպտեմբերին:

— Տոմսեր արդեն պատվիրե՞լ եք:

— Այո, մենք մեկնելու ենք Համբուրգից ամսի իննին, «Ֆուլդա» շոգենավով:

— Երևի ես էլ աշնանը կգնամ տուն,— ծիծաղելով ասաց Լեոտին:— Չգարմանաք, եթե շոգենավի վրա էլ հանդիպենք: Զիշտն ասած, ես դեռ ոչինչ չեմ որոշել:

— Չէ, իսկապես, միասին գնանք,— ասաց Լեոթերը:— Հուլյս ունեմ՝ ձեր միտքը չեք փոխի... Գուցե մենք վաղն առաւօտյան էլ հանդիպենք:

Նա լռեց, և Լեոտին մի տխուր-հարցական հայացք դցեց նրա վրա:

— Մի՛ վշտացեք,— ասաց Լեոթերը և սեղմեց նրա ձեռքը:— Քի՜չ բան է լինում կյանքում: Երբեմն թվում է, թե բանը բոլորովին վատ է, այնինչ շուտ է գալիս դեպի լավը:

Նա մտածում էր, որ Լեոտին, ըստ երևույթին, ցավում է, որ կորցնելու է իրեն, իսկ ինքն էլ ցավում էր, որ նրա ցանկությունն անիրականանալի է: Եվ էլի նա ինքն իրեն ասում էր, որ դրությունից այդպիսի ելքը իր համար անընդունելի է, այնինչ այդ մի ելք էր: Ինչու՞ ինքն այդ չի արել շատ տարիներ առաջ:

Բայց այն ժամանակ Լեոտին այնքան լավիկը չէր, որքան այժմ, և այսքան խելացի ու այսքան հարուստ չէր... Ա՛խ, եթե որ... Բայց ինքը չի կարող դավաճանել Ջեննին կամ շարիք ցանկանալ նրան: Առանց այն էլ Ջեննին շատ բան է կրթել և քաջաբար տարել է իր լուծը:

## Գ Լ ՈՒՍ XLVII

Վերադարձի ճանապարհին Լեոթերն ու Ջեննին, իրոք, էլի մի ամբողջ շաբաթ եղան միսիս Ջերալդի հետ, որը մտածել էր, թե կփորձի մի քիչ ժամանակ ապրել ծննդավայրում: Նա Յինցիննատի էր գնում անցնելով Չիկագոյով, հուսալով, որ հետագայում էլ երբեմն կհանդիպի Լեոթերին: Ջեննին շատ զարմացավ, երբ նրան տեսավ շոգենավում, և տազնապալից մտքերը նորից սկսեցին տանջել նրան: Այժմ դրությունը նրա

համար պարզ էր. շիններ ինքը, միսիս Զերալդն, անկասկած, կամուսնանար Լեսթերի հետ: Իսկ հիմա... դժվար է որևէ բան սուել: Լետտին իր ծագումով, դաստիարակությամբ, հասարակության մեջ ունեցած դիրքով ամենահարմար կինն էր Լեսթերի համար: Բայց ավելի լայն մարդկային ըմբռնողությամբ Զեննին, այնուամենայնիվ, ավելի մոտ էր Լեսթերին. այդ նա զգում էր անսխալ: Գուցե ժամանակը կօգնի լուծել այդ բարդ հարցը: Իսկ առայժմ նրանք երեքն էլ առաջվա պես մնում էին որպես բարեկամներ: Չիկագոյում նրանք բաժանվեցին. միսիս Զերալդը ճանապարհը շարունակեց դեպի Յինցիննատի, իսկ Լեսթերն ու Զեննին նորից սեղավորվեցին Հայդ-Պարկի իրենց տանը:

Նվրոպայից վերադառնալուց հետո Լեսթերը լրջորեն ըսկըսեց գործունեության նոր ասպարեզ որոնել իր համար: Խոշոր ընկերություններից ոչ մեկը նրան առաջարկություն չէր անում գլխավորապես այն պատճառով, որ նա ուժեղ ու տիրակալ մարդու համբավ ուներ, որն այս կամ այն ձևերով կհանգեցնե՞ր մտնելով անպայման կցանկանար ղեկավար դեր խաղալ այնտեղ: Նրա ֆինանսական վիճակի փոփոխության մասին ոչինչ հայտնի չէր: Մանր ընկերությունները, որոնց մասին նա տեղեկություններ հավաքեց, ողորմելի գոյություն էին քարշ տալիս կամ բաց էին թողնում նրա կարծիքով անպետք արտադրանք: Ճիշտ է, Ինդիանա նահանգի հյուսիսի մի փոքրիկ քաղաքում նա գտավ մի ձեռնարկություն, որը կարծես ինչ-որ հեռանկարներ ուներ: Այդ ձեռնարկության ղեկին էր կանգնած մի հմուտ կառագործ վարպետ, որպիսին մի ժամանակ Լեսթերի հայրն էր եղել, սակայն նա էլ մի առանձին գործարար ընդունակություններ չուներ: Նա շատ համեստ շահույթ էր ստանում տասնհինգ հազար դոլլարից, որ դրված էր մի քանի սանհինգ հազար արժեքով ձեռնարկության մեջ: Լեսթերը որոշեց, որ համապատասխան մեթոդներ կիրառելու և իսկական գործարար եռանդ լինելու դեպքում այստեղ կարելի է մի բանի հասնել: Արագ հաջողությունների մասին խոսք էլ չէր կարող լինել, խոշոր շահույթները, եթե նույնիսկ հնարավոր էին, ապա կարող էին լինել միայն հեռավոր ապագայում:

Քայլ և այնպես, Լեսթերը մտածում էր բանակցությունների մեջ մտնել այդ ձեռնարկության տիրուջ հետ, երբ նրան լուր հասավ, թե ստեղծվել է կառաշինական տրեստը:

Այդ ամբողջ ժամանակամիջոցում Ռոբերտը եռանդով զբաղվում էր կառքերի արտադրությունն արմատապես վերակառուցելու իր վաղուց մտածած խնդրով: Նա ամեն կերպ աշխատում էր իր մրցակիցներին ապացուցել, որ միավորումը որքան ավելի մեծ օգուտներ է խոստանում իրենց, քան թե մրցությունը և մեկը մյուսին շուկայից դուրս մղելու ձգտումը: Նրա պատճառաբանություններն այնքան համոզիչ էին, որ խոշոր ընկերություններն իրար ետևից համաձայնում էին: Մի քանի ամսից հետո համաձայնությունը ձևակերպվեց, և Ռոբերտը դարձավ «Կառքերի արտադրության միավորյալ ասոցիացիայի» պրեզիդենտ, որը տասը միլիոն գոլլար փայտիրական դրամագլուխ ուներ և այդ գումարի երեք քառորդին հասնող հիմնական միջոցներ: Նա հասել էր իր նպատակին և երջանիկ էր:

Լեսթերն այդ լուրջ փոփոխություններից բոլորովին անտեղյակ էր: Կառքերի արտադրության մի շարք ձեռնարկությունների միաձուլման մասին լրագրական մի քանի հակիրճ լուրերը նրա ձեռքը չէին ընկել, որովհետև այդ ժամանակ նա եղել էր արտասահմանում: Վերադառնալով Չիկագո՝ նա իմացավ, որ Իմոջինի ամուսինը՝ Ջեֆերսոն Միչլին, առաջվա պես վարում է Չիկագոյի բաժանմունքը և ապրում է Իվենստոնում: Սակայն հարազատների հետ գծությունը Լեսթերին խանդարեց որևէ տեղեկություն ստանալ առաջին բերանից: Շուտով մի պատահականություն նրա աչքերը բացեց այն ամենի առաջ, ինչ տեղի էր ունեցել, և պետք է ասել՝ այդ տեղի ունեցավ բավական անհաճո հանգամանքներում:

Շժմեցուցիչ նորությունը նրան հայտնեց ոչ այլ ոք, քան քլիվլենդցի միստր Հենրի Բրայսբրիջը, որին Լեսթերն ակումբում հանդիպեց Եվրոպայից վերադառնալուց մի ամիս հետո:

— Դու, ինչպես լսել եմ, անջատվել ես հայրական ընկերությունից, — սիրալիր ժպիտով ասաց Բրայսբրիջը:

— Այո, — ասաց Լեսթերը: — Անջատվել եմ:

— Իսկ հիմա ի՞նչ ծրագրեր ունես:

— Մտածում եմ մի զործի մասին: Ուզում եմ իմ սեփական ձեռնարկությունն ստեղծել:

— Բայց, իհարկե, հազիվ թե եղբորդ դեմ գնաս:— Նա վատ չի մտածել իր այդ ասոցիացիան:

— Ի՞նչ ասոցիացիա, ես ոչինչ չեմ լսել: Հենց նոր եմ վերադարձել Եվրոպայից:

— Օ՛յ, Լեսթեր, ուրեմն դու բոլորովին քնած ես,— ասաց Բրայսբրիջը:— Եղբայրդ ձեր արգյունաբերության ճյուղի մեծագույն տրեստն է ստեղծել: Ես կարծում էի, դու տեղյակ ես: Միավորվել են բոլոր խոշոր ընկերությունները՝ Վուդսը, Լայման-Ուինտրոպը, Մայեր-Բրուքսը: Եղբայրդ սլոնդիգենս է ընտրվել: Նա երևի հենց միայն բաժնետոմսերի բաշխումից մի երկու միլիոն վաստակած կլինի:

Լեսթերը հոնքերը վեր քաշեց, նրա աչքերը նայում էին սառն:

— Դե, ի՞նչ կա որ, ուրախ եմ Ռոբերտի հաջողությանը: Բրայսբրիջը հասկացավ, որ Լեսթերի ցավոտ տեղին է դիպել:

— Յտեսություն, սիրելիս, իմ գնալու ժամանակն է,— ասաց նա:— Երբ Քլիվլենդ գաս, անցիր մեզ մոտ: Ես և կինըս սիրում ենք քեզ, դու հո գիտես:

— Դիտեմ,— ասաց Լեսթերը:— Յտեսություն:

Նա դանդաղ քայլեց դեպի ծխարան: Իր այս լսածից հետո իր նոր մտահղացումը կորցնում էր ամեն մի հետաքրքրություն: Մե՞ծ բան կլինի ինքը մի խղճուկ ֆաբրիկայի տիրոջ դերում, երբ իր եղբայրը կառաշինական տրեստի դիրեկտոր է: Այո, մի տարի չանցած՝ Ռոբերտն իրեն մուրացկան կդարձնի: Մի ժամանակ ինքն էր երազում այդպիսի ասոցիացիայի մասին: Ինքը երազում էր, իսկ Ռոբերտը վերցրեց ու ստեղծեց այն:

Ուրիշ բան է շնորհալի մարդկանց գլխին տեղացու բախտի հարվածները կրել, երբ դու երիտասարդ ես, համարձակ և մարտական շնչով տոգորված: Եվ բոլորովին ուրիշ բան է, երբ երիտասարդությունդ արդեն անցել է, երբ քո հիմնական

կարողութիւնը դուրս է պրծնում ձեռքիցդ, իսկ հարստութեան ու հաջողութեան հասնելու նոր ճանապարհները իրար ետևից փակվում են քո առաջ: «Հասարակութեան» բացահայտ շկամութիւնը՝ ընդունել Ջեննիին, նրա շուրջն ստեղծված լրագրային աղմուկը, գոտութիւնը հոր հետ և նրա մահը, կարողութեան կորուստը, հայրական ձեռնարկութիւնից անջատումը, Ռոբերտի վարքագիծը, վերջապես այս նոր տրեստը—այս ամենը վհատեցնում, ճնշում էր Լեսթերին: Նա աշխատում էր ցույց չտալ այդ, և մինչև այժմ կարծես թէ հաջողվում էր, բայց հիմա հանկարծ զգաց, որ ամեն բան սահման ունի: Նա տուն վերադարձավ ամպից էլ ավելի սևակնած: Ջեննին իսկույն զգաց այդ, ավելի ճիշտ՝ նա սպասում էր դրան: Ամբողջ երեկոյի ընթացքում, երբ Լեսթերը տանը չէր, նրան տանջում էր մի ինչ-որ անհասկանալի թախիծ: Եվ ահա Լեսթերը վերադարձավ, և նա հասկացավ. Լեսթերին լուրջ անախորժութիւն է պատահել: Նրա առաջին ցանկութիւնը եղավ հարցնել. «Ի՞նչ է պատահել, Լեսթեր», բայց խելացիորեն զսպեց իրեն և մտածեց, որ նա ինքը կպատմի ամեն ինչ, եթե ցանկանա: Նա ձևացրեց, թէ ոչինչ չի նկատել և աշխատում էր գուրգուրանքով ցրել նրա մտքերը:

— Վեստան այսօր շատ գոհ է իրենից,— սկսեց նա:— Գերազանց գնահատականներ է բերել գպրոցից:

— Այդ լավ է,— մոայլ առաց Լեսթերը:

— Եվ հիանալի պարել է սկսել: Հենց քիչ առաջ նա ինձ ցույց էր տալիս իբ նոր սովորած պարերը: Ի՞նչ հիանալի է պարում, ուղղակի չես կարող պատկերացնել:

— Շատ ուրախ եմ,— լինթլինթաց Լեսթերը:— Ես հոստում էի, որ նա պետք է սովորի: Եվ երևի ժամանակն է, որ նրան փոխադրենք մի ուրիշ, ավելի լավ դպրոց:

— Իսկ հայրիկը շարունակ բարկանում է, նույնիսկ ծիծաղելի է: Վեստան նույնիսկ ջղայնացնում է նրան, այդ չարաճճին: Այսօր ամբողջ օրը կպել է օձիքից, թե՛ արի քեղ պարել սովորեցնեմ: Հայրիկն այդքան որ սիրելիս չլինեք նրան, աղանջները կպոկեր:

— Երեւակայում եմ,— ժպտաց Լեւթերը:— Մեր պատը՝ պարեւիս: Ա՛յ թե պատկեր կլինի:

— Նա փնթփնթում է, վայրանում, իսկ Վեստայի հոգն էլ չէ:

— Կեցցե՛ աղջիկը,— ասաց Լեւթերը:

Նա անկեղծորեն սիրում էր Վեստային և ավելի ու ավելի էր հետաքրքրվում նրանով:

Ջեննին շարունակում էր շատախոսել, և նրան հաջողվեց մի փոքր ցրել Լեւթերի մռայլ տրամադրութունը: Իսկ երբ պառկել-քնելու ժամանակը եկավ, նա ինքը, վերջապես, սկսեց խոսել իր հոգսերի մասին:

— Երբ մենք արտասահմանում ենք եղել, Ռոբերտն այստեղ մի շատ լավ ֆինանսական գործ է տեսել:

— Ի՞նչ գործ,— հետաքրքրվեց Ջեննին:

— Կառաշինական տրեստ է կաղմել, ոչ ավել, ոչ պուկաս: Հիմա նրա տրեստը իր մեջ կընդդրկի այդ գծով երկրում եղած բոլոր շատ թե քիչ նշանակալից ձեռնարկութունները: Բրայսբրիջն ինձ ասաց, որ Ռոբերտը պրեզիդենտ է ընտրվել և որ նրանք համարյա ութ միլիոն դրամագլուխ ունեն:

— Ի՞նչ ես ասում,— գոչեց Ջեննին:— Այդ դեպքում երեւի չարժե, որ դու մտնես այն նոր ընկերության մեջ, որի մասին խոսում էիր:

— Այո, հիմա դա անմիտ բան կլիներ: Գուցե թե հետագայում, չգիտեմ: Առայժմ պետք է սպասել. տեսնենք ինչ դուրս կգա այդ նոր տրեստից: Ո՛վ գիտե, ի՛նչ ուզվության կվերցնի նա:

Ջեննին վշտացած էր մինչև հոգու խորքը: Առաջ նա երբեք Լեւթերից տրտոսնջի ոչ մի խոսք չէր լսել: Նա շատ էր ուզում սփռփել Լեւթերին, բայց հասկանում էր, որ դա իր ուժերից վեր է:

— Դե ի՛նչ կա որ,— ասաց նա:— Աշխարհում ուրիշ շատ հետաքրքիր բաներ էլ կան: Ես լինեի քո տեղը, չէի շտապի: Դու դեռ ժամանակ ունես:

Ավելին նա սիրտ չարեց ասել, բայց Լեւթերը հանկարծ զգաց, որ, իրոք, տանջվելու կարիք չկա: Վերջ ի վերջո էլի



երկու տարի ինքն ապահովված է միանգամայն բավարար եկամուտով: Յանկության գեպքում այն կարելի է և բազմապատկել: Եվ, այսուամենայնիվ, Լեսթերին կրծում էր այն միտքը, որ եղբայրն արագ թափով վեր է բարձրանում, իսկ ինքը մնացել է տեղում կամ, ավելի ճիշտ, լող է տալիս հոսանքն ի վար: Դա ցավալի էր, իսկ գլխավորը՝ նա սկսեց ըզզալ, որ կորցնում է իր ոտքի տակի հողը:

## Գ Լ Ո Ւ Խ XLVIII

Որքան էլ Լեսթերը զուլիս էր կոտրում, չէր կարողանում մի հնար գտնել, թե ինչպես նորից գործարար կյանքի մեջ մտնի: Իմանալով, որ Ռոբերտն իր տրեստն է ստեղծել, նա իսկույն հրաժարվեց Ինդիանայի գործարանատիրոջ համեստ ձեռնարկությանը մասնակցելու մտքից: Նա բավական հրապարտություն և չափի զգացում ուներ, որ հասկանար, թե որքան անհեթեթ կլինեն չափվել եղբոր հետ, որն անվիճելիորեն գերազանցում էր իր ֆինանսական հնարավորություններով: Նա տեղեկություններ հավաքեց նոր ասոցիացիայի մասին և համոզվեց, որ Բրայսբրիջն ամենևին էլ չի չափազանցրել նրա թափն ու հզորությունը: Դա միլիոնանոց գործ էր: Առանձին գործող մանր ֆաբրիկանտների համար իրենց գոյությունը պահելու ամենաչնչին հույս անգամ չէր մնացել: Ուրեմն միթե պիտի քարշ գար իր նշանավոր եղբոր պոչից: Ո՛չ, գա արդեն շափաղանց ստորացուցիչ է: Այս ու այն կո՞ղմն ընկնել, շուռումո՞ւռ գալ նոր տրեստի դեմ անհավասար պայքար մղելիս, իմանալով, որ հարազատ եղբայրդ կարող է ճգմել քեզ կամ խնայել, և որ քո՞ դեմ օգտագործվում է հենց քեզ պատկանող դրամագլուխը: Ո՛չ, անկարելի է: Ավելի լավ է մի փոքր սպասել: Երևի մի դուռ կբացվի: Առայժմ ապրելու միջոց կա, և ինքն էլ իրավունք ունի, եթե ցանկանա նորից Քեյն ընկերության փայտեր դառնալու: Բայց ցանկանո՞ւմ է ինքն այդ: Ահա մի հարց, որին Լեսթերը ոչ մի կերպ պատասխանել չէր կարող:

Նա դեռ իր կասկածներն ու տատանումների գերին էր, երբ մի գեղեցիկ օր նրան ներկայացավ ոմն Սեմյուել Ռոս, անշարժ գույքի վաճառման գործակալ, որի վիթխարի ռեկլամները տախտակե վահանակների վրա շարված էին Զիկագոն շրջապատող ամբողջ պրերիայում: Լեսթերն այդ մարդուն մի երկու անգամ հանդիպել էր ակումբում, լսել էր, որ նա համարձակ ու հաջողակ գործարար է, և հիշում էր նրա գրասենյակի ճշացող ճակատը Վաշինգտոն և Լա-Սալ փողոցների անկյունում: Ռոսը մոտ հիսուն տարեկան մարդ էր, նա ուշագրություն էր գրավում իր արտաքինով. բալձրահասակ էր, սև մորուքով, սև-սև աչքերով, արծվաքիթ էր և գանգուր մազեր ուներ: Լեսթերը հիշեց նրա փափուկ, կատվային քայլվածքը և երկար մատներով արտահայտիչ նեղ ու սպիտակ ձեռքերը:

Միստր Ռոսը միստր Քեյնին ներկայացել էր գործնական առաջարկությամբ: Միստր Քեյնը, իհարկե, զիտե, թե ով է ինքը: Միստր Ռոսն էլ իր հերթին լիովին տեղյակ է միստր Քեյնի մասին: Հայտնի՝ է արդյոք միստր Քեյնին, որ բոլորովին նորերս նա՝ Ռոսը, նպարեղենի «Իեյլ, Սիմփսոն և Ռայս» մեծաքանակ առևտրի ընկերության ներկայացուցիչ միստր Նորման Իեյլի հետ ստեղծել է քաղաքի «Իեյլվուդ» նոր արվարձանը:

Այո, միստր Քեյնին այդ հայտնի էր:

Դեռ վեց շաբաթ էլ չանցած՝ Իեյլվուդի վերջին հողամասերն էլ վաճառվեցին: Միջին հաշվով դա քառասուներկու տոկոս շահույթ բերեց: Ռոսը թվեց անշարժ գույքի հետ իր կատարած էլի մի քանի գործարքները, որոնց մասին ևս Լեսթերը որոշ բան լսել էր: Ռոսն անկեղծորեն խոստովանեց, որ իր գործի մեջ անհաջողություններ էլ են լինում: Նա ինքը երկու անգամ տուժել է: Բայց, ինչպես հայտնի է, շատ ավելի հաճախ անշարժ գույքի հետ կատարված գործարքները եկամուտ են տալիս: Եվ ահա, քանի որ Լեսթերն այլևս կապված չէ Քեյն ընկերության հետ, դուցե դեմ չի լինի լավ գործի մեջ դնելու իր փողերը: Հետաքրքիր առաջարկություն կա: Լեսթերը համաձայնեց ունենդրել միստր Ռոսին, և նա կատվի աչքերի նը-

ման կլոր աչքերը ճպճպացնելով սկսեց բացատրել բանի էությունը:

Նրա խոսքը հանգում էր այն բանին, որ Լեսթերին առաջարկում էր իր հետ միասին գնել ու շահագործել քառասուն ակրից բաղկացած մի ընդարձակ հողամաս, որ գտնվում էր քաղաքի հարավ-արևելյան ծայրամասում, հիսունհինգերորդ, յոթանասունմեկերորդ և Հոլսթեդ ու էշլենդ փողոցների միջև: Այդ շրջանում հողի գինն անխուսափելիորեն բարձրանալու է սպասվում է իսկական բռն, այն էլ երկար ժամանակով: Քաղաքային վարչությունն արդեն որոշել է սալահատակել Հիսունհինգերորդ փողոցը: Ենթադրվում է Հոլսթեդ փողոցով տրամվայի գիծը շարունակել: Մոտիկով անցնող Զիկագո-Բեռլինգտոն-Քուինսի երկաթուղագծի ընկերությունն, անտարակույս, կուզենա նոր արվարձանում մարդատար գնացքների կայարան կառուցել: Հողի համար պետք է վճարվի քառասուն հազար դոլլար, այդ ծախսը իրենք հավասար կլինեն: Հողամասը հարթեցումը, մաս-մաս բաժանելը, փողոցների սալահատակումը, ծառերի տնկումը, լապտերներ կանգնեցնելը՝ այս ամենը կնստի մոտ քսանհինգ հազար: Հարկավոր կլինի երկու կամ երեք տարվա ընթացքում ռեկլամի վրա որոշ գումար ծախսել, ներդրած կապիտալի տասը տոկոսը, ընդամենը տասնինն-քսան հազար դոլլար: Ընդհանուր առմամբ նրանք երկուսով գործի մեջ կդնեն իննսունհինգ, ամենաշատը՝ հարյուր հազար դոլլար, որից Լեսթերին բաժին կընկնի հիսուն հազար: Հետո միատր Ռոսն սկսեց շահույթները թվել:

Վերոհիշյալ հողի վաճառքի հեռանկարների և նրա գնի բարձրացման մասին կարելի է դատել նրան կից Հիսունհինգերորդ փողոցից դեպի հյուսիս և Հոլսթեդ-սթրիթից դեպի արևելք ընկած հողամասերով: Վերցնենք թեկուզ Մորտիմերի հողամասը Հոլսթեդ և Հիսունհինգերորդ փողոցների անկյունում: 1882 թվականին այդտեղ հողը վաճառվում էր ակրը քառասունհինգ դոլլարով: Չորս տարի հետո արդեն ակրն արժեք հինգ հարյուր դոլլար. 1866 թվականին այդ հողամասի համար այդպիսի գին է վճարել միատր Ջոն Սլոսսենը: 1889 թվականին, այսինքն՝ էլի երեք տարի հետո, նա հողը միատր

Մորտիմերին ծախեց ակրը հազար դոլլարով: Այժմ այդպիսի գնով է առաջարկվում դեռևս չմշակված նոր հողամասը: Այն կարելի է բաժանել 50 ոտնաչափ լայնք և 100 ոտնաչափ երկարություն ունեցող հողակտորների և վաճառել հինգ հարյուրական դոլլարով: Միթե՞ սա ապահովված շահույթ չէ:

Լեսթերը համաձայնեց, որ շահույթը, իսկապես, կաքծես ապահովված է:

Ռոսը մի քիչ էլ պարծենկոտությամբ սկսեց բացատրել, թե ինչպես են փող կուտակում անշարժ գույքի գործարքներով: Անտեղյակ մարդը չպետք է խցկվի այդ գործի մեջ: Մի քանի շաբաթում, նույնիսկ մի քանի տարվա ընթացքում չի կարելի հասնել այն հմտության, որ ունեն իր նման մարդիկ, որն իր փորձը կուտակել է քառորդ դարի ընթացքում: Այստեղ կարևոր է և՛ հեղինակությունը, և՛ ճաշակը, և՛ հոտառությունը: Եթե իրենք համաձայնության գան և սկսեն գործել, գործերի ղեկավարությունը ինքը կվերցնի իր վրա: Նա իր տրամադրության տակ ունի ենթակաների լավ վարժված մարդկանց մի հաստիք և խոշոր կապալառուներ: Նա ծանոթություններ ունի հարկային վարչությունում, ջրամատակարարման վարչությունում, մի խոսքով, քաղաքային տնտեսության բոլոր բաժիններում, որոնցից կախված է նոր շրջանի բախտը: Եթե Լեսթերն ընկերանա իր հետ, նա՝ Ռոսը, երաշխավորում է շահույթը. թե որքան կլինի այդ՝ ճշգրիտ ասել չի կարող. ամենաքիչը հիսուն հազար դոլլար, բայց ավելի շուտ՝ հարյուր հիսուն կամ երկու հարյուր: Հենց որ Լեսթերը իր ցանկությունը հայտնի, նա նրան կծանոթացնի բոլոր մանրամասնություններին և կբացատրի իր ծրագիրը կենսագործելու կարգը:

Մի քանի օր մտածելուց հետո Լեսթերը որոշեց, որ միաստըր Ռոսի նախագիծը արժանի է ուշադրության:

Խվում էր, թե այդ գործի հաջողությանը կասկածելու ոչ մի հիմք չկար։ Միստր Ռոսի վիթխարի փորձը և առողջ դատողությունը նրա ամեն մի նախաձեռնության հաջողության երաշխիք էր։ Նա մանրամասնորեն ուսումնասիրել է իր գործը։ Նա կարողանում էր համոզել ում ուղենար և ինչ ուղենար, միայն թե նրան ժամանակ տրվեր մանրամասնորեն լուսաբանելու հարցի բոլոր կողմերը։

Լեսթերն այնքան էլ հեշտությամբ չհրապուրվեց այդ դործով, թեև, ընդհանուր առմամբ, անշարժ գույքի առևտուրը նրա սրտով բան էր։ Հողը հետաքրքրում էր նրան։ Նա գտնում էր, որ դա դրամագլուխը գործադրելու պատկառելի բնագավառ է, եթե չափից ավելի չցրվես։ Մինչև այժմ նա չէր փորձել փող դնել հողամասերի գործի մեջ, բայց միայն նրա համար, որ այդ գործից հեռու գտնվող շրջանների մեջ էր լինում։ Նա «հողագործ» մարդ էր, իսկ հիմա էլ՝ որոշ իմաստով նաև գործադուրկ։

Միստր Ռոսը նրան դուր էր գալիս. նա, երևում էր, հուկանում է իր բռնած գործը։ Դժվար չէր ստուգել նրա պլանդումները, և Լեսթերը չհապաղեց դրանով զբաղվել։ Բացի այդ, նա հիշում էր Ռոսի ռեկլամ-վահանները պրերիայում և նրա հայտարարությունները թերթերում։ Վերջապես ժամանակն էր վերջ տալու այս ձգձգվող անգործությանը և գեթ մի փոքրը մեծացնելու իր դրամագլուխը։

Յավոք սրտի, Լեսթերը վերջին ժամանակներս այնքան էլ չէր խորանում մանրամասնությունների մեջ։ Հոր ձեռնարկությունում գործելու հենց սկզբից նրան հանձնարարվում էին ընդհանուր բնույթի խնդիրներ՝ խոշոր քանակությամբ ապրանքների գնում, մեծաքանակ սլատվերների բաշխում, այնպիսի հարցերի քննարկում, որոնք վերաբերում էին ֆիրմայի ամբողջ աշխատանքին. և հեռու էին ավելի մանր առևտրականների համար առաջնակարգ նշանակություն ունեցող գործնական մանրամասնություններից։ Ֆաբրիկայում ոչ թե նա, այլ Ռոբերտն էր մինչև վերջին պենտը հաշվում արտադրու-

թյան բոլոր ծախսերը, հետևում, որ ոչ մի տեղ ամենաշնչին կորուստ անգամ չլինի: Իսկ կեսթերը բարեխղճորեն և հավիըշտակությամբ կատարում էր ավելի ընդհանուր կարգի հանձնարարություններ: Եվ այժմ, երբ խորհում էր Ռոսի առաջարկության մասին, նրան հետաքրքրում էին լայն հեռանկարները և ոչ թե մանրուքները: Նա շատ լավ գիտեր, որ Ջիկսոգոն արագորեն աճում է, և հողի գինը չի կարող չբարձրանալ: Այնտեղ, ուր այժմ մերկ դաշտ է, շատ շուտով, մի քանի տարուց հետո, խիտ շենքերով բնակելի արվարձաններ են լինելու: Անհնարին է ենթադրել, թե հողի գինը կարող է ընկնել: Հողակատորների վաճառքը կարող է ձգձգվել, և դներն էլ գուցե միշտ միահավասար չբարձրանան, բայց ընկնել չեն կարող: Այս էր համոզում նրան Ռոսը, և ինքը՝ կեսթերն էլ համոզված էր դրան:

Նա չէր նախատեսել մի ամբողջ շարք պատահականություններ: Նա չէր մտածել, որ ինքը՝ միստր Ռոսն էլ հավերժական չէ, որ ներկայումս բնակելի արվարձանի համար իդեալական թվացող շրջանին կարող են վնասել նրա հարևանությամբ կառուցվող թաղամասերը, որ անբարենպաստ ֆինանսական իրադրությունը կարող է հողի գնի իջեցում առաջացնել, ավելին. կարող է առաջացնել հողակտորները չնչին գներով ծախսելու խուճապային տենդենց, որին դիմանալ չեն կարող նույնիսկ այնպիսի փորձված մակլերները, ինչպիսին էր միստր Սեմյուել Ռոսը:

Մի քանի ամիս կեսթերն ուսումնասիրում էր իր նոր դաստիարակի ու գիդի նկարագրած իրադրությունը, ապա զալով այն եզրակացության, որ ռիսկը եթե կա էլ, ապա շատ աննշան է, որոշեց ծախել իր բաժնետոմսերի մի մասը, որոնք իրեն բերում էին ողորմելի վեց տոկոս եկամուտ, և այդ փողը դնել նոր ձեռնարկության մեջ: Նրա առաջին մոծոմը եղավ քսանհինգ հազար դոլլար՝ հողի արժեքի կեսը, որի համար նրանք, ինչպես համաձայնել էին Ռոսի հետ, հավասարաչափ էին վճարում: Այդ համաձայնությունը պետք է ուժի մեջ մնար, քանի դեռ չէին վաճառվել բոլոր հողակտորները: Հետո նա տասներկուեկես հազար դոլլար տվեց աշխատանք-

ների կատարման համար, իսկ հետո՝ էլի երկուսեկես հազար գոլլար՝ հարկերի վճարման և զանազան շնախատեսված ծախսերի համար: Պարզվեց, որ հողի յուրահատկության պատճառով համահարթումն ավելի թանկ է նստում, քան նախատեսված է եղել, որ ծառերը միշտ էլ առաջին իսկ տնկումով չեն կսլշում, որ մի շարք աշխատանքներ հաջողությամբ ավարտելու համար հարկավոր է քաղաքային տնտեսության գաղաչյին կամ ջրմուղի բաժիններում որոշ մարդկանց «յուղել»: Այս ամենով զբաղվում էր միստր Ռոսը, բայց քանի որ դա ծախսերի ավելացման պատճառ էր լինում, նա չէր կարող կեսթերին տեղյակ չպահել:

Նրանց առաջին զրույցից մոտ մեկ տարի հետո հողակտորները պատրաստ էին, բայց նրանց մասին համապատասխան ռեկլամ անելու համար հարկավոր էր սպասել մինչև գարուն: Ռեկլամի ծախսերի համար էլ կեսթերը երբորդ մուծումը պիտի աներ, և նա ծախեց էլի տասնհինգ հազարի բաժնետոմսեր, գտնելով, որ հարկավոր է գործը հասցնել մինչև վերջը և հետո արդեն սպասել խոստացված եկամուտին:

Սկզբում կեսթերը բոլորովին գոհ էր իր ծրագրերի իրականացումից: Ռոսը, անտարակույս, նրան թվաց խելամիտ ու խորաթափանց գործարար, որը կարողանում է ընդգրկել բազմապիսի մանրուքներ: Հողակտորները մշակվել էին հիսունալի: Նոր թաղամասին տրվել էր հրապուրիչ անուն՝ Գրինվուդ, այսինքն՝ Կանաչ Անտառ, թեև, ինչպես կեսթերը նկատեց, այնտեղ անտառի հետք էլ չկար: Բայց Ռոսը նրան հավատացնում էր, որ քաղաքամերձ հողամաս որոնող մարդկանց այդպիսի անունը դուր կգա, իսկ երբ տեսնեն, թե ինչպիսի եռանդով ծառեր են տնկվում, որոնք հետագայում դառնալու են սովերախիտ ծառուղիներ ու այգիներ, նրանք հեշտությամբ երազանքն իրականության տեղ կդնեն: Կեսթերն այս բացատրությունների վրա միայն ժպտաց:

Գրինվուդի ուլայծառ ապագան մոայլող առաջին սովերը այն լուրն էր, թե «Ինտերնացիոնալ կոնսերվայինը» — միակոնսերվ տրեստի մեջ միավորված խոշորագույն ընկերու-

թյուններից մեկը—որոշել է տրեստից անջատվել և ինքնուրույն ձեռնարկություն հիմնել: Լրագրերում գրում էին, որ «Ինտեր-նացիոնալ»-ը մտադիր է հիմնավորվել Հոլսթեդ-սթրիթից և Երեսուներկուերորդ փողոցից դեպի հարավ, ամենայն հավանականությամբ Հիսունհինգերորդ փողոցի և էշլենդ ավենյուի շրջանում: Այդ թաղամասը արևմտյան կողմում անմիջակա-նորեն կից էր Լեսթերի հողերին, իսկ հենց միայն այն կա-կածը, որ մոտերքում պահածոների գործարան է բացվելու, բավական էր, որ կործանի ծնունդ առնող ամառանոցային թաղամասի հեռանկարները:

Ռոսը կատաղությունից իրեն կորցրել էր: Գրությունն արագ գնահատելով, նա որոշեց, որ միակ ելքն է լրագրերում ավելի լայն ռեկլամ անել: Նոր հողակտորների մասին և աշ-խատել շուտ ծախել դրանք, քանի դեռ նոր ձախորդություններ էլ չեն ծագել: Նա իր տեսակետը հայտնեց Լեսթերին, և սա համաձայնեց, որ այդպես ամենից ավելի լավ կլինի: Նրանք արդեն ռեկլամի վրա վեց հազար դոլլար էին ծախսել, իսկ հի-մա էլ տասն օրվա ընթացքում ծախսեցին էլի երեք հազար, որպեսզի այն տպավորությունն ուտեղծեն, թե Գրինվուդը իդեալական թաղամաս է՝ սարքավորված ըստ ժամանակա-կից տեխնիկայի վերջին խոսքի, իր գեղեցկությամբ և անդոր-րությամբ Չիկագոյում իրեն հավասարը չունի և ապագայում էլ չի ունենալու: Բայց դա չօգնեց: Մի քանի հողակտորի գը-նորդ գտնվեց, բայց «Ինտերնացիոնալ կոնսերվային» ծրա-գրերի չարագույժ լուրերը համառորեն շարունակվում էին: Այժմ արդեն Գրինվուդը, թերևս, պետք լիներ միայն որպես օտարերկրացի բանվորների ավան: Իսկ ամառանոցային թաղամասի միտքը բացահայտ ձախողում էր կրել:

Այս նոր հարվածը Լեսթերին լիակատար հուսահատու-թյան մեջ գցեց: Հիսուն հազար դոլլար, իր կարողության եր-կու-երրորդ մասը, եթե չհաշվենք հոր կտակով սահմանված տարեկան եկամուտը, անշարժության էր մատնվել: Հարկա-վոր էր հարկեր վճարել, նորոգումներ կատարել և միաժամա-նակ պատրաստ լինել այն բանին, որ հողի գները կսկսեն ընկնել: Նա մի միտք հայտնեց, թե մնացած հողակտորները



կարելի է ծախել ինքնարժեքով կամ գրավ դնել, հրաժարվելով հետագա շահագործումից: Բայց Ռոսն այդ գործին շատ ավելի մոռալ էր նայում: Մի երկու անգամ նա արդեն ընկել էր այդպիսի դժվարությունների մեջ: Նա սնոտիապաշտ մարդ էր և գտնում էր, որ եթե գործը հենց սկզբից հարթ չի ընթացել, նշանակում է դա իրենց բախտից է և ինչ էլ որ անես, միևնույն է, չես ուղղի: Իր դառն փորձից նա գիտեր, որ իր կոչեգաներից շատերն էլ հենց այդպես են մտածում:

Էլի մի երեք տարի նրանք այդպես մնացին, իսկ հետո արդեն հողակտորները աճուրդով ծախեցին: Լեսթերին, որը հիսուն հազար դոլլար էր դրել գործի մեջ, բաժին ընկավ տասնութ հազարից մի քիչ ավելի: Եվ կյանքի փորձ ունեցող մարդկանցից ոմանք հավատացնում էին նրան, թե շատ լավ է պրծել:

## Գ Լ ՈՒ Ն Լ

Քաղաքամերձ հողամասերի կարգավորման ամենահեռու շրջանն էր, երբ միսիս Ջերալդը որոշեց փոխադրվել Չիկագո: Ապրելով Յինցիննատիում՝ նա շատ բան էր իմացել Լեսթերի կյանքի հանգամանքների մասին, որոնք այնքան բամբասանքների ու կշտամբանքների պատճառ էին դարձել: Այն հարցը, թե Լեսթերն ամուսնացած է Ջեննիի հետ թե ոչ, այդպես էլ անորոշ էր մնացել: Բայց միսիս Ջերալդին էր հասել Ջեննիի ամբողջ պատմությունը, ճիշտ է, աղավաղված ձևով, և տեղեկություններ այն մասին, թե ինչպես Չիկագոյի մի լրագիրը Լեսթերին պատկերել է սիրո համար իր ամբողջ կարողությունը զոհաբերող միլիոնատիրոջ դերում, ինչպես միանգամայն ճշգրիտ տեղեկություններ, որ Ռոբերտը եղբորը հեռացրել է «Քեյն ընկերության» գործերին մասնակցելուց: Եվ միսիս Ջերալդը ցավում էր, որ Լեսթերը կործանում է իրեն:

Անցավ մի տարի, բայց Լեսթերը ոչինչ չարեց: Կանցնի

ևս երկու տարի, և արդեն շատ ուշ կլինի: Լոնդոնում նա Լեւ-տին ասում էր, որ ինքը համարյա այլևս իլյուզիաներ չունի: Գուցե թե Ջեննին միակ իլյուզիա՞ն է: Ի՞նչ է, նա իրո՞ք սիրում է նրան, թե՞ պարզապես խղճում է: Լեւտին համար շատ հետաքրքիր էր պարզել այս հարցը:

Չիկագոյում Լեւտին մի շքեղ առանձնատուն վարձեց Գրեքսել բուլվարի վրա: «Այս ձմեռ ես Ձեր կողմերում եմ ապրելու,— գրում էր նա Լեսթերին,— և հուսով եմ, որ մենք հաճախ կհանդիպենք: Յինցիննատիում մեռնում եմ ձանձրույթից: Եվրոպայից հետո այստեղ այնքան... դե, Գուք հասկանում եք: Շաբաթ օրը տեսա միսիս Նոուելին, նա Ձեր մասին էր հարցնում: Նկատի ունեցեք, որ նա շատ լավ է վերաբերվում Ձեզ: Գարնանը նրա աղջիկն ամուսնանալու է Ջիմ Սելրենսի հետ»:

Լեսթերը միսիս Ջերալդի գալուն սպասում էր բավականության և անհարմարության խառն զգացմունքով: Նա, իհարկե, իր մոտ երեկույթներ և ընդունելություններ կսարքի: Ի՞նչ կլինի, եթե նրա խելքին փշի իրեն էլ հրավիրել Ջեննիի հետ միասին: Բայց ոչ, հազիվ թե: Պետք է ենթադրել, որ հիմա արդեն նա իմացել է, թե ինչ դրույթուն է: Նրա նամակից էլ այդ երևում է: Նա «մտադիր է հաճախ հանդիպել իր հետ», նշանակում է՝ իր հետ և ոչ թե Ջեննիի: Լեսթերը որոշեց ամեն ինչ անկեղծորեն պատմել Լեւտինին և թողնել, որ նա ինքը որոշի, թե հետագայում ինչպիսին են լինելու իրենց հարաբերությունները:

Անկեղծ խոսակցության համար նա ընտրեց այն պահը, երբ ինքը հարմարավետ հյուրասենյակում նստած էր Լեւտինի հետ, որը բաց դեղնավուն մետաքսե շորի մեջ ասես մի չքնադ տեսիլք լիներ: Հենց այդ ժամանակ էլ Լեսթերն սկսել էր կասկածել իր հողային գործերի հաջողությանը, տրամադրությունը վատ էր, և նա, ավելի քան երբեք, կարեկցության և ըմբռնման կարիք ուներ: Իր հոգսերի մասին նա Ջեննիին դեռ ոչ մի խոսք չէր ասել:

Երբ սպասուհին տիրուհուն թեյ մատուցեց, իսկ Լեսթե-

ըին՝ կոնյակ ու սոդաշուր և հեռացավ, Լեւոտին որոշեց օգնել նրան և ինքը խախտեց լուսթյունը:

— Իսկ ես, Լեւոթեր, Եվրոպայից վերադառնալուց հետո շատ բան եմ լսել ձեր մասին: Պատմեցեք ինձ ձեք մասին: Դուք հո գիտեք, թե որքան սրտիս մոտ եմ ընդունում ես այն ամենը, ինչ վերաբերում է ձեզ:

— Դուք ի՞նչ եք լսել, Լեւոտի,— հանգիստ հարցրեց Լեւոթերը:

— Նախ՝ լսել եմ ձեր հոր կտակի մասին և որ դուք այլևս չեք մասնակցում ընկերության գործերին, և էլի ամեն տեսակ բամբասանքներ միսիս Քեյնի մասին, որոնք ինձ առանձնապես չեն հետաքրքրում: Դուք ինձ հասկանում եք: Բայց մի՞թե դուք չեք ուզում կարգավորել ձեր կյանքը, որպեսզի ստանաք այն, ինչ իրավամբ ձեզ է պատկանում: Ինձ թվում է, դա այնպիսի մի հսկայական զոհաբերություն է, եթե, իհարկե, դուք իսկական խոր զգացմունք չունեք: Ճիշտ չե՞մ ասում, Լեւոթեր,— հարցրեց նա խորամանկորեն:

Լեւոթերը միանգամից պատասխան չտվեց:

— Չգիտեմ նույնիսկ, թե ինչ ասեմ ձեզ, Լեւոտի: Երբեմն ինձ թվում է, թե սիրում եմ նրան, երբեմն էլ ամենեին չեմ հավատում դրան: Ես ձեզ հետ միանգամայն անկեղծ կխոսեմ: Կյանքումս երբեք ես այսպիսի դժվարին դրություն մեջ չեմ եղել: Դուք ինձ հետ այնպես լավ եք վարվում, իսկ ես... չեմ ասի, թե ինչ կարծիքի եմ ձեր մասին: Բայց, համենայն դեպքս, չեմ ուզում ձեզանից զաղտնիք ունենալ: Ես ամուսնացած չեմ:

Նա լռեց:

— Ես այդպես էլ մտածում էի,— ասաց Լեւոտին:

— Եվ ամուսնացած չեմ նրա համար, որ շատ երկար ժամանակ եմ տատանվել: Երբ առաջին անգամ Ջեննիին տեսա, մտածեցի, որ դրանից ավելի հրապուրիչ կին աշխարհում չկա:

— Այն ժամանակ ես ձեզ համար մի մեծ բան չէի,— ընդհատեց նրան միսիս Ջերալդը:

— Եթե ուզում եք, որ ես խոսեմ, մի ընդհատեք ինձ,—  
ժպտաց չեսթերը:

— Միայն մի բան ասացեք ինձ, և ես այլևս ոչինչ չեմ  
հարցնի: Այդ Քրիվենդոֆումն էր:

— Այո:

— Ինձ այդպես էլ ասել են,— հաստատեց նա:

— Նրա մեջ կար այնպիսի մի...

— Սեր առաջին հայացքից,— նորից շհամբերեց Լետ-  
տին. նրա հոգին շատ էր դառնացել:— Այդպես լինում է:

— Դուք ինձ կթողնե՞ք խոսել:

— Ներեցեք ինձ, չեսթեր: Ի՞նչ կարող եմ անել, եթե  
անցյալը հիշելով տրամուլթյուն իջավ վրաս:

— Եվ, ընդհանրապես, գլուխս կորցրի: Ես նրա մեջ  
տեսնում էի իդեալ, կատարելություն, թեպետև գիտեի, որ իմ  
շրջանի մարդ չէ նա: Մենք ապրում ենք դեմոկրատական եր-  
կըրում: Ես մտածում էի՝ կկենակցեմ նրա հետ, իսկ հետո...  
Դե, դուք գիտեք, թե ինչպես է լինում այդ: Եվ ահա, դրանով էլ  
ես սխալ թույլ տվի: Երբեք ես չէի մտածում, թե սա այսպես  
լուրջ կստացվի: Մինչ այդ, ինձ դուր չէր եկել ոչ մի կին, բա-  
ցի ձեզանից, այն էլ,— անկեղծ կլինեմ,— ես ամենևին հա-  
մոզված չէի, թե կոսզենայի ամուսնանալ ձեզ հետ: Ինձ թվում  
էր, թե ընդհանրապես ամուսնությունն ինձ համար չի: Եվ  
ինքս ինձ ասացի. թող միայն Զեննին իմը դառնա, իսկ հետո,  
երբ կձանձրացնի, կարելի է և բաժանվել: Ես կհոգամ, որ նա  
կարիքի մեջ չլինի: Մնացած ամեն ինչը ինձ համար նշանա-  
կություն չունի: Նրա համար ես Հասկանոֆ եմ:

— Հասկանում եմ,— պատասխանեց Լետտին:

— Եվ ահա, Լետտի, դրանից ոչինչ դուրս չեկավ: Նա բո-  
լորովին ուրիշ խառնվածքի կին է: Նրա հոգեկան աշխարհը  
արտասովոր հաբուստ է: Նա կրթված չէ մեր ըմբռնողու-  
թյամբ, բայց բնածին նրբանկատություն և տակտ ունի: Նա  
հիանալի տանտիրուհի է, անբասիր մայր: Նա մարդկանց  
նկատմամբ սիրո մի անսպառ աղբյուր ունի: Նա ամբողջ հո-  
գով նվիրված էր հորն ու մորը: Իր աղջկան—այն նրա աղ-  
ջիկն է, և ոչ թե իմը—նա սիրում է անսահմանորեն: Ներ-

բակրթություն նա ամենեւին չունի: Նա երբեք չի փայլի մի գիպուկ խոսքով, ընդունակ չէ մասնակցելու թեթև, սրամիտ խոսակցության: Եվ հավանորեն արագ էլ չի մտածում: Նույն եփակ նրա ամենալուրջ մտքերը միշտ չէ, որ արտահայտվում են բառերով, բայց դժվար չէ հասկանալ, որ նա միշտ մըտածում է և զգում:

— Դուք հիանալի եք խոսում նրա մասին, Լեսթեր,— ասաց միսիս Ջերալդը:

— Հապա էլ ինչպե՞ս, Լեստի,— պատասխանեց նա:— Ջեննին լավ կին է: Բայց ինչ էլ որ ասեմ, երբեմն ինձ թվում է, որ նրա հետ ինձ կապում է միայն խղճահարությունը:

— Կասկածում եմ,— ասաց Լեստին, մատով սպառնալով նրան:

— Այո, այո, բայց ես շատ բան եմ կրել: Հիմա եմ տեսնում, որ պետք է միանգամից ամուսնանայի նրա հետ: Բայց հետո այնպիսի բարդություններ առաջացան և այնքան վեճեր ու հորդորներ եղան, որ ես մի տեսակ խճճվեցի: Իսկ հետո էլ՝ հորս կտակը: Ես, եթե ամուսնանամ, կորցնում եմ ութսուն հազար, այսինքն՝ նույնիսկ շատ ավելի, քանի որ ընկերությունն այժմ վերակազմվել է որպես տրեստ: Այո, ավելի ճիշտ՝ երկու միլիոն: Եթե շամուսնանամ, երկու տարուց հետո, նույնիսկ ավելի շուտ, կզրկվեմ կտրականապես ամեն ինչից: Իհարկե, կարելի էր ձևացնել, թե ես նրանից բաժանվել եմ, բայց ստել չեմ ուզում: Դա շատ տանջալից բան կլիներ նրա ինքնասիրության համար, նա արժանի չէ այդպիսի վիրավորանքի: Ձեռքս սրտիս վրա դնելով, ես հիմա նույնիսկ չեմ կարող ասել՝ ուզո՞ւմ եմ նրանից բաժանվել թե ոչ: Անկեղծ ասած՝ ուղղակի չգիտեմ, թե ինչ անեմ:

Լեսթերը լռեց, սիգար վառեց և ցրիվ հայացքն ուղղեց լուսամուտից դուրս:

— Այո, դա շատ, շատ դժվար խնդիր է,— ասաց Լեստին, հայացքը ցած գցելով:

Հետո տեղից վեր կացավ և Լեսթերին մոտենալով՝ ձեռքը դրեց նրա խոշոր, գեղեցիկ գլխին: Անուշահոտ ջրով օծված նրա հագուստի մետաքսը դիպավ Լեսթերի մեջքին:

— Խեղճ Լեսթեր,— ասաց նա:— Այ թե հանգուցի եք դեմ առե՛լ: Բայց դա գորդան հանգուցն է, սիրելիս, և հարկավոր է կտրել այն: Ինչո՞ւ դուք այս ամենը չեք քննարկում հենց նրա հետ, ահա, ինչպես հիմա ինձ հետ եք խոսում, և չեք պարզում, թե ինչ է մտածում նա ինքը:

— Դա շատ դաժան բան կլիներ,— ասաց Լեսթերը:

— Բայց հո մի բան պետք է անել, Լեսթեր, հավատացնում եմ ձեզ,— պնդեց Լեստրին:— Ձի կարելի այլևս լող տալ հոսանքն ի վար: Դրանով դուք ձեզ խիստ կվնասեք: Ամուսնանալ՝ ես ձեզ չեմ կարող խորհուրդ տալ: Եվ ճիշտ որ ես իմ մասին չեմ հոգում: Ասենք, ի դեպ, ես ուրախությամբ կամուսնանայի ձեզ հետ, թեև մի ժամանակ դուք անտեսում էիք իմ սերը: Չեմ թաքցնի: Միևնույն է, կգաք դուք ինձ մոտ թե չե՛՝ ես ձեզ սիրում եմ և միշտ պիտի սիրեմ:

— Ես այդ գիտեմ,— ասաց Լեսթերը:

Նա վեր կացավ, Լեստրիի երկու ձեռքն էլ առավ իր ձեռքերի մեջ և նայեց նրա աչքերին: Հետո շուռ եկավ: Լեստրին նրա հայացքից հուզված՝ խոր շունչ քաշեց:

— Ոչ, Լեսթեր,— շարունակեց նա,— ձեզ պես մեծ մարդը չի կարող գոհանալ տարեկան տասը հազար եկամուտով: Եվ չի կարելի, որ դուք ձեռքներդ ծալած նստեք. ձեզ շատ լավ են ճանաչում: Դուք պետք է նորից ձեր տեղը գրավեք և՛ գործարար աշխարհում, և՛ հասարակության մեջ: Ոչ ոք ձեզ խոչընդոտ չի լինի, ոչ մի ծպտուն չի հանի ձեր անցյալի մասին: Միայն ստացեք հայրական ունեցվածքից ձեր բաժինը, և դուք ինքներդ կարող եք պայմաններ թելադրել: Իսկ Ջեննին, եթե ճշմարտությունն իմանա, երևի չի առարկի: Եթե նա ձեզ սիրում է, ինչպես ասում եք դուք, ուրախությամբ զոհաբերության կդիմի: Սրան ես չեմ կասկածում: Դուք, հասկանալի է, սուստորեն կապահովեք նրան:

— Ջեննիին փողը չի հարկավոր,— մռայլ առարկեց Լեսթերը:

— Դե, միևնույն է, նա կարող է սուսնց ձեզ էլ ապրել, իսկ եթե փող չատ ունենա, ավելի հեշտ ու հետաքրքիր կապրի:

— Քանի ես ողջ եմ, նա ոչ մի բանի պակասութիւն չի ունենա,— հանդիսավոր ձեռով ասաց Լեսթերը:

— Դուք պետք է նրանից հեռանաք, պետք է հեռանաք,— պնդում էր Լետտին ավելի ու ավելի համառորեն:— Ամեն մի օրը թանկ է: Ինչո՞ւ այդ շորոշել և շանել հենց հիմա, հենց այսօր: Ինչո՞ւ:

— Մի՛ շտապեք,— առարկեց Լեսթերը:— Դա հեշտ բան չէ: Ճիշտ որ ասեմ, ինձ սարսափեցնում է Ջեննիի հետ բացատրվելու միտքը: Դա այնքա՞ն անարդարացի է նրա նկատմամբ, այնքա՞ն դաժան: Ախր ես, սովորաբար, իմ անձնական գործերի մասին շատ եմ խոսում: Եվ մինչև այժմ ես ոչ ոքի հետ չէի ուզում խոսել, նույնիսկ ծնողներս հետ: Բայց, չգիտես ինչու, ես ձեզ միշտ մոտիկ մարդ եմ զգացել, իսկ մեր վերջին հանդիպումից հետո միշտ մտածում էի, թե հարկավոր է ձեզ այս ամենը պատմել: Եվ ուզում էի: Դուք շատ թանկ եք ինձ համար: Զգիտեմ, գուցե սա ձեզ տարօրինակ թվա ներկա պայմաններում, բայց այդպես է: Նույնիսկ մտքովս չէր անցնում, որ դուք այդքան մոտիկ եք ինձ և՛ որպես մարդ, և՛ որպես կին: Մի՛ կիտեք ձեր հոնքերը: Զե՞ որ դուք ուզում էիք ճշմարտութիւնը լսել: Ահա ձեզ ճշմարտութիւնը: Իսկ հիմա, եթե կարող եք, բացատրեցեք ինձ. ի՞նչ եմ ես:

— Ես չեմ ուզում ձեզ հետ վիճել, Լեսթեր,— ասաց Լետտին քնքշորեն դիպչելով նրա ձեռքին:— Ես միայն ուզում եմ սիրել ձեզ: Ես հիանալի հասկանում եմ, թե այդ ամենն ինչպես է ստացվել: Ես վշտանում եմ ինձ համար: Եվ ձեզ համար եմ վշտանում: Վշտանում եմ և...— նա կարկամեց,— միսիս Քեյնի համար: Նա հմայիչ կին է: Ինձ շատ է դուր գալիս: Բայց նա այն կինը չէ, որ հարկավոր է ձեզ, Լեսթեր: Հավատացեք ինձ, ձեզ ուրիշն է հարկավոր: Լավ չէ, իհարկե, որ ես ու դուք նրա մասին այսպիսի բաներ ենք ասում, բայց չէ՞ որ սա ճշմարտութիւն է: Ամեն ոք իր արժանիքներն ունի: Եվ ես համոզված եմ, որ եթե դուք նրան ամեն ինչ ասեք այնպես, ինչպես հիմա ինձ ասացիք, նա կհասկանա և կհամաձայնի: Եթե ես լինեի նրա տեղը, Լեսթեր, ճշմարիտ եմ ասում, բայց կթողնեի ձեզ: Նրա համար էլ ցավալի կլինի, բայց

ձեզ բաց կթողնի: Հավատացնում եմ ձեզ: Ինձ թվում է, ես նրան ձեզանից վատ չեմ հասկանում, նույնիսկ ավելի լավ եմ հասկանում, որովհետեւ ես կին եմ: Ա՛խ,— ավելացրեց նա մի պահ լռելուց հետո, —եթե ես կարողանայի ինքս խոսել նրա հետ: Ես ամեն ինչ կբացատրեի նրան:

Լեւոնը նայում էր Լեւոտիին և զարմանում նրա եռանդով: Նա գեղեցիկ էր, հրապուրիչ, նա այնքա՛ն շատ բան էր խոստանում...

— Մի՛ շտապեք,— կրկնեց Լեւոնը:— Թողեք, որ մտածեմ: Ես դեռ շատ ժամանակ ունեմ:

Լեւոտիին տրտմեց, բայց և համառեց:

— Պետք է գործել հենց հիմա,— կրկնեց նա Լեւոնին դարձնելով հայացքը, որի մեջ իր ամբողջ հոգին էր դրել: Նա ձգտում էր այդ մարդուն և չէր ամաչում այդ ցույց տալ նրան:

— Դե ես կմտածեմ,— շփոթված ասաց Լեւոնը և շտապ նրան հրաժեշտ տալով հեռացավ:

## Գ Լ ՈՒ Խ Լ

Լեւոնին արդեն բավական երկար և լրջորեն խորհել էր իր դրուժյան մասին: Նա գուցե և որոշ քայլեր կաներ, և այն էլ շատ շուտով, եթե նրա տան կյանքը չմոայլեր այն տխուր հանգամանքներից մեկը, որոնք այնքան հաճախ խանգարում են մեր ծրագրերը: Գերհարդի առողջությունն արագորեն սկըսեց վատանալ:

Նա ստիպված եղավ աստիճանաբար ձեռք քաշել տան մեջ ունեցած իր բոլոր պարտականություններից, իսկ հետո էլ անկողին ընկավ: Ջեննին հոգատարությունը խնամում էր նրան, Վեստան նրան այցելում էր օրական մի քանի անգամ, երբեմն այցելում էր և Լեւոնը: Գերհարդի մահճակալը դրո՜ված էր լուսամուտի մոտ, և նա ժամերով դիտում էր այգու ծառերը և նրանց ետեից երևացող փողոցը, մտածելով, թե հիմա ինչ վիճակում է տնտեսությունը առանց իր հսկողու-



Թյան: Նա համոզւած էր, որ կառաւորան Վուդսը լավ չի մաք-  
րում ձիերին ու ձիասարքը, որ փոստատարը կանոնավոր չի  
բերում թերթերը, իսկ հնոցապանը խիստ շատ ածուխ է ծախ-  
սում, այնուամենայնիւ, տունն այնքան էլ տաք չէ: Նրա ամ-  
բողջ կյանքը կազմում էին այս մանր հոգսերը: Նա բնածին  
տնտես էր: Ինքն անշեղորեն կատարում էր կամովին ստանձ-  
նած բոլոր պարտականությունները, և այժմ լրջորեն անհան-  
գըստանում էր, թե առանց իրեն ամեն ինչ թարս կգնա: Զեն-  
նին կապույտ մետաքսից կարված բամբակամեջ մի շքեղ խա-  
լաթ էր ընծայել նրան և մի զույգ տնային տաք մուճակներ,  
բայց ծերունին դրանք համարյա չէր հագնում: Նա գերադա-  
սում էր մահճակալին պառկել, աստվածաշունչ ու լութերա-  
կան լբագիր իւր իարդալ և ընտանեկան նորություններ լսել  
Զեննիից:

— Կավ կլինեն, մի դու իջնեիր ներքնատուն, տեսներ  
ինչ է անում այն սրիկան: Մի տես, ինչ ցուրտ է սենյակնե-  
րում,— գանգատվում էր Գերհարդը:— Ես գիտեմ, հիմա ին-  
չով է զբաղված նա. նստել ու գիրք է կարդում, իսկ հնոցը  
վառելու մոտին այն ժամանակ է մտածում, երբ լցրած ամ-  
բողջ ածուխն արդեն վերջացած է լինում: Եվ գարեջուրն էլ  
այնտեղ հենց նրա ձեռքի տակ է: Կավ կլինեն, դու մառանը  
փակելիր: Ի՞նչ գիտես, թե ինչ մարդ է նա: Գուցե սրիկայի  
մեկն է:

Զեննին փորձում էր հորը համոզել, որ տանը բավական  
տաք է, որ հնոցապանը շատ լավ մարդ է, միանգամայն կուր-  
գին ամերիկացի, որ թե նա մի բաժակ գարեջուր էլ խմի, մի  
մեծ վնաս չի լինի: Բայց Գերհարդն իսկույն սկսում էր բար-  
կանալ:

— Ա՛յ, դուք միշտ այդպես եք,— տաքացած կրկնում էր  
նա:— Տնտեսությունից ոչինչ չեք հասկանում: Բավական է,  
որ ես ձեռքս ետ քաշեմ, ամեն ինչ շուռ կգա: «Կավ մարդ  
է». որտեղի՞ց գիտես, որ նա լավ մարդ է: Հնոցը վառում է  
ինչպես հարկն է: Ո՛չ: Մառուղիներն ավրում է: Ո՛չ: Կավ  
պտուղներ են դրանք: Աչք է հարկավոր դրանց, հսկող աչք: Դու  
ինքդ պետք է տնտեսությանը հսկես:

— Լավ, հայրիկ, ես կհսկեմ,— սիրալիր հանգստացնում էր նրան Զեննին:— Դու մի՛ անհանգստացիր: Իսկ զարեջուրը կվակեմ: Մի գավաթ սուրճ չբերե՞մ քեզ պաքսիմատով:

— Ոչ,— հառաչում էր Գերհարդը,— իմ ստամոքսն ինչ-որ կարգին չէ: Գոնե մի շուտ լավանայի:

Զեննին հորը նայելու հրավիրեց բժիշկ Մեյկլինին, մի հասակավոր, փորձված բժիշկ, որ լավագույնն էր համարվում քաղաքի այդ մասում: Նա ասաց, որ հիվանդին հարկավոր է հանգիստ, կարելի է տալ տաք կաթ, սրտային կաթիլներ, բայց Զեննին նախազգուշացրեց, որ լիակատար առողջանալու հույս լինել չի կարող:

— Ինչ էլ լինի՝ տարիներն իրենցն անում են: Նա շատ է թուլացած: Մի քսան տարի առաջ լինե՞ր՝ ես նրան ռոլի կըկանդնեցնեի, բայց այսպես... Ասենք, բանն այնքան էլ վատ չէ: Հնարավոր է, որ դեռ կապրի, գուցե և անկողնից վեր կըկենա, թեև սրան ես չեմ երաշխավորում: Դե գիտեք, էլի՛, ոչ ոք հավիտենական չէ: Այ, ես ամենևին չեմ անհանգստանում, որ ինձ քիչ կյանք է մնացել: Ապրել եմ մինչև ծերություն, այդքանն էլ բավական է:

Հոր մոտալուտ մահվան միտքը տխրեցնում էր Զեննինին, բայց նրան սփոփում էր այն, որ հայրն իր վերջին օրերն անց է կացնում հանգիստ, ամեն ինչ ունի և շրջապատված է հոգատարությամբ:

Շուտով բոլորի համար պարզ դարձավ, որ Գերհարդը իր վերջին օրերն է ապրում, և Զեննին որոշեց եղբայրներին ու քույրերին տեղեկություն տալ: Հոր հիվանդության մասին նա գրեց Բասսին, բայց սա պատասխան նամակով հայտնեց, որ խիստ վրադված է և հազիվ թե կարողանա գալ, եթե միայն անմիջական վտանգ չկա: Նա գրում էր նաև, որ Զորջըն ապրում է Ռոչեստերում, աշխատում է, կարծեմ, Շեֆֆ-Ջեֆերսոն ընկերության պաստառի ֆաբրիկայում, Մարթան ամուսնու հետ զնացել է Բոստոն, ապրում են Բալթիմորում, դա քաղաքամերձ թաղ է, կենտրոնից ոչ շատ հեռու Ուիլյամս Օմախումն է, աշխատում է էլեկտրական ընկերությունում որպես տեխնիկ: Վերոնիկան ամուսնացել է, նրա ամուսին

Ալբերտ Շերիդինը ծառայում է Քլիվլենդում, դեղատնային ապրանքների սլահեստում: «Նա ինձ մոտ երբեք չի լինում,— նեղացած ավելացնում էր Բասսը,— բայց ես նրան իմաց կտամ»: Ջեննին բոլորին մի-մի նամակ գրեց: Քույրերից հակիրճ պատասխաններ եկան. նրանք շատ են ցավում, և եթե մի բան սխառահի, թող Ջեննին իմաց տա իրենց: Ջորջը գրեց, թե ինքը մտածել անգամ չի կարող Ջիկագո հասնել, եթե հոր վիճակը բոլորովին վատ չէ, և խնդրում էր իրեն տեղյակ սլահել: Ուիլյամը, ինչպես հետո իմացավ Ջեննին, նրա նամակը չէր ստացել:

Ջեննին ծանր էր ապրում հոր դանդաղ մահը: Անցյալում նրանք ստոն էին եղել իրար հետ, բայց վերջին տարիներս շատ էին մտերմացել: Գերհարդը վերջապես հասկացել էր, որ իր կողմից մերժված դուստրը ինքը բարությունն է, մանավանդ, իր նկատմամբ ունեցած վերաբերմունքով: Ջեննին երբեք չէր վիճում հոր հետ, ոչ մի բանում չէր հակառակվում նրան: Հիվանդության ժամանակ նա ամեն օր շատ ու շատ անգամ մտնում էր հոր մոտ, հարցնում էր, թե ինչ է ուզում, հավանե՞ց արդյոք ճաշը կամ նախաճաշը: Երբ հայրն ավելի ծանրացավ, Ջեննին երկար ժամանակ նստում էր նրա կողքին գիրքը կամ կարը ձեռքին: Մի անգամ, երբ Ջեննին հոր բարձն էր ուղղում, նա աղջկա ձեռքը բռնեց ու համբուրեց: Ջեննին զարմացած՝ գլուխը բարձրացրեց, նրա սիրտը թրթռեց: Գերհարդի տեսքն անօգնական էր ու խղճուկ, նրա աչքերում արցունք էր շողում:

— Դու բարի աղջիկ ես, Ջեննի,— ասաց հայրը կերկրուն ձայնով:— Դու լավ ես վարվում ինձ հետ: Ես հաճախ եմ բարկանում ու փնթփնթում, բայց չէ՞ որ ես ծեր եմ: Դու ներիր ինձ:

— Ի՞նչ ես ասում, հայրիկ,— համարյա լալագին աղաչել սկսեց աղջիկը:— Ի՞նչը պիտի ներեմ ես: Ես եմ, որ պետք է ներողություն խնդրեմ քեզանից:

— Ոչ, ոչ,— ասաց հայրը: Ջեննին ծունկ չոքեց նրա մահճակալի առաջ և սկսեց լալ: Հայրը ցամաքած, դեղնած ձեռքով շոյեց նրա գլուխը:— Մի լար,— մեղմ ասաց նա,—

հիմա ես շատ բան եմ հասկանում: Մարդ ինչքան ապրի, այնքան բան կսովորի:

Ջեննին դուրս գնաց սենյակից, ասելով, թե ուզում է լվացվել, և երբ մենակ մնաց, ազատություն տվեց արցունքներին: Մի՞թե, վերջապես, հայրը ներեց իրեն: Իսկ ինքը որքա՜ն է խաբել նրան: Նա ջանում էր ավելի մեծ հոգատարությամբ խնամել հորը, բայց դա հազիվ թե հնարավոր էր: Իսկ Գերհարդն այդ հաշտությունից հետո կարծես ավելի երջանիկ դարձավ, ավելի անդորր, և նրանք միասին շատ լավ ժամեր անցկացրին: Մի անգամ հայրն ասաց նրան.

— Գիտե՞ս, ես ինձ այնպես եմ զգում, ասես մի ջա՛նել տղա լինեմ: Եթե ոսկորներս չցավեին, ասես հենց հիմա պարել կսկսեի կանաչ խոտի վրա:

Ջեննին ժպտաց ու հեկեկաց:

— Շուտով դու կլավանաս, հայրիկ,— ասաց նա:— Կլավանաս, այն ժամանակ մենք միասին կառքով դբոսանքի կգնանք:

Նա նորից ուրախություն զգաց, որ իր շնորհիվ Գերհարդն իր վերջին տարիներին հոգս ու կարիք չունեցավ:

Լեսթերը ծերունու նկատմամբ ուշադիր էր և սիրալիր: Ամեն երեկո նրա առաջին հարցն էր լինում. «է՛, այսօր ինչպե՞ս է նա»,— և ճաշից առաջ անպայման մի քանի րոպեով մտնում էր հիվանդի սենյակը:

— Նրա տեսքը՝ ոչինչ,— ասաց նա Ջեննիին:— Կարծում եմ, որ դեռ երկար կապրի: Դու մի՛ անհանգստանա:

Վեստան նույնպես շատ ժամանակ էր անցկացնում պապի մոտ, որի հետ կապվել էր քնքշորեն: Նա պապի սենյակում բարձրաձայն սովորում էր իր դասերը, եթե այդ նրան չէր խանգարում, կամ թե նրա դուռը բաց թողնելով՝ դաշնամուր էր նվագում: Լեսթերը Վեստային մի գեղեցիկ երաժշտական տուփիկ էր ընծայել, և նա երբեմն այդ տուփիկը լսում ու նվագում էր Գերհարդի սենյակում: Պատահում էր, որ նրան ճնշում էր բոլորի ներկայությունը, բացի Ջեննիից: Նա ուզում էր Ջեննիի հետ մենակ մնալ: Այն ժամանակ Ջեն-

նին ձեռագործը վերցրած՝ սուսիկ-փուսիկ նստում էր նրա կողքին: Նրա համար պարզ էր, որ շուտով վախճանը կգա:

Գերհարդն իրեն հավատարիմ մնալով խորհել էր ամեն ինչի մասին, թե ինչ պիտի անել իր մահից հետո: Նա ցանկություն հայտնեց, որ իրեն թաղեն հենց այստեղ, Հարավային կողմի լուսեռական փոքրիկ գերեզմանատանը և որ հոգեհանգիստը կատարի իր հաճախած եկեղեցում իրեն դուր եկած պատուրբը:

— Թող ամեն ինչ հասարակ լինի,— ասաց նա:— Ինձ կհագցնեք սև կոստյում և իմ կիրակնօրյա կոշիկները: Փողկապս էլ թող լինի սև, քուղավոր: Ուրիշ բան ինձ հարկավոր չէ: Այդպես լավ կլինի:

Ջեննին նրան խնդրում էր այդպիսի բաների մասին չըխոսել, բայց դա նրան բավականություն էր պատճառում: Մի օր, ցերեկվա ժամը չորսին, նա խիստ թուլություն զգաց: Ջեննին հոր ձեռքերը բռնած հետևում էր նրա ծանր շնչառությանը: Մի երկու անգամ ծերունին աչքերը բացեց ու ժպտաց նրան:

— Ես մահից չեմ վախենում,— ասաց նա:— Ես արի ինչ կարող էի:

— Պետք չէ խոսել մահվան մասին, հայրիկ,— հառաչեց Ջեննին:

— Միևնույն է, վերջս հասել է,— ասաց հայրը:— Դու բարի ես եղել դեպի ինձ: Դու լավ կին ես:

Սրանք նրա վերջին խոսքերն էին: Ժամը հինգին մոտ նա վախճանվեց:

Այդ ծանր կյանքի հանգիստ ու պայծառ վախճանը խորապես ցնցեց Ջեննինին: Նրա բարի, կարեկից սրտի մեջ Գերհարդն ապրում էր ոչ միայն որպես հայր, այլև որպես բարեկամ ու խորհրդատու: Այժմ հայրը նրան պատկերանում էր իր իսկական տեսքով. ազնիվ, աշխատասեր մի գերմանացի, որ իր բոլոր ուժերը գործադրում էր, որպեսզի բարձրացնի իր ընտանիքը և անարատ կյանք վարի: Ջեննին նրա ամենածառ բեռն էր, բայց այդպես էլ մինչև վերջ նա չիմացավ ամբողջ ճշմարտությունը նրա մասին: Եվ Ջեննին մտածում էր, թե

սրտեղ է հիմա նա, դիտե՞ տղոյոք, որ ինքը խաբել է նրան: Եվ ներե՞լ է արդոյոք: Ձէ՞ նա ասաց, որ Ջեննին լավ կին է:

Բոլոր զավակներին հեռագիր ուղարկեցին: Բաքսը պատասխանեց և հենց հետեւյալ օրն էլ եկաւ: Մյուսները հեռագրեցին, թե գալ չեն կարող և խնդրում էին հաղորդել բոլոր մանրամասնությունները: Ջեննին նրանց նամակներ զրեց, Լուիերական քահանան հանգուցյալի վրա աղոթքներ կարդաց և պայմանավորվեց թաղման օրվա մասին: Թաղման կազմակերպումը հանձնարարվեց թաղման արարողությունների բյուրոյի գործակալին, որ մի հաստիկ ու ինքնաբաւ մարդ էր: Եկան նաև հարեաններից ոմանք. ինչ էլ լիներ, բոլորը չէին խզել իրենց ծանոթությունն այդ տան հետ: Թաղումը տեղի ունեցավ երրորդ օրը: Լեսթերը Ջեննիի, Վեստայի և Բասսի հետ միասին գնաց Լուիերական աղյուսաշեն փոքրիկ եկեղեցին և քաջաբար նստած մնաց մինչև այդ տրտում ու շուրարողության վերջը: Նա հնազանդորեն լսեց անդրշիրիմյան կյանքի երանության մասին ասված երկար քարոզը և ամեն անգամ սրտնեղած կուչ էր գալիս, երբ դժոխքն էր հիշատակվում: Բասսը նույնպես ձանձրանում էր, բայց իրեն պահում էր հավուր պատշաճի: Գերհարզը վաղուց արդեն նրա համար օտար մարդ էր դարձել: Միայն Ջեննին էր, որ անկեղծորեն սգում էր հոր մահը: Նրա աչքի առջևով անցնում էր հոր ամբողջ կյանքը՝ հոգսերով ու զրկանքներով լի երկար տարիները, այն ժամանակները, երբ հայրը դռնեդուռ ման էր գալիս փայտ սղոցելու համար և երբ ապրում էր ֆաբրիկայի պահեստի տանիքում, հիշում էր Տասներեքերորդ փողոցի խրդճուկ տնակը, Քլիվլենդում, Լորրի-սթրիթում ապրած տանջալից օրերը, այն ամբողջ վիշտը, որ պատճառել էին նրան դստեր մեղքերը և կնոջ մահը, հիշում էր նրա քնքուշ հոգատարությունը Վեստայի նկատմամբ և, վերջապես, այս վերջին շաբաթները մահվանից առաջ:

«Նա շատ լավ մարդ էր, — մտածում էր Ջեննին: — Որքա՞ն էր աշխատում, որ ամեն ինչ լավ լինի»: Երբ մի տխուր օրհներդ երգեցին, նա հեծկտաց:

Լեսթերը նրա թևքը քաշեց: Նա խորապես հուզված էր Ջեննիի վշտից:

— Այդպես չի կարելի, — շշնջաց նա: — Մյուսների մասին մտածիր: Ես քո արցունքները տեսնել չեմ կարող և քիչ է մնում վեր կենամ ու գնամ:

Ջեննին հանդարտվեց, բայց զգում էր, թե ինչպես են կտրտվում իրեն հոր հետ կապող վերջին տեսանելի թելերը, և սիրար կտոր-կտոր էր լինում:

Լութերական գերեզմանատանը, որտեղ Լեսթերի կարգադրությամբ տեղ էին զնել, հասարակ դագաղը գերեզման իջեցրին և հողով ծածկեցին:

Լեսթերը մտախոհ նայում էր մերկ ծառերին, գորշացած շոր խոտին, պրերիայի՝ բահերով փորփրված թուփ հողին: Գերեզմանատունը խղճուկ էր, բանվոր մարդու վերջին աղքատիկ օթեանը, բայց քանի որ Գերհարդը ցանկացել էր, որ իրեն հենց այդտեղ թաղեն, ուրեմն այդպես էլ պետք է: Լեսթերը նայում էր Բասսի նիհար, խոհուն դեմքին և մտածում, թե ինչ ծրագրեր է քաշում նա ապագայի համար: Չգիտես ինչու, նրան թվում էր, թե ծխախոտի առևտրի մեջ նա մեծ հաջողություն կունենա: Նա տեսնում էր, թե ինչպես Ջեննին սրբում է իր կարմրած աչքերը և նորից ասում էր ինքն իրեն. «Այո, սա զարմանալի է»: Նրա զգացմունքն այնքան անկեղծ էր և ուժեղ: «Լավ կին—դա անբացատրելի հանելուկ է», — մտածում էր նա:

Նրանք բոլորը միասին տուն էին վերադառնում քամիոտ ու փոշոտ փողոցներով:

— Ջեննին շափից ավելի մոտիկ է ընդունում սրտին, — ասաց Լեսթերը: — Շատ դյուրազգաց է, դրա համար էլ կլանքը նրան շատ ավելի մոռյլ է երևում, քան իրականում կա: Մենք ամեն մեկս մեր ցավերն ունենք, մեկը՝ շատ, մեկը՝ քիչ, որոնք պետք է մի կերպ հաղթահարել: Սխալ է, թե իբրև որոշ մարդիկ շատ ավելի բախտավոր են մյուսներից: Հոգսեր բոլորն էլ ունեն:

— Ի՞նչ կարող եմ անել, — ասաց Ջեննին, — եթե որոշ մարդկանց ես այնքան խղճում եմ:

— Զեննին միշտ էլ զգայուն է եղել, — վրա բերեց Բասսը: Նա շարունակ մտածում էր, թե ի՞նչ երևելի մարդ է Լեոթերը, որքա՞ն շքեղ են ապրում նրանք, ի՞նչ նշանավոր տիկին է դարձել իր քույրը: Երևում է ինքը ժամանակին չի հասկացել, թե ինչ է ներկայացնում նա իրենից: Որքա՞ն տարօրինակ է ստացվում կյանքում. ախր դեռ վերջերս էր, որ ինքը կարծում էր, թե Զեննին ոչ մի բանի պետք չէ, և նրա կյանքն անհուսալիորեն կործանված է:

— Այնուամենայնիվ, դու աշխատիր քեզ հավաքել, հասկացիր, որ կյանքում կատարված ամեն մի դեպք չի կարելի որպես աղետ ընդունել, — վերջում ասաց Լեոթերը:

Բասսը համամիտ էր նրան:

Զեննին լուռ դուրս էր նայում կառեթի լուսամուտից: Ահա հիմա իրենք կվերադառնան իրենց հսկայական հանդարտ տունը, իսկ Գերհարդն այլևս այնտեղ չէ: Ծանր է մտածել, որ ինքն այլևս երբեք նրան չի տեսնելու: Կառեթը շուտ եկավ դեպի բակը: Ժաննետը, որ արդեն հանդարտվել էր լացից, հյուրասենյակում թեյի սեղան էր բացում: Զեննին սկզբից զբաղվել իր սովորական գործերով: Նրանից չէր հեռանում մի միտք՝ ինչ-որ մի բան է լինելու իր հետ մահվանից հետո:

## Գ Լ ՈՒՍ LII

Գերհարդի մահվանը Լեոթերը բավական անտարբեր էր, նա միայն կարեկցում էր Զեննին: Ինքը գնահատում էր ծնունդն անվիճելի հատկությունները, բայց անձնապես կապված չէր նրա հետ: Նա մի տասն օրով Զեննին ծովափ տարավ, որպեսզի մի քիչ հանգստանա ու կազդուրվի, իսկ Զիկագո վերադառնալուց հետո շատ չանցած՝ վերջապես որոշեց տեղյակ դարձնել նրան իր գործերին և նրա հետ միասին քննել դրուժյունը: Այս խնդիրը մասամբ դյուրացնում էր այն հանգամանքը, որ հողային գործերում ունեցած իր անհաջողությունը Զեննին արդեն գիտեր: Նրա համար գաղտնիք չէր



նաև Լեսթերի: այցելությունները միսիս Ջերալդին. Լեսթերն ինքն էր ասել, որ շարունակում է այդ ծանոթությունը: Մի անգամ միսիս Ջերալդը նրան հյուր հրավիրեց Ջեննիի հետ միասին, բայց ինքը նրանց մոտ չեկավ և, ինչպես լավ հասկանում էր Ջեննին, մտադիր էլ չէր գալ: Հորը թաղելուց հետո Ջեննին սկսեց ավելի շատ մտածել իր հետագա վիճակի մասին: Նա այլևս հույս չուներ, թե Լեսթերը կամուսնանա իր հետ, և Լեսթերի վարմունքի մեջ էլ ոչ մի բան այդպիսի հույսի առիթ չէր տալիս:

Պատահեց այնպես, որ այդ ժամանակ Ռոբերտն էլ հանդեց այն հետևություն, թե հարկավոր է վճռական քայլեր անել: Նա այլևս հնարավոր չէր համարում, թե կարող է ազդել Լեսթերի վրա—այդ ուղղությամբ նախկին փորձերն էլ բավական էին— բայց ինչո՞ւ փորձ չանել համաձայնության գալու Ջեննիի հետ: Ամենայն հավանականությամբ նա կարող է լսել բանականության ձայնը: Եթե մինչև այժմ Լեսթերը նրա հետ չի ամուսնացել, Ջեննին, իհարկե, հասկանում է, որ նա այդպիսի մտադրություն չունի: Հարկավոր է, որ մի որևէ հուսալի մարդ տեսնվի նրա հետ, բացատրի դրությունը և, հասկանալի է, պատկառելի ապահովություն առաջարկի: Գուցե նա կհամաձայնի հեռանալ Լեսթերից և վերջ տալ այս անհաճո պատմությանը: Ինչ էլ լինի, Լեսթերն իր եղբայրն է, և ցավալի կլինի, եթե նա զրկվի իր կարողությունից: Ռոբերտն այժմ կարող էր այդ մեծահոգի քայլն անել. նա արդեն հիմնավորապես իր ձեռքն է վերցրել նոր տրեստի գործերը: Վերջին վերջո նա որոշեց, որ ամենահարմար միջնորդը կարող է լինել միստր Օ'Բրայենը «Նայթ, Քիթլի և Օ'Բրայեն» իրավաբանական գրասենյակից: Նա սիրալիր, բարեսիրտ ու բաղաճավարի մարդ է, իզուր չէ, որ իրավաբան է: Նա կկարողանա քաղաքավարի ձևով Ջեննիին բացատրել, թե ինչպե՞ս են նայում իրեն Լեսթերի հարազատները և թե Լեսթերն ինչից կզրկվի, եթե ձեռք չքաշի նրանից: Եթե Լեսթերն ամուսնացած է, Օ'Բրայենը կկարողանա իմանալ այդ: Ջեննին կուպահովվի, նա կստանա հիսուն, հարյուր, թեկուղ հարյուր հիսուն հազար դոլլար: Ռոբերտն իր մոտ հրավիրեց միստր Օ'

Բրայենին և համապատասխան հրահանգներ տվեց նրան, նա-  
խապես բացատրելով, թե քանի որ նա Արշիրալդ Քեյնի կտա-  
կակատարն է, նրա պարտականությունների մեջ է մտնում  
նաև հոգալ, որ Լեսթերը համապատասխան որոշում ընդունի:

Միստր Օ' Բրայենը մեկնեց Չիկագո: Հենց կայարանից  
զանգահարեց Լեսթերին և մեծ գոհունակությամբ իմացավ, որ  
նա ամբողջ օրով բացակայելու է քաղաքից: Այն ժամանակ  
նա գնաց Հույզ-Պարկ և ժաննետին տվեց իր այցեառումսը: Մի  
քանի րոպեից հետո ներկայացավ Ջեննին, ամենևին չկաս-  
կածելով, թե ինչպիսի կարևոր հանձնարարությամբ է իր մոտ  
եկել այդ մարդը: Միստր Օ' Բրայենը նրան բարեկեց ամենա-  
սիրալիք ձևով:

— Ես պատիվ ունեմ խոսելու միսիս Քեյնի՝ հետ,—  
հարցրեց նա գլուխը մի կողմի վրա թեքելով:

— Այո,— պատասխանեց Ջեննին:

— Ինչպես դուք կարող էիք համոզվել, իմ այցեառումսը  
տեսնելով, ես միստր Օ' Բրայենն եմ, «Նայթ, Քիթլի և  
Օ' Բրայեն» ֆիրմայից: Մենք ձեր ըմբ... միստր Քեյնի հոր՝  
հանգուցյալ միստր Արշիրալդ Քեյնի հավատարմատարն ենք  
և կտակակատարը: Իմ այցելութունը կարող է ձեզ տարօրի-  
նակ թվալ, բայց բանն այն է, որ միստր Քեյնի հոր կտակի  
մեջ կան որոշ վերապահումներ, որոնք շատ են վերաբերում  
նրան և ձեզ: Այդ կետերն այնքան էական են, որ ես անհրա-  
ժեշտ եմ գտնում ծանոթացնել ձեզ դրանց, եթե, իհարկե,  
միստր Քեյնն ինքը չի արել այդ: Ես... ներեցեք ինձ, բայց  
նկատի առնելով այդ կետերի բնույթը, ես պատրաստ եմ են-  
թադրելու, որ նա դրանց մասին ոչինչ չի ասել:

Միստր Օ' Բրայենը մի պահ լռեց, իր ամբողջ կեցված-  
քով, դեմքի յուրաքանչյուր գծով հարցականի աւսք ընդունե-  
լով:

— Ես այնքան էլ լավ չհասկացա,— ասաց Ջեննին:—  
Կտակի մասին ես ոչինչ չգիտեմ: Եթե այնտեղ կա մի բան,  
որ ես սկսեմ է իմանամ, միստր Քեյնը երևի կասի ինձ: Առայ-  
ժըմ նա ոչինչ չի ասել:

— Ա՛յ,— գոհունակությամբ շունչ առավ միստր Օ' Բրա-

յկնը:— Նշանակում է ես չեմ սխալվել: Դե ուրեմն թույլ տվեք համառոտակի պատմեմ ձեզ գործի էությունը, որից հետո դուք ինքներդ կորոշեք՝ ցանկանո՞ւմ եք մանրամասնություններն իմանալ: Գուցե կնստե՞ի՞ք:

Մինչ այդ նրանք խոսում էին կանգնած: Ջեննին նստեց, և միստր Օ' Բրայենն էլ մի աթոռ քաշելով նստեց նրա կողքին:

— Այսպես ուրեմն, սկսենք,— ասաց նա:— Ես, իհարկե, հարկ չեմ համարում ասել, որ միստր Քեյնի հայրը շատ անբարյացակամ էր նաչում ձեր և իր որդու կապին:

— Ես գիտեմ...— ուզեց սկսել Ջեննին, բայց և իսկույն լռեց:

Նա շվարած ու շփոթված էր, ինչ-որ վատ բանի հոտ էր զգում:

— Իր մահից քիչ սուաջ,— շարունակեց իրավաբանը,— միստր Քեյնը զրույց էր ունեցել ձեր...ըմմ...միստր Լեսթեր Քեյնի հետ: Իր կտակի մեջ նա իր գույքի բաժանման վերաբերյալ մի քանի պայման է դրել, որոնք իր որդու... ըմմ... ձեր ամուսնու համար մի փոքր դժվարացնում են իրեն հասանելիք բաժնի ստացումը: Սովորական պայմաններում նա կժառանգեր «Քեյն ընկերության» դրամագլխի մեկ քառորդ մասը, որ ներկայումս կաղմում է մոտ մեկ միլիոն դոլլար, գուցե և ավելի: Ինչպես և մնացած գույքի մեկ քառորդ մասը, որ գնահատվում է մոտավորապես հինգ հարյուր հազար: Որքան ես կարող եմ դատել, միստր Քեյնը շատ էր ցանկանում, որ իր որդին ժառանգի այդ կարողությունը: Բայց հոր դրած պայմանի համաձայն միստր Լեսթեր Քեյնը իր բաժինն ստանալ կարող է միայն այն դեպքում, եթե կատարի... ըմմ... մահից առաջ հաշտնած նրա մի ցանկությունը:

Միստր Օ' Բրայենը լռեց, միայն աչքերն էին անհանգիստ այս ու այն կողմ դառնում: Չնայած իր կանխակալ կարծիքին, նա արդեն զղացել էր Ջեննիի հմայքը: Նա արդեն հասկանում էր, թե ինչու Լեսթերը, հակառակ բոլոր խորհուրդներին ու հորդորներին, չէր ցանկանում բաժանվել նրանից:

Սպասելով Ջեննիի պատասխանին՝ նա աննկատելիորեն դիտում էր նրան:

— Եվ ի՞նչ ցանկություն է այդ,— վերջապես հարցրեց Ջեննին, երբ լարված լռությունն անտանելի դարձավ նրա համար:

— Ես շատ շնորհապարտ եմ ձեր այդ հարցի համար,— ասաց միստր Օ' Բրայենը:— Ինձ համար շատ դժվար կլիներ խոսել այդ հարցի մասին, շատ դժվար: Ես ձեզ մոտ եմ եկել որպես ֆիրմայի ներկայացուցիչ, որպես միստր Քեյնի կտակատարներից մեկը: Ես գիտեմ, թե որքան ցանկալի է ասելում այդ ձեր... ըմմ... միստր Քեյնը, գիտեմ, ինչպես հիվանդագին կվերաբերվեք դուք դրան: Բայց դա մեկն է այն ծանր դեպքերից, երբ հարցն անտեսել չի լինի, երբ այս կամ այն կերպ հարցը պիտի լուծել: Եվ որքան էլ դժվար է ինձ համար, պետք է ձեզ ասեմ, որ միստր Արչիբալդ Քեյնը իր կտակում մի վերապահում է արել, որ ձեռք... — նրա աչքերը նորից, այս ու այն կողմ դարձան,— եթե իր որդին անհնարին համարի բաժանվել ձեզնից... — միստր Օ' Բրայենը ծայր շունչ առավ,— նա ոչ մի ժառանգություն չի ստանա, ավելի ճիշտ՝ կստանա միայն տարեկան տասը հազար դոլլար, մի աննշան եկամուտ, և այն էլ միայն այն պայմանով, որ ամուսնանա ձեզ հետ: — Նորից լռություն: — Ավելացնեմ նաև, որ ըստ կտակի՝ վերջնական որոշում ընդունելու համար նրան երեք տարի ժամանակ է տրված: Եվ այդ ժամկետը մոտ ժամանակներս սպառվում է:

Նա լռեց, պատրաստ լինելով դիմանալու մի փոթորկալի տեսարանի, բայց Ջեննին միայն նրան դարձրեց զարմանքից, շփոթմունքից ու վշտից մշուշված իր հայացքը: Նա հասկացավ, որ Լեսթերն-ի սիրուն զոհաբերել է իր ամբողջ կառողությունը: Անշարժ գույքի գործարքները մի փորձ է եղել ոտքի կանգնելու և իր անկախ վիճակը վերականգնելու: Հիմա պարզ է, թե ինչու վերջին ժամանակներս նա հաճախ մտահոգ էր լինում, տրամադրությունն ընկած, անբավական: Հայրը պարզապես նրան զրկել է ժառանգությունից: Նա խո-

յապէս դժբախտ է, նա շարունակ մտածում է առաջիկա իր կորուստի մասին, իսկ իրեն ոչ մի խոսք չի ասում:

Միստր Օ՝ Բրայենը ևս հուզված էր ու շփոթված: Ջեննիի աչլաչլված դեմքը խղճահարույթյամբ համակեց նրան: Բայ նա սլարտավոր էր ամբողջ ճշմարտությունն ասել նրան:

— Ես շատ եմ ցավում,— նորից խոսեց նա, տեսնելով, որ Ջեննին չի պատասխանում,— շատ եմ ցավում, որ ինձ է վիճակվել հայտնելու ձեզ այս անհաճո նորությունը: Հավատացնում եմ ձեզ, իմ դրությունն այնքան էլ դյուրին չէ: Անձամբ ես ոչ մի վատ զգացմունք չունեմ ձեր նկատմամբ. այս դուք, իհարկե, հասկանում եք: Քեյն ընտանիքը ևս ներկայումս ոչ մի վատ զգացմունք չունի ձեր նկատմամբ. հուսով եմ՝ դուք սրան կհավատաք: Ինչպես կտակը կարդալու օրը ես ասացի միստր Քեյնին, անձամբ ես նրա հոր որոշումն անարդար եմ համարում, բայց, լինելով սոսկ նրա կամքի կատարողը, ես, հասկանալի է, ոչինչ չէի կարող փոխել: Եվ ես գտնում եմ, որ դուք պետք է իմանաք ամբողջ ճշմարտությունը, որպեսզի դուք, եթե հնարավոր է, օգնեք ձեր... ձեր ամուսնուն... — նա մի բազմանշանակ լռություն տվեց,— հանգել այս կամ այն որոշմանը: Ես, ինչպես և նրա ընտանիքի անդամները, խորապես ցավում ենք, որ նա կորցնում է իր կարողությունը:

Ջեննին, որ մինչ այդ նստած էր երեսը շուռ տված և գլուխը կախ, փաստաբանին նայեց հաստատուն, հանգիստ հայացքով:

— Ես իր կարողությունը չի կորցնի,— ասաց նա: — Դա անարդար բան կլիներ:

— Ինձ համար շատ ուրախալի է այդ խոսքը լսել ձեզնից, միսիս Քեյն,— ասաց նա, առաջին անգամ, հակառակ փաստերի, համարձակորեն դիմելով նրան որպես Լեսթերի կնոջ: — Խղճով ասած՝ ես վախենում էի, թե դուք այս նորությունը բոլորովին այլ կերպ կընդունեք: Ձեզ, իհարկե, հայտնի է, որ Քեյն ընտանիքը պսակին հակայական նշանակություն է տալիս: Միսիս Քեյնը՝ ձեր ամուսնու մայրը, հսկարտ կլին էր, նույնիսկ մի փոքր գոռոզ: Նրա քույրերն ու եղբայրը

միանգամայն որոշակի պահանջներ են ներկայացնում նրանց, ում կարող են ընդունել իրենց ընտանիքը: Ձեր հարաբերությունները նրանք համարում են աննորմալ և— ներեցեք իմ կամա խստությունը— անթույլատրելի: Վերջին տարիներս այդ հարցն այնքան շատ էր քննարկվել, որ միտոր Արշիրալդ Քեյնն արդեն հույս չունեի, թե դա կարելի է կարգավորել ընտանեկան բանակցություններով: Նա գտնում էր, որ իր որդին հենց սկզբից սխալ է վարվել: Ուստի և կտակում հատուկ պայման է դրել, որ ձեր ամուսինը... ներեցեք, որ իր որդին, եթե չցանկանա բաժանվել ձեզանից և ստանալ ժառանգություն իր բաժինը, ապա գոնե մի բան ստանալու համար, այսինքն՝ տարեկան այն տասը հազարն ստանալու համար, որի մասին ասացի ես... ներեցեք ինձ, եթե իմ խոսքերը կոպիտ հնչեն, ճիշտն ասած՝ դա դիտավորյալ չի լինի,— նա պետք է ամուսնանա ձեզ հետ:

Ջեննին կծկվեց: Ի՞նչ դաժան բան էր այդ ասել իր երեսին: Այո, առանց ամուսնությունն օրինականացնելու կենակցելու փորձը լավ վերջանալ չէր կարող: Եվ հիմա այս տխուր խճճված վիճակից միայն մեկ ելք կա, նրանք պետք է բաժանվեն: Լեսթերն ապրի տարեկան տասը հազար դոլարորով, դա ուղղակի անհեթեթ բան է:

Միտոր Օ'Բրայենը հետաքրքրությամբ նայում էր Ջեննինին: Նրա կարծիքով Լեսթերը միայն մի սխալ է արել, ինչու՞ հենց այն ժամանակ չի ամուսնացել սրա հետ: Ջեննին հմայիչ կին է:

— Ինձ մնում է էլի միայն մեկ բան ասել ձեզ, միսիս Քեյն,— խոսեց նա սիրալիր:— Այժմ ես հասկանում եմ, որ սա ձեզ համար նշանակություն չունի, բայց ես պետք է կատարեմ ամենը, ինչ ինձ հանձնարարված է: Հուսով եմ, դուք իմ առաջարկությունը վատ չեք մեկնաբանի: Չգիտեմ, տեղյակ եք արդյոք դուք ձեր ամուսնու ֆինանսական գործերին:

— Ոչ,— պարզորեն պատասխանեց Ջեննին:

— Դա միևնույն է: Ահա ուրեմն, եթե դուք որոշեք օգնել ձեր ամուսնուն լուծելու այս բարդ հարցը, ձեր խնդիրը դուրսացնելու համար, անկեղծորեն ասեք, եթե դուք հարկ համար-

րեք ձեր սեփական նախաձեռնութեամբ հեռանալ նրանից և առանձին ապրել, ես երջանիկ եմ ձեզ հաղորդելու, որ ուզածդ գումարը... ասենք... ըմ...

Ջեննին վեր կացավ և, ձեռքերն իրար սեղմելով, կույրի նման քայլեց դեպի լուսամուտը: Միստր Օ' Բրայենը նույնպես վեր կացավ:

— Դա կլինի ձեր հայեցողութեամբ: Բայց ինձ հանձնարարւած է ձեզ ասել, որ եթե դուք որոշեք խզել ձեր կապերը, ձեզ սիրով կտրամադրվի ուզածդ գումարը, որքան դուք ցանկանայք ասել—հիսուն, յոթանասունհինգ, հարյուր հազար դոլլար...— միստր Օ' Բրայենին թվում էր, թե ինքն արտասովոր առատաձեռն է ու ազնիւ:— Այդ գումարը, այսպես ասած, կպահվի ձեզ համար, որպեսզի դուք ուզած բոլորին կարողանաք պահանջել այն: Դուք ոչ մի բանի կարիք չպետք է զգաք:

— Բավական է, խնդրում եմ ձեզ,— ասաց Ջեննին, դգալով, որ ինքն այլևս լսելու ուժ չունի և որ սոսկալի, համարյա ֆիզիկական ցավից ինքը, որտեղ որ է, կզրկվի խոսելու ընդունակութունից:— Խնդրում եմ ձեզ, մի՛ շարունակեք: Խնդրում եմ թողնեք ինձ մենակ: Ես կարող եմ նրանից հեռանալ: Ես այդ կանեմ: Ամեն ինչ լավ կլինի: Բայց, խընդրում եմ, այլևս ոչ մի խոսք մի՛ ասեք ինձ:

— Ես լիովին հասկանում եմ ձեր զգացմունքները, միսիս Քեյն,— ասաց միստր Օ' Բրայենը, վերջապես գիտակցելով, թե ինքը ինչպիսի տառապանք պատճառեց նրան:— Հավատացեք, ես ամբողջ հոգով կարեկցում եմ ձեզ: Ես ասացի այն ամենը, ինչ պիտի ասեի: Դա դժվար բան էր, շատ դժվար: Յավալի անհրաժեշտութուն: Ձեր մոտ կա իմ այցեւորման: Ուզած ժամանակ կարող եք կանչել ինձ կամ նամակ գրել: Այլևս ձեզանից ժամանակ չեմ խլի: Ներողութուն եմ խընդրում: Հուսով եմ, դուք հարկ չեք համարի ձեր ամուսնուն պատմել իմ այցելութեան մասին: Ավելի լավ կլինեք, եթե այդ հարցը դուք ինքնուրույն լուծեիք: Ես շատ թանկ եմ գնահատում նրա համակրանքն ինձ: Շատ եմ ցավում, ներողութուն են խնդրում:

Ջեննին կանգնել էր լուռ, գլուխը կախ:

Միտր Օ' Բրայենն ուղղվեց դեպի նախասենյակ: Ջեննին զանգի կոճակը սեղմեց, և ժաննետը դուրս եկավ հյուրին ճանապարհ դնելու: Օ' Բրայենն առուցք քայլել սկսեց այգու ծառուղիով, իսկ Ջեննին, մենակ մնալով, վերադարձավ զրադարան: Նա նստել էր կզակը ձեռքերին հենած, և թուրքական մետաքսյա գորգի խայտաբղետ նախշերի մեջ նրան տարօրինակ պատկերներ էին երևում: Ահա ինքը մեն-մենակ, միայն Վեստայի հետ գտնվում է մի փոքրիկ կոտեջում: Ահա Լեսթերը հեռու է, ասես մի ուրիշ աշխարհում, և նրա կողքին է միսիս Ջերալդը: Ահա ամայացել է իրենց հիանալի մեծ տունը, իսկ հետո ձգվեցին երկար տարիները, իսկ հետո...

Նա ծանր շունչ առավ՝ հեկեկանքը զսպելով, և այրող արցունքները լցվեցին նրա աչքերը: Հետո նա վեր կացավ:

«Այդպես է հարկավոր,— մտածեց նա:— Վաղուց հարկավոր էր վերջ տալ սրան:— Եվ իսկույն էլ հիշեց.— ի՞նչ բախտ է, որ հայրիկը մեռավ, որ չապրեց մինչև այս օրը»:

### Գ Լ ՈՒ Խ LIII

Լեսթերն այլևս հնարավոր չէր համարում մնալ տունը բացատրության, անկախ նրանից, թե դա իրենց կապի խնդման կհասցնի, թե օրինականացման: Եվ այդ բացատրությունը տեղի ունեցավ Օ' Բրայենի այցելությունից շատ շանցած:

Այդ այցելության օրը Լեսթերը գնացել էր Հեդեվիշ՝ արդյունաբերական մի փոքրիկ քաղաք Վիսքոնսինում, ուր նրան հրավիրել էին լիֆտերի նոր մոտորի փորձարկմանը. նա մտադրություն ուներ այդպիսի մոտորներ արտադրող ընկերության բաժնետեր դառնալ: Երբ հաջորդ օրը Լեսթերը վերադարձավ Հայդ-Պարկ, ըստ սովորության պատրաստ լինելով նույնիսկ այժմ, շնայած մտադիր էր բաժանվել Ջեննինից, սլասմել նրան իր ուղևորության մասին,— նրան զարմացրեց տան մեջ տիրող վհատությունը. Ջեննին թեպետև խելամիտ ու



հաստատուն որոշման էր հանգել, ուժ չունեի թաքցնելու իր զգացմունքները: Նա ախուր-տրտում իր ծրագրի մասին էր խորհում, շարունակ հիշելով, որ հեռանալն անհրաժեշտ է, բայց վախենալով, թե քաջություն չի ունենա խոսելու Լեսթերի հետ: Իսկ հեռանալ առանց նրա հետ խոսելու՝ չի կարելի: Նա պետք է համաձայնություն տա խղմանը: Ջեննիի խոր համոզմամբ դա միակ ճիշտ ելքն էր: Այն միտքը, թե Լեսթերը կարող է այդպիսի խոշոր զոհաբերություն անել իր համար, սլարգապես չէր տեղավորվում նրա գլխում: Նրան զարմացնում էր, թե Լեսթերն ինչպե՞ս է կարողացել մինչև հիմա լռել, երբ նրա ապագան այդքան վաղուց արդեն մաղից է կախված եղել:

Լսելով, որ Լեսթերը տուն մտավ, Ջեննին փորձեց նրան դիմավորել իր սովորական ժպիտով, բայց միայն ժպիտի նրման մի բան ստացվեց:

— Ամեն ինչ կարգի՞ն է,— հարցրեց նա, ինչպես հարցընում էր ամեն օր:

— Իհարկե,— պատասխանեց Լեսթերը:— Իսկ քե՞ղ մոտ ինչպես են դորժերը:

— Ինչպես միշտ:

Նրանք միասին անցան գրադարան, և Լեսթերը բուխարիկին մոտենալով սկսեց շեղջը խառնել: Հունվարյան ցուրտ օր էր, ժամը հինգին արդեն մթնել էր: Ջեննին լուսամուտի վարագույրն իջեցրեց: Երբ վերադարձավ Լեսթերի մոտ, Լեսթերը հարցական նայեց նրան:

— Այսօր դու ինչ-որ ամեն օրվա պես չես,— ասաց նա, միանգամից փոփոխություն նկատելով նրա մեջ:

— Ձէ, ի՛նչ կա որ,— պատասխանեց Ջեննին, բայց նրա շրթունքները դողացին, և դա չվրիպեց Լեսթերի հայացքից:

— Ինձ թվում է, դու ինչ-որ բան ես թաքցնում ինձնից,— ասաց նա հայացքը չհեռացնելով Ջեննինից: Ի՞նչ է եղել քեղ: Որե՞ն է բա՞ն է պատահել:

Ջեննին շուտ եկավ, որպեսզի շունչ առնի ու մտքերը ժողովի: Ապա նորից հայացքը դարձրեց նրան:

— Այո, պատահել է,— ասաց նա:— Ես ուզում եմ մի բան ասել քեզ:

— Այդ ես տեսնում եմ:

Նա ժպտաց, թեև զգում էր, որ նրա խոսքերի տակ ինչ-որ լուրջ բան է թաքնված:

Ջեննին էլի մի պահ լռեց, շրթունքներն էր կրծոտում, շիմանալով ինչից սկսել և, վերջապես, խոսեց.

— Երեկ այստեղ մի մարդ կար. միստր Օ' Բրայենը՝ Յինցիննատից: Դու ճանաչո՞ւմ ես նրան:

— Այո, ճանաչում եմ: Ի՞նչ էր ուզում:

— Նա եկել էր ինձ հետ խոսելու քո և քո հոր կտակի մասին:

Նա լռեց, տեսնելով, թե ինչպես մռայլվեց Լեսթերի դեմքը:

— Նրա ի՞նչ գործն էր խոսել քեզ հետ իմ հոր կտակի մասին,— գոչեց նա:— Ինչե՞ր դուրս տվեց:

— Խնդրում եմ մի բարկացիր, Լեսթեր,— հանգիստ ասաց Ջեննին, հասկանալով, որ ոչինչ չի ստացվի, եթե չկարողանա պահպանել լիակատար ինքնատիրապետումը:— Միստր Օ' Բրայենն ինձ պատմեց, թե ինչպիսի գոհաբերություն ես անում դու, և նախազգուշացրեց, որ շատ քիչ ժամանակ է մնացել, և դու կարող ես կորցնել ժառանգություն քո բաժինը: Չե՞ս գտնում դու, որ ժամանակն է գործելու, որ ժամանակն է ինձ թողնելու:

— Նզո՛վք,— չարացած գոռաց Լեսթերը:— Ինչպե՞ս է համարձակվում նա քիթը խոթել իմ գործերի մեջ: Մի՞թե չի կարելի հանգիստ թողնել ինձ:— Նա վրդովմունքով ուսերը թոթվեց:— Նզովյա՛լ լինեն նրանք,— նորից գոռաց նա:— Դա Ռեբերտի սարքած գործն է: «Նայթ, Քիթլի և Օ' Բրայենն» ինչո՞ւ պիտի խառնվեին իմ գործերին: Տե՛ս ի՞նչ աղմուկ կսարքեմ նրանց գլխին:

Նա կատաղել էր, դեմքն ամբողջովին կարմրել էր, աչքերից կայծեր էին թռչում:

Ջեննին նրա ցասումից վախեցած՝ ոչ մի խոսք ասել չկարողացավ:

Փորր-ինչ հանգստանալուց հետո Լեւթերը հարցրեց.

— Նվ ի՞նչ ասաց նա քեզ:

— Ասաց, որ եթե դու ինձ հետ մոռանանաս, տարեկան ընդամենը տասը հազար եկամուտ կունենաս: Իսկ եթե չամոռանանաս, բայց առաջվա պես ապրես ինձ հետ, ոչինչ չես ստանալու: Բայց եթե ինձանից հեռանաս կամ ես հեռանամ քեզանից, դու մեկուկես միլիոն դոլլար կստանաս: Չե՞ս կարծում դու, որ մենք հենց հիմա պետք է բաժանվենք իրարից:

Նա մտադիր չէր այդպես շուտ տալ այդ ամենազլխավոր հարցը. բառերը դուրս թռան իր կամքին հակառակ: Նվ նույն վայրկյանին նա հասկացավ, որ եթե Լեւթերն իսկապես սիրում է իրեն, վճռականորեն կպատասխանի՝ «ո՛չ»: Իսկ եթե նրա համար միևնույն է, կսկսի տատանվել՝ ձգձգել և կաշխատի հետաձգել լուծումը:

— Չգիտեմ, թե ինչու,— առարկեց Լեւթերը ջղայնացած:— Անհրաժեշտություն չեմ տեսնում ոչ միջամտության համար, ոչ շտապ քայլերի: Ինձ կատաղեցնում է, որ նրանք գալիս են այստեղ և քիթները խոթում ուրիշի գործերի մեջ:

Ջեննին խորապես խայթվեց նրա անտարբերությունից, սիրո փոխարեն գայրույթի այդ բռնկումից: Նրա համար կարեւորն սպասվելիք անջատումն էր, իսկ Լեւթերը նորից ու նորից վերադառնում էր Օ' Բրայենի այցելությանը: Ինչ-որ մեկը համարձակվել է խառնվել նրա գործերին, երբ ինքը դեռ որոշում չի ընդունել. ահա թե ինչը նա մոռանալ չէր կարողանում: Այնինչ Ջեննին, ինչ էլ որ լիներ, հույս ուներ, թե այդքան տարի միասին ապրելով, երբ և՛ ուրախությունը, և՛ վիշտը Վիսել էին իրար հետ, Լեւթերը խորապես սիրում է իրեն, և այդ զգացմունքը նրան թույլ չի տա բաժանվել իրենից, եթե նույնիսկ բաժանումն անհրաժեշտ դառնա: Ինչ անենք, որ նա չի ամուսնացել իր հետ. դրա համար այնքան լուրջ պատճառներ են եղել: Բայց հիմա, երբ ամեն ինչ վերջացել է, նա կարող էր իր սիրո մասին խոսել նրա հետ, թեկուզև բաց թողնելուց առաջ: Ջեննին թվաց, թե այդքան տարր նրա հետ ասլուած լինելով՝ ամենևին չի ճանաչում նրան և դրա

հետ միասին նա հասկանում էր նրան: Նա յուրովի է սիրում իրեն: Նա ղեղումների ընդունակ չէ, չի կարող խոսել զգացմունքների մասին: Մի ժամանակ նա կարողացավ նվաճել Ջեննիին և իրենը դարձնել, բայց նրա սերը չի բավականացնում, որ հիմա էլ պահի նրան, երբ խոչընդոտներ են ծագել: Ահա հիմա նա որոշում է Ջեննիի բախտը: Ջեննին տանջալից ցավ է զգում, սրտից արյուն է ծորում, բայց այս անգամ նրա որոշումը հաստատուն է: Ուզում է կեսթերը թե ոչ՝ ինքը չի թողնի, որ նա այդպիսի զոհաբերություն անի: Ինքը պիտի հեռանա կեսթերից, եթե նա ինքը չհեռանա: Կարիք չկա, որ մնա: Պատասխանը միայն մեկ բան կարող է լինել: Բայց մի՞թե նա մի սիրալիր խոսք չի գտնի իր համար:

— Չե՞ս գտնում արդյոք, որ ժամանակն է գործի անցնելու, — շարունակեց Ջեննին, դեռևս հուսալով, թե նա կհիշի իրեն: — Չէ՞ որ բոլորովին քիչ ժամանակ է մնացել:

Նա մեքենայորեն ետ ու առաջ էր մղում սեղանին դրված գրքերը, մտածելով՝ միայն թե կարողանա պահպանել արտաքին հանգստությունը: Էլ ի՞նչ անի ինքը, ի՞նչ ասի: Կեսթերի զայրույթի բռնկումները միշտ էլ սարսափեցնում էին նրան: Բայց չէ՞ որ հիմա նրա համար այնքան էլ դժվար չէ հեռանալ. նա միսիս Ջերալդ ունի: Միայն թե ցանկանա, իսկ նա պետք է ցանկանա: Չէ՞ որ կարողությունը նրա համար որքա՞ն ավելի կարևոր է, քան Ջեննին:

— Դա քո գործը չի, — կտրուկ ասաց կեսթերը դեռևս զայրույթով լցված եղբոր, քույրերի, Օ՝ Բրայենի դեմ: — Ժամանակ կա: Ես դեռ ոչինչ չեմ որոշել: Չէ՞, մի տես ինչպիսի՞ լիտիություն: Դե լավ, ես այլևս չեմ ուզում դրա մասին խոսել: Ճաշը պատրաստ է:

Հիշելով միայն իր վերավորված ինքնասիրությունը՝ Կեսթերը նույնիսկ նեղություն չէր տալիս իրեն քաղաքավարի խոսել: Նա բոլորովին մոռացել էր Ջեննիին, նրա զգացմունքները: Նա ատում էր Ռոբերտին և ուրախությամբ կոտորեր Նայթի, Քիթլիի և Օ՝ Բրայենի վիզը՝ առանձին-առանձին կամ բոլորինը միասին:

Հարցը, հասկանալի է, սղառված չէր, և նորից հարույ-

վեց արդեն ճաշի վրա: Ջեննին մի փոքր հանգստացել էր և մտքերը ժողովել: Վեստայի և Ժաննետի ներկայությամբ նա աղատ խոսել չէր կարող, բայց և այնպես մի նոր փորձ արեց:

— Ես կարող էի մի փոքրիկ կոտեջ վարձել,— կամացուկ ասաց նա, հուսալով, որ Լեսթերն արդեն հանդարտված կլինի:— Այստեղ մնալ չեմ ուզում: Ի՞նչ պիտի անեմ մենակ այս հսկա տան մեջ:

— Խնդրում եմ վերջ տուր այդ խոսակցությանը,— կրտսրուկ ընդհատեց նրան Լեսթերը:— Տրամադրություն չունեմ շարունակելու: Ես դեռ ոչինչ չեմ որոշել:

Նա համառում էր, դեռևս զայրացած լինելով Օ'Բրայենի վրա, և Ջեննին, վերջապես, հանգիստ թողեց նրան: Վեստան, որ սովոր էր խորթ հորը միշտ տեսնել սիրալիր ու քաղաքավարի, այժմ զարմանքով էր նայում նրա մռայլորեն կիտած հոնքերին:

Ջեննին արդեն այն տպավորությունն էր ստացել, որ եթե ինքը ցանկանա, կարող է պահել նրան. Լեսթերը շատ էր տատանվում: Բայց Ջեննին այդ չէր ուզում անել: Դա Լեսթերի նկատմամբ լավ վարմունք չէր լինի: Եվ հենց իր նկատմամբ էլ դա կլիներ վատ, անողորմ ու անկարգ բան:

Եվ հաջորդ օրը նա շարունակեց համոզել Լեսթերին.

— Այդպես է հարկավոր, Լեսթեր, հավատացնում եմ քեզ: Ես այլևս քեզ չեմ ձանձրացնի, բայց այդպես է հարկավոր: Ուրիշ կերպ վարվել ես քեզ թույլ չեմ տա:

Այս վեճը հիմա վերսկսվում էր ամեն օր՝ մերթ ննջարանում, մերթ գրադարանում, մերթ նախաճաշին, թեպետ միշտ չէր, որ արտահայտվում էր բառերով: Ջեննին իր անհանգստությունը չէր թաքցնում: Նա համոզված էր, որ հարկավոր է Լեսթերին ստիպել՝ գործի անցնել: Նրբ Լեսթերը նրա նկատմամբ ավելի ուշադիր, ավելի սիրալիր դարձավ, այս համոզմունքն ավելի ամրապնդվեց նրա մեջ: Նա չէր իմանում, թե ինչ պիտի անել, բայց տխուր-տրտում նայում էր Լեսթերին՝ աշխատելով օգնել նրան, որ որոշում ընդունի: Նա ինքն իրեն հավատացնում էր, որ երջանիկ կլինի, երբ իրենք վերջնականապես բաժանվեն, ինքը երջանիկ կլինի այն.

մտքով, որ Լեսթերը հիմա երջանիկ է: Նա լավ մարդ է, նրան տրված է ամեն ինչ, թերևս, բացի սիրո զգացմունքից: Նա իրեն չի սիրում ինչպես հարկն է, թերևս, չի էլ կարող այն ամենից հետո, ինչ տեղի է ունեցել, թեև ինքը՝ Ջեննին խորապես սիրում է նրան: Իսկ նրա վրա ազդել է ընտանիքի կատաղի դիմադրությունը: Այդ Ջեննին էլ հասկացել է: Այժմ նրա համար պարզ էր, որ Լեսթերը, չնայած իր պայծառ խելքին, չի կարող դուրս պրծնել այդ կախարդական շրջանակից: Նա շատ կարգին մարդ է, այնպես որ չի կարող կոպտաբար հանգուցը կտրել և լքել Ջեննինին, նա այնքան նրբանկատ է, որ չի կարող բացահայտորեն հոգալ իր շահերի մասին և Ջեննիի ապագայի մասին, բայց դա նրա պարտքն է:

— Որոշիր, Լեսթեր,— նորից ու նորից կրկնում էր Ջեննին:— Բաց թող ինձ: Ինչո՞ւ ես տատանվում: Ինձ համար վատ չի լինի: Գուցե թե հետո, երբ ամեն ինչ կարգի կգա, դու կուզենաս վերադառնալ ինձ մոտ: Եվ կվերադառնաս, ես կսպասեմ քեզ:

— Ես դեռ ոչ մի որոշման չեմ հանգել,— լինում էր նրա մշտական պատասխանը:— Ես ամենևին համոզված չեմ, թե ուզում եմ բաժանվել քեզանից: Իմ կարողությունը, իհարկե, հետաքրքրում է ինձ, բայց փողը դեռ ամեն ինչ չէ: Եթե պետք լինի, ես կարող եմ տարեկան տասը հազարով էլ ապրել: Դա ինձ համար նորություն չէ:

— Այո, բայց հիմա դու հասարակության մեջ այնպիսի ականավոր դիրք ունես որ,— առարկում էր Ջեննին:— Հիմա դրա մասին մտածել անգամ չի կարելի: Հիշիր, թե հենց միայն այս տունը որքան է նստում քեզ վրա: Իսկ այստեղ հարցը վերաբերում է մեկուկես միլիոն դոլլարի. ես ուզողակի չեմ թույլ տա, որ դու դրանից զրկվես: Ավելի լավ է ես ինքս կհեռանամ քեզանից:

— Իսկ ո՞ւր կգնայիր դու, եթե բանը դրան հասնի,— հարցրեց նա հետաքրքրությամբ:

— Ես մի որևէ անկյուն կգտնեի: Հիշո՞ւմ ես Սենդվուդը, Քենոշին չհասած՝ այն փոքրիկ քաղաքը: Ես հաճախ եմ մտածել, որ այնտեղ ապրելը շատ հաճելի կլիներ:

— Ինձ համար ծանր է մտածել դրա մասին, — վերջապէս ասաց նա: — Դա այնքա՛ն անարդարացի է: Ամեն ինչ, ամեն ինչ մեր դեմ է եղել: Երևի ես պետք է հենց միանդամից ամուսնանայի քեզ հետ: Իզուր այդպես չեմ արել:

Ջեննին քիչ մնաց հեծկլտար, բայց իրեն զսպեց:

— Միկնույն է, ես կաշխատեմ, որ սա վերջը չլինի, — ասաց նա վերջում:

Լեսթերը մտածում էր, թե գուցե ամեն ինչ այնպես էլ անցնի: Հարկավոր է փողն ստանալ, իսկ հետո... Բայց իրզ՝ ճի՛ դեմ ամեն մի քայլ, ամեն մի խորամանկություն խորապէս զգվելի էր նրա համար:

Վերջապէս նրանք պայմանավորվեցին, որ փետրվարի վերջերին Ջեննին գնա Սենդվուդ և փորձի այնտեղ իրեն հարմար մի բան գտնել: Լեսթերը նրան ասաց, որ ծախսերի մասին չմտածի, նա կունենա ամեն բան, ինչ հարկավոր է: Եվ ինքն էլ մեկ-մեկ հյուր կգա նրան: Իր մասին նա մտածեց, որ իրեն պատճառած այս ծանր բոլորների համար պատասխան տվող կլիներ: Ինքն իր մոտ կկանչի միստր Օ'Բրայենին և խիստ խոսակցություն կունենա նրա հետ: Դե հո հարկավո՛ր է սիրտը հանգստացնել. թող իմանա, թե ինչ են մտածում նրա մասին:

Եվ այս ամբողջ ժամանակամիջոցում նրա գիտակցության խորքում ապրում էր միսիս Ջերալդը, այն հրապուրիչ, նրբագեղ և ամեն տեսակետից կատարյալ կինը: Լեսթերն աշխատում էր չմտածել նրա մասին, բայց նրա պատկերը մտքից հանել չէր կարողանում: Եվ ավելի ու ավելի հաճախ էր գլխում մի միտք ծագում. «Իսկ ինչո՞ւ չէ»: Փետրվարի սկզբներին որոշումն արդեն ընդունված էր:

## Գ Լ ՈՒ Ս LIV

Սենդվուդ փոքրիկ քաղաքը, «չհասած Քենոշին», ինչպես ասաց Ջեննին, բոլորովին մոտիկ էր Ջիկագոյին, ամառանոցային գնացքով ընդամենը մեկ ու մի քառորդ ժամվա ճանապարհ: Այն բաղկացած էր ընդամենը մի երեք հարյուր կո-

տեղից, որոնք ցրված էին լճի գեղատեսիլ ափին: Նրա բնակ-  
չութիւնը հարուստ չէր: Տները մի հինգ հազար դոլլարից  
ավելի չարժեին, բայց կառուցված էին մեծ ճաշակով, իսկ  
նրանց շրջապատող մշտադալար ծառերը քաղաքին ամառվա  
ուրախ տեսք էին տալիս: Մի անգամ, շատ վաղուց, Ջեննին  
ու կեսթերն անցնում էին այստեղով մի զույգ արագավազ ձի  
լծած կառքով, և Ջեննիին հիացմունք պատճառեցին ծառերի  
կանաչի մեջ թաղված սպիտակ զանգակատունը և լճի խաղաղ  
ջրի վրա մեղմ օրորվող մակույկները:

— Ի՞նչ հաճելի է այսպիսի տեղ ապրել,— ասել էր այն  
ժամանակ Ջեննին, իսկ կեսթերը սլատասխանել էր, թե իր  
կարծիքով սա բավական տխուր տեղ է:

— Գուցե և երբեկիցե այս տեղը դուր կգա ինձ, բայց  
այժմ՝ ոչ: Չափից ավելի խաղաղ է այստեղ:

Ջեննին շատ անգամ էր հիշել նրա այս խոսքերը: Այդ  
խոսքերը նրա միտն էին գալիս, երբ կյանքն առանձնապես  
ծանր ու դժվարին էր թվում: Եթե ինքը մենակ մնա և միջոց-  
ներ ունենա, որքա՞ն լավ կլիներ այսպիսի մի փոքրիկ քա-  
ղաք ընկնել: Պարտեզ, հավեր, սարեկանոցը ծայրին մի բար-  
ձրը ձող և շուրջը՝ ծաղիկներ, կանաչ, ծառեր: Ապրել դեպի  
լիճը նայող մի փոքրիկ կոտեջում, ամառային երեկոներին  
նստել վերանդայում ու կար անել... Վեստան կվերադառնա  
դպրոցից: Գուցե նոր ծանոթներ էլ կգտնվեն: Ջեննիին արդեն  
սկսում էր թվալ, որ իր համար մենակ ապրելը վատ չի լինի,  
թեև Վեստայի ապագան չէր դադարում անհանգստացնել նը-  
րան: Նա սիրում էր կարգալ. մի քանի անգամ կարդացել էր  
Վաշինգտոն Իվինգի «Ակնարկների զիրքը», Լեմբի «Էլի-  
ա»-ն, Հոտորնի «Երկու անգամ պատմած պատմութիւնները»:  
Վեստան նրան ուրախացնում էր երաժշտութիւն մեջ ունեցած  
հաջողութիւններով: Աղջիկը երաժշտական բացառիկ ընդու-  
նակութիւն ուներ: Նա ուրիշ բնածին զգացում ուներ, ա-  
ռանձնապես սիրում էր թախծալի, հուզիչ տրամադրութիւն-  
ներով համակված երգերն ու պիեսները, և ինքն էլ վատ չէր  
երգում ու նվագում: Նրա ձայնը դեռ չէր ձևավորվել, նա ըն-  
դամենը տասնչորս տարեկան էր — բայց հաճելի էր լսել նրան:



Նրա մեջ հիանալիորեն զուգորդվել էին մոր և հոր գծերը: Ջեննիից նա ժառանգել էր մեղմ մտախոհությունը, Բրենդենից՝ մտքի եռանդն ու աշխուժությունը: Նա միանգամայն խելամիտ զրուցում էր մոր հետ բնության, գրքերի մասին, հագուստների և սիրո մասին, և Ջեննին նրա մտքի զարգացմանը հետևելով տեսնում էր այն նոր աշխարհները, որ բացվում էին իր աղջկա առաջ: Աղջկա սովորած առարկաներն ավելանում էին, և Ջեննին նրա հետ միասին հասկանում էր ժամանակակից դպրոցի կյանքը, նրա բազմազան ծրագիրը, որի մեջ տեղ էին գտնում և՛ երաժշտությունը, և՛ բնագիտությունը: Երևում էր, որ Վեստան բազմակողմանի զարգացած և գործնական կին է դառնալու, ո՛չ այնքան աշխույժ, բայց լիովին ինքնուրույն: Մորը սփոփում էր այն միտքը, որ աղջիկը կկարողանա ինքն իրեն պաշտպանել, և մեծ հույս էր կապում նրա ապագայի հետ:

Սենդվուդի այն կոտեջը, որի վրա կանգ առավ Ջեննիի ընտրությունը, միահարկ տուն էր իր մեզոնինով և վերանդայով, որ կառուցված էր կարմիր աղյուսե սյուներով և սյունները իրար միացված էին փայտե կանաչ ցանկապատով: Բոլոր հինգ սենյակների լուսամուտները նայում էին դեպի լիճը: Սեղանատունն ապակեպատ դուռ ուներ, ընդարձակ գրադարանի դարակներում կարող էին մեծ թվով գրքեր տեղավորվել, անկյունի հյուրասենյակը, որ երեք լուսամուտ ուներ, ամբողջ օրը ողողված էր արևի ճառագայթներով: Տան կողքի հողամասում աճում էին մի քանի գեղեցիկ ծառեր: Նախկին տերը այգում ծաղկաթմբեր էր սարքել և կանաչ տակառներ էր պատրաստել դեկորատիվ բույսերի ու թփերի համար: Տունը սպիտակ էր, կանաչ խլափեղկերով և գոնտի կանաչ տանիքով:

Լեսթերն ուզեց առաջարկել Ջեննիին, որ նա իրեն պահի Հայդ-Պարկի տունը, բայց Ջեննին չուզեց: Հենց միայն այն միտքը, որ ինքն այստեղ ապրելու է առանց Լեսթերի, անտանելի էր նրա համար. որքա՜ն հիշողություններ էին կապված այդ տան հետ: Սկզբում նա նույնիսկ չէր ուզում իր հետ որևէ բան տանել, բայց հետո, այնուամենայնիվ, հետևեց Լեսթե-

րի խորհրդին, վերցրեց նոր բնակարանին հարկավոր կահույքը, վարադուլները և սեղանատան արծաթեղեներ:

— Քի՜չ բան կարող է քեզ պետք գալ,— ասաց Լեսթերը: — Բոլորը վերցրու: Ինձ ոչինչ հարկավոր չէ:

Կոտեջը վարձել էին երկու տարով, վարձակալության ժամկետը երկարացնելու կամ հետադաշյում գնելու իրավունքով: Ի վերջո որոշելով Ջեննիին բաց թողնել՝ Լեսթերը մեծ առատաձեռնություն ցուցաբերեց. նա չէր հանդուրժում այն միտքը, թե Ջեննին կարող է կարիքի մեջ լինել: Նրան մտահոգում էր այն հարցը, թե Վեստալին ինչպես պիտի բացատրեն իրենց կյանքում տղի ունեցող փոփոխությունը: Աղջրկան սիրում էր նա և ցանկանում էր հեռու պահել նրան ծանր ապրումներից:

— Գուցե կարելի է մինչև դարուն որևէ փակ դպրոցում տեղավորել նրան,— մի օր առաջարկեց նա:

Բայց ուսման տարվա եռուն շրջանն էր, և ստիպված եղան այդ մտքից հրաժարվել: Այն ժամանակ որոշեցին Վեստալին ասել, թե Լեսթերը երկար ժամանակով գործով գնալու է Չիկագո, իսկ իրենք, մայր ու աղջիկ ավելի լավ կապրեն մի փոքրիկ քաղաքում: Երբևիցե Ջեննին աղջկան կբացատրի, որ Լեսթերից հեռացել է, և մի պատճառ կհորինի: Ջեննին հոգին դառնացած էր: Նա հասկանում էր, որ Լեսթերի որոշումը խելամիտ է, բայց դրա տակ ինչպիսի՞ տնտրություն կար: Այո, եթե նույնիսկ նա սիրում է իրեն, ապա շատ քիչ է սիրում:

Տղամարդու և կնոջ միջև եղած հարաբերությունների մեջ, որոնք մենք դիտում ենք այնպիսի ջերմ հետաքրքրությամբ, հուսալով, թե նրանց մեջ կգտնենք կյանքի գաղտնիքի մի որևէ լուծում, ամենից ավելի դժվար ու ծանր են լինում այն բոլորները, երբ փոխադարձ կապվածությունը զոհաբերվում է արտաքին հանգամանքներին, որոնք այնքան հեռու են գեղեցկությունից և հենց զգացմունքի ուժից: Եվ Լեսթերն ու Ջեննին խորապես տանջվում էին իրենց անջատումից առաջ վերջին օրերին, երբ փուլ էր գալիս նրանց միասնական կյանքը այս ստանը, որտեղ ամեն ինչ սարքած էր այնպիսի

սիրով, որտեղ նրանք այնքա՛ն երջանիկ ժամեր էին անցկացրել: Զեննիի սիրտը կտոր-կտոր էր լինում. չէ՞ որ նա այն հաստատուն բնավորություններից էր, որոնք ոչ մի փոփոխություն չեն որոնում, միայն թե զգաս, որ դու սիրված ես և որ դու հարկավոր ես: Նրա ամբողջ կյանքը բաղկացած էր նվիրվածություններից ու հիշողություններից, որոնք որսիս անտեսանելի թելեր զատ-զատ տպավորությունները միահյուսում էին որպես մի ներդաշնակ ու հաստատուն ամբողջություն: Եվ այդ թելերից մեկն էլ այս տունն էր, նրա տունը, որ զարդարված էր նրա սիրով ու հոգատարությունմբ դեպի տան բոլոր բնակիչները, դեպի ամեն մի աննշան իրը: Այժմ այդ ամենի վերջն էր եկել:

Եթե առաջ էլ երբեկից Զեննին այսպիսի գանձեր ունեցած լիներ, այժմ նրա համար այնքան էլ դժվար չէր լինի, թեպետև նրա զգացմունքներն ամենեկին էլ նյութական նկատառումները չէին ղեկավարում: Այն սիրո մեջ, որ նա ուներ կյանքի ու մարդկանց նկատմամբ, շահամոլության սաղեր անգամ չկար: Եվ ահա նա շրջում էր սենյակներում, այստեղ մի գորգ վերցնելով, այնտեղ մի նկար կամ մի փոքրիկ սեղան իր բազմոցի ու բազկաթոռների հետ և շարունակ տանջը-վելով այն մտքից, որ ինքն ստիպված էր զբաղվել այդ գործով: Հապա մի մտածեցեք. կանցնի էլի մի քիչ ժամանակ, և այլևս երեկոները չեսթերը տուն չի վերադառնա: Առավոտները պետք չի լինի, որ ինքը առաջինը վեր կենա, որպեսզի ստուգի՝ պատրաստ է սուրճը իր տիրոջ համար և շնորհո՞վ է բացված նախաճաշի սեղանը: Ամեն առավոտ նա սեղանին էր դնում փարթամ ծաղիկների մի փունջ, որպիսիք միայն կարելի էր գտնել ձմեռային այգում, միշտ հիշելով, որ այդ անում է նրա համար: Հիմա ծաղիկներն էլ հարկավոր չեն լինի, նա չի տեսնի դրանք: Երբ սովոր ես երեկոները սպասել կառքի անիվների խշշոցին, որն ավելի ու ավելի է մոտենում, երբ ականջդ միշտ ձայնի է և գիշերվա ժամը մեկին-երկուսին ուրախությամբ արթնանում ես սանդուղքի վրա լսվող քայլերի ձայնից, այդ ժամանակ անասելի տանջալից է անջատումը, որը մի հարվածով վերջ է տալիս ամեն-

նին: Եվ Ջեննին շարունակ մտածում էր, որ առին մի օրը, ամեն մի ժամը իրեն մոտեցնում է այդ անշատմանը:

Լեսթերը նույնպես տանջվում էր, բայց այլ կերպ: Նրան մորմոքում էր ոչ թե մերժված, ոտնատակ տված սերը, այլ մեղքի այն ծանր գիտակցությունը, որ ունենում է մարդ, իմանալով, որ ինքն ստոր հաշիվների համար հրաժարվել է բարի, նվիրական զգացմունքից: Այժմ նրա առաջ լայն հեռանկարներ էին բացվում: Ջեննին առատորին ապահովելուց հետո այլևս կապված չլինելով նրա հետ՝ այժմ նա ազատ է իր ճամփով գնալու, նվիրվելու այն բազմապիսի պարտականություններին, որ մարդու վրա է դնում մեծ հախսաթղթունը: Բայց նա շարունակ մտածում էր, թե որքան շատ բան է արել իր համար Ջեննին, ինչպես նա միշտ աշխատում էր, որ Լեսթերի կյանքը լինի դուրեկան, հարմարավետ ու գեղեցիկ: Նա շատ լավ գիտեր Ջեննիի բոլոր արժանիքները և գնահատում էր դրանք: Այժմ ստիպված էր ընդունելու նրա էլի մի անգնահատելի հատկությունը: Նա կարողանում էր տառապել առանց տրտնջալու: Այս վերջին օրերին Ջեննին Լեսթերին վերաբերվում էր ինչպես միշտ, ո՛չ ավելի լավ, ո՛չ վատ: Նա հիստերիկաներ չէր սարքում, ինչպես կաներ նրա տեղը լինող ամեն մի կին: Չէր աշխատում ավելի տոկուն երևալ, քան կար իրականում, կամ դեմքին ուրախ արտահայտություն տալ այն մտքով, որ նա, այնուամենայնիվ, հասկանա նրա տառապանքը: Նա իրեն պահում էր հանգիստ, մեղմ էր, ուշադիր, առաջվա պես հետաքրքրվում էր նրա գործերով ու ծրագրերով, բայց չէր ջլախնայնում ավելորդ հարցերով: Լեսթերին ապշեցնում էր նրա ազնիվ վերաբերմունքը, նա հիացած էր Ջեննիով: Ինչ էլ ասեն մարդիկ, նա սքանչելի կլին է: Ցավալի է և ամոթ, որ նրա կյանքն այդպիսի դժբախտ ընթացք ունեցավ: Եվ միևնույն ժամանակ Լեսթերը լսում էր մյուս լայնարձակ աշխարհի կանչը: Այդ աշխարհը միշտ էլ հյուրասեր չէր եղել, Լեսթերը հիշում էր նրա գազանային ժանիքները: Բայց կարո՞ղ է նա ականջ չդնել այդ կանչին:

Եվ ահա նրանք արդեն հարևաններից ոմանց տեղեկացրին, թե մեկնում են արտասահման, և Լեսթերն արդեն հա-

մար էր վարձել «Առդիտորիում» հյուրանոցում, ի պահ էր տվել ամբողջ ավելորդ ունեցվածքը, և հասել էր Հայդ-Պար-կին հրաժեշտ տալու պահը: Զեննին Լեսթերի ուղեկցությամբ մի քանի անգամ եղել էր Սենդվուդում: Նա մանրամասն դիտել էր քաղաքը և մնացել էր առաջին տպավորության մեջ, որ քաղաքը գեղեցիկ է, բայց՝ տխուր: Բայց մոտենում էր գարունը, իսկ Զեննին այնքան էր սիրում ծաղիկներ: Նա ուզում էր մի պարտիզպան վարձել:

— Շատ լավ կանես,— ասաց Լեսթերը:— Արա ինչ ուզում ես, միայն թե այստեղ դու քեզ լավ զգաս:

Միևնույն ժամանակ նա եռանդով զբաղվում էր նաև իր գործերով: Իր հավատարմատար միստր Ուոթսոնի միջոցով նա «Նայթ, Քիթլի, Օ'Բրայեն» գրասենյակին իմաց տվեց, որ այսինչ օրը իրեն հանձնվի հայրական բաժնետոմսերի իր բաժինը: Քանի որ հանգամանքներն իրեն ստիպել են այս քայլին դիմել, նա որոշել էր, որ ձեռք է առնելու մի շարք ուրիշ, ո՛չ պակաս անսիրտ միջոցներ էլ: Ամենայն հավանականությամբ նա կամուսնանա միսիս Զերալդի հետ: Նա կըմըտնի «Կառետաշինական տրեստի» վարչության մեջ. հիմա, երբ իր ձեռքին բաժնետոմսերի այսպիսի մի հաստ ծրար կա, նրանք չեն կարող արգելք լինել դրան: Եթե իր տրամադրության տակ լինի նաև միսիս Զերալդի փողը, նա իր ձեռքը կըվերցնի Ֆինցիննատի «Տրակտորային ընկերությունը», որի հետ մեծ հույսեր է կապում իր եղբայրը, ինչպես նաև «Արևմըտյան պողպատածուլականը», որտեղ Ռոբերտը հանդիսանում է գլխավոր խորհրդական: Այո, սա այն դիրքը չի լինի, որ ինքը գրավում էր վերջին տարիներս:

Զեննին մենակությունից և թախծից հանգիստ չունի: Այս տունը այնքա՛ն շատ բան էր նշանակում նրա համար: Երբ նրանք այստեղ փոխադրվեցին, և հարևաններն սկսեցին հյուր գալ, նա պատկերացնում էր, թե իր համար մի նոր կյանք է սկսվում, թե ժամանակին Լեսթերը կամուսնանա իր հետ: Իսկ հետո հարվածները տեղացին իրար ետևից, և այլևս չկա նրա երազանքը, այլևս չկա տունը: Հայրը մեռավ, Ժաննետն ու մյուս ծառաներն արձակվեցին, կահույքը կապկռպ-

ված, պահեստ է տարված, և Լեսթերը, Լեսթերը հեռացել է նրա կյանքից:

Ջեննին պարզ հասկանում էր, որ նա չի վերադառնա: Քանի որ նա կարողացավ հիմա հեռանալ իրենից, թեկուզև տատանումներով ու սրտի ցավով, էլ ի՛նչ կարելի է սպասել այն ժամանակից, երբ նա ազատ կլինի, իրենից հեռու: Իր կարևոր գործերով տարված՝ նա ուղղակի կմոռանա իրեն: Եվ ճիշտ էլ կանի: Ինքը հարմար կին չէ նրա համար: Քանի՞ք անգամ ինքը համոզվել է դրանում: Այս աշխարհում սերը բավական չէ, դա բոլորի համար պարզ է: Հարկավոր է նաև դաստիարակություն, հարստություն, իր ուզածը կատարելու և բանասարկելու կարողություն: Իսկ ինքը դրանով ըզբաղվել չի ուզում: Եվ չի էլ կարող:

Վերջապես մեծ տունը փակվեց, և նախկին կյանքը հտեվում մնաց: Լեսթերը Ջեննիին ուղեկցեց մինչև Սենդվուդ և մի կարճ ժամանակ նրա հետ միասին մնաց կոտեջում, ջանալով ներշնչել նրան, թե տունը հիանալի տուն է, և նա հեշտությամբ կվարժվի նոր պայմաններին: Նա խոստացավ շուտով այցելել Ջեննիին, իսկ հետո պատրաստվեց մեկնելու, և անջատման անհրաժեշտության առաջ նրա խոսքերը միանգամից կորցրին իրենց նշանակությունը: Ջեննին հրաժեշտ տալիս համբուրեց նրան, ցանկացավ նրան երջանկություն, հաջողություն, հոգեկան անդորր և անցավ իր ննջարանը: Լուսամուտից տեսնելով, թե նա ինչպես է տնից հեռանում աղյուսածածկ շավիղով, ամրապինդ ու պերճաշուք, նոր կոստյումը հագին ու վերարկուն թևին գցած, որպես ինքնավրստահության ու բարեբախտության մի մարմնացում, Ջեննիին թվաց, թե ինքը հենց հիմա կմեռնի: Բայց քիչ հետո, երբ Վեստան մոր մոտ մտավ, նրա աչքերն արդեն ցամաք էին: Մնացել էր միայն բութ, տնքող ցավը: Այսպես սկսվեց նրա նոր կյանքը, Կյանքն առանց Լեսթերի, առանց հոր, հենց միմիայն Վեստայի հետ:

«Այնուամենայնիվ զարմանալի է իմ բախտը», — մտածում էր նա խոհանոց իջնելով: Նա որոշել էր, որ տնային աշխատանքների մի մասն ինքը կատարի: Նրան հարկավոր էր

զբաղմունք ունենալ: Զի կարելի շարունակ մտածել ու մտածել: Վեստան չլիներ՝ նա որևէ աշխատանքի կմտներ: Միայն թե չամփոփվի ինքն իր մեջ, թե չէ՝ կարելի է գծվել:

## Գ Լ Ո Ւ Ն LV

Հետևյալ մեկ երկու տարում Զիկագոյի, Յինցիննատիի, Քլիվլենդի և այլ քաղաքների աշխարհիկ ու գործարար շրջանները վկա եղան Հեսթեր Քեյնի յուրատեսակ վերածնությունը: Ջեննիի հետ կապված լինելու ժամանակ նա հեռացել էր բազմաթիվ մարդկանցից ու գործերից և թվում էր, թե կորցրել է ամեն հետաքրքրությունն նրանց նկատմամբ: Բայց այժմ, Ջեննիից բաժանվելով, նա նորից հրապարակում երևաց իր հսկայական միջոցներով սպառազինված, սկսեց խորամուխ լինել ամեն գործի մեջ, որպես իր ուժերին վստահ մի մարդ, և շատ շուտով որպես հեղինակություն ճանաչվեց առևտրի ու ֆինանսների բնագավառում: Ճիշտ է, նա տարիքն առել էր: Որոշ տեսակետից դա արդեն նախկին Հեսթերը չէր: Մինչև Ջեննիի հետ հանդիպելը նա աչքի էր ընկնում ինքնավստահությամբ, որ հատուկ է պարտություն չտեսած ամեն մարդու: Երբ դու դաստիարակված ես շքեղության մեջ, երբ դու հասարակությունը տեսնում ես միայն նրա հաճելի կողմով, որ այնքան համոզիչ խաբուսիկ է, երբ գործ ունես խոշոր ձեռնարկությունների հետ ոչ նրա համար, որ ինքդ ես ստեղծել դրանք, այլ որովհետև ինքդ էլ դրանց մի մասն ես կազմում, և նրանք քեզ հետ են ծնված օրից, ինչպես այն օդը, որ շնչում ես, այդ դեպքում, բնականաբար, ստեղծվում է կենցաղի անսասանության իլյուզիա, որն ընդունակ է մթագնելու ամենապայծառ միտքն անգամ: Դժվար է պատկերացում ունենալ նրա մասին, ինչ մեներ չենք տեսել, զգալ այն, ինչ ինքներս չենք ապրել: Ինչպես տիեզերքը մեզ հավերժական ու անսասան է թվում միայն նրա համար, որ ոչինչ չգիտենք այն ստեղծող ուժերի մասին, Հեսթերի աշխարհն էլ նրան թվում էր անսասան ու հավերժական: Միայն երբ փո-

թորկածին ամպերը խտացան, և մորիկն սկսվեց, երբ նրա դձմ կռվի դուրս եկան հասարակական պայմանականության բոլոր ուժերը, միայն այդ ժամանակ նա հասկացավ, որ, թերևս, գերագնահատել է իրեն, որ իր անձնական ցանկություններն ու հայացքները ոչինչ են հասարակության կարծիքի առաջ, որ ինքն իրավացի չէ։ Նրան թվում էր, որ ժամանակի ոգին՝ Zeitgeist-ը, ինչպես կոչում են այն գերմանացիները, պաշտպան է կանգնած մի սխտեմի, որ մեր հասարակությունը կազմակերպված է մի ինչ-որ առեղծվածային, մարդու ըմբռնողությանն անհասանելի օրինակով։ Նա չկարողացավ մենամարտի բռնվել այդ հասարակության հետ։ Զկարողացավ բանի տեղ չդնել նրա հրամանները։ Նրա ժամանակակիցներն անհրաժեշտ էին գտնում այդպիսի հասարակական կառուցվածքը, և կեսթերը համոզվեց, որ այդ օրենքները խախտելով, դժվար չէ հասարակությունից դուրս մնալ։ Բոլորը երես դարձրին նրանից՝ հայրն ու մայրը, քույրերը, ծանոթները, բարեկամները։ Ողորմած աստված։ Ինչպիսի՞ փոթորիկ բարձրացրեց նրա արարքը։ Ասես բախտն ինքը որոշել էր պատժել նրան։ Անշարժ գույքի նրա գործառնությունը չտեսնելված ձախողանք կրեց։ Ինչո՞ւ։ Մի՞թե աստվածներն էլ պաշտպան են կանգնած հասարակության այն օրենքներին, որոնք ինքն ուզում էր անտեսել։ Երևի այդպես է։ Այսպես թե այնպես, նրան ստիպեցին դիրքերը հանձնել, և ահա նա նորից իր նախկին աշխարհումն է՝ լի եռանդով ու վճռականությամբ, մի փոքր տրորված իր ապրումներից հետո, բայց և այնպես բավականաչափ խոշոր ու ազդեցիկ դեմք է։

Երկար պայքարից հետո արված այդ զիջողությունը նրա համար անպատիժ չանցավ, նա խիստ գազազել էր։ Զգում էր, որ իրեն մղել են իր կյանքում առաջին տգեղ ու դաժան վարմունքին։ Զեննին ավելի լավ բախտի էր արժանի։ Խայտառակություն էր լքել նրան նրանից այնքա՞ն շատ ստանալուց հետո։ Ի՞նչ ասել կուզի, նա իր ազնվությամբ գերազանցեց կեսթերին։ Իսկ գլխավորը՝ կեսթերը չէր կարող իրեն արդարացնել, թե իբր անելանելի դրության մեջ էր։ Նա կարող էր ապրել տարեկան տասը հազարով, կարող էր յուրա գնալ



առանց այն մեկուկես միլիոնի, որ այժմ ունի: Կարող էր յուր գնալ նաև առանց բարձրաշխարհիկ հասարակության, որը, ինչպես երևում է, նրա համար չէր կորցրել իր ձգողական ուժը: Կարող էր, բայց չուզեց և իր մեղքն ավելի սաստկացրեց ուրիշ կնոջ մասին մտածելով:

Ինչո՞ւ է նա լավ Ջեննիից, ահա մի հարց, որ շարունակ կանգնում էր Լեսթերի առաջ: Բարի՞ է նա արդյոք: Մի՞թե նա ամենաբացահայտ փորձերը չէր անում՝ Լեսթերին խլելու մի կնոջից, որին պարտավոր էր նրա կիներ համարել: Եվ մի՞թե դա գովելի բան է: Մի՞թե մեծ սիրտ ունեցող կինն այդպես կվարվեր: Եվ, վերջապես, բավականաչա՞փ լավ է նա Լեսթերի համար: Գուցե ընդհանրապես պետք է, որ ինքը չամուսնանա, քանի որ, եթե ոչ իրավաբանորեն, ապա բարոյապես դեռ կապված է Ջեննիի հետ: Ի՞նչ ամուսին կարող է դուրս գալ իրենից: Այս մտքերը նրան հանգիստ չէին տալիս, և նա չէր կարողանում ազատվել այն գիտակցությունից, որ անսիրտ ու անազնիվ քայլ է անում:

Նա անճիշտ քայլ է արել, հետևելով նյութական նկատառումներին, իսկ հիմա էլ պատրաստ է տեղի տալ բարոյական նկատառումներին: Երկրորդ սխալով նա փորձում է ուղղել առաջինը: Բայց արդյոք դա կգոհացնի՞ իրեն, նյութական ու բարոյական տեսակետից հոգեկան անդորրով՞յո՞ւն կբերի իրեն: Նա համառորեն խորհում էր սրա մասին, երբ իր կյանքը վերակառուցում էր նախկին, ավելի ճիշտ՝ նոր պայմաններին համապատասխան, բայց հանգիստ չէր գտնում: Ավելի ճիշտ՝ ավելի էր վատանում, նրան համակում էր մըռույշ, վրիժառու զգացմունքը: Երբեմն նա մտածում էր, որ եթե ինքը ամուսնանա Լեստիի հետ, ապա դա միայն նրա համար կլինի, որ նրա փողի օգնությամբ դաժանորեն հաշիվ տեսնի իր թշնամիների հետ, և իսկույն էլ սկսում էր արհամարհել իրեն այդպիսի մտքերի համար: Նա ապրում էր «Առեղիտորիում» հյուրանոցում, գնում էր Յինցիննատի՝ վարչության նիստին, որտեղ իրեն պահում էր ամբարտավան ու գրգռիչ, տանջվում էր իր ներքին տվայտանքներից և սե-

փական անտարբերությունից աշխարհում ամեն ինչի նկատմամբ: Բայց Ջեննիի հետ առաջվա պես չէր հանդիպում:

Ինքնին հասկանալի է, որ միսիս Ջերալդն աշխույժ հետաքրքրությամբ ընդունեց Լեսթերի կյանքում տեղի ունեցած նոր շրջադարձը: Քաղաքավարության համար մի փոքր սպասելուց հետո նա Լեսթերին մի նամակ գրեց Հայդ-Պարկի հասցեով, որպես թե շիմանալով, որ նա տեղափոխվել է: «Որտե՞ղ եք թաքնվել դուք», — հարցնում էր նա: Լեսթերն այդ ժամանակ հազիվ էր սկսել վարժվել իր հետ կատարված փոփոխությանը: Նա ինքն իրեն ասում էր, որ ըմբռնողության և կարեկցության կարիք է զգում, հասկանալի է՝ կանացի: Հենց որ պարզվեց, որ նա մենակ է ապրում, և նրա ֆինանսական դրությունը վերականգնվել է, սկսեցին նրան հյուր հրավիրել: Նա արդեն եղել էր մի քանի քաղաքամերձ տներում միմիայն մի ճապոնացի ծառայի ուղեկցությամբ, և դա լավագույն նըշանն էր, որ նա նորից ամուրի է դարձել: Նրա անցյալի մասին ոչ ոք ոչ մի խոսք չէր ասում:

Միսիս Ջերալդի նամակն ստանալով՝ Լեսթերը մտածեց, որ հարկավոր է այցելել նրան: Նրա առաջ ինքը մեղավոր է. Ջեննիի մեկնումից առաջ, վերջին ամիսներս նա չէր անցել միսիս Ջերալդի մոտ: Բայց հիմա էլ նա չշտապեց: Քիչ ժամանակ անց՝ Լեստին հեռախոսով նրան ճաշի հրավիրեց, և այն ժամանակ, վերջապես, նա որոշեց գնալ:

Հյուրասեր տանտիրուհու գերում միսիս Ջերալդը հիանալի էր: Նրա հյուրերի մեջ էին դաշնակահար Ալբոնին, քանդակագործ Ադամ Ռասկելիչը, անգլիացի գիտնական սըր Նելսոն Կիզը, ինչպես և, ի զարմանս Լեսթերի, միստր և միսիս Բերրի Դոջերը, որոնց հետ ահա արդեն մի քանի տարի նա հանդիպել էր միայն հարեանցիորեն: Լեսթերը և տանտիրուհին ուրախ ողջունեցին փոխանակեցին որպես իրար լավ հասկացող մարդիկ և զոհ լինելով, որ առիթ ունեն միասին ժամանակ անցկացնելու:

— Եվ դուք չե՞ք ամաչում, սըր, — ասաց Լեստին, հենց որ Լեսթերը երևաց դռան մեջ: — Մի՞թե կարելի է հին բարեկամներին մոռանալ: Դրա համար դուք պատիժ եք կրելու:

— Ես խիստ զբաղված էի,— պատասխանեց Լեւթերը:— Իսկ ի՞նչ պատիժ է սպասվում ինձ: Հուսով եմ՝ իննսուն մտրակը բավական է:

— Իննսուն մտրակ, ինչպե՞ս չէ,— առարկեց Լեւտտին:— Ուզում եք հեշտ պրծնել: Ես մոռացել եմ, հանցագործներին ինչպե՞ս են պատժում Սիամում:

— Երևի եռացող յուղի մեջ են գցում:

— Այ, դա այդպես է: Բայց ես ձեզ համար մի ավելի սոսկալի պատիժ կմտածեմ:

— Դե, երբ կգտնեք, հայտնեցեք ինձ,— ծիծաղեց Լեւթերը, բայց այդ ժամանակ միսիս դը Լենկումը, որը տանտիրուհուն օգնում էր հյուրերին ընդունել, նրան մի կողմ տալով, որպեսզի ներկայացնի անվանի օտարերկրացիներին:

Մի աշխույժ ղրույց սկսվեց: Լեւթերը, որ այսպիսի պայմաններում միշտ իրեն զգում էր ինչպես ձուկը ջրի մեջ, արտակարգ կայտառություն էր զգում: Շուռ գալով՝ նա իր հողքին տեսավ Բերրի Դոջին:

Դոջը սիրալիր ժպտաց նրան:

— Այդ որտե՞ղ ես կորել դու,— հարցրեց նա:— Արդեն չեմ հիշում քանի տարի մենք քեզ չենք տեսել: Գնանք միսիս Դոջի մոտ, նա ուզում է քեզ հետ խոսել:

— Այո, վաղուց չենք տեսնվել,— անփութորեն հաստատեց Լեւթերը, հիշելով իրենց վերջին հանդիպումը և Դոջի խոսելու տոնը, որ այնքա՞ն նման չէր այսօրվա նրա վերաբերմունքին:— Ապրում եմ «Առդիտորիում» հյուրանոցում:

— Իսկ ես հենց վերջերս քո մասին էի հարցնում: Դու ճանաչո՞ւմ ես Զեքսոն Ռյուբուին: Դե իհարկե, ճանաչում ես: Ահա ես ու նա պատրաստվում ենք ծլկել Կանադա՝ որս անելու: Զե՞ս ընկերանա մեզ:

— Հիմա չեմ կարող,— պատասխանեց Լեւթերը:— Շատ զբաղված եմ: Մի ուրիշ անգամ՝ բավականությամբ:

Դոջը նրանից չէր հեռանում: Նորերս նա կարդացել էր, որ Լեւթերն էլի մի ընկերության վարչության մեջ է ընտրված. երևում է՝ մարդը նորից դեպի վեր է բարձրանում: Բայց այդ ժամանակ հայտարարեցին, որ ճաշը մատուցված է, և

այնպես եղավ, որ Լեւթերն ընկավ միսիս Զերալդի աջ կողմը:

— Դուք մտադիր չե՞ք ինձ մոտ լինել ավելի պակաս պաշտոնական այցելութեամբ, — կիսաձայն հարցրեց նա, օգտըվելով մի ընկերացի, երբ սեղանի շուրջը զրույցն առանձնապես աշխուժացել էր:

— Մտադիր եմ, — պատասխանեց Լեւթերը, — և այն էլ ամենամոտ ժամանակներս: Ծիշտն ասած՝ ես վաղուց էի ուզում ձեզ մոտ անցնել: Բայց դուք գիտե՞ք, թե հիմա ինչ վիճակում են իմ գործերը:

— Գիտեմ: Շատ բան եմ լսել: Դրա համար էլ ուզում եմ, որ գաք: Մենք խոսելու բան ունենք:

Տասն օր անց՝ Լեւթերը եկավ նրա մոտ: Նա ուզում էր Լեւթերին տեսնել: Չանձրույթից հանգիստ շուներ: Զեննիի հետ միասին մի հարկի տակ երկար տարիներ ապրելուց հետո հյուրանոցի կյանքը նրա համար սնտանելի էր: Հարկավոր էր իր սիրտը բանալ որևէ մեկի մոտ, իսկ որտե՞ղ կարելի է կարեկցանք գտնել, եթե ոչ այստեղ: Լեւթերն հենց այդ էլ երազում էր, որ մխիթարի նրան: Սրտին որ լսեր, նա կգրկեր նրան և երեխայի նման գլուխը կշոյեր:

— Դե, — ասաց Լեւթերը, երբ ըստ սովորութեան մի քանի կատակ էին փոխանակել, — ինչպիսի՞ բացատրություններ եք սպասում դուք ինձնից:

— Դուք վառե՞լ եք ձեր կամուրջները, — հարցրեց Լեւթերին:

— Օ՛յ, չգիտեմ, — պատասխանեց Լեւթերը մաախոհ: — Եվ ընդհանրապես չեմ կարող ասել, թե այս ամենն առանձնապես ուրախացրել է ինձ:

— Ես այդպես էլ գիտեի, — հառաչեց միսիս Զերալդը: — Ես հո ճանաչում եմ ձեզ: Պատկերացնում եմ, թե ինչ աղբյուրումներ եք ունեցել դուք: Ես հետևել եմ ձեր ամեն մի քայլին և կուզենայի միայն մեկ բան. որ դուք հոգեկան անդորր գտնեք: Այդպիսի բաները միշտ դժվարութեամբ են արվում, բայց ես հիմա էլ համոզված եմ, որ լավն այդ է: Այն կյանքը ձեզ համար չէր: Եվ, միևնույն է, դուք չէիք դիմանալ Դուր չեք

կարող ապրել խխունջի պես ձեր խեցիի մեջ կուշ եկած: Դուք դրա համար չեք ստեղծված, ինչպես և ես: Դուք ամսոսում եք ձեր արածը, բայց եթե այդ շանեիք, ավելի շատ պիտի ամսոսայիք: Ո՛չ, այնպիսի կյանք շարունակելը ձեզ համար անհրեարին կլիներ. մի՞թե դուք համաձայն չեք սրան:

— Ճիշտն ասած, չգիտեմ, Լեստի: Ախր ես վաղուց էի ուզում գալ ձեզ մոտ, բայց գտնում էի, որ իրավունք չունեմ: Արտաքուստ պայքարը վերջացած է. դուք ինձ հասկանո՞ւմ եք:

— Հասկանում եմ,— ասաց Լեստին սիրալիր:

— Բայց ներքուստ դեռ շարունակվում է: Ես դեռ ամեն ինչ լավ չեմ հասկացել: Ինձ համար պարզ չէ, թե որքան է կաշկանդում ինձ իմ ֆինանսական դրությունը: Անկեղծ ասած՝ ես նույնիսկ չգիտեմ՝ սիրո՞ւմ եմ արդյոք նրան: Բայց նրան խղճում եմ, իսկ սա արդեն քիչ բան չէ:

— Նա, իհարկե, լավ ապահովված է:— Սա հնչեց ո՛չ որպես հարց, այլ որպես ի միջի այլոց արված դիտողություն:

— Իհարկե: Բայց Զեննին ուրիշ տեսակ մարդ է: Նրան շատ բան հարկավոր չէ: Իր բնավորությանը նա սիրում է տանը նստել, արտաքին փայլը նրան չի հրապուրում: Նրա համար ես մի կոտեջ եմ վարձել Սենդվուդում. դա լճի ափին է, Զիկագոյից դեպի հյուսիս: Բայց նա գիտե, որ կարող է ապրել որտեղ ուզենա. նրա տրամադրության տակ բավականաչափ փող կա:

— Ես հասկանում եմ, թե հիմա նա ինչպես է զգում իրեն, Լեսթեր: Եվ հասկանում եմ, թե ինչպես եք զգում դուք: Սկզբնական շրջանում նա խիստ տանջվելու է. մենք բոլորս տանջվում ենք, երբ զրկվում ենք մեր սիրած մարդուց: Բայց ամեն ինչ անցնում է, և մարդիկ շարունակում են ապրել: Նույնն էլ նրա հետ է լինելու: Սկզբում շատ ծանր կլինի, իսկ հետո կհանգստանա և այլևս սրտում վիրավորանք չի ունենա ձեր դեմ:

— Զեննին երբեք ինձ չի կշտամբի, այդ ես գիտեմ,— ասաց Լեսթերը:— Ես ինքս կկշտամբեմ ինձ, այն էլ երկար ժամանակ: Այդպիսի մարդ եմ ես: Թեկուղ սպանես, հիմա ես

չեմ կարող ասել՝ այժմյան իմ այս անհանդստությունը սո-  
վորությունի՞ց է բխում, թե՞ ավելի խոր զգացմունքից: Եր-  
բեմն ինձ թվում է, թե ես ամենաբխամիտ մարդն եմ աշխար-  
հիս երեսին: Ես խիստ շատ եմ մտածում:

— Խեղճ Լեսթեր,— քնքշորեն ասաց Լեստին:— Ես լավ  
եմ հասկանում ձեզ: Տաղտկալի՞ է ձեզ համար հյուրանոցում  
մենակ ապրել:

— Շատ,— պատասխանեց Լեսթերը:

— Իսկ լավ չի՞ լինի, եթե մի քանի օրով գնաք Ուեստ-  
Բադեն: Ես էլ այնտեղ եմ գնում:

— Ե՞րբ:

— Գալիք երեքշաբթի օրը:

— Մի րոպե,— ասաց Լեսթերը:— Հիմա կտեսնենք:—  
Նա թերթեց իր ծոցատետրը:— Հինգշաբթի օրը կարող եմ գալ  
մի քանի օրով:

— Դե, հիանալի: Ձեզ հարկավոր է մարդկանց մեջ լի-  
նել: Այնտեղ մենք կգրոսնենք, կգրուցենք: Ուրեմն կգա՞ք:

— Կգամ:

Լեստին մոտեցավ նրան, իր ետևից քարշ տալով բաց  
մանուշակագույն շորի շեյֆը:

— Զի կարելի այդքան շատ մտածել, սըր,— անփութո-  
րեն ասաց նա:— Անսլայման ուղում եք մինչև արմատը փոր-  
փրբել: Ինչի՞ համար է դա: Ասենք՝ դուք միշտ այդպիսին  
եք եղել:

— Ի՛նչ արած,— պատասխանեց Լեսթերը:— Ես չեմ կա-  
րող չմտածել:

— Լավ, ես մի բան գիտեմ:— Նա թեթևակի քաշեց Լես-  
թերի ականջը:— Ձեր բարի զգացմունքները երկրորդ անգամ  
ձեզ չեն ստիպի սխալ գործել: Ես այդ թույլ չեմ տա,— ավե-  
լացրեց նա համարձակորեն:— Դուք պետք է ազատ լինեք,  
մինչև ամեն ինչի մասին չխորհեք ինչպես հարկն է և չորո-  
շեք, թե ձեզ ինչ է հարկավոր: Այլ կերպ չի կարելի: Իսկ ես  
ուղում եմ խնդրել ձեզ, որ ձեր վրա վերցնեք իմ գործերի կա-  
ռավարումը: Դուք կարող էիք ինձ շատ ավելի արժեքալիոր  
խորհուրդներ տալ, քան իմ հավատարմատարը:

Լեսթերը վեր կացավ, քաշվեց լուսամուտի մոտ և աչքի տակով նայեց նրան:

— Թե ինչ է հարկավոր ձեզ, այդ ես գիտեմ,— ասաց նա մռայլված:

— Իսկ ինչո՞ւ չի՞նի այդպես,— հարցրեց Լեստին նորից մոտենալով նրան: Նրա հայացքում և՛ աղաչանք կար, և՛ մարտակոչ:— Ինչո՞ւ չի՞նի այդպես:

— Դուք ինքներդ էլ չեք իմանում, թե ինչ եք անում,— մրթմրթաց Լեսթերը, բայց հայացքը չհեռացրեց նրանից: Լեստին նրա առաջ կանգնած էր հասուն կնոջ իր ամբողջ հրմայեցով, խելացի, ուշադրությունը լարած, երջանկությամբ ու սիրով լի:

— Լեստի,— ասաց Լեսթերը,— դուք իզուր եք ցանկանում ամուսնանալ ինձ հետ:— Ես դրան չարժեմ, հավատացնում եմ ձեզ: Ես պաղ մարդ եմ, անհուսալի սկեպտիկ: Դրանից ոչինչ չի դուրս գա:

— Իսկ իմ կարծիքով դուրս կգա,— շնահանջեց Կինը:— Ես գիտեմ ինչպիսի մարդ եք դուք: Եվ ինձ համար միևնույն է: Դուք ինձ հարկավոր եք:

Լեսթերը նրա ձեռքը բռնեց, հետո իր կողմը քաշեց և գրկեց նրան:

— Խեղճ Լեստի,— ասաց նա:— Ես դրան չարժեմ: Տեսեք, կզղջաք:

— Ո՛չ, չե՛մ զղջա,— առարկեց Լեստին:— Ես գիտեմ ինչ եմ անում: Ինձ համար միևնույն է, թե դուք ինչ կարծիքի եք ձեր մասին: Նա այտը հպեց նրա ուսին:— Դուք ինձ հարկավոր եք:

— Այդպիսով, իսկապես, դուք ինձ ձեռք կբերեք,— ասաց նա և կռանալով համբուրեց նրան:

— Ա՛խ,— գոչեց Լեստին և երեսը սեղմեց նրա կրծքին:

«Լավ չէ,— մտածեց Լեսթերը նրան գրկելով,— այս բանը չպետք է անեի»:

Բայց նա էլի նրան բռնած ուներ իր գրկում, և երբ Լեստին գլուխը բարձրացնելով նորից ձգվեց դեպի նա, Լեսթերը էլլի շատ ու շատ անգամ համբուրեց նրան:

Եթե չլիներ որոշ հանգամանքների ազդեցությունը, Լեսթերը, երեխ, մի որոշ ժամանակից հետո կվերադառնար Ջեննիի մոտ: Նա բավ հասկանում էր, որ երբ հաստատորեն իր ձեռքը վերցնի իր կարողության ղեկավարումը և ապաքի մինչև կրթերը հանդարտվեն, դրանից հետո ինքը կարող է դիվանագիտական խորհրդակցության դիմել և այս կամ այն ձևով վերականգնել իր հարաբերությունները Ջեննիի հետ: Բայց դրա համար նա ստիպված պիտի լիներ նահանջել իր պարտականությունները կատարելու անփոփոխ կանոնից, և թե նույնիսկ դրա մասին ոչ մի տեղ ուղղակի չի ասված: Բացի այդ, նա չէր կարող ազատվել այն ամենալալն հնարավորությունների մտքից, որոնք կբացեր նրա առաջ միսիս Ջերալդի հետ ամուսնանալը: Ջեննիով անկեղծորեն հրապուրված լինելը չէր խանգարում նրան գիտակցել, թե որքան շատ բան է նշանակում նրա մրցակցուհուն՝ բարձր հասարակության ամենահետաքրքիր ներկայացուցչի, անձնավորությունն ու հարբստությունը: Իր մտքում նա շարունակ իրար հակադրում էր այդ երկու կանանց: Մեկը՝ նրբակիրթ, զարգացած, հրապուրիչ, բարձրաշխարհիկ վարվեցողության բոլոր նրբություններին հմուտ և այնքան հարուստ, որ կարող է բավարարել իր ամեն մի քմահաճույքը, մյուսը՝ անմիջական, սիրագորով, սիրալիր, բարձրաշխարհիկ վարվեցողությունը չիմացող, բայց ամենից ավելի ընդունակ զգալու կյանքի գեղեցկությունը և այն ամենը, ինչ չքնաղ է մարդկային հարաբերությունների մեջ: Միսիս Ջերալդը հասկանում և ընդունում էր այդ: Դատապարտելով Լեսթերի կապը՝ նա ոչ թե Ջեննիին էր քննադատում, այլ այդ կապի անխելամտությունը Լեսթերի գործի հաջողության տեսակետից: Ուրիշ բան է Լեսթերի ամուսնությունը իր՝ Լեստիի հետ. դա կլիներ Լեսթերի ամենափառասեր մտահղացումների իդեալական իրականացումը: Դա լավ կլիներ բոլոր տեսակետներից: Լեսթերն իր հետ նույնքան երջանիկ կլինի, որքան Ջեննիի հետ— համարյա նույնքան—և դեռ ավելին. Լեսթերի համար հաճելի կլինի գիտակ-



ցել, որ ինքը ամենանշանավոր դեմքն է Միջին Արևմուտքի բարձրաշխարհիկ ու ֆինանսական շրջաններում: Նրա նյութական պրոբլեմները ևս այդ դեպքում լուծվում էին ամենալավ ձևով: Լեսթերը շատ ու լուրջ մտածեց և, վերջապես, որոշեց, որ միտք չունի ձգձգել ու հետաձգել: Զեննիից բաժանվելով՝ նա արդեն անուղղելի վիրավորանք էր հասցրել նրան: Միևնույն չէ՞, եթե այժմ դրան երկրորդն էլ ավելանա: Զեննին ապահովված է, նա վճռականորեն ամեն բան ունի, ինչ իրեն հարկավոր է, թերևս բացի Լեսթերից: Նա ինքն էլ զրտնում էր, որ իրենք պետք է բաժանվեն: Այսպես, իր անկարգ ու անհրապույր կյանքից հոգնելով՝ Լեսթերը իր համար արդարացումներ էր հնարում և աստիճանաբար հաշտվում նոր ամուսնության մտքի հետ:

Միսիս Զերալդի հետ մշտական շփումն էլ եղավ այն վճռական հանգամանքը, որը Լեսթերին խանգարեց նորից միանալ Զեննիի հետ: Ամեն ինչ, կարծես դիտմամբ, այնպես էր դասավորվում, որ հենց Լեստին պիտի նրան փրկեր ներքին տանջող տվյալանքներից: Երբ Լեսթերը միայնակ էր ապրում, կարող էր երբեմն-երբեմն հյուր գնալ, բայց դա նրան քիչ էր հետաքրքրում: Նա այնքան ալարկոտ էր, որ ինքնուրույնաբար չէր կարող իր շուրջը հավաքել իր սրտովը մարդկանց և որոնցով իրեն շրջապատելը միսիս Զերալդի նման կանանց համար մի հասարակ բան էր: Երկուսով այդ բանն անելը նրանց համար առանձնապես հեշտ կլիներ: Որտեղ էլ նրանք որոշեին ապրել, նրանց տունը միշտ լիքը կլիներ հետաքրքիր մարդկանցով: Լեսթերին կմնար միայն ներկայանալ հյուրերին և ուրախ զրույց նկսել նրանց հետ: Լեստին շատ լավ էր հասկանում, թե ինչպիսի կյանքն է հրապուրում Լեսթերին: Նրան դուր են գալիս նույն մարդիկ, ինչ և Լեսթերին: Այնքան շատ բան կա, որ հետաքրքրում է նրանց երկուսին էլ: Կյանքը Լեստիի հետ լրիվ բավականություն կլինի:

Այսպես ուրեմն, Լեսթերը մի քանի օր անցկացրեց Ուեստ-Բադենում միսիս Զերալդի հետ, իսկ Զիճագոյում իրեն նրա տրամադրություն տակ դրեց ճաշկերույթների, զբոսանք-

ների և հասարակութեան մեջ դուրս գալու համար: Լեւոնի տանը նա իրեն զգում էր համարյա որպէս տանտեր. Լեւոնին ինքն էր աշխատում, որ այդպէս լինի: Նա Լեւոնին մանրամասն պատմում էր իր գործերի մասին, բացատրելով, թե ինչու այս կամ այն հարցի վերաբերյալ իրեն հարկավոր է նրա խորհուրդը: Նա չէր ուզում երկար ժամանակով Լեւոնին մենակ թողնել իր մտքերով ու ամփոսանքներով: Եվ Լեւոնին նրա մոտ էր գնում, երբ ուզում էր սփոփվել, մոռացութեան գիրկն ընկնել, հանգստանալ հոգսերից: Լեւոնի տանը նա շատերին էր հանդիպում, և նրանց ծանոթների մեջ արդեն սկսել էին խոսել, թե նրանք պատրաստվում են ամուսնանալու: Քանի որ Լեւոնի նախկին կայն այնքան խոսակցությունների առիթ էր եղել, Լեւոնին որոշել էր ոչ մի դեպքում հանդիսավոր հարսանիք չսարքել: Բավական կլինի մի փոքրիկ լուր տպել թերթերում, իսկ որոշ ժամանակ անց, երբ բոլորը կհանգստանան ու բամբասանքները կլռեն, ինքը Լեւոնին բարօրութեան համար ամբողջ քաղաքը կշշմեցնի իր ընդունելություններով:

— Գուցե մենք կամուսնանանք ապրիլին և ամուսնի արտասահման կգնանք,— առաջարկեց նա մի անգամ: Որ իրենց ամուսնութեանը որոշված բան է, դրան չէր կասկածում ո՛չ մեկը, ո՛չ մյուսը:— Կգնանք Ճապոնիա: Իսկ աշնանը կվերադառնանք և տուն կվարձենք ծովափին:

Լեւոնին Զեննիից բաժանվել էր այնքան վաղուց, որ խիղճը արդեն առաջվա չափ չէր տանջում նրան: Ներքին ձայնը դեռ բոլորովին չէր լռել, բայց Լեւոնին աշխատում էր խլացնել այն:

— Դե ի՛նչ կա՝ որ,— պատասխանեց նա համարյա կատակի տոնով,— միայն, խնդրում եմ, առանց որևէ աղմուկի:

— Դու իսկապէ՞ս համաձայն ես, սիրելիս,— գոչեց Լեւոնին ուրախ նայելով նրան: Դրանից առաջ նրանք երեկոն հանգիստ անց էին կացրել ընթերցանութեամբ և զրույցով:

— Ես բավական երկար եմ մտածել,— պատասխանեց Լեւոնին,— և հետաձգելու պատճառ չեմ տեսնում:

Լեւոտին մոտեցավ, նստեց նրա ծնկին և ձեռքերը դրեց նրա ուսերին:

— Ես ուղղակի չեմ հավատում, թե դու այդ խոսքն ասացիր,— խոսեց նա զարմանքով նայելով Լեւթերին:

— Ուրեմն ի՞նչ, ե՞տ վերցնեմ իմ խոսքը:

— Ո՛չ, ո՛չ: Նշանակում է որոշված է, ապրիլին: Եվ մենք կգնանք Ճապոնիա: Հիմա այլևս դու միտքդ չես փոխի: Եվ ոչ մի աղմուկ էլ չի լինի: Բայց, աստված իմ, ինչպիսի՞ օժիտ պիտի պատվիրեմ ես ինձ համար:

Նա ուրախ-ուրախ խառնեց Լեւթերի մազերը: Լեւթերը ժպտաց փոքր-ինչ լարված ժպիտով: Ինչ որ մի բան պակասում էր նրա անամպ երջանկության մեջ. գուցե տարիներն էին զգացնել տալիս իրենցը:

## Գ Լ Ո Ւ Ս LVII

Ջեննին այդ ժամանակ արդեն քիչ-քիչ վարժվել էր բոլորովին նոր պայմաններին, որոնց մեջ այսուհետե պիտի անցկացնեիր իր օրերը: Սկզբում սարսափելի էր թվում առանց Լեւթերի ապրելը: Ջեննին ինքն էլ արտասովոր անձնավորության էր, բայց նրա ամբողջ գոյությունն այնպես էր միահյուսվել Լեւթերի գոյության հետ, որ թվում էր, թե այդ թեւերը կտրտել ու քանդել անկարելի է: Մտովին նա շարունակ Լեւթերի հետ էր, ասես իսկի չէին էլ բաժանվել: Որտե՞ղ է հիմա նա, ի՞նչ է անում, ի՞նչ է ասում, ի՞նչ վիճակում է: Առավոտները նա արթնանում էր այն զգացողությամբ, թե Լեւթերն իր կողքին է: Երեկոները նրան թվում էր, թե չի կարելի քնել, մինչև նա չգա: Նա շուտով պիտի վերադառնա... Ա՛խ, ո՛չ նա երբեք չի վերադառնա... Տե՛ր աստված, մտածելն անգամ ծանր է: Երբե՞ք: Իսկ ինքն այնպե՞ս է կարոտում նրան:

Հարկավոր էր կյանքը կարգավորել մինչև վերջին մանրութները, և այդ էլ հեշտ բան չէր. շատ խիստ ու հիվանդագին էր եղել բեկումը: Ամենազխաժորը՝ հարկավոր էր Վեստային մի կերպ բացատրել տեղի ունեցածը: Աղջիկն արդեն

շատ բան էր նկատել ու շատ էր մտածում, և հիմա նա արդեն իր կասկածներն ու ենթադրություններն ուներ: Վեստան հիշում էր այն խոսակցությունները, որ երբ ինքը ծնվել է, իր մայրն ամուսնացած չի եղել: Իր ժամանակին նա տեսել էր այն կիրականօրյա թերթը, որտեղ տպված էր Զեննիի ու Լեսթերի ռոմանտիկ պատմությունը, այդ թերթը նրան ցույց էին տրվել դպրոցում. բայց նա այնքան խելացի էր եղել, որ տանը ոչինչ չէր ասել. նա զգացել էր, որ այդ մորը դուր չի գա: Լեսթերի անհետանալը շատ զարմացրեց նրան: Բայց վերջին երկու-երեք տարում նա համոզվել էր, թե որքան զգայուն է իր մայրը և որքան հեշտ է նրան ցավ պատճառել: Դրա համար էլ հարցեր չէր տալիս: Զեննին ինքը ստիպված եղավ պատմել աղջկան, որ Լեսթերը կարող էր զրկվել իր կարողությունից, եթե իրենց շթողներ, քանի որ Զեննին իր հասարակական դիրքով ցածր էր նրանից: Վեստան հանգիստ լսեց նրան, բայց կասկածեց, թե դա ճիշտ է: Նա անսահման խղճում էր մորը և տեսնելով, թե որքան է ճնշվում նա, աշխատում էր առանձնապես ուրախ ու աշխույժ երևալ: Գիշերօթիկ դպրոց գնալուց նա կտրականապես հրաժարվեց և որքան կարելի է ավելի շատ ժամանակ էր անցկացնում մոռ հետ: Նա ընտրում էր ամենահետաքրքիր գրքերը, որպեսզի բարձրաձայն կարդա, մորը խնդրում էր իր հետ թատրոն գնալ, նրա համար դաշնամուր էր նվագում, իր նկարներն էր ցույց տալիս և հարցրելում նրա կարծիքը: Սենդվիչի հիանալի դպրոցում մի քանի աղջկա հետ մտերմանալով՝ նա երեկոները նրանց բերում էր իրենց տուն, և կոտեջը լցվում էր ուրախ աղմուկով: Զեննին ավելի ու ավելի շատ էր գնահատում աղջկա բնավորությունը և ավելի ու ավելի էր կապվում նրա հետ: Լեսթերը գնաց, բայց դրա փոխարեն նա Վեստա ունի: Ահա թե ով է լինելու նրա ապավենը կյանքի վերջալույսին:

Զեննին գիտեր, որ հարկավոր է հարևաններին և նորժանոթներին բացատրել իր դրությունը: Պատահում է, որ մայրդուն հաջողվում է մենություն մեջ ապրել առանց երկար ու բարակ խոսելու իր անցյալի մասին, բայց, սովորաբար, ստիպված է լինում մի որևէ բան պատմել: Մարդիկ հետա-

քրքրութեան, մանավանդ, մսագործների ու հացագործների նման մարդիկ, և նրանց հարչութորձից գլուխ ազատելը դժվար է: Այդպես եղավ և Զեննիի հետ: Նա չէր կարող ասել, թե իր ամուսինը մահացել է. չէ՞ որ Լեւոնը կարող էր վերադառնալ: Ստիպված եղավ ասել, թե իբր ինքն է հեռացել նրանից, որպեսզի այն տպավորութիւնն ստեղծի, թե իր կամքն է նրան թույլ տալ վերադառնալ կամ թույլ չտալ: Դա լավ էր մտածված. սկսեցին զգայուն հետաքրքրութեամբ վերաբերվել դեպի նա: Իսկ նա ապրում էր հանդարտ ու միաշունչ կյանքով, սպասելով անհայտ լուծումին:

Նրա գոյութիւնը զարգարում էին Վեստայի սերը և Սենդվուդի հեքիաթային գեղեցիկ բնութիւնը: Զեննին հիանում էր քաղաքի գեղատեսիլ շրջակայքով և գեղեցիկ լճով, որի վրա մինչև գիշեր սահում էին արագընթաց մակուկները: Զեննին մի շարաքան ու մի ձի ուներ, մեկը այն երկու կառքերից, որոնցով ճամփորդում էին նրանք, երբ ապրում էին Հայդ-Պարկում: Ժամանակի ընթացքում երևան եկան ուրիշ սիրելիներ ևս, և նրանց մեջ՝ շոտլանդական մի գամփո, որի անունը Վեստան դրել էր «Առնետ»: Զեննին նրան բերել էր Զիկագոյից, երբ նա դեռ լակոտ էր, իսկ այժմ արդեն դարձել էր մի հիանալի ու խելացի բակապահ շուն: Ունեին նաև Զիմմի Վուդս անունով մի կատու. Վեստան այդպես էր կոչել նրան ի պատիվ իրեն ծանոթ մի տղայի, որին, նրա ասելով, կատուն շատ էր նման: Ունեին մի երգեցիկ կեռնեխ, որին խնամքով պաշտպանում էին Զիմմի Վուդսի գիշատիչ հարձակումներից, և ոսկե ձկնիկներով մի ակվարիում: Եվ կյանքը կոտեջում ընթանում էր հանդարտ ու անխռով, իսկ բուռն ապրումներն ու զգացմունքները խորապես թաքցնում էին մարդկային աչքից:

Հեռանալուց հետո, սկզբնական շրջանում, Լեւոնը Զեննին նամակ չէր գրում. նա ամբողջովին խրվել էր առևտրական ոլորտ վերադառնալու հետ կապված գործերի մեջ, բացի այդ, գտնում էր, որ լավ չէ իզուր տեղը Զեննին հուզել նամակներով, որոնք, տվյալ պայմաններում, միևնույն է, ոչինչ չէին նշանակում: Նա որոշել էր նրան էլ, իրեն էլ հան-

գիստ տալ, որպեսզի հետո լուրջ ու հանգիստ գրի իր գործերի մասին: Մի ամբողջ ամիս նա լռեց, իսկ հետո, իսկապես, նամակով Զեննին հայտնեց, թե մինչև կոկորդը խրված է եղել գործերի մեջ, թե մի քանի անգամ դուրս է գնացել Զիկագոյից (դա համապատասխանում էր իրականության), իսկ առաջիկայում մտածում է միայն երբեմն լինել այնտեղ: Նա հարցնում էր Վեստալի մասին, ինչպես են ապրում Սենդվուդում: «Կարող է պատահել, որ ես շուտով լինեմ ձեզ մոտ», — գրում էր նա, բայց իրոք նա այդպիսի մտադրություն չունեի, և Զեննին իսկույն հասկացավ այդ:

Անցավ էլի մի ամիս, և նա նորից մի նամակ գրեց, այս անգամ՝ բոլորովին կարճ: Նրա առաջին նամակին պատասխանելով՝ Զեննին մանրամասն պատմեց նրան իրենց կյանքի մասին: Իր զգացմունքների մասին նա ոչ մի խոսք չգրեց, բայց ասաց, որ ամեն ինչից գոհ է, և Սենդվուդում իրեն շատ լավ է զգում: Ինքը հույս ունի, որ հիմա նրա գործը դեպի լավը կգնա, և սրտանց ուրախ էր, որ, վերջապես, բոլոր դժվար հարցերը լուծվել են: «Մի՛ մտածիր, թե ես դժբախտ եմ», — գրում էր նա, — այդ ճիշտ չէ: Ես համոզված եմ, որ մենք ճիշտ վարվեցինք, որ ես երջանիկ չեի լինի, եթե ուրիշ կերպ վարվեինք: Իսկ դու քո կյանքն այնպես կառուցիր, որ որքան կարելի է լավ զգաս քեզ: Դու ավելի մեծ երջանկության ես արժանի, Լեսթեր: Ինչ էլ որ դու անելու լինես, իմ կարծիքով լավ կլինի: Ես նախապես համաձայն եմ»: Նրա մտքում միսիս Զերալդն էր, և Լեսթերը նրա նամակը կարդալով, այդ հասկանում էր, ինչպես և հասկանում էր, թե նրա մեծահոգության տակ ինչպիսի անձնագոհություն և որքան տառապանքներ են թաքնված: Եվ հենց այդ էլ նրան ստիպել էր վճռական քայլն անելուց առաջ այնքան տատանվել:

Որքան հեռու են իրարից գրված խոսքը և գաղտնի միտքը: Վեց ամսից հետո Լեսթերը համարյա դադարեց գրել, իսկ ութ ամսից հետո նրանց նամակադրությունը վերջնականապես դադարեց:

Մի առավոտ լրագիրն աչքի անցկացնելիս Զեննին լուրերի բաժնում տեսավ այսպիսի մի տեղեկություն. «Երեքշաբ-

Թի օրը միսիս Մալկում Ջերալդը Դրեքսել բուլվարի իր № 4044 տանը հավաքված մեքձավոր բարեկամներին հայտարարեց, որ ինքը նշանվել է ցինցիննատցի հանգուցյալ Աքչիբալգ Քեյնի կրտսեր որդի Լեսթեր Քեյնի հետ: Հարսանիքը տեղի է ունենալու ապրիլ ամսին»:

Լրագիրը ցած քնկավ նրա ձեռքից: Մի քանի րոպե նա անշարժ նստած մի կետի էր նայում: «Մի՞թե սա հնարավոր է,— մտածում էր նա:— Մի՞թե այսպիսի բան է պատահել»:

Նա զիտեր, որ այդպես է լինելու, բայց և այնպես...բայց և այնպես հույս ուներ: Ի՞նչ հույս ուներ նա և ինչո՞ւ: Մի՞թե հենց ինքը չէր պնդում, որ Լեսթերը հեռանա իրենից: Ինքը չէ՞ր, որ նրան հասկանալ տվեց, թե այդպես լավ կլինի: Եվ ահա դա տեղի ունեցավ: Հիմա ի՞նչ անի ինքը: Մնալ այստեղ և ապրել նրա փողո՞ւմ: Ո՛չ, միայն թե ո՛չ այդ: Այնինչ Դեմթեբը խոշոր միջոցներ էր գրել նրա տրամադրության տակ: Լա Սալսթրիթի բանկում յոթանասունհինգ հազար դոլլարի երկաթուղային բաժնետոմսեր էին դրված, որոնց տարեկան եկամուտը՝ չորսուկես հազար դոլլարի շահով տրվում էր Ջեննինին: Կարո՞ղ էր նա հրաժարվել այդ փողից: Չէ՞ որ հարկավոր էր մտածել Վեստայի մասին:

Ջեննին մինչև հոգու խորքը խոցված էր համարում իրեն, բայց և հասկացավ, որ բարկանալն անժտություն կլինի: Կյանքը միշտ գաժան էր եղել նրա հետ: Երեխ մինչև վերջ այդպես էլ լինելու է: Ասենք թե փորձեց ինքնուրույն ապրել, ինքը վաստակել իր հացը, բայց դա ի՞նչ նշանակութուն կունենա Լեսթերի համար, միսիս Ջերալդի համար: Ինքը՝ Ջեննին այս փոքրիկ քաղաքում փակված է չորս պատերի մեջ՝ աննշմար, մեն-մեկակ, իսկ նա այնտեղ, լայնարձակ աշխարհում ապրում է լիակատար կյանքով, ազատություն է վայելում: Լավ չէ այդ, անարգար է: Բայց ի՞նչ օգուտ չացից, ի՞նչ օգուտ:

Եվ նրա աչքերը ցամաք էին, բայց հոգին արցունք էր ծորում: Նա դանդաղորեն վեր կացավ, լրագիրը թաքցրեց ճամպրոկի հատակում և ճամպրոկը փակեց բանալիով:

Այժմ, երբ Լեւթերի նշանագրութեանը միտիս Զերալդի հետ կատարւած փաստ էր դարձել, նրա համար արդեն այնքան էլ դժուար չէր հաշտվել նոր պայմանների հետ: Այո, անտարակույս, ամեն ինչ տեսնում էր դեպի լավը: Նա խորապես կարեկցում էր Զեննին: Միտիս Զերալդը նույնպես կարեկցում էր նրան, բայց միեւնոյն ժամ էր այն մտքով, որ այդպես լավ կլինի թե՛ Լեւթերի և թե՛ այդ խեղճ կնոջ համար: Լեւթերը շատ ավելի երջանիկ կլինի, այդ արդեն հիմա էլ երևում է: Իսկ Զեննին ժամանակի ընթացքում կհասկանա, որ խելացի առանձնվորաբար է վարվել և ուրախություն կբաղի իր մեծահոգեմտիկան պիտակցութեանից: Իսկ ինքը՝ միտիս Զերալդը, որը երբեք քնքուշ գիտցամունքներ չէր ունեցել իր հանգուցյալ ամուսնու նկատմամբ, իրեն յոթերորդ երկնքումն էր գտնում: Վերջապես իրականացավ նրա օբիեկտական տարինների երազանքը, թեպետև մի քիչ ուշացումով: Լեւթերի հետ ապրելուց ավելի լավ բան նա պատկերացրել չէր կարող: Ուրախ, որ չեն գնա նրանք միասին, ինչ ասես, որ չեն տեսնի: Եկող ձմեռ ինքը՝ նորաթուխ միտիս Լեւթի Գեյնը ամբողջ քաղաքին ցույց կտա, թե ինչպիսի պարահանդեսներ և ընդունելություններ են լինում: Իսկ Ճապոնիան... մարդու շունչ է կարվում, երբ մտածում ես, ինչ սքանչելի է լինելու:

Լեւթերը Զեննին գրեց իր առաջիկա ամուսնութեան մասին: Նա ոչ մի բացատրություն չի տալիս նրան, ուրիշ ավելորդ կլիներ: Նա գտնում է, որ ինքը պետք է ամուսնանա միտիս Զերալդի հետ: Եվ որ նա՝ Զեննին, պետք է իմանա այդ: Ինքը հույս ունի, որ նա առողջ է: Նա պետք է միշտ հիշի, որ Լեւթերը սրտին մոտ է ընդունում նրա վիճակը: Ինքը ամեն կերպ կաշխատի նրա կյանքը հնարավորին չափ հաճելի և դուրին դարձնել: Թող վատ հուշ չունենա իր մասին: Եվ իր կողմից բարեի վատաբեր: Նրան հաբկավոր է ամենալավ դպրոցը առաջ:

Զեննին շատ լավ էր հասկանում, թե բաժնի ինչպես է եղել: Նա գիտեր, որ Լեւթերը սկսել է ձգտել միտիս Զերալդին



այն ժամանակից, երբ նրանք հանդիպեցին Լոնդոնում, «Կառլտոն» հյուրանոցում: Այդ կինը երկար ժամանակ նրա հետևից էր ընկել: Եվ հիմա արդեն իր ձեռքն է գցել: Ամեն ինչ կարգին է: Թող բախտավոր լինի: Ջեննին իր պատասխանում այդպես էլ գրեց, ավելացնելով, որ նշանադրության լուրը կարգացել է լրագրում: Նրա նամակն ստանալով՝ Լեսթերը մտքի մեջ ընկավ: Տողերի արանքում նա շատ ավելի բան կարդաց, քան գրածից: Նույնիսկ այժմ նրան զարմացնում էր Ջեննիի հոգու ամրությունը: Չնայած այն բոլոր վիրավորանքներին, որ ինքը հասցրել էր նրան և դեռ էլի պիտի հասցնեք, նա զիտեր, որ իր ղգացմունքը Ջեննիի նկատմամբ լիովին չի մարել: Նա ազնվասիրտ, հմայիչ կին է: Հանգամանքներն այլ կերպ դասավորվեին՝ նա հիմա չէր պատրաստվի ամուսնանալ միսիս Ջերալդի հետ: Բայց և այնպես նա ամուսնացավ նրա հետ:

Պսակադրությունը տեղի ունեցավ ապրիլի տասնհինգին, միսիս Ջերալդի տանը: Նրանց պսակողը կաթոլիկական քահանա էր: Լեսթերն ամենևին էլ եկեղեցու օրինակելի զավակ չէր: Նա հավատացյալ չէր, բայց մտածեց, թե քանի որ ինքը դաստիարակվել է եկեղեցու գրկում, միտք չկա հրաժարվել եկեղեցական պսակադրությունից: Մի հիսուն հյուր հավաքվեց, բոլորը մոտիկ բարեկամներ: Ծեսը կատարվեց առանց ամենափոքր անգամ խոչընդոտի: Նորապսակներին խլացրեցին շնորհավորանքներով, նրանց վրա բռնեց բրինձ ու շաղաթովթիկներ էին ցանում: Հյուրերը դեռ քեֆ էին անում, երբ Լեսթերն ու Լեստին տնից դուրս պրծան կողքի մուտքով, որտեղ նրանց սպասում էր կառքը: Մի քառորդ ժամ անց ուրախ խումբը նրանց հետևից ուղացավ դեպի Զիկագո—Ռոք—Այլենդ—Սան-Ֆրանցիսկո երկաթուղու կայարան: Բայց երբ ուղևորները տեղ հասան, երջանիկ զույգն արդեն նստած էր իր կուպեում:

Նորից ծիծաղ, ուրախ բացականչություններ, շամպայն և ահա, վերջապես, գնացքը շարժվեց, նորապսակները ճանապարհ ընկան:

— Այսպես ուրեմն, դու նվաճեցիր ինձ,— ուրախ ասաց

Լեւոթերը՝ Լեւոտիին նստեցնելով իր կողքին։— Եվ դրանից ի՞նչ։

— Ա՛յ թե ինչ,— գռչեց Լեւոտին և նրան ամուր գրկելով ջերմ-ջերմ համբուրեց։

Չորս օրից հետո նրանք Խաղաղ օվկիանոսի ափին էին, և էլի երկու օրից հետո ամենաարագընթաց նավով արդեն սլանում էին դեպի միկագոյի աշխարհը։

Իսկ Ջեննին մենակ մնաց իր վշտի հետ։ Իմանալով, որ Լեւոթերն ամուսնանալու է ապրիլին, նա սկսել էր ուշադիր աչքի անցկացնել լրագրերը, որպեսզի լրացուցի տեղեկություններ գտնի։ Վերջապես նա Վարդաց, որ պսակադրությունը կայանալու է ապրիլի տասնհինգի կեսօրին, միսիս Ջերալդի տանը։ Չնայած նա հնազանդվել ու հաշտվել էր բախտի հետ, բայց ազահությամբ էր ձգտում դեպի այդ անհասկանալի երջանկությունը, սոված, լքյալ երեխան լուսավորված պատուհանով այդպես է նայում տոնածառին։

Հասավ ապրիլի տասնհինգը։ Ջեննին հագիվ դիմացավ, մինչև ժամը տասներկուսը զարկի։ Այդ օրվա բոլոր իրադարձությունները նա այնպես սուր էր ապրում, ասես ինքն էր մասնակցում դրանց։ Մտքում նա տեսնում էր սքանչելի առանձնատունը, կառքերը, հյուրերին, պսակադրության ծեսը, հարսանյաց ուրախ խնջույքը։ Նա զգում էր, թե իրենց որքան լավ են զգալու նրանք շքեղ կուպեում, ինչպիսի հիանալի ուղևորություն է սպասում նրանց։ Լրագրերում ասված էր, որ նորապսակները մեղրամիսն անց են կացնելու Ճապոնիայում։ Մեղրամիս։ Նրա Լեւոթերը։ Եվ միսիս Ջերալդն էլ որքա՛ն լավն է։ Եվ նրան, նոր միսիս Քեյնին, միակ իսկական միսիս Քեյնին գրկում է Լեւոթերը։ Մի ժամանակ նա նույն ձևով իրեն էր գրկում։ Նա սիրում էր իրեն։ Այո, սիրում էր։ Ջեննիի կոկորդը սեղմվում էր։ Օ՛, աստված իմ։ Նա հանաչում էր ձեռքերը սեղմելով ցավեցնելու չափ, բայց թեթևություն չկար ու չկար. թախիծը առաջվա պես խեղդում էր նրան։

Երբ այդ օրն անցավ, Ջեննիի սիրտը թեթևացավ. եղածը եղած է և ոչ մի կերպ փոխել չես կարող։ Վեստան, որ նույնպես կարդացել էր լրագիրը, շատ լավ էր հասկանում, թե ինչ

է կատարվել, և ամբողջ հոգով խղճում էր մորը, բայց լուռ էր մնում: Երկու-երեք օր անց Ջեննին մի փոքր հանգստացավ, հաշտվեց անխուսափելիի հետ, բայց էլի շատ ժամանակ անցավ, մինչև որ սրտի սուր ցավը մեղմացավ, իր տեղը զիջելով սովորական խուլ թախիծին: Ջեննին նրանց վերադարձի օրերն ու շաբաթներն էր հաշվում, թեև գիտեր, որ ինքն այլևս սպասելու բան չունի: Բայց Ճապոնիան շատ էր հեռու, և Ջեննին, չգիտես ինչու, թեթևություն զգաց, երբ իմացավ, որ Լեսթերն արդեն մոտիկ է իրենից, Զիկագոյումն է:

Անցավ դարունը, ապա՝ ամառը և հասավ հոկտեմբեր, ամիսը: Մի քամի, ցուրտ օր Վեստան դպրոցից վերադառնալով դանդաղաց գլխացավից: Ջեննին մոր խրատները հիշելով, նրան տաք կաթ խմացրեց, խորհուրդ տվեց ծոծրակին թաց թաշկինակ դնել, աղջիկն իր սենյակն անցնելով, պառկեց: Հետևյալ օրը նրա ջերմությունը մի քիչ բարձրացել էր: Տեղական բժիշկ էմրին իսկույն որովայնային տիֆ կասկածեց. այդ շրջանում արդեն որովայնի տիֆով հիվանդանալու մի քանի դեպք էր եղել: Բժիշկն ասաց Ջեննինին, որ աղջիկն ամուր օրգանիզմ ունի և ամենայն հավանականությամբ կհաղթահարի հիվանդությունը, բայց կարող է պատահել, որ հիվանդությունը ծանրանա: Իր կարողությունների վրա հույս չդնելով՝ Ջեննին Զիկագոյից գթության քույր հրավիրեց, և սկսվեցին սպասումի երկար ու ձիգ օրերը, երբ արիությանը փոխարինում էր հուսահատությունը, վախին՝ հույսը:

Շուտով բոլոր կասկածները փարատվեցին. Վեստան իսկապես որովայնային տիֆ ուներ: Ջեննին միանգամից չգրեց Լեսթերին, թեպես կարծում էր, որ նա Նյու-Յորքումն է, թերթերի տված լուրերից երևում էր, որ նա մտադիր է ձմեռն այնտեղ անցկացնել. Բայց մի շաբաթ անց, երբ բժիշկը որոշեց, որ հիվանդությունը ծանր է, Ջեննին որոշեց, այնուամենայնիվ, գրել. ի՛նչ իմանաս, ինչ կարող է պատահել: Լեսթերն այնքա՛ն էր սիրում աղջկան: Երեւի նա կուզենար տեղեկություն ունենալ նրա մասին:

Լեսթերն այդ նամակը չստացավ. երբ նամակը Նյու-Յորք հասավ, Լեսթերն արդեն նավարկում էր Վեստ-Ինդիայում:

Ջեննին ստիպված եղավ մեն-մենակ հերթապահել Վեստալի մահճի մոտ: Բարնսիրտ հարեանները գրության լրջությունը հասկանալով՝ այցելում էին նրան և կարեկցանքով հարցնում հիվանդի մասին, բայց նրանք չէին կարող իսկական բարոյական սատար լինել Ջեննինին, որպիսին մարդը զգում է միայն, երբ կարեկցանքը գալիս է մոտիկ մարդկանցից: Մի ժամանակ թվաց, թե Վեստալի դրությունը լավացել է, և՛ բժիշկը, և՛ քույրը արգեն պատրաստ էին հուսադրելու Ջեննինին: Բայց հետո աղջիկը նկատելիորեն ուժերը կորցրեց: Բժիշկ էմրին բացատրեց, թե հիվանդությունը բարդացում է տվել սրտին և երիկամներում:

Եվ ահա, մահվան սավերն արդեն կախվեց տան վրա: Բժշկի դեմքը դարձավ լուրջ ու կենտրոնացած, քույրը բոլոր հարցերին խուսափողական պատասխան էր տալիս: Իսկ Ջեննին աղոթում էր—որովհետև էլ ի՞նչը կարելի է աղոթք համարել, եթե ոչ բուռն ցանկությունը, որի վրա կենտրոնացած են մարդու բոլոր մտքերը— միայն թե Վեստան լավանա: Վերջին տարիներս աղջիկն այնքա՛ն էր մտերմացել մոր հետ: Նա սիրում էր մորը, նա արդեն իր մանկական խելքով հասկանում էր, թե որքան տառապանք է կրել մայրը: Իսկ Ջեննին ինքը նրա շնորհիվ պատասխանատվության ավելի խոր զգացմունքով էր համակվել: Այժմ նա գիտեր, թե ինչ է նշանակում լավ մայր լինել: Եթե Լեսթերը ցանկանար, եթե ինքը նրա օրինական կինը լիներ, որքա՛ն ուրախ կլիներ նրանից երեխաներ ունենալ: Եվ նա ժիշտ իրեն պարտական էր զգում Վեստալի առաջ: Երկար ու երջանիկ կյանք, ահա թե ինչ է պարտական տալ իր աղջկան, որպեսզի քավի նրա ծննդյան ու վաղ մանկության խայտառակությունը: Ջեննին մեծ ուրախությամբ էր տեսնում, թե ինչպես իր փոքրիկ աղջիկը դառնում է գեղեցիկ, նազելի, խելացի օրիորդ: Եվ ահա հիմա նա մեռնում է: Բժիշկ էմրին Չիկագոյից մի ծանոթ բժիշկ հրավիրեց կոնսիլիումի: Մտախոհ, բարեսիրտ ծերունին միայն գլուխն օրորեց:

— Բուժումը ճիշտ է եղել,— ասաց նա:— Երևում է, որ-

գանիզմն այնքան էլ ամուր չէ: Ամենքը միանման չեն պայ-  
քարում այս հիվանդության դեմ:

Թիշկները հանգեցին մի եզրակացության. եթե երեք  
օրում հիվանդի դրությունը չլավանա, պետք է սպասել վախ-  
ճանին:

Ճշմարտությունը Ջեննիից թաքցնել հնարավոր չհամա-  
րեցին: Նա նստել էր աղջկա մահճի մոտ գույնը գցած,  
առանց մտքերի, կլանված լարի պես ձգված մեկ զգացմուն-  
քով միայն: Թվում էր, թե նրա ամբողջ էությունն արձագան-  
քում է Վեստայի վիճակում տեղի ունեցող ամեն մի փոփո-  
խության, նա ֆիզիկապես զգում էր աղջկա ուժերի ամենա-  
չնչին վերականգնումը և ամենափոքր վատացումը:

Ջեննիի հարևանուհիներից մեկը՝ միսիս Դեիսը, որ ար-  
դեն տարեց լիքը-լիքը մի կին էր, զուտ մայրական քնքշու-  
թյամբ էր վերաբերվում նրան: Խորապես կարեկցելով Ջեն-  
նիին՝ նա բժշկի և քրոջ հետ միասին հենց սկզբից ամեն ինչ  
անում էր, որպեսզի նա հուսահատություն մեջ չընկնի:

— Լավ կլինե՞ր դուք գնայիք ձեր սենյակը, մի քիչ  
պառկեիք, միսիս Քեյն,— ասում էր նա Ջեննիին, տեսնելով,  
որ նա աչքը չի հեռացնում Վեստայից կամ աննսլատակ թա-  
փառում է սենյակներում:— Ես այստեղ ամեն ինչի կհետե-  
վեմ: Ամեն ինչ ձեզանից վատ չեմ անի: Ի՛նչ է, կարծում եք  
չե՞մ կարող: Ես ինքս յոթ երեխա եմ ծնել և երեքին հողին  
հանձնել: Մի՞թե ես չեմ հասկանում:

Մի անգամ Ջեննին, գլուխը դնելով նրա փափուկ, տաք  
ուսին, սկսեց լալ: Միսիս Դեիսն էլ նրա հետ լաց եղավ:

— Խեղճ, խեղճ կին, կարծում եք չե՞մ հասկանում: Դե  
լավ, դե լավ, եկեք գնանք միասին:

Եվ Ջեննիին տարավ ննջարան, բայց Ջեննին երկար  
ժամանակ մենակ մնալ չէր կարող: Մի քանի ընկերից հետո  
առանց հանգստանալու նա վերադարձավ աղջկա մոտ:

Վերջապես մի անգամ, կեսգիշերին, երբ քույրը վատահո-  
րեն ասել էր, թե մինչև առավոտ ոչինչ չի կարող պատա-  
հել, հիվանդի սենյակում ինչ-որ իրարանցում սկսվեց: Ջեն-  
նին, որ հենց նոր էր պառկել հարևան սենյակում, լսեց ու

վեր կացաւ: Վեստայի անկողնի մոտ աղոտ լույսի տակ կանգնած էին քույրը և միսիս Դեհսը:

Ջեննին ամեն ինչ հասկացաւ: Աղջկանը մոտենալով, նա երկա՛ր-երկար նայեց նրա մոմագույն դեմքին: Վեստայ հազիվ էր շնչում, նրա աչքերը փակ էին:

— Շատ է թուլացել, — շնչաց քույրը:

Միսիս Դեհսը Ջեննիի ձեռքը բռնեց:

Բոպեններն անցնում էին, նախասենյակում ժամացույցը խփեց ժամը մեկը: Ժամանակ առ ժամանակ քույրը մոտենում էր դեղորայքի փոքրիկ սեղանին և մի շոր ջրի մեջ թրջելով թացացնում էր Վեստայի շուրթերը: Ժամը մեկ անց կեսին հիվանդի թուլացած մարմինը շարժվեց: Ապա լսվեց մի խոր հոգոց: Ջեննին առաջ նետվեց, բայց միսիս Դեհսը նրան ետ քաշեց: Քույրը նշան արեց նրանց, որ հեռանան: Հիվանդի շունչը դադարեց:

Միսիս Դեհսն ամուր բռնեց Ջեննիի ուսերը:

— Խեղճ կին, խեղճ կին, — շնչաց նա, տեսնելով, որ Ջեննին հեծկտանքից ցնցվում է: — Դե մի՛ լար, մի՛ լար, արցունքով վերքդ չես բուժի:

Ջեննին ծունկ չոքեց մահճակալի առաջ և սկսեց շոյել աղջկա դեռևս տաք ձեռքերը:

— Վեստա՛, — աղաչում էր նա, — մի՛ հեռացիր ինձանից:

Ասես բոլորովին հեռվից նրան էր հասնում միսիս Դեհսի մեղմիկ ձայնը:

— Մի տանջվիր, սիրելիս: Ամեն ինչ ասածո կամքն է: Ինչ որ նա անում է, լավ մտքով է անում:

Ջեննիին թվում էր, թե գետինը պատռվում է՝ իր ոտքերի տակ: Բոլոր թելերը կտրտված էին: Նրան պարուրող անծայր-լայվարի մեջ լույսի ոչ մի նշույլ չէր մնացել:

## Գ Լ ՈՒՍ LIX

Անողոր բախտի այս նոր հարվածից խորտակված՝ Ջեննին նորից ընկավ այն ճնշված տրամադրության մեջ, որից

նշանն քառեմը էին Հայոց-Պետերբուրգի Կենտ ապրանք խառնարանը ու Երջանիկ տարիները։ Շատա ժամանակ անցավ, մինչև որ նա պիտակեց, թե Վեստան մեռել է։ Այն նիհարած մարմինը, որին դեռ էլի երկու օր անցում էր մայրը, ամենևին նման չէր նրա աղջկան։ Որտե՞ղ է նրա զվարթությանը, որտե՞ղ են շարժումների առաջնությունը և աչքերի կենդանի փայլը։ Ամեն ինչ անհետացել է։ Մնացել է դժգուշ, մոմանման եղիւր եւ լուսնային։ Ջեննին լաց չէր լինում, նա միայն խոր ու անհուն ցավ էր գտնում։ Եվ չկար նրա մոտ մեկը, որ շնչար նրան հավիտենական իմաստության խոսքերը, այն պարզ ու սրտալի խոսքերը, թե՛ մահ չկա։

Թիշկի էմբլեմ, քույրը, միսիս Դեյվիս և մյուս հարևանները բոլորն էլ վշտակից և ուշադիր էին Ջեննիի նկատմամբ։ Միսիս Դեյվիս Լեյթերիս հեռավոր արևելք Վեստայի մահվան մասին, բայց նա հեռու էր, և պատասխան չստացվեց։ Ինչոր մեկը ճաշ էր պատրաստում և անհագնեղում կարգ ու կահոն էր պահպանում։ Ջեննին ինքը ոչ մի բանով չէր հետաքրքրվում։ Նա միայն ջղջղում ու երկա՜ր-երկար նայում էր Վեստայի սիրած իրերին, որոնք մի ժամանակ նվիրեց էր նրան Լեյթերը, կամ ինքն էր նվիրել, և ծանր հառաչում էր, մտածելով, որ դրանք այլևս պետք չեն գալու իր աղջկան։

Ջեննին ասաց, որ Վեստայի մարմինը փոխադրեն Զիկագո և թաղեն Փրկչի գերեզմանատանը, որտեղ Գերհարդի մահվան ժամանակ Լեյթերը մի հողակտոր էր ձեռք բերել։ Նրա խնդրանքով գերեզմանի վրա մի քանի խոսք պիտի ասեր լուսերակա այն եկեղեցու քահանան, ուր միշտ հաճախում էր Գերհարդը։ Տանը, Սենդվիչում, կատարվեցին սովորական ծեսերը։ Տեղական միջոցառման եկեղեցու քահանան կարգաց Պողոս առաքյալի՝ թեմալացիներին ուղարկած թղթի առաջին մասը, Վեստայի դասընկերների խումբը երգեց «Առ ի քե՛ղ, տեր իմ, առ ի քե՛ղ»։ Կային ծաղիկներ, սպիտակ դազաղ և անթիվ ցավակցություններ, իսկ հետո Վեստային տարան։ Դազաղը դրին մի արկղի մեջ, բարձրացրին վագոն և տարան Զիկագոյի լուսերակա գերեզմանատան։

Ջեննին այդ օրերին ասես երազի մեջ լիներ: Իր խոր վշտից շշմած՝ նա համարյա ոչինչ չէր զգում և ոչինչ չէր ընկալում: Միայն Գեիսը և նրա պնդումով էլի մի շորս հարե-վանուհի գնացին Չիկագո՝ թաղմանը մասնակցելու: Երբ դագաղը գերեզման էին իջեցնում, Ջեննին լուռ կանգնել էր քար կտրած և ասես ոչինչ չէր զգում: Թաղումից հետո նա վերադարձավ Սենդվուդ, բայց այնտեղ երկար չմնաց: Նա ուզում էր լինել Չիկագոյում, Վեստային և Գերհարդին մոտիկ:

Մենակ մնալով՝ Ջեննին մտածում էր, թե ինչպես պիտի ապրի այսուհետև: Նա զգում էր, որ իրեն՝ անհրաժեշտ է աշխատել, թեկուզև գրա նյութական կարիքը չկար: Կարելի է գթության քույր դառնալ, և դրա համար հարկավոր է հենց հիմա սկսել սովորել: Ջեննին հիշեց և իր եղբայր Ուիլյամին: Ուիլյամն ամուսնացած չէր: Գուցե նա կուզենար ապրել քոջ հետ: Բայց նրա հասցեն Ջեննին հայտնի չէ, և Թասսն էլ չգիտե, թե որտեղ կարելի է նրան գտնել: Ջեննին որոշեց գործ գտնել որևէ խանութում: Հարկավոր է մի բան անել: Նա չի կարող այստեղ մենակ ապրել և թողնել, որ հարևանները հոգան իր մասին: Որքան էլ ծանր է իր համար, այնուամենայնիվ, ավելի հեշտ կլինի, եթե փոխադրվի Չիկագո և հյուրանոցում իջևանելով աշխատանք որոնի իր համար, կամ թե Փրկչի գերեզմանատնից ոչ հեռու մի փոքրիկ տուն վարձի: Բայց կարող է և մի երեխա վերցնել իր փնամբի տակ: Քաղաքում ինչքան ասես որբանոց կա:

Լեսթերը իր կնոջ հետ Չիկագո վերադարձավ Վեստայի մահվանից մի երեք շաբաթ հետո և միայն այդ ժամանակ տեսավ Ջեննիի առաջին նամակը, հեռագիրը և էլի մի հա-կիրճ նամակ՝ աղջկա մահվան մասին: Նա անկեղծորեն տախ-րեց, որովհետև իսկապես կապված էր Վեստայի հետ: Անսահման խղճալով Ջեննիին՝ նա կնոջն ասաց, որ այցելու-թյան է գնալու: Նրան անհանգստացնում էր Ջեննիի ապա-գան: Չէր կարելի, որ նա միայնակ ապրեր: Գուցե ինքը կկարողանար որևէ օգտակար խորհուրդ տալ նրան: Նա գնաց Սենդվուդ, բայց այնտեղ իմացավ, որ Ջեննին փո-



խաղրվել է Զիկագո, «Տրեմոնտ» հյուրանոց: Հյուրանոցում  
ևս նա Զեննիին չգտավ, նա այցի էր գնացել աղջկա գերեզ-  
մանին: Այդ նույն օրը նա երկրորդ անգամ եկավ, և նրան  
ասացին, որ Զեննին տանն է: Երբ Լեսթերի այցեստմամբ  
ավին Զեննիին, նա խիստ հուզվեց, ավելի շատ հուզվեց,  
քան առաջներում նրան հանդիպելիս, որովհետև հիմա նա  
իրեն ավելի շատ էր հարկավոր:

Մինչև այժմ Լեսթերը շատ էր մտածել իր արարքի մա-  
սին. դրան չէր խանգարում ոչ նրա շատ բարեհաջող ամուս-  
նությունը, ոչ նորից ձեռք բերած հարստությունն ու պա-  
տիվը: Նրա տարակուսանքները և իրենից անբավականու-  
թյունը մինչև այժմ էլ չէին վերացել: Այն միտքը, թե ինքն  
ասլահովել է Զեննիին, նրան չէր մխիթարում, նա միշտ էլ  
գիտեր, թե Զեննիի համար որքան քիչ բան է նշանակում  
փողը: Սեր—ահա ինչն էր նրա կյանքի իմաստը: Առանց սի-  
րո նա ասես խարխուլ մակույկ լիներ բաց ծովում. Լեսթերն  
այդ լավ գիտեր: Զեննիին հարկավոր էր միայն նա ինքը, և  
Լեսթերը փոր ամոթ էր զգում, մտածելով, որ ինքնասլահով-  
ման զգացմունքը և հարստության ծարավն իր մեջ ավելի  
ուժեղ եղան, քան կարեկցանքը Զեննիի նկատմամբ: Այն  
օրը, երբ նա «Տրեմոնտ» հյուրանոցի լիֆտով վեր էր բարձ-  
րանում, խիղճը դաժանորեն տանջում էր նրան, թեպետև  
հասկանում էր, այժմ արդեն իր ուժերից վեր է որևէ բան  
ուղղել: Նա ամբողջովին մեղավոր էր և՛ նրա համար, որ  
հրապուրեց Զեննիին, և՛ նրա համար, որ հակառակ ամբողջ  
աշխարհի կարծիքի՝ մինչև վերջ չմնաց նրա հետ: Բայց այժմ  
արդեն ոչինչ անել չէր կարելի: Հարկավոր է միայն որքան  
կարելի է մեղմ վարվել Զեննիի հետ, խոսել նրա հետ և  
հնարավորության չափով օգնել նրան կարեկցանքով ու խոր-  
հուրդներով:

— Բարև, Զեննի,— սիրալիր ասաց Լեսթերը, երբ Զեն-  
նին նրա առաջ բացեց դուռը:

Որքան էին փոխել նրան իր կրած տառապանքները:  
Նա նիհարել էր, գունատ այտերը ներս էին ընկել, աչքերն  
ասես խոշորացել էին:

— Ինչպիսի՞նք զարհուրելի դժբախտություն,— խոսեց Լեւթերը շփոթված: Ո՞վ կարող էր մտածել, թե այսպիսի բան կպատահի:

Այն ժամանակից, ինչ Վեստան մեռել էր և այն ժամանակից, ինչ Լեւթերը հեռացել էր, սրանք առաջին մխիթարանքի խոսքերն էին, որ հասան Ջեննիի սրտին: Լեւթերի գալուստը խորապես հուզեց նրան. հուզմունքից խոսել էլ չէր կարողանում: Արցունքի կաթիլները դողացին նրա թարթիչների վրա և գլորվեցին այտերի վրայով:

— Մի՛ լար, Ջեննի,— ասաց Լեւթեթը գրկելով նրան և գլուխը գործվանքով սեղմելով իր ուսին:— Ես այնքա՛ն խղճում եմ քեզ: Շատ բան եմ ցանկանում, բայց արդեն ուշ է դրա մասին խոսել: Ես անսահման ցավում եմ Վեստայի համար: Որտե՞ղ ես թաղել նրան:

— Հայրիկի կողքին,— պատասխանեց Ջեննին ու հեկեկաց:

— Այո, շատ վատ բան եղավ,— կամացուկ ասաց Լեւթերը և լռեց:

Փոքր-ինչ հանգստանալուց հետո Ջեննին ետ քաշվեց նրանից և աչքերը սրբելով հրավիրեց նստել:

— Այնքա՛ն եմ ցավում, որ այդ ժամանակ այստեղ չեմ եղել,— շարունակեց Լեւթերը:— Թե չէ շարունակ քեզ հետ կլինեի: Հիմա երևի դու այլևս չես ուզի Սենդվուդում ապրել:

— Ձեմ կարող, Լեւթեր,— ասաց նա:— Ուղղակի ուժ չկա:

— Իսկ ո՞ւր ես մտածում փոխադրվել:

— Դեռ չգիտեմ: Այնտեղ չէի ուզում բեռ դառնալ հարեւմաններիս վրա: Մտածում էի որևէ տեղ մի փոքրիկ տուն վարձել և մի երեխա վերցնել, կամ թե աշխատանքի կմըտնեմ... միայնակ ապրելն այնքա՛ն ծանր է ինձ համար:

— Այ, երեխա վերցնելը վատ միտք չէ,— ասաց Լեւթերը:— Այնքան էլ տխուր չի լինի կյանքդ: Դու արդեն տեղեկացե՛լ ես, թե դրա համար ինչ է հարկավոր:

— Կարծում եմ ուղղակի պետք է դիմել որևէ որբանոց:

— Կարող է պատահել, որ դա մի քիչ բարդ գործ լի-

նի,— ասաց Լեսթերը մտախոհ։— Կարծում եմ ինչ-որ ձևա-  
կանութիւններ պիտի կատարել, բայց ճիշտը չգիտեմ ինչ։  
Որբանոցները պահանջում են, որ երեխան իրենց տեսադաշ-  
տում մնա, կամ ինչ-որ աշխարհի մի բան։ Դու խորհրդակ-  
ցիր Ուոթսոնի հետ, նա քեզ կբացատրի։ Ինքդ միայն երեխան  
ընտրիր քո ճաշակով, իսկ մնացածը թող նրան։ Ես նրա հետ  
կխոսեմ, կնախադրուշացնեմ։

Լեսթերը հասկանում էր, թե մեռակութիւնը որքան  
ծանր է Զեննիի համար։

— Որտե՞ղ է քո եղբայր Զորշը,— հարցրեց նա։

— Զորշը Ռոշեստերումն է, բայց նա չի կարող ինձ մոտ  
գալ։ Բասսը գրել էր, որ նա ամուսնացել է։

— Իսկ ուրիշ ոչ ոք չկա՞ քո հարազատներից, որ ցան-  
կանար քեզ հետ ապրել։

— Գուցե թե Ուիլյամը, միայն չգիտեմ, թե հիմա որտեղ  
է ապրում նա։

— Եթե դու մտածում ես ապրել Զիկագոյում, նայիր  
նոր թաղամասը Զեկսոն-Պարկից դեպի արևմուտք,— խոր-  
հուրդ տվեց նա։— Այնտեղ, հիշում եմ, շատ փոքրիկ կոտեջ՝  
ներ կան։ Պարտադիր չէ, որ միանգամից գնես։ Սկզբում  
վարձիր մի որոշ ժամանակով, իսկ հետո արդեն կսեանես՝  
հարմա՞ր է քեզ թե ոչ։

Զեննին մտածեց, որ դա հիանալի խորհուրդ է. չէ՞ որ  
այդ խորհուրդը նա Լեսթերից էր ստացել։ Որքա՞ն բարի է նա,  
հետաքրքրվում է նրա բոլոր գործերով։ Նշանակում է  
իրենք բոլորովին օտար չեն միմյանց համար։ Նա հետաքրք-  
րվում է իրենով։ Զեննին էլ սկսեց հարցուփորձ անել նրա  
կնոջ առողջութեան մասին, հարցրեց, թե գո՞հ է իր ճանա-  
պարհորդութիւնից, երկա՞ր է մնալու Զիկագոյում։ Իսկ Լես-  
թերը նրան պատասխանում էր շարունակ մտածելով, թե  
որքան դաժանորեն է վարվել նրա հետ։ Նա մոտեցավ լուսա-  
մուտին և սկսեց նայել ցած, մարդաշատ փողոցին։ Կառքե-  
րը, սալերը, այս ու այն կողմ գնացող անցորդները միա-  
խառնվելով մի անհասկանալի շարժում էին դարձել։ Երա-

զբաւ աշդպես են շարժվում ստվերները: Արդեն մութն իջնում էր, և այստեղ-այնտեղ լամպեր էին վառվում:

— Ես ուզում եմ մի բան ասել քեզ, Զեննի,— խոսեց Լեսթերը, դուրս գալով իր մտախոհ վիճակից:— Այն ամենից հետո, ինչ պատահել է, սա կարող է տարօրինակ թվալ քեզ, բայց դու հիմա էլ թանկ ես ինձ համար: Ես չեմ դադարել քո մասին մտածել: Ինձ թվում էր, թե քեզանից բաժանվելով, ես իսկամիտ եմ վարվում. այն ժամանակ ամեն ինչ աշդպես էր դասավորվել: Ինձ թվում էր, թե քանի որ Լեստին ինձ դուր է գալիս, ես կարող եմ ամուսնանալ նրա հետ: Որոշ տեսակետից ես հիմա էլ պատրաստ եմ ընդունելու, որ այսպես է լավ, բայց սա ինձ ավելի մեծ երջանկություն չտվեց: Ես երբեք ավելի երջանիկ չեմ լինի, քան երբ քեզ հետ էի: Երևում է՝ խնդիրն այստեղ իմ անձը չէ. առանձին մարդն ընդհանրապես քիչ նշանակություն ունի: Զգիտեմ, կհասկանաս դու ինձ, թե ոչ, բայց, իմ կարծիքով, մենք բոլորս այս կամ այն չափով շնչին արարածներ ենք: Մեզ տնօրինում են այնպիսի ուժեր, որոնց վրա մենք իշխել չենք կարող:

— Հասկանում եմ, Լեսթեր,— ասաց Զեննին:— Ես ոչ մի բանից չեմ զանգատվում: Այսպես ավելի լավ է:

— Վերջ ի վերջո, կյանքը շատ նման է ֆարսի,— դառնութեամբ շարունակեց Լեսթերը:— Մի հիմար կոմեդիա է, ուրիշ ոչինչ: Միակ բանը, որ կարելի է անել, իր «ես»-ը պահպանելն է: Իսկ ազնվություն, որքան ես կարող եմ դատել, ոչ ոք մեզանից չի պահանջում:

Զեննին այնքան էլ լավ չըմբռնեց նրա խոսքերի իմաստը, բայց, հասկացավ, որ նա գոհ չէ իրենից, և խղճաց նրան: Եվ փորձեց սփոփել նրան.

— Դու ինձ համար մի՛ անհանգստանա, Լեսթեր: Ես, ոչինչ, կապրեմ: Սկզբում, երբ նոր էի վարժվում միայնակ ապրել, շատ ծանր էր: Բայց հիմա՝ ոչինչ: Մի կերպ կապրեմ:

— Բայց դու հիշի՞ր, որ իմ վերաբերմունքը դեպի քեզ՝ չի փոխվել,— ջերմորեն ասաց Լեսթերը:— Ամեն բան, ինչ քեզ է վերաբերում, ինձ համար կարևոր է: Երբ դու նոր վարում տեղավորվես, կգամ տեսնելու թե ամեն ինչ ունես:

Ես այստեղ նույնպես էլի կգամ մի քանի օրից հետո: Դու հասկանո՞ւմ ես իմ հոգին:

— Այո,— ասաց Ջեննին,— հասկանում եմ:

Լեսթերը նրա ձեռքը բռնեց և շոյեց:

— Մի՛ վշտանա,— ասաց նա:— Հարկավոր չէ: Ես ամեն բան կանեմ, ինչ կադող եմ: Ինչ կուզես ասա, Ջեննի, բայց դու ինձ համար առաջվա Ջեննին ես: Ես վատ մարդ եմ, բայց և այնպես որոշ լավ բան կա իմ մեջ:

— Ոչինչ, ոչինչ, Լեսթեր: Ձե՞ս ես ինքս էի պնդում, որ դու այդպես անես: Ամեն ինչ լավ կլինի: Եվ դու, երևի, բախտավոր ես հիմա, երբ...

— Չարժե, Ջեննի,— ընդհատեց նրան Լեսթերը: Ապա սիրալիր իր կողմը քաշեց նրան ու ժպտաց:— Դու ինձ չե՞ս համբուրի ինչպես հին ժամանակ:

Ջեննին ձեռքը դրեց նրա ուսին, երկար նայեց աչքերի մեջ, ապա համբուրեց: Երբ նրանց շրթունքները հանդիպեցին, նա զգաց, որ դողում է: Լեսթերը նույնպես դժվարությամբ էր տիրապետում իրեն: Նկատելով նրա հուզմունքը՝ Ջեննին ձիգ գործադրեց խոսելու:

— Հիմա գնա,— հաստատուն ասաց նա:— Դուրսն արգեն բոլորովին մութ է:

Լեսթերը դուրս գնաց, գիտակցելով, որ ինքը միայն մեկ բան է ուզում. մնալ այստեղ: Մինչև այժմ էլ Ջեննին նրա համար միակ կինն էր աշխարհում: Իսկ Ջեննին իրեն ավելի թեթև զգաց, թեև առաջվա պես անջատ էր ապրելու: Նա չէր փորձում հասկանալ այդ հանելուկի էթիկական կամ բարոյական կողմը: Ի տարբերություն շատերի՝ Ջեննին չէր ձգտում օվկիանոսը տեղավորել թեյի բաժակի մեջ կամ հեղահեղուկ աշխարհը կապկպել օրենք կոչվող մի թելով: Լեսթերը դեռ էլի մի քիչ սիրում էր իրեն: Նա Լեստիին էլ է սիրում: Դե ի՞նչ կա որ: Մի ժամանակ ինքը հույս ուներ, որ բացի իրենից, ուրիշ ոչ ոք Լեսթերին պետք չի լինի: Այդ սխալ եղավ, բայց մի քիչ սերը մի՞թե ոչինչ է: Ոչ, իհարկե: Եվ Լեսթերն ինքն էլ նույն կարծիքին էր:

Հետագա հինգ տարիների ընթացքում Լեսթերի և Զեննիի կյանքի ուղիներն ավելի հեռացան իրարից: Նրանք հաստատորեն հիմնավորվեցին յուրաքանչյուրն իր աշխարհում, այդպես էլ չվերականգնելով նախկին հարաբերությունները, որոնց, թվում էր, կարող էին հասցնել նրանց «Տրեմոնտ» հյուրանոցում ունեցած մի քանի հանդիպումները: Լեսթերը հաղիվ էր հասցնում գլուխ հանել իր գործարար ու աշխարհիկ պարտականություններից: Նա պտույտ էր գալիս այնպիսի մի մթնոլորտում, որի մասին համեստ Զեննին մտածել անգամ չէր կարող: Իսկ ինքը՝ Զեննին հանդարտ ու միապաղաղ կյանք էր վարում: Քաղաքի հարավային կողմում, Հայդ-Պարկից ոչ հեռու, մի գեղեցիկ, բայց ամենևին ոչ շքեղ փողոցում, մի փոքրիկ, հասարակ տան մեջ նա ապրում էր իր որդեգիր աղջկա, Թխահեր Ռոզայի հետ, որին նա վերցրել էր ընկեցիկ երեխաների Արևմտյան որբանոցից: Նոր հարևանները նրան ճանաչում էին Զ. Գ. Սթովեր անունով. նա բարձր էր համարել հրաժարվել Քեյն ազգանունից: Իսկ միստր և միսիս Քեյնները, երբ ապրում էին Չիկագոյում, ծովափին զբաղեցնում էին մի վիթխարի առանձնատուն, որտեղ ընդունելությունները, պարահանդեսներն ու ճաշկերույթները իրար հաջորդում էին զարմանալի, ուղղակի կալեյդոսկոպիկ արագությունով:

Ի դեպ, Լեսթերն ինքը վերջին ժամանակներս ավելի հանգիստ, բովանդակալից կյանքի հակումն էր ցուցաբերում: Նա իր ծանոթների ցուցակից շատերի անունն էր ջնջել, որոնք, արդեն հուշ դարձած, խառնակ տարիներին իրենց դրսևորել էին ոչ բավականաչափ նրբանկատ կամ անպարկեշտ և կամ անտարբեր կամ բամբասասեր: Լեսթերն այժմ Միջին Արևմուտքի ինը խոշորագույն ֆինանսական ու առևտրական ընկերությունների անդամ էր, իսկ մի քանիսի էլ՝ նախագահ: Դրանք էին՝ «Միավորյալ Տրակտորային»-ը, կենտրոնը Յինցիննատիում, «Արևմտյան Հալոցայինը», «Միավորյալ Կառաշինականը», Չիկագոյի Երկրորդ Ազգային բանկը, Յին-

ցիննատիի Երկրորդ Աղգային բանկը և մի քանի ուրիշ ո՛չ պակաս նշանավոր ընկերություններ։ Կառաշինական տրեստի գործերին նա անմիջական մասնակցություն չէր ունենում, գերադասելով գործել իր հավատարմատար միստր Ուոթսոնի միջոցով, բայց չէր դադարում հետաքրքրվել նրանով։ Ռեբերտին նա չէր տեսել արդեն յոթ տարի, Իմոջինին՝ երեք տարի, թեև նա ապրում էր Չիկագոյում։ Լուիզան, էմին, նրանց ամուսինները և մերձավոր ծանոթները նրա համար օտար մարդիկ էին դարձել։ «Նայթ, Քիթլի և Օ'Քրայեն» իրավաբանական գրասենյակին նա մոտ էլ չէր թողնում իր գործերին։

Տարիների ընթացքում Լեսթերը մի փոքր ծանրացել էր, իսկ նրա հայացքները կյանքի մասին ակներևորեն սկեպտիկ երանգ էին ստացել։ Իր շրջապատի աշխարհում նա ավելի ու ավելի պակաս էր իմաստ տեսնում։ Մի ժամանակ, հեռավոր անցյալում, տեղի է ունեցել մի անհասկանալի երևույթ. օրգանական մանրիկ բջիջն սկսել է զարգանալ, այն բազմացել է բաժանումով, սովորել է միանալ ուրիշ բջիջների հետ, առաջացնելով պես-պես օրգանիզմներ՝ ձկներ, գազաններ, թռչուններ, վերջապես՝ մարդ։ Եվ ահա՝ մարդը՝ բջիջների այդ կուտակումը, իր հերթին ուրիշ մարդկանց հետ միավորվելով, իր համար ճանապարհ է բացում դեպի ավելի ապահոված ու բազմապիսի գոյություն։ Իսկ ինչո՞ւ։ Միայն աստծուն է հայտնի։ Վերցնենք թեկուզ նրան՝ Լեսթեր Քեյնին։ Նա օժտված է մեծ խելքով և որոշ տաղանդով, նա ժառանգություն է ստացել մի ինչ-որ չափով հարստություն, որին ինքը, եթե խոր մտածենք, ոչնչով արժանի չէ, պարզապես բախտը բերել է։ Բայց քանի որ այդ հարստությունը նա օգտագործում է նույնքան խելացի, գործարար ու ստեղծարար, որքան կաներ այդ ամեն մի մարդ, եթե նրա տեղը լիներ, ապա ուրեմն չի կարելի ասել, թե ուրիշները դրան ավելի շատ արժանի կլինեն։ Նա կարող էր ծնվել աղքատության մեջ, և այն ժամանակ կյանքից դուրս կլիներ ոչ ավելի ոչ պակաս, քան ամեն մի աղքատ մարդ։ Ի՞նչ կարիք կա զանգատվել, անհանգստանալ, ենթադրությունների մեջ ընկնել։ Ինչ էլ որ մարդ անելու լի-

նի, կշտնքն անշեղորթն ստաջ է ընթանալու ենթարկվելով իր սեփական օրենքներին: Իրանում նա համոզված է: Ուրեմն էլ ի՛նչ կարիք կա հուզվելու: Բացարձակապես հարկավոր չէ: Երբեմն կեսթերին թվում էր, թե նույն հաջողությամբ ինքը կարող էր ամենևին էլ աշխարհ չգալ: Երեխաները — «ի վերուստ մեզ տրված երջանկությունը», ինչպես ասել էր բանաստեղծը — նրա համար ամենևին էլ ցանկալի և անհրաժեշտ չէին: Այդ նույն կարծիքին էր նաև միսիս Քեյնը:

Ջեննին, որ առաջվա պես իր որդեգրած դստեր հետ ապրում էր Հարավային կողմում, նույնպես ոչ մի որոշակի պատկերացում չուներ կյանքի իմաստի մասին: Ի տարբերություն կեսթերի և միսիս Քեյնի՝ նա վերլուծական մտածողություն չուներ: Նա ամեն բան տեսել էր կյանքում, շատ էր տառապել, որոշ բան էլ կարգացել էր առանց ընտրություն ասիստեմի: Գիտության հատուկ ճյուղերից նա ոչինչ չէր հասկանում: Պատմությունը, ֆիզիկան, քիմիան, բուսաբանությունը, երկրաբանությունը և սոցիոլոգիան — այս ամենը նրա համար միին անտառ էին, այն չէին, ինչ կետտիի և կեսթերի համար: Գիտելիքների փոխարեն նա աղոտ զգացողություն ուներ, որ աշխարհը սխալ ու անհաստատ է կառուցված: Հավանորեն ոչ ոք մինչև վերջ ոչինչ չի հասկանում: Մարդիկ ծնվում են և մեռնում: Ոմանք գտնում են, որ աշխարհն ըստեղծվել է վեց հազար տարի առաջ, ուրիշներն ասում են, թե այն գոյություն ունի շատ ու շատ միլիոնավոր տարիներ: Եվ ի՛նչ է թաքնված այս ամենի տակ. կույր պատահականություն, թե՞ ինչ-որ ուղղություն տվող գիտակցություն, ինչ-որ աստված: Երեւի պետք է որ մի ինչ-որ բան լինի, մտածում էր Ջեննին, երեւի մի ինչ-որ բարձրագույն ուժ է ստեղծել շրջապատի ամբողջ գեղեցկությունը՝ ծաղիկները, խոտը, ծառերը, աստղերը: Բնությունը որքա՞ն չքնաղ է: Կյանքը երբեմն դաժան է թվում, բայց բնության գեղեցկությունը հարատև է: Այս միտքն էր զորավիգ լինում Ջեննինին, որը իր մենության մեջ հաճախ և երկար ժամանակ մխիթարվում էր դրանով:

Ջեննին մանկուց աշխատասեր էր: Նա երբեք ձեռքերը ծալած չէր նստում, բայց և աշխատանքը նրան չէր խանգար-



րում մտածել: Վերջին տարիներս նա գիրացել էր, թեպետև ո՛չ չափից ավելի: Նա պատկառելի ու վայելչատես արտաքին ուներ, չնայած կրած հոգսերին ու վշտին՝ դեմքին ոչ մի կրնճիւ չկար: Նրա գեղեցիկ թուխ մազերի մեջ արդեն սկսել էր ճերմակ երևալ: Կապույտ աչքերի հայացքը մարդու հոգին էր թափանցում: Հարեանները նրան համարում էին բարեսիրտ, սիրալիր և հյուրասեր կին: Նրա անցյալի մասին ոչինչ հայտնի չէր, բացի այն, որ եկել է Սենդվիչից, իսկ առաջ ապրելիս է եղել Քլիվլենդում: Նա իր մասին շատ քիչ էր խոսում:

Ջեննին կարողանում էր լավ և սիրով խնամել հիվանդներին, մի ժամանակ մտածում էր, որ կսովորի և կաշխատի որպես հիվանդապահ կամ գթության քույր: Բայց այդ մտքից ստիպված եղավ հրաժարվել. իմացավ, որ այդպիսի աշխատանքի ընդունում են միայն ջահել կանանց: Նրա մտքովն անցել էր նաև որևէ բարեգործական ընկերություն մտնել: Բայց նրա համար անհասկանալի էր այն ժամանակ մոդադարձած նոր թեորիան, որի համաձայն մարդկանց պետք է միայն սովորեցնել իրենց սեփական ուժերով դուրս գալ դժվարին դրությունից: Ջեննին թվում էր, որ եթե աղքատ մարդը օգնություն է խնդրում, հարկավոր է նրան օգնել, առանց դատողություններ անելու, թե որքան արժանի է նա դրան: Ահա թե ինչու բոլոր հիմնարկություններում, ուր նա վախժխելով դիմել էր, հանդիպել էր պաղ անտարբերության, եթե ո՛չ ուղղակի մերժումի: Վերջապես նա որոշեց էլի մի երեխա որդեգրել, որպեսզի Ռոզան մենակ չլինի: Նրա երկրորդ որդեգիրը եղավ Հենրի անունով չորս տարեկան մի տղա, որը Սթուեր ավգանուոնն ստացավ: Բանկը էլի կանոնավոր վճարում էր Ջեննինին նրա եկամուտները, այնպես որ նա լիովին ապահովված էր: Նա ոչ առևտրի, ոչ սպեկուլյացիայի ամենափոքր հակումն էլ չուներ: Որքա՞ն ավելի նրան դուր էր գալիս երեխաներին պահել, ծաղիկներ խնամել և տնտեսություն վարել:

Ջեննինի և Լեսթերի անջատման կողմնակի հետևանքներից մեկը եղավ եղբայրների տեսակցությունը՝ հոր կտակը կարդալուց հետո առաջին անգամ: Ռոբերտը հաճախ էր հի-

շում Լեւթերին և հետաքրքրությամբ հետևում էր նրա հաջողություններին: Լեւթերի ամուսնության լուրը նրան անկեղծ գոհունակություն պատճառեց, նա միշտ էլ գտնում էր, որ միսիս Ջերալդը իդեալական կին է իր եղբոր համար: Մի ամբողջ շարք նշաններից Ռոբերտը հասկացել էր, որ հոր ետմահու կարգադրությունը, ինչպես և «Քեյն ընկերություն» իր ձեռքը գցելու իր սեփական փորձերը ամենևին չեն նպաստել Լեւթերի լավ վերաբերմունքին իր նկատմամբ: Բայց նրան թրվում էր, որ իրենց հայացքները, մանավանդ գործի բնագավառում, այնքան էլ շատ չեն տարբերվում իրարից: Այժմ Լեւթերը բարգավաճում է: Նա կարող է մեծահոգի վերաբերմունք ցույց տալ իրեն, կարող է հաշտության քայլ անել: Չէ՞ որ Ռոբերտը, իր ժամանակին ուժեր չխնայելով, աշխատել է խելքի բերել եղբորը, և դրանում նրան ղեկավարել են ամենալավ մղումները: Եթե իրենք մտերիմ լինեն և միասնաբար աշխատեն, իրենց առաջ հարստացման ավելի լայն հնարավորություններ կբացվեն: Ռոբերտն ավելի ու ավելի հաճախ էր մտածում, թե արդյոք Լեւթերին չի՞ հրապուրի այդպիսի հեռանկարը:

Մի անգամ, երբ Ռոբերտը հյուր էր Չիկագոյում, իր հետ միասին կառքով ճամփորդող ծանոթներին դիմամբ խընդրեց շուռ գալ դեպի ծովափ: Նա ուզում էր իր աչքով տեսնել Քեյնների շքեղ առանձնատունը, որի մասին այնքան շատ բան էր լսել:

Եվ հանկարծ նա հայրական տան շունչն զգաց. Լեւթերն այդ առանձնատունը գնելով, նրան կից կառուցել էր թիժմեռային այգի, որպիսին իրենք ունեին Յինցիննատիում: Այդ երեկոյան Ռոբերտը Լեւթերին մի նամակ գրեց, հրավիրելով նրան իր հետ միասին ճաշել «Յունիոն-ակումբում»: Նա գրում էր, որ քաղաքում մնալու է երկու-երեք օրից ոչ ավելի և կուզենար տեսնվել եղբոր հետ: Ինքը, իհարկե, հիշում է, որ մի ժամանակ իրենք գժտվել են, բայց կցանկանար միասին քննարկել մի գործ: Արդյոք Լեւթերը չի՞ գա թեկուզ հինգ-շաբթի օրը:

Այս նամակն ստանալով՝ Լեւթերը հոնքերը կիտեց ու

մտալիկեց: Հողու խորքում նա գետ նեղացած էր այն հարվածից, որ հասցրել էր իրեն հայրը: Մինչև այժմ էլ նա ցնցվում էր, երբ հիշում էր, թե Ռոբերտն ինչպե՞ս առանց քաշվելու ձեռք քաշեց իրենից: Ճիշտ է՝ Ռոբերտը պատճառ ուներ այդպե՞ս անելու: Հիմա դա հասկանալի է: Բայց, ինչ էլ լինի, Լեոթերը նրա եղբայրն է, և եթե այն ժամանակ ինքք լիներ Ռոբերտի տեղը, նա, պետք է հուսալ, ավագնա ստաբարար չէր վարվի: Իսկ հիմա, շփոտեա ինչու, Ռոբերտն սեղում է տեսնել իրեն:

Սկզբում Լեոթերը մտածեց բուրբուլին չպատասխանել: Հետո որոշեց Ռոբերտին պրել, թե նրա հետ հանդիպել չի կարող: Բայց նրան համակեց մի հետաքրքրություն, ցանկացավ իմանալ, թե «իտիվե» է Ռոբերտը, ի՞նչ է հարկավոր նրան և ինչ կոմբինացիա է մտածել: Եվ Լեոթերը նորից միտքը փոխեց: Այո, նրանք Կհանդիպեն. գրանից վնաս չի լինի: Թեև, ճիշտ է, բավ բան էլ չի ստացվի: Իրենք երևի իրար խոսք կըտան հինը մոռանալ, բայց խոսքերը խոսքեր կմնան: Անցածը վերադարձնել չի լինի: Կատրված բաժակը տաղացնել չի լինի: Կարելի է կտորները կպցնել իրար և ասել, թե սաղացե՛լ է, բայց գրանով այն նորից բաժակ չի դառնա: Եվ նա եղբորը գրեց, թե կգա:

Հինգշաբթի օրը, առավոտյան, Ռոբերտը «Աուդիտորիումից» զանգահարեց նրան և առաջիկա տեսակցության մասին հիշեցրեց: Լեոթերն ազահարար ականջ էր դնում նրա ձայնին: «Այո, այո, հիշում եմ», — ասաց նա: Կեսօրին նա գնաց քաղաքի գործարար մասը և այստեղ, նրբաճաշակ «Յունիոն-ակումբում» եղբայրները հանդիպեցին և տեսան իրար: Ռոբերտն այդքան ժամանակամիջոցում նիհարել էր, նրա մադեքը մի փոքր ճեղմակել էին: Հայացքը առաջվա պես հաստատուն էր ու խորամտիանց, բայց աչքերի մոտ կնճիռներ էին գոյացել: Նրա շարժումներն արագ էին, եռանդալիս: Լեոթերին նայելիս իսկույն երևում էր, որ դա ուրիշ կարգի մարդ է՝ լիքք, կռապտավուն, ասունարյուն: Այն օրերին շատերն էին նրան մի փոքր կոշտ համարում: Ռոբերտի կապույտ աչքերն ամենևին չէին թեցրին նրան, ոչ մի աղգեցություն չթողին

վրասն: Նա տեսնում էր եղբոր ամբողջ ներքինը, որովհետև կարողանում էր դիտել և հետևություններ անել: Իսկ Ռոբերտի համար արժար էր որոշել, թե այդ տարիների ընթացքում ինչպես է փոխվել Լեաթերը: Նա գիրացել է, բայց, չգիտես ինչու, մազերը չեն ճերմակում, նա էլի առաջվա պես դեմքի առողջ գույն ունի և ընդհանրապես այնպիսի մարդու տպավորություն է թողնում, որը պատրաստ է կյանքն ընդունել աջպես, ինչպես կա: Ռոբերտն անհանգիստ կուշ եկավ նրա սուր հայացքից. ահնեթն էր, որ Լեաթերը լիովին պահպանել է իր թե՛ արիությունը, թե՛ պայծառ միտքը, որոնցով միշտ աչքի էր ընկնում նա:

— Ես շատ էի ուզում քեզ հետ տեսնվել, Լեաթեր, — բա-  
կջսեց Ռոբերտը, երբ նրանք արդեն հին սովորությամբ իրար  
ձեռք էին սեղմել: — Մենք վաղուց չենք հանդիպել, համարյա  
ուրիշ տարի:

— Այո, մոռավարապես այդքան, — պատասխանեց Լե-  
թերը: — Ինչպե՞ս եմ գործերդ:

— Էլի առաջվա պես: Բայց դու հիանալի տեսք ունես:

— Ես երբեք չեմ հիվանդանում, — ասաց Լեաթերը, —  
երբեմն միայն հաբբուխ եմ ունենում: Իսկ այնպես, անկող-  
նում պառկել՝ չեմ էլ հիշում, թե երբ է եղել: Ինչպե՞ս է Լինդ:

— Շնորհակալ եմ, ողջ-առողջ է:

— Իսկ երեխանե՞րը:

— Ռալֆին ու Թերինսին մենք համարյա չենք տեսնում.  
ներանցից յուրաքանչյուրն իր ընտանիքն ունի, իսկ մյուսները  
դեռ տանն են: Հուսով եմ, քո կինը նույնպե՞ս ողջ-առողջ է, —  
ավելացրեց նա անվճարական, զգալով, որ ոտք է դնում ապ-  
թաքուն հույսի վրա:

Լեաթերը մի հանգիստ հայացք գցեց նրա վրա:

— Այո, — պատասխանեց նա: — Նա պինդ առողջություն  
ունի: Եվ հիմա ոչ մի բանից չի գանգատվում:

Նրանք էլի մի քիչ խոսեցին դասից-դենից. Լեաթերը  
հարցրեց տբեստի գործերի մասին, ինչպես են ապրում քույ-  
րերը, անկեղծորեն խոստովանելով, որ նրանց բոլորովին

կորցրել է իր տեսադաշտից: Ռոբերտը բոլորի մասին տեղեկություններ տվեց և, վերջապես, գործի անցավ:

— Բայց ես, — ասաց նա, — ահա թե ինչի մասին էի ուզում խոսել քեզ հետ: Ինձ հետաքրքրում է «Արևմտյան Հալոցային ընկերությունը»: Ես գիտեմ, որ դու անձամբ նրա դիրեկտորների շարքում չես, քեզ այնտեղ ներկայացնում է քո հավատարմատար Ուոթսոնը, որը, ի դեպ, շատ հասկացող մարդ է: Բայց, ահա, ընկերության կառավարումը շատ վատ է դրված, այդ մեզ բոլորիս հայտնի է: Շահույթ ստանալու համար հարկավոր է գործի գլուխ ունենալ գործնական և բանիմաց մարդ: Մինչև այժմ ես միշտ Ուոթսոնի հետ միասնաբար եմ գործել, որովհետև գտել եմ, որ նրա առաջարկությունները միանգամայն խելացի են: Նա, ինչպես և ես, գշտնում է, որ շատ բան պիտի փոխել: Այժմ մի հնարավորություն է ստեղծվել՝ գնելու յոթանասուն բաժնետոմս, որոնք պատկանում են այրի Ռոսսիտերին: Քո և իմ բաժնի հետ միասին դա կկազմեր վերահսկիչ ծրար: Ես շատ կուզենայի, որ հենց դու գնես այդ յոթանասուն բաժնետոմսը, թեև նույն հաջողությամբ կարող եմ դրանք նաև իմ ձեռքն առնել, միայն թե մեզ մնան: Այն ժամանակ դու պրեզիդենտ կդարձնես ում ուզենաս, իսկ հետո արդեն գործը յուզի պես առաջ կըգընա:

Լեսթերը ժպտաց: Առաջարկությունը հրապուրիչ էր: Նա արդեն Ուոթսոնից իմացել էր, որ այդ ընկերության գործերում Ռոբերտը միշտ եղբոր կողմն է պահում, և վաղուց գլխի էր ընկել, որ նա հաշտվելու մտադրություն ունի: Եվ ահա սա է ձիթենու ճյուղը՝ մեկուկես միլիոն դրամագլուխ ունեցող ընկերության մեջ վերահսկողություն ունենալու ձևով:

— Դա շատ մեծ սիրալիրություն է քո կողմից, — լրջորեն ասաց նա: — Ուղղակի առատաձեռն ընծա: Այդ ինչպե՞ս է անցել մտքովդ:

— Դե գիտե՞ս, Լեսթեր, — պատասխանեց Ռոբերտը, — ես քեզ ճիշտն ասեմ: Այս բոլոր տարիներին ինձ հանգիստ չէին տալիս կտակի այն պատմությունը և այն, որ դու զրկվել ես քարտուղար-գանձապահի պաշտոնից և էլի ուրիշ թյուրի-

մայրություններ: Ես չեմ ուզում հին ցարմանը քամուն տալ, տեսնում եմ, որ դու ժպտում ես, բայց ինչո՞ւ իմ մտքերը չարտահայտեմ քեզ: Անցյալում ես կարգին փառասեր էի: Հենց այն ժամանակ, երբ մեռավ մեր հայրը, ես Կառաշինական տրեստ ստեղծելու մտքով էի տարված և վախենում էի, թե դու դրան հավանութուն չես տա: Այն ժամանակից ես շատ եմ մտածել, որ լավ չեմ վարվել, բայց եղածն արդեն եղած էր: Այդ հին պատմությունն այստեղ մանրամասն քննելը քեզ համար հազիվ թե հետաքրքիր լինի: Բայց այն, ինչից ես այսօր սկսեցի...

— Կարող էր ծառայել որպես մի որոշ փոխհատուցում, — հանգիստ ասաց Լեսթերը:

— Ասենք՝ այնքան էլ այդպես չէ, Լեսթեր... թեև, թերևս, այդպիսի մի բան է: Ես հասկանում եմ, որ հիմա այսպիսի բաները քեզ համար մեծ նշանակություն չունեն: Հասկանում եմ, ավելի կարևոր կլինեն որևէ բան նախաձեռնել այն ժամանակ և ոչ թե հիմա: Բայց և այնպես ես անկեղծորեն մտածում է՞ր քեզ հետաքրքրել իմ առաջարկությամբ: Մտածում էի, թե սա սկիզբ կծառայի: Անկեղծ ասած՝ ես ուզում էի, որ սա մեր հաշտության առաջին քայլը լինի: Զե՞ որ մենք, ինչ էլ լինի, եղբայրներ ենք:

Նա մտածում էր, թե որքան հեզմանք կա այս խոսքերի մեջ: Եղբայրական զգացմունքները շատ են օգնել արդյոք Ռոբերտին անցյալում: Ըստ էության ոչ այլ ոք, եթե ոչ Ռոբերտն էր, որ մղեց նրան դեպի ամուսնություն միսիս Զերալդի հետ: Եվ, թեպետ իսկապես, տուժող անձը միայն Զեննին եղավ, Լեսթերը մինչև հիմա էլ նրանից նեղացած էր: Ծիշտ է, Ռոբերտը նրան չղրկեց հայրական կարողության մի քառորդ մասից, բայց և չփորձեց էլ օգնել, որ ստանա, իսկ հիմա երևակայում է, թե իր առաջարկությամբ միանգամից գործը կուղղի: Լավ չէ այդ: Եվ հիմարություն է: Եվ, ընդհանրապես, կյանքը տարօրինակ բան է:

— Ո՛չ, Ռոբերտ, — վերջապես ասաց նա հաստատորեն ու վճռական: — Ես ընդունում եմ քո պատճառաբանությունները, բայց չեմ հասկանում, թե դա իմ ինչին է պետք: Առի-

թը քեզ է ներկայացել, դու ինքդ էլ օգտվիր նրանից: Իսկ ես չեմ ուզում: Եթե դու այդ բաժնետոմսերը գնես, ես համաձայն կլինեմ բոլոր միջոցառումներին, որ դու հարկավոր կհամարես: Հիմա ես բավականաչափ հարուստ եմ: Անցածն անցած է: Ես չեմ հրաժարվում երբեմն-եբեմն հանդիպել քեզ հետ և զրուցել: Իսկ սա չէ՝ այն ամենն է, ինչ քեզ հարկավոր է: Այն կոմբինացիան, որ դու առաջարկում ես ինձ, պարզապես հին ճեղքվածքը սվաղելու համար է: Քեզ հարկավոր է իմ բարեհաճ վերաբերմունքը՝ խնդրեմ: Ես քո դեմ ոխ չունեմ: Ես քեզ վնասելու միտք չունեմ:

Ռոբերտը նայեց եղբորը և ժպտաց: Որքան էլ ինքը վիրավորած լիներ եղբորն անցյալում, որքան էլ հիմա ինքը վիրավորված լիներ նրանից, այնուամենայնիվ, նա երևի մարդ է:

— Գուցե և դու իրավացի ես, Լեոթեր,— ասաց նա:— Բայց հիշիր, որ ինձ շնչին նկատառումներ չեն առաջնորդել: Ես, իսկապես, ուզում էի հաշտվել քեզ հետ: Այլևս դրան չեմ անդրադառնա: Դու մոտ ժամանակներս Յինցիննատի գալու միտք չունե՞ս:

— Կարծես թե ոչ,— պատասխանեց Լեոթերը:

— Իսկ ես ուզում էի քեզ առաջարկել, որ մեր տանն իջեվանես: Արի կնոջդ հետ: Մեր ջահելությունը կմտաբերենք:

Լեոթերը տխուր ժպտաց:

— Լավ, ուրախությամբ,— քաղաքավարությամբ ասաց նա, բայց և մտածում էր, որ Ջեննիի ժամանակ այդպիսի հրավեր չէր կարող ստանալ: Ոչ մի բան նրա հարազատներին չէր կարող ստիպել, որ Ջեննիին մարգավարի վերաբերվեն: «Ասենք, գուցե և նրանք մեղավոր չեն,— մտածում էր նա:— Աստված իրենց հետ»:

Եղբայրներն էլի մի քիչ զրուցեցին: Հետո Լեոթերը հիշեց, որ ինքը գործարար տեսակցություն ունի նշանակած, և նայեց ժամացույցին:

— Ես ստիպված եմ շուտով հեռանալ քեզանից,— ասաց նա:

— Իմ գնալու ժամանակն էլ է,— ասաց Ռոբերտը:

Նրանք վե՛ր կացան:

— Ի՞նչ էլ որ լինի,— ավելացրեց ավագ եղբայրը սանդուղքով խշնկիս,— ես հուսով եմ, որ այսուհետև մենք այնքան էլ խորթ չենք լինի միմյանց համար:

— Հասկանալի է,— ասաց Լեսթերը:— Երբեմն-երբեմն կհանդիպենք:

Նրանք խորտ ձեռք սեղմեցին և բաժանվեցին միանգամայն մաքրամաքար: Նայելով ադագ հեռացող Լեսթերի ետեից՝ Ռոբերտը զզջումի և պարտականությունը կատարած շինելու դժգոհմունք էր ապրում: Լեսթերը սովորակյալ մարդ չէ: Քայց ինչո՞ւ միշտ էլ, նույնիսկ Ջեննիի երևան գալուց առաջ, նրանց միջև կանգնած է եղել մի ինչ-որ պատնեշ: Հետո Ռոբերտը հիշեց իր վաղուցվա մտքերը «սև գործարքների» մասին: Այո, ահա թե ինչք շունի Լեսթերը. նրա մեջ նենգություն չկա, նա ընդունակ չէ դաժանության: Ա՛խ, գրողը տանի:

Իսկ Լեսթերը եղբոր մասին մտածում էր ջղայնությամբ, բայց առանց թշնամական զգացմունքի: Դե նա այնքան էլ վառը չէ. ուրիշ շատ-շատերը նրանից լավը չեն: Ի՛նչ դատապարտես նրան: Դեռ հայտնի չէ, թե ինքն ինչպես կվաթվեր, եթե Ռոբերտի աեղը լիներ: Ռոբերտը փողի մեջ լող է տալիս: Ինքը ևս: Հիմա իր համար պարզ է, թե այդ ինչպես ստացվեց, ինչու ինքը զո՞հ դարձավ, ինչու հայրական հսկա կարողության կառավարումը վստահվել էր Ռոբերտին: «Այդպես է կյանքը,— մտածում էր նա:— Միևնույն չէ՞: Ես իմ գոյությունը պահելու միջոցներ ունեմ: Էլ ուրեմն ի՞նչ կա անհանգստանալու»:

## Գ Լ Ո Ւ Խ LXI

Հստ ինչ-որ հնամենի հաշիվների կամ, ավելի ճիշտ, համաձայն դարերի քնթացքում սբբագործված բիրլիական ֆորմուլայի, մարդուն յոթանասուներեք տարվա կյանք է տրված: Սերնդե-սերունդ անվերջ կրկնվող այդ ֆորմուլան այնպես



ամուր է արմատացել մարդկանց գիտակցության մեջ, որ ընդունվում է որպես անվիճելի ճշմարտություն: Բայց իրականում մարդը, թեպետև իրեն մահկանացու է համարում, օրգանապես կարող է ապրել հինգ անգամ ավելի, և իսկապես, նրա կյանքը շատ ավելի երկարատև կլիներ, եթե միայն նա իմանար, որ ապրում է ոչ թե մարմինը, այլ՝ հոգին, որ հասակը սոսկ պատրանք է և որ մահ չկա: Սակայն դարերով արմատավորված միտքը, որ չգիտես ինչ մատերիալիստական հիպոթեզների պտուղ է, չափազանց դժվար է դուրս վանել գիտակցությունից, և ամեն օր մարդիկ մեռնում են, ասես ենթարկվելով հնազանդորեն ու վախով ընդունած այդ մատերիալիստական ֆորմուլային:

Այդ ֆորմուլային հավատում էր և Լեսթերը: Նա հիսուն տարեկանից արդեն անց էր Գտնում էր, որ իրեն ամենաշատը քսան տարվա կյանք է մնացել, կամ գուցե և ավելի քիչ: Դե, ի՞նչ կա որ, նա նախանձելի կյանք է վարել: Գանգատվելու բան չուներ: Եթե մահը գար, նա պատրաստ էր դրան: Նա մահվանը կդիմավորի առանց տրտունջի, առանց պայքարի:

Չէ՞ որ կյանքը մեծ մասամբ իր արտահայտություններով սոսկ մի հիմար կոմեդիա է:

Որ կողմն էլ նայես՝ սոսկ պատրանքներ են, այդ դժվար չէ ապացուցել: Բայց գուցե և կյանքն ընդհանրապես սոսկ պատրանք է: Համենայն դեպս, այն շատ նման է երազի, հաճախ՝ ծանր երազի: Ի՞նչն է նրա մեջ օր առ օր պահպանում կյանքի իրական լինելու գիտակցությունը: Ըստ երևույթին՝ մարդկանց հետ շփումը՝ վարչությունների նիստերը, ամեն տեսակ ծրագրերի քննարկումը առանձին մարդկանց ու կազմակերպությունների հետ, կնոջ բարձրաշխարհիկ ընդունելությունները: Լեստին պաշտում էր նրան և կոչում էր իր հմաստուն հին փիլիսոփա: Ջեննիի նման նա ևս հիանում էր Լեսթերի անվրդով հաստատակամությամբ, որ ցուցաբերում էր նա ամեն տեսակ անախորժության հանդեպ: Թվում էր, թե ոչ ճակատագրի հարվածները, ոչ էլ ժպիտները ընդունակ չէին հուզելու Լեսթերին կամ նրան դուրս բերելու հավասարակշռվածությունից: Նա վախենալ չէր ցանկանում: Չէր ցանկանում

նահանջել իր համոզմունքներից, համակրանքից և հակա-  
կըրանքից, և հարկ էր լինում նրան ուժով պոկել դրանցից,  
որը, սակայն, միշտ չէր հաջողվում: Նա, իր սեփական արտա-  
հայտությամբ ասած՝ ցանկանում էր մեկ բան՝ «նայել փաս-  
տերի աչքերի մեջ» և պայքարել: Դժվար չէր նրան ստիպել,  
որ պայքարի, բայց այդ պայքարն արտահայտվում էր համառ  
դիմադրությամբ: Նա դիմադրում էր իրեն զոռով ջուրը հրելու  
ամեն մի փորձին: Նույնիսկ եթե, վերջ ի վերջո, այնուամե-  
նայնիվ, հրում էին, դիմադրության անհրաժեշտության նրա  
հայացքը մնում էր անփոփոխ:

Նրա պահանջները միշտ էլ առավելապես նյութական  
կարգի էին, նա ցանկանում էր միայն երկրային բարիքներ և  
համաձայնում էր միայն ամենալավին: Բավական էր, որ նրա  
տանը ներքին փայլը գեթ մի փոքր խամրի, նա պահանջում  
էր, որ վարագույրները պոկվեն, կահ-կարասին ծախվի և ամ-  
բողջ տունը նորից կահավորվի: Ճանապարհորդությունների  
ժամանակ փողը պետք է բացեր ու հարթեր նրա ճանապար-  
հը: Նա չէր հանդուրժում հակաճառություններ, ավելորդ  
խոսքեր, «հիմար խոսակցություններ», ինչպես ինքն անվա-  
նում էր այդ: Նրա հետ կամ պետք էր խոսել իրեն հետաքրքրող  
հարցերի մասին, կամ ամենևին չխոսել: Լետտին հիանալի  
հասկանում էր նրան: Նա կատակով խփում էր նրա այտին  
կամ երկու ձեռքերի մեջ էր առնում գլուխը և ասում, թե նա  
արջ է, բայց շատ դուրեկան ու անուշ արջ:

— Այո, այո, գիտեմ, — մրթմրթում էր նա: — Ես կենդա-  
նի եմ: Իսկ դու, պետք է ենթադրել, հրեշտակային էության  
անմարմին արտացոլում ես:

— Դե բավական է, լո՛ւի, — ասում էր Լետտին, որովհե-  
տե նա, թեկուզև առանց շար դիտավորության, երբեմն շատ  
էր ցավ պատճառում նրան: Այն ժամանակ Լեաթերն շտապում  
էր փաղաքշանքով մխիթարել նրան, նա լավ գիտեր, որ  
Լետտին, չնայած իր ամբողջ եռանդին ու ինքնուրույնությա-  
նը, իրենից է կախված: Իսկ Լետտիի համար պարզ էր, որ  
Լեաթերը կարող է յուր գնալ նաև առանց իրեն: Խղճալով նը-  
րան՝ Լեաթերը ջանում էր թաքցնել այդ, ձևացնում էր, թե նա

իրեն անհրաժեշտ է, բայց, նրան չէր հաջողվում խառնել ո՛չ նրան, ո՛չ իրեն: Իսկ կեսուրին, իսկապես, ամբողջ ուժով կառուցում էր նրանից: Այնքա՛ն կարևոր է, երբ մեք այս հեղհեղուկ, անհաստատ աշխարհում քո կողքին այնպիսի որոշակի ու հաստատաբան մեծություն ես, ինչպիսին է այս քաջակերպ մարդը: Քեզ այնպես ես սգում, ինչպես հաճելի լամպի մոտ՝ մթին սենյակում կամ թոցկլտացող խաբույկի առաջ՝ ցուրտ փողոցում: Լեսթերը ոչ մի բանից չի վախենում: Նա համոզված է, որ կարողանում է ապրել և կարող է մեռնել:

Այդպիսի խառնվածքը, բնական է, պետք է արտահայտվեր ամեն քայլադիտքին և ամեն առիթով: Այժմ, երբ Լեսթերը կարգի էր բերել իր ֆինանսական գործերը և բոլոր թելերն՝ ամուր պահում էր իր ձեռքերում, երբ նրա կարողության "եծ" մասը դրված էր այն խոշորագույն ընկերությունների բաժնետոմսերի մեջ, որոնց ղերեկավորները ուրիշ գործ չունեին անելու, բացի միայն իրենց փառասեր աղմուկիստրատորների նախաձեռնությունը հավանություն տալուց, նրա համար բավական ազատ ժամանակ էր մնում: Նա կատարի հետ շատ շրջեց Եվրոպայի և Ամերիկայի մոդայիկ կուրորաներում: Նա սիրեց բախտախաղերը, նրան դուր էր գալիս խոշոր գումարներ դնել, չվախենալով կորցնել դրանք, եթե անիվը ժամանակին կանգ չառնի կամ գնդակը ցանկացած կողմը չգլորվի: Նա ավելի շատ տաքացավ գինու վրա, ո՛չ թրվեա հարբեցող, այլ որպես մի մարդ, որը սիրում է ապրել իր բավականության համար և լավ ժամանակ անցկացնել բարեկամների հետ: Նա խմում էր կամ անխառն վիսկի, կամ գինու լավագույն տեսակներ՝ շամպայն, կայծկլտուն բուրգոնյան, հոգեպարար թանկարժեք սպիտակ գինիներ: Ամեն ինչ, որ դրվում էր նրա սեղանին՝ խորտիկները, արգանակները, ձկնեղենը, տապակածը, որսի միսը, պետք է ամենաառաջնակարգը լիներ, և նա վաղուց արդեն եկել էր այն եզրակացության, որ իմաստ ունի պահել միայն ամենաթանկ խոհարար: Նրանք գտան ու վարձեցին մի ծերունի ֆրանսիացու՝ Լուի Բերդոյին, որը մի ժամանակ եղել էր մի միլիոնատիրոջ խոհարար: Լեսթերը նրան շարաթական հարյուր դոլլար էր վճարում, իսկ առջև առթիվ

արված բոլոր տարակուսական հարցերին պատասխանում էր, թե կյանքը մեզ տրվում է միայն մեկ անգամ:

Տոգորված լինելով այսպիսի հայացքներով՝ Լեւթերն անգոր էր որեւէ բան փոխելու, որեւէ բան ուղղելու: Մեկնախ իր կամքից՝ ամեն ինչ թռչում էր դեպի իրեն անհայտ նպատակակետը: Եթե նա ամուսնանար Ջեննիի հետ և համեմատաբար համեստ եկամուտ ստանար, տարեկան տասը հազար դոլլար, միևնույն է, նա էլի չէր հրաժարվի այդ հայացքներից: Նա կապրեր էլի նույնպես անկամորեն, բավարարվելով երկուերեք մտերիմների ընկերակցութեամբ, որոնք խոսում են իր հետ միևնույն լեզվով և նրա մեջ տեսնում են այն, ինչ որ նա կար՝ լավ մարդ, և Ջեննին, թերևս, նրա հետ այնքան էլ ազնւի լավ չէր ապրի, քան առանց նրան:

Քեյնների կյանքում կարևոր դեպքերից մեկը եղավ այն, որ նրանք փոխադրվեցին Նյու-Յորք: Միսիս Քեյնի մտերիմ բարեկամների մեջ կային մի քանի խելացի կին՝ Նոր Մեքսիկայի շորս հարյուր լավագույն ընտանիքների ներկայացուցչուհիները: Հենց արանք էլ նրան համոզեցին փոխադրվել Նյու-Յորք: Այս որոշումն ընդունելով՝ նա մի տուն վարձեց Յոթանասուութերորդ փողոցում, Մեդիսոն պողոտայի մոտ, յուրաքանչյուր սենյակը կահավորեց որեւէ պատմական դարաշրջանի ոճով և առաջին անգամ վարձեց լիվրեավոր սպասավորների մի ամբողջ հաստիք, բոլորովին նման անգլիական ձևին: Լեւթերը ծիծաղում էր նրա սնամիտութեան և շքեղ դեկորացիաների սեր ունենալու վրա:

— Հապա դու խոսում ես քո դեմոկրատականության մասին, — մրթմրթաց նա մի անգամ: — Դու նույնքան դեմոկրատ ես, որքան ես հավատացյալ քրիստոնյա եմ:

— Ամենեին ոչ, — առարկեց Լեւտին: — Ես ամենախիսկական դեմոկրատն եմ: Բայց մենք բոլորս մեք դասակարգի անդամներն ենք: Դու նույնպես: Նա պարզապես ենթաբկվում եմ իրենի տրամաբանությունը:

— Ինչ տրամաբանության մասին է խոսքը: Դու գուցե և կասես, թե կարմիր թավիշով զուգված ժառանգապետ ու սպասավորներ ունենալը անհրաժեշտություն է պահանջում:

— Իհարկե,— պատասխանեց Լետտին:— Ասենք՝ եթե ո՛չ անհրաժեշտությունը, ապա մեր ամբողջ կյանքի դրվածքը: Ի՞նչն է քեզ այդպես հուզում: Ձե՞ գու ինքդ ես պահանջում, որ ամեն ինչ անբասիր լինի, ամենափոքր թերություն տեսնելուն պես ինքդ ես առաջինը վրդովվում:

— Այդ ե՞րբ եմ վրդովվել ես:

— Ասենք, գուցե և ես այնպես չարտահայտվեցի, ինչպես պետք էր: Բայց դու ուզում ես, որ ամեն ինչ իդեալական լինի, որ ամեն մի դեպքում պահպանված լինի ոճը... Ասենք՝ դու ինքդ էլ շատ լավ գիտես այս:

— Ենթադրենք: Բայց այստեղ ի՞նչ գործ ունի քո դեմոկրատականությունը:

— Ես դեմոկրատուհի եմ: Այս բանը դու ինձնից խել չես կարող: Հոգուս խորքում ես պակաս դեմոկրատիկ չեմ, քան ուրիշ որևէ կին: Պարզապես իրերին զգաստ եմ նայում և հնարավորին չափ ոչ մի բանից չեմ զրկում ինձ, ճիշտ այնպես, ինչպես և դու: Կարիք չկա քար նետելու իմ ապակյա տան վրա, հարգելի Տիրակալս: Ձեր տնակը նույնպես թափանցիկ է, և ես տեսնում եմ ձեր ամեն մի շարժումը:

— Եվ, այնուամենայնիվ, ես դեմոկրատ եմ, իսկ դո՞ւ ոչ,— ջգրացնում էր Լեսթերը:

Ի դեպ, նա առանց առարկություն հավանություն էր տալիս Լետտիի բոլոր արածներին: Երբեմն նրան թվում էր, թե նա իր աշխարհում շատ ավելի խելամիտ է տնօրինություն անում, քան ինքը՝ իր աշխարհում:

Անվերջանալի կերուխումերը, հերթով բոլոր բուժիչ հանքային ջրերում լինելը, հանգիստ ու փարթամ ճանապարհորդությունները, սպորտի ու մարմնամարզության անտեսումը— այս ամենը վերջ ի վերջո խախտեցին Լեսթերի առողջությունը. այժմ չափից ավելի գերարյունությունը արգելակում էր նրա երբեմնի ուժեղ ու դյուրաշարժ մարմնի բոլոր ֆունկցիաները: Վաղուց արդեն նրա ստամոքսը, լյարդը, երիկամները, փայծաղը աշխատում էին շատ ծանրաբեռնված: Վերջին յոթ տարում նա շատ էր գիրացել: Առաջինը սկսեցին վատ աշխատել երիկամները, ինչպես և ուղեղի անոթները: Չափա-

վոր սնունդ ստանալու, բավականաչափ շարժուն կյանք վարելու և ավելի շատ հոգեկան հավասարակշռություն ունենալու դեպքում կեսթերը կարող էր ապրել և մինչև ութսուն իննսուն տարի: Բայց նա իրեն հասցրել էր ֆիզիկական այնպիսի վիճակի, երբ ամենափոքր հիվանդությունն էլ լուրջ հետևանքներ է սպառնում: Այս ամենի հետևանքը կարող էր լինել միայն մեկ բան, և այն չհապաղեց երևան գալ:

Մի անգամ կեսթերն ու կետտին մի խումբ մտերիմ մարդկանց ընկերակցությամբ մի զբոսանավով գնացին Նորվեգիայի հյուսիսային ափերը: Նոյեմբերին կարևոր գործերը պահանջեցին, որ կեսթերը ներկա լինի Չիկագոյում: Նա կնոջ հետ պայմանավորվեց, որ ծննդյան տոներին հանդիպեն Նյու-Յորքում: Ուոթսոնին տեղեկացնելով, որ իրեն դիմավորի՝ կեսթերը վերադարձավ և իջևանեց «Աուդիտորիումում»։ Չիկագոյի առանձնատունն արդեն երկու տարի առաջ ծախել էին:

Նոյեմբերի վերջերին, երբ կեսթերը հիմնականում արդեն վերջացրել էր իր գործերը, հանկարծ նա իրեն վատ զգաց: Բժիշկը եկավ և ասաց, որ նա աղիքային խանգարում ունի, որը հաճախ արյան կամ որևէ կարևոր օրգանի ընդհանուր լուրջ հիվանդության արտահայտություն է լինում: Կեսթերը շատ էր տառապում: Բժիշկը պատվիրեց նրա ոտքերը տաք փաթաթել, մանանեխաթերթիկներ ու դեղեր գրեց: Ցավերը մեղմացան, բայց կեսթերին տանջում էր մոտալուտ աղետի նախազգացումը: Նա Ուոթսոնին խնդրեց հեռագիր տալ կետտին: Հարկավոր էր նրան հայտնել, որ մի առանձին լուրջ բան չկա, բայց մի քիչ հիվանդ է: Կեսթերի մահճի մոտ մի քույր էր հերթապահում, իսկ նրա սպասավորը ժամապահ պես կանգնել էր համարի դռան առաջ և ձանձրացնող այցելուներին ներս չէր թողնում: Կետտին կարող էր Չիկագո հասնել երեք շաբաթից ոչ շուտ: Կեսթերն զգում էր, որ այլևս երբեք նրան չի տեսնի:

Որքան էլ տարօրինակ է, այդ օրերին նա շարունակ մրտաժուլ էր Ջեննիի մասին, և այդ ո՛չ նրա համար, որ գտնվում էր Չիկագոյում. Ջեննին, ինչպես և առաջ, նրա համար

մնում էր որպես ամենամոտիկ մարդ։ Այս անգամ Ջիկագո գալով, նա մտադիր էր այցելել Ջեննիին, հենց որ գործերից թեթևանար։ Գալու առաջին իսկ օրը նա Ուոթսոնին հարցրել էր Ջեննիի մասին, և նա ասել էր, որ Ջեննին առաջվա պես ապրում է առանձնացված և տեսքը լավ է։ Լեսթերը շատ էր ուզում տեսնել նրան։

Օրերն անցնում էին իրար ետևից, նրա դրուժյունը չէր լավանում, և այդ ցանկությունն ավելի ու ավելի ուժեղ էր համակում նրան։ Նրան տանջում էին ցավի զարհուրելի նոպաները, նրա ամբողջ փորոտիքն ասես կծկվում էր, և դրան հաջորդում էր ուժերի լիակատար սպառումը։ Հիվանդի դրուժյունը թեթևացնելու համար բժիշկն արդեն մի քանի անգամ նրան մորֆի էր սրսկել։

Մի անգամ, առանձնապես ուժեղ մի նոպայից հետո, Լեսթերն իր մոտ կանչեց Ուոթսոնին, պատվիրեց քոջը դուրս ուղարկել և ասաց.

— Ես ուզում եմ ձեզ մի բան խնդրել։ Իմացեք միսիս Սթովերից, թե չի՞ կարող արդյոք այցելել ինձ։ Իսկ ավելի լավ է, հենց դուք գնացեք նրան բերելու։ Հիվանդապահին և Կոզոյին (այսպես էր սպասավորի անունը) կարելի է դուրս ուղարկել մի կես օրով Պամ այնքան ժամանակով, որքան որ նա այստեղ կլինի։ Երբ էլ նա գալու լինի, ներս թողեք ինձ մոտ։

Ուոթսոնը հասկացավ։ Զգացմունքի այս արտահայտությունն արձագանք գտավ նրա հոգու մեջ։ Նա խղճում էր Ջեննիին։ Խղճում էր և Լեսթերին։ Նա մտածեց, թե որքա՞ն կզարմանա աշխարհը, եթե իմանա այսքան ականավոր մարդու ռոմանտիկական քմահաճույքը։ Ուոթսոնը խորապես հարգում էր Լեսթերին և միշտ հիշում էր, որ իր բարեկեցությունը նրան է պարտական։ Նա պատրաստ էր ամեն տեսակ ծառայություն մատուցել Լեսթերին։

Վարձով վերցրած կառքն արագորեն նրան տարավ Հարավային կողմը։ Ջեննին տանն էր։ Նա ծաղիկներն էր ջրում և Ուոթսոնին տեսնելով, զարմանքով հոնքերը վեր քաշեց։

— Ես ձեզ մոտ եմ եկել մի անուրախ հանձնարարու-

թյամբ, միսիս Սթովեր,— սկսեց նա:— Ձեր... ես ուզում եմ ասել միստր Քեյնը լուրջ հիվանդ է: Նա գտնվում է «Աուդիտորիում»-ում»: Նրա կինը դեռ Եվրոպայից չի վերադարձել: Միստր Լեսթերն ինձ պատվիրեց գալ ձեզ մոտ և ասել, որ նա խնդրում է ձեզ այցելել իրեն... Դուք կկարողանայի՞ք հենց հիմա գալ ինձ հետ:

— Այո, իհարկե,— պատասխանեց Ջեննին, և նրա դեմքին երևաց մի ոչինչ չասող արտահայտություն:

Երեխաները դարոցումն էին: Պառավ՝ շվեդուհին՝ նրա միակ սպասուհին, նստած էր խոհանոցում: Ոչ մի բան Ջեննին չէր խանգարում բացակայել տնից: Բայց նա հանկարծ ամենայն մանրամասնությամբ հիշեց մի քանի օր առաջ իր տեսած երազը: Նա երազում տեսել էր, թե իբր իր շուրջը մի խորհրդավոր սև լիճ է, որի վրա մշուշ կամ ամպ է կանգնել: Նա լսում էր ջրի թույլ ճողվյունը, և իրեն շրջապատող խավարից երևաց մի մակույկ: Մակույկը փոքրիկ էր, առանց թիերի, նա շարժվում էր ինքնիրեն, և նրա մեջ նստած էին Ջեննիի մայրը, Վեստան և էլի մի մարդ, որին նա լավ տեսնել չկարողացավ: Մոր դեմքը գունատ էր ու թախծոտ, ինչպես հաճախ լինում էր կենդանի ժամանակ: Նա Ջեննիին նայում էր խիստ, բայց կարեկցությամբ լի աչքերով, և հանկարծ Ջեննին հասկացավ, որ մակույկում նստած երրորդ մարդը Լեսթերն է: Նա մռայլ նայեց Ջեննիին— Ջեննին երբեք նրան այդպես չէր տեսել— և այդ ժամանակ մայրն ասաց, «Իսկ հիմա բավական է. մեր ժամանակն է»: Մակույկն ըսկըսեց հեռանալ, կորուստի սուր զգացմունքը համակեց Ջեննին և նա գոչեց. «Ուայրի՜կ, ինձ մենակ մի թողնի»: Բայց մայրը միայն նայեց նրան իր հեզ, խոր, թախծոտ հայացքով, և մակույկն անհետացավ:

Ջեննին վախեցած արթնացավ: Նրան թվում էր, թե Լեսթերն իր կողքին է: Նա ձեռքը մեկնեց, որ դիպչի նրա ուսին, բայց հիշելով, որ ինքը մենակ է, նստեց անկողնում և աչքերը տրորեց: Դրանից հետո ծանր, ճնշող զգացմունքը երկու օր նրան հանգիստ չէր տալիս: Եվ նոր էր այդ զգացմունքը փա-



րատվել սկսել, երբ երևաց միստր Ուոթսոնը իր սոսկալի լուրով:

Ջեննին դուրս գնաց սենյակից և շուտով վերադարձավ վերարկուով և գլխարկով: Քայլվածքը, դեմքը—ամեն ինչ ցույց էր տալիս նրա հուլմունքը: Ջեննին դեռ հիմա էլ շատ լավ տեսք ուներ. նա բարեկազմ էր, հիանալի հագնված, հայացքը վճիտ ու բարի: Հոգու խորքում նա չէր բաժանվել կեսթերից, ինչպես և կեսթերը երբեք չէր կարող մինչև վերջ կտրվել նրանից: Ջեննիի բոլոր մտքերը կեսթերի հետ էին, ինչպես այն տարիներին, երբ նրանք ապրում էին միասին: Նրա ամենանվիրական հիշողությունները կապված էին Քլիվլենդի հետ, որտեղ կեսթերը սիրահետում էր նրան և ուժով նվաճեց նրան. երևի քարանձավային մարդն էլ այդպես է նվաճել իր կյանքի ընկերուհուն: Այժմ Ջեննին բուռն ցանկություն ուներ որևէ բանով օգնել կեսթերին: Նա իր ետևից մարդ է ուղարկել. այս ոչ միայն ցնցեց նրան, այլև բացեց նրա աչքերը. նշանակում է նա, այնուամենայնիվ... այնուամենայնիվ, սիրում է իրեն:

Կառքը երկար փողոցներով արագորեն վազում էր դեպի քաղաքի գործարար շրջանի ծխածածկ մասը: Ուոթսոնը նրբազգացորեն լռել էր, որ Ջեննիին չխանգարի մտածել: Շուտով նրանք հասան «Աուդիտորիումին», և Ուոթսոնը նրան առաջնորդեց մինչև այն համարի դուռը, որտեղ պառկած էր կեսթերը: Ջեննին այնքան վաղուց չէր եղել հասարակության մեջ, որ հյուրանոցի երկար միջանցքներով անցնելիս վախ էր զգում: Համարը մտնելով՝ նա մոտեցավ կեսթերի մահճակալին և քար կտրեց, նայելով նրան իր լաճն բացած կապուտակ, խղճահարություններ լի աչքերով: Կեսթերը կիսապառկել էր անկողնում, գլուխը գցել բարձերին: Նրա սև մազերի մեջ արդեն ձերմակ էր երևում, խելացի, հոգնած աչքերը նայում էին Ջեննիին սիրալիր հետաքրքրությամբ: Ջեննին այդ գունատ, տառապած դեմքը տեսնելով, մի այրող ցավ զգաց: Նա կամացուկ սեղմեց կեսթերի՝ վերմակի վրա ընկած ձեռքը: Ապա կոացավ և համբուրեց նրա շուրթերը:

— Ես այնքան եմ վշտացած, կեսթեր, այնքան,— շրշրնչաց նա:— Բայց հոգու շատ լուրջ չես հիվանդ, չէ՞: Քեզ

հարկավոր է լավանալ, և որքան կարելի է շուտ:— Նա մեղմորեն շոյեց Լեւթերի ձեռքը:

— Այո, Զեննի,— ասաց նա,— բայց իմ բանը վատ է: Բոլորովին հալից գցել է ինձ այս հիվանդությունը, և չգիտեմ, կարո՞ղ եմ դուրս պրծնել թե ոչ: Ավելի լավ է դու քո մասին պատմիր: Ինչպե՞ս ես ապրում:

— Ապրում եմ առաջվա պես, սիրելիս,— պատասխանեց Զեննին:— Ինձ մոտ ամեն ինչ լավ է: Բայց դու իզուր ես այդպես խոսում: Դու կլավանաս, և այն էլ շատ շուտ:

Լեւթերը դառն ժպտաց:

— Դու կարծո՞ւմ ես,— և կասկածանքով գլուխը շարժեց:— Ասենք՝ դա ինձ շատ էլ չի անհանգստացնում,— շարունակեց նա:— Նստիր, հարազատս: Ես ուզում եմ խոսել քեզ հետ առաջվա պես: Ուզում եմ, որ դու ինձ մոտ լինես:

Նա հառաչեց և աչքերը փակեց:

Զեննին աթոռը մոտ քաշեց անկողնին, նստեց և Լեւթերի ձեռքն իր ձեռքերի մեջ առավ: Որքա՞ն լավ է, որ նա մարդ է ուղարկել իր ետևից: Խղճահարությունը, սերը, երախտագիտությունը լցրել էին նրա սիրտը: Եվ հանկարծ նա սարսափից սառեց. Լեւթերը ծանր վճիվանդ, այդ իսկույն Ներկում է:

— Զգիտեմ ինչ է լինելու,— ասաց Լեւթերը:— Լեւտին՝ Եվրոպայումն է: Ես արդեն վաղուց ուզում էի տեսնել քեզ: Որոշել էի այս գալուս անպայման այցելել քեզ: Դու հո գիտես, հիմա մենք ապրում ենք Նյու-Յորքում: Բայց դու մի քիչ լցվել ես, Զեննի:

— Պառավում եմ, Լեւթեր,— ժպտաց նա:

— Այդ կարևոր չէ,— ասաց Լեւթերը, աչքը չհեռացնելով նրանից:— Բանը տարիքը չէ: Բոլորն էլ պառավում են: Բանն այն է, թե ով ինչպես է նայում կյանքին:

Նա լռեց ու հայացքը գցեց առաստաղին: Թեթև ցավը նրան հիշեցրեց իր կրած տանջանքները: Այս առավոտվա նրման էլի մի քանի նոպա կրկնվի՝ այլևս դիմանալ չի կարող:

— Ես չէի կարող մեռնել առանց քեզ տեսնելու,— նորից խոսեց նա, երբ ցավը մեղմացավ:— Ես վաղուց ուզում էի քեզ ասել, Զեննի, մենք իզուր բաժանվեցինք: Հիմա ես տես-

հում եմ, որ այդպես չպետք է աներինք: Դա ինձ երջանկութիւն չտվեց: Դու ինձ ներիր: Հենց ինձ համար էլ ավելի լավ կլիներ, եթե այդպես չաների:

— Ի՛նչ ես ասում, Լեսթեր,— առարկեց Զեննին, և նույն վայրկյանին նրա հիշողութեան միջով անցավ իրենց ամբողջ միասնաբար ապրած կյանքը: Ահա այն, իրենց իսկական միութեան, իրենց իսկական հոգեկցութեան վկայութիւնը:— Մի՛ տանջիր քեզ: Այդպես էլ ամեն ինչ լավ է: Դու շատ բարի ես եղել ինձ հետ: Հո չէիր կարող իմ պատճառով զրկվել քո ամբողջ կարողութիւնից: Ինձ համար էլ այսպես ավելի հանգիստ է: Իհարկե, ծանր էր, բայց կյանքում քիչ ծանր բան է լինում, սիրելիս:

Նա լռեց:

— Ոչ,— ասաց Լեսթերը,— դա սխալ էր: Հենց սկզբից ամեն ինչ սխալ ընթացավ, բայց դա քո մեղքը չէ: Ներիր ինձ: Ես վաղուց էի ուզում քեզ ասել այս: Շատ ուրախ եմ, որ կարողացա ասել:

— Այդպես մի խոսիր, Լեսթեր, խնդրում եմ քեզ,— աղաչեց Զեննին:— Ամեն ինչ լավ է: Դու ամիսսալու ոչինչ չունես: Այնքա՛ն շատ բան ես արել ինձ համար: Երբ մտածում եմ...— նրա ձայնը խզվեց: Սերն ու խղճահարութիւնը խեղդում էին նրան: Նա լուռ սեղմեց Լեսթերի ձեռքը: Հիշեց Քլիվլենդի տունը, որ նա գնել էր իր հարազատների համար: Եվ թե ինչպես նա օթևան տվեց իր հորը, հիշեց նրա ամբողջ հոգատարութիւնն ու սիրալիր վերաբերմունքը:

— Դե, հիմա ես քեզ ամեն ինչ ասացի և ինձ թեթեւ եմ զգում: Դու լավ կին ես, Զեննի: Շնորհակալ եմ, որ եկար ինձ մոտ: Ես սիրում էի քեզ: Հիմա էլ սիրում եմ: Այո, ես ուզում էի ասել քեզ: Դուցե և տարօրինակ է, բայց քեզանից բացի ես ուրիշ ոչ մի կնոջ չեմ սիրել իսկական սիրով: Մենք չպետք է բաժանվեինք:

Զեննիի շունչը կտրվում էր: Այդ բառերին, ահա հենց միայն այդ բառերին էր նա սպասել երկար տարիներ: Միակ բանը, որ պակասում էր նրան, հենց այդ էր— հաստատել, որ իրենք եթե ֆիզիկապես մոտիկ էլ չեն իրար, ապա հոգով

միասին են: Հիմա կյանքը նրա համար երջանկություն կլինի: Մահը նույնպես: Հեկեկանքը խեղդում էր նրա կոկորդը:

— Ա՛խ, կեսթեր,— գոչեց Ջեննին և աեղմեց նրա ձեռքը: Կեսթերը նրան պատասխանեց ձեռքի թույլ սեղմումով: Մի պահ երկուսն էլ լուռ էին: Հետո կեսթերը նորից խոսեց.

— Էհ, իսկ ինչպե՞ս են քո որբուկները:

— Հիանալի երեխաներ են,— պատասխանեց Ջեննին և սկսեց մանրամասն պատմել իր փոքրիկ սաների մասին: Կեսթերը լսում էր գոհունակությամբ. Ջեննիի ձայնը հանգրսւտացնում էր նրան: Հենց նրա ներկայությունն էլ բերկրանք էր նրա համար: Երբ Ջեննին վեր կացավ զնալու, նրա հոնքերը տառապալից կիտվեցին:

— Գնո՞ւմ ես, Ջեննի:

— Կարող եմ մնալ այստեղ, կեսթեր,— առաջարկեց նա:— Համար կվերցնեմ ինձ համար: Իսկ միսիս Սվենսոնին նամակով իմաց կտամ, և ամեն ինչ կարգին կլինի:

— Ձէ, ինչո՞ւ որ,— ասաց կեսթերը, բայց Ջեննին հասկացավ, որ ինքը հարկավոր է նրան, որ նա վախենում է մեռակ մնալ:

Եվ մինչև նրա վերջին ժամը Ջեննին դուրս չեկավ հյուրանոցից:

## Գ Լ Ո Ւ Խ LXII

Վախճանը վրա հասավ չորս օրից հետո, որոնց ընթացքում Ջեննին համարյա չհեռացավ հիվանդի անկողնից: Հիվանդապահ քույրը շատ գոհ էր, որ իրեն փոխարինող հայտնրվեց և ինքը մենակ չէ: Բժիշկը փորձեց առարկել: Բայց կեսթերի հետ վիճելը դժվար էր:

— Ես եմ մեռնելու, ոչ թե դուք,— ասաց նա մռայլ հեղնանքով:— Դե ուրեմն թույլ տվեք մեռնել այնպես, ինչպես ինձ դուր է գալիս:

Ուրթսոնը միայն ժպտաց: Այդպիսի աննկուն արիություն նա դեռ չէր տեսել:

Կեսթերին նամակներ էին գրում, հեռախոսով էին տեղե-

կանում առողջութեան մասին, այցետոմսեր էին ուղարկում: Նրա հիվանդութեան մասին լուրեր տպւեցին նաև լրագրերում: Ռոբերտը դրանցից մեկը կարդաց և որոշեց գնալ Զիկագո: Եկան նաև Իմոջինն ու իր մամուսինը: Նրանց մի քանի բուսեղանքներ թողին Լեսթերի մոտ, երբ Ջեննին գնացել էր իր համարը: Լեսթերը համարյա ամբողջ ժամանակ լուռ էր: Քույրը նախազգուշացրել էր, որ նրա հետ երկար խոսել չի կարելի: Հետո նա Ջեննինին ասաց.

— Իմոջինը շատ է փոխվել:— Եվ ուրիշ ոչինչ չավելացրեց:

Այն երեկոյան, երբ Լեսթերը մեռավ, միսիս Քեյնին հայրենիք վերադարձնող շոգենավը Նյու-Յորքից երեք օրվա ճանապարհ էր հեռու: Վերջին օրերը Լեսթերը շարունակ մտածում էր, թե էլի ինչ անի Ջեննիի համար, բայց այդպես էլ ոչինչ չորոշեց: Էլի՜ փող թողնել նրան: Իմաստ չունի. փողը նրան պետք չէ: Եվ հենց այն պահին, երբ նա մտածում էր, թե հիմա որտեղ կլինի Լեստին և երբ կարող է տեղ հասնել, նորից նրա սուր ցավերն սկսվեցին: Դեռ չէին հասցրել սրբակում անել, երբ մահը՝ վրա հասավ: Հետագայում պարզվեց, որ նա մեռել է ոչ թե աղիքային հիվանդությունից, այլ ուղեղի արնազեղումից:

Ջեննին իր ապրած տագնապից ու անքուն գիշերներից ուժասպառ լինելով ասես քար էր կտրել վշտից: Լեսթերն այնքան երկար ժամանակ էր տիրապետել նրա մտքերին ու զգացմունքներին, որ այժմ նրան թվում էր, թե իր սեփական կյանքն է վերջացել: Նա Լեսթերին այնպես էր օրում, ինչպես, երեխան, չէր կարող սիրել որևէ մեկ ուրիշի, և Լեսթերն էլ միշտ կարողանում էր ցույց տալ, որ նա թանկ է իր համար: Ջեննինի վիշտը արցունքով չէր արտահայտվում, նա զգում էր միայն բուժ ցավ, ինչ-որ ընդարմացում կաշկանդել էր նրա բոլոր զգացմունքները: Լեսթերը, նրա Լեսթերը, նույնիսկ մեռած այնքան ուժեղ էր թվում: Դեմքը հանգիստ էր, բայց վճռական՝ ինչպես առաջ: Միսիս Քեյնը տեղեկացրել էր, որ կգա շորեքշաբթի օրը: Որոշվեց թաղումը հետաձգել մինչև նրա գալը: Ջեննին միտքի Ուոթսոնից իմացավ, որ մարմինը

փոխադրելու են Յինցիննատի և այնտեղ թաղելու են Փեյս ընտանիքի տոհմական դամբարանում: Երբ ազգականներն սկսեցին հավաքվել, Զեննին գնաց իր տուն. այստեղ նա այլևս անելիք չունեի:

Թաղման արարողության մեջ՝ կարելի էր տեսնել մեր կյանքում եղած աննորմալությունների յուրահատուկ պատկերը: Միսիս Քեյնին հեռագրով հաղորդեցին, որ Լեսթերի մարմինը հյուրանոցից փոխադրվելու է Իմոջինի տուն: Դա-գաղը կրելու էին Ռոբերտը, որը Զիկագո էր հասել եղբոր մահվանից մի քանի ժամ հետո, Քերրի Դոչը, Իմոջինի ամուսին միստր Միչլին և էլի երեք ոչ պակաս հարգարժան ջենտլմեններ: Բուֆալոյից եկան Լուիզան և իր ամուսինը, Յինցիննատիից՝ էմին իր ամուսնու հետ: Տանը չէին տեղավորվում հանգուցյալին հրաժեշտ տալու համար եկած մարդիկ, որոնցից ոմանք անկեղծ ցավով էին եկել, ոմանք՝ քաղաքավարության համար: Քանի որ Լեսթերն ու նրա հարազատները իրենց կաթոլիկ էին համարում, թաղման ծեսը կատարելու համար կաթոլիկական քահանա հրավիրվեց: Լեսթերը պառկել էր իրեն խորթ տան շքեղ հյուրասենյակում, նրա գլխավերևը և ոտքերի մոտ վառվում էին թաղման մոմերը. իսկ մոմագույն մատները կրծքի վրա պահած ունեին արծաթե խաչը: Նա ինքն էլ կժպտար, եթե իրեն տեսնել կարողանար: Բայց Քեյնների ընտանիքը, սովոր լինելով պահպանել պամանականությունները, սրբորեն հետևում էր տրադիցիոն սովորություններին և դրա մեջ ոչ մի անհեթեթություն չէր տեսնում: Հոգևորականությունը, հասկանալի է, պատրաստ էր իր ծառայությունը մատուցելու: Ընտանիքը հարուստ էր, բոլորից հարգված, էլ, ուրեմն, ի՞նչ խոսք կարող էր լինել:

Զորեքշաբթի օրը միսիս Քեյնը հասավ Զիկագո: Անսահման էր նրա վիշտը. Զեննիի նման նա էլ անկեղծորեն սիրում էր Լեսթերին: Ուշ երեկոյան, երբ տանն ամեն ինչ խաղաղվել էր, նա իջավ հյուրասենյակ և երկար ժամանակ դա-գաղի վրա կռացած նայում էր մոմերի թրթռուն լույսով լուսավորված սիրելի դեմքին: Արցունքները գլորվում էին նրա այտերի վրայով. նա հիշում էր, թե որքան երջանիկ էր ինքը

լեւթերի հետ: «Իմ խեղճ, իմ սիրելի՛ լեւթեր,— շնչում էր նա:— Խեղճ իմ հերոս»,— և շոյում էր նրա պաղ այտերն ու ձեռքերը: Նրան չէին ասել, որ լեւթերն իր մոտ էր կանչել Զեննիին: Քեյնների ընտանիքում ոչ ոք չգիտեր այդ:

Իսկ այդ ժամանակ Հարավային կողմի փոքրիկ տան մեջ մի ուրիշ կին մեն-մենակ նստած՝ իր անդառնալի կորուստից ավն ու տառապանքն էր ապրում: Այդ բոլոր տարիներին նրա մեջ դեռ համառորեն մի հույս էր ապրում, թե գուցե երբեք իրենք նորից կմիանան: Ճիշտ է, լեւթերը վերադարձավ իր մոտ, վերադարձավ հենց ուղիղ մահից առաջ, բայց ահա նորից գնաց: Ո՛ւր: Ո՛ւր գնացին մայրը, հայրը, ո՛ւր գնաց Վեստան: Զեննին այլևս լեւթերին տեսնելու հույս չունի: Թերթերում նա կարդացել էր, որ ննջեցյալի մարմինը փոխադրել են միստր Միշլիի տուն: Հուղարկավորման կարգը կատարվելու է Հարավային կողմի ամենաշքեղ կաթոլիկական եկեղեցիներից մեկում՝ սուրբ Միքայելի եկեղեցում, որի ծուխըն էին իմոջինն ու նրա կինը: Իսկ հետո դազաղը դիակով փոխադրելու էին Յինցիննատի:

Զեննիի համար սա մի նոր վիշտ էր: Նա այնքա՛ն կուզենար, որ լեւթերին թաղեին Չիկագոյում, գեթ երթեմն կրկարողանար այցելել նրա գերեզմանին: Բայց դրանից էլ զրկում էին նրան: Դեռ երբեք կյանքում նա իր բախտի տերը չէր եղել: Միշտ էլ ուրիշներն էին տնօրինել նրա վիճակը: Լեւթերին Յինցիննատիում թաղելը նա ապրում էր որպես վերջին ու վերջնական անջատում նրանից. ասես տարածու-թյունը կարող էր որևէ բան փոխել: Վերջապես նա որոշեց գաղտնաբար գնալ եկեղեցի՝ հոգեհանգստյան արարողությանը ներկա լինելու: Լրագրում ասված էր, որ ժամերգությունն սկսվելու է ժամը երկուսին: Ժամը չորսին մարմինը փոխադրելու են կայարան և հարազատները ուղեկցելու են նրան մինչև Յինցիննատի: Զեննիի գլխում մի նոր միտք ծագեց, ինքը կարող է և կայարան գնալ:

Թաղման թափորը եկեղեցի հասնելուց քիչ առաջ կողադռնով ներս մտավ մի սևագգեստ կին, թանձր քողը երեսին, և համեստորեն նստեց մի կիսախավար անկյունում: Եկեղե-

ցին դատարկ էր, չլուսավորված, և Զեննիին մի տագնապ համակեց. արդյոք ճիշտ է հիշում ինքը ժամանակն ու տեղը: Բայց նրա տարակուսանքը երկար չտևեց. շուտով նրա գլխավերևում հնչեց թաղման համաչափ զանգահարությունը: Հետո երևաց եկեղեցու ծառան՝ սպիտակ ժամաշապիկը սև զգեստովրայից հագած: Նա մոտեցավ սեղանին և սկսեց մոմերը վառել: Վերնասրահում խուլ ոտնաձայներ լսվեցին. այդ երգիչներն էին իրենց տեղերը գրավում: Ներս մտան ու նստարաններին նստոտեցին ինչ-որ մարդիկ. գուցե դրանք հատուկ հրավեր շտացած ծանոթներ էին, գուցե և պատահական անցորդներ, որոնց այստեղ էր բերել եկեղեցու զանգը:

Զեննին զարմացած շուրջն էր նայում: Նա դեռ երբեք կաթոլիկական եկեղեցում էլ չէր եղել: Կիսախավարը, գունավոր ապակիներով սլաքակամար լուսամուտները, սպիտակ սեղանը, մոմերի ոսկեգույն բոցը—այս ամենը նրա վրա խոր տպավորություն գործեց: Գեղեցկության ու խորհրդավորության զգացողությունը, կորուստի թախիծն ու տրտմությունը ամբողջովին համակել էին նրան: Թվում էր, թե իր առաջ կյանքն է իր ամբողջ մշուշապատ անորոշությանմբ:

Զանգը շարունակ դողանջում էր, և ահա խորանից դուրս եկավ տղաների շարանը: Առջևից գալիս էր ամենափոքրիկը՝ մոտ տասնմեկ տարեկան մի չքնաղ մանչուկ: Նրա ձեռքին մի շողշողուն արծաթե խաչ կար: Մյուսները նրա ետևից գալիս էին զույգ-զույգ, յուրաքանչյուրի ձեռքին մի մեծ, վառած մոմ: Նրանց հետևում էր ժանեկապատ սև զգեստով քահանան, հետը՝ երկու դպիր: Թափորը գլխավոր դռնով անցավ դեպի գավիթ: Անցավ մի քանի բոպե, և երկու խումբը իրար ձայնակցելով լատիներեն մի տխուր մեղեդի երգեցին ողորմածության և հոգու խաղաղության մասին:

Առաջին ձայների հետ եկեղեցու դուռը լայն բացվեց: Նորից երևացին արծաթե խաչը, մոմերը, խոժոռադեմ քահանան, որը հենց քայլելիս աղոթքի սրտահույզ խոսքեր էր ասում, իսկ նրանց ետևից երևաց արծաթե բռնակներով սև դագաղը՝ հանդարտ քայլող մարդկանց ուսերին: Զեննին անշարժացավ. ասես անտեսանելի մի ուժ կաշկանդել էր նրա



բոլոր շարժումները: Դազադը կրող մարդկանցից ոչ մեկին նա չէր ճանաչում: Նա երբեք չէր տեսել ո՛չ Ռոբերտին, ո՛չ միստր Միշլին: Դազադի ետևից դույզ-վույզ քայլող բազմաթիվ մարդկանց մեջ նա ճանաչեց միայն երեքին. վաղուց անցած-գնացած օրերին Լևոթերն այդ մարդկանց նրան ցույց էր տը-վել թատրոնում կամ ռեստորանում: Միսիս Քեյնը քայլում էր առջևից, մի ինչ-որ տղամարդու թևին հենված: Նրա ետևից զալիս էր Ուոթսոնը՝ տխուր ու լուրջ տեսքով: Նա մի արագ հայացք գցեց այս ու այն կողմ, ասես որոնում էր Զեննին, բայց նրան չգտնելով՝ նորից հայացքն առաջ ուղղեց: Զեննին նայում էր, նայում, և նրա սիրտն ավելի ու ավելի ցավով էր սեղմվում: Այդ հանդիսավոր ծիսակատարությունը որքա՛ն շատ էր վերաբերում նրան, այնինչ նա որքա՛ն հեռու էր այդ բոլոր մարդկանցից:

Թափորը մոտեցավ սեղանին, և այստեղ դազադը ցած դրին: Նրա վրա սև խաչերով մի սպիտակ ծածկոց գցեցին— շարշարանոց խորհրդանշանը— իսկ շուրջը բարձր մոմեր դրե-ցին: Վերնասրահից ներդաշնակ երգեցողություն լսվեց, դա-դադի վրա սուրբ ջուր ցնցղեցին, բուրվառը ճոճվեց, և աղո-թողներն սկսեցին քահանայի հետ կիսաձայն կրկնել «Հայր մեր»-ը, իսկ հետո, ըստ կաթոլիկական կարգի՝ ամենասուրբ կույսի աղոթքը: Զեննին զարմացած էր ու ճնշված, բայց ո՛չ սքանչելի եկեղեցին, ո՛չ շքեղ ծեսը չէին կարող մեղմացնել նրա վշտի սրությունը, անուղղելի կորուստի զգացումը: Մո-մերը, խնկի բուրմունքը, օրհներգությունները— այս ամբողջ գեղեցկությունը թափանցում էր նրա հոգին և խոր թախիժ առաջացնում նրա մեջ: Ասես ոչինչ չէր մնացել, բացի թախ-ծալի մեղեդիներից և մահվան ներկայությունից: Զեննին լա-լիս էր ու լալիս: Եվ չգիտես ինչու զարմանում էր, տեսնելով, որ միսիս Քեյնը նույնպես ցնցվում է հեկեկանքից:

Ժամերգությունը վերջացավ, հուղարկավորները կառեթ-ներ նստեցին և դազադը տարան կայարան: Նրբ բոլոր հրա-վիրյալներն ու կողմնակի մարդիկ գնացին և եկեղեցին դա-տարկվեց, Զեննին նույնպես ոտքի ելավ: Հիմա նա էլ կգնա կայարան, գուցե իրեն հաջողվի տեսնել, թե դազադն ինչպես

են վաղոն դնելու: Երեւի նախ այն կդնեն կառամատուցի վրա. այդպես արին, երբ տանում էին Վեստային: Զեննին կառք նստեց, և շատ շանցած՝ արդեն մտնում էր կայարանի կամարների տակ: Սկզբում նա կանգնեց բարձր վանդակի մոտ, որի ետեւ ձգվում էին երկաթուղային գծերը, հետո գընաց սպասասրահ և ուշի-ուշով նայեց այնտեղ նստած մարդկանց: Ահա նրանք՝ միսիս Քեյնը, Ռոբերտը, միստր Միչլին, Լուիզան, Էմին, Իմոջինը, և նրանց հետ էլի ինչ-որ մեկը: Զեննին զգում էր, որ կարող էր առանց սխալվելու տալ համարյա բոլորի անունները, թեև ոչ ոք նրան չէր ծանոթացրել նրանց հետ:

Միայն այժմ նա հիշեց, որ վաղը տոն է, Գոհաբանության օրն է: Հսկայական դահլիճը լիքն էր աշխույժ, աղմկոտ բաղմությամբ: Շուրջն ուրախ դժժոց էր կանգնած. տոնակատարության համար քաղաքից դուրս գնացող մարդիկ կանխավայելելով հանգիստն ու զվարճությունները՝ բարձր խոսակցում էին ու ծիծաղում: Անդադար կառքեր էին մոտենում կայարանին: Հնչեղ մի ձայն հայտարարում էր, թե որ գնացքն է մոտեցված կառամատուցին և սկսված նստեցումը: Զեննին սիրտը ճմլվեց, երբ դանդաղ ու երգեցիկ ձայնով հայտարարեցին այն երթուղին, որով ինքը շատ անգամ ճամփորդել էր Լեսթերի հետ միասին. «Դեթրոյթ—Թուեդո—Քըրվլենդ—Բուֆալո—Նյու-Յորք»: Հետո հայտարարեց. «Ուեյնամրոց—Կոլումբուս—Պիտսբուրգ—Ֆիլադելֆիա—Ատլանտիկ Սիթի» երթուղու գնացքի մատուցումը և վերջապես՝ «Ինդիանոպոլիս—Կոլումբուս—Ցինցիննատի»... Ժամը հասավ:

Զեննին արդեն մի քանի անգամ սպասասրահից դուրս գալով մոտեցել էր երկաթյա վանդակին, որը նրան բաժանում էր սիրած մարդուց, մտածելով, թե կհաջողվի՞ արդյոք մեկ անգամ էլ տեսնել փայտն արկղի մեջ տեղավորված դագաղը, նախքան վագոն կբարձրացնեն այն: Եվ հանկարծ նա տեսավ այն, ինչին սպասում էր: Մի սայլակ մոտեցրին այն տեղին, ուր պիտի կանգ առնեիր ապրանքատար վագոնը: Այդ սայլակի վրա պառկած էր Լեսթերը, այն ամենը, ինչ մնացել էր նրանից՝ հետաքրքրասեր հայացքներից հուսալիորեն թաքցրած

տախտակով, կտորով ու արծաթով: Սայլակի մոտ պրպտոդ բեռնողի մտքովն էլ չէր անցնում, թե դրա մեջ որքան վիշտ ու տառապանք է պահված: Նա որտեղի՞ց պիտի իմանար, որ այդ ժամին Զեննիի համար հարստությունն ու հասարակական դիրքը մարմնավորվել էին այդ վանդակի՝ անհաղթահարելի արգելքի տեսքով, որը նրան հավիտենապես բաժանում էր սիրած մարդուց: Այդպես է եղել միշտ: Ամբողջ կյանքում կեսթերի մեջ մարմնավորված ուժն ու հարստությունը ետ են մղել նրան, որոշակի սահմանագծից այն կողմը չեն թողել: Երևում է, նրա ճակատին այդ է գրված եղել՝ չպահանջել, այլ՝ հնազանդվել: Հենց մանկությունից հարուստների բանակը հաղթաքայլ երթով էր անցել նրա մոտով: Այժմ նրան ի՞նչ էր մնում անել, բացի թախիծով նրանց ետևից նայելուց: Զեննիի համար խորթ այդ աշխարհում կեսթերը յուրային էր: Նրան այնտեղ պատվավոր տեղ էին հատկացնում, իսկ Զեննիին ճանաչել անգամ չէին ուզում: Մինչ նա դեմքը վանդակին սեղմած կանգնած էր, ձայնը նորից հնչեց. «Ինդիանոպոլիս—Կոլումբոս—Ցինցիննատի»... Կառամատույցին մոտեցավ պայծառ լուսավորված պատուհաններով երկար, կարմիր գնացքը՝ ապրանքատար վագոնները, մարդատարները, ռեստորան-վագոնը, որի մեջ շողշողում էին արծաթյա սպասքըն ու ճերմակ սփռոցները, և մի քանի լյուքս ննջավագոն, իսկ առջևում՝ վիթխարի սև շոգեքարշը, որը ծուխ ու կայծերի խուրձեր էր ժայթքում:

Ապրանքատար վագոններից մեկը հավասարվեց սայլակին, նրա միջից դուրս նայեց գնացքի բարձող բանվորը, որ կապույտ շոր ուներ հագին, և շուտ գալով ձայն տվեց ինչ-որ մեկին.

— Է՛յ, Զե՛կ, արի մի օգնիր: Ննջեցյալ ենք բարձելու: Զեննին ոչինչ չէր լսում:

Նա տեսնում էր միայն մեկ բան. այն երկար արկղը, որն ահա, որտեղ որ է կծածկվի իր աչքերից: Նա զգում էր մեկ բան. շուտով գնացքը կշարժվի, և ամեն ինչ կվերջանա: Վանդակի դուռը բաց արին, ուղևորները հորդեցին, դեպի կառամատույց: Ահա Ռոբերտը, էմին, Լուիզան, նրանք բոլորը գը-

Ֆուժ եւն դեպի ննջավագոն, որ գտնվում է գնացքի ծայրում: Նրանք բարեկամներին արդեն հրաժեշտ էին տվել և այժմ գնում են արագ, առանց այս ու այն կողմը նայելու: Սրեք բանվոր օգնեցին բարձրացնելու ծանր արկղը: Սրբ արկղը ծածկվեց վագոնի խորքում, Զեննիի կրծքի տակ ասես ինչ-որ բան պոկվեց:

Հետո բարձեցին էլի շատ սնդուկներ ու ճամպրուկներ, հետո հնչեց շոգեկառքի զանգը, և ապրանքատար վագոնի դուռը կիսով չափ ծածկվեց: Լսվում են բացականչություններ՝ «Խնդրում եմ, գրավեք ձեր տեղերը», և ահա վիթխարի շոգեկառքն արդեն դանդաղորեն շարժվեց տեղից: Հնչում է զանգը, գոլորշին դուրս է ժայթքում սուղոցով, սև ծուխը վեր ու վեր է բարձրանում ծխնելույզից, հետո ցած իջնելով ծածկում է վագոններն ասես թաղման ծածկոցով: Հնոցապանը, ասես դգալով, թե ինչպիսի ծանր բեռ է տանելու, բացում է բոցկրկ-տացող հնոցի դուռը, որպեսզի ածուխ ավելացնի: Հնոցի բերանը լուսավորում է հրավառ աչքի պես:

Զեննին այդ պատկերից կախարդված՝ կանգնել էր անշարժ: Գունատ, ձեռքերը սեղմած և աչքերը լայն բացած՝ նա հիշում էր միայն մեկ բան՝ Լեսթերին տանում են: Նոյեմբերյան կապարանման երկինքն էր կախվել ճանապարհների վրա: Գնացքն ավելի ու ավելի էր հեռանում, և, վերջապես, վերջին ննջավագոնին ամրացրած կարմիր լապտերը, ծխանման մշուշի մեջ թաղվելով, աչքից ծածկվեց:

— Այո, այո, — Զեննիի մոտով անցնելով ասաց մի ինչ-որ մարդ, որն ասես պատրաստվում էր քաղաքից դուրս գնալու: — Մենք այնտեղ հիանալի ժամանակ կանցկացնենք: Դու էննիին հիշո՞ւմ ես: Քեռի Զիմն էլ է գալիս, մորթուր էլլան էլ:

Զեննին ոչինչ չէր լսում. ոչ այս խոսքերը, ոչ կայարանի աղմկոտ իրարանցումը: Նրա աչքերի առջևում էր թախծալի, միայնակ տարիների երկար շարքը: Հետո ի՞նչ է լինելու: Նա դեռ պառավ չէ: Հարկավոր է դաստիարակել իր սաներին: Կանցնի մի քիչ ժամանակ, նրանք կփետրավորվեն, կհեռանան իրենից, իսկ հետո՞: Օրերի անվերջանալի շարք, մեկը մյուսին նման, իսկ հետո՞...



## ՊԱՏՄԱ - ԳՐԱԿԱՆ ՏԵՂԵԿԱՆՔ

«Ջեննի Գերհարդը» („Jennie Gerhardt“) Դրայզերի երկրորդ վեպն է: Լույս է տեսել 1911 թ. հոկտեմբերին: Այսպիսով, ուրեմն, «Քույր Քերրի» համար կրած բոլոր աղետներից հետո երիտասարդ գրողը լռել էր ավելի քան տասը տարի: Զբաղվելով լրագրությամբ՝ Դրայզերի մտքում նորանոր երկեր է հղանում, և նրանց համար շատ ու կարևոր նյութեր է ժողովում: Նրա կենսագիր Դ. Դուդլեյը պատմելով, թե Դրայզերն ինչպես է աշխատել «Ջեննի Գերհարդի» վրա, նշում է, որ հեղինակը ձգտում է ունեցել տալ իրականության ճշմարիտ պատկերը, ընթանալ քամուն հակառակ», քննադատել այլանդակ բուրժուական հասարակությունը, չորն աղճատում է մարդկանց, պատվանդանից ցած է գցում մարդկային հանճարներին:

Եթե վեպի վրա աշխատելու ժամանակ հեղինակի նախանշած քննադատական ռեալիզմի համարձակ ծրագիրը «Ջեննի Գերհարդ-ում» ամբողջ խորությամբ ու հետևողականությամբ չի էլ իրականացված, ապա դեռ այդ ժամանակ կապիտալիստական Ամերիկայի մասին Դրայզերի դատողությունների շիտակությունն ու խստությունը պետք է համարել նրա ստեղծագործության էական առանձնահատկությունը:

Գերհարդի ընտանիքի նկարագրության մեջ անտարակուսելի են ինքնակենսագրական գծերը, և սա առանձնապես վերաբերում է ծերունի Գերհարդին, որը շատ կողմերով է նման Դրայզերի հորը: Ջեննիի կերպարը, հենց հեղինակի խոստովանությամբ, նրա ամենասիրած կերպարների շարքին է պատկանում:

Դրայզերը շատ ուշադրություն էր հատկացնում «բարձր հասարակությունը» պատկերելուն, որպեսզի ռեալիստորեն ցույց տա նրա անբարոյականությունը և այլանդակությունը: Հեղինակը իր ստեղծագործության հիմքն էր համարում հասարակ մարդկանց և կապիտալիստ-

տական գիշատիչների հակադրությունը: Թեպետև այդ կոնտրաստը բա-  
վականաչափ հետևողականորեն չի բացահայտված, այնուամենայնիվ  
վեպում շատ ճիշտ է պատկերված:

Վեպի կրկնահրատարակություններից մեկին հեղինակը կցել է  
մի փոքրիկ եզրակացություն, որի մեջ արտահայտված են գրքի իմաս-  
տին վերաբերող հիմնական նկատառումները: Դա, ինչպես Դրայգերն է  
գրում, այն է, որ հրապարակ հանի «չքավոր մարդու գոտերը, որին  
կլանել է խլացուցիչ աղմկոտ աշխարհի ջրապտույտը, աշխարհ, որին  
կոչում են քաղաքակիրթ, աշխարհ, որ անհագուրդ է տեսարանների ու  
հարստության նկատմամբ...»: Նկարագրելով Ջեննիին հրապուրիչ լույ-  
սով, ընդգծելով նրա անկեղծությունը, անմիջականությունը, նրա էութ-  
յան արտասովոր ներքնությունը («չքավոր մարդու այդ աղջիկը կարո-  
ղանում էր զգալ և՛ կանաչ ծառերի գեղեցկությունը, և՛ ամառային  
անձրևի թովչանքը, և՛ կյանքի վառ գույները»), Դրայգերը նրա դժ-  
բախտության պատճառը համարում է այն, որ նա ուժ ու վճռակա-  
նություն չունեի հակահարված տալու անհոգի ու անզգա բուրժուական  
աշխարհին: Դա «ազա՜հ ու հեշտասեր» աշխարհ է, մի աշխարհ, որտեղ  
բոլորը «չանթում են», որտեղ իշխում են ֆայլի օրենքները, որտեղ  
ընդունված է «հարձակվել մերձավորի վրա»: Գրողի մտադրությունն է  
եղել ճշմարտացի ցույց տալ այդ աշխարհի զգվելի դեմքը:

«Ջեննի Գերհարդ-ը» այնպիսի հալածանքի չենթարկվեց, ինչպես  
«Քուլը Քերրին», բայց բուրժուական քննադատությունը բացահայտո-  
րեն ջանում էր նսեմացնել նրա նշանակությունը, ամեն կերպ աշխա-  
տելով սքոդել նրա մերկացնող էությունը:

«Ջեննի Գերհարդ» վեպը ռուսերեն առաջին անգամ հրատարակ-  
վել է սովետական ժամանակաշրջանում, 1927 թվականին:

## ՔՈՎԱՆԻԱԿՈՒԹՅՈՒՆ

Զեննի Գերհարդ	5
Պատմա-գրական տեղեկանք	449



ԹԵՈՐԵՏԻԿ ԴՐԱՅՋԵՐ

ԵՐԿԵՐԻ Ժողովածու

տասը հատորով

Հատոր երկրորդ

ՋԵՆՆԻ ԳԵՐՀԱՐԴ

Խմբագիր՝ Գ. Վ. Վիրապյան

Նկարիչ՝ Ան. Վ. Գասպարյան

Գեղ. խմբագիր՝ Ռ. Ս. Բեդրոսով

Տեխ. խմբագիր՝ Ն. Ա. Ախիրյան

Վերստ. սրբագրիչ՝ Ժ. Գ. Միրզոյան

---

Հանձնված է արտադրության 20/XII 1965 թ.:

Ստորագրված է տպագրության 1/XII 1966 թ.:

Թուղթ՝ տպագրական № 2,  $84 \times 108^{1/32}$ , հրատ. 20,3 մամ.,

տպ. 28,25 մամ. = 23,16 պայմ. մամ.:

Պատվեր 1296

Գինը՝ 80 Կ.:

Տիրաժ 20 000

«Հայաստան» հրատարակչություն, Երևան—9, Տեղյան 91:

---

ՀՍՍՀ Մինիստրների սովետին առընթեր մամուլի կոմիտեի պոլիգրաֆ  
արդյունաբերության գլխավոր վարչության № 1 տպարան, Երևան,  
Ալավերդյան փող. № 65: